

*Prohibitus.*

7-C

97

K  $\frac{3}{2}$



ibliotheca  
Coll. Rom.  
et. Jesu

C-19

80.5.27

80

G

29

8-7. C. 97







—

103.

1. 4. 5.

1. 2. 3. 4. 5.



—





HVGONIS GROTH  
A N N A L E S

*Biblioth. E. T. Lev.*

HISTORIÆ

DE REBUS BELGICIS.

*Coll. Rom. Soc. Jesu*



AMSTELÆDAMI,  
Ex Typographejo IOANNIS BLAEV.  
M DC LVIII.

*Cum Privilegiis S. C. Majestatis; & Ordd. Belgica Federatae  
nec non Holl. West-Frisiaque per annos quindescim.*

## D E D I C A T I O.

ea scriptori suo , quam fructus lectori, accedere certissimum est. Adeo ejus cognitio privato utilis, regenti prorsus est necessaria. Hac ope instructi Græci potissimum duces, mirandum, quam respondentia peritiæ suæ, quamque digna aliorum imitatione testimonia edidere : quorum secuti exempla fortissimi aliquando mortalium Romani, & ipsi omnibus populis in exemplum fuere : donec depulsa per literas barbarie , dispersoque cum rerum notitia etiam gloriæ appetitu, nullæ pæne gentes artium pacis , nullæ bellicarum virtutum expertes mansere. Nostra certe, vel potius Vestra , ILLVSTRISSIMI PROCERES, Batavia, eo, quod septuagesimum ultra annum miracuum varietate protraxit , bello , (nam & duodecim annorum induciæ nihil aliud quam arma in loca partim vicina, partim longinqua, transtulere ) ita omnium prudenter de rebus judicantium in se vertit animos , ut diversarum nationum nonnulli , & quidem illustriores, Galli , Hispani, Itali, Cardinales, Duces,

# DEDICATIO.

Duces , aliique , quorum vix inire est numerum, non contenti interfuisse, in quibusdam & præfuisse , etiam ex descriptione ejus sibi famam aucupati sint. Nec sane immerito. Quid enim mirabilius , quam populos , quorum amantem quietis & mercatus animum pleræque gentes , & maxime Hispani, in socordiae partem interpretabantur, contra potentiam illam nullis non regibus formidandam insurrexisse: libertatem vi raptam armis, foederibus, ipsorum denique hostium pactationibus sibi restituisse : quin & reddidisse bellum Hispaniæ , protulisse idem ad Indos & ad novum illum orbem, qui non nisi ad imponendam veteri servitutem detectus , & e tot seculorum caligine erutus videbatur. Et certe præliorum terrestrium artes aliunde forte discentur melius : at pugnarum navalium , obsidionum, tutandarum urbium præcepta nullæ historiæ aut plura dederint , aut meliora. Quare nec indecoram patriæ, nec sibi ingloriam , nec posteritati infructuosam facturum se rem merito

# D E D I C A T I O.

credidit parens noster, si quæ ipse natus in Hollandia , & in aliqua Reipublicæ parte aliquamdiu versatus , partim ex actis publicis, partim ex relatu eorum, qui coram pleraque viderant, de præcipuis hujusce belli successibus potuit cognoscere , colligeret , & in formam Annalium atque Historiarum redacta publico daret. Ut nec Vobis , **P O T E N T I S S I M I P R O C E R E S** , ingratum fore confidimus, si quod facturum fuisse ipsum , nisi obstitissent fata, authorem credibile est, nos hoc Vestris inchoatum auspiciis , Vestræ præcipua Reipublicæ decora continens opus Vestro etiam Illustrissimo nomini inscribamus. Videbitis in eo non ignotarum Vobis gentium, sed ipsorum parentum vestrorum stupendam in utroque genere pro legum & libertatis defensione virtutem , dignissimam , quæ tanto impensa bono, eodem debito constantiæ suæ pretio quam prosperrime frueretur. Videbitis fidele ubique authoris nec aut odio , aut studio corruptum iudicium, adeoque propensum in meritas

## D E D I C A T I O.

tas Nassaviæ domus, Principisque speciatim Mauritiï, laudes animum, ut facile sit eorum convincere errorem, qui falsis hætenus imbuti opinionibus, ea, quæ contra eundem Principem sentire aliquando necesse habuit, alii quam legitimæ imputarunt causæ. Videbitis constantem ejusdem, nec temporum ullis, nec inimicorum labefactatum injuriis, sed talem ad extremum usque spiritum in patriam amorem, quali citra invidiam optari posse arbitramur, ne unquam aut libertas indigeat, aut exigat necessitas. · **D E V S O P T I M V S M A X I M V S**, qui florentissimam hanc ex desperatissimis illis initiis formavit Rempublicam, eandem Vos, **I L L V S T R I S S I M I E T P O T E N T I S S I M I P R O C E R E S**, in omni concordia & justitia tanto cum successu moderari faciat, ut non fortuiti casus prosperitatem eam, sed æquitati semper faventis divinæ benignitatis esse effectum omnes indigenæ sentiant, omnes exteri agnoscant.

AD EOSDEM  
PATRIÆ PATRES  
CORNELII & PETRI  
GROTTII  
SCAZON.

**A** Vguste cœtus, gentis optima præses,  
Quam liberam sui que juris assertrix  
Iustitia fecit, nunc semel manumissam  
Seruet beatam, posterisque transmittat  
Seris præcamur: o Corona regnantum  
Collegiumque quo potentius nulla  
Adspexit atas, post Quiritium leges  
Vni subactas, consulumque vim fractam,  
Recurrit ad vos, unde venerat pridem  
Civisque vester, corporisque pars vestri  
Dum res sinebant, inde ad ultimum vita,  
Qualem hic videtis, conditor stupendorum,  
Quos rettulistis non semel, triumphorum.  
Hoc in theatro, lacrymabili primum,  
Mox latiore, mille cernitis casus,  
Artes nocendi mille. Prodeunt ira  
Insanientes, odiaque, & furens fulvi  
Fames metalli, carnifexque non unus,  
Laqueos & ignes, & (nefas inauditum)  
Vivis parans sepulcra. Sequitur a tergo  
Armata tædis ensibusque Bellona,  
Vltorque Mavors non deest laceffit.  
Hinc tot repente cladibus rubent amnes,  
Vastantur urbes ignibus, probaturque

Satis



Satis superque , per pericla , per mortes ,  
Periculorum funerumque contemtrix  
Batava constans & sui tenax virtus.  
Talem sub alia fabula ferunt Oeta  
Crudele virus , sanguinemque Echidnaum ,  
Omnes per artus , perque corpus Alciden  
Sensisse totum , patrio antequam coelo  
Admitteretur. Per cadavera , & cades  
Ium est ad illud , quo sedetis , o Patres ,  
Sublime culmen , constititque non parvo  
Emersa lacrymis luctibusque libertas.  
Hac tanta tam miranda , charta non mendax  
Ferroque , & auro , & are fortior servat  
Perennitati. Munus hoc damus vobis  
Proles superstes filiiue scriptoris ,  
Hoc etiam habete pignus integri affectus  
Verique amoris Patrique Vstrique.  
Et judicate cum legetis hanc , esse  
Res tot stupendas seculis modo tali  
Fecisse primum , proximumque scripsisse.

# LECTORI S.



Rodeunt tandem in lucem omnibus jam dudum ubique efflagitati Viri Illustris, Hugonis Grotii, Annalium Historiarumque de rebus Belgicis libri; tam sublimi atque inusitato orationis stylique cultu elaborati, cæterisque numeris omnibus absoluti, ut excellentis ingenique literarum flumine inundati viri sit, illorum incomparabilem dignitatem atque præstantiam non æmulatione, quod vix fieri potest, sed intellectu assequi. Et quanquam lubentes confiteamur, cætera quoque tot ac tanta omnigenæ eruditionis opera; quæ ab hoc inexhausto doctrinæ fonte promanarunt, qualibet laude esse majora, ac seculorum memoria dignissima, iisque jam illum jure optimo esse consecutum, ut doctorum consensu rerum divinarum atque humanarum omnium admiraculum usque sciens, eruditionisque princeps habeatur; hisce tamen scribendis perficiendisq; libris omnes cœlestis atque immortalis ingenii sui thesauros præcipue impendisse videtur; tanta in iis rerum actionumque arcana penetrans elucet sapientia; tam naturalis, semper & ubique sibi æqualis, sermonis pulchritudo; tanta rerum pondera constanter exæquans verbo-



borum majestas ; tanta in concionibus , cum rebus, tum personis, supra quam dici potest , accommodatis , eloquentia ; tam accurata denique dispositio. Adeo ut pronuntiare haud vereamur , omnium non modo laudibus , qui res Belgicas scribere sunt aggressi, eximii hujus operis splendore tenebras obduci ; sed & ipsos antiquorum gravissimos disertissimosque , quibus, tanquam Historicorum dictatoribus, a tot jam seculis totus eruditorum orbis merito assurrexit, Salustios, Livios, Tacitos, & si qui hisce annumerari merentur , brevitatem , pondere, genio, flumine, pompa , in præstantiæ vocari certamen ; cum quæcunque in singulis optima atque cuique propria sunt ; hic beatissima divinæ naturæ ubertate, inimitabili quodam modo, in unum conjuncta conspiciantur. Istam porro horum Annalium Historiarumque admirabilem dignitatem vehementer quoque exornat illa, pluribus rerum gestarum scriptoribus adeo sæpe falso promissa, intemerata prorsus auctoris ubique in narrando fides ; quam neque abruptus religionis suæ amor , neque tot scriptores transversos agens partium studium , non metus, odium aut gratia a vero unquam flectere potuit : neque efficere quominus fociis, hostibus, amicis, inimicis nullo discrimine habitis , unicuique pro meri-

ris candide sua persolverentur præmia. Quicunque igitur hos libros leges, ac Populi Batavi ejusque gloriæ vere es amans, illi nobiscum gratulare, quod, sicuti omnipotens ac supra spem ipsaque vota cœptis suis aspirantis Dei auxilio, a tam exiguis initiis, invicta semper hostibus fortitudine, ad tantam magnitudinem atque majestatem provexit rempublicam suam; ita ejusdem divinæ benignitatis inestimabili dono incomparabilem hunc sibi genuerit civem, qui tam sublimi, ipsisque Atticis Romanisque Musis dignissimo charactere præclara incredibiliaque, pro asserenda avita libertate, domi, militiæ, terra, mari patrata sua facinora æternitati consecrarit. Nos interim neque sumptui, neque labori parcentes operam dabimus, ut omnia egregii auctoris opera, edita ineditaque undique conquistata, apte in ordinem digerantur, atque elegantibus typis descripta in manus hominum quam emendatissima perveniant. Vale.



S. CÆ-

# S. CÆSARÆ MAIESTATIS P R I V I L E G I U M.

**F**ERDINANDVS TERTIVS divina fa-  
uente clementia, electus Romanorum Imperator semper  
Augustus, ac Germania, Hungaria, Bohemia, Dalmatia,  
Croatia, Sclavonia, &c. Rex, Archidux Austria, Dux  
Burgundia, Carinthia, Carniola & Wirtenberga, Comes Tyro-  
lu, &c. Agnoscimus & notum facimus tenore presentium  
Vniuersis, quod cum Nobis Noster & Sacri Imperii fidelis di-  
lectus Petrus Grotius humillime exponi curarit, Patrem  
quondam suum Hugonem Grotium diuersa opera tam in  
Ecclesiasticis quam Politicis scripsisse, partem etiam eorum  
in publicum dedisse, daturum etiam reliqua, nisi fata inui-  
dissent. Cum igitur ipse a compluribus requisitus, omnia ejus-  
dem opera, in diuersos Tomos distributa, uidelicet: Tomo  
primo, Annotationes ad vetus Testamentum. Tomo  
Secundo, Annotationes ad Novum Testamentum. To-  
mo tertio continente diuersa Opuscula Theologica, ut  
sunt, de Veritate Religionis Christianæ. Pietas Ordi-  
dinum Hollandiæ. Eorundem Ordinum Decretum  
cum Notis. De satisfactione Christi contra Socinum.  
Disquisitio, an ea Dogmata sint Pelagiana, &c. De fa-  
cto. De Cœna celebranda, ubi Pastores non sunt. Notæ  
ad Cassandrum. Animadversiones in animadversiones  
Riveti. Votum Pacis. Discussio Apologetici Rivetiani  
de pace. Notæ ad Decalogum. De Fide & Operibus.  
De Anti Christo. Appendix adversus Borbiniam. Con-  
jecturæ de Gog & Magog. Tomo quarto Politica;  
Tractatus de iure Belli & Pacis. Apologeticus Re-  
ctorum Hollandiæ. De Imperio Summarum potesta-  
tum circa Sacra. Oratio super hac materia. Amstelo-  
dami habita. Tomo quinto Iuridica; Introductio ad  
Iurisprudentiam Bataviam. Florum Sparsio ad Ius  
Iustinianæum. De mari libero. Tractatus alii varii. To-  
mo sexto Historica; Annales, & Historiæ Belli Belgi-  
ci. De antiquitate Reipubl. Bataviæ. Obsidio Grol-  
læ. Notæ ad Procopium. Disquisitio de Origine  
Americana. Tomo septimo Philologica; Notæ ad Mar-  
tianum Capellam. Ad Arati phænomena. Ad Lucanum.  
Ad Senecam Tragicum. Ad Tacitum. Tomo octavo  
Poët.

Poëtica ; Anthologia Græcorum Epigrammatum. Excerpta ex Stobæo. Excerpta ex Tragædiis & Comædiis Græcis. Tragædiæ Phœnissa, Electra, & Supplices. Tomo nono Poëmata Latina tam edita hætenus, quam nondum edita, cum Epistolis. *in inferiori Germania Provinciâ sub uno typo & forma excudenda curare decreverit : Id autem cum operis & laboris tum sumptuum, qui eo requiruntur, neque ipse nec quisvis alius in se recepturus sit, nisi privilegio Nostro prohibitive munitus, quod nemo alius dicta opera intra quindecim annos in Sacro Romano Imperio recudere, vel alibi excusa eodem venalia importare debeat : Atque idcirco demisse Nos rogavit, ut sua hoc loci indemnitati privilegio Nostro Casareo consulere dignaremur : Nos sane humilissimis id genus precibus deesse nolentes, omnibus & singulis Typographis, Bibliopolis, ac aliis quamcunque librariam negotiationem exercentibus firmiter inhibemus & vetamus, ne quis supra memorata Hugonis Grotii Opera per quindecim annorum spacium a prima editionis die computandum, intra Sacri Romani Imperii, Regnorumque & Dominiorum Nostrorum hereditariorum fines simili aut alio quopiam charactere vel forma, sive in toto, sive in parte recudere, aut alii recudenda dare, vel etiam impressa adducere, vendere, distrahere aperte, vel occulte citra voluntatem & consensum præfati Petri Grotii, ejusque hæredum præsumat. Si quis vero secus faciendo privilegium hoc Nostrium Casareum spernere, negligere, violare, aut transgredi conatus fuerit, eum non solum hujusmodi libris, perperam quippe recusis & adductis ; quos quidem supradictus Petrus Grotius hæredesve ipsius ubicunque deprehensos vel propria autoritate, vel Magistratus loci illius auxilio sibi vendicare poterunt ; de facto privandum, sed & pœna insuper triginta marcharum auri puri Fisco Nostro Casareo fraudis vindici, & injuriam passi seu passorum usibus ex aquo pendenda, decernimus, irremissibiliter plectendum. Hac tamen lege, ne in dictis operibus aliquid bonis moribus, aut legibus Imperii contrarium aut noxium contineatur. Ac præterea declarantes, quod si quid in iisdem doctrina unius vera Salvifica Catholica Romana Religionis adversum contineatur, id nequaquam per hoc privilegium approbare, sed in hoc pacis religiosa placitis solummodo inharere intendamus. Dummodo etiam prædi-*  
*ctis*

*Etus Petrus Grotius sive ejus haredes ad minimum quater-  
na dictorum Operum exemplaria , vel pretium eorundem ,  
quod in electione Nostra erit , quamprimum suis sumptibus  
ad Imperialem Cancellariam Nostram ejusdem destinato  
Taxatori transmittunt. Quod si neglexerint , hac Nostra  
gratia & privilegio neutiquam gaudere poterint , sed eo sta-  
tim privati, & exuti esse censeantur. Proinde mandamus  
Universis & singulis Nostris & Sacri Imperii, Regnorumque  
& Dominiorum Nostrorum hereditariorum subditis &  
fidelibus dilectis, cujuscunque Status , gradus, conditionis ,  
atque praeminentia exstiterint, praesertim vero iis , qui in  
Magistratu constituti sunt , ac vel suo , vel superiorum suo-  
rum nomine & loco Iuris & Iustitia administrationem ex-  
ercent , ne quengquam hoc Privilegium impune violare pa-  
tiantur , sed si quos dolose vel contumaciter eidem contrave-  
nire compererint , praescripta poena plecti , & quibuscunque  
recte fieri potest modis coerceri curent, quatenus & ipsi gra-  
vissimam Nostram & Sacri Imperii indignationem ac ean-  
dem multam incurrere noluerint. Harum testimonio lite-  
rarum manu Nostra subscriptarum, & sigilli Nostris Caesarei  
impressionem munitarum. Datum in Civitate Nostra Impe-  
riali Ratisbona , die altera mensis Octobris , Anno Domini  
millesimo sexcentesimo quinquagesimo tertio. Regnorum  
Romani decimo septimo, Hungarici vigesimo octavo , Bohe-  
mici vero vigesimo sexto.*

**F E R D I N A N D U S .**

**V. FERDINANDVS COMES CVRTIVS.**

*Ad mandatum Sacra Caesarea  
Majestatis p<sup>ri</sup>um*

**. I. W A L D E R O D E .**

HUGONIS GROTII  
ANNALIVM  
BELGICORVM,

Ab habitu Philippi Regis,

LIBER PRIMVS.



Ellum scribere institui; nostris temporibus nobilissimum: quod sociale haud immerito dixeris, dum Hispani Belgæque, fueti iisdem imperiis populi, & iisdem sæpe in armis victores, inter se concurrunt; quanquam

& civilis in speciem transiit, inventis domi partibus, sub Principis & legum nomine. Regendi seu pugnandi artes spectamus, nulla fecundior exemplorum materies; nec unquam tam iniqua contentione, tandiu acriterque certatum. Iacta multo ante hostilitatis semina miseris, & postquam auxit, vim & fraudes potentiorum, infirmorum desperationem, nova fœdera, & intus iterum dissidia, externas denique gratias infelicitè quæsitæ. Quibus accessere reliquum in tempus oppidorum & castellorum expugnationes, infesti exercitus, nonnunquam & prælia, maris cursus, longa obsidia, nullum belli genus sine insigni documento. Sed hæc palam visitata ex quo firmatæ res partium, & cuncta in vim verterunt, facilius assequar, quæ

A

&



& ipse propiora habeo, & alii non item præcere. Priora belli secretis incerta, casibus turbida, claros scriptores jam habent, etiam Latino sermone. Sed quando sine his ne illa quidem satis intelligas, haud incongruens reor tumultuum causas; & quæ initio abusque intercessere, supra repetere, ut brevi inspectu, quid cuique consilii cum eventu comparetur. Est sane ea rerum gestarum magnitudo, ut peregrina etiam ingenia in scribendi curam adverterit; sed hoc nos magis adversus patriam ingrati, posterum commodis invidi tenemur, si, quæ tanto propius datum cognoscere, exactiori memoria fraudamus. Nam & nostratum plerique scriptores vanis rumoribus & incompertis, ut quæque partium studio vulgabantur, credulitatem legentium decipere: tum si cui vera noscendi cupido, aut occasio fuit, contentus & hic velut diurna componere. Mihi populi motus, & rebus præfidentium meditamenta, & unde profecta dominatio, ubi desierit, aperire animus.

Quæ gentes Rheni insulam & utrinque ad sita; ad fretum usque Morinorum & Amasium flumen, colunt, hinc ad Germaniam, inde ad Belgicam veterem pertinent. Sed Germanica plerisque origo, & lingua: unde una cura belli & libertatis; donec commercia & suas artes Romani invexere, socii aut victores. Mansit tamen armorum laus, sub auxiliis interim & per rebellionem exercita virtute. Post ubi plurimæ nationes, velut signo dato, orbem Romanum irrupere, omnis hic tractus in jus Francorum concessit; donec scissa potentia, pars penes Galliarum dominos, pars penes Imperatores Germanos adhærere. Vtrique autem, præter civitates sacro-

sacrorum reverentia dicatas Episcopis cum primum Christianorum nomen invalesceret, quod longius ipsi aberant, præfectos dedere, qui regerent, tuerentur, Comitum, Ducum aut simili vocabulo. Duces ad bellum missi vocabantur, quibus Comites attributi rationes procurabant, judiciis præsidebant. Sed hi atque illi, sua virtute, Provincialium studiis, Regum socordia, vix credibile est, brevi quantum rem auxerint: Iam primum cunctis benefaciendo, sibi auctoritatem, & potentiam comparare: nec in bello audacia major, quam pace religio & æquitas erant. His artibus muniti, pro præfectura, perpetuam atque hæreditariam ditionem obtinere. quod eo facilius concessum est, quia ingruentibus bellis pericula cuncta promptius adituri erant, si res suas defenderent. Ea enim tempestate, maria & littora pene omnia Danorum & Normannorum classibus obsidebantur. Non multo post, metu aut gratia exempti clientelæ, aut fracta vi majoris dominatus, etsi imaginem retinebant, summum & legitimum imperium populi benevolentia stabilivere. Secreti Principibus agri, vectigalia modica, sed tamen ad dignitatem sustinendam satis: nam avaritia, luxus, & quæ alia mala haud ita pridem invaluerunt, procul habebantur. Sola imperitandi libido aderat, antiquissimum malum. Hinc inter se, aut cum finitimis perpetuò bellarunt; suo, non externo milite. Nam pro tutandis finibus certatim omnes excubabant: si ultra Principem duceret gloriæ cupiditas, ne tum quidem impigre sequebantur, spe laudis & præmiorum. Nobilitati à victoribus agri clientelares dabantur, oppidanis immunitas, sua iura,

leges, magistratus, munimenta libertatis. Nec ante accepti in imperium successores, quam munera hæc, quibus data erant, jurejurando affirmassent. Penes utrumque ordinem, nobilium & oppidanæ plebis, reipublicæ cura antiquitus fuit: quibusdam in locis accessit tertius, sacerdotum. Hi legationibus, ubi necesse erat, coibant: hi maximis de rebus consulebantur: nec nisi cunctis volentibus indicere tributa, statum qui erat rerum mutare, ne numini quidem pretium novare fas erat. Adeo cavebatur, etiam cum boni Principes essent, ne malis fieri liceret. Munera publica nobilissimus & optimus quisque, civium ex numero, administrabant; peregrini aula, curia, honoribus arcebantur. His moribus, atque hac republica diu æquo jure agitatum est: Inde paulatim exortæ seditiones florentes & divites populos attriverunt; donec per multas victorias, affinitates, pactiones, plurimæ gentes in Burgundionum ditionem concessere. Qui orti domo regnatrice, pugnaces, callidi, conari plurimum posse, primorum discordiis armare potentiam, his minari, dare illis, polliceri. Ita brevi cuncta eo vergere ubi pœna & merces erant, promptumque promiscuæ licentiæ vim destruere, egregio juris ordine, Francicum ad instar. Nam & suus cuique nationi senatus, & pluribus commune judicium Machliniæ imponitur, quo facilius unius civitatis speciem acciperent. Institutum & collegium aureæ pellis nomine, quo adseitos undique qui genere illustres & meritis spectabantur, decus sibi ac præsidium Principes circumdedere. Ius populi inter has artes Ordines tuebantur, quos cunctis ex nationibus commune in concilium acciri,

acciri, depletum bellis ærarium, aut quæ alia necessitas, sæpe flagitabant. Eo missi fortia sæpe pro republica, &, quod addebat audaciam, ut mandata loquebantur. neque vero arces, aut pace miles, nisi pauca præsidia finibus extremis & Gallorum mobilitate suspectis: simul adversus subita, trium millium equitatus; flos ipse nobilitatis, quos popularium clarissimi regebant. At nulla classis, cum privatarum navium copia, etiam improvisos ad usus, sufficeret. Transfuso hoc fortunæ cumulo in Austriacam familiam, quanquam accessione Hispaniæ vis increvit, mita imperantium ingenia, potentiam temperando auxere, qua arte libertas, magis etiam quam vi, expugnatur. Nam in cogentes resistendo crescit ferocia; comitati & mansuetudini ultro subitur, donec corruptis licentia moribus, concedi solita imperantur, ex obsequio servitium fit. Interea abstentiæ ab armis plebi opificia & negotiandi commoda ostentantur, augendorum vectigalium, & ut innoxii atque florentes privati cura publicum exuerent. Maximum incrementum Hispanica conjunctio attulit. Sed jam tum prudentiores, cum opes imperantium nimium prævalescere, Hispanorum è moribus, quos bellorum commilitio inspexerant, ac sua diversitate mutationem rei publicæ formidine quadam augurabantur. Nam dum finitimæ gentes pari origine, studiis iisdem accreverunt, facile tum fraterno jure inter se agebant; Hispanis Belgisque diversa pleraque: & quibus conveniunt acrius colliduntur. Bellica virtute cunctis à sæculis utrique insignes, nisi quod hi desueverant, illi per Italicas & transinarinas expeditiones longa disciplina &

præmiis excitabantur. Sed Belgæ attenti sane, & quæstus studio laborum tolerantes, pacem ideo & commercia expetunt; non tamen ut injurias ferant. Alieni nulla gens abstinentior; sua fortiter defendunt. Inde una orbis regione creberrimæ urbes, munitæque ad mare primum & amnes, passim postea, convenarum & sobolis multitudine. Ita post depulsam septentrionis rabiem, octo per sæcula mansere, externis armis invicti & indirepti. At Hispaniæ, postquam sub diversis victoribus multum de eorum moribus traxerat, tandem ad Gothos possessio rediit: quos, ex quo originis sedisque miscuerant ingenia, nobis prisca novique auctores describunt, animi adversus labores & pericula invicti, dubium gloriæ an opum avidiores, usque ad aliorum contentum superbos, sacrorum quidem venerabundos & beneficiis haud infidos, sed ultione adeo flagrantes & victoria efferos, ut in hostem nihil turpe sit, nihil illicitum. Adversâ hæc Belgis, genti innocenter callidæ; cæterum Germaniam inter & Galliam, ut positum loci, ita moribus temperatæ, non extra amborum vitia, non sine virtutibus. Haud facile fallas: haud temere insultes. Nec divinorum cultu Hispanis olim cessisse indicio est, quod unanimis, ex quo Christum semel induerant, non Normannorum armis adacti ut professionem mutarent, non ullo infecti damnato antehac errore, tantum pietati impenderunt, ut necesse fuerit sacrorum ministris possidendi modum præscribere. In universum utrisque insitum colere Principes, & admirari: sed Belgæ leges supra putant; quo obtentu sæpe turbatum. Castellani regnari amant, aliquanto quam nonpul-

la gentes addictius; & tamen, quantamcumque usurpant ipsi libertatem, in aliis non ferunt. Maximum hinc periculum, quodd, veluti in duo Imperia divisa Principum sollicitudine, nec Belgæ gratia superiorem ferre quenquam poterant, nec Hispani parem. Cunctis sane populis qui dominandi libidine aguntur, ubi prima successerint, proximum, socias nationes suas sub legestrahare, præfectos & iudices dare, imponere tributa, ut communium virium penes ipsos usus & arbitrium sit. Ita tum Hispani, soliti Italiam regere, Americam perpopulari, in Belgas, qui Principum successionem velut æquo fœdere coierant, jus idem, aut causam belli quærebant. Neque exciderant animo Adriani Florentii, qui mox Pontifex Romanus, sancti quidem & probi, sed Batavi tamen, invidiosa per Hispaniam auctoritas; Croiæci fastus, & Cevrii rapaces manus, quos penes cuncta sacerdotiorum, honorumque venalia: quæis vix per arma vitæ, reposituri vicem haud inique sibi videbantur. Assentando igitur validiores irridere vanam imperii imaginem, ubi Magistratus populi esset beneficium, ubi vix tenuem ad res magnas pecuniam Principes eblandirentur: Frustra sanè trans mare Oceanum & trans mare Tyrrhenum terminos ferri, si dominis apud suos serviendum sit. Nec tamen illos flexere, quos in Belgica eductos patriæ caritas & nota gentis modestia devinxerant. Quanquam Carolus Imperator de vertendo statu, componendisque in regnum civitatibus seriò consultavit: præsertim ex quo Flandriam Atrebatæque, ab omni Francorum jure liberatos, victoriæ Tici-nensis habuerat pretium. Sed diversis moribus,

institutis, legibus deterritus est, nec tollere audebat. Enimvero provincias Hispanorum facere adeo noluit, ut contra sæpe testatus sit, si illorum superbia cum harum gentium patientia committeretur, periculum ingens imminere: increpito & filio, qui inter Hispanos nutrita indole, oportunitates harum regionum, ingenia populorum non perinde nosset, aut etiam contemneret. Ipse æquus virtutum iudex pariterque honorum, eundem omnibus populis Principem agebat, haud diuturna passus quæ novo regno usurpata Hispani querebantur; Belgas vero præsens, si res ferret, aut per proximas necessitudines curans. Ei qui Principis vires tuebatur, triplex consiliantium classis aderat: Vni confessui permissum belli, pacisque regimen; Alteri legum cura, æquitatis temperatio, & in publicis nationum controversiis iudicandi potestas; Tertio ærarii & principis opes, ac necessitates. Primum illum cœtum ex nobilissimis Belgarum componi solitum, rerum quoque tractandarum magnitudine eminentem, senatum proprio nomine dicemus. At Philippus inter regna & adulantes acta juventute, ad hæc induta gravitate austera, parsimonia verborum, turbæ fuga, formatus Hispanorum ad mores, ne sermone quidem alio adibatur. Pertracto igitur patre, ut privato otio senectam conderet, illum rebus imponere festinant: cui avita dominandi cupido, nondum experimentis repressa, haud facile finem aut modum patiebatur. Neque vero dubium est, quin pulcherrimum imperii instrumentum Hispanorum fidem ac virtutem crediderit. Quanta regiis ingeniis cupido incedat subruendi leges, quæ vim

po-

potentiæ infringunt, insignes principum aut populorum ruinæ vetera ac nova documenta extant. Idem Philippi studium quidam postea & Hispanorum populi sensere. Sed Belgæ (ita descriptas ante gentes ex maiore sui parte nominabo) fracti quidem jam ut parerent; sed violenti imperii ne tum quidem patientes, eo maiore cum usu frenum accepturi erant, quod egregiæ hinc occasiones in proxima regna terra marique sperabantur. Nec irarum semina aberant. Nam cum Gallicum bellum; domestico certamine, quam populi ex usu, Philippus suscepisset: concessa post cunctationes & ambages à communi Ordinum indictio, quasi negare licuisset, præscripta insuper lege ut ipsi quæstores tributo darent, apud insuetum vel modicæ libertati in crimen trahebatur. Ex eo conventus Ordinum, velut coitionem interpretatus, districtè inhibuit. Nec dubitabant Hispani offensam accendere, obtritis legibus viam ad honores, pars & in rapinas affectantes. Prudentes ergo quanti esset usus Principes possidere, quorum præsentia ante subnixi Belgæ non se modo, sed & Hispaniam sæpe rexerant, firmata pace Gallicana, iter Philippo in Hispaniam, ceu potiora imperii, persuadent, tum quia turbas in eo regno & Turcam mari valescentem metuebat, tum ut Americæ thesauris propius incubaret. Etiam eo tempore nobilitas magnifica, dignitate eximia, sed attritis opibus erat, suo luxu, an Principum dolo, qui specie honorum præstantissimum quemque sumptibus exhauserat. Industria, comitate, solertia anteibat alios Wilhelmus, successione Cabelloniæ domus Princeps Arausionensium in Provincia Gallica;



sed origo illi à Nassavia, Germanica gente, quæ olim Austriacis æmula imperii certamine: deinde in victricis familiæ clientelam concessit. Prima hic ab infantia segregatus à patre, qui Germanicam religionem profitebatur, alumnus aulæ, intima apud Carolum admissione, belli ductu & maximis legationibus addidicerat regimen: Aderat antiqua gentis claritudo, possessiones per Belgicam amplissimæ, animus ingens & celans sui, par animi magnitudini consilium, & quantævis fortunæ capax; crudelitas & avaritia nullo ab ingenio longius abfuerunt: Validus rerum etiam remotissimarum indagine, fidaque rerum omnium memoria, apud subjectos multis illecebris potens, præfecturam habebat Hollandos cum Zelandis & Trajecto. Ea autem potestas & juris & armorum intra datos fines curam complectitur. At Lamoralis Egmondæ Comes, Flandriam & Atrebatem regens, apertior ingenii, & militari-ter ferox, multum rebus suis, multum famæ credebatur, egregiis ad Quintini fanum & Gravelingam de Gallo victoriis, laudem & gratiam meritis, nisi nimium imputasset. Hi duo cæteros gloria & munere antebant. Nam Brabantia proprio rectori non paret, communis imperii sedes: cæteræ præfecturæ infra sunt. Maris imperium, quod per se splendidum est, Mommorantius illustrabat Hornæ Comes, inclita Gallorum stirpe. Hos viros tantos atque tales amoliri Hispanis necesse erat, antequam Belgicæ potirentur: idque eo facilius factu videbatur, quia dum dignitati student, & cum Hispanorum fastu concertant, magnam rei familiaris jacturam fecerant: itidemque primo-

res

res reliqui, neutiquam pari opulentia; minorum autem gentium plerique luxu aut inopie militia etiam fidem consumpserant. Quibus illi angustiis non ex spe inimicorum continuo de potentia dejecti sunt, sed industriam & vigilantiam intendere, ut quovis modo dignitatem tuerentur: multi publica mala suis remedium, aut obtegumentum quærebant, parata dissidiis turba, &, ut cuique plurimum spei aut desperationis erat, in partes transgressura. Sternebant Hispanorum audaciæ gradum Belgarum inter se procerum certamina, & discors studiis nobilitas, dum pars Arausionensem & quos jam diximus, alii domus diversas sectantur. At plebi odium belli, malorum tolerantia, amor quietis, honorum fuga, studium omne circa mercaturam, & convivia erat, ut quærent pecuniam, prodigerentque. Sed hominem cædi & cruciari ob qualemcunque Dei cultum, etiam quibus ea crudelitas formidini non erat, miserabantur. Diu tamen inter gemitus & lacrymas dolor stetit, antequam rectorum artibus eliceretur. De ejus rei, quoniam armis causam apud aliquos, apud alios speciem dedit, origine altius disseram. Christianam religionem, sola quondam simplicitate venerandam, mox aggregati diversæ Philosophiæ professores, suæ quisque doctrinæ placitis; Iudæi, Græci, alii, patriis cæremoniis instruxere: quo majestatem sacrorum, haud frustra repperitam, meliores ad usus verterent. Sed hæc libera diu, & privato singulorum aut Ecclesiarum arbitrio sumpta, paulatim aucto usu, docentium facundia, conciliorum suffragiis in legem ac necessitatem mutata; subnascente temporum

barbarie, perque cæcas disputandi ambages facile defendebantur. Atque interim Romani Episcopi maximæ semper auctoritatis, amotis Afiæ Ægyptique urbibus & æmulatrice Byzantio, regnum quoddam sacrorum, sibi que summam imperii, Cardinales assessores, inde longam potestatum seriem stabiliverunt; detrectante nemine, quia pleræque Europæ gentes mores Christianos missis Roma formatoribus acceperant. Hinc Latini passim ritus & in sacris sermo. At illi postquam divina sui juris fecerant, nova edere decreta, vetera interpretari, sacros libros vulgi manibus excutere, perniciosum dictantes si rei maximæ judicium indocta curiositas acciperet. Ita promptum cuncta suos ad honores & quæstum componere: sacerdotumque licentia eo vitiorum deventum est, ut remediis opus & ipsi faterentur. Sed subita litterarum luce, quæ novo vulgandi reperto sæculorum caliginem dispulerat, exstiterunt, qui ceteris cum artibus purgare religionem polliciti, res cunctas sacrarum ad litterarum testimonia revocarent. Gratum id populis, qui suntuum & injuriarum pertæsi, simul gaudebant, quod non anxia formidine cæcove obsequio, sed fiducia majore, ac paucioribus præceptis sperare cælum jubebantur. Ne principibus quidem nolentibus erat infringi sacerdotum potentiam, quæ jam & regale fastigium sibi subjecerat. Sed ubi conspectum est, non hæcere manum vulneribus, ingenia turbida intervenire, quæ nihil quietum paterentur; publice impetranda privatim sumi; jamque inter ipsos discordiam, nec esse qui judicio componeret; quanque non facilis convelli illa tot  
sæcu-

sæculorum compages; displicuit incomposita  
 rerum facies, ut ad coercendos plebis animos  
 non idem valitura. Iamque resuscitata Hussi  
 per Germaniam, Wiclefi per Britanniam, Val-  
 densium per Galliam placita, inde in Belgicam  
 transnota, conventu incolarum, contactu ex-  
 terni militis, commerciis denique vulgaban-  
 tur. Cæterum plurimas impias atque nefarias  
 sectas inducta semel mutandi licentia invexit.  
 Nec aliam fuisse terram id genus monstrorum  
 per hæc tempora Belgica feraciorem, facile  
 crediderit, si quis probrosas in Christum Davi-  
 dis Delphici, & seditiosas Ioannis Bucoldi  
 Lugdunensis sententias penetraverit. Quorum  
 Batavus uterque: cælestis afflatus simulatione,  
 vitreorum ille pictor; vitam haud inopem se-  
 ctamque sibi supersitem paravit; vestium con-  
 cinnator alter, regnum apud Monasterienses, &  
 bellum, quanquam infœlici exitu, molitus est.  
 Sapientissimos ego Principum comperio in di-  
 versos religionum, pro magnitudine erroris,  
 pro numero peccantium, remedia constituisse.  
 Vbi vires æquaverant, geminæ interdum sectæ  
 in publicum accipiebantur, acri legum custo-  
 diâ, nequid eo obtentu turbarent. Alias, quos  
 auditos Imperator & concilium damnaverant;  
 ejecti templis, aut, si qua suspicio gravior, et-  
 iam privatis cœtibus arcebantur. Nec illos pla-  
 ne damnaveris, qui prava & moribus noxia do-  
 centes exilio, aut honorum facultatunque  
 ademtione mulctaverunt, donec paulatim me-  
 lioribus assuescerent. Sed penes magistratus id  
 iudicium, qui tali cognitione non suas injurias  
 exsequebantur. Sacerdotibus permissum, im-  
 prudentia devios corrigere, & sacrorum parti-

ticipatione arcere. Tum vero legitimus cognoscendi ordo ; facta arguebantur, cogitata impune erant. Sed in sanguinem sævire eorum, quos Dei communis & imperantium reverentia teneret, Episcopis inhumanum, nec Principibus tutum videbatur. At Romani Pontifices, sensim eo egressi, ut jus solertia partum terrore munirent, quæ Principes, formidini suæ nimium faventes, in perduellionis reos dura atque acerbâ constituerant, eadem voluere in eos, qui decretis suis obluctarentur, ut Deo rebelles, usurpari. Nec tantum Episcopis injunctum suam ditionem lustrare ; sed &, quæ res initium cœpit ferme ante hos annos quadringentos, mos ipsis, quo visum, insuper permittere quæsitores amplissima potestate: Hi adseffores sibi pro arbitrio adsciscere, quosvis, quacunque in potestate constitutos, Sacramento interrogare. Ea arte non domuum modo, sed & animorum arcana penetrantur ; cum ut quisque perjurii metuens, ita se maxime prodat. Quanquam & alias latere vix possunt, quibus ante Divum simulacra, panemque sacratum in templo, aut ubi publice circumfertur, procumbere religio est. Suspicio ad carcerem, indicium leve ad torquendum satis. Nec saltem testes audire reo, aut refellere, concessum, quasi testibus ipsis ac veritati inde periculum foret. Iudicibus profanis permissum, duntaxat sacerdotali sententia damnatos punire : quorum multi suppliciorum sævitia, velut pietate, certabant. Alii, qui providerent istum judicandi ordinem non odiis tantum, sed & avaritiæ, patere, quippe cum bona fisco cederent, nec sine quæstu delaturæ exercerentur, eripi sibi notionem non ferebant. Sed  
 omnium

omnium acerrime per Hispaniam quæstiones habitæ: electis ei ministerio monachis è Domini familia, veteri instituto adversus Hebræos & Mauros; qui, coacti à regibus Christianos ritus subire, ad ejuratos errores furtim relabebantur. Quod primo haud ingratum barbaricarum gentium odio, inde promiscue cunctis incubuit, mira indagandi sagacitate: custoditi quippe sermones, etiam silentium, fallaces amicitia; & à latere accusator: ut jam facile appareret neminem esse tam innocentem, qui illis invitis posset salutem & dignitatem tueri. Quod non ad invidiam auctum, sed ex vero tradi, haud diffitebuntur, qui audierint in Hispania, & per omnem ferè Italiam, gravissimos motus, ejus Inquisitionis causa, ab hominibus Romanæ Ecclesiæ addictis, quin ipsa in urbe Roma, excitatos. In Belgica de religione primus omnium Carolus edixit, postquam auditum in Wormatiensi Germaniæ conventu Lutherum damnaverat; à mulctis ad sanguinem ventum est; ob judicium lenitatem repetitæ septies, & intentæ leges. Cautum inter cætera, ne qui libri, nisi Lovaniensibus magistris laudati, in vulgus exirent: eorundem ad præscriptionem juventus institueretur. Qui de litteris divinis dissertassent, privatis coetibus sacrorum causa interfuissent, in viros gladius, in foeminas sub terram defossio statuitur, publicatis bonis; ita tamen, si prius culpam agnoscerent: nam in pervicaces flammis vindicabatur. Etiam siqui falsæ opinionis deprehensi, cætera insonites, resipiscerent, ab omni dignitate arcebantur. Qui hospitio juvissent, & qui non indicassent, nocentum pœnis suppositi: contra, excitandis

citandis delatoribus impunitas, & præmia. Multa in suspectos & profugos acria, sæviora in relapsos: territique pœnis iudices, ne specie miserationis leges inflecterent, etiam Inquisitoribus, quos Cæsar mandatis instruxerat, auxilio esse jubebantur. Sola Antverpiensium civitas, quam egregie cum obsequio temperata libertas ad summas opes evexerat, ausa conqueri Germanos ac Britannos, bonam commercii sui partem, ista edicti severitate fugari, obtinuit ut advenæ paulo laxius haberentur, & ne sua in urbe valeret pars illa edicti, qua alienationes & testamenta delinquentium etiam ante iudicium rescindebantur, ingens mercaturæ turbamentum. Ea jura dictata ab ingenio alias non immiti, quo minus miremur, vis religionis facit, dissentientis impatiens: quæ, cum molliendis federandisque animis valere deberet, facta est humanæ imbecillitatis vitio, acerbissima odiorum materia. Ad hoc plerisque tum Principibus infixum, unum reipublicæ corpus una religione velut spiritu contineri, sacrisque, ut humanis legibus, ita optime constare rationem, si multitudini non reddatur. Quo facilius Cæsari, post Germanica exempla, persuasum, proculcata sacerdotum reverentia ne ipsi quidem mansurum obsequium, brevique pœna opprimi posse virus, quod alimentum haberet licentiam. Sed contra eventus fuit, effecto ut perirent multi, plures succrescerent. Ea nimirum, quæ corpore exercemus, mortis & cruciatuum metu, vi atque imperio obnoxia sunt: verum animus, ut est liber & immortalis, si quid per se arripuit, non ferro, non igne eviceris: quin ipsa invitant pericula, beatumque & gloriosum habetur,

habetur, extra sceleris conscientiam crudelia atque invisa perpeti, cui rei documento sunt & veteres Christianorum res, & hæc tempora. Nam post carnificata hominum non minus centum millia, ex quo tentatum an posset incendium hoc sanguine restingui, tanta multitudo per Belgicam insurrexerat, ut publica interdum supplicia, quoties insignior reus, aut atrociores cruciatus, seditione impedirentur. Atque hæc moverant Hungariæ reginam, quæ fratris Caroli jussu Belgicæ præsidebat, ipsum in Germania adhuc hærentem coram accedere, & edocere, in quantam stragem processissent illæ quæ remedia dicebantur. Quæ Philippus nihil territus, patri cœpta instantius urgebat; asperatis edictis, aliaque remedia moliendo quæ vetustescens malum opprimerent. Causa, supra communes alias, hæc propriè conjectari potest, quod ipse Pontificis Romani auctoritate ad res multas uti statuerat: Nam cum is regna dono dare, jus, fas, æquum ex usu temperare, consensu tot gentium obtineret; dum ipsum obsequio, proximum quemque largitionibus suum faceret, fiducia atque obtentus in hoc abunde videbatur: Tum verò suis ipse paternisque experimentis didicerat, quam grave esset illam potentiam habere adversam, à qua veniam etiam bello victores precantur. Is erat rerum status, hi populi mores, cum Philippi Regis discessu de summa præfectura certatum est. Non erant infra hanc spem Arausionensis & Egmondus; sed omissus uterque hoc obtentu, ne, prælato altero, perpetuis simultatibus distraherent rempublicam. Tum inter foeminas ambigebatur, Christiernam, cui maritus fuerat Franciscus




ciscus Lotharingæ Dux , avunculus Carolus Cæsar ; & Margaritam , quæ ipsi Carolo extra conjugium nata, Alexandro priinum Medicæo, inde Octavio Farnesio Parmensium Duci nupserrat. In Christiernam promotæ Arausionensis & Belgarum studia ; sed contra tendebant Ferdinandus Alvares Toletanus Albæ Dux , & Antonius Perenottus Granvella Atrebatum Antistes , quos patri individuos quondam rerumque maximarum ministros eodem honore Philippus amplectebatur. Albanus Hispanorum genere inter primos, multis in locis summus armorum arbiter , insignes Cæsari victorias , sibi inclitum nomen paraverat. Perenotti Pater Nicolaus Burgundus , quantò ortu humili, tantò obsequiis promptior , pervigili industria , artes aulæ, consiliorum arcana, sigillum Cæsaris adeptus , functusque per annos viginti , eadem filio reliquerat. Sed ut Albani ferum ac superbum , ita subdolum Perenotti ingenium , dum Principis magnitudini studeret nihil ultra pensi habentis , totidem gentes, quot utrumque novere , incusant ; præcipue Germani , qui Landgravii vincula non aliis imputantes , amborum potentiam inter præcipuas belli causas prætulere. Iterum, ubi in sententiam de Margareta Belgicæ præficienda itum est , quamvis haud aberant speciosæ consilio causæ , sanguinis qualiscunque vinculum , & fidei obses maritus , in urbe Hispanis arcem tenentibus obnoxia : offensos procerum animos abitus regis, non minus ipsis suspectus , quam plebi tristis, accendit. Isque præcipuus dies Philippo sollicitatæ libertatis , aut Belgis contumaciæ in Principem fuit. Nam cum discessurus Hispanorum supra ter mille

mille præsidium vellet relinquere, tanquam tuendo adversus Gallos limiti, revera ut auctam bellis externo contactu religionum licentiam suo arbitrio compesceret, Arausionensis & Egmondus, quos leniendæ invidiæ cohortibus rectores destinabat, detrectavere munus ut inimicum legibus: & in ipso abitu Principem rogavit Ordinum conventus, quos tantum ad valedicendum convocaverat, amoliri vellet invisum militem; addito monitu, ne ad Belgas regendos, aliis quam Belgarum consiliis uteretur. Conditum inde odium hoc implacabilius, quod ingruentem dominationem, & imperii artes intellexisse videbantur. Sed palam assensus; nam & Gomessam Figueroam Hispanum Feriæ Comitum, pridem in id destinatum, Senatui Belgico miscere abstinuit; alebat iram dissimulando, & jam tunc vindictam animo versabat. Et ille quidem, dum alienos per fines ire dedignatur, mari vectus, amissa classe, vix sæva inter pericula incolumis portum Gallæcum attigit. Miles aliquanto post mansit immodestus & gravis, donec ad Gerbium (Menynx est veterum) in Turcas male pugnato, ut Belgæ interpretabantur, non suam in gratiam, sed in remedium cladis abductus est. Interim Belgicæ moderamen, vocabulo penes Margaritam, vi penes Granvellam fuit; in quo industria, vigilantia, ambitio, luxus, avaritia, bona malaque omnia excellebant. Nec ipsi tamen plus in sua prudentia subsidii, quam in aliorum omnium ignavia fuit; qui luxu marcentes tempora transiniserant præsentis potentiae, cui olim adultæ non sine periculo occurreretur. Is igitur callidus illigare Principem

con-

conscientia secretorum, & clientes eligens, legationum intima, litterarum notas, & quæ per exploratores noscebantur, in se traxerat. Hornano veteres cum illo inimicitia; primum per Lalanium, quem sororis Hornani maritum malè obita; legationis crimine ille asperferat; deinde, quod Geldria; præfecturam valde ambitam Hornanus illo intercedente non obtinuerat. Arausionensi adhuc non alienum se tulerat, subsidium in eo dignitati suæ sperans, sed, qui mos ambitionis, hæcenus, ne nimium insurgeret; Quam ob causam, cum creandi Antverpiæ essent magistratus, illius absentiam captarat. At Arausionensis, qui nihil minus ferre posset, quam inanem honoris speciem, unumque hominem peregrinum & ignobilem non sine sua atque aliorum contumelia rerum omnium potiri; Egmondum, qui forte tum injuriam se à Granvella accepisse judicabat ostentata sibi nec præstita Helderi præfectura, & Trullensi Abbatia, quam Egmondus agnato petebat, per illum intercepta, verbis exstimulans; plures inde aurei velleris sodales, collegas suos (nam hi eo tempore sæpius coibant à Margarita exciti, ut super muniendis finibus sententiam promerent) traduxit in partes, velut ad ipsos non minus id dedecus pertineret, quorum consiliis Principes res olim feliciter expeditissent. Post quæ, tres illi procures vitare Antonii congressus, ubi in Senatu pariter adederant, manifesti discordia;. Nec impiger Antonius, intendere vires adversum potentes & in vulgum gratiosos: adjungere sibi beneficiis homines industrios: inter quos erant Carolus Barlamontius & Viglius Zuichemus, pars & ipsi

ipsi Senatus: ad hoc, ille rei quæstoriæ summus curator; hic Friso haud magna domo, sed clarus rerum multarum peritia, confessus juridici princeps erat. Qui cum secreto inter se comæarent, & arcana componerent, exulceratum suspicionibus odium ad publica factionis insignia erupit. Iam ante abitum Philippus, quo sacra rectius ordinaret, à Paulo Quarto Romano Pontifice obtinuerat, ut suæ per Belgicam regiones externorum antistitum curæ eximerentur. Nam Agrippinensium & Remorum Archiepiscopi, quæ olim Principes, ista Germaniæ inferioris, hæc Galliæ Belgicæ civitates fuerant, ex veteri divisione nihil ferme præter nomen usurpabant. Igitur horum recisa jurisdictione, simul Leodicensi, Tauriennensi, Osnaburgensi, Monasteriensi, Paterbornensi Episcopis parte suæ inspectionis exutis, intra Burgundicas ditiones superioris gradus tres; Machliniæ, Trajecti Batavorum, & Cameraci; antistites renuntiantur. hos infra alii complures, quorum in finibus Brabantia sedes Antverpia, & Silvadicis; Geldria Rurimunda; Flandria Gandavum, Ipra, Brugæ; Hollandia Harlemum; Middelburgum Zelandia; Transilulanorum Daventria; Atrebatum quoque urbs cum Fano Audomari; inde Namurcum, Gruninga, Tornacum, urbes regioni suæ cognominæ. Vetus quidem hoc, nec raro Pontificibus usurpatum ob populorum incrementa & quo sacra hoc facilius curarentur; novas ponere antistitum sedes, demto onere quo alii gravabantur: captamque olim Principibus Austriacis curam Carolus alia agitans intermiserat. Sed causæ tum repetendi consilii penè omnibus



nibus invise: Vnam, quo plures essent ac propiores qui in mores sacerdotum & deviam plebem inquirerent, ipsi auctores palam prætulerant, questi gliscere mala neglectu aut dissimulatione curantium; altera Granvellæ artibus imputabatur, qui & pontificium Machliniense, & Cardinalem dignitatem Roma acceperat: plerisque futurum augurantibus, ut, quando in Ordinum Belgicorum confessu Sacerdotes antiquitus jus suffragii prærogativum habent, ipse ejus numeri princeps, quique alii ejus opera allekti (nam regi jus Episcopos nominandi, sibi retento probandi jure, Pontifices concesserant) tacito cum Hispanis fœdere opprimerent libertatem. Cum reditus Episcopis ex monasticis possessionibus addicerentur, primi se huic instituto objecere Abbates, cujus ordinis eo tempore liberrimæ voces erant, non admissuri opum & potentie subseffores. Socii his Brabantii per libellos, commendare Principi leges, queis cautum, ne invita plebe & nobilitate Sacerdotia augerentur. Accessere multa jus profitentium responsa, irreligiosum convelli pias liberalitates, & suprema morientium judicia & donata verti in quod non ipsi dederant. Et veterum antistitum nonnulli, præsertim Leodienfis, circumventum Romanum Pontificem clamitantes, jus suum pertinaciter persequabantur. Aliæ igitur urbes novos antistites non acceperc, &, qui admissi erant, invisi omnibus, nec sine ludibriis agebant. Consentiente Belgarum in Granvellam odio, commodissimum suis publicisque rebus proceres judicabant, Ordinum Belgicæ conventus haberi. Igitur quoties de ærarii paupertate (nam & pediti & equiti

equiti mercedes multæ debebantur, & retentari apud exteros ob publica debita mercatores cœperant, & exitura jam erant promissa in novem annos tributa,) aut de seditionum metu querelæ inciderant, laudare morem vetustum, de quo nunquam male sentirent boni principes. Quid autem nunc mirum complorata omnia, quando unicum cunctis malis remedium deterima assentatio eriperet? Regerebat adversa factio, parum ipsos dissimulare quo tenderent odiis in hominem plusquam vellent Regis studiosum: egregios scilicet Philippi ministros Principis potestati æmulam querere alteram. at quos eos fore, quibus novato rerum statu cuncta obedirent? Abbates nimirum privati comunodi causa offensos; nobilitatem ipsis obnoxiam; cæteros profanorum rituum contactu ancipites, Ordinum specie. Ita modestiam hinc & obsequium, providentiam inde periculorum & avita jura, virtutum vocabula, simulantes, pro sua quisque magnitudine certabant. Etiam litteras tres iidem, quos diximus, ad Regem componere ausi, pernegabant exitium publicum averti posse, ni Perenotrus odiosa potentia dimoveretur, petita & sibi senatorii muneris vacatione; cæterum pro ipsius imperio, sororis dignitate, Romanæ religionis tutela, large pollicentes. Acceptoque Philippi responso, benigno in ipsos, sed insolitum sibi, ministros nisi dijudicata causa depellere, quare si reditus suos exspectari non posset, cujus spem faciebat, vel se alicujus ipsorum adventu propius de re omni cognoscere. instant iterum: Nec enim se in crimen cujusquam inscribere, sed quod officii sui crederent, ejus Principem simpliciter

monuisse; At quam non falso, imminens inde periculum se tacentibus loqui. quanquam & ita se natos meritosque, ut non minus fidei litteris suis, quam verbis sperarent, nunc quidem maxime, cum rectorum absentiam præfecturæ cujusque non ferant. Permoveere hæc regem, ut tempori cederet, secretaque Granvellæ, quem & præfecta ipsa gravari cœperat, partim ut inspectorem, partim ut odii publici contagio sibi noxium, mandata abscedendi in Burgundiam daret: sed ipse vitam suam petitam inimicorum insidiis, eo digredi vitandi periculi causabatur. Dique Belgas in universum metu reditus sui sollicitos, paucos ejus spe sibi addictos, tenuit; donec longius Romam, sponte an jussus, abiit. Tum illi qui emanferant hætenus, Margaritæ precibus in Senatum revocati, quo se omnibus probarent, summam incipiunt diligentiam rebus advertere: aliorum non magnus usus. Regis quoque, offensas dissimulantis, laudes & gratiæ in ipsos eo quæsitiores, quo magis volebat mali sensum avertere: planeque pro victoribus agentes, rationes publicas & ad leges pertinentia in se traxerant, Senatus agentes summum esse arbitrium, eique confessus alios ministerium & obsequium debere. Sed, quæ paucorum dominatum comitantur vitia, & tum brevi adoleverunt: fisci neglectus; validas inter discordias remissa juris auctoritas, flagitia inulta, honores pro beneficiis dati; sive omnium gratias captantibus multa ambitiose facienda fuere, seu mala nunquam vitata semper famam potentium onerant. Minus & de religione dissimulabant, facilius eam persuaderi, quam cogi posse, comperto

perto tandem alimenta morbi facta, quæ remedia crederentur; quod populari auræ dederint, an suo ipsi ingenio à sævitia alieno, aut etiam quod sub inquisitionis tegumento latere servitutem, & fortissimo cuique periculum suspicarentur, in medio relinquam. Hoc quidem constat, & ipsos à Romanis ceremoniis non discessisse, & qui horum consiliorum princeps erat, in sua Arausionensi ditione nihil passum in sacris immutari. Hæc super, aliisque gravibus de causis, missus in Hispaniam Egmondus regis voluntatis explorator, honore, donis quantis ante nemo, excipitur: multaque Philippus de suo in Belgas affectu testatus, & eos quo minus reviseret Turcico se bello distineri, spem quoque nonnullam fecerat, posse de sententia antistitum edicta hætenus temperari, ne sectarum licentia aut pœnis, aut impunitate excitaretur; re ipsa totus induriora concesserat. Nam cum primum in Hispaniam advectus multos illic reperisset, & Isidoriani Cœnobii præcipuos, de recepta doctrina ac ritibus segnius sentire, viros ingenio, fœminas sanguine nobiles flammari iussisse non contentus, ut læta oculis usurparat: quo terrore compressis dissidiis, eundem in Belgica exitum putabat sibi iudicium socordia invideri. Quin hoc ipso tempore missa Bagonam uxore Elisabetha, Caroli Gallorum regis sorore, unaque Albano, quo & Carolus, & mater Medicæa ad colloquium convenerant, excindendis sacrorum novatoribus, mutuam opem arcanis pactionibus firmaverat; simile scœdus post pacem Cameracensem Henrico & Philippo initum, idque sibi in Gallica legatione; cum forte venatu decurreret, imprudentia



Henrici regis apertum, Arausionensis sæpe asseruit, testatus jam tum consilia se metuisse quæ celabantur. Vix rediens Egmondus spem vanam attulerat, cum secutæ Regis litteræ, judicia læforum sacrorum per Inquisitores, additis è numero judicum adfessoribus, immisericorditer exerceri imperantes; &, quanquam Viglio & cum eo nonnullis dissuadentibus, statim vulgaræ omnium animos movere: nec segnius Synodi Tridentinæ placita publicari. Eo in conventu nihil eorum in doctrina aut ritibus emendatum, quorum causa totæ nationes à Romana Ecclesia desciverant. tantum in sacerdotum mores instituta censura, hos ipsos offendeat, nec illis medebatur. erat sane corruptissima in Belgica eorum vita, qui, sacro ministerio electi, nihil ejus præter nomen & reditus obtinebant: nec alii acrius decretorum evulgationi intercessere. Paritum quibusdam in locis, sed adscripta exceptione, in quam Philippus adsenserat, ne quid juri cujusquam derogaretur; quod ob patrocina in Ecclesias, & jurisdictionum terminos, additum. Ulterius Brabantorum vox libera processit, quorum urbes, mox & ipse ejus nationis Senatus, haud reticere, irrepentem altius indies inquirendi morem patriis suis legibus adversari, quibus judicia ordinarentur, & quæ sacerdotalem notionem certis finibus includerent. Horum inde constantiam secuti alii. Sed præcipue vulgus terribili rumore Hispanicam inquisitionem differebat: cujus quanquam manifesta apud Regem auctoritas, ususque in regnis omnibus, & exemplum, ut salutare, Gallis commendatum; nomen tamen in Belgica anxie vitabatur. Fuere qui ad Regem

eo tempore perscriberent summam ejus disciplinæ, quæ hæreseos vocabulo male audiebat, ne tam profanam, atque intestabilem crederet, quam procul, & ab infestis fingeretur. Per Arausionensis industriam acciti & qui moderata suaderent, gnari antiquorum, Georgius Casander, & Franciscus Balduinus Atrebas. Hujus quidem & oratio exstat haud inelegans, ad usum impetrandum validæ jam, sed inturbidæ religionis. Id commerciorum, id pacis interesse. an & Judæis illos inferiores; quibus emendam rituum impunitatem Pontifex ipse concederet? Quæ postquam inita fuere, pars poenæ metu, alii rerum novarum cupientes, sermones ambiguos jactare, libellos proponere, tentamenta vulgi; Germanos religionis vindices ex bello jus æquum retinere. ejectam rursus Britannia Latinam superstitionem, ejectam eandem apud Danos & Sueonas: ne in Gallia quidem cædes inultas; salutem palam armis aut pace defendi, unos se libertatis medios, & expertes sævientium ingenia alere ferendo. quasi vero res ulla arctius populum obsequio, quam Principem æquis imperiis alligaret. Utendum hac inclinatione anunorum rati Proceres, qui in sua sententia ipsos se à Rege damnatos interpretabantur, quidam & matrimoniis illigati faminarum externæ, ut gentis; ita religionis, Arausionensis Saxonico, Nienario Hornanus, suspectos se Regi inde etiam credito, quod novam Senatus potentiam, quam ipsi introductum ibant, Rex improbaverat; quo causam suam cum vulgi studiis sociarent, diligentius instituunt pacem religionum, si publicam non possent, at domesticam procurare; malorum metum hoc magis attolentes, quanto cæteri iniquius contemnebant. Ob-

tendunt huic rei turbas civiles, partim & ipsi faciunt: seu flecti posse Regem, sui ultra quidam speravere, non defuturos rebus novis adjutores invidia magnitudinis Hispanicæ. A Senatu ergo digressi, velut provisus motibus, quibus sanandis impares forent, modo per nuptiarum solemnia, modo epularum specie convivium miscentes, alios aut sanguinis aut studiorum vinculo aggregavere: id quod pertineret brevi erupit. Nam postquam perspectum plurimos eadem velle, longè Principem & militem, rem summam penes faminam, Ordines & Civitatum rectores dissuadere crudelitatem, interim perpeti, multi genere nobiles, ceterum regiminis exsortes, inter quos erant Romanæ religionis nonnulli, contra inquisitionem fœdus pepigere, verba dictante Marnixio, quo inter se promittere auxilium, si quis eo nomine periclitaretur, ac ne lateret quo subsidio niterentur, inter duces ejus societatis eminebat Ludovicus Nassavius Arausionensis frater, à Romanis Sacris palam dissentiens: unde haud difficile intellectu, vera capita occultari adhuc, in tempore eruptura, atque interim prætentantibus repositam in illorum auctoritate fiduciam, adversus acres aliorum sententias, qui nascentem coitionem armis opprimi volebant. Aderant Ludovico Herenbergensis, & Culemburgicus Comes, & Henricus Brederodius, antiquo genere Hollandiæ Principum; & vulgi applausibus, qui, ni alia adsint, vana & incerta sunt, in spes nimias erectus. Hi, quadringentis fœderatorum comitantibus, die Nonarum Aprilium incrimis in Curiam Bruxellensem venire, ubi tum & Arausionensis alique, vix à Margarita ut redirent exorati, confederant. Preces (ita enim vocabant) hæc fuere; ut edicta super religione à Rege

Rege de Ordinum Belgicorum sententia mutarentur; intèrim quiescerent. quorum cum alterum Præfecta se commendaturam Regi promitteret, alterum suæ potestatis negaret, non aliud impetratum, quam ut iudices & quæsitores juberentur cognitionem prudentia temperare. Tunc primum auditum est illud non minus postea nobilitatum, quam Protestantes & Hugonoti Goeffiorum nomen, quò cum ambefas fortunas fæderatis alii exprobarent, ipsi in honorem traxere, parum fausti nominis appellatione professi, fidem sibi in Regem ad mendicitatem usque constituram. Sed his visis atque auditis, varie per Belgicam & Hispaniam consultabatur. Qui circa Margaritam erant, fæderatorum nobilium postulata alii ut æqua probabant, alii ut necessaria. addendam fiduciam securitatis, ne poenæ metus in spem belli transiret, haud dissimulato ex ipsis primoribus esse, qui graviora in se Regis consilia suspectarent; & hæc si negarentur, ipsos, quorum sub imperio fortissimæ nationes erant, & turmæ populares, præcipuum belli robur, pro legum sævitia ferrum non educturos, quo cives scilicet alter alterius manu cedentes, Hispanis usui & oblectamento cederent. Ad Regem aliæ post alias litteræ; postremo frater Hornani Ioannes Montigniacus, & Ioannes, Marchio Bergarum ad Zornam venire, læti honore legationis, ut prioribus se purgarent, venturis eximerentur. Ipse Rex, turbatus atrocioribus indies nuntiis, cum primis Hispanorum, & qui Senatores Belgæ aderant, sæpe & secum deliberabat. Non placebat transmissa à Senatu Belgico moderandum legum forma, quæ prava docentes Sacrorum administratos, conventuum receptores, & qui publicos oculos exemplo violassent,

laqueo aut ense premebat: indicta cæteris errorum detestatione, aut fuga. quia major ipsi dignitatis quam periculi cura, ne minis coactus, quæ noller, largiri videretur: unde etiam siquid violentiæ cedendum foret, suum nomen pactionibus illigari vetuit. Hactenus tamen indultum, ut benè firmata Episcoporum auctoritate, quorum esset munus siquid usquam turbidum scrutari, extra ordinem alii Pontificis mandato, non ultra inquirerent. Veniam citra discrimen dari, & nisi discussa conjuratione præfractius quam illa ferebant tempora, olinque multo majora concessurus, abnuebat: clementiam tamen & adventum suum pollicitus. Ordinum autem haberi conventus, quanquam fidissimæ civitates orabant, suadentibus Belgarum cunctis, annisa & sorore, quæ aliter retineri posse imperium desperabat, pernegare haud destitit, arma potius sumi imperans; & solvi Germanis auctoramenta, quod paratior miles haberetur: adjecto nec dubitare se, quam toties expertus esset pater Belgarum procerum fidem, eandem sibi paterna decreta exsequenti non defuturam: quippe sententiis dissidere fas cuique, sed mox judicium Principi, subditis obsequium relinqui. At contra illi, ne vis ulla pararetur facile effecere, ærarii penuriam obtendentes, & siquid moveretur, fæderatos nobiles bellum ante capturos, externis societatibus undique se offerentibus, quod ut in terrorem adauctum, ita à vero trahebatur. Nam vicinorum, nonnulli eadem de sacris aut non longè diversa sentientes, quo domi validiores ipsi agerent, contra Philippi contumaciam arma & opes ostentabant. Eorum, qui Pontificis Romani imperia abnuebant, tria per Belgicam erant genera. Anabaptistarum credulitas, quæ Frisiam proximaque

maque infederat, non magnopere formidanda ob infinitas inter se discordias, & quia magistratus atque arma abdicant. At ea professio, cui ab Augustano conventu & Luthero doctore nomen est, Germanorum Principum amicitia, & quadam juris imagine fovebatur. nam quia Belgas suos Carolus Cæsar Germanico fæderi adscripserat, pars quoque antiquitus ejus imperii Majestatem observarat; erant qui dicerent, pacem quoque religionum eo pertinere: facili quamquam responso, Belgas, & si tributorum & immunitatum participes, Germaniæ tamen leges, & conventuum decreta, jam à multis retro sæculis non agnoscere. Non multum ab hac institutione discrepat altera, Zuinglii præ cæteris & Calvinii ingenio illustrata, & cum Augustana jamdudum coalitura, nisi in religionibus conpertum foret, esse omnia pertinaciæ quam concordiæ prouiora. Hanc pars Helvetiorum & aliquanta Germaniæ probarat, & hoc uno clarissima Geneva Allobrogum: eadem in Anglia regnabat, paucis retentis ex antiquo ritibus. Sed potissimum magnæ per Galliam ejus vires, animum sectatoribus indiderant; nec eos cæteri numero æquabant. Ergo hi atque alii jus novum quod proponebatur, non minus acerbum quam Philippus remissum, judicabant: hoc etiam arguentes, quod loco postulati Ordinum universorum conventus, seorsum nationum sententiæ exquirebantur, nec omnium, nec prisco more; ab his facto initio, quibus & dignitatis minus erat & libertatis. Quos ad motus, dum Præfecta alios Regis jussus, & militem, aut conducendo militi pecuniam exspectat, sperans posse periculum prolatando finire, contra ecce è vulgo, qui flammis ferrumque timuerant hæctenus, territare

incipiunt, prorumpunt è latebris in apertum, conciones & sacra celebrant novo ritu, velut convin-  
cendis palam mendaciis, quibus arcani cætus in-  
famabantur; acciti & exsules qui religionis cri-  
mine solum verterant, quibus non pauci, durioris  
vitæ pertæsi, monasteriorum desertores aggrega-  
bantur. apparet formidabilis multitudo & quan-  
tum nec ipsi crediderant, qui frequentiam facie-  
bant. Licentia firmat audaciam, aut ubi vis me-  
tuitur, incedunt armati. His omnibus in tutelam  
receptis fœderati nobiles, fama quoque supra ve-  
rum crescente, muniebantur. Nec multo pòst,  
incertis auctoribus orta vilissimæ plebis seditio,  
nec fures aberant, per oppida & agros templa in-  
volat. affliguntur sola, dona aræ & simulacra  
divum: quales olim sæpe motus Iudæorum, nec  
dissimilis Græciam tempestas Iconomachorum  
pervaserat. quin ne sævitia quidem in sacerdotes  
& religiosos temperabatur, eadem in libros &  
sepulchra rabie; motuque tam repentino, ut tan-  
quam ex condito Belgicam omnem eodem tem-  
pore incenderet; vix paucis in locis auctori-  
tate, aut armis Magistratuum valentioribus: nisi  
quod Atrebates, Hænovii, Luxemburgenses,  
quique his proximi, fidem in Romanam Eccle-  
siam Regemque, ab ea contagio integram tenue-  
re. Nonnullis in locis magistratus, ne plebs licen-  
tiæ adfuesceret, occupaverant amovere imagines;  
quibus officium jactantibus, faceret Viglius dixit  
eos cum ratione insaniisse. Multa è sacro rapta  
ut redderentur, ipsi haud egentis ad odium nova  
infamia religionis doctores perpulere. Tantâ  
rerum perturbatione Margarita, vehementius ex-  
territa, non tam Regis jam poterat è longinquo  
omnia audientis fero plerumque ob gliscens peri-  
culum

culum imperio, quam tempori, & procerum consiliis obsequi. nam & fæderati nobiles, & plebs concitata, non aliis arbitris agi secum patiebantur. Reluctata igitur diu, tandem eo pertrahitur, ut nobilibus promittat gesta hactenus fraudi non fore. Illi vicissim quamdiu maneret securitas, fæderi renuntiavere: Veniæ nomen & Romanæ religionis addita primum conditio, aspernantibus reinissa. plebi, dum noxa & armis abstinent, quibus in locis conciones sacræ institutionis causa ad id tempus habebantur, permissæ in posterum: cessantibus edictis, donec Rex & Ordines propius statuisent. Statim diversa in loca abiire, qui vim prohibentes, affirmarent pactione quod vis extorserat. Imprimis Arausionensis missus Antverpiam seditione ancipiti flagrantem, Vicecomitis gentilitium nomen ea in urbe obtinens, flectebat in se validissimam civitatem: ubi non in agris, ut alibi, verum ipsa intra mænia, præter conciones, admissus etiam, ritus novos, non ita necessitatem præferens, excusavit, ut offensam Præfectæ effugeret. Idem cum aliis tum Hornano acciderat, cui & ex Hispania frater iram Regis implacabilem, nuntiabat. Sed magis agebant deprehensæ ad Margaritam litteræ, quibus ministri secretorum ipsos crimini & exitio destinabant. Igitur in medium consulturi Tenerimundam convenere, versis in Egmondum oculis belli peritum, gratumque militibus. At ille promissis delinitus; an officii memor, negabat se Principi quidvis paranti obsequio defuturum: sed mitigandum consiliis animum, prioremque necessitatem purgandam in posterum fide: imprudens, magna & regibus adversa cum periculo incipi; ubi prima processerint, durando salutem & præmia sperari:



fin remiseris, instare ultionem. Plus Arausionensis habebat consilii, qui videns fallere cæpta, Regem per litteras, ut pateretur se deponere honores, otiumque & Germaniæ suæ Secretum, orabat. Cui Philippus callidè respondit, & quæ fraus plurimum valet specie simplicitatis. Nam obsecratum, ne se defereret rebus turbidis, cum maximè usus operæ esset, hortabatur ut fratrem suspectum novandi tantisper à se abdicaret, dum cuncta considerent. Sed ille superior dolis, urgebat nihilominus missionem. atque interim regressus in Præfecturas, sævitiam vetans, etiam proviso ne earum regionum munimenta milite insiderentur, populos fortes & ipso soli ingenio validos, libertatis dulcedine excitabat. Scripto quoque suum ad Regem consilium complexus est, ubi docebat, nisi hæc saltem religiones permitterentur, quas vicina imperia necessario recepissent, anceps ipsi discrimen; utique ac exhaustis populis opibusque, damnosam victoriam fore. At Hornanus suos se in penates speciemque privati condiderat. His disjectis, facile Præfectæ, quæ conspecto quo res erupisset, ad damnata prius Viglii consilia se receperat, nobilium & populi plebisque infimæ nexus perumpere; rescissis quæ ipsa aut per alios pepigerat, primum cavillando, mox apertius, ut metu expressa, & quasi priores alii fidem exuissent. Nam cum in sacrilegos, quique ultra verba ad ritus publicos aut ad arma processerant, secretis judicum mandatis, animadverteretur, cæteri, quasi causa dispares, nec inter se religionum concordēs, vim dissociavere. Nec minus fæderati nobiles, spe aut metu diversi, rem communem prodebant. Nam subeunte paulatim factorum conscientia, fuere qui ad contraria provoluti, veniam pararent;

alii

alii cogi tributa & cohortes, ut privatis insolita dissuadent; alii, dum singula singuli conantur, omnibus excidunt. Et jam ipsa, ad tutandam viam imperii, præter Germanum militem, quem Ericus Brunovix ducebat, alium conscribi è Walonibus jusserrat. Id Belgarum populis nomen est, qui Francis contermini, Gallici sermonis usu & ferociore ad arma ingenio cæteris distinguuntur. At quo duces fidos internosceret, verbis conceptis cogebat jurare, hostes sibi futuros quoscunque Rex designasset citra exceptionem ullam; id sacramentum dixere Egmondus, Carolus Arscotius, è Croiorum gente turbis prioribus inpermixtus, Carolus Barlaemontius ejusque fratres: Comites, Petrus Mansfeldius Lucemburgi præses, Geldriæ Megemus, Frisiorum Areinbergius, & qui apud Hænovios Bergensis Marchionis locum tuebatur Norcarina. Statimque factis comprobare; Egmondus, in Flandriam eos disturbando, in quorum tutelam consenserat; Norcarina Valentinianus imperia detrectantibus obsidio ad dedicationem redactis, acriterque punitis: quo exemplo maximæ urbes, positis turbis, jussa præsidia accipere: cæteri manus temere coortas cædibus vastantes. Soli Arausionensis & Hochstratanus negarunt vetus se jusjurandum, quo Principi ac legibus tenerentur, alio mutatueros, adjecitque illi esse sibi uxorem eorum è numero, qui istud per jusjurandum exitu destinarentur. Quæ dum geruntur, Hispani tam felicem occasionem, ut quæsitâ videri possit, non segniter tractavere. Ac primum manente periculo, ferme consentiebatur vultum nimenque Principis, ad comprimendas partes immane quantum valitura: fidissimis Belgarum momentibus, si alius mitteretur, plus odii, minus ob-

sequi fore. Nam & Carolum patrem, cum una Gandavi civitas turbaret, nihil cunctatum Galliam pæne adhuc bellum spirantem, transcurrere. Sed moræ necitebantur, quod iter tutissimum, disputando; dum suspecta Gallia, inerini, & exercitui iter haud datura; & quo minus classe irectur, Oceani terrent pericula, nec satis certus in Zelandiam exscensus, ignoto quousque Angli vel Arausionensis auderent. Igitur, quasi mari alio Ligustica ora, inde Germania peteretur, tentari prius Cæsaris animum placuit. Erat is Ferdinandi filius Maximilianus, qui consultus de re Belgica, nî quid Philippus temporibus largiretur, significabat periculum haud abfore, propter Augustanæ professionis principes, Belgarum clarissimis per varias necessitudines illigatos: sin leniora probarentur, pacificatorem se offerebat: quæ parum gratè accepta. velut Augustus Saxo Elector dictasset, qui, Cæsaris amicitia potens, Arausionensi per fratris sui filiam jungebatur. Missæ tamen ad Margaritam litteræ venturum Regem vulgabant, nec sine exercitu: id quippe regię Majestati, etiam apud externos decorum. & aut brevi terrore quieturos motus, aut siquid restaret, ad futurum non accipiendis sed dandis legibus. Paulatim apparebat Hispanos, securitate non contentos, ultioni prospicere, quo Regis iram sua in comoda traherent: oblato subigendos ad Belgas colore, perduellionis omnes teneri, quod aut ipsi res novas captassent, aut talia ausos non reputassent. Sunt qui addant jam ante Philippo à Romano Pontifice factam gratiam jurisjurandi, quo imperium injens legibus se obstrinxerat, ut quomodo America & Italiæ plurima, ita Belgæ regnarentur. Præcipua Albano consiliorum fides, qui

qui non novus sapiendi auctor, credi voluit, nisi tam factum rebellandi exemplum non minus insigni pena corrigeretur, defecturas omni à parte nationes, cum pleraque non tam vis præsens, quam metus contineret. Neque omittendum Philippo aptissimum perdomandæ Belgicæ tempus, dum regna circumjecta fidam ipsi pacem servant; aut siquid suspectum, domi inquires. Ita victi qui mitiora suadebant, ipso etiam Carolo Philippi filio operam suam pacandis regendisque Belgis offerente, frustra adeo, ut id inter suspicionum in ipsum conceptarum alimenta fuerit. Tandem erumpit, retento Rege; velut majores obcuras, aut ne periculo misceretur, Albanum summa cum potestate mitti: nec dubium qualibus mandatis, hominem bello semper & sanguine exercitum; quem cum in Italiam transvectum Neapoli, Sicilia, Sardinia, Mediolano veteres Hispanorum cohortes, addito equitatu, adducere nuntii attulere. Arausionensis non ultra opperendum ratus, Nassaviam petit fratri possessam; digrediens magna prosequentium multitudine palam testatur, nihil se moturum, nisi prior laderetur. absentis vice tutari præfecturas, jussus à Margarita Maximilianus Comes Bossuus. Bredodius cum & sua muniret, Trajectoque Rheni insuper & Amstelodamo, opulentissimis urbibus, immineret, fovente conatus primos Arausionensis per dissimulationem, aut tacita ope, mox armis pellitur; Egmondus & minores alii, quorum aut animus aut fortuna exsilium non tolerabat, spe vivendi inducti sunt ut perirent. At nobiles plerique & plebs multa, Hispanorum formidine, pars reducta supplicia metuens, nec de religione parata discedere, in Germaniæ pro-

xima Angliamque & longinquiora dilabuntur : cum eodem tempore Præfecta alio edicto fugere cogeret , alio vetaret. Cæterum sponte egressis qui præsentia gravabantur , compositisque rebus egregio astu fæminæ , alta pax erat , & quod ferè convenit, si nil ultra concupitum foret, facile mansura.

HVGONIS GROTH  
ANNALIVM  
BELGICORVM,  
LIBER SECVNDVS.

**S**ed Albanus morbo suo nonnihil , & ob hyemantes maxime Alpes tardatus , tandem itinere , & sterili multum & laborioso , transita Sabaudia Burgundiam attigit, ejusque loci delectu auxit agmen : quod ille majus octo hominum millibus admirabili disciplina continebat : monstrata tunc via Hispanis tanto terrarum spatio ; Lucemburgum usque impediri nunquam postea potuit, haud imprudente Philippo quos & sibi principes ad continuandam vim disjectæ dominationis adfisceret. Eodemque tempore in Gallia, velut ex condito , in bellum erumpebatur , contractis à Rege Helvetiorum cohortibus , in speciem quasi finibus metueret. Albani exercitu extrema radente,

dente, reipsa contra vindices invisæ religionis. Belgarum mira aut formidò, aut securitas. intranti nemo obstitit. Quin festo concursu excipitur dux belli missus in gentem pacatam. Id enim initio potestatis vocabulum usurpabat: donec Margarita, vani honoris imaginem pertæsa & credita muliebri languore regimen corrupisse, eoque magis, quia Albanum cum exercitu mitti, litteris accuratis futurique præfagis dissuaserat, abitu suo summam illi Præfecturam patefecit: nullo jam dubitante, quam non ex legibus gesturus foret magistratum, ad quem salvis legibus pervenire non potuerat, cauto antiquitus, nequis nisi BELGA aut principum è sanguine id munus fungeretur. Primum sævituri imperii documentum fuit Eginondus & Hornanus, dolo in curiam acciti, vinctique, rogantes ut ex aurei velleris privilegio à collegis judicarentur, non hoc modo non impetrant, sed extra Brabantiam custodiendi ablegantur, contra jura è plebe infimo cuique concessa. Inde primis Belgicæ urbibus immissa præsidia, Hispanorum, qui ferme soli retenti, cum alii milites tantum extra ordinem ad pericula usurparentur. Ipse Belgarum nobilium equitatus, admixtis Hispanis, ductore Arembergio, in Galliam missus, ut præsentis auxilio fædus Regi CAROLO probaret. Ceptæ interim & arces strui exarmatis civibus, &, quod gravissimum erat, ministrandos ad suntus subactis. Quæ postquam nullo vetante processerant, iudices ferè duodecim, Hispani pars magna, cæteri, quod genus non minus inclemens perspectum est, Hispanis servientes, jubentur his qui motarum nuper rerum affines culpæ essent, irrogare supplicia, rejectis ad quos patrio more jurisdictio pertinebat. Id maximum

inum potentiae praesidium, judiciorum potiri :  
 cumque laesis sacris majestas accederet, tam sus-  
 pecta bonis principibus criminatio quam tyran-  
 nis oportuna, ut quae reos omni legum auxilio  
 exuat, & paenae sola nominis atrocitate co-  
 vincat, stipatae reis custodiae, innumeri mortales ne-  
 cari: ubique una species ut captae civitatis. Quippe  
 non arma tantum huc trahebantur, sed pro motu  
 habita aliorum quies, & infausta consilia, quae si-  
 tique honores & recusati: praecipua nobilium  
 strage & qui auctoritate aut opibus valuerant,  
 quorum mortes in securitatem, fortunae in fiscum  
 & praedam Hispanis cedebant: non dissimulante  
 quid peteret Albano, cum voce aspera suiue in-  
 genii, pauca salmonum piscium capita multis ra-  
 nunciolarum millibus praestare jactans, novo mo-  
 re veterem exprimeret sententiam, quae, sublati è  
 republica primoribus, munire regnum docet.  
 Egmondo & Hornano objecta omnia, quae post  
 Granvellana odia ad id tempus intercesserant, in-  
 gesta suspitione Arausionensi & ipsis constitu-  
 tum, partita, inter se Belgica regem armis exclu-  
 dere. Hi duo viri omnium confessione eminen-  
 tissimi, nec minus factis quam stirpe illustres,  
 Bruxellae post sacra Romano ritu peracta, loco  
 publico cervices carnifici praebuere: capita ali-  
 quamdiu suffixa palis, Belgarum in oculis atrox  
 spectaculum: & quanquam circumfusa arma vo-  
 cibus ac prope vultibus imminebant, altius animis  
 omnium miseratio, fortiorum etiam ultio inse-  
 dit, cum incredibilis turbae osculis & fletu sepul-  
 chra celebrarentur, alii vero & comas promitte-  
 rent, priscum in morem obligato oris habitu,  
 quem non mutarent, nisi vindicato tam nobili  
 sanguine. Arausionensis cum pluribus aliis edicto  
 citatus,

citatus, & quia poenam absens illuserat, versa in  
 fiscum bona, filiusque Lovanio, ubi honestis ar-  
 tibus innutriebatur, in Hispaniam & captivitatem  
 avectus est. Stragibus & fuga magna vastitas fit.  
 pauci, quibus nec exilium egestas sua concesserat,  
 cum armis in sylvas abditi, ubi multa de sacerdo-  
 tibus præda victitarent, grassantes in se magistra-  
 tus pari poena coercuere, donec majoribus Alba-  
 ni copiis excuterentur. Ita & ad Mosam Rhe-  
 numque coortæ passim exiguæ manus, conjura-  
 tæque in Ducis necem primis conatibus succu-  
 buerunt. Mitiora à Rege quam ab Albano spe-  
 rari atroces ex Hispania nuntii non ferebant: ubi  
 affectus publico supplicio Montiniacus, quem  
 missum eo retulimus, fas gentium sanctumque  
 inter hostes legationis nomen frustra pro se fore  
 speravit, negato subditis cum principe tale juris  
 commercium intercedere. Marchio Bergensis  
 similem exitum oportuna morte prævenit, non  
 sine dati veneni rûmore; sed & hujus memoria  
 Albano faciente damnata est. De ipso Regis filio  
 Carolo major fama & obscurior: tot illum re-  
 gnorum hæredem in custodiam datum consta-  
 bat, seu suspicionem incitaverat matura imperio  
 juvenia, quasi nimium Belgas, nec ut paternos  
 curaret, sive idem crimen ipsum, & novercam  
 abstulit: mox sanè interiit, incertum quibus causis  
 patris ira in filii necem durasset. Arausionensem  
 spontè ad arma non festinaturum, quod inallet  
 Hispano ruendi in omnes, donec consilia cuncta  
 patescerent, & oppressis coalescendi copiam da-  
 re, addita, spe fore ut in Regem aliis subinde bel-  
 lis implicitum tutior daretur occasio, exsules im-  
 pellebant, qui ubique inviti & inopes patriæ for-  
 tuna procul premebantur. Pars horum Ludovici  
 Nassa-



Nassavii ductum secuti in Frisiam irruunt. Hi interemto Areinbergio, quem prudentius cunctantem militum ardor & convitia in praelium impulerant, disiectisque ejus copiis, victores, cum descituras civitates frustra expectarent, & jam deficiens stipendium disciplinam solvisset, Albani superventu concisi, amisso etiam in priore pugna Adolpho Arausionensis ac Ludovici fratre, alterno hostium & suo sanguine bellum inbuerunt. Hoc rerum cursu pertractus Arausionensis, ut justo imperio & robore partes refoveret, jus causasque armorum libris evulgat, objecta sibi crimina, simulque judicem refutans, nec dissimulato meliora se edoctum à Romana Ecclesia transisse: fumere tamen arma communi pro salute, & depellendo patriæ servitio testabatur. id civis, id viri optimatis officium: de Philippo honorificè; cujus bonitatem ab Hispanorum consiliis obsideri, nec desperandum, quin aliquando fidam gentem juratasque leges respiceret: interim ejus erroribus, ex lege Brabantica, principatus obsequium non deberi. Postremo, quod ad jus causæ plurimum facere videtur, ita se habet. Brabanti, ut pleraque, cautius cæteris libertati suæ prospexere, ita contra fraudem imperantium, qui obtentu publici boni conventiones non metuunt rescindere, illud quoque proprium pacisci solent, ut, principe leges violante, ipsi fidei & obsequii vinculo liberentur, donec demantur injuriæ. Idque majorum exemplis firmatur, qui olim impotentia, aut assentantium dolis abreptos principes, ac maximè Ioannem ejus nominis secundum ad meliora traxerant, vi aut fortibus decretis haud ante pace facta, quam iisdem staturos se principes spopondissent. Arausionensis, quanquam in Ger-

mania

mania natus , clarissimas per Brabantiam jurisdictiones hæreditarias obtinebat , quarum dominios antiquus procerum dignitatem ascribit : eo tum ille jure , non usum modo legum , sed & tutelam ad se præcipuè , pertinere contendebat. Cæterum prætereundum non est , ab aliis quoque Belgarum nationibus idem jus moribus usurpatum , Maximiliani insuper Austriaci Mariæque Burgundicæ placita præferri , quæ ipsis Brabantis individuas eadem legum sanctione æquaverint. Illud constat , qui postea Carolo Imperatore principe accesserunt populos , Frisios , Trajectinos , Geldros , multa pactos propria , illud commune , ne à Brabantia atque Hollandia divellerentur. His disceptationibus permotus Cæsar Maximilianus , simulque Arausionensis casum miserens tantis honoribus tantisque divitiis subito exturbati , ( nec enim illo ingenio initius ullum regnis contigit ) Carolum fratrem in Hispaniam misit , qui suo & Principum Germanorum nomine nuntiaret , non videri è bono publico in Belgas durius consuli. Sed male , dissimulata iracundia , Philippus referri jussit : sua sibi curæ ; cui nota ut Clementiæ , ita Severitatis tempora , in eos qui spreto Deo , mox & Principem spernere didicissent : ipsos facturos rectius tutiusque , si rerum alienarum arbitrio abstinerent. Erant , qui differrent inferiora Germaniæ per vim dominantium corpori suo avulsa , nunc bello redditum iri. Sed Cæsar sponte pacis studiosus , mox & nova affinitate Hispaniæ illigatus , quievit. pauci Germanorum , pietatis respectu , aut regnorum invidia , & Albani nimium ibi noti odio , Arausionensem pecunia ac milite juvabant , forte & moti suspicionibus , quasi Albanus nobiles ad Rhenum Amasiumque urbes,

urbes, ob religionem & Belgarum effugia, regio imperio adjecturus, inde ceteris immineret. Simul ad expeditionem ipsius Arausionensis fides & propinquorum pignoribus devincta; datum & nonnihil à Belgis quibus peregre morantibus necessitas redeundi, aut tacita domi vota libertatis: sed pleraque polliciti in eventum distulere. Coacta igitur ipso dictante sex equitum millia peditum, quatuordecim è Germania, maximè ubi ingens hominum multitudo præsentì ære inescata, futuri improvida, nullo partium studio, cuius conducenti facilis, pars & è Belgica & Galliis. Has copias, cum improviso Mosæ primam prælii occasionem non rapuissent, exin facile Albanus debellavit, egregio usus victoriæ genere non pugnando, sælix id sibi etiam in Italia quondam adversus Guisium expertus. Itaque hæsit usque per totos tres & viginti dies cautum tergis, tam providè positis proximè hostem castris, ut nunquam cum illius desperatione certare cogeretur. Repertus tum color iniquitatis in perpetuum duraturæ, ut bellum utrique pacatis è regionibus alerent, cum dato aut negato transitu per Cliviam aut Leodium, pars semper altera rapinis, se aut etiam incendius vindicaret. Sed tanta moles exercitus nullis urbibus recepta, nullo adjuncta comœatu, brevi diffluit, fame rerumque omnium, stipendii maximè penuria: cuius vix tenues reliquias Arausionensis in Galliam trahens, eo spes suas transtulit: ibique immixtus aliquandiu bello alieno, & simili causæ (nam & Albanus regi auxilia miserat) pace mox inita deceptus fuit, & in deceptos pars insidiarum. Depulso exercitu, quo non dubie exhaustæ vires Nassavianæ erant, ut cautus periculis, ita nimis successu

successu Albanus in eos se populos victorem fe-  
 rens, quos hostes nondum senserat, quæsitæ armis  
 imperii gloriam affectabat. Eoq; nomine, sacra-  
 to Pontifice Romano donatus, super deditam  
 scriptis rei famam, in arce quam perfectissimi ope-  
 ris Antverpiæ imposuerat, coërcendæ plebi nulli  
 præter id usui, quod situs ipse testatur ab anne  
 averfus, statuum sibi ponit, multo verborum ho-  
 nore, quod extincta seditione, rebellibus puls-  
 is, justitia culta, provinciis pacem firmasset. Mul-  
 taque eo tempore utilia non minus quam specio-  
 sa, de moneta ac mercatura, de criminum perse-  
 cutione, & libris non temere in vulgus edendis  
 constituit, solo auctoris odio peritura. Iam vero  
 in religiones inquisitio, acta Synodi Tridenti-  
 næ, novi antistites, excusata hætenus aut repu-  
 diata, parato qui cogeret, velut sponte recipie-  
 bantur; proVectis eo usque odiis, ut à Protestan-  
 tibus Christiano ritu tincti, contra veterum in-  
 stituta, retingerentur. Nec minus perduellionis  
 novum tribunal calebat super vetera crimina ad-  
 ditis, quos nuper Arausionensis prospera sperasse,  
 aut indoluisse adversis, suspicio erat. Quæ tamen  
 dum fiunt, clementiæ quoque fama velut ho-  
 nestandæ victoriæ quærebatur, proposito Regis  
 edicto, priorum temporum culpam fatentibus  
 ignoscentis: sed excepti ad poenam sacrorum do-  
 ctiores atque administri; quique eos hospitio ju-  
 vissent, & quorum scelere violata templorum re-  
 ligio, quique arma gesserant, aut honores, aut  
 in nobilium coitionem adsenferant; immensum  
 rerum agmen. Oppidorum quoque & Univer-  
 sitatum jura, & quæ privatis fiscus debebat, Regis  
 arbitrio servata. Cum jam non metus, non pu-  
 dor retineret, ultima Hispanorum commenta  
 patuere,

patuere, quibus effecturos se jactaverant, ut provincialium sumtu imperii onera, & si necesse foret, bellum quoque administraretur. Iubet Albanus totius census in præsens centesimam pendi: quod ipsum grave, quia rite rogari solitum, ab armato imperabatur, nec sacerdotes exceperat: deinde vicesimam soli, decimam cæterarum rerum venalium in singulas alienationes, Hispanis ita pendi asserens, quo magis æquum Belgas parere, damnatos legibus, subactos armis, nec aliter veniæ compotes. Facile intellectum hoc vectigali negotiationes, artesque connexas multorum fuga jam labefactatas, perverti prima populi alimenta. Nam mercimonia, multis solita ministeriis distrahi, si tantum onus in pretii partem accresceret, non erant inventura emptorem, cum possent alibi vilius constare. Si quibus obloquendi audacia, statim immisso milite exquisitissimis injuriis vexandi tradebantur. Quin & nationum & urbium quædam contumaciores, raro more majestatis interrogabantur, objectis quæ contra edicta regia pepigerant, fierive permisierant. Et quanquam privatorum furores à causa communi, necessitatem à maleficio segregarent, lata sententia, legibus omniique consilio publico exuebantur, regendæ in posterum eo jure, quo Principi placuisset. Nec ad Regem provocasse quibusdam impunitum fuit: & magistratum preces multa coercitæ, quam ipsi de suo dependerent. quibus exemplis territi cæteri, certâ pecuniæ summa infinitum onus redimere conabantur. Nondum infensum Belgarum vitiis Deum tot mala satiabant: sed quasi jactandæ terræ viris opibusque florentissimæ, hominum crudelitas & avaritia non sufficerent, Oceanus, quanta vix unquam

quam cluvie littora perrumpens, stragem præsentem attulit, futuram indicavit. Hoc enim illud erat tempus, cujus exiguo fine ultima servitus & summa libertas discreta, per utrumque nomen pares clades & misérias continuarunt. Iam ira oppressis armorum libidinem suggerens, documento erat nullam esse tam firmam concordiam, quam quæ privatae rei vinculo continetur. Gens illa, quæ cives flammari, occidi rectores, eripere leges, religionem, rempublicam viderat panè immota, tum primum consensit priora ulcisci, imminentia arcere. Atque adeo Bruxella in urbe, quamvis præsens Albanus & ingenti præsidio minax decimam exigeret, officinas & tabernas quisque suas clausere, vel capitis periculo aspernati confessionem servitutis. Iam patibula, jam carnifices parati erant in contumaces, cum nuntiati, quos mox narrabimus per Hollandiam motus, manum injecere sævitiae. Crescens populi indignatio animum Arausionensi restituebat, quanquam afflicta fide, ut iterum belli fortunam experiretur, dum partem Philippi virum Turca in se trahit, & ipsa Hispania à Maurorum motu vixdum satis quieverat; dansque arma & ducem, viam dissidio aperiret. Misit igitur idoneos ad Principes omnes, qui se religionis instauratores profitebantur, oratum societatem, aut clandestina auxilia in causam communem. Negarunt Danus & Sueo, metu adversus validiorem certandi; nec Angliæ Regina ausa turbare vicinam magnitudinem, quanquam ipsam Romanus Pontifex devotam prædæ exposuerat, & Albanus ob retentas in Anglia mercatorum Gentensium pecunias, in usum præsentem & subreddendi fide, exorto certamine & ad pignora-

tiones

tiones usque prorecto, pridem suspectus erat causam belli in divitem insulam querere; ac nuper cum in ejus regni Septentrionalibus turbaretur, miserat qui portus explorarent, quique se duces, si res processisset, præberent; & Scotorum Reginæ conatus adversus Elisabetham haud dubie foverat, quibus ad tempus dissimulatis, eo usque Hispano obtemperatum est, ut Nassaviani omni effugio exuerentur, jussi intra certum diem Angliæ finibus excedere. At in Gallia qui ritus Latinos aspernabantur, ut paci fiderent in admissiones gratiamque Regis adæquati, quo prodesse Arausionensi eadem sentienti, Burgundicis odiis recentia aggerebant, super motam tunc primum in conventu Tridentino de loco inter reges principe controversiam, infamato Philippo veneni in uxorem Elisabetham: cui ultionem deberi, neque minus Gallis, quos in Florida Americæ provincia Hispani obtruncaverant. Quæ Rex Carolus pronis auribus accipiens, credi voluit credidisse. altera hac illecebra, super pactas Navarræ sororis nuptias, suspectos sibi circumscriptionis. Egregia consilii species, obviam eundem potentiâ vicinis imminenti, & Gallicis ingeniis bello opus ut pacem servarent. Iactabatur velut arcanum, eoque intentius, fracto fœdere, quod captivo Regi Cæsar Carolus expresserat in Francisci nominis dehonestamentum, restitui veterem Galliarum limitem, Rhenoque tenuis imperium ferri: quæ ultra sunt, dicto excepisse sibi Arausionensi præmium operæ. Missæ ad eum pecuniæ, & perlata consilia Ludovico internuntio, quem Caspar Coliniacus, dux novæ religionis præcipuus, ad Regis colloquium perducerat. Classis quoque regia oceano Aquitanico in-

structa,

structa, venditæ palam in urbe Rupella prædæ ex Hispanorum navibus, Legati Hispanici inanes querelæ, fidem dolo auxerant. Interim Arausionensis tam validæ societatis fama fruens, per legatos aut litteras Belgarum exsulibus patriam, domi oppressis libertatem promittit: & plurimis civitatum rectoribus persuadet discidium, Albani odio & formidine. Sic studiis populorum & armis fretus, vim marinam adjunxit. Nam audacissimus quisque Belgica extorres, & inops exilium metuentes, in naves se conjecerant, aliasque complures obvias per vim, nacti, aucto numero, prædabundi oceano & per oram maritimam vagabantur. In hanc multitudinem Arausionensis, quanquam jus & regimen aberant, speciem imperii retinebat, distributis per codicillos potestatibus. Toti maritimo officio præpositus Wilhelinus Comes Marquius, Lumeius cognomento: animi ferox, idque illi unum pro virtute erat. & comitum plerisque consilium, aut animus non nisi in prædam. His tunc ministris, uti supremæ providentiæ visum, cui ferè placuit Belgicis in rebus ita humanam fiduciam & consilia illudere, ut nunquam simul essent spes magna, & bonus eventus. Viginti quatuor modica navigia, initium belli in potentiam toto Orbe præcipuam, edicto ejecta Anglicanis partibus in Westfrisiam ferebantur, tentandæ fortunæ, sed, vento adversante, rerum necessarium penuria impulit in maximam insularum, Vornæ vocantur, quæ Mosæ ostia continent, ubi oppidum Brilam classarii repentino terrore inter trepidantes, aut volentes invasere. neque tunc mansuram sedem, sed ad paucos dies stationem decreverant. Exoraverunt prudentiores & loci oportunitas,



tunitas, ut victoriam retinerent: adeo cunctis præter opinionem evenientibus, ut Maximiliano Bossuio duce (is tum Hollandiæ præerat) Hispanorum cohors ingressa insulam, velut subito pavore lymphata profugerit, nemine contra ire auso, tantum quia naves ipsorum oppidani incenderant. In reditu, Bossuius transitum Roterodamo postulavit. quod, experti præsidiorum mala, concesserunt; ea lege, ut exiguae manus, aliisque dimissis, aliæ ingrederentur. Sed contra pacta confertim irrumpit miles: fit magna oppidanorum cædes. Ea perfidia commotos Hollandorum animos ita impulit, ut sponte plerique, pars aut plebis motu adacta, aut vicinorum armis, aut commercii denique necessitate, exsulibus admissis studium aperirent. Nam arces Albanus hic nullas struxerat, gentis simplicitate tutum se credens, quæ plus cæteris quieverat hætenus, tanto validius eruptura. Quin & Hispani pars antè abducti, ut Trajectum Batavorum militibus flagitiis punirent, quod ea civitas, sacrorum fiducia, vectigalibus imperatis acrius restitisset: & eos, qui Roterodami confederant, Albanus ad primos tumultus nuntios, vanissimo metu, ne illic obsiderentur, exemerat. Secuti Hollandiæ oppidum Flissingani, quos surgentis arcis aspectus & præsidium adventans commoverat; Bacieco Allobroge, operum Albanicorum peritissimo curatore, ad supplicium rapto, in causam descendunt. Inde & alii Hispanos per Zelandiam excludere, affluentibus quotidie auxiliis è Galliæ & Britannicæ regnis, quibus ex rebus novis spes licentiæ erat. Geldriam & Transisalana Wilhelmus Comes affinitate Arausiorum junctus, magisque hoc nomine quam sua vi nixus, Frisiam

Neder-

Nederwormiterus, & mox Scandenburgus incur-  
 rant; validis urbibus admissi, optima civium vo-  
 luntate. Nuntiato hoc motu populorum, non  
 multum Arausionensis lætabatur, minore casu  
 præventum se querens, nec adultum satis consen-  
 sum. Incondito adhuc corpori, primam reipu-  
 blicæ speciem indidere coeuntes Dordrechtum  
 Hollandi nobiles aliquot, & præcipuarum ur-  
 bium legati. Miserat eo & Arausionensis, quem  
 Hollandiæ Ordines, absentem quamvis, recto-  
 rem sibi, utpote accepta à Principe præfectura,  
 nec ullo legitimo iudicio ablata, simulque con-  
 tra Albani dominationem belli ducem profite-  
 bantur. Pugnae interea terrâ marique pedestri-  
 bus præliis vincebat Hispanus rudes & incompo-  
 sitos, pelago inferior in hoc genitis. Egregiæ  
 hac in parte Zelandorum victoriæ, qui inopiam  
 publicam navalibus prædis solabantur. & fortè  
 Medicælius jampridem dictus Albano suc-  
 cessor, ut pænitiæ exorabilior, capta classe,  
 qua Hispania advenerat, vix ipse elapsus, recusa-  
 vit imperium, ne tanto rerum discrimine alieno  
 se dedecori immisceret. Nec Albanus tamen pe-  
 riculis mitigari, aut agnoscere hostes, & vim ar-  
 morum: sed ubi quos nactus, ut in rebelles ma-  
 jestatis iudicia exercere. Vbi ultio, & apud ad-  
 versas partes eadem in captivos feritas nullo dis-  
 crimine, donec quæ olim inimicas gentes, illos  
 quoque docuit mutua necessitas, pascere sanguini  
 in summam belli nihil profuturo. ita terrestrium  
 armorum inducæ commercia: maris possessionem  
 Nassaviani sæviendo retinere. Coalescen-  
 di spatium Hollandis ac Zelandis datum est, dum  
 illis omisissis, quin & parte præsidiorum abducta,  
 Montem Hanoviæ urbem Albanus obsidio pre-

miti, captam à Ludovico Nassavio astu militari,  
 cujus in vicinia amissas simul, Valentinianas Hi-  
 spani ex arce receperant. E Gallia liberando  
 Nassavio, qui montem tuebatur, auxilium adve-  
 nit quingenti equites, pedites quinquies mille,  
 non prohibente Carolo, quod ut taciti fœderis  
 argumentum accipiebatur. pariterque ex Germa-  
 nia Arausionensis procedebat exercitus, major  
 etiam quam priori expeditione. Potuisse magno  
 terrore bellum circumferri credibile, nisi incau-  
 tiores Gallos explorato itinere Hispani interce-  
 pissent. Dux ipse agminis Senlisius, alique nobi-  
 les in potestatem venerunt. pro quorum incolumi-  
 tate per legatum Rex Carolus acriter contendens,  
 ultimum fabulæ actum imposuit. Nam subito  
 Arausionensem atrox percellit nuntius fraudium  
 Gallicarum, intelligitque Navarræi & Condæi  
 vincula: primo Coliniaci sanguine fœderatam  
 Guisiorum potentiam, inde toto regno jus fa-  
 ctum cadibus, contraque exosæ religionis secta-  
 tores, armata vulgi furentis odia: huc pacem,  
 huc funestas nuptias, totque illa delinimenta,  
 suam quoque societatem cecidisse: spe igitur  
 prope unica dejectus, cum & stipendia cohorti-  
 bus quibusdam, promissa Rex Galliæ abrumpe-  
 ret, talique consiliorum exitu satis Philippo pur-  
 gatus amicitiam integraret, dimittere exercitum  
 cogitur, & vix evitata seditione, quod reliquum  
 fortunæ, erat, in Hollandiam abit; suorum ipse  
 laborum irritus, extra spem ultro oblati usus.  
 Secuta Montis deditio: usurpatumque jus victo-  
 riæ in Machliniam, aliasque urbes, quæ transe-  
 untem Arausionensem stipendio, aut frumento  
 juverant. Inde prolata formidine, quæ Frisiæ  
 aut circa Isalam occupata diximus, non sine du-  
 cum

cum ignavia, præfidiis deferuntur. Capta & Zut-  
phania à Friderico Albani filio, dum deditio pa-  
ratur. ubi in oppidanos post tormenta & stupra  
sevitum cædibus, nulla ætatis, nulla sexus reve-  
rentia. Post Narda Hollandiæ oppidum vastat-  
ur simili feritate, dirutaque mœnia antiquo ul-  
tionis exemplo. Hæc Hispani aliis quoque bellis  
haud insolita sibi ad celerein victoriam profutura  
credebant, cum contra homines re nulla magis  
quam clementia vinci assuefeceris. auxit cæteris  
imperium & constantiam, quod, sublata fide &  
spe veniæ, graviora pacis mala, quam belli me-  
tuebant. ea desperatione in spem quoque elati  
fortius in medium consuluere, nec ulla omnino  
urbs dedita est postea, quæ non extrema tole-  
rasset. Congruens arbitror cunctas nascentis rei-  
publicæ partes simul recensere, quando ea tem-  
pestate initia jacta sunt belli & libertatis, quæ  
tunc nemo mortalium tantum in tempus exitura  
judicabat. Perstiterant soli in armis Hollandi &  
Zelandi, quarum gentium situm veteraque & re-  
centia nomina, ut per totum opus intelligantur,  
exponam. Antiquis temporibus nobilissima fuit  
Batavorum insula. Germanis Gallisque media,  
posita ad ducendum transmittendumque bellum  
oportunissimo. Nomen habitatoribus & origo à  
Cattis. Romana societate extra dilectus, cæte-  
ra sui juris egere; equitandi, nandi peritia, fide,  
virtute auxiliarium honoratissimi. nec minus cla-  
ri eo bello, quo sub initia Vespasiani, Civili du-  
cè, Gallias ad libertatem excitarunt. Post quæ  
tempora, modo Franci, modo Saxones, tandem  
& Angli his partibus sedere. Sunt qui Slavos &  
Varnos adjiciant. Eam insulam Rhenus in Va-  
halium & sui nominis alveum distinctus, & duo-  
bus

bus maxime capitibus in Oceanum influens, amplectitur. Dextrum Lugduno non procul exibat, olim etiam tenue, post, vi tempestatis sabulo obstructum, aquas in Leccam vertit. Sinistro Mosæ mixtus Vahalis ostio tenuis ripis continebatur. Hodie, antequam eo perveniat, varias insulas interfusus, ob crebra diluvia in maris speciem transit. Tertium Rheno ostium, quod à dextro longius in Septentriones abit, Drusus aperuit. Nam in Isalam flumen, perductus amnis opere militari, inde se immergens in lacus, quibus Frisorum nationes distinebantur, arctatusque apud Flævum insulam, hoc eodem accepto nomine in Oceanum effluebat. Cæterum & hæc facies locorum ita mutata est, ut non emitti fluvius, sed contra mare terras irrupisse, & angusto primum ingressu laxare, mox se in spatium ingentis sinus videbatur. Principium igitur agri Batavi vetus in parte nomen retinens, Geldriæ accenseretur, cujus ditio latius patens Isala & Mosæ amnibus ferè terminatur. Vicina huic Transisalana, à positu ducta latus Frisiis majoribus ad Amasium usque excurrentibus, tergum aliis Germaniæ populis obvertit; sed Mosæ Brabantia longo tractu prætenditur. Infra Geldriam, qua Velavia dicitur, Trajectum est, cum propinquis aliquot oppidis, incessum Episcoporum dominatu, quorum & Transisalana erant, quæ primus omnium Carolus Cæsar suæ ditioni adjunxit. Inde jam Hollandia frequentissime urbibus & vicis habitat, duobusque angulis in Vahaliu & sinum quem diximus excurrere, sensim aquis utrimque recedentibus, diffusum littus Oceano objicit. Cujus Septentrionalia, pars olim Frisorum, partim armis partim pactionibus adjecta

jecta Hollandiæ, quia Transflevanis in Occidentem objacent, Westfrisiæ vocabulum tenere. Ager omnis Hollandiæ multis annuum brachiis lacubusque, & fossis manu ductis inter scissus, pascuis quam segete fœlicior: piscaturam & navigationem annis & mare nulli gentium largius præstant. Zelandia huic contigua omnis in insulas sparsa, Mosæ & Scaldis ostiis ambitur, retro Brabantia quoque annexa & Honta, Scaldis alveo, divisa à Flandris, qui, apud exterarum gentes, toti Belgicæ nomen dare meruerunt. Horum tractus, secundum mare urbem usque Calctum freto imminentem se explicans, eam Belgicæ partem attingit, quæ nunc sub Francorum est imperio. Hollandiæ & Zelandiæ incesores olim Danos de suis vocabula indidisse, quibusdā conjectura est; sed ego, vetera monumenta persequens, reperio hoc commune cunctis insulis esse nomen: illud proprium olim regiōni haud magnæ, Lugduno non procul, silvis horridæ, credo, nam id nomen sonat. Id constat, ex Septentrione populos, cum sæpe incendiis, cædibus, rapinis grassarentur, causam dedisse, in commune consulendi, legendique aut accipiendi principes, Comitum vocabulo, qui Francorum primo, post Imperatorum Germaniæ majestatem ita observant, ut legibus non subderentur. quæ prima illis domus fuerit, ut ferè antiqua, incertum. Vulgo recepta opinio, ex Aquitania missos. Sed indigenas fuisse, qui multo arctius quondam eo in loco, unde Hollandiæ fluxerat nomen, imperantes, paulatim creverint, argumentis non caret. Per muliebres successiones ad Hænovios, Boioaros, Burgundiones, Austriacos, descensus est. Quorum è genere, Rex Philippus secundus in Comitum ordine

dine tricesimus primus numeratur. Sed hoc tempore belli difficultas solique calamitas inde, quod communibus ceptis Hollandiæ Amstelodamum, Zelandiæ, Middelburgum deerant florentissimæ urbes, mole sua immotæ, & quia defixior in illas Albani cura, addictos sibi præfecerat, imposito & milite. Contra muniebat Hollandiam socia partium Bommeliensis, Geldrici juris insula, Vahali ac Mosa amplectentibus. Nihil istis rebus tam necessarium quam Arausionensis adventus fuit. Is peritus regendi artium, turbata omnia recomposuit, vinque alias laud diuturnam ratione fovit, & propria lenitate quæ ipsum hostibus quoque commendabat. Nam Marquius, dum pro absente imperium Hollandiæ administrat, sævitia in sacerdotes & nullo non immodestiæ genere, infamaverat nascentem libertatem: ferum per se ingenium accendentibus Gallis, qui suæ licentiæ & sanguini, mala quæ domi fugerant, alienis in armis ulciscabantur. Eam ob rem, & quia parere non didicerat, jussu Arausionensis captus mox, accusatusque est. quominus puniretur tempora obstabant. At Arausionensis, remisso Principis nomine viam amplectens, honores mandare, edere constitutiones, rem militarem & maritimam & pleraque reipublicæ tractare cum dilecto consilio: aut excitis Ordinibus præsidens, siquid majus incideret. Crebri autem conventus, præter speciem popularitatis, in hoc proderant, ut quamplurimi partibus illigarentur; cumque antea sex Hollandiæ urbes una cum nobilitate de rebus plerisque consulerent, Dordrechtum, Harlemum, Delphi, Lugdunum, Amstelodamum, Gauda, Arausionensis minores adusque duodecim admisit, non dubiè  
fidas

fidas ei cujus ope jus suffragii acceperant. Sed nec ratione carebat, consiliorum factas, participes; quo introspecta onere facilius tolerarent. Nomina earum sunt & ordo; in Austrina parte, Rotterodamum, Gornichemum, Scidamum, Schoonhovia, & in insula Mosæ, Brila: ad Septentriones, Alcmaria, Horna, Enchusa, totidemque in aquoso recessu, qui Waterlandia dicitur, Edamum, & Monachodamum, nec longe Medemelaca & Purmerenda. In eorum qui defugerant locum alios subrogatos judiciis rationibusque publicis imposuit: magna penuria hominum, qui ea munera cuperent aut mererentur, cum plerique virium æstimatione, seu religio accedebant, eximerent se turbidis, & intutis. Cæterum, ne nulla subnixi societate temere, invdiam defectionis susciperent, rebus omnibus contra Philippi jussa, nomen Philippi prætendebatur. Nec exemplum deerat ipsis quoque ab Hispanis, qui digresso in Germaniam Carolo, tributis ultra modum vexati, regios præfectos oppugnaverant. Religionis causam primi talibus cæptis sociaverant, Smalcaldico federe Germani. post quos Galli procures plurimis etiam scriptis, disseruerant, non peccare in fas obsequii minores potestates, quæ invito quamvis Principe, divina ac publica jura vitamque innocentium, si necesse foret, armis defenderent. Nassavianos hoc sublevabat, quod sumptis in Albanum armis, remoto rege, conspectui parcebatur: durior illorum necessitate, qui pro regum suorum magnitudine, paratos se occumbere dicentes, contra eosdem instruere infestas acies, inferre signa cogebantur. At Romanæ ceremoniæ, ejectæ templis, & qui ejus sententiæ erant haud facile ad



magna munera admitterebantur, non lege ulla, sed prudentia, ne, infensi dissentientibus & probabiliori venia, causam suam à publica disjungerent. Recepta publicè disciplina, quæ Genevæ & in Palatinatu Germaniæ passimque alibi docebatur. hoc tamen interest, quod ejusdem religionis alii diversas minus tolerant: quippe non in hoc tantum ordinatas à Deo civitates ac magistratus dictantes, ut à corporibus & possessionibus injuriæ abessent, sed, ut quo more ipse jussisset, eo in commune coleretur. Cujus officii negligentes multos pœnam, aliorum impietati debitam, in se accersisse. Contra istæ nationes non modo nulla auxilia repudianda judicabant, sed spontè etiam omnes de religione leges inquisitionis nomine detestabantur. ac proinde disputabant, neminem volentem errare, aut nolentem credere, sed veram de sacris rebus sententiam à Deo humanis mentibus insinuari. nec gratam ipsi pietatem, quæ non spontè procederet: pravas autem opiniones compertum, non tam vi atque imperio humano, quam spatiis temporum debellari. Hoc obtentu non tantum publica sacra impune contemnebantur, sed absurdi interdum & impii sermones crescebant inter mala libertatis. In publicos usus versa eo tempore agri & vectigalia Principis, sacerdotum, monasteriorum: nec non eorum fortunæ qui apud hostes degebant, & maritimæ prædæ. Tunc tot illa tributorum nomina in capita & possessiones, tum mutui vocabulo exactiones inventæ sunt, & in eas res quas usus consumit monstrata onera, quæ cum bello in immensum auferentur. Tanto flagrabant odio dominatus; omnia dabant ne decimam darent. Nova quoque reperta ratio ex ho-

ste lucrandi, permissu vendito, ut comineatus,  
 aliæque merces transportarentur; manetque mos  
 utilis privatim & publicè, vetitus sæpe, semper  
 retentus. Etiam pro navium deductione merces  
 aliquid pendebant, cum onerarias bellicæ ad se-  
 cura maris prosequerentur. His ita constitutis,  
 summa nihilominus difficultas nummaria erat,  
 quod Rheni Trajecto prius & Amstelodamo,  
 tunc & per Nardam (id enim ex Geldria iter  
 est) in Hollandorum agros Hispanus irrumperet.  
 Res plurimæ civium opera, non externis & con-  
 ductis copiis gerebantur. Sic quoque militanti-  
 bus alimenta vix suppetebant. Non manipula-  
 ris obsequio promptus, non ducibus imperandi  
 artes; id unum salutare, quod communis cuin  
 hoste expugnandarum urbium imperitia erat. In-  
 de in longum tractæ obsidiones & summa vis,  
 hostium famem opperiri; multis edocti cladibus,  
 & alterno sanguine bellum artem fecerunt. Gra-  
 vis error Albani fuit, quod Zelandiæ non statim  
 incubuit, dum res incompositæ; sed terrebat ma-  
 re belli talis inexpertum. Septem menses circa  
 Harlemum Hollandiæ urbem hæsit Hispanorum  
 exercitus, multis interim millibus per arma &  
 asperam hyemem absumptis. id tempus animos  
 statumque rerum firmavit, & quanquam longa  
 vi, post serum atque infelix auxilium, obsessi in  
 sævas hostium manus venere, pars magna suspen-  
 si merisque, visi tamen sunt vinci posse, qui tam  
 lente vicerant. & ne successus continuarent, dum  
 recens consternatio, ipsorum discordia obstitit,  
 stipendiis non solutis, quod perpetuum illis parti-  
 bus malum, sub opulentissimo rege. Harlema-  
 sium suppliciiis, incensa iterum pertinacia, & Alc-  
 maria vergentis in aquilonem Hollandiæ oppi-  
 dum,

dum, prima Hispani impetum fregit, invicta oppugnatione, atque alia subinde miseriæ solatia, oppressa à Nassavianis Geertrudisberga, Hollandiæ in Brabantiam prominentis oppidum, & ipse captus, cum classe Bosuius, dum maris sinum terramque Westfrisiam bello incurfat. Ejus classis prætorix Inquisitionis nomen Hispani fecerant, causam belli superbè exprobrantes. Albanum cum non tam senectuti quam famæ sollicitus, quietem jandudum oraret, Philippus revocat, violentiam ejus parum procedere conspiciens, & quominus aliæ artes, felicius tentarentur, odium ipsius obstiturum, neque auditus, dum filium sibi successorem parat, paternarum ut actionum, ita odii participem. Quinque annis paulo amplius imperium administraverat: eo temporis spatio jactare solitus octodecim hominum millia carnificis se ministerio sustulisse. Acta ejus, præsertim de decima, Rege nec laudare palam, nec rescindere auso; mansit ipse in aula incolumis honoratusque: donec aliquot post annis, cum filio, qui nobilem virginem stupro circumvenerat, conjectus in vincula est, nec ante solutus, quam bellum Lusitanicum periti ducis necessitatem fecisset. Successor regendæ Belgicæ Ludovicus Zuninga Requesenius mittitur, qui diversos dolis & laxiore venia irretiret, largitor & comis plusquam Hispanis solitum, peritiâ Albano impar. haud egenus tamen bellicæ laudis, pars magna scilicet illustris ad Echinades victoriæ: sed Granatæ etiam, cum inquisitiones vix toleraret, perdomitæ præ se famam ferens, violatæque ibi in suos & hostes fidei, ad captandam Belgarum gratiam primum censuit, Albani statuem amoliri. Hoc tempore Middelburgum diuturna fame, quæ

quæ tamen haud multo minus obsessores , quam obsessos afflixerat , & devicta gravibus præliis Hispanorum classe, Zelandis accessit, attritasque opes refecit. Sed Ludovicus Nassavius , cum copiis quas fratri adducebat , ut Hollandia , hostem detraheret , prope Noviomagum cæditur , immodestia militis , qui cum strictis mucronibus hostis instaret , æra ducem flagitabat. Is finis fuit duci ingenio manuque inter laudatissimos. fratri ipsius Henrico, Christophoro prætexa Palatini principis filio. Transiit in victorem exercitum, quo victi ceciderant malum: cæperuntque & ipsi exigere præfectos , & postulare debitum sanguini pretium. Incubuit in Antverpiam is furor, urbem Brabantiae , rebus tranquillis beatissimam , nimirum commercia & quæ inde proveniunt , opes, vota sunt pacis, ubi bellum semel omnia permisit, nihil tutius est paupertate. Per vim & minas extorta sunt Antverpiensibus quadringenta millia florenorum , sponte creditum Requesenii , quia vetuerat repugnari. at mox impunitatem sanxit , velut gaudens expressam quovis modo pecuniam, quam à volentibus nunquam impetrasset. Nam dum illarum partium Ordines , nisi edicto Decima tolleretur , tributa in bellum abnuunt, pervicacia Regis aut præfecti evenerat, ut se utroque frustrarentur. Quæ major autem Hispanis quam cæteris gentibus præmiorum aviditas est , hoc notabilius tumultuantur , & providentia quadam , nec ut regi desinant. Sic tacito ducum fœdere in rapinas itur. quæ apud militem merces , apud populum necessitas vocatur. Neque istæ tum primum artes, sed jam olim aliis Hispanorum bellis erupere. Hæc injuria studia nationum Arausionensi ve-

hementer conciliavit, quodque, proximè secuto colloquio, postulata ejus cum omnium votis congruere. Nam capto Aldegondio (is & ingenio & eruditione plurimum, & apud Arausionensem auctoritate valebat) coram, inde per litteras cæptum agi de concordia, Campigniaco adjuvante, cui domesticum cum fratre Granvella certamen &, quale inter propinquos, odium erat. Ad ultimum legati utrunque Brædam convenire, quo Cæsar Suartsburgium Arausionensis affinem miserat, partibus conciliatorem. Arausionensis, & qui ab eo regebantur, hæc dederant mandata: rebelles se & irreligiosos ab adversariis immeritò æstimari. constare enim sibi in Deum & Principem officii rationem: nec ulla in Philippum sumta esse arma. unam pacis moram, exteram dominationem. Si Hispanus miles amoveretur, quod ad religionem cæteraque pertineret, Ordinum totius Belgicæ judicio se fore contentos. Responsum est, non rectè illos facere, quod defensionem præ pænitentia elegissent. dari tamen impunitatem, dummodo religionis turbatores intra præstitutum tempus patria excederent. quippe iniquum, tanto regi de religione statuendi arbitrium detrahi, quod minimi in Germania principes usurparent. Cætera, ita Regem concessurum, si prius urbes arcesque & machinæ cum navibus traderentur. Displicuere conditiones ut armis sæviores: oratæque induciæ, ut per annos aliquot liberi essent ritus sacrorum, armis absisteretur. ne id quidem obtentum, sed, successibus aliquot elatior, traxit pacificationem Requesænius, ut belli incuriosos interea vi supervaderet. Nam eo tempore, quo de concordia agebatur, arma Hispanica validissimos conatus habuere:

buere : qui partim prosperi improvisa celeritate , alibi admirabili constantia refringebantur. Nam transgressas in Westfrisiam cohortes regias , passim deprehensas locorum imperitia , agrestes cecidere. Durabat inter hæc aliquanto ante capta Lugduni obsidio , qua cuncta nutabant , intima Hollandiæ insidentibus Hispanis , nec ullis contra viribus , nisi in divina ope & pertinaci odio infidæ dominationis , quod hac tempestate tantum fuit , ut repertus sit nauta , qui evulsam Hispano militi cor morsibus scinderet. Itaque morbis belloque consumptos , & nihil non experta fame , post longæ spei commercia , ad Mutinense exemplum , avibus internuntiis , perfossi aggeres , aperta amnium septa & terris immissum mare , attollente fluctus pleno Lunæ orbe , ad hoc ventis mirè obsecundantibus , servaverunt. quin & mæniun ruina , ultimum urbibus malum , tunc fuit salutare , objecta auribus eruptionis imagine , quæ hostem decepit & terruit. Lugduno discedens miles , captumque trahens ducem Baldesium , cum Trajectum Batavorum , suarum partium urbem , specie seditionis , prædæ destinaret , ab oppugnatione depulsus est. Tentavit Hispanus & sinisteriora Hollandiæ , secundum Mosam & Leccam , irrumpere , captis oppidis propè ripas , inter quas Veteres Aquæ (ita oppidum dicitur) nobilis sævitia victoris : nec ante reprimi potuit , quam ad Confluentes usque perraserat , quo loco vicus est Crimpa nomine. Eadem tempestate Petrus Melendes Cantaber , Floridæ victor , sed insigni in Gallos perfidia , apud suos etiam infamis , cum res Americanas Batavicis , parum sapienter compararet , Brilam se aliosque portus obsequio redditurum jactabat. & jam parata

rata classe missa in Angliam legatio, quæ litus & hospitium, si eo venti adigerent, oraret impetraretque. Sed subita morbi lues nautas disjecit, & dux ipse edoctus pollicitationis vanitatem, pudore ut creditum, aut metu vitam finiit; coactique Hispani oppressis vi Batavorum, quæ ad Antverpiam excubabant navibus, & mox nova rerum sequentium facie, terrorem maritimum multos in annos differre. Post hæc Scaldiam Zelandorum insulam, in Hollandiæ confinio, ita nominatam ab amne lævum latus affluente, vadis & classe ingrediuntur Requeseniani, dubium audacia majore an fælicitate, quam ipsi illustrantes, compositis in veterum auditionum speciem miraculis mare sibi ingredientibus cælestes faces præluxisse referunt. Hic expugnato portu Bommenedæ, qui locus non magno præsidio fortiter defendebatur, Zyrixæam, insulæ caput, novem mensium obsidione accipiunt in potestatem. Huic maximo malo, quia duarum nationum societas medio hoste turbabatur, cum jam & pecuniæ & vires defecissent, alterum non levius accessit, quod Principum amicitia frustra ambiebantur, metu potentia Hispanicæ, an quod exemplum displicebat. Angliæ enim regina, quamquam sacra communia, Oceani imperium, & ipsi ab Hollandis principibus ductum genus ostentabantur, fædus, & oblatum alteris mandatis summum imperium abnuebat. pecuniæ tamen non nihil interdum suppeditabatur. Sed quod intempestivè repetitum in majus incommodum verteret. Galliam tum Henricus habebat Caroli frater, qui Hispani dolos præsentiens, & pari arte grassandum ratus, ejus vim destruentibus studebat, sed arcanum intra subsidium, haud reticenda

commenti ferè piratici subtilitate, qua cum Rege convenerat, ut Caleti, Gallicâ urbe quæstores Nassaviani vicini maris navigandi licentiam venderent, nulla non gentium parata redimere injurias. nam hæcenus sive ad hostes ibant, à Batavis in prædam, sive alio tamen ad disquisitiones & damnosas alieno sub judice lites trahebantur. Juris simulacrum adhibebatur frequens negotiantibus averſi periculi pactio, quæ incertis eventus certa mercede in aliun transferri solet. idque unum tributum haud impar fuerat magnis belli impensis, nisi navalis turba, indomita legibus, ad veterem licentiam & propria à rapinis comoda recurrisset. Rem undique desperatam restituit improvſa felicitas, cum subita peste extincto Requesenio ad Senatum regiarum partium administratio translata est. Id gratum populis & servandis quæ tenebantur, pacandis quæ defece- rant, censuerat Ioachimus Hopperus Frisius, cui tum in Hispania agenti auctoritas increverat, ex quo improbata ipsi consilia malè cesserant, ita ut sapientis nomen homo Belga ab Hispanis adeptus esset. Sed nemo est hominum ita sapiens, ut eum nunquam fortuna fallat. Clandestinis jam dudum artibus Brabantorum animos Arauſionensis sibi conciliabat, demonstrando, nihil se quod privatim utile esset desiderare. At illi ultro etiam, dum Requesenius armis occupatur, aut lenitatem simulat, quantum remisſerat dominatio, tantum contra insurgere, & ipse præfectus parum providè ad captantes militum tumultus arma rapere agrestes jussſerat, quod illic initium fuit libertatis. Iamque oblita sub Albano nomina, jus Ordinum & leges omnium vocibus celebrari. Flandri quoque ingenium recepere,  
gens



gens inquires, & ne olim quidem Principum satis patiens, cum tantum Principes essent. Hi petenti tributa Requesenio, quo magis necessario exigebantur, hoc confidentius negaverant. Sed in Senatu Hispani erant aliquot; cæteri Belgæ, à quibus sperabat Arausionensis impetrari posse, ut eadem defensæ patriæ præmia, quam proditæ mallent. id curantis consilium casus adjuvit. Bellum enim hoc mirum in modum quanquam validas Hispaniæ opes affligerat, in tantum Rege obærato, ut novarum tabularum beneficio, possessiones suas eripuerit fæneratoribus. Et forte Turcæ (quæ potentia crevit semper Christianorum discordiis) dum Philippi robur in Belgas versum comperit, occupata Tunetensi provincia, cæteris Africæ, quæ Hispani tenebant, terra marique imminerebat. Factum per has difficultates ut stipendiorum dies aliquam multi præterfluerent, Hispanis per Belgicam militantibus, qui recepto jam more obsequium, excientes licentiæ præmia captabant. Bruxella rapinæ destinabatur, imperii sedes, ni plebs veterum memor, & in arina recentis periculi magnitudine consternata, advertisset magistratus, & quibus creditæ leges. Hi Senatum, quem rebus Belgicæ præpositum diximus, perpulere ut improbum militem, hostem patriæ & Principis judicaret. quod palam concessum, clam seditio foveri credebatur, paucorum consiliis, quorum opes in externa dominatione sitæ erant. Sed cum, ejectis ducibus, conjuratæ cohortes Alostun, Flandriæ ejus, quæ jam olim non Francico ut cætera, sed Germanico imperio adhæsit oppidum irrupissent, atque inde late circumfusa popularentur, nullo ultore, primores

mores aliquot Brabanti, nullo publico consilio, sed Antverpiensis exempli memoria & metu, misere qui Senatum, hoc est reipublicæ caput, in curia & sedibus suis comprehenderent. Mox, ne sine legitima potestate jaceret regimen, suspiciones & innoxios discrevere, detentis quorum dolo aut socordia effectum volebant, ne contra Hispanorum injurias vis pararetur. quin & proprio delectu habito, pellectoque in partes quantum erat indigenæ militis, fædus cum Flandris aliisque civitatibus junxere, ut in hostem communem. nec recentia modo quietis publicæ turbamenta, sed Albanicorum temporum scelera, decimæ, disquisitiones, insontium supplicia, quæsitum bello quod pace habebatur, suarum quisque cladium memoria edictis objectabant. Nec jam res ad eos qui imperium detrectaverant, sed ad omnem Hispanicam nationem visa pertinere. Quare excitis copiis ejus gentis, quæ tum Hollandia exiere non redituræ, ducem se dedit Roda, pars ante Senatus, & tunc, ad cohortes transgressus, jus omne imperii ad se trahens: velut in unum recidente collegio. Addidit se & Germanus miles, spe licentiæ: atque ita juncti Trajectum ad Mosam, egregiam urbem, diripuerunt: nec multo post in ipsam Antverpiam ex arce effusi, defensoribus exturbatis, aliquot per dies, cædē oppidanorum, ædium incendio, ingenti præda iram atque avaritiam satiarunt. Quas inter clades Belgæ, quibus in novo & rudi milite non satis præsidii adversus tot veteranos, tot arces erat, & longum movere externos principes, proximis viribus, utroque oblati ab Arausionensi uti constituunt; conscii plerique paribus se apud Regem criminibus

nibus teneri, quæ aut simul avertenda aut simul luenda essent. Ergo resumpta pacis colloquia, quæ Bredæ intermissa erant, & ut inter cives, contra vim peregrinam, facile consensum est, cautumque oblitterata offensionum memoria, nequis super religione interrogaretur, non rata essent judicia, quæ ejus rei ante facta erant: sed damnatis & res soli in fiscum versæ restituerentur, aut, si alienatæ essent, dati æstimatores alteri rem, alteri pretium addicendo possessionibus & evictionibus modum ponerent: ut quos in posterum ritus recipi placeret; & de restituendis quæ Hollandi Zelandique regi propria bello detinebant; & quam isti pecuniam constituerant ob duas Arausionensis expeditiones, ejusve debiti portionem cæteræ nationes in se transcribi paterentur; post liberatam externis armis rempublicam, totius Belgicæ concilium judicaret. Interea refoverentur commercia, pars utraque præsentis jurisdictione & receptis jam sacris uteretur. nec liceret Hollandis eorumque sociis extra suos fines quicquam in religionis causa immutare, data tamen Arausionensis potestate cum urbibus ad suam Præfecturam pertinentibus paciscendi. In has leges pax facta Gandavi inter Nassavianas gentes, & Brabantos, Flandros, Atrebatas, Harnovios, aliasque nationes, præter Lucemburgos, quorum rectores Hispanico nomini privatim obnoxii, & populus ipse antiquitus fidei in principes retinentissimus, sed Frisii accedere & obnitentem præfectum vinxerunt Casparum Roblesum, gente Lusitanum. Dejectis passim arcibus servitus exuta, & quia infesta Hispanis Antverpia commercii nationum, intercedebat  
 operti

operti juxta Scaldis aggeres, ut per merſa naves tuto vectarentur. Fædus poſt initum Bruxellæ, & belli ſocietas adverſus Hiſpanos firmata juramento ſacerdotum, nobilitatis & plebis. adſentit & Senatus. Fuitque id unum omnino tempus, quo de rebus Belgicis bene ſperare licuit, ſi cum armis & odia ponerentur. ſed mihi hæc altius repetenti certiffima malorum origo videtur procerum æmulatrix ambitio, & huic non diſſimile populi vitium abruptus ſuæ religionis amor, nunquam ſe intra fædera, nunquam præſentem intra ſortem tenens: hæc dum manent, nec partes unquam deſunt, nec instrumenta in libertatem. Itaque Rex Philippus perlatis ad ſe conditionibus, edoctus quanto omnium, ſtudio probarentur, & patere externas amicitias, ſiquid in ſuos durius conſuleret, ceddendum tempori exiſtimavit. editaque lege qua pacta confirmarentur, clam interea ſtatuit occaſiones opperiri diſtrahendæ ſocietatis. At Arauſionenſis filium, cui ex pactis libertas debebatur, ut paternarum actionum obſidem retinebat. Rectorem autem Belgicæ miſit Iohannem Auſtriacum, Imperatori Carolo extra conjugium genitum, ut juvenem ingenio acrem, clarum navali in Turcas prælio, & Pontificis gratia florentem, rerum majorum meditantis avelleret: & ut ſpecimen eſſet ſervandarum in poſterum legum, tam propinquus ſanguis in regimen miſſus. Mandata hic pacis ſervandæ præferebat, ſecreto juſſus Rodæ conſilia ſequi, quem Hiſpanicæ ſeditionis ductorem fuiſſe narravimus, ſed non ſatis occultabat credita ſibi odia, impatientia ætatis, & ſimul literis interceptis intima conſiliorum intelligebantur. Quæ conſiderans

derans Arausionensis, intentusque, ne tam ferventem fortunam extrema corrumpent, auctor erat Belgis, ut, expenso quantum apud Philip-pum peccassent, injussa pace, manifestum iræ præfectum, sed adhuc inermem & in finibus agentem, bello opprimerent. Id alii primariæ nobilitatis, Arausionensi non satis æqui, veteri offensione, aut invidia recenti, inhibuere. plerique rerum turbine, quam consilio inmixti partibus, reverentia Principis continebant arma intra se tuendi necessitatem. Ita pace facta, in opido Lucemburgiorum, cui Marsa nomen, concessa Austriaco præfectura, si prius Hispanum militem, deinde externos omnes dimitteret: Hollandis, & qui earum fuerant partium, multa nequicquam contra causantibus. Tum autem incredibili gaudio metus omnibus abscesserat, cum Hispanorum exercitus, ex pacto urbibus discederet. quanquam cruenta secum spolia, & decem annorum rapinas trahens: atque ultro jactans intra sex menses proximos occisa à se Belgarum triginta millia, imbellis haud dubie turbæ, cum suorum supra sexaginta amissos intra idem tempus negent; nec tamen digressi longe, apud Mediolanum, quidam etiam citius detinebantur, dum illos paratos bello Iohannes revocaret: qui, summis honoribus in regimen acceptus, sed moræ omnis juveniliter impatiens, aditus interea Belgicæ insidebat, brevique erupit, occupato Namurco, & aliquot oppidis ad eum limitem. Germanicas etiam cohortes, quæ stipendiis necdum solutis in Belgicâ manserant, ad urbium deditionem sollicitabat: eratque illis prompta perfidia; sed iners animus & ad pœnitentiam facilitas eadem, si minis aut pollicitationi-

tionibus tentarentur. Hac ratione pleraque Brabantia servata est, tradente in Ordinum potestatem milite non præsidia tantum, sed ipsos duces. Ordinum nomine utuntur nationum ad commune concilium legati, ad quos post Senatus regii vim fractam, pleraque reipublicæ devenerant. Neque dum bellum erat: sed accusabant Ordines Ioannem apud Regem aliosque principes non obscure violatæ pacis: ille rursus Arausionensem criminabatur, contra fæderis leges novos ritus stabilire, in urbibus quas paciscendi imperio suo adjunxerat. At is apud omnes Belgicæ civitates ingenti famalibertatis auctor ferebatur, egregiusque morum, quibus studia hominum elici solent, potentiam, quasi remitteret, gratia muniebat, lenitate denique & prudentia, & quia acri pervestigatione literisque interceptis demonstraverat, Austriaci insidiis se primum & suos, deinde fæderis nexu resolutos, cæteros peti, tantum favorem est consecutus, ut ad Præfecti dignitatem à Brabantis evocaretur. Id Arscotius, qui eo tempore Flandriæ erat præpositus, Lalenius, Campigniacus, aliique nonnulli permolestè tulerunt. quippe rerum summam ad Arausionensem vergere, cui genere paucos, peritia & auctoritate parem neminem haberi. Igitur quoniam longè se ab illo relinqui vident populari gratia, nec metus aberat, ne rerum potitus sacra suos ad usus verteret, obstruere quærunt ejus claritati, nominis majoris fulgore. In locum demortui Maximiliani patris Rodolphum Imperatorem Germania subrogaverat; ejus tunc illi fratrem Mathiam, multa pollicitando, aula excivere, nullo palam Imperatoris assensu, ne

Hispa-

Hispanum offenderet. Idem, quod armis & validis urbibus præerant, facile se effecturos putarant, ut perductum ad se juvenem, & sibi cuncta debentem, haberent in potestate, ejusque nomen jussibus suis præscriberent: quæ providens Arausionensis nonnullos consociorum ab eo consilio, summovit, persuasitque ut justam potius, auctoritatem in legitimo Ordinum imperio quam partem in paucorum potentia sperarent. Et forte eodem tempore accidit, ut Arscotius, princeps Nassaviis pridem æmulæ domus, spe vana elatior plebem Gandavensem insolenti dicto offenderet: quæ natio Flandrorum nobilissima, & nobilitatibus adversa, ipsum cum omni comitatu in custodiam pertraxit. Sed Arausionensis quanquam Mathias ab inimicis vocatus nec ipsius spontè advenerat, Belgæque cæteri jam tum Galliam magis respectabant, pudori illius consulens, auctor Ordinibus fuit, ut adolescentem clarum fraterna majestate & regis propinquum causæ suæ adinoverent. Quod eousque placuit ut Mathiæ regimen Belgicæ, Arausionensi vicarium imperium imponeretur, idque velut recusanti; quo aucta illorum iræ est, qui spe duntaxat ejus dignitatis gratiam partis quæsierant. Mathiæ præfectura; mandatis & additis adfessoribus circumscripta est, nec ipsi libido quicquam ejus fastigii præter vitæ splendorem, habitumque usurpare.

HUGONIS GROTII  
ANNALIUM  
BELGICORUM,  
LIBER TERTIVS.

**R**Ebus eum in modum constitu-  
tis, Ioanni bellum denuntiatur,  
quo tempore reditus menstrui ad  
sexcenta millia florenorum pu-  
blico arario inferebantur, quo-  
rum liberrimam dispensationem  
delectusque & belli consilia, quo melius laterent,  
Senatui Ordines permiserant. Tum demum Re-  
gina Angliæ dignas Belgarum vires iudicavit,  
quibus faveretur: proprio etiam metu, quia Io-  
annes cum Scota conjugium, & per eam suæque  
arma Britannia regnum animo agitabat; idque  
magnis indiciis compertum. Quapropter pecu-  
nias & auxilia promisit, interpositis restituendi  
cautionibus, & hoc titulo inscriptis, ut Belgicæ  
gentes in Philippi obsequio continerentur: atque  
ita se reipublicæ immiscuit; ut nihil magni pa-  
teretur, sine sua voluntate, decerni: danisque ope-  
ram, ut res novæ concordia fulcirentur, frustra  
à Belgarum nonnullis in Arausionensem incita-  
ta, atque alios vicissim monens ne veterem Ro-  
manæ religionis possessionem temere moverent,  
intendit opem, quantum pericula gliscebant.  
Cumque hæc ageret, literas ad Regem mitte-  
bat, suadentes veram pacem, & regnum juxta  
leges; sin ad arma subditos adigeret, intentis  
D jam-



jamdudum Gallis, ne moleste ferret ipsam inimicæ genti Belgarum Societatem prævertere, anxie interim suspiciones purgans affectatæ ex alieno potentiæ. Nec minus Henricum Galliarum regem, Sebastianum Lusitanæ, ipsumque Imperatorem rogarant Ordines, ut Philippum sibi mitigarent, hunc etiam ut causam auxilio dignaretur, quod tum frustra fuit. Valescebant interea similitudines & odia regentium: multi adeo castris ad Lucemburgum sitis diffleebant, varia obtinentes, sed tacite honores alienos in suam injuriam interpretabantur. Ioannes receptis Hispaniis, ingentibusque copiis auctus, quas illi Parmensis Belgicæ quondam rectoris filius ex Italia adduxerat, exercitum Belgarum, qui ducum decessu in dies minuebatur, introrsus recedentem in Brabantiam ad Geminiacum prælio cecidit: nec parva victoriæ præmia; Lovanium quod ex ea parte Brabantiam aperit; Limburgum ducatu insigne & cognominis ditionis caput, in Germaniæ subdita excurrans, & Philippopolis, quam urbem novo, validoque opere Arausionensis, regii quondam exercitus ductor, Gallis objecerat, cum tantum externa metuerentur: sed & alia circum oppida cesserunt. Victos spe pacis tentare regi placuit, Barone Sellesio conditiones ferente ex Hispania diversas à pactis Gandavensibus, & quibus Ioannis præfectura non mutabatur: quod tunc satis visum cur recusari deberent. Nosse enim se Belgæ tum primum coeperant, & augebant fiduciam Principes certatim operam & militem offerendo: Hinc Franciscus Valesius, Andium dux, regis Galliarum frater, jam ante pacem Gandavensem & postea sæpe ambitus Belgarum primoribus: inde Casimirus,

nirius, qui Palatinatum Germaniæ administra-  
bat: domi postpositus uterque nascendi ordine,  
atque eo avidi increfcere alienis. Franciscus  
haud contemnendo ingenio, sed animi iniques,  
belli se ducem dederat, quod ad restituendam  
contra aulæ injurias Galliæ libertatem, & pro  
quiete religionum sumi tum dicebatur: quod seu  
fratris odio fecit vita imbelli & infæcunda reg-  
num detinentis, five ad vium partium avertendam  
maternæ calliditatis instrumentum fuit, famam  
sane sibi popularem ejus causæ tutela; & pace  
facta amplissimas possessiones paraverat. Sed fa-  
mam brevi sædavit in socios versis armis, alio-  
rum sævitix minister. Quo tempore Margari-  
ta-Valesia, Navarri uxor, quo se mariti fratrum-  
que bellis eximeret, absentix desiderium ad  
aquas Spadanas itinere velans, cum Cameraco  
Montibusque transiret, usa occasione potissimis  
illic locis, moribus, lingua Galliæ propiori-  
bus, nec religione diversis, Andinum valide  
commendaverat. At Casimirus eodem tempore,  
ingens Navarri partibus auxilium, quæ sibi  
privatim pepigerat, concordix remittens, æqui  
religiosique animi præbuerat argumentum. Un-  
dique confusa hoc tempore respublica fuit, velut  
indigesta moles, & partibus discors: dum quasi  
vacuum regimen rapiunt singuli, diversa via.  
Et contra regnum quidem armis certabatur:  
sed aliis laudata, principatus & leges: alii vi-  
res suas præ Venetis atque Helvetiis admirati,  
nec considerata dissimilitudine, optimatum  
nomine imperium distrahebant: aut etiam,  
quod dignitate ab aliis vincebantur; plebeiæ  
potentiæ imminentes vulgus, qua turbidissi-  
mum, ductu, voce concitabant, inclementes.

suspicionibus, nec ullam probantes cum exceptione libertatem. Intus & palam partes & seditiones erant: nec eo minus bellum; lentum tamen, nec satis intentum tempori, quia pro studiis copiae distinebantur. Amstelodamum, quam maximam Hollandicarum urbium libertati defuisse diximus, Ioanni tunc etiam fovebatur: sed quia Nassaviani urbem circumvenerant, nec ulla spes auxiliorum è tam longinquo erat, ventum ad pactiones, quæ religionis causa extorres patriæ reddebant; nisi extra mœnia, prohibitis eorum ritibus; sed cum Romanæ sectæ homines, ambiguae fidei, interdum & in hostem reflecti crederentur, exsules pulsus magistratibus, & his qui sacris præerant, publico potiti sunt. Idem diversis temporibus similibus ferme de causis Trajecti & Harlemi, & aliis Hollandiæ in oppidis accidit, quæsito adversus fidem datam colore, ex magistratibus in hoc institutis, ut quod ipsi probarent, id invita civitate fieri non videretur: quod ibi quidem haud inutile concordiae, at sociorum animos offendit, qui Romano Pontifici addicti, in se vires quæri suspicabantur. Geldriæ regimen Ioannes Nassavius ordinavit, cui Arausionensis eam præfecturam mandari curaverat, quo pluribus munimentis insisteret. At in Frisia, cui tum datus Rennebergius rector, vetera Groningæ urbis & agri circumjecti ob mercium evectionem certamina, velut alta pace, exarserant: dubium an sponte præfecti, ut certius imperaret. Legatos ad se partis adversæ plebs urbana vinxerat: eadem, postquam privato utrinque ausu armarentaverant, superior evasit. Et captis quidem restituta libertas: odia, quanquam Mathias &

Aran

Arausionensis intercedebant, mansere, donec publicis dissidiis hæc quoque miscerentur. Etiam Frisix quosdam Senatores, qui Hispanorum victoriæ faverant, suffectis aliis asservari iussit Rennebergius, unaque Leovardia pontificem. Hæc ob merita, proprius regendæ & perdomandæ Transisalanæ dux eligitur: nam Campos & Daventriam Germanus à Ioanne emtus miles tenebat. Vtraque urbs dedita est. Sed ad Daventriam longius hærenti recens auxilium Catimirus cum peditatu octo millium, equitatu paulo minore, advenerat: copias adducens majores imperatis. Nam Angliæ Regina, promissæ pecuniæ loco, militem adjunxerat, & ipse ultro auxerat numerum, officii specie: quod Romanæ religionis primores sinistrius interpretabantur, atque eo promptius Franciscum Valesium suæ sectæ principem acciendum, orandumque curaverant, patiente Arausionensi, aliisque, ne suspensiones in se onerarent. Nominatur igitur decreto Ordinum Franciscus vindex Belgicæ libertatis, & super quod de restitutione impendiorum cautum erat, addicuntur illi, in præmium Societatis, oppida quæcumque trans Mosam hostis possidebat. Dum hæc geruntur, & inferiores pietatis studiis, maxime quisque ob potentiam dissident, innovatæ religionis sectatores rem impetravere egregiam sibi, ancipitem reipublicæ: quia jus imperii penes multos, nulla potestas celsior partium odia coercerebat. Postulata dede- rant ad Mathiam & Arausionensem, nec ante ignarum: quibus demonstrabant, se illos esse nunquam administròs dominationis, sed materiam semper sævitix Hispanæ, cui destinatum

parte optima civium orbatam rempublicam opprimere. Ne nunc quidem hostibus aliunde plus invidiæ: & pignus suæ fidei certissimum, quod unam spem in salute publica haberent: quippe si vetera redeant, inopiam ceteris & servitutem, sibi mortes, cruciatus, flammæ parari: deinde quod primi sumptis armis dominationem affligerint, omnem sibi veniam præclusisse. Merito igitur, quos pessima regni maneant, partem æquam precari ex libertate. Opima sacerdotia, amplissimos proventus aliis se relinquere; tantum ne velut profani templis & curia arcerentur. Non se in Deum pietate, non in patriam fide cessuros. Dubitatum aliquamdiu: & tandem laudantes Germaniæ, Polonorumque exemplum, & vetera permulta persuasere, quorum hæc consilio petebantur, concordia interesse ne rejicerentur æquæ preces. Nam in exercitu quod roboris erat, inde stare: comperitumque experimentis, rerum curam non aliis tutius credi. His accedebat, quod Romanæ sectæ nonnulli, præcipue qui se Jesuitarum nomine jactitabant, in juramentum contra Ioannem adigi non poterant, & pars haud exigua, cui plus spei in regis partibus, sponte discesserant; multique magistratus, ira edocti, seu quod ejus partis auctoritatem providebant, Nassavianæ religionis studium amplectebantur. His de causis communicati illis honores, & quibuscunque in locis familiæ non minus centum postularent, jussæ illorum sacris distribui ædes: hac lege ut Latinorum ceremonias præferentibus per Hollandiam & Zelandiam tantundem concederetur: quod tamen non evenit. Post hæc quæ sequuntur, non sine miseratione aut ingenti excen-

exemplo transeunda, tanti motus, tanta odia, &  
 turbæ turbis obtentui. Nam & Romanenses al-  
 teris nihil prorsus concedere, & illi non jam in-  
 punitate aut arcano suo læsi, adversus contuma-  
 ciores magistratus legis munus, privatis viribus  
 rapere, & postquam prævaluerant, respicere ul-  
 tionem. Ita qui vota jam dudum, opes & con-  
 silia contra Hispanos nuper admodum junxe-  
 rant, cives contra cives ipsis in urbibus armati  
 steterē, dum adversarios pellerent hostium se-  
 curi: ne militis quidem multo ad bellum usu,  
 cujus præsidio pax interna continebatur. Ac sic-  
 ut morborum exitiales remedia aspernantur, ita  
 qui tum concordie sectatores erant, eos concur-  
 rentia è diverso odia premebant, signiferis ad  
 seditionem his, quos patientiæ doctores esse opor-  
 tuerat, per quos, communis huius sæculi pestis in  
 utraque partes vulgata est, inversa rerum no-  
 mina, ut cæca dissidendi libido pius ardor, mo-  
 destia & animi temperies ignavia aut etiam  
 proditio vocaretur. Gandavenses igitur eo jam  
 provecti licentiæ, ut impunitatem nisi ex auda-  
 ciæ magnitudine non sperarent, concitore Im-  
 bisio, qui per tritum quondam Arteveldis iter ad  
 potentiam grassabatur, palam satis imperium  
 detrectant. Negabant ultra se visuros Romanas  
 superstitiones, sevitie & tot scelerum repertrices:  
 non quod auctores seditionis multum sua refer-  
 re existimarent, utrius religionis specie tumultu-  
 arentur: sed veteribus nova, receptis propria  
 præferebant: & forte convictis nefariæ libidinis  
 aliquot monachis, flagrantem recenti odio  
 atque invidia ordinem, deinde sacerdotes exēge-  
 rant. Tum conscii quantum cœptarent, urbem  
 operibus munire instituunt: quæ ingenti ambitu

par maximis urbium, ceterum non tota habitatur: nam obsessi sæpe, & ex moribus suis eadem in posterum inctuentes, incenibus arva incluserant. Quo magis munitio procedebat; hoc minus Ordinum & Mathiæ mandata audiebantur, vanissimis in illos criminibus jactatis, & ex his quæ in se iritaverant, retro quæsito colore. Nec ulla Arausionensis gratia, quanquam eo suafore avitas leges, rebellionem quondam in Carolum amissas, Gandavenses receperant. Quin & in vicinas Flandriæ urbes promotum est malum. Contra vero Atrebatum & Hænovii Romanæ religionis tenaciores, quod ita plerique sentirent, præterea proceres civili obtreptione Arausionensi adversarentur, novam legem & ipsi recusarunt. Fædere enim contineri ne quid manente bello in religionibus mutaretur. Contendebant ad hoc manifestam perfidiæ Gandavensium civitatem bello coërcendam esse: Quod Arausionensis & alii Belgarum principes commissuri non erant, ut, Hispano scilicet mediam fere Belgicam validissimis cum legionibus insidente, in cives, utcumque meritos, arma verterentur: &, quod hostium prudentissimis prædictum, sua ipsi discordia interirent. Sed dum vi cogere periculosum est, jussus, consilia, preces ut apud destinatam malitiam spernebantur. Maximi eo tempore Belgarum exercitus Dux erat Bossuius, quem Frisio in pelago, cum Hollandiæ reliquias sub Albano regeret, captum fuisse memoravimus. Lalenio Ordines id munus abrogaverant, quod ipsorum injussu castra reliquisset, cum ad Geminiacum male pugnatum est. Magister equitum erat Viccomes Gandavi Melodunæ domo: præfectus castrorum

Lano-

Lanovius , egregiam famam civilibus Gallo-  
 rum bellis consecutus. Castra non procul Mach-  
 linia ad Riminandum vicum sita Ioannes ad-  
 ortus est , tantumque depulsus. Erratum in eo  
 plerique tradiderunt , quod non institum est  
 discedentibus : quippe illa die Hispanorum co-  
 pias debellari potuisse. Sed & urbes obsidendo  
 annus iste occupari potuit, si ducum provisu fossor-  
 es atque id genus operæ castrenses adfuissent.  
 Non omissa inter hæc pacis colloquia : Rogati  
 enim exteri principes rationem inire concordiae ,  
 suadebant Ioanni , ut quando Belgarum vires  
 multo præpollebant , integra adhuc fama exiret,  
 & spes alias secundiore aggredieretur. Regem  
 quoque rectius facturum , si gentem validam &  
 armatam sibi conciliaret , nec tantum imperium  
 temere projiceret , jam paratis qui exceptarent.  
 hoc autem obtineri non posse, nisi, probato Gan-  
 davenfi fœdere , religiones ipsorum arbitrio per-  
 mitterentur : æquissimum autem esse ut captivis  
 omnibus & inter eos Arausionensis filio redde-  
 retur libertas. In has leges facta pace compre-  
 hendi debere qui cum Belgis Societatem inii-  
 sent , ut & horum quieti cōsuleretur. Ad hæc  
 Ioannes , nisi Arausionensi in Hollandiam re-  
 legato spem nullam facere pacis : nec de religio-  
 ne quicquam concedere ; tantum inducias non  
 recusaturus videbatur. Pax scilicet validiorum  
 fere arbitrio cōstitui solet : infirmis belli dila-  
 tio omnis in lucrum cedit. Sed cum novis au-  
 ctus copius triginta peditatus millia , sexies mil-  
 le equites obtineret , nec jam multo se Belgis  
 imparem crederet , præsertim discordibus , in  
 Bonga monte , qui Namurco imminet , meta-  
 tus castra, colloquium abruptit, omni pacificatio-

D 5

ne



ne ad Imperatorem rejectâ. Casimirus interea diutius in Geldria moratus, ære non satis parato, quod militi solvendum erat, magnum agmen tarde moliebatur. Ejus adventu Belgarum exercitus quadraginta peditum, viginti equitum milia habuit: quibus cum copius Francisci auxilia opperiri, deinde Joannem circumspicere lentum nimis consilium erat, satis certæ tamen spei si incipi potuisset. Sed illa longi temporis peccata, honorumque nimia & divitiarum aviditas, & utrique abutendi libido, quæ Belgas antea Hispanis in servitutem mancipaverant, eadem propinquam tunc & in conspectu libertatem avertere. Hanoviorum enim & Atrebatum cum Flandris contentiones eoque exarserant, ut exuta publici cura singulæ gentes tributa in proprios usus retinerent. Manante latius exemplo cohortes aliquæ jam dudum otio lascivientes cum stipendio fraudarentur à republica secesserunt, arcano ducum instinctu, qui non satis sibi in dignitatibus profecisse videbantur. Hic igitur miles occupato Menenio (Flandriæ id municipium est) circumjacentem agrum rapinis incurSAT. Ad huc intra privatam audentiam vis statura sperabatur, cum subito præcipuè inter tribunos auctoritatis Montigniacus suscepit regimen, & in Atrebatum factionem transfudit. Adversus eorum injurias Gandavenses proprias cohortes conscripsere: sed in hoc milite domi feroce, bellorum rudi, non satis præsidii ad prohibendas inimicorum populationes erat. Ita autem illi ajebant, sacerdotes Gandavo per vim & seditionem expulsos apud se exulare: nec potuisse negari propter sanctimoniam ordinis, aut fortunæ ipsorum indignitatem, supplici turbæ alimenta, quæ, cum  
juri

juri locus non esset, à bonorum ereptoribus armis se reposcere. Hoc belli obtentu (nam in apertam hostilitatem dissensiones transiere) prædæ quotidie ingentes agebantur: donec Casimiro Flandri accito militem ab eo accepere, stipendium de suo polliciti, cujus tunc magna ubique penuria erat. Ipsum principatum sperasse & vanitate gentis, atque rerum eventu elusus creditur. Sed Franciscum ea tempestate Hænoviæ oppida attinebant. Id ille Lalænio ejus regionis præfecto gratificabatur, gnarus quorum sponte venisset. Equites paulo plures octingentis, peditatus sex millia adduxerat, Gallicorum tumultuum ejectamenta: quos post inclemens iter, & violata passim hospitia captis aliquot castellis, & autumnio jam procedente, apud Binchium oppidum deposuit. Id obsidio & oppugnatione in potestatem venit, pretium temporis vile. Ipse Monte Hænoviæ urbe plerumque morabatur, non sine indignatione, quod attributa præsidiis loca oppidani non traderent: oratusque ut ad Belgarum exercitum accederet, prius se venturum negavit, quam idem faceret Casimirus: cujus Gandaveni profectio non mediocriter offendebatur Parma, amicus jam ante, & tunc competitor, exardentibus ad contumelias usque odiis. Nec demotus est sententia, demonstrante quamvis Mathia & Arausionensi, ipsaque Angliæ regina, Flandrorum & Casimiri factum sibi non probari: quin ultro passus dilabi militem suum ad Montigniæ cohortes. Ita duces duo, commune Belgis auxilium polliciti, accessere partibus in exitium ejus enatis: nec multo post Dux Andium in Galliam, Casimirus in Angliam digressus, alienæ reipublicæ bona malaque reli-

querunt. Sed discedenti Gallo Belgæ, quos ille & illius nomine alii principes ingrati animi reos agebant, si pax cum Philippo confieret, decreta, & statuas, & honorum inania pollicentur: quod si ad alia veniretur consilia, ipsius ante ceteros eam rationem habitum iri, quam dignitas ipsius & summo reipublicæ tempore impensum beneficium postularent. Is fuit rerum status, cum Ioannem Austriacum rapuit vis morbi subita, quam facile receperat æger animus, & fortunæ iratus. Quippe cum egregiam sibi, non ex vitiis hostium, victoriam vellent, impediri gloriam suam ab inimicis, quos in Hispaniæ regia plurimos habebat, supra quam valetudo ferret, indignabatur. In literis certe interceptis contumax desperatio apparuit: & paulo ante Scovedonem, intima ejus curare solitum in Hispania, Philippus clam occidi jusserat, ut apud magnanimi juvenis cogitationes periculose sollertem. Nam supra natalium sortem Tunetenſe quondam regnum, tunc & Angliam sperasse manifestus, & cum Lotharingis in Gallica aula præpotentibus, clam Philippum, sociasse consilia, facile & res Belgicas in se versurus timebatur. Vnde nec veneni suspicio absuit, incertum tamen unde dati, quippe inventis sacerdotibus, Romanæ professionis, qui suam in hoc operam patriæ imputarent. Anglos alii suspectabant, non ita dudum supplicio affectis, qui inde immissi in ipsum percussores dicebantur. Regendum militem residuasque urbes Parmensis accepit, ipsius primum Ioannis ac militum voluntate, postea & regis imperio, ingenii tectior, & ex Italia asserens fidei usum, & peritiam simulandi. Terrere norat, & ignoscere, veras artes quibus Belgæ caperentur. Itaque  
cun

cum nullius armis tantum debeat Hispania, plus tamen hominum studio consecutus est: perfecitque rem difficillimam post libertatem, ut dominationi faveretur. Hujus occultis suscitationibus dissidia gentium vehementius etiam exarsere, maxime posteaquam de civibus aliquot summum supplicium est, qui, ut Atrebatum urbem ad concordiam reducerent, coitionem ausi erant intestinam. Nec tamen Arausionensis destitit omnia malorum remedia experiri. acior iis coercendis quorum crimina ipsius ad invidiam redundabant: & jam Gandavensibus persuaserat, ut restitutis sacerdotibus in fœderis leges redirent: deinde ad Montigniacy milites, & Atrebates conciliandos diligentiam vertebat. Sed paruit primo res amplecti ultro causas secessionis, eoque implacabiles: quod Flandrorum animos iterum efferavit, Imbisio summum Gandavi magistratum per vim adepto, & cætera honorum vocabula, quibus vellet, largiente. Casimiri interea equitatum tutum iter orantem Parmensis emisit: inde securus hoste nunquam obvio Trajectum ad Mosam præsidio invalidum circumvenit, & oppugnationem aggreditur. Manente ejus urbis obsidio imperator, ad quem relegatam fuisse pacificationem diximus, Coloniam Agrippinensem legatos miserat: eodem Hispanus Dux Terrænovæ cum regiis mandatis, & à Belgis Arschotius alique convenerant. At Arausionensis, qui nunquam dubitarat omnem cum Rege pacem in suum periculum fore, divulsa tunc Belgica, tot inter partes medius ipse, atque eo cunctis invisus, ne pariter hostibus & inimicis dederetur, haud temere metuebat. Sed adversari colloquia & iudices Germanos, durum atque in-

fame. Occultius, quo eadem evenirent, curabat postulatis de religione insisti, quæque alia Regem concessurum nemo sperabat. Ceterum potuisse eo tempore satis æquas conditiones obtineri credibile est, nisi privatis pactionibus nonnulli pacem publicam corripissent. Et Parmensis, quamquam bello intentus, monere non desinebat novorum cupientes, ut celeri poenitentia gratiam occuparent. Ante alios Lamota Philippo conciliatus Gravelingam Flandriæ oppidum, cui præerat, eo traduxit, acceptaque paciscendi potestate, illexit alios, clementiæ regiæ laudator & exemplum. Suas deinde copias (octo ea millium erant) non exiguum partibus robur Montigniacus addidit, æris penuria, & quod ex merito in Belgas poenam metuebat, Lanovio imminente. Atrebatæ & Hænovii aliquamdiu nutavere: tandem perscriptis conditionibus ad ceteros Belgas, ut si vellent iisdem uterentur, cum Parmensi transfegerunt: simulque Insula, Duacum, & Orciacum, Flandriæ illius quæ à Gallis diu possessa, & postquam ad suos principes rediit sermonem inde retinet, civitates, quibus hæc privatim à Belgis dissidendi causa erat, quod in concilio proprium jus suffragii non impetrarent. Patris leges cultum Latinæ religionis, solum in Principem obsequium, Gandavensis fæderis probationem continebant: & ut res intra tempus dimisso milite peregrino, regia ex pecunia, in quam contribuerent nationes imperio redditæ, civium exercitus, ad ea quæ converterant propugnanda, conduceretur: de præfecto rex dispiceret: interea Parmensi cuncta obedi-  
rent. Ita maximum militiæ robur regiis partibus Walones accessere, gens læta bello, & cujus  
tuto

tuto periculis Hispanus uteretur. Isque jam finis omnino concordiae Belgarum adversus externam dominationem fuit. Ea nimirum firma demum societas est, quæ spes easdem, aut vincula plura quam dissentendi causas habet. Commune Belgis vix quicquam extra odium Hispanorum: quo impulsæ pacem fecerant Gandavensem, præcipuis ad suadendum sacerdotibus. Mox potentiam sibi quisque & contrarias per vias certabant. Arausionensis & qui cum illo conscii erant eadem quæ Eginondus & Hornanus inervisse, regi diffidebant. Hinc quinque consilium se suæque religionis sectam firmare, quam ad rem gratiæ peregrinæ querebantur. Pars altera, cujus crumen non erant belli primordia, fidem Principi servare, fidem Romanæ religioni, veriti maxime ne aliorum impetu longius raperentur. Sic illos temere coherentes promptum divellere Philippo fuit, si hoc unum satagentibus, Hispanicum terrorem amoliretur. Vbi horum votis satisfactum, ceteri ultra tendebant, cuncta inter Belgas suspecta diu, deinde hostilia fuere: nec unquam postea religiones coaluerunt. Tandem res accidit haud sane insolens, ubi semel in partes itum est, ut qui civibus noluerant cedere, violatis pactionibus sub externa imperia adigerentur. Verum, omnium animis in pacem inclinantibus, facile Arausionensis intelligebat singulorum imprudentia dissolvi rempublicam, ni in tempore obviam iretur. Idcirco solita usus diligentia Trajectum Batavorum se contulit, & saluberrimo ad res suas consilio evocatos Ordines ejus nationis, tum Geldriæ, Hollandiæ, Zelandiæ, Frisiæ ejus quæ citra Lavicam flumen & ejus quæ inter id flumen & Amasium est, arctiori omnes fædere illi.

illigavit. Summa hæc erat : indivulso nexosque  
 inter se , haud alia republica , quam si una gens  
 essent , pacem , inducias , nova bella , tributa , non  
 habituros nisi quæ universi iussissent. In socie-  
 tatibus contrahendis , & ceteris consultationibus  
 valitura majoris partis suffragia , & si qua dissi-  
 dia orirentur , de iis Concilii , aut Præfectorum  
 judicium fore. Objecta hostibus munirentur , neu  
 quis præsidium recusaret : darentque operam  
 singuli ut in tributis & muneri pretio æqualitas  
 servaretur. Hollandis Zelandisque sua & una in  
 publicum religio , ceteris nationibus eandem , an  
 alteram , an utramque mallent ipsarum arbitrio  
 permittebatur. Adacti in hæc verba rectores ,  
 magistratus , consilium cuiusque urbis , & sode-  
 litates . nam veteri instituto præcipui oppidano-  
 rum , quibus idonea armis ætas , in certa corpora ,  
 velut manipulos , adscribebantur. Id præsidium  
 bello , pace munimentum , cum nondum princi-  
 patus ars fuit fidere externis . manet mos & de-  
 suetæ virtutis insigne : sed usu per hos motus red-  
 dito fidelis sæpe illorum opera adversus hostem  
 & seditiones fuit. Hoc modo ; quas dixi gentes ,  
 in leges fæderis Trajectini Sacramentum dixe-  
 re : & nequid ipsas suarum virium lateret , nu-  
 merus iniiri iussus est , oppidanorum simul &  
 agrestium , qui intra decimum octavum , & sexa-  
 gesimum ætatis annum agerent. At per illas na-  
 tiones , quæ non adfuerant fæderi , quantæ non  
 alias turbæ & certamina , dum pars communis  
 religionis , aut patriæ cura adscisci volunt , alios  
 spes pacis propinquæ & dissidendi libido diver-  
 sos trahit. Silvam-ducis tenuit secta Romanen-  
 sis , alterius partis vano metu desertam . cum Parmen-  
 si qui permanferant egere , hoc proprium  
 pacti ,

pacti, ne unquam inviti præsidio gravarentur.  
 Antverpiæ contra cecidit, mansitque superior  
 plebs adversæ factionis, suppliciorum solennibus  
 operatos adorta minaci concursu. Nec Arausio-  
 nensis inhibere potuit vulgus suum, quo minus  
 per vim ejicerentur sacrifici: sed inimici ejus ita  
 interpretati sunt quasi sponte ejus accidisset, quod  
 vetare non potuerat: nam erat ille ab omni tri-  
 culentia alienus, sed qui dato casu sapienter ute-  
 retur, aptandisque sibi hominum studiis in lon-  
 gum jaceret olum profutura. Cœgit id tamen  
 multos è populo orbatos sacris, contraria rei-  
 publicæ vota facere, cum mitius sub rege servi-  
 tium sperarent; nonnulli etiam nobiles descen-  
 dendi ad Hispanos hanc occasionem rapuere.  
 Fuit inter hos Carolus Egmundi filius, quem,  
 dum capere Bruxellam conatur, gnaro ut fertur  
 Mathia, conscia cum manu Latinam religio-  
 nem sectantium, ceteri in foro obsessum inclu-  
 dere, ubi illi suum facinus, & paternæ mortis  
 imago manesque inulti in supplicium verterent.  
 Nam erant qui objicerent, eo in loco, & (quod  
 mire congruebat) eodem undecim ante annis  
 die, patrem carnificis gladio percussum, ejus gen-  
 tis acerbitate, cui tunc filius patriam proditum  
 iret, ad extremum, oppidanorum misericordia  
 incolumis, in Nienovam irruit Flandriæ oppi-  
 dum, quo à Belgis recepto, captivus ipse in po-  
 pularium suorum, ut dicemus, pervenit potesta-  
 tem. Brugis asper & anceps tumultus, capta ar-  
 ma, nec procul cæde res erat: & partes utraque  
 suæ sectæ militem advocarant, priores advene-  
 re Federatorum cohortes, magistratuum acci-  
 tu; isque finis certandi fuit: aliarum urbium tū-  
 multus præsidia prævenerunt. Accessit fæderi  
 sponte



sponte Ipra : sponte & Gandavum : venitque in urbem aliquanto post Arausionensis secunda multitudinis voluntate. Tanta illi vulgo animorum diversitas inerat , & ad honesta pravaque levitas eadem. Ibi demotis qui se ingesserant , honores aliis mandavit. Plerique, quos captivos ibi detineri diximus , negligentius custoditi ; eruperant ; ceteros Arausionensis dimisit : accessitque honori ejus , & invidia , quod Flandriæ præfectura superingesta est recusanti. At Agrippinensi legatione nihil actum , nisi quod maxime Hispanus voluerat , ut in spem pacis distractæ mentes minus in commune consulerent. Oratores partium , sollicitatos privas pactionibus socios , novis contra fœderibus turbatam concordiam , non ex colloquii fide , mutuo querebantur. Sed Belgæ præsentis periculi causa , quod Parmensis adversus Trajectum Mosæ , urbem partim Brabantici , partim Leodici juris , quippe in ipso confinio sitam , plurimum profecerat , nec inferendi militem aut copias occasio dabatur , eximi bello pacificandi tempora rogabant : inque eo sperabant Imperatoris legatos sibi auxilio fore. Sed Terranovanus negabat ejus se rei potestatem ullam accepisse. Dum induciæ petuntur , & negantur , dum conditiones pacis ferri incipiunt , dum Belgarum mandata refelluntur , ut non satis libera , sed adstricta novis jussibus , Parmensis jam ipsis Trajecti mœnibus irrepserrat : inde , quanquam viribus modicis , fortiter defensam urbem post quadrimestre obsidium impetu cepit. Sub hyemem vero Germanos , Hispanos , Italosque milites dimisit fere omnes , retentis tantum ducibus & ala equitum Italica , serius quam Atrebatibus pactionibus convenerat :  
sed

sed tamen id illi Machliniam cum Valentianis & Insula urbe conciliavit. Præsidia idoneis locis Walonum imposuit. Horum ut quisque graviter offensus, aut ultro vicinos offenderat, ita tutissimus habebatur. Pro eo beneficio Parmensis præfecturam confirmarunt, haud satis intelligentes, si quando placitum esset armato duci, fore ut exterum militem ipsi revocarent. At fæderati Belgæ, quanquam tot jam gentium ubiunque jactura spem pacis amiserant, ne tamen odisse magis concordiam, quam desperare viderentur, oblatas à Philippo leges compositionis in singula oppida dimiserunt, ut publico consilio expenderentur. Quæ ut iniqua aut fallacia incusabantur, hæc erant: acta Mathiæ non aliter rata essent, nisi quatenus ad principis supremam potestatem, aut alterius incuriam non pertinebant: quem Belgis rectorem daturus erat Philippus, ei urbes, castella, machinæ continuo traderentur: is cum Senatu cuncta cognosceret. Ordinum nulla mentio: restituerentur ejecti sacerdotes, & quicunque honores aut magistratus gesserant. utrinque dimissis exercitibus ab armis discederetur: nec tributa manerent, nisi principis voluntate. Quæ cuncta eo spectare visa, ut in speciem redditæ leges, studio illorum, qui reipublicæ potirentur, brevi corruerent, atque ipsi exarmati in servitutem retraherentur: nec enim ad tutandam libertatem infirmius ullum esse munimentum regio jurejurando. De religionibus, quæ controversia plurimum habebat difficultatis, ita regi placebat, unam per omnem Belgicam retineri, quæ Romani Pontificis auctoritate firmabatur: nisi quibus in locis alii ritus fuissent eo tempore, quo fædus Gandaven-

se

se approbatum fuerat. extra eos fines diversa  
 \sentientibus tempus præstitueretur, intra quod  
 ordinarent res suas, post Belgica egrederentur,  
 salvis bonis, dum procuracionem eorum Roma-  
 næ religionis sectatoribus relinquerent. Id vero  
 omnibus durum, nec publicæ quieti conveniens  
 videbatur, statum præsentem tot urbium inver-  
 ti, tot hominum millia, expelli, nec saltem libe-  
 rum credere quod animus testaretur. Quam au-  
 tem regionem fore tantis exiliis tutam, aut ca-  
 pacem? ubi quieturos quos patria ejecisset? sed  
 nec sine summo scelere posse rectores quam ve-  
 ram didicissent religionem, quoquo modo in-  
 ductam, per metum prodere. Ne Hollandi qui-  
 dem & Zelandi satis sibi consultum putabant  
 usu religionis ad ea tempora revocato, quibus  
 validæ urbes à republica diffidebant: unde par  
 novos tumultus metui, & quod sua causa à ce-  
 teris segregaretur, suspecta benignitas. Cum  
 Arausionensi seorsum actum: atque eminus filio  
 libertas & paternæ præfecturæ ostentabantur,  
 ipsi tantundem bonorum, quantum unquam pos-  
 sederat, ut relictæ Belgica Germaniam destina-  
 ret tranquillæ senectuti. Sed præter causas diffi-  
 dendi, animus divitiarum contemtor, eoque in-  
 teger & incorruptus, satis habuit scire, quanto  
 Hispanus redimeret sui metum. Finito Agrip-  
 pinensi colloquio, Arscotius & sacerdotes ali-  
 quot ab illis partibus unde legati venerant defe-  
 cere, regi, cui se alioquin hostes futuros in po-  
 sterum intelligebant, per literas conciliati, iis-  
 dem quibus Atrebatibus legibus. At quæ perscri-  
 pserant pacis bellicque consilia Hispanis fastidi-  
 ta, & genti nihil externum probanti ludibrio  
 fuisse. Patuit eo colloquio, quam procul inter  
 se

se principis & populi studia dissiderent. Olim  
 canabile id malum, cum primum alienæ domi-  
 nationis metu nobilitas surrexit: at postquam  
 pertinacius pressa plebem religionis specie ad-  
 duxerat in partes, didicitque vulgus se esse quos  
 reges timerent, aut propter quos timerentur,  
 nec posse nisi credendo capi, primum libertatis  
 gradum putaverunt veniæ desperationem. Inde  
 ausi nihil mediocri, aut quod pœnitentiam ad-  
 mitteret, eo provecti sunt, ut pacis comoda,  
 incerta belli nequicquam postea differerent.  
 Itum est ultra solitum armis civilibus modum,  
 dum inde imperii & ultionis cupiditas sine fine  
 producitur; hinc ipsa pericula delectant, & non-  
 nulla in miseris gloria est. At tunc quidem non  
 unus exercitus, sed exiguis copiis bellum sparge-  
 batur, & fere singulis nationibus suis miles. Id  
 statim vitium reipublicæ apparuit, quod non, ut  
 in priscis Græcorum & Romanorum, aut hodie-  
 etiam florentibus imperiis, in una urbe summa  
 potestas erat, sed inter plurimas civitates æqua-  
 ta vis, unde fit ut propria cuique curæ, ex inge-  
 nio gentis ad quærendas retinendasque divitias  
 exercitiæ, falso publici nomine bonum commune  
 pervertant. Pecuniæ quoque vix confereban-  
 tur: & male cum Belgis agi potuit, nisi hostis  
 eodem malo laborasset, dum Regis aurum Lu-  
 sitania occupat, parandis procerum studiis pari-  
 ter & bello. Nam desiderato Sebastiano in Afri-  
 cana clade, & mortuo Henrico successore, An-  
 tonium regia stirpe editum populus ad regnum  
 vocaverat, quippe infestus Castellanis more fini-  
 timarum gentium. Sed Philippus propinquitatem  
 sanguinis inter alios & ipse adferens, Alba-  
 num cum exercitu misit, qui recusantes armis  
 sub-

subigeret; ejus denique opera Regi Lusitania accessit, per quem Batavos amiserat. tanto facilius regna queruntur. Nec sane quicquam Philippo felicius accidit, non modo, quod omnis Hispania unius imperio continuata est, sed quia Lusitani, plurima terrarum circumvecti navigationibus, maximas Oceani Atlantici insulas, Æthiopumque & Indorum littora imperio aut commercii tenuere. Hoc eventu Batavi, qui è bello Lusitanico suam quietem sperare potuerant, auctis hostium viribus, aliud insuper incommodum sentire, infracto mercatu Hispaniensi, in quo tum facultates civium fere omnes consistebant. Quanquam enim portus regni Castellani hactenus illis non præcludebantur, velut armorum causa nihil extra Belgicam spectante, attamen & à sacerdotibus periculum, & solitæ Regibus, etiam in hospites, injuriæ, detentionesque navium fatigabant: quæ Lusitani apud se abfore promiserant, etiam proviso ne suspectos ad judices aut longas lites vadarentur. Sed postquam regna in unum coiere, nec alterius commercii usus alterius necessitas levabatur, idem utrobique dominus, variis rapinarum nominibus, majorem questus partem nautis exprimere, non quidem continua vexatione, sed talibus intervallis, & spiramentis, ut spe meliorum, & venali ad lucrum quodlibet mercatorum aviditate, nova semper præda succederet. Interim, quanquam, ob æris penuriam, in Belgica utrinque seditiones erant, hoc tamen Hispani facilius mitigabantur, quia, stipendiorum loco, rerum omnium impunitas dabatur. Sed Parmensis exigua aliquot Hænoviæ oppida recepit; quæ federatarum gentium præsidis tenebantur.

nebantur, deinde Cortracum in Flandria astu militari. Bredam quoque illi Altipenna addidit, arcem improviso, inde subjecta adortus. Lanovius vero, cui summa belli iis in regionibus permissa erat, Nienova & aliis Flandriae locis exegit hostem. Inciderant in idem tempus illustrium virorum captivitates: Egmondi & Sellefii superatis in oppidis: & contra ipsius Lanovii, qui à castelli cuiusdam obsidione infelici praelio detractus est, plurisque ab hoste ipso aestimatus, quam ut cum alteris duobus permutaretur. Machiniam Angli, qui Belgis militabant, impetu cepere, tam profana per victoriam avaritia, ut nec sepulchris parcerent: quois detracta saxa palam in Anglia vendiderunt. Multa alia consilia expugnationis subita validior iterum hostis evertit, paucis victoriae praemii penes Belgas manentibus, inopia defensionum. Namurcum, ea tempestate, ad filium venit mater Parmensis, excipere missa notum regimen, ut sexu gratior, & usu aetatis callida pacis moderatrix. Sed ille, qui juventutis vitia abjecerat, ut gloriae indulgeret, demonstrare contra, armis & viro opus: conciliandis quin etiam studiis populi, aut militum, industriam suam sufficere. Vtrumque verum erat: itaque, remissa muliere, sublatum est impium certamen. At in Frisia, aditisque regionibus, velut proprium exarsit bellum, Rennebergii inconstantia. Is fideliter & intrepide diu sectatus optimatum partes, cum gente omni Frisiorum Trajectino fœderi subscripserat, & detrectantes Groninganos, odio maxime accolarum, qui prævenerant, obsidio coegerat in easdem leges jurare. Sed permotus postea cognatorum auctoritate, qui omnes ad

Hispa-

Hispanum defecerant, quo dissidii principia strueret, agrestibus, qui circum colebant, permisit militum suorum injurias propulsare. Hoc dato signo, magna rusticorum manus in ultionem prorupit, diu crudeliter vexata, egitque eo ferocius, quod fortunarum suarum ultima defenderet. Sed rudem belli, & incompositam multitudinem rursus ab Arausionensi Hohenlojus, commissis aliquot praeliis, disjecit. Frisii quoque, suspecta praefecti fide, arces, quae remanserant, aggressi, in tempore solo aquavere: & Transisalanorum gentem ad defectionem sollicitatam, nutantemque discordiis, missis praefectis restituit Arausionensis. Tum ille, omissa dissimulatione, Groningam, cuius potiebatur, regio adjecit imperio. Inde transducta Rhenum arma clades mutuas, & continuam annorum quindecim miseriam invexere. Primum jubetur urbem copiis modicis circumvenire Bartolus Entesius, Marqui olim sodalis, quem, post ingentes praedas terra marique partas, nimium magna sperantem ex turbidis, mors ea in obsidione interceptit. Ad urbem liberandam Parmensis Scenquium misit, Batavicarum quondam partium militem, ad quas postea reversus est, cum sperata transitionis praemia non consequeretur. Sed tunc fortem duci suo operam navavit: nam illius virtute, quod duces majores jam desperaverant, soluta est obsidio, & caesa Hohenloji manus: quem deinde victarum partium fortunam divisit copiis retentantem, perculit iterum Rennebergius: & fuso hoste, pleraque itinerum aut annuum munimenta irrupit: sed cum in Steuovicum, urbem Transisalanorum, vim omnem belli quinque totis mensibus converteret, à Nassavianis

favianis ducibus depulsus, victusque, inter in-  
 ferabiles cogitationes, quanta cum fame iactu-  
 ra, integras opes ad incerta rede gisset, morbo  
 finit. Successit ei Verdugo Hispanus, & com-  
 missa adversus Norisium pugna superior, cete-  
 rum nihil profecit, campis per autumnum ma-  
 dentibus. Hinc fames & morbi militem abege-  
 re. Parebat Parmensi magna satis & digna cu-  
 rari possessio, si tot in ea parte victoriis uti li-  
 buisset: dum alibi arma occupantur, dilati diu,  
 qui tum opprimi potuerant, ambiguum fortun-  
 nam meliora in tempora traxere. Tumultus in-  
 terea nonnulli, & non procul seditione res fuit,  
 ut in Brabantiae, ita in Transilvanis urbibus,  
 studio in Regem ejus multitudinis, quae Latinos  
 ritus sectabantur, quo factum ut inaginibus,  
 sicubi permanferant, sublati è publico, ne pri-  
 vata quidem sacra illis permitterentur, metu  
 coitionis. Circumfuso undique bello angebatur  
 apud Ordines defensorum numerus, quantum  
 tributa minuebantur: quodque difficillimum  
 erat, verso milite ad uberiores stipendiis rapi-  
 nas, nec ager liberari sine pecuniis, nec agro in-  
 sesto expediri pecuniae poterant: jam & urbes  
 praesidia formidare: nec duces castris imperio  
 aut disciplina praesse, sed vitiorum similitudine,  
 dum luxum & omnem licentiam militaria de-  
 cora existimant. Has ob difficultates, invito ci-  
 vibus plurium imperio, Arausionensis cum mul-  
 ta super juredicundo & tributis, & milite, ad  
 praesentem rerum statum necessaria, tum illud  
 quoque Ordinum consilio suavit, ut propter su-  
 bita belli, & tarda conventuum auxilia, Sena-  
 tum legarent, qui de re summa secum consulta-  
 ret. Rebus ita constitutis, ut cuncta sibi prona

E

vidit



vidit damnata Philippo religionis vinculo, & dissentientium validissimos alias in partes iisse, aperire incipit usurpatum hactenus Regium nomen, dum spes maneret pacis: nunc quando ille implacabilis, tanquam rebellibus, compertumque sit, ut quis in Belgas acerbis fuisset, & crudelis, ita in Hispania inclitum & florentem conspici, quid ultra errare populum sacramenti veteris inani religione paterentur? unde enim tot turbas & dissidia, nisi quod fides inter patriam & principem ambigua penderet? At sapientibus haut ignotum, populi ex consensu, populi gratia institutas esse potestates, ut superiores singulis, ita infra universos, quæ si publici curam privatos ad usus verterent, populo, hoc est Ordinibus rite coactis, iudicium & vindictam relinquere. Nec alio jure pleraque regna presentibus sub dominis esse, nisi quod ea populi, priorum injurias aut socordiam pertaxi, ad alios transfudissent. Quanto hæc magis in Belgis valitura, quibus regium nomen ignotum, talisque obsequii modus, ut non dicerent solenne sacramentum, nisi ante principem in sua & legum verba adegissent? Gentium jus esse, alterius perfidia solvi mutuos nexūs. Philippo autem repudiato, alium querendum principem: nec enim eas res esse, quæ contra Hispaniæ potentiam suis opibus facile sustinerentur. & aliena, nemini, ut sua, curæ. Præsenti opus duce, quique Belgas, ubi mala deflexere, salutis suæ negligentes, legitimo imperio excitaret. Germanicas spes se ex animo projecisse. Vnum restare, ut Francisco Valesio principatus deferretur, quem certa jamdudum indicia dedisse non recusaturi. Nec parum referre, si juvenis

sunt

fuminae fortunae proximus huic crescere ince-  
 perit. Interim non fraternam illi Galliam, non  
 studia Angliae defutura : in quam & classem  
 nuper paratam habuisset Hispanus, quam par-  
 tem tempestas, partem Lusitanicum bellum  
 evertisset, & Hibernos rebellantes, nunc idem  
 auxiliis concitaret : nec minora belli semina ten-  
 tatus Angliae novus orbis, & in patriam perlatae  
 quas eripuerant Hispanis opes. Post longam  
 dubitationem, probatum consilium, metu ma-  
 gis Hispani, quam ullo in Franciscum studio :  
 & ab Ordinibus Belgarum Philippo, ob viola-  
 tas leges, imperium abrogatum est : lataque in  
 illum sententia, cum quo, si verum fateamur,  
 novem jam per annos bellatum erat : sed tunc  
 primum desitum nomen ejus & insignia usur-  
 pari, mutataque verba soleunis jurisjurandi,  
 ut qui princeps haecenus erat, hostis vocaretur.  
 Hoc consilium vicinas apud gentes necessitate,  
 & tot irritis ante precibus excusatum, haud de-  
 siere Hispani ut scelus infectari, parum memo-  
 res, pulsum à majoribus suis regno invise cru-  
 delitatis regem, eique praetam stirpem non ex  
 legibus genitam ; ut jam taceantur vetera apud  
 Francos, minus vetera apud Anglos, recentiora  
 apud Danos ac Sueonas dejectorum regum  
 exempla. Mathias cum gratia muneribusque  
 dimissus. Hispanum nec rei magnitudo, nec  
 autor latuit, unde cum judicaret unius hominis  
 vitam ob stare felicitati suae, illum, in quem ar-  
 ma habebat, proscripsit, invitavitque percussio-  
 rem honoribus, divitiis, impunitate etiam ante-  
 peccatorum. Adversus novi moris edictum A-  
 rausionensis apud Ordines Belgicos & Christia-  
 nos principes libello se defendit, adjuvante

Petro Villerio, homine Gallo, qui subactum rebus forensibus ingenium, ad religionem docendam, & hinc ad intima Arausionensis consilia transtulerat. Exstat scriptum utrumque pari acerbitate, qua post crimina ad causam pertinentia, hinc animum ingratum & perduellem, inde sævam ac perfidam dominationem, veris falsisque narrationibus permixtis, porro ad aliarixantium more, prolabeantur. Nam, quia Arausionensis, facto dissidio ab uxore Saxonica, ob causas ipsius gentilibus approbatas, Momptenserii filiam, inter Deo sacras virgines educatam, in matrimonio habebat, utroque nomine inculpatus, Philippo vicissim magna adulteria objectavit, resperosque uxoris & filii sanguine penates novæ dominæ avunculi ad amplexus venienti paruisse: nam conjunx tunc regia Maximiliani Imperatoris erat filia, è regis sorore, quod sædus Pontifex suis, ut multi judicabant, divinis quoque legibus abrogans, auctoritate firmaverat. Sed & ipsum Maximilianum agnatum, & tunc socerum, olim ministro Granvella veneno petiit non tacebatur. Ordines, contemtis Philippi artibus, qui omnem defectio- nis culpam uni assignabat, Arausionensis innocentiam publico testimonio honestarunt, addita super vetus satellitum equitum turma salutis ejus custodiendæ. Gratissima Francisco Belgarum legatio fuit, qua ad imperium vocabatur; amica & matri, cui provisum filios summæ spei nimum imminentes, externis honoribus demulcere. Sed antequam conveniret, opis Regiæ astipulatio petebatur, quæ voto quidem non respondit: tantum enim Rex perscripserat, faventem se fraternæ magnitudini, & ipsi & Belgis

gis, qui sub ejus ditione forent, auxilio ac subsidio fore; quod quo rectius posset, optare regi sui pacem, & fratri prospera omnia. Præiens necessitas Belgas, verbis contentos, cetera sperare tantum coëgit: subitoque Valesius, ut amplius Belgarum studiis se commendaret, intellecto Cameracum hostilibus copiis, castrisque cinctum, extrema tolerare, profectus eo cum exercitu, ad quem alendum magnam illi pecuniam Elisabertha suppeditaverat, perrupit obsidium, statimque princeps liberatæ urbis salutarus est. Neque tum ultra pertendit, quia potissima pars virium erat in clientium manu, & qui spes ejus sponte, nec diu mansuri sequebantur. Situm est Cameracum in finibus Belgarum, propria antistitis sedes, sed utrius sub regni fiducia haberetur, Germaniæ Imperatores & Gallorum reges bello sæpe contenderant. Sed bello Gallico Carolus Imperator detinuerat, imposita arce, cujus præfidiarii, vincto præfecto, federi Gandaveni accesserant. At Tornacum Flandriæ oppidum circumsessum aliquamdiu, absente præfecto principe Spinoio, cujus obsessa uxor singulare edidit constantiæ muliebris exemplum, tandem in Parmensis venit potestatem.

HVGONIS GROTH  
ANNALIUM  
BELGICORUM,  
LIBER QVARTVS.

**E**Ranciscus in Angliam transe-  
ctus, ubi futuro principatui ami-  
citiam firmaret, ita reginæ pla-  
cuit, aut ipse, aut spes in illo ma-  
joris fortune, ut certis conditio-  
nibus de matrimonio ageretur,  
utcuinque religio dissidebat. Lætus is Belgis ru-  
mor, sed frustra fuit, seu dolo instituta simulatio,  
seu fraternæ offensiones impedimento fuerunt;  
deinde ipsius infelix temeritas, quæ cuncta ma-  
luit armis debere. Reversus in Belgicam, solen-  
ni ritu & magnifico cum apparatu, in Braban-  
tia Ducis, in Flandria Comitibus vocabulo impe-  
rium suscipit: leges principatui, præter veteres,  
novæ datæ, ex foedere iniro Burdegala, semel  
ut anno foederatarum gentium convocarentur  
Ordines, sine quorum consensu foedus iniri cum  
Hispano, dux bello imponi nequiret: quæisque  
postulantibus miles peregrinus ablegaretur. In  
ordinanda religione, locandis externis præsi-  
diis, gentes singulæ auctores fierent: eadem  
ternos nominarent, unde singuli ipsis rectores  
darentur: tum si quid inter se dissidebant, ea de  
re Ducis esset arbitrium. Senatus Gallos admit-  
teret duos: cæteri in præsens Ordinibus, in po-  
sterum Duci, sed è nominatis legerentur. etiam  
aulæ

aulæ præcipua munera Belgæ obtinerent. Pro-  
 missa, extra patrimonium Principale, ad bellum  
 annua quater & vicies centena florenorum mil-  
 lia, ut his, quod restaret, id privatis Ducis ip-  
 sius, aut fratris opibus sarciretur. Spes aliqua  
 erat utriusque religionis homines mansuros in  
 fide, tum qui cum Arausionensi sentirent, tum  
 Romana sacra sectantes propter Valesium: quip-  
 pe his Antverpiæ permissum, nec ultra, redire  
 ad suos ritus, dum commune Belgarum sacra-  
 mentum pro novo imperio dicerent. Omnia pu-  
 blice gaudii signa, & ipse non absurdus vultu  
 comitatem, sermone gratiam præferre: sed no-  
 bilium qui supererant tacite indignabantur, re-  
 spicere coacti, in Burgundionum solio, princi-  
 pem gentis diu inimicæ: mutatum scilicet domi-  
 num, ut illi Belgis miscerentur cum quibus nun-  
 quam tuta pax, infestis toties signis concursum,  
 & jam in alterum seculum odia durabant. Etiam  
 vulgi animis fas illud jurisjurandi prioris, &  
 qualiscumque principis respectus haud facile  
 evellebatur. At contra erant, qui novam reli-  
 gionem animis objicerent, ne causa pietatis au-  
 xilio dissentientium contaminaretur. Sapientio-  
 res ex discordia periculum, inde & Gallicam  
 inclementiam formidabant. At ubi patuit secre-  
 to convenisse, ut Franciscus, quamquam ac-  
 cepto Belgicæ principatu, in Hollandos Zelan-  
 dosque nullum, nisi nominis jus temporarium,  
 usurparet, jam Arausionensis quoque consilii  
 auctor damnabatur, ut particeps dominationis,  
 & qui ab initio motuum inunitissimas gentes  
 sibi seponeret. Certe præscriptum ejus nomen  
 legibus & actis publicis: neque tunc præfectu-  
 ra, sed summum imperium penes illum fuit.

Quin & Comitum nomen per eas regiones à ple-  
risque delatum, quo minus reciperet, pauca  
suffragia restabant, cum ad longi laboris præ-  
mia properantem inferius narranda mors inter-  
cepit. At alii hoc potius indignari, quod Galli-  
cæ potentie seorsim manciparentur, Arausio-  
nensisque imperium & ipsi malle, qui cunctis  
defensandis impar, haud immerito socium ad-  
sciverat. Multitudinis sane quanta in illum stu-  
dia fuerint, morbo ejus compertum est. Nam  
cum ex vulnere, quod percussor regius inflixerat,  
graviter Antverpiæ agrotaret, tota civitas inæ-  
stuitiam & ætus suos templis affudit, ut Dei pa-  
cem exposceret, veluti in publici parentis pericu-  
lo. Tunc quidem valetudo restituta: sed reli-  
qua vitæ pars infecta latrocinii Hispanicis fuit:  
iterumque & sæpius depreheni, qui ipsius &  
Francisci vitæ insidiarentur. Dum Ducis copię  
paulatim adventant, Parmensis exercitum in  
Flandriam duxit, ubi Aldenardam, urbem à ve-  
teribus Nervii appellatam, qui Scaldi adfluit  
olim tenere, trimestri obsidio, & telorum in-  
petu cepit, eo facilius, quia præsidium, quod  
satis esset, oppidani recusarant. Inde, cum Bru-  
xellæ circumfusa castris insideret, res arctas urbi  
facturus, consumentis per agros frugibus, & mox  
hyemis asperitate attritus, recessit. Multum subi-  
ta quoque valere: & inter alia oppida impro-  
viso superantur à Valesio Alostum, quam ho-  
stis tenebat, à Parmensis milite; Lira proditio-  
ne aliquot prædiariorum. is locus magnam ad  
bellum opportunitatem habebat, ob propinquam  
Antverpiam: interim & leves pugne æquo cer-  
tamine; & Anglorum non pauci perfuge ab  
Hispanis contentum habiti, aliis ad servandam  
parti-

partibus fidem documento fuere. Mox Lochemum, modicum Geldriae oppidum prope Zutphaniam, Verdugo circumventum, ut fame tentaret, deferere coactus est, ter in vecto coinnectum. At Stenovicum, de quo graviter ante certatum fuerat, labore nullo, per tenebras & insciam oppidanorum, idem occupavit. Interim Philippus, objecto sibi Valesio, majore quam antehac vi & cura agendum ratus, Hispanum Italumque militem Pannenfi remisit, nec cuiquam tantum in Atrebatibus pactioibus & jure, fiducia fuit, ut contradicere auderet. ipse obstitit spectatum in ea sponsione Belgicae totius obsequium, qua spe irrita, cum causa & obligationis vinculum concidisse. Summa recensitu comperta pedites sexagies mille, quatuor millia eorum qui equo merebant: manentque numeri, aut augentur adhuc usque tempora: quorum menstrua stipendia septies centena millia florenorum excedere putantur. atque ejus diuidio non minus cetera belli impendia. Igitur, super tributa domestica, missum à Philippo quorannis non minus vices centenis millibus. tantum Hispano in Belgas perit. &, ne plus pecuniae traheretur, obstitisse crediti, qui, rebus in Belgica male gestis, alienos successus formidabant. Ordines contra, ut egregius initiis novo imperio famam circumdarent, vices quater annum quod fuerat in praesens, ad quadragies centena millia extulere, qua pecunia, Francisci sub signis, praeter Belgas Galli, Germani, Angli, Scoti militabant. Validae utrinque copiae, sed quarum pars magna praesidiis attinebatur: quippe indiscretis finibus, &, ut belli casus tulerant, inserti oppidis alter alteri ex proximo imminabant.



Haecenus sperabat Valesius fraterna subsidia ad  
 eas opes evertendas, cum quibus varia ducento-  
 rum annorum fortuna conflictati Gallorum re-  
 ges, per bellum penuria & sanguine, iterumque  
 pacis conditionibus hostem sibi æquaverant. Sed  
 quanquam Medictæ mater Lusitanici maris  
 possessionem attentabat, Rex ipse nec bellum  
 palam indicere animatus, nec clam quidem su-  
 spectas vires accidere. Nam Philippus ultro  
 prævenerat, emerctus dissidia, quibus tranquil-  
 lum Galliæ statum turbaret. quod ipsi facile,  
 cui multa largiendi facultas; & Galli vix gra-  
 tuito quiescant. Pars igitur validior palam Re-  
 gem absterere, ne alio quam in Romanæ reli-  
 gionis hostes arma verteret. pars, specie altio-  
 ris consilii, callide fallaces, negabant utile aut  
 æquum esse, Regem, cui nec promissa successio,  
 in alienos usus ararium profundere. quin relin-  
 quendos Belgas ipsumque Ducem suæ pauper-  
 tati, donec exhausti, & de summa rei pericli-  
 tantes ad accipiendas leges venirent. satis enim  
 mature ex affini regno vinci Hispanum posse,  
 cum non aliis vinceretur. Et erat rex sponte  
 etiam sua fratri iniquior, non quod offensus, sed  
 quod offenderat: inemor ob suspiciones magis  
 quam crimina duris custodiis nec semel septum.  
 Ea res præcipitem egit Ducem in consilium  
 atrox & plenum desperationis, sibi que pariter  
 & Belgis exitiosum. Nam cum prospiceret fa-  
 cile se illis contemni fore, quibus promissa  
 auxilia non præstaret, tantum inutili principatu  
 gravis, nec inmemor precario se imperare:  
 deinde (quod in regno educatos moleste ha-  
 bet) legibus & aliorum auctoritate retineri,  
 orata aliquoties mutatione, nec obtenta, singu-  
 larem

larem potentiam vi statuit munire, & fidissimis ducum Flandriæ oppida præsidii occupanda delegat: ipse Antverpiam sibi sumit, ut maximam urbium, & ubi Arausionensis validior gratia, cui tacito fœdere partem deberi sciret potentie, & Ordinum legati, dominationis impedimenta. Credibile est hujus temeritatis concitores fuisse, non modo quibus occulta cum hoste consiliorum societas, & fides pretio corrupta, qui certum duci imperium ex matrimonio Hispanico ostentabant, sed Gallos, qui urbium direptionem, aut, majorem prædam, honores sibi proposuerant, unde legibus arcebantur, cujus cupiditatis totidem gentes compertæ sunt, quot Belgæ socias habuere. Adfuit successus ubi Gallorum præsidia prævalebant, capiunturque Vilvorda, Tenerimunda, Dicastruda, & Dunquerca, maritimum Flandriæ oppidum, commodo situ ob Galliæ commeatibus. Brugis & qui ante præsidebant, & qui recens advenerant, egregia magistratuum arte, elusi sunt, qui ductos in curiam tribunos, consultandi specie, coëgere, ut egressum militi per literas imperarent: & hic metu armatæ plebis haud gravatim paruit. Antverpiæ majus periculum, cruenti exitus, eruperant quanquam indicia & occursum ab Arausionensi urbisque rectoribus quantum poterat dissimulata suspicione. Exercitus eo Helvetiorum Gallorumque convenerat, ut, capto tum forte munimento, cui Endovia nomen, & fuga hostium, Brabantici agri possessio retineretur. Ad eos, velut agendo censui, sub ipsa mœnia Dux egressus, cum familiari comitatu, obtruncari repente vigiles, invadi portas jubet, ut cæteris pateret aditus. Et jam centuriæ septende-

cim per urbis vias, quasi victrices volitabant; Missam Romanæ religionis sacrum inclamantes (id conspirationis signum erat) cum oppidani relictis mensis (prædebant enim) ad subitum tumultum corripunt arma. qui primi processerant Valesianos transire in ulteriora conantes, objectu corporum, prohibuere. Paulatim plures manus coortæ, undique egregia virtute, & concordia, (suos nimirum penates, suas fortunas tuebantur) cunctos qui urbem ingressi erant, in portam, qua intratum, repellunt. Ibi alta strages, atque inter angustias fugientes adventantibus mortui vivis impedimento erant. At Franciscus, ubi insaniam cœpti eventu didicit, pudore & conscientia vecors, rerumque omnium egenis, quantis potuit cum copiis, inter magna vitæ pericula, & gravem suorum jacturam, per humida camporum trans amnem Dilam profugit. Hæc tam insignis injuria multorum animos, ne ante quidem satis æquos Gallico nomini, vehementius offendit. Nec omittebat Parmensis, & qui Belgarum apud illum erant, infaustam defectionem, & novi dominatus graviora, quam fugiebantur, scelera literis incessere. Ferenda scilicet superiorum ingenia, nec ulli populo tutum inter tot regna rebellare. Quod si vel nunc tristi experimento ad obsequium rediretur, æquas leges, & Regis clementiam offerebat. Senferat Arausionensis nimis oportunum rebus Hispanicis tempus pacificationis invadi: & quanquam consilium semel inprospere cesserat, quo maximam potentiæ suæ partem amiserat, vulgi favorem, rogatus sententiam, multa cum invidiæ deprecatione, exposuit. Si concorditer regi respublica potuisset, & suis opibus administrari,

strari, dubitandum non fuisse, quin merito unius & externo imperio abstineretur. Neque nunc illud quæri, an jus sit eum deferere, qui prior publica jura violasset, quod satis cautum pactio- nibus: sed vires respiciendas; modicum sibi mi- litem, & urbes validas in Ducis manu: delibe- randum Belgis, suas has esse, an hostium mal- lent. Multum autem referre, ad Hispanum, an ad Gallum ab utroque offensi reverterentur. Nam illam potentiam, imperii vetustate coalit- am, reperire semper instrumenta ad opprimen- dam libertatem: huic, si quid moliretur, defore qui libidini ejus obsecundarent. Satiùs igitur Gallum experiri, cui semel deprehenso non oc- casionem posthac, non animum eadem auden- di. Ipsi vicissim, pro uno recenti delicto, mul- ta Ducis benefacta, & proximos per annos de- fensas urbes, oppressos hostium conatus ipsius opera, benigne cogitarent. Ita redituram belli concordiam, si peccasse Franciscus se meminif- set, ipsi obliviscerentur. Cui orationi accessit ab aliis excusatio imprudentiæ juvenilis, & animi è regio sanguine, qui nulla obsequii humilitate delinitus, forte & quorundam incensus contu- macia, non tamen ad cædes & rapinas, sed ad securitatem potentiæ pravis consultoribus infe- lix iter legisset. Rex etiam Galliarum pollici- tatione, & latentibus minis fratrem cominen- dabat. Cœptum igitur agi cum Duce, ut, resti- turis oppidis quæ habebat in suam potestatem, Dunquercam secederet: eodem commeaturos qui cetera componerent. Interea, longa cun- ctatione, dum & ipse oppidorum restitutioni renitur, & Belgæ militibus, qui cum ipso erant, alimenta non suppeditant, plebis metu,

quæ recentis metus tenacior, majora & vetera minus cogitabat, vix tandem placuit, Bironeum Gallici exercitus ductorem mitti, ut Parmensis conatus compefceret: qui tum, captis oppidis aliquot, Brabantiam intestabat. Sed nec huic bellum satis processit, & colloquium multis difficultatibus trahebatur, ultro accusante Francisco, quod velut in vanum principis nomen accitus, tributorum rationem, & res maximas celaretur, nulla ad benefaciendum cuiquam licentia: neque mirum, si, post tot aliorum exempla, qui ad res Belgicas invocati, gravia sensissent mutatae voluntatis experimenta, inventus esset ipse, qui, diu cunctatus, nollet ex alieno iutu pendere. Præcipue autem flagitabat, ne cunctis Principibus permissum sibi uni negaretur, ut extra curiam domesticum haberet consilium: cuius moris usum laudabat ante alios Ioannes Bodinus libellorum præpositus, notum scriptis ingenium: contra, Belgis nihil æque perhorrescentibus: etiam pro sacris Romanensibus aliquid Galli in speciem attulere. Hæc inter certamina prope inclusus Dunqueræ Franciscus, cum super veterem dolorem novo tædio angeretur, & arctiore oppido multitudinem vastarent morbi, in Galliam concessit: sive ut mutata locorum facie animum recrearet, sive, quod credibile est, rediturus in gratiam cum fratre, durantibus hæcenus offensis. Temporaria certe profectio fuit: neque, dum vixit, adire illum Belgæ legationibus desierunt, ut Flandriæ nutanti suppetias veniret: orantes maxime Regem, fraternam ut causam aperte amplecteretur: id si minus posset, ut milite & pecuniis juvaret, omnesque à Gallia comineatus

in hosticum intercluderet : quæ si impetrarent , non verebantur Regi successionem imperii legibus eisdem addicere , ita ut jure Francico in corpus regni multis post sæculis, rediretur. Sed sequentium temporum malis, & Francisci morte direnta colloquia. Superstès is fuit honoris & dedecoris sui menses non amplius septendecim, confectusque aliis per libidines , aliis veneno, plerisque animi ægrimonia creditur, communi ferne omnium exitu , quibus ante illum, vel pòst, infelicium populorum malis abuti libido fuit. Etiam finus habuit, nullis Belgici imperii insignibus, & rerum ibi actarum silentio, dum rex frater vitat Hispanum, quem rebus non audebat, inanibus offendere. Vt primum Franciscus Dunquerca excesserat, Gallorum cohors, quæ præsidio relicta erat, acceptis stipendiis dilabi & diffidere genti quam læserant. Ita milite nudatum & navigiis oppidum minoribus ducibus obsidendum Parmensis delegat : mox ipse adest ad perficiendam oppugnationem iusto cum exercitu. Imperatum Bironi erat insequi hostem, & vires committere : sed Gandavenfes veteri in Valesium odio, & reperta specie tumultuandi, transitum negarunt. injustum enim esse ajebant ejus copiis uti, quem neque principem ultra, neque amicum agnoscerent. Hac igitur istorum hominum pertinacia Dunquerca in Hispani venit potestatem : unde nunc perpetuo intutum mare. Nam importuoso in littore vix modicis myoparonibus subsidia habet: hinc, ubi commodum est, observato exitu, prætervectas Batavorum naves ad piscandum aut cum mercimoniis, ubi opposita Britannia arctat oceanum, prædones aggredi solent, & facile effu-

effugium levitati apertum per mare, aut propinqua inter vada, adversus bellicas moles. Nec hujus quidem oppidi tam insignis jactura sanavit dissensiones: sed necesse fuit dimitti Bironem cum exercitu, quanquam obestante Arausionensi, ne hosti animoso & felici proderent rempublicam: adeo Gallis nihil credebatur: & ipse propter illos adverso rumore erat, ita ut Antverpiæ in arma concursus sit, vulgato mendacio Gallos ab Arausionensi in arcem inductos, inde urbi imminere. Ille vero, cui nihil æque insolitum, aut triste erat, quam civibus suis formidolosum vivere, non tulit mutatos vultus, & pro festis acclamationibus, suspicax silentium: sed relicta sex annorum habitatione in Zelandiam, & certiora imperii concessit, ingratis animis & imminetibus periculis exentus. At Parmensis, vacua nactus vincendi tempora, Neoportum Dunqueræ dextro littore aditum, & interiora Dicasmudam, Furnas, & Bergas quæ Winoci dicuntur in deditionem accipit. Inde Flandris major indies belli detestatio, & plerique in tantum proxima meminerant, ut contra Gallos vel Hispanis faverent. Per idem tempus Hollandiam hominis ignobilis audacia turbare sermonibus scriptisque aggressa est: Hogius dicebatur: sed ipse materno dedecore & forma non dispari vanam sanguinis gloriam affectabat: quasi Carolo Cæsare genitus: inde ab Hispanis injecta spe, fore ut illum Philippus fratrem agnosceret, homines novorum cupidos, aut quibus præsentia displicebant, in spem pacis, & obsequium gentis Austriacæ retrahebat. Sed conspiratio adhuc recens auctoris supplicio extincta est. Pugnari cœptum &  
in



in Agrippinensi ditione, quæ tunc Ernesto Bojaro cum pontificatu delata erat, ob Truxii conjugium. Is enim, ejusdem ante loci antistes, in tempestivo amore illectus illustris feminae, festinat exuere cœlibatum, quod per Latinas leges sacerdotibus non licet, cum in promiscuis libidinibus facile conniveatur. Ille hominum scitis fas divinum opponere, & impar tantis ipse curis, per Casimirum, & Nienarium Comitem Mursæ, modici utriusque exercitus ducem, inhærere urbibus, donec vi hostium & suorum perfidia plerisque præfidiis depulsus, inito cum Belgis fœdere, ad Arausionensem profugit, unde populationibus se, ut potuit, ultus est: factumque est hoc bellum majoris accessio: nec id Hispano ingratum, quo speciosius limitaneas Germaniæ urbes, vetera Belgarum exsulum receptacula; armis involveret. Auxit hoc quoque valescentem indies Parmensis fortunam, quod Zutphaniam, quæ nec justo præsidio, nec satis concordi tenebatur, Taxis tribunus ex insidiis illi cæpit, adjutus gregarii unius opera, quem habuerat apud se captivum. Hinc jam cuncta inter Isalam & Rhenum sita Hispanorum incurfibus infesta erant: nec occludi saltem exitus potuere: urbs quoque frustra obsessa est. Adeo tunc maxime Belgarum vires & tempora discordiis peribant. At primores haud pauci, rebus publice desperatis, privati remedium ex venia gratiaque Regis quærebant, quæ nisi magno facinore non sperabatur. Ita Wilhelmus Herembergensis, qui, accepta in matrimonium Arausionensis sorore, primæ spei periculorumque socius fuerat, levitate ingenii, Geldriam quam tum regebat, statuit donare victoribus, sed præ-

venia



venta fraude, & accepta fide dimissus, tamen transfugit, nihil partibus conferens præter egrégia filiorum robora, quos ad defectionem impulit, nec suis criminibus implicitos, nec honorum expertes. Geldriæ mox regimen Nienario datur. At Flandriæ miserabilis status. Ipra à Parmensi obsidebatur. Gandavenfes Imbifium revocaverant, non alia gratia, quam quod cum Araufionensi & Gallis veteres inimicitias exerceret: hic summum denuo magistratum adeptus, per turbulentos aliquot concionatores, plebis animos quatiebat. Brugatum civitas, cum Flandria bello ardesceret, præfectum sibi advocaverat Carolum Cimacensem. Arscotii is filius, mutatis aliquoties ex fortuna partibus; proxime à patre desciscens, voluntario exilio mutatæ religionis studium professus erat, eo impensius, quia simulabat. hac arte irrepens illorum animis qui sacras literas populo interpretantur, hominum minime callidorum simplicitati illudebat, & per eos vulgi affectibus commendabatur. Non minus autem Cimacensis quam Imbifius cum Romanæ sectæ hominibus secreta consilia agitabant, cum tamen palam illorum nonnullos uterque vinciret, aut relegaret. Interea alteram plebis partem ita sibi ficta superstitione devinxerant, ut omnium odia incurreret, si quis de illis sinisterius suspicaretur. Hi duo fuere, qui Flandriam, nobilissimam regionem, munitam adhuc tantis urbibus, hosti tradere susceperunt. Iam primum ut Gallos revocandi levarent necessitatem, Casunirum, & Truxium & Getmanica fœdera loquebantur; non, quod spes aliqua appareret, sed ut elapso remedium tempore, præter deditionem nihil resta-

restaret. Ita pacis laudatores licentiam primum loquendi, mox & auctoritatem habuere. Sed ita rem instituerant, edebantque in vulgus, quasi pax daretur, non cum Parmensi & Hispanis, sed cum Belgarum civitatibus quæ ad imperitum reverterant. Id enim erat aliquanto popularius: addito, resipuisse Regem, contentumque obsequio quod sibi deberetur, divina Deo permittere. Simul libelli & sermones jaciebantur, cum gravi Gallorum insectatione, & eorum qui tam diu inæquali certamine publicas & privatas Belgarum opes atterent: nunc quidem nullas sibi vires, nec foris spem societatis, cum potentissimi Regis arma continuis victoriis ipsos pæne inclusos haberent: manifeste nimirum Deo improbante cruentari sacra, usumque religionis per vim & cædes rapi. At veteres certe Christianos profanorum etiam principum, cum maxime sævirent, imperia tolerasse, ut impositam à Deo necessitatem, quam cum demere ipsi visum, non arnasse populos, sed mutasse imperantes. Iuris bellicque arbitrio semel ad principes translato, nihil subditis præter patientiam & preces relinqui. Quin ipsam pietatem malle sæpius oppressam seinet colligere, quam laxitate diduci. Multos sub Carolo & Philippo suppliciis cecidisse, nunc armis quanto plures? Et illos quidem felices, qui non suo scelere perirent: at civium inter furores æquè miserabiles, qui ista facerent, & qui paterentur. Vere spectanti non hæc esse belli semina, quæ dicerentur, sed paucorum ambitionem, quos domesticis periculis excidium patriæ opposuisse. Harum rerum conscius Parmensis insurrit occasione: & Ipræ castellis circumfusa, quo minoribus copiis opus haberet,

beret, exercitum sub ducibus Vicecomite Gandavi & Montiniaco in septentrionalia Flandriæ dimittit, ut sibi faventium animos Belgarum procerum auctoritate confirmaret, & qui id sponte facturi non erant, interclusa spe auxiliorum, ad traditionem cogrentur. Est in ultima Flandriæ parte, quam continuus adhuc Scaldis à Brabantis, scissus deinde à Bevelandia Australi Zelandorum insula dispescit, flexuque suo amplectitur, terra Wasia nomine: quam tum regibat Stelandius, eodem quo Cimanensis & Imbissius in patriam animo. Huc ubi regii duces pervenere, continuo omnem eam regionem traditione præfecti nanciscuntur, oppidaque Hulstun & Axelam, cum castello cui Rupelmunda nomen, priscis Flandrorum historiis non incelebre. Origo vocabuli à Rupella tenui amne, qui Scaldim illabitur, unde non nimium longe in altera ripa Antverpia est. Interius aliquanto recedit Alostum, cujus præfidiariis (peregrinus erat ex Anglia miles) mediocris ex causa stipendiorum summa debebatur, neglecta solvi à Flandris, etiam cum milites hostium viribus, penuria sua, vicinorum exemplo ad deditionem sollicitarentur, quæ deinde secuta est. At Brabantique non omiserunt disjicere aggeres, diffundere Scaldim, & ultra eum castella disponere, ut suam ripam tuerentur, hostilem incurrent. Parmensiani interea duces, quo duarum urbium maximarum seditio pluribus malis incenderetur, inter Gandavum ac Brugas castra locarunt, obsepta etiam annuum navigatione, ad arcendos comineatus. Igitur utrobique Romanæ religionis sectatores, quique alii per dolum, aut, quod ita sentirent, res Hispanicas pacis

cis nomine amplectebantur, non amplius mustitare, aut secretos quærere conventus; sed publici & maximæ auctoritatis compotes partim suadendo, alios metu, pertrahere in suam sententiam. Hi tandem discessu ceterorum Brugis præpolluere; simul Cimacensis erupit. Quæ postquam ad Arausionensem per fidos magistratus delata sunt, data est opera ut ille comprehenderetur per cohortis præstidiana præpositum. Sed hunc ipsum Cimacensis donis prævenerat, & præsentis usus occasione, edocta plebe seque & urbem inimicorum insidiis peti, munera publica & honores ereptos aliis in eos contulit, qui cum ipso consilia sociaverant. Ab his igitur adjutus, urbem Romanæ religioni & Regis obsequio reddidit. In easdem leges oppidi Danuvæ deditio facta est, & liberæ universitatis, quæ Brugarum olim imperiis, gravioribusque agri oneribus excepta, Franconatus vocabulo appellatur: & in Flandriæ conventibus par maximis urbibus dicendæ sententiæ jus habet. Nec Ipra communis spem pacificationis, & obsidii mala diutius toleravit, tertia principum Flandriæ urbium à Gandavo Brugaque. Gandavenses & ipsi venire ad colloquia per legatos, inducias, obsides. Sed urbem servavit parum dissimulata Imbissii perfidia. Nam Teneriundam oppidum, quod Risovius Arausionensis jussu strenue tutabatur, Hispano tradere voluerat, gratiæ duplicandæ, & apertius quam ut lateret. Cumque ab aliis in tam nefario consilio præpediretur, curiam & inclusos Senatores comitatu militum, quos præsidio acceperat, ibat obsessum. Vtrumque hoc facinus populi animos ita abalienavit, ut in convictum proditoris capitali supplicio animad-

verterent. Egregium infaustæ ambitionis documentum, functus amplissimis honoribus senex, & diu secundis usus vulgi studiis, quem eo deripuit civilis contentio, ut sceleris magnitudine etiam misericordiam consumeret. Prostrato partium duce, quanquam tumultus redardesceret, per tempus aliquod res eorum validiores fuere, qui pacificationis insidias arguebant. Sed inclisam pæne urbem, & hostilibus copiis circumfessam Parmensis satis habuit fami & discordiæ relinquere. Major animo spes & labor, dum ipsi florentes copix, & quod roboris erat Fœderatis gentibus irritò Zutphanix obsidio attingitur, superare Scaldum; aditamque ei fluvio Antverpiam, Belgicarum urbium nobilissimam, quæ acceptos è Zelandia compuneatus toti Brabantix dividit. Hac ratione urbs, una bello, ceteræ penuria & metu petebantur. Transposita igitur parte exercitus depellit præsidiarias Belgarum naves: utramque amnis ripam complet tormenris & milite. Sed Antverpienses, ubi objecta Flandrix hosti cessisse intellexerant, ad navigationem muniendam, inter alia castella ex humo excitant duo, quorum alterum infra urbem ad vicum Lilloum erat, alterum Flandrica in ora positum retro Hulstium Wasix oppidum respiciebat. Hoc, quia semifacto opere erat, oppugnatum captumque est: illud multa cum Hispanorum clade Teliniacus defendit Lanovii filius, paternarum virtutum imitator. At ingruentia undique pericula mors Arausionensis impulit, importunissimo tempore, si Belgas spectamus, quorum res turbidæ & afflictæ ejus poterant unius consilio regi: sin ipsum, imminature occidisse videri non potest, qui fortunæ publicæ, cui suam

arctissime devinxerat, crescentibus malis ereptus est. Nam post illius obitum intestina seditione, & continuis hostium victoriis oppressa jacuit, donec in filio respublica & quodammodo ipse revivisceret. Delphis in Hollandia à Balthasare Gerardi, Burgundione, glande trajectus est; qui proscriptionis præmio, seu partium fervore concitus, mira animum firmitate, ut ad facinus, ita ad facinoris poenam duraverat. Nec desuere ipsi laudatores, quanquam Italus Parmensis, cum publica ob amotum hostem gaudii signa postularentur, famam & jura belli reveritus, erubuit permittere. Vna morientis ad Deum vox fuit, Miserere populi. Nec dubitant qui senescentem interius novere, quin varietas casuum, quos, prima ab ætate, quinquaginta ultra annos pertulerat, maxime, ex quo suscepta causa plena invidiæ, plena difficultatis, armis & ira potentiorum, obtrectatione æqualium, sæpe & vulgi offensis afflictabatur, ut tolerantiam rerum humanarum, ita seriam pietatem illi firmaverit. Quare, ut corpore nihil fracto laboribus, ita animo semper excelfo egit, secundis adversisque juxta immotus. Reticendum non puto in signum abstinentiæ & infelicitatis, adeo nihil Arausionensi, præter gloriam ex bello civili, cecidisse, ut rem privatam, qua ultro publicam adjuverat, reliquerit perturbatissimam quadruplicis matrimonii liberis. Prima illi nupsit Egmunde ex sanguine Buræ & Lerdami Comes, ex qua Philippum sustulit, quem Hispani captivum abducere, & Mariam, Hohenloii Comitissæ postea conjugem. Altera ex uxore, Ducis Saxonum, Electoris Germanici, filia, natus una cum sorore Mauritius, tertium Arausionensis matrimonium habuit

habuit Borbonii generis, & inde liberos virilis  
 sexus nullos, filias complures, quibus per Ger-  
 maniam Galliamq; amplissimæ conditiones ob-  
 tulerunt. Ultima excepit morientem Coliniaci,  
 maris apud Gallos quondam præfecti, & partium  
 dncis, filia, Henrici Frederici mater. Nullum  
 unquam finis tanto populi luctu, & prope de-  
 speratione, celebratum est. Solatio fuit, quod  
 Mauritium, qui tum decimo & octavo ætatis  
 anno Lugduni Batavorum sapientiæ studiis in-  
 hærebat, ob indolem virtutis, & ut parentem  
 libertatis auctorem grata memoria remunera-  
 rentur, publicæ curæ licuit imponere. Huic pa-  
 ter, in hæreditatis divisione, inter ceteras pos-  
 sessiones, Flislingam situ invictissimam, unaque  
 Veriam, Zelandiæ oppida, assignarat, empta  
 sibi ab his qui Marchionis titulo tenuerant, eo-  
 que nomine in Ordinum illic conventu locum  
 principem: præter quod, ipsa quoque illa duo  
 oppida, jus suffragii, juxta Middelburgum, Si-  
 rixæam, Goesam, Tolam acceperant, Abbatis,  
 qui olim primo loco sententiam dicere solebat,  
 jure intermortuo. Quia vero summum regimen  
 foris petebatur, data adolescenti Hollandiæ &  
 Zelandiæ præfectura. Vicariam potestatem Ho-  
 henloius accepit, qui plurimis armorum expe-  
 rimentis inclaruerat. Frisia vero, in honorem  
 illustriæ familiæ, quo externis nobilitatibus res-  
 publica esset commendatior, Wilhelmo, Ioan-  
 nis Nassavii filio, quem pater eas in partes  
 jam ante miserat, regenda conceditur, quanquam  
 erant qui civium imperia præferebant, intem-  
 pestive avidi libertatis, cui tolerandæ impares,  
 tunc maxime in discordias ibant, dum, sum-  
 mam curam ad se trahentes, hinc iudicium con-  
 sessus,

sessus, introductum sub Burgundico principatu morem in exemplum trahens, inde Frisiorum Ordinum legati, recens institutus Arausionensis consilio & vicinorum exemplo confessus, urbium ille, hi nobilium, agros tenentium, opibus nituntur: quas ad occasiones intentus Verdugo, cum exercitu præpolleret, tetrori adjungebat clementiæ famam. Sed Wilhelmus, iussa moderatione medius, primos, qui acerrimi, dissidentium impetus inhibuit; interim finibus se undique obiectus, præter populabundos excursus nihil hosti concessit. Sic tempus datum orta certamina colloquiis & arbitriis componere: legatisque Ordinum, quæ conventui iussa exsequi & quotidiana reipublicæ ordinare: iudices, de litibus post omnes iussi cognoscere, de capite soli, ut sub Burgundica domo: præterea cum præfecto oppidanorum magistratuum electiones regere, ut studiis intactiones, nisi quod Leovardia & Francra jus legendi sibi tenuere. oppidâ, quæ olim haud aliter quam vici, in tres regiones, Oftergoam, Westergoam, Septemsilvas distributi, inter eos sententiam dixerant, aucto per bellum & usu & auctoritate, tum in conventu, tum in illo novo legatorum confesso tertiam imperii partem acceperere, non tanta tamen concordie fide, ut non pressa odia interdum erumperent, præsertim ubi de novis oneribus disceptabatur, in quibus valere majoris partis decreta vetabat hinc, ut apud vicinas nationes, mos sub principatu haud imprudenter introductus, libertati periculosus, ni pro jure succedant prudentia & publici amor. Quo magis admirandam ego, per omnem belli historiam, & istis maxime temporibus, arbitror Batavum fortitudinem, quos, non sociorum ab-



omni latere defectio, non aucta continuas inter clades tributa unquam fregerunt, non illa mors ducis, ut pacem poscerent, rati ejus nominis illecebra deditioem trahi. At Parmensis, velut Arausionensi bellatum haecenus foret, quem defectio nis ruptorumque foederum auctorem divina nunc ultio mactasset, ipsos ad poenitentiam, & vetus obsequium revocabat: quæ postquam constanter vidit repudiata, coeptum Scaldis obsidium perficere proximum arbitratus, Brabantie aggeres castellis instruit, aperitque idoneis locis, ut amnem adjacentibus superfunderet: Deinde omisso Lilloo, quod aliquamdiu frustra obsederat, subito Tenerimundam versus (hæc pars est ejus Flandriæ, pro qua Comites jam olim neutri regno fidem debuere) rapit exercitum, & aqua moenibus abacta, milites præsidio relictos deditioem facere cogit, missaque trans Scaldim parte copiarum, ut Bruxella Antverpiæ commerciis absunderetur, Vilvordam capit, quod oppidum ad Sinnam amnem interjacet. Simul Gandavenfes, quod Hollandorum arma alibi occupabantur, nulla spe auxilii, imminentem necessitatem festina pactione præveniunt, conciliatore Campigniac, qui, captivus ea in urbe, liberaque in custodia habitus, legati officium tutoungebatur. Sed & Ricardoti celebratur solertia, quod leges deditiois præscribens, sacrorum diversitatem repudiaturus, non ante præ se tulit, quam inclinatis ad pacem omnium animis, recedere tutum non erat; & alterum ejusdem commentum, quo sex è civibus, ad explendam ultionem, Parmensis arbitrio exceperat, magno proventui fuit, dum æquale omnibus periculum singuli pro se deprecantur. Nec omisit Parmensis, priorum gnarus

&amp;c

& in posterum providens, arcem reponere, quæ civitatis immodestiam coerceret: totiusque jam Flandriæ potens ( præter oppida maritima duo, (Clusam & Ostendam,) comineatus bellicue copias inde adventantes adjuvit, deducta fossa ad eam ripæ partem, quam castris infederat. Inter hæc, ad quos Antverpiæ cura pertinebat, sociorum opein implorare, nova instituere tributa, per Belgicam & Angliam conscribere militem, nec certe ullius rei obsessis major copia fuit. Nam præter classarios centuriæ fere octoginta, sedecim turmæ Brabantiam tuebantur. Sed incertum urbis imperium senatores, magistratus, centuriones plebis, præpositi militares distrahebant, nimia regentium turba: eoque perniciosius id vitium, quia inundationes, & alia publice profutura, privati commodi ratione, avertebantur. Vicini, quos ulterius omnium urbis periculum spectabat, alii alium respicientes, auxiliandi tempora, dum nondum hosti firmatæ sedes, prætermisere: sero, cum ultima urgerent, opes & vitam profundere libuit, nemini profutura. Maxime autem consilia Belgarum frustrata est accitæ foris potentie expectatio: nam eò angustiarum deventum erat, ut vellent regnis accrescere, nec admitterentur. Regis quidem Hispaniarum vires brevi immensum adauctæ, si Belgas recuperaret, & labore armorum levaretur, juxta positos formidabiles erant: nec ullus jam Arausiorensis, qui sub onere fatiscens, & tot cladibus afflictos sua fortitudine in spem meliorum erigeret. Nam ille quidem ita comis fuerat & popularis, ut nunquam libertatem aut dignitatem suam cuiquam gratificaretur, neque detegendis vitiiis parceret, supra omnes positus avaritiæ

suspiciones. quo nomine admirabilem, simul  
 atate, genere, experientia gratum, plerique ju-  
 dicio, alii assuetudine venerabantur. Hec col-  
 lapso, etiam obsequium concidit, ut sine exter-  
 nae potestatis firmamento restitui non posset: nec  
 enim plebs tantum nullo fulgore eminentem, &  
 tot nuper infortuniis concussam procerum au-  
 ctoritatem coeperat contemnere: sed & miles  
 imparatus obsequio: & contra imperiis vetus  
 prudentia aberat. Inter quæ via patebat Par-  
 mensis artibus, servitium amicis nominibus ve-  
 lantis. Quare visum occurrere desperationi,  
 simulque Rex Gallorum & Angliæ Regina mi-  
 fere, qui luctum ducis, & ceterorum casuum  
 moestitiam solarentur, notabili argumento, vi-  
 cinos principes, ut suis Batavos opibus & con-  
 stantiae interdum relinquere, ita periculis non  
 defuturos. Sed dubitatum fuit utrius regimen  
 præoptaretur: nam invisa Gallorum imperia  
 per Italiam, Anglorum per Galliam Hiber-  
 niamque memorabantur: apud hos, populo con-  
 suli, parco usu tributorum: illic plus leges vale-  
 re, nec infinitam regni potestatem. Apud Gal-  
 los, mores pretio corruptas, magnoque emi ut  
 patriæ serviatur; Anglis dura dilectus, dura in  
 pupillos jura: quæ mala ut primum pactis ca-  
 veantur, paulatim exemplo serpere. Sed religio  
 cum Angliâ communis, quam per Gallias at-  
 trahi aut evelli odiis crudelibus & perfidis: hinc  
 contra, spes Borboniorum, qui eadem sacra pro-  
 pugnant; inde, ambigua successio, & inter in-  
 hiantes Scotorum Regina, Romæ & Hispanis  
 devincta, prospiciebantur. Ita certabant res præ-  
 sentes & ratio venturi. ingens Gallis & prope-  
 modum par hostili potentia: minores Britannæ,  
 sed

sed maritimæ vires. Prælata est Gallia, Anglis ultro suadentibus, qui se falsi infirmiores, subsidia duntaxat, & acceptis pignoribus offerebant. Ita veteres & renovatas Francisci facti inimicitias temporum necessitudo evicit: arcumque ingens patefactum est, posse Belgas sub domino esse, non posse sub Hispano. Nam minora multo postulabantur quam quæ Francisco præscripta fuerant, & quæ secretiora habebant legati mandata, metu offensæ, statim aperuere: ex his etiam circumcisa quæ invisæ erant libertatis, puta, ut Ordinibus injussu Regis convenire liceret, senatus è Belgis esset, præfecti & magistratus è nominatis legerentur, inque omnibus honoribus, ejus religionis, quæ tum sola per istas partes recepta erat, ratio haberetur: quanquam erant nationes quæ ad ista remittenda non consenserant. Quibus agitatis diu, lentiore colloquio quam præsentis necessitates ferebant, invito non minus Rege quam Belga, accidit, ne juncti adversus Hispanum imminentem, alter alterius ope rem statumque firment. Lætari se honore, & uti voluisse, sed impediri intestino tumultu Henricus imputavit. Nam Lotharingorum familiam, invidiosæ jam olim per Galliam potentia, Philippus eo maxime tempore, imminutionem virium suarum metuens, arcanis opibus inspes magnas erexerat. qui, facta conjuratione, Romanæ religionis tutelam, dissentientium poenas, tributorum levamenta, & alia captandæ plebi jactantes, Regem timoris manifestum, quantum ipsis plura largiebatur, tanto insolentius contemfere: ac postquam orbitas ipsius, mortuus frater, è propinquo Carolus Borbonius senectute & sacerdo-

tio invalidus, ceteri à Romano Pontifice devoti, successionem fecerant incertam, tandem apertius innuebant, venire suum à Carolo Magno genus, cujus stirpe dejecta, occupatam à Capeto regiam sex per secula detineri. Horum libidini Henricus, spem pacis socordiae prætendens, agi se diu ferrique passus est; donec, erumpentibus in rebellionem dissidiis, fero didicit irritatam cedendo audaciam. Igitur, ea per impedimenta Rege absterito, ne id quidem obtentum, ut, matre aut Navarreno nomen præbente, Regis beneficium dissimularetur, clausique limitum Gallicanorum transitus penuriam hostibus facerent.

HVGONIS GROTH  
ANNALIUM  
BELGICORUM,  
LIBER QVINTVS.



Ost longi temporis, & quidem tanta ferentis momenta, factam à Gallia iacturam, ad Elisabetham recursum est, asperiores hoc ipso, quod secunda rogabatur: tractæque & illic foederis pactiones, donec validæ civitates, auxiliis destitutæ, à republica desciverunt. Adhuc inter arma & machinas Hispanorum, onustæ comineatu ab Hollandia Zelandique naves, ubi ventus ferret, Scaldium subvehbantur, tanta certe copia, ut intempestiva magistra-

gistratum frugalitate, dum rebus necessariis pretium minuunt, relatum sit, frumentum quantovis tempori suffecturum. Et Parmensis, inanu multo impar obsessis, nisi per famem, præcluso hoc itinere, victoriam non sperabat: sed ingens annis latitudo infra urbem, qua ostiis advolvitur, & profundi æstus, quos hucusque Oceanus impellit, terrebant vani laboris metu. Quia tamen una hæc ratio obsidendi videbatur, adhibere diligentiam statuit, & aliquid credere fortunæ; quam non alias secundiore expertus est. Nam dum natura obstare operi creditur, neglectæ à Batavis diruendi occasiones: ita factum est facillimum, quia difficillimum putabatur. Ab utraque ripa projectis molibus arctatum flumen, qua minimum patebat, Ordamum, Calloinque inter: media ejus completa navigiis, quæ anchoris, & inter se vinculis continebantur, ac constrata deinde, in usum pontis & speciem. Addita ripis munimenta, & præsidio operis bellicæ naves, infraque & supra in flumine ratiom compages tignis prominentibus, ut, siquid turbandi operis causa esset immissum, hoc impedimento detineretur. Nemo dubitat, contra imperfectum opus multa utiliter excogitari potuisse, si Belgarum, in evertendo studia ædificatorum, diligentiam adæquassent: sed hyems tota Parmensi condonata est: cujus diligentiam excitabat novum Philippi beneficium, arce Placentina ipsi reddita, quæ Hispanorum præsidio hactenus tenebatur. Vere primo mirari magis licuit consummatam molem, quam excindere, cum densissimæ per utramque ripam machinæ arcerent. naves quin etiam coacto intus tormentario pulvere & saxis fulminantes, & alia, sero usurpata,

incertis tempestatum & significationum, quibus socios oblecti admonebant, partim & pravo ministrorum obsequio, eventum perdidere. Nec contabulato Scalde aliud restabat, quam per campos, quos amnis inundaverat, inferre commercatus, cui navigationi Caudesteinius agger intercedebat, quem, humentibus Brabantiae passus eminentem, quod Belgas fecisse oportebat, munimentis aliquot hostis præceperat. Hunc missi Antverpia Zelandiae pariter oppugnare. & jam tenebant, sed fortissime dimicantes tormentis eminus discerpebantur, donec loco cederent. Ea clades spes ultimas infregit. tandemque interseptis auxiliis imminentes rei frumentariae angustias sueta commercii civitas non toleravit, cum aliquanto ante Bruxellam & Machliniam necessitas eadem, & annexi turbatores in Parmensis potestatem redegressi: quarum conditio durior, quia, rescissis legibus, modus servitutis à Rege perebatur. Ideo quod temporis Antverpiae ad suprema restabat, hoc victoris clementia redempta est, qui & ipse, occupandae gloriae properus, utque alias deditiones exemplo incitaret, pleraque indulgit, nisi quod alieni à Romanis sacris quatuor ultra annos, constituta re familiari, excedere jubebantur. In ipso ponte, memorabili ad omnem posteritatem opere, Parmensis, victoriae decus concessum à Rege, vellus aureum induit. Mox & arcem, qua urbem respicit, studio libertatis pridem dejectam, firmat, imperio restituit. Multum faminæ, multum & virium urbs tam clara Hispanicis partibus attulit; non tamen, ut plerique tunc judicabant, res ceteras in se tractura: quod eventu adeo revictum est, ut Batavi, maximo  
ad

ad liberandam urbem sumptu ac labore, suspiciones tamen non vitaverint proditæ fidei socialis, velut aliorum mala suas in utilitates verterent. At contra, ipsi Aldegondium (namque is urbem rexerat) culpæ subdiderunt, qui ad Zelandos reversus, cum prius accusantium impetus & custodiam pertulisset, post honorate habitus, in nulla tamen reipublicæ parte, ingenium paci quam bello aptius intra artes privatas & tranquilla studiorum tradidit senecturi. Fracta tot malis & militum virtus, qui, dum spes adhuc erat hostem Antverpia avocandi, Silvam ducis, Hohenloio præeunte, feliciter ingressi, continuo profugere, per metum & imprudentiam, dum porta & hostibus omisissis in prædam ruunt. At Noviomagum, urbem Geldriæ, cum Dosiburgo oppido, Romanæ religionis sectatores adjuti, partium fortuna victor adjectere. Eandemque circa regionem passim clades, ducum temeritate, aut gregariorum ignavia. Mœrorem publicum auxit miserabilis exsulum populus, Brabant & Flandri, religionis ergo, aut quia pactioibus diffidebant, propter iniquos interpretes, commerciorum denique inopia, in Hollandiam insulasque diffusi, qui exhaustas bello urbes virefque in majus extulere, ingens mox fortunæ melioris auspiciū. Vix interim Anglicani fœderis expectatio animos sustinebat. Delatum Elisabethæ imperium diximus. Sed prudens femina detrectavit invidiam interversæ dominationis: neque tam arcta societate, rebus ambiguis, famam fortunæque suas implicuit. consultius visum secreta habere per Belgicam potentiæ munimenta: & modicis ibi viribus, & missis iterum qui Americæ oras popularentur,



Hispanum fatigare, donec flexis in pacem animis amoliretur suspectus exercitus. Auxilia autem promisit, id se jure facere scripto testata, quo morem principum oppressos sublevandi, pactas olim Britanniae & Belgarum amicitias, cum Hispanicorum scelerum infectione, memorabat. Simul religio prætendebatur, cujus securitatem sibi nulla alieni cupidine commendatam, Galliae & Scotiae rebus probabat. Per scriptae foederis leges, pleræque in eandem formam qua prima societas convenerat, & ut quinque millia peditum, equites mille in Belgis reginae stipendiis militarent: legatus, qui ejus copiis praeficeretur, cum Anglis praeterea duobus, receptus in senatum publicis bellique consiliis interesset: classem struente reginae Belgicae parem navium numerum adjicerent. Pro restituendis impensis, ubi bellum defuisset, obligatae pignori maritum urbes Brila & Flissinga, nihil immutato earum regimine, cum Zeburgo Walachriae castello, Anglorum praesidiis traduntur, non sine metu in posterum, quem tunc praesens necessitas averterat. Auxilii Anglicani imperium Robertus Comes Licestrius accepit, egregius virtutum simulator, & qui invidos atque infelices Dudleiae gentis spiritus haud ingrata comitate velaret. Origo illi fortunae (nam claritudo generis inter adversa fuerat) à carcere coepit, quo inclusam simul Elisabetam, sororis reginae suspicionibus, non pro rerum praesentium conditione coluerat. unde, per obsequia confortiumque infortunii, conciliatis affectibus, quibus illa muliebriter indulgebat, non tamen ut viriles curas omitteret, ita animum ejus erudito luxu permulsi, ut jam regnantis conjugio electus

electus crederetur. quod, æmulantium metu, quanquam non obtinuit, ad maxima tamen eventus, & ambiente invidia, valentes inter inimicos illæsus egit. Advenienti in Batavos obviam populi studia, & procerum assentatio. Nam inerat & vultui sermionique amena quædam majestas, & quasi collapsæ fortunæ restitutor conspiciebatur: nec liberalitas aberat in literis aut armis eminens: tantaque festinatio fuit, ut homini extero, & apud suos morum minime inculpato (nam, sublato Essexio, domum sibi vacuum nuptiis fecisse dicebatur) ante ulla ingenii experimenta, præfectura totius Belgicæ, qualis Caroli temporibus fuerat, & omne terra marique regimen permetteretur, cum pecuniæ publicæ administratione. Senatus ita illi additus, ut adfessuros è nominatis ipse legeret, & quodammodo omnium suffragiis unus æquaretur. Præcipue grata pietatis species à rerum divinarum ordinatione imperium auspicantis: & recens Valesii ob contraria odium, illum favorabilem fecerat. Erant & qui Arausionensi ante haberent, sperantes minus gratiæ datum iri, quanto domesticis opibus & egregiæ Principis amicitia florenti pro recto tendere expeditum foret. Sed decernebant honores immodicos, alii ambitione, simpliciores demerendæ reginæ, quod tamen contra cecidit, ut excusandum illi haberent, quæ videri voluit timere, ne recusatum sibi imperium per Licestrii personam ingererent, nisi forte gnaram illius ingenii altior suspicio incesserat. Statim, imminens omni potentia malum, adulatores accessere, quibus impellentibus & ipse delinitus (ut est humani ingenii natura) occasione dominationis, cum jam ab Ordinibus

in verba solennis sacramenti & reipublicæ insignia adscisceretur, beneficium eorum in ipsos vertit: & , quasi in provinciam missus, occulta cum Anglis maxime hominibus consilia init, qua ratione muniret imperium. Plurimum autem differunt harum nationum ingenia & mores. nam Angli, ut addicte serviunt, ita evecti ad dignitates priorem humilitatem insolentia reperiunt: Belgarum est parere & imperare cum modo, nec gens ulla fidelius amat eminentes, aut iisdem, si contentus adsit, implacabilius irascitur. Quæ non expendens Licestrius, ignarus etiam dignitatis suæ, auctoribus poenitentiam restare (tantum in Anglo milite, & præsentis fastigio fiduciæ erat) indulgere pertinaciæ cepit: idque ed periculosius, quia rerum Bataricarum intima nec ipse norat, nec peritioribus auscultabat. Assumti sunt & Belgæ in partes, sed quorum alii, rebus domi afflictis per bellum aut luxum, qualicunque servitio paupertatem, ut summum malum, fugiebant: alii, patria capta, assueti honoribus, & privatæ vitæ impatientes, non alium videbant insurgendi gradum: cæteri, novorum propter ipsa avidi: quibus deinde, ut sit rebus turbatis, perfidi & hostibus venales miscebantur. Talis Belgarum præsidem cohors obsederat, quæ primo in Ordines obliqua convitia jacere, & , ubi hæc pronis auribus excipiebantur, apertas criminationes è paucorum culpa in cunctos intendere, quasi nihil hosti arcanum, nihil impervium esset apud suis commodis distantem multitudinem. Arausionensis etiam exemplo ad spem dictaturæ præproperam hortabantur, ipso ad omnia credulo, ut cui longa felicitate corruptum iudicium, nec satis dis-

cerne-

cerneret, quanto aliis artibus muliebris gratia,  
 & in libero populo principatus quaererentur. At  
 plebi in Ordines concitandæ, quæ sponte etiam  
 rectores odit sub quibus fortunam adversiorem  
 experta est, ærarii patrociniū, res maxime po-  
 pularis, usurpatur, cum tamen, in eo tractando,  
 tam verum sit, ministris Licestrii fidem, quam  
 ipsi perspicaciam defuisse. Offendit statim plu-  
 rimos edicto, quo non modo cum subactis Bel-  
 garum gentibus & Hispanis negotiationem re-  
 scindebat, quæ nisi ob certas temporum occasio-  
 nes hætenus tolerabatur, sed ne in Galliam qui-  
 dein, aut maritima Germaniæ transferri merces  
 volebat, quod obtenderet rerum penuria debel-  
 lari hostem posse, si nec ex Britannia nec ex  
 Belgica ullis copiis juvaretur: incogitato, mer-  
 ces esse multas, nec hosti necessarias, & Batavis  
 superfluentes. Sapientiores judicabant assentan-  
 tium avaritiæ obtemperatum, qui venalem apud  
 se exportandi licentiam, aut ex delationibus lu-  
 cra animo antecepissent; auctaque fides, cum  
 Ringaltius, sub Albano quondam & Reques-  
 enio quæsturis exercitus, mox peculatus crimine  
 aspersus, tunc vero flagrantissima apud Lice-  
 strium gratia, jus ex edicto inquirendi in tabulas  
 mercatorum & literas accepit, contra vetera in-  
 stituta, quæ maximam partem habent liberta-  
 tis, amovere à cujusque re privata speculatorem.  
 Ergo cum aliæ gentes, ad quos bellum non per-  
 tinebat, arceri Oceano & hostium commerciis  
 non possent, compendio duntaxat à Batavis  
 averso, quo uno res hætenus steterat, magna  
 mercatorum multitudo patriis urbibus emigra-  
 bant. Nam Angli quidem facilius mercaturæ  
 damnum patiebantur, gens prædis letior, &  
 tunc,

tunc, egregia belli specie immissi oceano, parentes Hispano insulas navesque infestabant. Nec interea Batavis abstinebatur, si qui forte, emissi custodum dissimulatione, per fretum tentabant in occidentem erumpere: unde reperiunt postea Britanniam insulam retro vehi, quo vasto & vix usurpato mari prædonum insidiae effugerentur. Vetitam evectionem vicissim, eorum, quæ peregre solita peti, penuria sequebatur, ita quidem ut non aliud remedium Ordines invenirent, quam frumentum omne decreto publico coercere. qua lege iidem incognitæ hætenus necessitatis auctores, & maligni interpretes, famem Angliæ quæri calumniabantur. Simile erat, quod hostiles agros, qui stipendium pendebant, Licestrius solitudini & excidio damna-  
bat, præter ultionis merum, sævum in eos qui vi aut dolis avulsi à patriæ corpore quandoque redituri sperabantur. Commotus & miles, quod aliarum nationum cohortibus Angli duces infererentur: aditusque Hohenloius, qui cunctantes ante in Licestrii verba adegerat, ut impermixtos ordines & armorum præmia tueretur, suscepit causam: odioque tam gentis quam ducis interritus, ut pollicitationibus incorruptus, apertissime defendit optimatum partes, generosa simplicitate simulandi impatiens, & per violentiam tegendi quoque ignarus. Sopivit nascentem dissensionem nonnihil cura belli recrudescentis. Nam Parmensis per prælia aliquot, & castellorum utrinque ereptiones circa Rhenum hymne extracta, ad nuncium Anglicani foederis pecunia à rege auctus & milite, ut reliqua Brabantia perficeret, Graviam, oppidum in sinistra Mosæ ripa, obsidio premebat, supra  
infraque

infraque clauso amne, quod ad comneatus ar-  
 cendos toties sibi prosperum rursus experieba-  
 tur. Sed missus à Licestrio Hohenloius cum de-  
 lecto militum comitatu hostilia munimenta  
 vincendo perripuit, &, adjutus verno fluminis  
 incremento, liberavit oppidanos famis & reli-  
 quæ penuriæ metâ. Nec eo minus perstitit hostis  
 majore cum exercitu oppugnationem moliri,  
 quam imminente Hemerta vir nobilis Belga  
 (hunc Hohenloius præfectum reliquerat) cum  
 jam auxilia adventarent, festinata nimirum de-  
 ditione prævenit, blanditiis, ut creditur, pellicis  
 emollitus, cujus flagitii crimine à Licestrio ca-  
 pite plexus est. Disciplinam vocabant æquiores:  
 alii gentis odium, quia Rolandus Eboracensis  
 Imbitianis quondam consiliis permixtus, An-  
 glique plures nihilo tutioris fidei, aut manifesti  
 ignaviæ, non modo securi sed primarum admi-  
 sionum compotes agerent. Secuta Graviâ  
 Venloa, Geldriæ oppidum superius, & in dex-  
 tra ripa situm, prodente plebe egregia militum  
 studia. Dimissæ interea manus agrum hostilem  
 prædabantur: posuitque Mauritius rudimenta  
 Axellæ expugnator, quam Ternusio egressus (id  
 Flandriæ oræ munimentum Fœderati tenuere)  
 nocturno scalarum ascensu invasit. At Agrippi-  
 nense bellum, de quo ante retuli, non tam par-  
 tium viribus, quam ducum virtute flagrabat.  
 Scenquius, relicto Parmensi, transgressus ad  
 Truxium, occupatis passim præsidiis, cuncta an-  
 tistitis ditioni subjecta ferro & igni populaba-  
 tur: deinde jussu Licestrii insulam muniit, quæ  
 ad ipsum Rheni divortium lævo Bataviæ lateri  
 præjacet, Gravewardæ nomen: idque nunc  
 maximum imperii istius propugnaculum est. At  
 Nicna-

Nienarius, earundem partium ductor, Novesium, veteri celebritate oppidum, furto ceperat: quo contendit Parmensis, oratus à Bojoaro, & cupiditate cum felicissimis ducum gloria certandi. Nam Carolo Burgundo secundissimam prius fortunam is locus retudit, vertitque. At ipsi prospera oppugnatio, & superba victoria. collucentem incendiis ingressus urbem, mox Alpa, Cracovio, Murfa in deditionem acceptis, ad Bercam hæsit, spem præter defensam à Scenquo: tandemque detrahitur, Licestrio post captum Dosiburgum Zutfaniam imminente. Sed huic, dum aditus claudere & castra præmunire ignavum putat, inuesto comiteatu reversus hostis experiendarum virium occasionem dedit. Ejus pignæ scelicem alioqui Anglis eventum mors Philippi Sidneii funestavit, juvenis ad maxima quæque nati, ut qui claris natalibus opibusque verum decus literas adjunxisset, hoc major avunculo Licestrio, cui & fortunæ, quantarumque ea futura erat, successor destinabatur. Mox venit in potestatem castellum contra Zutfaniam in altera ripa, quæ cisalana est, ceptum olim Belgis, & cum incremento fluminis fugeretur, ab hoste perfectum. Hujus curam cum omni terra Velavia Licestrios Rolando Eboracensi: Daventriam, quam, defectionis suspectam, præsidio Hiberni militis ab omni humanitate alienissimi ultro iritaverat, Wilhelmo Stanleio credidit; utrumque adversa Ordinum voluntate, qui satis gravibus de causis, quos exitus comprobavit, illorum hominum perfidiam innotuebant. Nec ullum hac in re Licestrij dolum arguerim, sed quod in ceteros contumax, & tantum adulantibus patens, inexploratis amicitiiis turpi-

turpiter fidebat. Nam & aliorum, quos ad con-  
 silia præcipuos habebat, factiosi conatus erupe-  
 rant: quos inter conspicuus etiam in reatu Rin-  
 galtius cuncta judicum tribunalia ejurabat, do-  
 nec ad extremum transfuga vitam infamem in-  
 ter hostes inopia finivit. Regressum igitur à bel-  
 lo ducem innumeræ simul querelæ premebant,  
 quod non sine civium injuria bellum & præsidia  
 agerentur, contra quam expediret imperium  
 sponte populi obtinentibus. addebatur, traditam  
 alienigenis quaesturam malis artibus geri, tur-  
 batum nummi pretium, nec milites & cætera  
 reipublicæ onera cum arario comparari: ex-  
 haustis rei navalis obventionibus prodi maris  
 arbitrium: labare commercia: male meritis  
 mandatos honores: at secundæ ab ipso præfectu-  
 ræ vim omnem destrui, & jus in præsidia eripi  
 multis annis servatum. Nec tacebatur, quod  
 conductus eo tempore miles non adventasset  
 (suspicio erat, Anglorum dolo factum, qui suum  
 robur & proprias vires mallent inducere) tenui-  
 tate copiarum, quando & auxiliares numeros  
 ducum aut quaestorum avaritia exhausserat, ces-  
 sum hosti, neque ejus victoriis obsisti quivisse.  
 Perlata hæc Ordinum verbis tum fœderatorum,  
 quorum eo primum tempore crebri conventus  
 haberi cœpere, ut agi extra senatum possent ea  
 quæ Anglorum conscientiam formidabant, tum  
 Hollandorum, qui pro se & Mauritio privatim  
 multa quæsti, etiam communia pleraque ad suam  
 curam retrahebant. Quæ Licestrius impatienter  
 tulit: eos scilicet ex officinis & tabernis in cu-  
 riam evadere, quo præter sordidas artes vena-  
 lemque animum nihil afferrent: se eo genere, ea  
 dignitate, accepturum leges ab rudi plebe, &  
 alieno



alieno imperio militaturum. His ille accensus, à republica, si posset, amovere plebem, quæ fere dominantibus infestior est, & acris depeculatorum observatrix, optimum factu judicavit: idque eo facilius processurum, quia exteri & civium multitudo longe maxima regiminis exsors lato animo acceptura videbatur æqualitatem. At mihi, sapientum præcepta & veteres civitatum species animo repetenti, videntur magnifica dictu verius quam factu sequenda excogitasse, quotquot partem eam populi, cujus ad communem utilitatem quæstus maxime redundat, honoribus exuunt. Nam, ut maritimas taceam gentes, apud quas vulgus plurimum pollebat, etiam Spartiæ dilectos è plebe, tanquam adulandi nescios, regibus æquavere: Romæque haud ante pax ordinum fuit, quam plebs in imperii partem vocata est: quin & hodie florentissimis in urbibus, quas optiunates regunt, negotiatores patriciorum nomine plebis officia exercent: nedum ab ista republica, quæ cuncta mari & amnis debet, is ordo arceatur, majore multo, quam olim fuit, mercaturæ dignitate, ex quo orbem totum navigationes aperuerunt. & nunc divitiæ fere penes illos sunt; quarum in mandandis honoribus haberi rationem prisca quoque ac severis legum-latoribus placitum est: munusque suspectæ esse debent ullius opes aut avaritia, ubi potentia nec perpetua est, & fere mandaris includitur. Sed hæc atque alia semper servata mutare Licestrius parabat, non tam vano novandi studio, quam ut nobilitatem & clara ingenia à ceteris segregando, partes proliceret. Interpretes primum sacrarum literarum (qui soli multitudinis aures & affectus hoc seculo possi-

possident) adjungebat sibi specie pietatis, & aliorum dissimilitudine. Nam primis in republica religio minus tum cordi quam par erat, hanc unam arumorum causam vulgantibus: & olim contra supplicii metum acius cupita, per impunitatem neglectui erant: non sacris salva reverentia: non ministris honos. erant & qui omne jus ecclesiasticæ censuræ eriperent. acerbam scilicet sacerdotum dominationem infestis animis incimnerant, veterumque odio cuncta novabantur. Quæ contra Licestrius, autoritatem atque alia commoda Angliæ exemplo ostentans, concionantium voces, & per illos populi studia sibi conciliabat. pleraque reip. non magistratibus credens, sed his qui in aliqua sacrorum parte aut plebejo centuriatu versabantur, quibus etiam optima volentibus rerum notitia & usus aberant. Iam vero multi, quorum fortia pro patria consilia exstabant, palam demoti honoribus, quia cum Romana Ecclesia aut per omnia aut ex parte sentiebant, parum proviso quam non pacifici exempli res foret, si semel evulgaretur, eam induci religionem quæ confortes reipublicæ alios non admitteret. Brevi apud Frisios, Trajectique Batavorum, ubi eripsum civibus imperium incolæ occupaverant, aliasque per urbes, quæ turbidæ etiam olim ac nimia vi multitudinis regebantur, Ordinum nomen magna in invidia esse cepit: ille unus religionis vindex, ille & hostium & intestini ambitus avaritiæque expugnator coli. Præter hæc, munimenta, insulas ad mare sitas, & alios milites Anglicano milite tenebat. nec minus in Snoio præsidii, qui ob egregia facta Westfrisiæ reginæ sub Arausioneusi meritis, intendere

vim suæ præfecturæ sperabat, favente Lices-  
trio ut proximas suo fastigio potestates imminue-  
ret, atque avido hanc regionem, aliaque præ-  
sidia ab Hollandiæ imperio & Mauritiî cura  
divellere, qui magnam indolem pertinaci silen-  
tio dissimulabat, cum eodem tempore & falsissi-  
mus criminibus & per amicitia speciem tenta-  
retur. His præstructus Licesorius cum suorum  
de numero multos evexisset, & vulgus ubique  
discordiis ambiguum, pars major in ipsum ver-  
geret, non multum sibi ad liberam potestatem  
restare credidit, si veteri apud Elisabetham gra-  
tia niteretur. Ergo ne longæ absentia tempora  
largiretur inimicis, peritus ejus regis, domum  
proficiscitur. Apud Ordines, evocatum se ad An-  
glia concilium præferebat, ibi quoque res Bel-  
gicas acturum: apud plebem, Ordinum contu-  
meliis irritatum excedere, & nisi alio rerum  
vultu haud reditum minabatur. quod pluri-  
mos incendit, sparsis & in vulgus literis, quibus  
aut Ordinum acerbitas aut Licesorii merita & in  
populum studia differrentur: additoque insuper  
rumore, reginam principatum Belgicæ non de-  
trectaturam, nisi terrent primæ societatis ex-  
perimenta, & innumerae leges, quibus justissima  
quamvis imperia eluderentur. per quæ eo de-  
ventum est, ut Trajecti novi magistratus, & in  
Frisia privati publico nomine legatos ad regi-  
nam mittere auderent, qui principatus conditio-  
nes non tam ferrent quam acciperent. At illa,  
quanquam Anglorum concilio collationes, si  
vellet, eam ad rem pollicente, pernegavit: nec  
tamen quorundam effugit suspiciones, quasi con-  
sensu publico delatum honorem & recusatum,  
plebis ac militum seditionibus debere mallet.

Disce-

Discedens autem Licestrius senatui permisit rempublicam: sed non multo post scriptura prolata est, qua jus in præfidiarios & præcipua imperii sibi exceperat. Missi hac de causa in Angliam, qui mutilum regimen, & si subita ingruerent, nulla in potestate præsens subsidium conquererentur. Sed inauditos Britannia diu detinuit, suis ipsa motibus involuta. nam regina Scotiæ, à suæ gentis Ordinibus exacta, supplex ad Elisabetam profugerat, cui, præter similitudinem summi nominis, propinquo sanguine connectebatur. ibi, magnis suffulta clientelis Romanas ceremonias sectantium, spem recepisse prioris fortunæ, & Elisabetæ saluti, regnoque imminere credita, custodiis primum, deinde, ne sic quidem infra metum, morti tradita est. Apud Batavos sævi interim tumultus, &, ut quæque partium prævaluerat, exilia aut vincula decernebantur. Sed ubi Wilhelmus Stanleius Daventriam, Rolandus Eboracensis oppositum Zutaniæ munimentum Taxi Hispano, accipienti perfidiam & tamen averfanti, tradiderunt, gratiofus apud Licestrium uterque, è plebe multi efferre Ordinum prudentiam, sua studia damnare. etiam Anglorum nonnulli, eluendæ gentis infamix, procerum iussibus applicabantur. Inventus tamen ex eadem gente Alantus, Cardinalis postea factus, qui libello in id edito religionis obtentu defenderet facinus, ut pessimi exempli, ita autoribus quoque suis infelix. Nam postquam ipsi inter se odiis commissi, Eboracensem hominem formidandæ in quidvis audaciæ veneno sublatum fama est: Stanleius Daventria demoris, cohorte, quam secum traduxerat, subductis stipendiis disfluente, in Hispaniam profectus,

fectus, neque præmia ibi sperata neque consilii fidem reperit. At foederati Ordines accepta voluntatem tam vulgi quam militis pro se inclinatione, ut quamvis magna reipublicæ calamitas in bonum verteret, paternum in Mauritio favorem excitarent, mandato per summi ducis absentiam armorum imperio. Quin & præternitum hæcenus sacramentum à militibus in nomen Ordinum, & cuiusque nationis præfectorum postulabant, quod proditores & seditiosissimos quisque hoc colore scelera velaret, simpliciores etiam Licestrii honorem, quasi dictum reginæ iurandum, interpretarentur. Edictum de evocationibus ita temperatum est, ut in pacatas gentes cuncta, præter quæ bello idonea, ad hostiles Belgas locatque his finitima, excepto super hæc frumento, cætera exportarentur: quæ lex pro usu sequentium temporum contracta sæpius aut laxata est. Itaque ea tempestate diversissima fortuna per Belgicam agebatur. Nam Brabantique, raro commeatu & perpetuis agrorum populationibus exhausti, extrema penuria conflictabantur: ditescque olim homines ad famem & mendicitatem redactos constat: vix populorum defectiones merus atque obsessi dominantium viribus limites arcebant. Contra prolatis pomæiis crescere videres oppida Batavorum, & utrumque in latus classes Oceano dispergi: ut unam gentium hanc arbitrer, quæ bello etiam magis quam pace commerciis profecerit, habendamque merito felicissimam, si non, qui senescentibus fere imperiis & consumptæ fortunæ finis est, ipsa magnitudinis suæ primordia, valido adhuc hoste, intestinis discordiis attrivisset. Tributus Hispanicarum partium Altipenna, postea

postea quam oppidum Geldram, unde Geldriae regioni nomen est, cum praefecto pactus in se traduxerat, apud Silvam Ducis ab Hohenloio cæsus, occupandum illi castellum reliquit non longe ab urbe, cui ex ea clade vocabulum Crepicordii factum est. At Clusam, in ultima Flandrici maris ora, quæ Zelandiam spectat, à tergo insulaque adjacente (Catzandia dicitur) circumventam Parmensis incredibili machinarum violentia labefactabat. Quod simul comperit Licestrius, nihil tardato reditu, frustra de portu irruimpendo cogitationem instituit. Sed cum ad alteram versus rationem, Ostendam profectus, hostem propter castra posuisset, incogniti exercitus numerum augente fama, constat utrumque alterius vires supra verum formidasse. Digressus tandem prior Licestrius jacturam oppidi apud cunctos graviter acceptam, non hostium virtuti, non partium studiis ob suspiciones male adhuc coalescentibus, imputavit. persequi jam pene obductas dissensiones, & Ordines culpæ subdere, libido erat: cupienti sibi hostem depellere, militem, pecuniam, & cetera maligne subministrari ait: vix praesidiis sufficere quæ tribuebantur, ne dum exercitu contra certaretur: aut si tanta esset paupertas, quid desperatam rempublicam infelici bello detinerent? Quippe tunc solitas post victoriam artes iterante Hispano, & ipsa regina in pacem nutare videbatur: quam missa nuper sub Dracone classis, vastatis Hispaniæ littoribus, ostenderat quam infirmum domi quod alibi adeo metueretur imperium, & sub Cavendisho aliam averfam Americae oram & Moluccas cum lucro perspexerat. Sed ingravescente ætate feminam multa terrebant:

Hiberni

Hiberni sæpe rebellando, & per Belgica arma in justam militiam exerciti; & præter hostem Hispanum suspecta Scotia; infesta Gallia; nec pauci in Anglia motuum avidi. At Ordines, gnari quantum id rebus suis alias nocuisset, colloqui mentione, ut poterant, discussa, si ex fide administraretur ararium, negabant annuum trices florenorum ( id præter Angliæ auxilia & maritimas proprie opes erat virium ) quasi magnam tenuitatem contemni debere, cum Aradionensis minori copia res magnas sæpe gessisset. attentos & parvo uti nosse: ubi pecuniæ negligenter habeantur, etiam cum nimium datur, non satis dari. Deinde repertis Licestrii ad amicos literis, quibus ipsi dedidicisse obsequium, & iniquitate adversus eminentes rerum ad se non pertinentium satagere accusabantur, edicto ostendunt, olim in se populi jus, nuper & principis translatum: utrumque delata præfectura detinuisse: aliaque de conventu suo magnifica, & quibus ambitionis crimen purgarent. Spes Licestrii directius jam petebantur, quam ut intellectis tardisque artibus insisteret. Indignatus igitur plebis iram adversus magistratus adhuc intra voces stare, festinata audacia urbes interiorius sitas, & unde terror in cætera, factione & præfidiis opprimere parat, haud satis proviso Valefii exemplo, quem tentata vis pacto jam principatu extruserat. Sed ante periculum Lugduni detecta conjuratio incolarum, qui pravæ in alienam remp. curiositatis pcenas capite luerunt. & quanquam errore nonnulli quam malitia peccaverant, salutaris ea sevitia fuit, ac ceptantes tunc maxime motus compescuit. Et illæ infausæ jam affectationis manifestus in Angliam

gliam concessit. Ibiq̃ue cum regina, postquam non omnino amicum ipsi Buchorstium ad res Belgicas explorandas miserat, quo minus causam in consilio diceret potestate regia texit; atamen in Belgas imperium ejurare coëgit. Sed cum adhuc veteres partes literis sustentaret, bello quoque per Angliam mox impositus, annuum non integrum explevit, incertum uxoris dolo, quæ impari post ejus mortem conjugio prius adulterium fassa sit, an fatali, aut sumpta morte; quæ reginæ luctum ac lachrymas, Batavis gaudium & salutem tulit, exemptis periculo, quo par nullum res istæ adierant. Bonnam interea, Germanici imperii cisrhenanam urbem; à Bojoaro ad id tempus possessam, Scenquius clandestino introitu ceperat. Ceterum quæta per Belgicam arma: nec Parmensis, ut solebat, intentus discordes bello irrumpere. majores animo conatus omnisque Britannia, gloriosum & minus difficile certamen, obversabatur. Plerisque ducum, qui regi Hispaniæ bellaverunt, ea insula cumulus meriti, aut laboris præmium placuit; utque Galliæ & Germaniæ adfita per occasione armorum, ita transmarinum regnum bello complecti consilium fuerat. sed illis sua cujusque fortuna, aut morte præpeditis, hac tempestate velut justæ ultioni post initum, fœdus palamque missa rebellibus auxilia, classis in proximam æstare per Hispaniam struebatur. Et tum præsidia Parmensis apparabat, dignumque finem decem annorum victoriis, ut spes ferebant, vetera imperatorum nomina Britannica expeditione æquaturus. Sed imminentis periculi rumorem Hispanus sopivit ostentata pace: cui componendæ etiam Danus leges præscribere, aggref-



sus est; misso ad Parmensem Cajo Ranfovio; quem, in hostili comitatu proficiscentem, & inter pugnantes ignoratum, Batavus miles intercept: sed rex violata legationis sacra, maxime quia literæ reclusæ erant, interpretatus, adeo arripuit ultionem, ut septingentis navibus, quæ frumento Cimbricum fretum pervehebantur, dentis, subito ingens periculum famis intulerit populis in diem viventibus, & nullo antehac exemplo talium securis. Sed penuriæ subventum consilio necessario, ut Gallicæ Anglicæque naves, mari eodem venientes, ad portus Batavos & mercatum pertraherentur. Ita vitatum discrimen sola pecuniæ à Danis expressæ jactura: quod ipsum tamen, & quia rex inissos ad se legatos audire dedignabatur, hæsit altius multorum animis judicantium minora regna majorum opibus obnoxia teneri. Interim & cum Anglis actum Philippi nomine, quoniam regina Belgicarum jam rerum arbitram ageret, discedi ab armis & metu posse, si gentes, quæ rebellaverant, veteri obsequio redderentur. quomodo Anglicanos ritus sibi extra curam, ita per Belgicam sacra Hispani jussibus permitterentur: per perniciosum instituerent exemplum, religionis judicium penes alios, quam principes esse. Neque vero minori calliditate accipiebat Elisabetha pacificationem quam offerebatur, id maxime cupiens, ut, per speciem compositionis, quando de classe jam inaudiverat, periculi tempora extraheret. Sed, dissimulato metu, pia concordie vota, & gentium comeatus prætexebat: misisse talibus verbis ex Anglia qui Batavos juberent alto silentio pacis rationes invenire, & ne semet ipsi tanta invidia onerarent, quasi

quasi perpetuas cædes & sanguinem, crudeli ob-  
 finatione, elegissent. At illi repetere infida  
 Hispanorum blandimenta. Quid enim Reque-  
 senii colloquio captatum aliud, quam ut cor-  
 reptis munitionibus intimæ urbes obsiderentur?  
 an non Agrippinensi pacificatione spem veræ  
 pacis corruptam, sollicitatis ad defectionem tot  
 gentibus? ita & Flandriam non nisi per sermo-  
 nes ejusmodi proditoribus patuisse: tandemque  
 hostem, pollicendo fallaciter religionis usum, eo  
 virum venisse, ut jam abnuere auderet. Nunq  
 tantis civium discordiis, si mentio pacis incide-  
 ret, excuti manibus arma: aliis alios legibus, ut  
 cuique commodum, deditionem præfestinatu-  
 ros. Et si maxime res æquis conditionibus com-  
 poneretur, non Gandavense foedus, non Ioan-  
 nis perfidiam excidisse. Regibus, quos Roma-  
 nus Pontifex jurisjurandi religione exsolveret,  
 omnem cum subditis pactionem pro victoria  
 esse: nec defuturos qui honores sibi & opes cum  
 patriæ servitio pararent. Sed hæc apud se quis-  
 que palam, quia suadebat pacem quæ cogere  
 poterat, velut dubitando tempus terebatur: aut  
 quoties cunctantes regina impulerat, illi obse-  
 crare, ne Dei hominumque causam, & sexaginta  
 urbes paratamque gentem, si præsentia non  
 sufficerent, privatis opibus publicas augere, pro-  
 jiceret prædam perfidiæ Hispanorum. Consense-  
 rant civitates (nam ad singulas relata erat con-  
 sultatio) non esse mittendos ad hostem legatos.  
 Sola regina, adulta jam hyemæ in Flandriam  
 misit, alienam si posset pacem factura. Dum de  
 conventus loco deque mandatis queritur, &  
 Angli inducias rogant, Parmensis negat, tres  
 menses abiere. Elisabetha Belgis veniam pris-

casque leges & civium imperia, sibi antiqua fœdera, sumptus salvos, & quæ firmandæ securitati, ablegato utrinque milite, postulabat: ceterum de sacris, ritibusque per Belgicam tam remisse, ut nonnihil cessura videretur; & jam eo descenderat, ut ferri ea in biennium tantum postularet. oppida vero, quæ Angli ex pacto aut occasione tenebant, reddere non abnuebat, dum impensas servaret. Hispani, dum de religione pernegant, resque Belgicas Philippi clementiæ permitti jubent, Anglorum impendiis suâ per Anglos aucta obijciunt, alia vero prolatant, jam manifesti erant colloquium voluisse, pacem nolle; donec argumenta in dies clariora hostilis conatus erupere, ac tandem in conspectu formidata diu classis spem & fraudes diremit. At non cum Licestrio dissidia & nomina partium Baravis excefferant. quin passim hoc obtentu à præsidiariis urbium castellorumque in rurbas & raptus ibatur: maxime, quibus stipendia ob pravam ærarii administrationem insoluta, pacis metu properabant militiæ commoda rapere. placuit & hic quibusdam color, ut partem stipendii tertiam, quæ moribus Belgarum penes ærarium manet, melioribus olim rebus exsolvenda, repræsentari juberent. Quod cum obtineri non posset, quia & multorum annorum reliqua, & à multis flagitabantur, quem vellent licentiæ modum sibi quisque statuebant: defensi interim à nonnullis quos regina allegaverat, quasi Anglorum nomini hæc flagitia gratificarentur. Habitus Getrudisbergæ miles, accepta ingenti pecuniæ summa velut sedatus; in quam deinde licentiam & perfidiam proruperit, in tempore expediam. Suo in urbe Medemela-

ca, quæ in Frisii sinus occidentali est littore, ubi rebellante in ipsum suo milite negati rectoribus obsequii pœnas luebat, Mauritius obsessum, suis & Ordinum imperiis subegit. Flissingani præsidii moderatorem Russeliun, sperata præfectura Zelandici militis, tractisque in partes Vera & Arnemuda, oppidis Walachriæ insulæ, imperium affectantem, tandem reginæ iussus, edoctæ meliora, cohibuerunt, & sero nuntiata Licestrij abdicatio. Alibi seditiones minore periculo, sed magna pecuniæ jactura sanabantur. Hæc in sequentem annum exeuntia, quia cohærent, annexi. Sed priusquam turbidis digressus iustiori operi me componam, haud injucundum fore legentibus arbitror, maxime si quæ nobis super domesticis rebus laborata in aliarum gentium notitiam pervenient, breviter inspicere, quale id certamen fuerit, cum littore exiguo inclusæ nationes, multisque cladibus perculsæ contra tantam se magnitudinem rursus erexere. Igitur qui medio tempore fines, quis reipublicæ status, quæ virium copia, qui habitus animorum inter partes utrasque comparabo. Post firmatam Gandavensi fœdere libertatem, Namurcum, Luxemburgumque ac Limburgum Ioannes Austriacus, Atrebatæ & Hænovios propriis pactio- nibus Parmensis, Flandriam fraude proditorum, Brabantios & Machliniam fame subegerat: nisi quod è Flandriæ oppidis Ostenda, Brabantix Bergæ ad Zomam, dictumque ab Arau- sionensi Wilhelmo stadium, simul castella aliquot, cuncta in maris aut amnium margine, re- federant. Frisia ac Transisalana penes Fœderatos: sed illi Groninga aberat: hæc amissis Ste- novico, Daventria, totque aliis muimentis.

cum hoste divisa. & ne Geldriæ quidem præter Arnhemum multa oppida restabant, Geldram, Noviomagum, Zutfaniam principes urbes, & minora præsidia tenente Hispano. Hollandiam & Zelandiam integras Mauritius regebat: post cetera ejus præfecturæ, extra Frisios, accessere & maritimum una imperium, quæque hostili in solo Foederatos penes manebant. magna exempla proprios urbibus præfectos, nisi in ultimis finibus sustulerant. Nec de vicinis omiserim: trans Amasium Comitem, Frisiæ Orientalis, quæ Emdana regio vulgo dicitur; ad Mosam, Rhenumque Agrippinensium & Leodici præsidem Bajoarum; Philippo propinquum, qui totam Belgicam fere ambiens, nominibus sacerdotiorum diversis, latissimas ditiones possidebat; aulamque Cliviæ & Iuliaci principis, quanquam bello abstinebant, ad Hispanos tamen vergere, majori inde formidine, & Burgundicorum foederum obtentu. tum si quas urbes Batavis similitudo religionis conciliabat, his imminere hostem, & suos non minus implacabiles. At Cameracum, quam post affinium civitatum defectionem præsidio suo infestam, Valesius supremis tabulis regno Galliæ commendaverat, Baligniacus, à regum matre Catharina impositus, post utriusque mortem detinuit; ac Lotharingicæ mox factioni se quoque immiscens, dum gaudet Parmensis dilatione belli, agrorum raptus redimere, nec regi Henrico, suis ex urbibus profugo, circa extrema otium est, invasit haud diuturnam dominationem. Ea limitum species: nunc interna videamus. Foederati, ex quo Arausionensis diu regio, dein suo nomine suam rerum complexa, mox & Licestrii

cessarii ad principatum utraque accedens potestas cessaverat, edocti usu, vim imperii in plures spargere, quod ut libertati tutius, ita, si paulum remittat hostis, concordiae periculosum. at praefectura, quantum de vi detractum erat, tantum benevolentiae accreverat. quippe & venia & honores inde, onera atque indictiones aliunde accipiebantur. atque ea praeterea vulgi natura est, ut casuum adversa his imputet vulgus, apud quos plurimum est republica est: victorias uni debeat. Vetere instituto agros virosque nobilium primores, ut cuique haereditaria ditio est; oppida civium dilecti regunt: quia plebi negotiosae non concio, non comitia placuere. illi quadraginta aut pauciores numero (Sapientibus nomen est) convocati de republica deliberant: & si quem mors aut exilium demit, adoptant sibi alios, divitiis & prudentia insignes, adeoque ejus ordinis decreta pro civitatis totius consensu valent, ut vix unquam plebs obsequium defugerit, quin & armis saepe tutata sit regentium auctoritatem. Iidem nominent quotannis complures, ex quibus praefectus (id olim Principis munus) seligat quietis publicae defensores, quos populi magistros vocant, summum quatuor: & alios septem admodum, qui privata ac criminum judicia exerceant Scabinorum appellatione. Hae functiones nullo aut exiguo praemio, ut debitum patriae praestantur. Arque horum omnium potestati, & consilio adfessorum, qui jus civile didicerunt, res oppidanæ administrantur, concessa jure, etiam leges & modica vectigalia intra suum statuendi. Hinc velut in fastigium coeunte imperio, qui singuli partibus, universae nationi conjunctim praesident.

Nam ter, quaterve anno, aut quoties digna incidunt, concilium advocatur, cui Ordinum nomen, ex utraque populi parte. Sed nobilitas, quia diversis è sedibus haud facile coëat, curam sui in paucos contulit, qui genere & possessionibus præstantes in commune consulerent. Iis primum loco, sed unum omnibus suffragium est. Vbi ergo cujusque oppidi consilium de rebus propositis domi deliberavit, mittuntur ad conventum magistratus & adfessores, qui illi visa enuntient, permissis, quæ repentina obveniunt, ipsorum prudentiæ & fidei. Hoc igitur in cœtu cum alia tractantur omnia, quæ principum fuisse, tum tributa quotannis edici necesse est, quibus belli onera in singulas gentes dispensata pro viribus sustinentur. Sed quoniam conventus hic rursus dissolvitur, delegant nobilitas & qui primariis urbibus præfunt, homines ex se idoneos, ut apud imperii sedem rerum quotidianarum disposita Ordinibus placita exsequantur: simul inderi subitis, & perscripto, si quid curam majorem flagitat, conventum indicare permissum. is honor ad tempus fere sumitur. Sed perpetua est dignitas Hollandiæ Advocati. Is principum temporibus vox erat publicæ libertatis, utque tunc periculis, ita mutata republica auctoritate præcipuus, in conventu Ordinum & delegatorum consensu exquirat sententias, præit suadendo, componit dissidentes. Hoc munus à Paulo Busio, ab initiis belli, cum laude administratum, excepit mox Ioannes Oldenbarneveldius, auxitque virtutibus propriis, quarum insignie documentum dedit adversus Licestrii minas artesque, ut fidus consilii, ita animi invictus. Hæc fere Hollandiæ regendæ est facies:

unde

unde mos aliarum nationum haud longe discrepat. Habent & quæque rei fiscalis curatores, & iudices legum peritos, ad quos ab oppidanis tribunalibus provocatio est, qui omnes perpetuas obtinent dignitates, legente præfecto eorum ex numero, quos ipsi Ordines nominavere. Iam vero communia fœderis & quæ bello necessaria, senatus providet: in quem qui veniunt, iurant nullo eorum, ex quibus mittuntur respectu (mittunt enim singulæ nationes, sed tres Hollandi, binos Zelandi, item Frisii, singulos ceteræ) quod universæ rei optimum, se consulturos. acciuntur huc, ubi gravis deliberatio est, præfecti nationum. Sed quia res majores antiquitus nisi gentium singularum consensu non expediebantur, mole negotiorum & periculo cunctationis repertum est, legatos mittere cum liberis mandatis, qui supremæ curiæ imminerent, & ubi quid gravius obveniret mora que dignum, suæ quisque patriæ Ordines consularent. Nationibus, quæ modo è primariis urbibus aliquam apud fœdera habent, jus æquum suffragii. Vicibus præfident. Hæc tunc erant, Geldria, Hollandia, Zelandia, Trajectina, Frisia intra Fluvium & Lavicam, & Transisalana. Hæc legatio sensim in perpetui confessus speciem transit, Ordines Fœderatos referens, eoque nomine utitur. Et huc, & in senatum missis, præfinito tempore potestas inclusa, non nisi voluntate mandantium prorogatur. Similiter inferiores alii maritimas in urbes delegantur, qui res navales judiciis & consiliis defendant. Talis in summa reipublicæ habetur status: neque enim congruens sit exigua persequi: unde clarum, nec paucas intra familias conclusum, nec rursus ita



populare imperium ut apud multitudinem sit. Sed nobilibus suam auctoritatem, potestatis plurimum penes cives præcipuos clariorum oppidorum relinqui: hinc velut per gradus designari qui nationibus singulis, quique cunctis imperitent, non ut in vulgi potentia, promiscua & fortuita dignatione, sed nomina majorum, partas opes, ingenii decora spectando: nec pessime provisiun libertati, dum præcipua rerum inter plurimos tractantur, semperque in alios transeunt maximæ potestates, ut multi citra spem continuandæ licentiæ justis regendi artibus assuescant. Sane olim video, & cum in Romanos bellatum est, Galliæ, Germaniæ, Britanniæque populis placuisse per gentis proceres & civitatum legationes res maximas disceptari, ac manere ejus moris reliquias ab ultima libertate, etiam ubi nunc regna sunt. Quod si vetera repetimus per Græciam, Amphictyones haud discrepant, quorum consensus Medorum potentiæ restitit; aut Achaia, cujus res alioqui exiguae solæ concordia valere. Ceterum sua cuique urbs regioni caput commune nunc imperii domicilium apud Hollandos, qui ut opibus longe ante socios, ita auctoritate non parum pollent. Haga est vicus, eademque Mauritiæ sedes, nemore & vicino littore imprimis amæna. Haud multo diversus regia in parte reipublicæ status, nisi quod ejus Belgicæ Ordines, extra tributorum causam, vix convocantur. privatis cujusque nationis rebus dilecti pauci superflunt. regimen omne cum præfecto senatus obtinet, & qui adsunt senatui consessu fiscalis & juridicus. Adscriptis semel is honor manet. Foederatorum reditus ante qui fuerint memoravimus, mox liberalius, amore  
omni

omni terrore dominatus, pro republica quasi sua tribuere cœperunt, & postquam auctis commerciis per Brabantiae excidium cum opibus animi crevere, aderantque successus, majora audendo sumptus & onera duplicabantur. agri, ædes, annona, vestis, capita, nihil inimmune, nec subeundo fœnori temperatum. certissimum vectigal, apertum mare, nec, ut alia, bello obnoxium, quanquam mercaturæ præ ceteris parcebatur, regentium studiis, tum ne maximum atque instabile commodum alio pelleretur. At Belgicæ Hispanientis opes, quanquam tributis difficulter certantibus, regiae pecuniae accessione immenso anteibant, nisi multitudine tractantium, & largiendi facilitate, dum partim singuli retentant ut suas, partim profundunt ut alienas, ante veros usus interceptæ perirent. Miles Batavis conductus, civis, socius, peregrinus, præter Anglicana auxilia, ad decies & octies mille pedites sub hæc tempora non excresebat, inodico cum equite: pars major detenta præstidiis: & hostium multitudini impares, antequam illorum vires Gallia distraheret. Sed, Licestrii incuria, & tot seditiones docuerant parvis potius se copiis tueri, quam supra ærarii vires militis nomine hostem conscribere. Disciplina indies arctior ratio, ne cives & vicinæ gentes, quique agri ipsos inter & hostem siti raptus tributo redunt, per injurias vexarentur: & cum hybernatum ducitur miles, nulla privatim impendia: quicquid præstitum est, respublica persolvit. ea æqualitate effecta est res mira, ut ultro expeterentur armati hospites. Peditatus omnis in cohortes distributus. ita enim vocabimus. constat decem vexillis, raro pluribus.

bus. Vexilla centum homines continent: sunt & majora: sed, in universum si inspicias, per mōtes & fugas & ducum furta ad hunc ferme numerum devenitur. totidem equites habent turmæ, quarum tres, velut ala, communi imperio reguntur. Quo paratius expedirentur stipendia, certas cohortes turmasque nationes singulæ in se receperunt, quibus æra de suo numerant. cœptum & hoc usurpari, ut tribunos ordinumque ductores ipsi designarent. minora belli munera mandant ductores ipsi: majora, qui summæ reipublicæ præsumunt, ex virtute, aut gratia. Hostium copiarum plus quam altero superabant, quibus suspecta cuncta latereque diffusos fines coercerent. æquale utrinque gregario stipendium: sed penes Hispanum majora extra ordinem præmia, & ingens duplarium turba, nec eo minus oppidis agrisque per castra aut præsidia graves, bis ærario nocebant. Regimen quoque armorum æmulatu diffidebat. Contra Mauritius, ex quo primum belli curæ admotus est; nihil eorum prætermisit, quæ vetus ætas, aut recentior usus invenerant: impiger suas accelerare, & res hostium attendere: etiam supremo imperio inferiora non extra suam sollicitudinem pati. Ergo, admirandum, militiæ doctor, cujus doctorem non viderat, firmare cuncta belli meditentis, ut intentæ essent vigiliæ, munitæ urbes; castra docte metari, oppugnandi machinationes in promptu habere. tum milites, ignari operum ac præliorum, equos regere, servare ordines, ferre cibum, ferre aggerem jubentur, non in hujus sæculi morem. Ea diu ludibrio, ob eorum incertitiam, qui, quæ ignorant, discere erubescunt, post eventus aliquot miraculo fuerunt:

re:

re : quippe , ubi multis cladibus fugaces ausi iterum consistere , & oppida velut impetu rapta : plane ut jam omnes faterentur , quemadmodum affectandis populorum studiis , ac fundandæ rei publicæ , neminem patre priorem , ita ad tuendas res augendasque cælesti munere filium obtigisse. At , quantum belli ratio ab usu priori discesserit , in ipso sequentis operis contextu intelligitur. Navium haud contemnenda vis ad maritimas hostium urbes , aut annuum com-  
 • meatus excubat : partim piscationi mercatoribusque præsidio eunt , aut , ad proturbandos prædones , Oceanum pervagantur. Non dubie hostis hac parte inferior , cui portus haud multi , nec sane utiles , & naves paucæ , quæ pro urbibus speculantur. Nobilitas utrinque segni otio aut tranquillis honoribus imminebat ; frigore in partes , ob invidiam , hic plebis , illic Hispanorum :  
 • an & inveterata inertia ; quia callidi quondam principes militarium officiorum gratiam illis fecerant , translata in possessiones functione ; pauci , amore laudis , aut per familiares angustias , arma & dignas genere sup curas capebant. E vulgo memores peiorum , & juniores , quia pacem non viderant , contenti qualicumque rerum statu , bellum nisi per rumores & tributa non sentiebant. & multi , quibus religio sine affectu publice recepta , non ob aliud , sequebantur. at Romanis cæremoniis innutritos ,  
 • post tot coitionum exempla , leges Batavorum , multæ non admodum graves sanctione , privatis quoque sacris prohibebant. Idem præcipuis honoribus usu tacito arcebantur. Reliquias sacerdotum utriusque sexus , quia publicatæ possessiones plerisque in locis erant , dum tranquilli de-  
 G 7 gerent ,

geret, alimentis Ordines solabantur. aliarum  
sectarum conventus placebat dissimulando  
transmittere. Ministri publicæ religionis nulla  
in parte consiliorum: ne ecclesiastici quidem  
cœtus citra inspectionem magistratum, Omni-  
no, si proximi motus consedissent, haud facile  
novi timebantur. Parte quoque alia Belgarum,  
longa peritia barbarum causis occurrerat. Spe-  
cies legum quæ ante bellum: nec gravis cui-  
quam Parmensis modestia: & aliquot civita-  
tes præfidiis, cunctæ vi regentium tenebantur.  
ac quæquam Episcopi, datas sub Parmensis  
matre, & Albano, sedes occupabant, & Iesui-  
tarum in gratiam pleraque inclinaverant, in-  
quisitionibus & suppliciis temperabatur; belli &  
hostium respectu; tum quia dissentientes pars  
magna profugerant, reliqui metu quam poenis  
didicerant parere. Vtrisque in partibus annonæ  
caritatem, & ceterorum, quibus vita indiget,  
intenta magnis oneribus pretia, agrorum fru-  
ctus parum commode, negotiatio, & operarum  
pariter adauctæ mercedes facilius sustinebant.  
Florebat Batavis mercatura, inferiorum ætium  
nutrix: unumque Amstelodamum veterum &  
hujus sæculi maximis emporiis æquabatur. Per  
bellum interea pacis ut bona manebant, ita ma-  
la non emoriebantur, armorum usu adeo non  
effertis ingeniis ut in contrarium vergerent.  
nam cultus victusque nimia & supervacua ex-  
teriorum contactu, qui non inops illic exilium  
tolerabant, nullis legum habenis, secuti ditio-  
res, mox neitiquam pares pudore paupertatis in  
eadem traxerant: itaque, tum primum prisca  
Batavorum fortisque simplicitas & castæ mun-  
ditæ in luxum vertebant, ærario quidem vecti-  
galem,

galem, at moribus perniciosum: quippe quo avaritia, malum vetus, in audaciam impellitur, nec finit meminisse victas esse gentes, quæ eum vivendi modum tradiderunt. Sed pro virtute erant hostium vitia, quorum intolerabilior luxur ne inopia quidem mutabatur.

## ANNALIVM FINIS.



HVGONIS GROTII  
 HISTORIARUM  
 DE REBUS  
 BELGICIS  
 LIBER PRIMVS.



Larior rerum ordo aperitur, ex quo Princeps Mauritius, armorum regimen adeptus, in se facta vertit. Reipublicæ vultus, sacra contraria, belli acris ratio, spes nulla pacis, ut fuerant, mansere. Tum varia magis casuum quam intricata series. Petita Anglia Hispanorum armis, petita & Gallia, non irritum tantum conatu, sed & luctuoso. Tot bellis impar, quamvis ingens, ærarium: hinc cuncta inopiæ mala. Laxatæ interim Batavis vires animique: adjuncta regnorum societas, partim iterum dirempta. Illic mutati sæpe præfecti: tandem & dominus: male tuta confidentia, insidiæ degeneres. Vnius hic ducis ingenio vitatum discrimen, profecta arma: simul maritimæ opes vi in hostem, in cæteros fide, immensum adoleverunt: plane ut credi jam posset, æquas partes, & ambiguum facturas Martem, constituisse. Nam rebus diu exiguis spes humanas hoc tempus addidit, & sero à miraculis discessum. Quæ spectata, aut certo auditu comperta, historiarum in  
 mo-

morem vulgaturus sum. Nec ignoro quam sit inuisum ferventibus ista odiis ingerere, ubi adversariis suspectus assentandi, veri pervicacia tuos etiam offendas. Sed iudicium fidei, præmiūque penes posteritatem erit. Et si quem Deus finem tam gravi bello destinat, erunt forte qui deprompta hinc argumenta majori securitate & eloquentia celebrabunt. Fruantur interim, si qui, nostris procul turbis remoti noscendis, aliorum malis suam quietem impendunt: sumantque belli documenta, quibus, exosi civiles discordias, barbarum in hostem felicius utantur. Sed res quidem gestas memorare arduum semper: quia absentem fugiunt, præsentem trahunt: utque illud legenti, ita hoc scriptori periculosius est. neque vero parum exactæ notitiæ sequens ætas deterit per oblivionem, aut victoris potentiam. Quod si omnino coram ista tradi necesse est, profuerit sane ea in parte vixisse quam merito pudeat si non præstet scriptori promissam omnibus libertatem. accedit, quod plerique eventus hac ceciderunt: & maiorem usum habet initia admirari reipublicæ crescentis.

**A**Nnus agebatur Christiano nomini post mille quingentos octuagesimus & octavus, quem ultimum rebus humanis Mathematici edixerant: seu vana ars est, & intra nostram credulitatem, futura invadere: sive error iste non recte factorum magnitudinem interpretantium: ac pars caelestium minarum fuerit, classis ingens, quæ pari spe atque ira Hispanis, dum pax cum Turca, & Gallia in semet armata, festinabatur. Neque enim satis, quod tot

C I O I O LXXXVIII.

regno-



regnorum novique Orbis victores tam diu exigam gentem mutuis cladibus ad imperium revocarent, ni probro femina accederet. Sed Barabos Britannorum, Britannos maris fiducia rebelare: quasi Saxonum adeo & Danorum & Normannorum nomina ignota sint, aut non possideat insulam quisquis intraverit. Nam & reges, dum intestina metuunt, dejectis munitionibus externis aperuisse Angliam: tum vero corpora imbecilla, animos gentis longa pace luxuque infractos, sine ducibus, sine equite, quid ad Hispanorum robur, & illos tot annis Parmensi duce victores? ita in eos qui defecerant ultionem, in cetera gradum dari. Iam, qui mos est humanæ aviditatis, spem in ulteriora promittendi, Scotiam, Daniamque, devota regna, sibi destinabant. Usuros deinde se Anglorum viribus atque odiis in Galliam tunc cum maxime suo sanguine undantem. Cetera mox Europæ in tot distincta Principes, nec unquam bona fide coitura, præcluso mari, quid aliud quam prædam fore? Iudicii modestioris haud tanta sibi promittere, sed adversus maritimas gentes tentare pelagi fortunam, magnum atque incertum circumferre terrorem, includere ad tempus latebris suis prædonem, auferre commercia, tanti existimabant. Et Romanus Pontifex (erat is Sixtus nomine) per Hispanum suis quoque legibus acquirere Angliam nitebatur, quam isti sacerdotio tributariam Regum quondam simplicitas effecerat. Veterum igitur Pontificum exempla æmulatus, qui per discordias Principum, in regna primum, deinde in Reges jus usurpaverant, Angliam exposuit occupanti, velut quam nullo jure oppressam Elisabetha per illustrium

strum cædes, & populi metum detineret, super religionis crimen natalium quoque vitio, quasi adulterio genita, quod frustra confugii nomine velaretur. Hæc enim pluraque alia edicto obiectabat, simul iuvandam ad expeditionem cunctos homines invitans, soluta & jurisjurandi religione, qua Angli Reginæ tenerentur, ut ipsam maxime vivam, sin minus possent, necatam traderent. Præmium addidit sceleri scelerum impunitatem, etiam apud Deum: atque alia id gentis ludibria, quæ rudibus seculis hand invalida nunc tantum in speciem dantur, in speciem accipiuntur. Constat ita creditum, complures in Anglia principes viros præsentem rerum statum gravate terre, quorum studia in res Hispanicas per vaniloquentiam prædicabat Bernardinus Mendosa, qui legati nomine speculator ea in aula egerat per annos aliquot. Sed verum erat, utcumque religionibus dissidebant, vix quinquam adeo imprudentem esse, qui externæ victoriæ confideret. Cunctas per Hispaniæ oras, & quicquid Italiæ subactum est, armantur militum ferme viginti millia, naves centum & quadraginta, pars maxima incredibili mole, quæ quidem ipsa exitio fuit. Has inter, complures (Galeones & Galeassas vocant) turribus atque tabularis levate in castellorum & urbium speciem trecenis remigibus citabantur, tectæ aduersum tela, munitoque utero, quo facilius fluctus tolerarent. Coeunti nautæ cunctis è gentibus, commeatus semestres, pecuniæ ingens copia, tum solita terrestri bello & tormenta vicies quinques centena. Omnisque hic multorum annorum apparatus libris in vulgus ferebatur, terrori & ostentui, ut satis appareret Hispanicæ opulen-

opulentia illam esse professionem. Indici per fo-  
 ciale bellum, quanquam erant qui suaderent,  
 non placuit aliis satis in Pontificis sententia ju-  
 ris ponentibus. Nec probatum Marchionis San-  
 cticrucii & Parmensis salubre consilium, ut pri-  
 ma cura esset aliquem invadendi portum è Ba-  
 tavicis, quando Flandrici receptum classi adver-  
 sus maris & belli incerta præbere non poterant.  
 Plurimis, ni statim ad Tamisim exponeretur  
 exercitus ad Londinium oppugnandum, mora  
 quæri victoriæ videbatur. Curam navium Al-  
 phonfus Peresius Gufinan Dux Medinifidonijs  
 obtinebat, generis fulgore quam re ulla alia id  
 honoris promeritus; & sub illo Hispanorum  
 nobilissimi, multique splendido genere extra  
 numeros suo ære militabant, tanta prædæ non  
 modo cupiditate, verum etiam fiducia. Con-  
 stans fama est, honores, fundos, tabernas, cun-  
 cta belli præmia ante divisa. Laquei certe &  
 plura necis instrumenta aut servitutis, inter spo-  
 lia visitata sunt, quæ in victos, ut non dubio  
 eventu, paraverant. Vere adulto Vlyssipponem  
 convenere, unde in Callæciæ portum abreptis  
 tres naves desideratæ sunt, quas sæva tempestas,  
 partimque remiges occupata libertate, Galliæ  
 littoribus objecerant. Parmensis interea, quem  
 summa expeditionis spectabat, cum equite &  
 cohortibus, supra triginta hominum millia, in-  
 cubabat Flandriæ; ductis fossis, per quas copiæ  
 omnes maritimis oppidis acciperentur. Præsi-  
 diarias eo naves conduxerat octo & viginti, pla-  
 nis carinis, ut sine noxa littori adhærescerent,  
 fere quadringentas; quarum pars emta, pars sine  
 ulla intermissione dierum-noctiumque fabrica-  
 ta: pontesque transponendis equis & militi,

con-

continuo ut Hispanica classis mare intrasset. At per Angliam & Batavos nequaquam pro ingruentis belli discrimine apparatus erant, dum vento repelli creditur, aut tanta navium moles nunquam ventura in maris sui angustias. Denique remeantibus India navibus præsidium duci plerique affirmabant, quanquam Rex Gallorum viam classis & consilium, explorata denuntiabat. Ita rumoribus & conjecturis sibi blandiebantur, haud intellecta periculi magnitudine, nisi postquam vitaverant. Recensuere tamen Batavi quantum sibi navium nautarumque in armis, aut penes privatos foret: dein classe modica Flandriæ portus obsederunt, ut Parmensi exitum præcluderent, de cætero pene securi. Vix sero Regina, quæ pacis colloquio hætenus demulcebatur, omnes novandi ob religionem suspectos insulis aut locis palustribus claudit. Tamesis utranque ripam, qua exsursurum hostem credebat, complet equitatu, & tumultuariis cohortibus: lustratque coram & alloquitur speciosam multitudinem, sed veteri Parmensis militi, si accederet, armorum usu haud quaquam parem. Nec interim deerant, qui Tomyrim ipsi & Amazonum reginas eademque in insula Voadicam, cuncta scæminarum decora aut fabulas, compararent. Classem, in quam & privatorum naves assumerat, ita distribuit, ut minoribus ipso in freto, & Tamesis propter ostia Seimorus præisset; majores centum numero naves, quæ pleræque ad petendos commeatus Hispanico mari remeabant, Plimuthe in statione haberentur: inde, cum opus, hosti occurrerent. In quas summum imperium Carolo Howardo datur, proxima Francisco Draconi

Draconi potestas. Illustris hic maritimis victoriis, quas toto Orbe circumtulera, & dignissimus cujus manus isto in periculo patria respiceret. Non procul Anglia erat hostium classis, cum Regina, quam in hoc dediti ex Hispania rumores deceperant, Howardum per litteras admonet, compertum sibi, non venturam, aut multum in temporis detineri, quare suarum navium præcipuas examinari jubet. Vix obtemperatum erat, & ecce illa in conspectu, multusque labor Howardo revocare militem licentius vagantem, quod exauctorari se crederet. Peccatum haud minus ab Hispano, quod non protinus irrui, cum posset imparatos offendere. nec dubie periclitatura fuerit Anglia. Sed captivi duces exprobrata hac vecordia auditi sunt excusare destituta mandata, & præscriptiones, ut plurimum, occasionibus inimicas. Noluisse enim Philip-pum dari in casum classem, antequam Parmensis, Oceanum ingressus, terrorem duplicasset. At illum Dunqueræ inclusum Seimorus & Batavorum naves tenebant. nec ipse perumpere ausus minoribus navigiis, aut Hispanorum classis, etsi maxime clades secutas effugisset, tam prope litus, vadis prætextum, accedere potuit, ut leviora multo hostium navigia detruderet. Præcipuum id in res momentum fuit: quod adeo nemo erat suspicatus, tanquam fatali omnium cæcitate, ut multa classi necessaria Hispani conferre neglexerint, velut à Parmensi accepturi. Quin & Parmensis naves magna ex parte navium inanes erant. causa rei, præter notam præfectorum avaritiam, quod apud Belgarum civitates, ejus imperii, nauta infrequens: de Baltica quidem civitates suppeditare poterant quod

nune-

numerum expleret, & quos invitos Hispani in naves compulerant, fuga dilabebantur. Recollecti interea Angli classem, difficili ob ventum adversum molimine, Plimutha produxere, ut hostem eminus lacefferent. Quo genere praelii facile apparuit, quantum interesset majoribus an expeditioribus navigiis certaretur. Nam Anglicæ naves Hispanicis magnitudine paucæ pares, sed gubernandi artibus mobiliores ventum hosti interceperant, ut velis quandoque impellerentur, interim retro cederent. Etiam cum mutans ventus in ipsas tulerat, ambitu eludebant. Silente cælo, quod hostem facilius remigio vectabat, non simplices jam globos, sed catenas jaculabantur, quæ explicitis vincula navium, remosque defringerent. At Hispanis non insequi promptum, nec, si daretur, pugnandi mens erat. Velut majores in usus servabantur. Longa navium series, extenta cornua, tardi incessus, & vulnera hoc certiora. Tum si quando tormenta gravius instabant, contracti lunatam in classem, & ne alius alium præcurreret minoribus velis ferebantur: ne id quidem satis tuto, quoties urgerentur collisis navibus. Quod Baldesio evenit Vandalix in Hispania præfecto, & illius gentili, quem Lugduni obsidio famæ tradidit. Nam Hispalensis navis homines ferens octingentos, quam iste curabat, alteri ea vi impacta est, ut arbore mutilam classis relinqueret, ne cursum omnium una inoraretur. Ita circumventam Draco in deditionem accepit, interque eos in victum clementia, in victorem adulatione certatum est. Eodemque tempore Cantabricarum navium prima flagravat, quæ ad Michaëlis Oquendi præfecturam pertinebat. Sunt qui

tradant, hominem Belgam aut patriæ memorem, aut quod suspectum se videret irascentem, his quæ incendium coeperant adnotata flamma in altum defiliisse. pauci hominum servati. infima navis intacta flammis in prædam cessere. Mox & Veneram & minores alias Hispani desiderarunt. Classis Britannica subsidiis interim aucta, & nobilitatis accursu, quæ studia sua Regina certatim probatum ibat, plures in manus spargebatur: atque ita hoste circumvento naves continuis ictibus lacerabat. Sed jam tum apud illos pulveris tormentarii inopia fuit: qua post continuo laboratum. Usque Hollandia petatum est, sine qua defendi tunc Anglia non potuit. Dierum octo jugi eminus certamine (nam conferre manus Angli milite minores anxie vitabant) ad freti Gallici angustias octavo Idus Sextiles perventum est. Anglorum hic classes, quas initio separatas memoravi, coierunt, ad nautarum militumque undecim millia, relictis ad Flandriæ oram Baravis. Hispani Parmensem & cum eo mobiliore navium expectabant jactis anchoris Caletum prope urbem: cum ille interea templa circumcursare, vota facere, quomodo solent infani spe, & consilii expertes. Hac inquietudine Britannia præfecturam an nomen altius concupiverit, quando alia evenere, nec eadem traduntur, in medio relinquam. Missi in Flandriam ex classe nobilissimus quisque, & inter eos Ascolitanus Princeps, cui mater in Rege infamis ambiguum genus effecerat, super communi negotio consiliaturi, præcluso reditu multorum exitum evaserunt. Nam Regina jussu, quæ hostem non dubitabat, ubi luna primum remitteret, electa nocte minus illustri, copias si posset, juncturum, classis

classis Hispanorum altera nocte quam freto confederat, hunc in modum proturbata est. Machinis saxa & pulverem continentibus, quæque alia ignem alunt funduntque, oppletas naves octo Angli in hostem prono salo ventisque immiserant. At Hispani terrore flammæ incantis (in se enim citatam, & late pelagus collucere aspexerant) præcis anchoris in Oceanum perpendunt. Hac trepidatione navim maximam, cui præerat Hugo Monradius, alterius navigii funibus innexam, inde excusso regimine ætus eodem quo ventus ferens Gallici littoris vado impulit. ibique classarii (incrant præter remiges quadringenti) Anglos scalis adortos, dum auxilia ex continente sperant, prælio detinuerunt, donec interemto Monradio, aliisque compluribus capta navis, & per tres totas horas spoliata est. Sed ipsam incendi Caleti præfectus vetuit, ut Regi Hispaniæ nondum hostem professo in Galliam, quanquam huic ipsi oppido imminere credebatur, amicitiae speciem servaret. Quinquagies mille ducati Regis pecunia direpta est. trecenti remiges donati libertate. Pauci vectorum enataverunt, rei infelicitè gestæ primi in Hispaniam nuntii. Dissecta hoc terrore classis contra Gravelingam, proximum Flandriæ oppidum, relocatur: ac vi tuborum militarium & machinis Anglorum plurimum vulnerata, adduci tamen non potuit ut ordines confunderet. Hoc maxime prælio res Hispanorum fractæ atque comminutæ sunt. nam naves aliquot laceræ globis, quia nec pertusæ expleri, nec ex uriri irruipientes aquæ poterant, fluctibus superurgentibus cessere. Cantabricam unam, dum oppugnatur, & intus duces inter fortia ac necessaria

H

ria



ria consiliorum ad cædes usque dissentiunt, repente salum absorbuunt. Lusitanicas duas, Wilingium in ostium delatas (nam frustra fretum repetere annisas vehemens ventus huc impulerat) Zelandica littora excepere, quasi inter quos commune periculum fuerat & naufragia dividerentur. Alteri Philippo, alteri Mathæo nomen: huic Didacus Pedimontellus, illi Franciscus Tolerantius moderabantur, Tribuni militum uterque. Sed illam, scapha dilapsis primoribus, Flissingani occupaverunt. Pedimontellus fugam, missumque in hoc navigium aspernatus, postquam multis suorum amissis diu tormenta pertulerat, fidei se potestatique Petri Douxæ permisit. Parti hic Batavicarum navium præpositus raptum insigne Lugdunensi templo suspendit, inusitatae magnitudinis ostentui. Navem utranque, excensis quæ usui videbantur, neglectam Oceanus subruit. Iam Batavi Frisique totam hostium classem sua prætervehi littora intellexerant. Nec alio super metu, quam ne Amasii ostia subirent, occursum, abreptis è mari signis quorum conspectu navigantes eorum locorum breviter evitant. Tot coacti cladibus Hispani duces, & omnes de cætero culpam in Parmensem rejecturi, discessus consilium ceperunt, quanquam apparebat sic quoque periculum non sine periculo vinci. nam retro obsessæ angustiae. quod unum restabat, Septentrionalia Britannicæ obeundum erant, qua indomitis terris Oceanus, & vix impune tentatur. Quod si tum instirum foret, tanta Hispanos maris hostiumque formido invaserat, ut traditum sit, agitasse Medinifidonium, num dedita classe vitam pacisceretur. Sed Angli, observato tantum cursu, ne Scotia forte, aut Cimbri-

bricum fretum adirentur, ubi omnem hanc oram omitti constitit, & vasto mari fugam tantum queri, noluerunt alios insequendo ipsi idem discrimen incurrere: depulsæ classis, & servatæ patriæ decore contenti. Quin ut maxime sequi voluissent, vetabat ea quam dixi tormentarii pulveris penuria. Sed Scimorum mature remiserant, ut una cum Batavorum classe Parmensis conatibus obsisteret. cæteri oborta cum tempestate aliquamdiu conflictati non sine periculo in Angliam redierunt. Grajorum, Romanorumque gloriæ, qui res olim suas navales per acies asseruerunt, non dubie tunc Anglorum & fortuna & virtus respondit: etsi lente ac tuto vincere, nusquam tota belli mole cominus iminixti. Hoc memorabilior eventus fuit: omni tempore quo cum Hispanis pugnatum est, navis alicujus pretii nulla, homines bello marique non ultra centum desiderati sunt. Hispanos interea genus omne miseriarum exercuit, amissis suorum quinque fere millibus, & navium potissimis, ægri plerique aut vulnerati, rerumque omnium egentes ævissimo pelagoolvebantur. Equi, jumenta, sarcinæ præcipitata, quo levarentur alvei adversum fluctus ingruentes. Orcadas inter, atque alias ejus maris insulas evectis imperat Medinifidonius in Cantabriæ portus dirigere vela. Ipse aliquot cum navibus, quæ minus quam ceteræ inanes atque inopes erant, in altum se dat. ceteræ non longe Hibernia abeunt. Fuere quas variæ undique procellæ in mare interius rejestas Angliæ aut Galliæ oram afferrent. Plures Norvegiæ abrupta, & faxis incerti fluctus elifere. pars ad ultima Septentrionis & ignotum adhuc Orbem turbine aufertur. Rex Scoriæ in sua lit-

tora eiectionis pacis jura servavit. Triginta & dux  
 naves Hiberniæ vadis impactæ, aut proximo ma-  
 ri haustæ sunt: enisique homines ab accolis truci-  
 dabantur, quia plures erant, quam quorum tu-  
 to miseresceret. cæteras ira fati in patriam pro-  
 secuta est. nam in ipso portu duas fortuitum in-  
 cendium consumpsit. alias alii casus perdidērunt.  
 Triginta omnino superfuere, quæ comineatus  
 vexerant: E belluis una, tantæ modo classis du-  
 cem ferens. Primores multi, vulgique pars ma-  
 gna non multo post reditum vita excessere, sive  
 contractus tam molesta jactatione morbus, sive  
 aliquos animi ægritudo confecit, dum more do-  
 minantium rei subduntur his quæ fortuna pecca-  
 verat. Summa cladis ex eo apparuit, quod Rex  
 edicto luctus tempora contraxit, ut magnitudi-  
 nem damni, quod late nobiles domos funestave-  
 rat, publicis oculis subtraheret. Apud Anglos,  
 Batavosque captivis soluto pretio, quibusdam &  
 dono data libertas. Dum in dubio eventus se  
 extendit, & metus pietatem docet, crebro suppli-  
 catum. Pro victoria gratiarum actiones Deo  
 decretæ sunt. ipsaque Regina triumpho vecta  
 priscum in morem oratione ad populum expo-  
 suit, majore nunquam æternæ providentiæ be-  
 neficio approbatum, quam infirma adversus vim  
 superam præsidia humana sint. At Batavis  
 communis periculi etiam in hoc fructus fuit,  
 quod æquiore posthac usuri erant Anglorum so-  
 cietate, qui jactare hæcenus solebant, quod so-  
 cios sustentarent, id soli se humanitati præstare.  
 Dum naufragæ classis reliquiæ in Hispaniam ra-  
 piuntur; Parmensis ex diuturna felicitate in mi-  
 seriam, ex fiducia in desperationem versus, alie-  
 no magis impulsu quam consilio suo, quod odisse  
 jam

jam cœperat, in Bergarum ad Zomam obsidionem trahitur. Instigabant Brabanti, ne unum oppidum, unde hostili equitatu infesta itinera, & agri vastabantur, ipsis deesse & suis victoriis pateretur. Nec duci admodum displicebat gravem exhaustæ jam Flandriæ exercitum alio transducere, pudore quoque & metu, ne, si delectaret, nihil in ipso opis videretur. Quod si rediret fortuna, via in Zelandorum insulas, innox bellum intra Hollandiam parabatur, proxima nimis spei, quam præsumserat perdideratque. Namque id oppidum præclaro situ Brabantiæ in finibus Zelandiam parvo discrimine aspectat. Flandria & Hollandia lateribus adjacent. Haud longe pars est Scaldis, in quam Zoma, qui oppido nomen dedit, illabitur. Hinc portus oppido longus & nonnihil flexuosus. Floruit multum commerciiis sub ditione familiæ cognominis, donec Antverpiæ vicinitate & belli malis atterreretur, hostes & illos experta quos præsidio acceperat. Sed ex quo adjecta scederibus fuit, proditione aliquoties periclitata, vi & obsidione primum tentabatur. A Bergarum territorio Tola, Zelandorum oppidum & insula, Scaldis æstuario dispescitur. quod idoneum subvectionibus copiarum, & ne apud Batavos relictum obsidionem recluderet, præmissi occupare Montigniacus, & Octavius de Mansfeldiis comitibus. Qui simul disiectis in Hœfsdam belli rumoribus improvisi adfuere, per vada octingentos milites ducunt oram Zelandicam suggesturos. Sed male observato æstus tempore, qui jam increfcebat, nutantibus cœno vestigiis graviter annixos pauci propugnatores detruserunt. interim contra jaculatores, quos Brabantico in agro hostis re-

liquerat, lorica ripæ (ita locus erat) se tueban-  
 tur. Statimque cura Comitum Georgii Eberardi  
 Solmensis, qui insulam præsidebat, & vulgato  
 periculo, adaucta defensantium multitudo, re-  
 gressum hostem in fugam & voragine egit.  
 Vix duces emerere. quadringentos, ut quidam  
 tradidere, profunda uligo, aut, si qua pars cor-  
 poris eminebat, destinatio telorum jactus in-  
 teremit. adversa ex parte unum modo cecidisse  
 haud procul miraculo abit. Exinde insula castel-  
 lis, excubiis, machinis firmatur. Tum vero spem  
 alteram amplexus Parmensis, ut portu intercluso  
 oppidanos commeatu arceret, ingenti illo exer-  
 citu, circumjecta collium & aggeres infedit,  
 junxitque pontibus quæ interscissa erant. Quibus  
 interriti Bergenses, nec velut obsiderentur, quia  
 miles, & virtus, aut defensionis necessaria à Ze-  
 lando & proximis Hollandorum urbibus afflue-  
 bant, quasi positis contra castris, pedes aut equo  
 dimicabant, levibus quidem præliis, sed non sine  
 hostili sanguine. nec tantum militis egregia  
 virtus, sed oppidanis muniendi labor & tributa  
 extra ordinem imperabantur, laudabili ducum  
 & magistratum concordia. At inter Anglo-  
 rum rectores (id in præsidio roboris erat) de  
 summa præfecturæ ortum certamen, & si quid  
 ultra turbidum, Princeps Mauritius cum Ordi-  
 num legatis tuto pervectus coram composuit.  
 Oppidum inter Scaldimque castella erant duo,  
 hinc machinis, inde æstu satis defensa, quorum  
 quod in septentriones abit, tormentis ab aditu  
 oppidi divellere frustra Parmensis parabat, ut  
 navigationi intercederet: eique curæ defixus in  
 spem prodicionis adducitur, qua Itala calliditas  
 elusa est: Hispani è captivis duo cauponem,  
 apud

apud quem custodiebantur, & Anglum militem, eodem solitum divertere (Grimston nomen erat) sollicitant ad traditionem castelli, de quo memorabam. Illi, quorum ingenium à quæstu turpi ita non abhorrebat, ut tamen, si pretium esset, mallent hostem quam suos fallere, præfecti consilio instruunt dolum. Aditus ab utroque Parmensis, ne operam sperneret, aut, quod accidit, obsequii simulatione circumveniretur, magnis pro illorum fortuna muneribus & promissis oneratos obstringit jurisjurandi religione: & cum ne sic quidem nisi ipsorum periculo satis crederet, convénit, ut vincti inter armatos duos comitarentur, ituros in munimentum, si fallerent, strictis pugionibus. Satis ita cautum videbatur, nec enim fore quis odio salutis alienæ suæ evilesceat. Qua fide ter mille, & inter eos insigni stirpe plerique accinguntur, ut castellum invadant. Patuit porta, dum quinquaginta transeunt: & hætenus promissis exitus respondebat. Tum subito porta pensilis altera præcisissimis funibus dejicitur, cædunturque admissi aut capiuntur. nec custodibus Hispanis in vinctos proditores ferri usus placuit, territis pavore, & præfenti ultione. Sed exclusum agmen, cum continuo alter alterum urgentes recessus non facerent locum, versa in virtutem desperatione, per fossam æstu destitutam scandunt aggerem: jamque sepimento è palis priore convulso ad interius sistebantur: unde pulsi machinis, quæque ignifera alia præscii fraudis paraverant, in abditas, qua fugiendum erat, insidias ruunt. Cæsi pars magna, & qui evaserant, recrescentibus aquis, perque inscitiam locorum cœno hauriebantur. Hac fraude Parmensis, & quod cœlum ingra-

vescens morbis & mortibus grassaretur , cum flexu autumnii crebros per imbres plana stagnarent , neque præ luto aggeres tenerent vestigia , hoc primum , dehinc castra deseruit , dinque caritate ac tandem rerum omnium , & aquæ dulcis maxime inopia coactus obsidionem sensim solvit , quam spe vana in sesquimensem produxerat . Paucos tamen locos , ne nihil egisset , adversus excursionem munit . Nec eo minus post ista tempora ditantur Bergæ frequentî ex hostibus raptu , & sub peculiari Principis Mauritiî imperio revirescunt . Namque ei & hæc , & alia , quæ hostiles partes sequentium fuerant , Ordines dedere solatium eorum quæ ipsi paterna ab Hispano tenebantur . At Brabantus ager , hibernante per vicos Parmensis exercitu , post Flandriam atterebatur . Bonnam interim dilecto cum milite missu Parmensis à primo jam vere Cinnacensis obsederat . nec Scenquio contra certandi copia , sed Principum Germaniæ concilium ingressus exposuit periculum egregiæ urbis , quando non sibi , non Truxio vires in hostilem exercitum . Ipsorum potius interesse , ne Hispanica dominatio , armorum per Belgicam specie , proxima quæque & semper ulteriora invaderet . Valida namque imperia , atterendo singulos , cunctis supercrescere . nec aliud remedium , quam festinos occursum , & ex communi metu virtutis societatem . Ad extremum ita finivit , ut si tutela affirmaretur , Bonnam ipsis permitteret . Sed hæc militari facundia elocuto , non quale expectarat Germanorum nomine responsum redditur . At nos , inquit , alienis discordiis vestra causa non immiscebimur , quibus inprospera toties in Galliam auxilia documento sunt , motus gentium ipsi ambi-

ambiguos, foris accedentibus nunquam innoxios esse. Plerique nostrum nec Belgis abstinere: quam feliciter ipsi sciunt. Eadem scilicet mercede qua Rex Galliae fratrem submiserat, & Catharinæ Medicæ auspiciis pro Antonio navigatum est. Nunc cum iidem illi gratiam Hispani & fœdera ambiant, nos Philippum postremi iritabimus? qui non spernendis in Germania possessionibus pars ipse nostri, restituit sedibus Germanum antistitem. Imo affinem potentiam colamus potius pace, quam bello experiamur. Ita elusus, dum Angli Batavique distenti majoribus auxilium & ipsi negant, milites præsidio relictos, queis Pedalitha Silesius præerat, hortatur morari hostem, dum tutò liceret, ac fortiter tolerare obsidum. nec secus fecere, occisoque Baptista Taxi, egregio Hispanorum duce, & multis eruptionibus victores, postquam seimestri labore munitiones circumjectas hostis extorserat, penuria quoque afflicti, non indecora pactione urbem tradiderunt in Bojari antistitis potestatem. id nomen usurpabatur: quanquam inuit urbem miles Hispanus tenuitque. Hinc jubetur Mansfeldius, qui autumnus jam inclinante Cinnacensis vires auxerat, obsidione peracta cum parte copiarum Wachtendoncam degredi, quod oppidum superna Geldrum regione Neris amniculo adjacet. Præsidium erat ex Scenquii cohortibus: nec facilem adpugnationem situs loci uliginosus, & vis hyemis ingruens effecerat. Sed ab obsessoribus aggesta humo in altitudinem tumuli, quæ ædificia despectaret, cadentes inde globos, modo injectos etiam ignes, oppidani non pertulerant, accedente & metu, ne quæ tum humebant, gelascente mox cœlo hosti pervia fierent, aucto-

H s

res



res militi ne citra spem ullam secundi eventus (quia exiguae sociorum vires, & procul aberant) ipsorum fortunas corrumpi pateretur. Tracta in ultima anni obsidio, etsi successum habuit, multa ipsorum millia confecit per coeli sævitiam, & necessariorum egestatem. Sumptus enim & damna Hispanicæ classis regias opes ita exhaurerant, ut diu exercitus stipendiis fraudaretur. Hinc crebræ seditiones, & ipse prædæ uberioris multos in transfugium illexit, quod Batavi tursos inter annes paulum promoris finibus hostilem agrum impune incurrerent. Sed harum partium Ordines, cum nova evitarent, antiquis oneribus premebantur. nam exorti per Scotiam qui Mathiæ aut Valesio militaverant, atque alieni nominis redemptores advectas naves auctoritate publica pignerabantur. Missa ad Principes legatio docuit erratum ignorantia moris Belgarum: nam Batavos, etsi copiis suis ceteras civitates adjuverint, nunquam illarum aeris alieni participes factos, nec alterius quam Arausionensis imperio paruisse. Neque nunc recte à fœderatis peti, quod gentes deberent quæ à fœdere desciverant. Hoc ideo tradendum putavi, quia talibus verbis repertum est exactiones damnosas refellere. dataque occasio, cum ducibus, qui sub sacramento remanserant, de veteri ære in certas portiones paciscendi magno in rempublicam levamento. Comuni inter hæc metu, & Trajecti Batavorum vinctis qui imprudentiæ remedium ex pertinacia quærebant, dissidia ab Licestrio orta deflagaverunt. Sed Gertrudisbergæ præsidium (pedites habebat mille quingentos, equites trecentos) quia plus licentiæ ex occasione discordiarum usurpaverat, quam ut veniæ fidem,

fidem, aut non infame commilitium speraret, impacatum, & ultro ferox inanebat hostium vicinitate. Initio tumultus exactis qui fuerant, & impositis quos vellent ducibus, adhuc Parmensis literas & nuntios averfabantur. Inmixti deinde ignorantibus hostium ministri, & qui legati in Batavos erant, auditas minas in pejus referentes, poenarum metu seque & alios stimulabant. Accenderat iram contemptus, postquam Willughbæus Anglicani auxilii rector velut pacando iniliti Wincfeldium affinem suum, ut consilium fuit oppido, reipsa seditioni præfecerat, dataque ab Ordinibus stipendia quibus suspectos eliceret, non certa pactione, sed in spem occasionis, numeraverat: unde quasi deceptis eludebant, & velut rapto abutebantur. Vbi hanc pecuniam duces, & ducum exemplo miles per luxum saginamque perdiderant, misso equitatu prædas undique traxere: quin & naves retentabant, nullo hostium aut sociorum discrimine: nec magis pacatis gentibus abstinebatur. Sic hyemem agentes sollicitabat ad prodicionem, quo facile ab his flagitiis transitur, Odoardus Lanzavechia Bredam in proximo Brabantia regens. quippe intuitum in peccando modum, & Parmensi imputari posse, quod apud Anglos Batavosque nunquam satis excusaretur. Vera dicebat: nec ab huiusmodi consilio abhorrebant, in omne vitium corrupti, & qui mos est seditionis, insensu initiora suadentibus. Pari innox omnium rabie, aut paucorum tot inter turbidos formidine & silentio, eripiuntur arma oppidanis. prætendunt Anglicum nomen duces plerique ejus gentis, miles etiam Belga. Ac quo plus turbant hoc liberalius offertur impunitas, Ordinum graviora

metuentium literis. Redirent ad signa, obliti discordiarum, quibus publicus error & ira fati cuncta miscuissent: præstarentque reipublicæ, ut non à se ortis diffidiis ipsi finem imponerent. Sed huic defensioni suorum facinorum conscientia non credebant. Dubitatum est, an in rebelles, & Ordinum Mauritiique imperia pertinaciter respuentes, vis pararetur. Nam aliis displicebat irritari periculo militem: Diem melius & tempus sanaturum impetus vix unquam durabiles. Contra afferebatur, patientiam & lenitatem in ludibrium vertisse. an vero expectandum, ut hostem, qui cum secreta iam tunc colloquia, palam incensibus admitterent? Si addito metu venia ostentaretur, bonis audaciam dari, ceteris respiscendi necessitatem. Ita nuper Medemelacæ penitentia militum redditam, quam sedentes frustra opperirentur. Vtrum fieret non interfuit. Nam certi perfidiæ, seu destinationi permitteres, sive ultro impelleres, eadem meditabantur. Vere primo terra & flumine copias, quantæ tunc haberi poterant Mauritius admovit, minores quam ut obsidium contexeret. At illi tormentis petiti paria reddidere, ut præter ceteros Iustus Villerius caderet, insigni militia, Trajecti quondam regimen & nunc castrorum præfecturam meritis, utque Principis juventam belli consiliis instrueret. Sed inunivens oppugnatione, cum properata jam aggeris ruina oppidum nudasset, extracta est colloquii simulatio: & qui sequebatur dies exundatione amnium, & pluvis sædus inhibuit accessum. Simul Lauravechia accitu Wincfeldii adventare læta cum manu audiebatur. Nec Anglo suadendum ad scelus verba defuerunt. Verum advocata

con-

concione: Cernitis illos, ait, quorum globi & ignes hostilia nunquam incenia pari impetu circumsonuere: tanto nobis infestiores. & nunc ferrum cominus intentant: omnesque inimicis vocibus ad supplicium exposcimus. At inde veniunt qui servatos nos volunt: apud quos gratiam ac præmia mereri licet. In vestra nunc manu est, commilites, periclitari deditioem, an dare beneficium & accipere malitis. Promptissimi cujusque vocibus, cæterorum adinurmuratione probata oratio. Neque Mauritius substitit imparatus longiori obsidio, & ne transitionem, quam prohibere non poterat, cogere videretur. Literas tamen misit, si quos adhuc moveret respectus honesti aut timor infamiæ. quæ per ludibrium accepta vernali turbæ, quando supra elapsas stipendiorum pensiones donativum Parmensis adjecerat. Illum tum primum ajunt pressum longo incerore vultum levasse, cum traditæ urbis è specula Dordrechtum, & illa crudi olim belli loca spei atque oculis admoveret. Inspecere juvabat & calcare primam duodecim ab annis Hollandicarum urbium redactam in potestatem. Eaque gaudii festinatio fuit, ut nullis adhuc præfidiis ingressus oppidum crederet se illis, quos admissus hoc ipso debuit habere suspectos. Et fuere qui dubitarent, an ex magna occasione verterent perfidiam. Sed ad consensum tempus defuit, aliis intutum putantibus. Sibi, non partibus, tribuerunt, ne ambas fallerent. Pauci in Angliam, aut vetus ad sacramentum refugere. Ceterorum suos cujusque apud numeros, ut eos Parmensis distinxerat, egregia bello opera fuit; spe nulla salutis nisi per victoriam: quia proscripti prodicionis & transfugii crimine belli

jura amiserant. Improbantibus tamen scelus etiam queis proderat, irrisi diu mercatorum vocabulo, ne mortem quidem honestam, nisi pauci, habuere. Plerosque captis in urbibus poena vindicavit. Datus à Parmensi miles possessioni urbis, & excursibus, sæpe fortiter, & proximis diebus feliciter pugnavit, interceptis turmis tribus Mauritianorum equitum, qui Silvam ducis juxta incuriosius palabantur. Hoc magis ex usu visum proxima annectere: mandataque cura præfectis minoribus. Præter Gertrudisbergam, alia quoque oppida duo, Mosam ultra nunc jacent, Hollandici juris: sed Hœfda olim Mosa continebatur, antequam novo facto alveo venis exaruit: pars credita vetustissimi Teisterbantiæ Comitatus, in fide ac clientela Clivorum Principum, qui in Hollandos deinde jus suum transcribere. At Septembergæ oppidum Strideni quondam agri portio, flumine sane dividitur. ideoque sacra illic non à Trajectino, ut reliquam per Hollandiam, sed Leodiensi ab antistite curabantur: proprios vero Dynastas habuit, sed ut Hollandiæ Principibus obsequium deberetur: quorum imperio & supra Gertrudisbergam vici aliquot, ab antiquissimis temporibus parent, quippe cum mos validis gentibus transcendere annes, ut proximæ ripæ munimenta interioribus circumjicerent. Nihilominus & Hœfdam & Gertrudisbergam Brabanti sibi vindicare jampridem frustra laborant. At nunc Septembergas invalidam opere, & prædam semper armis, facile Arembergius invaserat: sed teneri non potuit, quia Nordamum & alia circum loca Batavi tuebantur. Missus in Hœfdam Carolus Mansfeldius, simul Bomuneliam, caput insulæ adjacentis,

centis, quam geminos inter confluentes revulsi  
 Mosa & Vahalus ambiunt, dolo & oppidanorum  
 aliquot conscientia petebat. Sed resecta pu-  
 nitaque prodicione, cœpto obsidio institit, He-  
 inertam juxta arcem acceptam in deditionem  
 obtinens, cum immodica per augmenta effusus  
 amnis campos auferret. Nec jam vis sed fames  
 Hœsdæ timebatur, quam longinquo ambitu cir-  
 cumventam ab hostilibus copiis Farnarsius de-  
 fendeat, destinationis intrepidæ, nec dubitatu-  
 rus ultima tolerare. Prævenit Mauritius, co-  
 actoque proximis è præsidiis militum comitatu,  
 qua rarior hostis, perrupit, illatis quorum in-  
 opia timebatur. Inter hæc abducta non procul  
 parte exercitus Helium Bommeliensis insulæ ar-  
 cem, Crepicordium contra, Mansfeldius machi-  
 nis navibusque aggreditur. Opera, manus, tu-  
 tamenta abunde erant, ni Sidenborgus præpro-  
 pera deditione spem metumque abrumperet.  
 Ipsi visum culpam militibus assignare, hoc con-  
 fidentius, quia plerique occubuerant, dum His-  
 panus miles injussu ducum in exeuntes sævit. Hu-  
 jus loci præsidio, & Crepicordii ex adverso,  
 quod Hohenloio dirutum regii duces restitue-  
 rant, ad confluentes Disæ amniculi & Mosæ flu-  
 minis, ingressi insulam, parentes agros, quæque  
 arcium aut castellorum infirma pervastant,  
 haud dum certi quo potissimum evaderent. Mo-  
 do cæptas ubi insula desinit, Gorichernum con-  
 tra, munitiones aucti imbris annes differe-  
 bant. Deinde aliud consilium trans Vahalim  
 sita, Geldros & mox Trajectum, accedere po-  
 stremo insulam Vorenam nomine, quæ Bomme-  
 liensi superjecta est, castelloque ante biennium  
 à Nassavianis infessa, adorti cinus, audiunt  
 Hohen-

Hohenloium dilecto cum pedite & turmis in praelium adventare, majore fama. nec manendi spes Mansfeldio, postquam veris tempora & ætatem per irrita aut successus exiguos transmiserat. Mosa igitur remeans turbine subito & ira Hispanicæ cohortis ob non solutas pensiones, contra ipse nixus haud procul exitio fuit. Præerat cohorti Saurius Læva, tam militi gratus, quam Mansfeldio ex verborum nuper certamine inimicus. Nec deerant qui Principis Ascolitani & Pastranæ Ducis dolo atque in Parmensem odio ardescere seditionem crederent. Haud dubie traxerat jam pridem invidiam Parmensis rerum gestarum magnitudine & gloria Hispanos duces supergressus, & Italis apertius quam conducebat sisus & favens. Inde exorti qui virtutes non minus quam infortunia criminarentur. Sed proditam classem, conatus in Bergas irritos, aliaque hujusmodi palam. Tot vero nationes partem maximam Belgarum subactas, egregia in illam populi studia, occulto apud Regem & specie laudum perniciosius jactabant. Nec vanus de illo metus, si vitam in deteriora Hispanici imperii prorogasset: ne clarus bello & regendi clementia, hosti quoque non invisus, debitam filio Lusitaniam (ut tum plerique ferebant) parata possessione mutaret. Certe seu Philippus, ut sunt regum ingenia, pronus ad formidinem, dum nimium gloriæ ducem premeret suam ipse fortunam frustrabatur, sive immensos suntus vera paupertas excepit, provisus quæ inopia provenire, & præsentium tædio Parmensis morbum consciverat: quæ illi causa Germanicæ profectionis ad aquas Spadanas fuit. Nec post id temporis solita illi valetudo,

aut

aut fortuna rediit, cum alterum altero corrumpere-  
 peretur. Itali gens læta suspicionibus, & fingens  
 quicquid auderet, datum ab Hispanis duci suo  
 venenum arguebat: eaque fama immanitate sui  
 commendata prævaluit, & quia in Hispanum  
 quidvis facile creditur. Literas, queis apud Phi-  
 lippum graviter accusabatur, Mauritius inter-  
 ceptas ad ipsum nuper miserat. ille dissimulato  
 hostis beneficio; nec actis gratis, scriptorem  
 literarum Ioannem Moreum, qui res Hispanicæ  
 magno astu & effusa largitione in Gallia pro-  
 moverat, ad epulas vocavit. nec is diu super-  
 vixit, nova rumorum materia: præsertim cum  
 is, qui minister vindictæ fuisse credebatur, nullo  
 cæteroqui merito tolleretur honoribus. Inde Ri-  
 cardotus à Parmensi in Hispaniam mittitur, pur-  
 gandis, quæ de non adjuta classe ipsi objecta-  
 bantur. Rex & hunc, & qui vicissim argueba-  
 tur Medinifidonium coram audiit, ac videri vo-  
 luit utrumque ducem absolvere. Repressa sedi-  
 tione militum paucorum supplicio, & dissoluta  
 cohorte, quanquam bellandi vetere, integras ab  
 eo motu centurias septuaginta jubetur Mansfel-  
 dius Bercam rapere. Vrbs ea Episcopi Agrippi-  
 nensis tertium jam annum, ex quo Parmensis in-  
 de abcesserat, castellis septa tenebatur. Nacti  
 eam jam pridem Truxius & Nienarius, quia  
 causam ille, hic arma contulerat, disceptatam  
 possessionem Fœderatis Ordinibus, ut sequestris,  
 permitterant. Sed ejus anni initio Batavi juncto  
 ponte (quo Rhenus transiretur) & equitatu su-  
 periores, commeatum intulerant. Exinde mis-  
 sus (rogatu Episcopi ad Parmenses & ipse vene-  
 rat) cum parte copiarum Varenbonius regius  
 Geldrix moderator, qui vim & famem propius  
 admo-



adinoveret, in transitu Blidobecam (hanc olim arcem Scenquius juri parum fidens, ut propriam sibi armis vindicaverat) haud incruentus invaserat. Nam praesidarii, vetus & exercitus miles, toto mense tormenta passi, ausique paria, miscuerant cladem, donec graviore inter paucos jactura, perque mortem centurionum discordes (& quosdam suorum exegerant) lapsabundis jam munitionibus hostem admiseret. Insignivit victoriam reperta inter strages mulier, quæ virili habitu animoque prædam & vulnera concupiverat. Quod primis discordiis palam sæpe visitatum: neque ejusmodi exemplorum feracior ulla ætas fuit. Nam ut magna belli nomina Deus, & Patria, aut Princeps, in partibus attonuerant animos, libidine odii fas etiam sexus exuebatur. At Scenquii ferox semper ingenium propria jactura & pudor irritabat. Hinc erepti penates in ultionem incenderant: inde, quod non satis sibi militis quo Bercæ inclusos eximeret, acrius animum fatigabat. Contractis tamen quas habebat turmis vexillisque, locum communit in Rheni ripa haud procul Resa oppido, obnitente frustra Varenbonio, unde acceptas anni copias terrestri itinere Bercam ductabat. Dein comperto auxilia Verdugoni advenire, citis itineribus deprehensos Luppiam ad amnem Westfalæ in campis cæde impulit, ut stipendium quod in Frisiam ferebant, fuga dimitterent. Eo successu audentior, Noviomago, cui jam pridem insensus, nocturno impetu excidium minabatur. Præmisso equitatu dilectas per tenebras paucis cum pontonibus, quas milite oneraverat, delatus Vahali, urbem attigit, ea parte munitam haeruo, quod annis prælabitur. Iubetque expedi-

tissimos

tiffimos suorum dirutis cancellis ædium unam  
 quæ retro in ripam exeunt irrumpere, ut deinde  
 catervatim effusi per urbem turmis jam assultan-  
 tibus portas remolirentur. Sed forte domus, in  
 quam fiebat impetus (nec eadem erat quam  
 Scenquius ante destinaverat, oblato per noctem  
 errore) nuptiis tum celebrabatur. Hinc ingens  
 statim strepitus, excitique oppidani, ipsam æ-  
 dem, & aliquos in publicum progressos armis;  
 deinde tormentis obsident. Addidit multitudini  
 fiduciam dies, pauci contra per angustias & tre-  
 pitationem atrocius cædebantur. Nec inhibere  
 fugam Scenquius potuit stans in ripa, & modo  
 omnes, modo singulos nomine inclamans, ut per-  
 ficerent pulcherrimum facinus, ac forti eruptio-  
 ne viam panderent secuturis. Accedebat grave  
 percussis incommodum, quod assumptas præsi-  
 dio naves noctis adhuc obscuro infra urbem vis  
 fluvii detulerat, ut fugientes excipere non pos-  
 sent. Cum hostium telis premerentur, rara ad  
 ripam navigia ruentium oneri ac consternationi  
 cessere, interque plurimos ipsum Ducem, ut  
 erat, armis gravem hausit amnis. Eum vivendi  
 finem Scenquius habuit, vir suo sæculo præter  
 ceteros nobilitatæ audaciæ. nonnulla domus  
 claritudo; sed ipsi aucta sub Parmensi gloria.  
 mox equestrem dignitatem, & alia militiæ or-  
 namenta Licesetrius adjecerat. Multum animi,  
 prudentiam sæpe desiderares: jura & leges pari  
 nesciebat, unde ipsi apud milites favor, apud  
 vulgum rectoresque odium: quanquam durum  
 & intractabile ingenium flecti cœperat ætate.  
 Repertum corpus victores ob transfugii memo-  
 riam ludibrio exposuerunt. Sed demovere cœ-  
 git ultio militis, qui ducis ignominiam in No-

viomagenſes captivos acriter vindicabat. Bien-  
 nio tamen inhumatum capta deinum urbe Mau-  
 ritius compoſuit. Et Nienarius ea tempeſtate,  
 dum machinamenta quædam indiligentius lu-  
 ſtrat, caſu interiit: belli ſerus, morum inculpa-  
 tus. Orbatus utroque duce Taxius, quorum  
 manu fortuna partium ſteterat, tandem dimiſit  
 bellum, maxime poſtquam & Berca hoſti ceſſit:  
 ubi longa & in ſequentem annum tracta obſidio  
 cladem prius Hiſpano, dein victoriam dedit.  
 Nam poſt ſoluta ſtipendia adſcito in commili-  
 tium Scenquii milite, qui luctu ducis efferatus  
 ſeditionem minabatur, quia inſula ejus in manu:  
 clauſtra Rheni, facile emtorem inventura erat:  
 mox ultima Batavos cura ſuberat Bercam ju-  
 vandi, ſpe haud alia, quam ut hoſti, cui urbem  
 non poterant, tempora eriperent. Miſſum hoc  
 conſilio Comitem Falcoſtenjum duobus cum  
 millibus præter additos equites, ſimul occupa-  
 to in tranſitu caſtello amnem ſuperaverat, con-  
 ſequitur Varembonius: nullo prælium ani-  
 mo, quanquam major advenerat, ſed ut eun-  
 tium tergis cum cæde inſiſteret. Duas An-  
 glorum centurias noviſſimum agmen regens  
 Franciſcus Verius in hoſtem vertit: ſuſtinuitque  
 impetum, donec circumſuſus eques, & univerſæ  
 mox cohortes ſigna intulere. Fit pro numero  
 magna ſtrages: & caſis hoſtium promptiſſimis  
 rapta vexilla peditum decem, turnale unum, &  
 equorum magna vis. Pauci cum duce eſcugunt.  
 Verius illuſtre hoc virtutis ſpecimen aditum ad  
 dignitates famamque habuit. Varembonius par-  
 tem magnam cladis Carolo Mansfeldio imputa-  
 bat. nam is quoque adſuerat, ſub ipſum pugne  
 tempus adductis è Boimnelienſi inſula cohorti-  
 bus:

tibus: posthabitusque nuper, eundem cum honorem ambo peterent, deseruisse nunc æmulum ferebatur. Tuto post hæc itinere victores vehicula cum copiis ad obsessos perduxere: qui & ipsi stationes proximas feliciter irruperant. Regressi per ignara hostibus periculum fallebant. Nec tamen inclusos adauctæ hostium vires terriere, antequam castellum propter Resam, subsidium comineatus, vadoso flumine Hispanus irrupit. Tertio post hæc mense in annum alterum hyems egrediebatur, cum haud dissimulantibus Batavis, nullam sibi militiæ copiam, qua tantis spatiis divulsos juvarent, ad ultima se consilia applicuere, pacti haud indecentia. Retinuitque Bercam Parmensis, quomodo Bonnam & Novesium, Cliviæ etiam urbibus insidians, inter Principis senectutem, & empta potentium studia. Ita præsidiis, aut per addictas potestates Arnhemus tenus Rheni potiebatur. Neque vero Aquægrani, libera imperii Germanici civitas, salvam habuit pacem inter arma, cum Philippus veterem apud Brabantos Principes ejus urbis tutelam ut dominationis nomen interpretaretur, edicto proturbans incolas, qui Romana sacra profugerant. Sed redempta ab regiis ducibus mora, contentique agrorum raptu, urbem disfulere, donec multos post annos vis partium in Germaniam versa & hoc in speciem juris obtendit. Dum ad Mosam Rhenumque exercitus certant, inter congressa passim præsidia pugnatum, multa Mauritianorum præda. Nam & in hostilis regionis intima eques ignibus grassabatur, & obvios comineatus trahebat fulis defensoribus. At mari crudeliores occursum, quia Batavi hac parte virum potiores solita inter paces belli commercia,

&

& jura captivitatis diremerant. Futuri hostes si tantundem pollerent, per furta navigantibus infesti, prædones vocabantur. Hinc iritati crebris suorum suppliciis Flandri, & qui Batavis è classibus (ut ferox est genus) sceleris alicujus conscientia transfugerant inerines navium, cupiditate ultionis & prædæ, validiores etiam desperatione terrebant. Sæpius accidit, semel memorandum, quia prisca facinora adæquat, pars ut altera alterius navigiis circumventa pulvere tormentario seque & hostem incenderit. Tanta est cura vitam desperantibus non multos mori. Hoc primum tempore quæ hætenus alienis tumultibus quieverat bellum sibi reponi sensit Hispania. Nam Angli assuntis Batavorum navibus & milite, Gallaciæ maritima temere adorti, deinde Antonium in regnum reducebant, fixis ad Vlyssipponem castris. Naves regina de suis attribuebat sex: ceteræ erant centum & viginti: queis Draco imperabat: pediti Norisius: spem prædæ inter se partiti. Tanta successuum initia, ut jam Albertus Austriacus Philippi nomine urbi prædens fugæ se pararet. Sed privatorum conatus erat, inde per incerta obsequii, & rerum necessariarum exiguo provisu, & potus quoque intemperantia morbis grassantibus, incertum reliquere, Lusitanorum studia & opem à Mauris vane promississet Antonius, an ipsi festinato alitu corrumperint. Nec auditi Batavi, qui arces se maritimas regnique aditum servare paratos ostenderant. Ut soluta obsidio, statim qui res novas sperasse convincebantur ab Hispano ad supplicia rapti. Ab Anglis nihil actum ultra, nisi quod receptu non laceffito & irruptis impune castellis, apparuere invalida Hispanici imperii: & dis-

repta.

repta innox obvia classe Germanorum Balticis & civitatibus, occasio gentibus data est per legatos inter se & scriptis certandi, an copiarum quibus parari populi hostem juvant rite in prædā venirent. Sed & Gallia in partes adscita miscuit causam, postquam Guisium apertæ defectionis autorem Rex interfecerat, ipsumque mox Regem percussor monachus, ultimum Valesiorum sanguinem: & in utriusque ultionem arma capiebantur. Francis non dubie moribus ad Borbonios pertinebat successio: sed caput gentis Henricus Bearnæ Princeps, è regno Navarræ vix quicquam præter nomen usurpans, ut quod jam olim Hispani interceperant, professus Reformatam, quam vocant, religionem, etsi utriusque sectæ jus æquum pollicebatur, traxerat nobilitatem, exclusus oppidis. Versaque rerum facie apud Romanenses, culpa defectionis, penes alteros regium nomen conspiciebatur. Nec suo Philippus exemplo territus est, quo minus Meduanum (Guisii is frater duplici pietatis obtentu utebatur) non occultis jam opibus, sed palam auxiliis firmaret, ut interjectum sibi & Belgicæ regnum, atque olim utrinque metiendum, occuparet discordiis, si adessent successus, suorum aliqui fiduciarum potentiam traditurns. Isabellam quippe filiam ostentabat Henrici secundi Galliarum regis è filia neptem, dignissimam quæ regno imponeretur, vel ob paternam merita, vel ob maternum sanguinem, eoque justius, quod Britannia Armorica, ut alia quædam, Galliarum foeminarum imperia etiam ante hac nocuissent: Parte alia Sabaudus gener prolatis sinibus aperiebat Alpes. Accepto nuntio Lamotam missu Parmensis cum equite & cohortibus in Galliam pro-

& jura captivitatis diremerant. Futuri hostes si tantundem pollerent, per furta navigantibus infesti, prædones vocabantur. Hinc iritari crebris suorum suppliciis Flandri, & qui Batavis è classibus ( ut ferox est genus ) sceleris alicujus conscientia transfugerant inermes navium, cupiditate ultionis & prædæ, validiores etiam desperatione terrebant. Sæpius accidit, semel memorandum, quia prisca facinora adæquat, pars ut altera alterius navigiis circumventa pulvere tormentario seque & hostem incenderit. Tanta est cura vitam desperantibus non multos mori. Hoc primum tempore quæ hactenus alienis tumultibus quieverat bellum sibi reponi sensit Hispania. Nam Angli assumtis Batavorum navibus & milite, Gallaciæ maritima temere adorti, deinde Antonium in regnum reducebant, fixis ad Vlyssipponem castris. Naves regina de suis attribuebat sex: ceteræ erant centum & viginti: queis Draco imperabat: pediti Norisius: spem prædæ inter se partiri. Tanta successuum initia, ut jam Albertus Austriacus Philippi nomine urbi præficiens fugæ se pararet. Sed privatorum conatus erat, inde per incerta obsequi, & rerum necessariorum exiguo provisu, & potus quoque intemperantia morbis grassantibus, incertum reliquere, Lusitanorum studia & opem à Mauris vane promississet Antonius, an ipsi festinato alitu corruerint. Nec auditi Batavi, qui arces se maritimas regni que aditum servare paratos ostenderant. Ut soluta obsidio, statim qui res novas sperasse convincebantur ab Hispano ad supplicia rapti. Ab Anglis nihil actum ultra, nisi quod receptu non laceffito & irruptis impune castellis, apparuere invalida Hispanici imperii: & directa •



repta innox obvia classe Germanorum Balticis è civitatibus, occasio gentibus data est per legatos inter se & scriptis certandi, an copiae quibus parati populi hostem juvant rite in praedam venirent. Sed & Gallia in partes adscita miscuit causam, postquam Guisium apertae defectionis autorem Rex interfecerat, ipsumque mox Regem percussor monachus, ultimum Valesiorum sanguinem: & in utriusque ultionem arma capiebantur. Francicis non dubie moribus ad Borbonios pertinebat successio: sed caput gentis Henricus Beneam Princeps, è regno Navarrae vix quicquam praeter nomen usurpans, ut quod jam olim Hispani interceperant, professus Reformatam, quam vocant, religionem, etsi utriusque sectae jus æquum pollicebatur, traxerat nobilitatem, exclusus oppidis. Versaque rerum facie apud Romanenses, culpa defectionis, penes alteros regium nomen conspiciebatur. Nec suo Philippus exemplo territus est, quo minus Meduanum (Guisii is frater duplici pietatis obtentu utebatur) non occultis jam opibus, sed palam auxiliis firmaret, ut interjectum sibi & Belgicae regnum, atque olim utrinque metiendum, occuparet discordiis, si adesset successus, suorum alicui fiduciarum potentiam traditurus. Isabellam quippe filiam ostentabat Henrici secundi Galliarum regis è filia neptem, dignissimamque regno imponeretur, vel ob paterna merita, vel ob maternum sanguinem, eoque iustius, quod Britannia Armorica, ut alia quaedam, Galliae foeminarum imperia etiam ante hac nocuissent: Parte alia Sabaudus gener prolatis finibus aperiebat Alpes. Accepto nuntio Lamotam missu Parmensis cum equite & cohortibus in Galliam pro-



proficisci, pecuniam Borbonio & quatuor Anglorum millia Rēgina transmisit: nec fœderatarum gentium Ordines auxilia segnius decrevere. Missisque navibus cum alimentis & quæ bello idonea, pecuniam addidere, liberalius quam pro rerum præsentium angustiis, ob spem futuri. Id vero magnificum & leniendæ libertatis invidiæ fuit, reipublicæ opibus regnum juvari. nec minus utile eventu, & hosti exitiosum, dum Walonica gentes expositæ armis, quibus olim causam dedere, pari malo affliguntur, suis sive Gallicus miles assultaret. Deinde vires Hispanorum, Gallia retentante vincendi tempora, Batavis patuerunt, auctique limites, ærarium, copiæ octo per annos, donec Borbonius, sua virtute perduellium turbidis rebus, & ipse tandem Romanam in religionem mutatus, cuncta partium sub imperium accepit, posuitque magis arma, quam pristini fœderis memoriam. Consequens videtur, quando rerum Gallicarum mentio incidit, scrutari, quantum humanis rationibus fas est, quomodo paribus cum Belgica initiis in tam diversa processerint. Nam olim constituta pace Philippum inter & Gallias eadem dominantibus sententia, & mutuum fœdus, exscindere religiones, quæ per bellum & impunitatem auxerant. Galli dein proceres invisa Guisiorum potentia, & ne despecti agerent, ut Belgæ contra Hispanos, usi occasione, multitudinem pro sacris periclitantem in tumultus & arma civere. Sed dissimillimi exitus: illic integrum obsequium, atque ita victrix Romana religio, ut alteram premat, non opprimat. Sic abdicatum vetus imperium, ritus infociabiles, & inter libertatem servitiumque divisi. Causam putem, quod

Lotharingi per se invalidi occulte, deſm palam modicas foris opes accipere, & quæ fortunam non facerent, ſed ſequerentur. ita viſ præcipua in præſcriptione regii nominis, aut vulgi ſtudiis erat, quæ munimenta non diu valent, ubi utilitatis experimentum contra eſt. At Galli unius populi Reges totas intra ſe vires habent. ita ſæviendo ininuitur imperium, & quicquid ultioni impenditur iſſis perit. ne plebs quidem, quantumvis inſenſa ſactorum diſſenſu, poſtquam belli mala ſenſit, vindictæ quam quietis cupidior. Hinc properata toties pacis Edicta, toties turbata, fractis jam populi ſtudiis, ut bellum ponerent magis, quam pacem ſervarent. Longa arma pertæſi in vium & perfidiam impulſu quam obſtinatione ferebantur. Et ſueti regno prius componi potuerant, ſi Rex unus, egregius pacis bellique artibus, ſeſe & jura ad vires partium temperaſſet. Novi dominationibus, ætate rudes, diverſa per vitia diſcordias aluere, dum fervidi ingenio, aut per luxum ſegnes, rapiunt cuncta aut remittunt. ea tantum quietis mora. Contra Hiſpani Regem naſti eadem volentem odio Belgicæ libertatis, & qui rerum uſu inſeſceret, tantis extra viribus, ſolitudinem Belgicæ non metuebant, proviſis non Italiæ modo, ſed Americæ exemplis, ut colonias facerent, ubi provincias non poſſent. Superbia, avaritia, crudelitate gentis peregrinæ offenſi, etiam qui in Romanas cæremonias nihil peccaverant, donec nonnulli circumventi ſimulatione rerum meliorum, cæteris documentum fuere, ut contumaciter odia exercerent, diſſidentia pacis, quaſi quæ tegetet ultionem. Ita bellum non inclemens minus quam ſunt civilia, durat tamen ut externum.

I

At

At per Frisiam Wilhelmus Groningam urbem, impar majoribus conatuum, frangebat inopia, munitionibus per agrum irruptis, Rheidaque oportuni situs peninsula ad Amasium flumen, & sinum maris, à fluctuum rabie Dullartus qui dicitur. Verdugonem urgebat super hoc malum suspecta civitas, quia præsidium recusaverat. Inde ancti, hic novo peditum dilectu, Nassavius equite, mutuo metu vel audendi occasionibus annum sequentem continuare.

HVGONIS GROTH  
HISTORIARUM  
DE REBUS  
BELGICIS

LIBER SECVNDVS.



Neubitura in Frisios belli moles videbatur, ni capta Breda traxisset exercitus. Brabantia id oppidum jam olim accensetur, fertili circum agro ad confinium Hollandia, & septendecim vicis imperitans. Ab amne nomen. is Aa haftenus, in latumque editus incenia perlabitur mutato in Mercam vocabulo: & mox ad Septembergas oppidum in maris sinum se immergit. Polana domus Baronum titulo. ex emto tenuit. inde Nassavia Engelberti matrimonio, cujus Henricus prae-nos munimenta fossasque addidit, & nobilissimam arcem, praesidio simul & ostentui. Belli  
c13 l3 xc. ults

usis novissimis temporibus propugnacula, ceteraque arcendis hostibus, & à difficili expugnatione gloriam adjecerat. Dolum quo capi posset nauta monstravit. Philippi Nassavii impulsu (Ioannis hic filius, missus gentile in bellum, partem militis & pauca ad Mosam oppida regerebat) Heraugerius Cameracensis centurio, re æstimata cum Principe Mauritio, cepit audendi consilium, Lambertumque Charlium, strenuum militem adoptavit in facinoris societatem. Navis assumpta fraudi, quæ solita partes inter commeari fide publica, ut alimenta ignium Bredam conveheret. Limus Hollandiæ paludibus editur, qui postquam solibus inaruit, scissus in cespitem, ligni præstat usum. Nam bitumini sulphurique par ingenium efficit inclusus terræ calor, quem ut alibi montium incendia, ita hic prorumpentes interdum flammæ prodiderunt; nisi prostratæ olim silvæ, impulsu maris ac turbinum, postquam superinducta humo putruere, mutata facie naturam retinent. Imponitur carinæ oblongæ lecta è cohortibus & prompta in periculum juvenitus, numero septuaginta, quos tenui interjectu regerent cespites, dissimularentque. Diu parum favit fortuna audaciæ, ut solent ejusmodi conatus malis onerari, etiam quæ non metuantur. Adversa vis venti, & quanquam exitu hyemis asperum frigus, mox defectus ciborum quos mora consumserant, prima tempora abstulere. Nec silendum reor, has inter moras, rei quæ agitabatur, velut jam patrata perscriptos ex Anglia rumores. Vbi refoverant corpora, & animos Heraugerius sermone firmavit, misso ad Mauritium nuntio, qui proximam apud insulam militem occultabat, haud procul Breda, repetitum

iter. Intra aquæ septum, quod arcem propter  
 est, pervectos unde regressus non erat, nova ca-  
 lamitas terruit. Nam fluminis recessu afflictus  
 vado alveus, sive glacies pertudit, oppleri undis  
 cœperat. Ibi inclusi trepidare, ac detestari infe-  
 lices latebras, madentes genuum tenus, donec  
 astu levata navis nulla humana ope perfuere ul-  
 tro desiit. Explorandi curam quasi, ex usu ma-  
 gis disciplinæ quam quod necesse arbitrarentur,  
 præsidii rectores ad minora quisque officia rele-  
 gaverant. Multorum per socordiam ad mani-  
 pularem rejectum munus, qui, securus exemplo  
 jubentium, puppe leniter pertentata nihil ultra  
 scrutatus est. Et forte evenerat, quod vix alias,  
 ut tussim frigus nemini excuteret. Servari ine-  
 retur vox militis, qui præmetuens ne spiritu pro-  
 rumpente secum cæteros proderet: *Occidite me,*  
*inquit, commilitones, ne occidamur.* Ipsi navem  
 præsidarii in arcem traxere, quod non satis so-  
 luta glacies aquas attineret. Inde alia rursus in-  
 commoda, quippe adnotum propius periculum  
 formidinem expresserat, & in Heraugerium que-  
 relas, ut alieni pariter sanguinis ac sui prodigum.  
 Pars omni projecta spe salutis tenebras non mo-  
 rari: sed, quando moriendum esset, apertum cœ-  
 lum, & hostem in quem caderent, poscere, ne in  
 illo suo carcere oppressi ad supplicia traherentur.  
 torpere plures. nec tam ducis hortamenta ad vir-  
 tute[m] & gloriam, quam desperatio compulit  
 cœptum exsequi. Ejecta pars oneris: nec ultra  
 levata navis, ne insidias nudaret, solertia nautæ  
 lassitudinem simulantis, cui & vox & vultus mi-  
 ram animi præsentiam præferebant. Media fere  
 nox erat, nec illunis, cum educere visum mili-  
 tes admonitos prius ad decus & præmia victo-  
 riæ,

rix. desertoribus vero animosi facinoris non vitam, ne mortem quidem honestam dari. Haustu sentinæ averſæ hostium aures. ita exiere, quod mirum est, inobservati excubitoribus. Pars militum prætergressa armamentarium, obvios vigillum, dehinc custodes portæ qua in oppidum itur, intra stationem obtruncant: nisi quod ausus prorumpere signifer, & infesto mucrone vulnus in Heraugerium ferens morte haud ignava procubuit. At Charlius, cui attributa erat manus altera, præsidium hostile in arcis intima compulit. aquæ ædes ambiunt. has in spem novissimam retinebat Paulus Antonius Lanzavechia vice patris Bredam regens, juvenis, & belli artium rudis. Ipsum Odoardum Gertrudisbergæ, tres leucas distant, munitio & creditus illuc copias trahere Mauritius detinebat: quippe submissi specie exploratorum qui falso metu vulgato verum averterent. Nec levis error Parmensis, qui uni duo oppida servanda commiserat, cum vix singulis singuli sufficiant, & bene meritis alia sint sine periculo præmia. Sed Paulus, si forte exignam adhuc manuum prælio exurbaret, denso militum cuneo (sex & triginta adsumserat) egressus ponte hostem irruit. Vicere quibus vinci non licebat: multaque cæde saucius ipse, qua venerat, refugit. Exaudiri interea per urbem pugnantium tumultus cœperat, & oppidani portas arcis irrumpere, ni Heraugerii miles proxima è porticu glandibus arceret. Tandem accepto rei bene gestæ signo adest Hohenloius cum parte Mauritanii exercitus, qui speculabundi non procul substiterant. Cum portam glacies moraretur, septum è palis transiere. nec distulit Lanzavechia, dedito quod arcis retine-

bat, incolumitatem pacisci. Secutus confestim Princeps & major altera exercitus portio, pedes turmæque, per arcis portas impressionem minabantur. Sed pavida civitas, & præsidio nudata, bimestri stipendio direptionem redemit. namque Itali, quæis commissa oppidi tutela, (erant hi centuriæ peditum sex, turma una) quorum officium fuerat aut pontem arcis oppidoque medium abrumperè, aut averfas ab hoste tenere portas, ad armorum ex arce sonum exterriti, atque inter se jam pridem discordes, hoc facilius in fugam consenserant. Quod fere ejusdem animi est, pavidi hostium, hospitibus infensi, nullo, dum oppidi potiebantur, abstinuerant contumeliæ aut libidinis genere. Itaque desertorum supplicio affecti, cum Parmensis populare flagitium in suum quoque pudorem vindicaret, sero sceleribus poenas solverunt; excepto Intemelio, quem adolescentia & nobilitas sua supplicio exemit. Et Odoardus Lanzavechia, quasi poenam sibi meritis irrogans, Gertrudisbergæ præfecturam à se abdicavit. Victor ingressus paternos penates Mauritius populum accepit in fidem & ditionem: pressam stipendii solutione civitatem (& multo plures quam affuerant milites nomina profitebantur) dolens magis quam accusans; modestia juventæ, & ne privata curare crederetur, quanquam ad centena florenorum millia crescente summa, cum Parmensi Antverpia quater centenis haud amplius pependisset. Tum Heraugerium præfectura oppidi, cæteros deinceps honoribus & præmiis attollit. Decreta & ab Ordinibus supplicatio, ac publica gaudii signa, utque nummi inscripti primam ducis ac sine suorum sanguine victoriam testarentur, quæ postea  
mos,

mos secutus usurpavit, quoties prospera even-  
rant. Nec ingenia defuere, auspicia Principis &  
non degenerem dolum celebrando: ita Trojam  
equo ingressos Græcorum proceres, seu vere ta-  
lis effigies, seu navis insigne fuit. Ipsius urbis for-  
tunam comparabant, quam novem ante annis  
Altipenna absentia præsidii, proditione vigi-  
lum, deinde oppidanorum strage inceserat. Re-  
lictis centuriis quæ tuerentur, & turmis ad in-  
cursandos Brabantorum pagos, discessit exerci-  
tus. Simul convectæ copiæ illorum providentia,  
quos Princeps conscios habuerat expeditionis,  
longum in tempus sufficebant. Sed ubi in Ger-  
maniam Parinensi nuntius advenit, fessus ipse  
tædio, an per consilium armis abstinens donec  
ex Hispania literas acciperet, ne agros impune  
raptari pateretur, Carolum Mansfeldium Berca  
reducem ire cum parte altera copiarum & clau-  
dere exitus jubet. Spes falsa accesserat inesse  
paucorum dierum alimenta, & recenti obsequio  
fluxam oppidanorum fidem. Prenebat latus  
Gertrudisberga: cetera Mansfeldius præsidii  
ambit. Sed ventura Bredanis à tergo auxilia me-  
tuebantur. nam Merca Mosam influit, modicas  
ubi insulas Mauritius milite compleverat. Ipsum  
igitur amnem, qua Bredam elabitur, ponte &  
castello clausit; Terheidæ loco nomen. Dehinc  
milites Septembergas in ultimo ejus continentis,  
& invalidam arcem pleni irarum rapiunt. Nor-  
damum restabat, supremus labor. Castellum id  
variis quondam temporibus ex humo situm cin-  
gunt fossæ æstu madentes, præsertim ubi aquilo  
impulit: & retro ductus agger. ripa scilicet ab-  
scissum, insulæ in modum, Mosæ æstuario allui-  
tur. Mathias Hellius tuebatur, inclytus jam Bre-  
dani



dani periculi societate: & militum quantum satis è proximis insularum. Postquam aliquot per dies tormentis nequicquam territaverant, pontes cæteraque ad incursum parabantur. Simul immissa navis, & summa mali in coronâ armati qui propugnatores telis depellerent. Obsessi ubi adventantem conspexere, ardentes scaphas contra destinabant, quod periculum ventus avertit, & applicuit ripæ. Vt propinquatum est, fluminis vortex circumactam navem in fossam tulit. hærentem vadis retentant alii, pars faces ingerunt. ac miles telis dejicitur, patefcens ad ictus, ac non quo voluerat latere objectus hosti: ideo nihil hac munimenti obtenderat. Mansfeldius, ut multam suorum cladem, & obstinatham præsidii fidem conspexit, nec minus adjacentibus insulis arcebatur, non tam obsidium Bredæ quam prodicionem sperare. ibi frustra hærentem emissus oppido eques quotidianis præliis laceffebat. Mauritius interea recollecto milite tenuis exercitus ductor (quatuor peditum millia erant, & rarus eques) in Geldriam concessit, velut Noviomago imminens. Sed machinamentum subitæ oppugnationi paratum, quo muri appenso vi dissilirent, successus defecerat. Gallorum id repertum ex ære, pilei forma, cui inclusi cum pulvere nitrato globi & è ferro quadrantalia. Exin virium conscius, atque impar obsidio, quia proximis è locis arma & commeatus in urbem venerant, hæsit tamen atque eminus laceffivit, si eo terrore hostem Breda abduceret. quod evenit. Nam postquam diu irritus obsidii uterque, Mansfeldius auctis copiis, quia validius præsidium civitas ob notam militis lasciviam aspernabatur, propinquum laborantibus auxilium,

Mo

Mosam inter Vahalinque confedit. At Princeps, Batavorum intra insulam continuit exercitum, & metu ne hostis flumen transgrederetur, dispositis per Vahalin navibus, ripam quoque omnem præsidii munivit à Rhēni divortio adusque Mosam ei influentem, qua parte Vorenā insulam Solmenfis (is datas à Mauritio centurias regebat) iustis munitionibus castrorum in morem instruere jubetur. Perducta & fossa è Vahali in Rhenum, qua, vitato Noviomago, subvectæ copiæ in Germaniam navigarent, additis aggeribus ad coercendas annuū exundationes, Hollandorum maxime nisu & impensa, qui securitate ac commerciis juvantur. Tutam per hæc ripam Mauritius obtinens, mansuram castris sedem molitur ex adversum Noviomago. Cnodsenburgi nomen milites fecere. inde in urbem, quæ ex ripa clementer assurgit, & contra intruentes vis imminensa globorum adigebatur. Sed qui castellum exstruebant noctem plerumque aut velum prætere, ne ad ictus destinarentur. Major oppidanorum perniciēs, quos turres, & eminentia operum irruebant. Nusquam tuta habitatio: clausum flumen: quæ per mala, insueti bello, cupidi mercaturæ, ad mutandam fidem paulatim trahebantur. Sic apud Noviomagum exhausta ætas, cum Parmensi interea sumptæ iterum Spadanæ aquæ, simulque res secundiores nonnihil valetudinem firmavere. Nam Ricardorus continuus semper Ducis & consiliorum particeps, ex Hispania literas retulit honorificas in Parmensem, quæ, stabilita veteri præfectura, belli Gallici mandata continebant. Ita regi visum, pronum id putanti, sive ut diffi-

Parmensis suaserat, relinqui suis discordiis Gallos, dum Belgica perficerentur. Sed gnarus ferenda ubi cœperis dominorum ingenia, necessitate in gloriam vertit, offerri famam ratus & ultro auctam periculis. Nam in Hanoviam digressum, unde propius curaret, assequuntur nuntiis, Evriaca acie stratum cum auxiliis Egmundum, & jam premi Parrhisios victore exercitu. Nec diu, cum Meduanus ad socianda consilia accitus fortunam partium coram testabatur. Postquam de summa belli secretis ducum colloquiis deliberatum est, Parmensis exeunte æstate regii exercitus ipsa robora in Galliam duxit. novi è Germania delectus sequebantur, & quæ Hispanorum manus Contraci & Menenii seditione admodum egerat: sed ante abitum partem stipendii oppidanis expressere: reliquum à rege numeratum est: institutumque tunc exemplum quod mansit postea, ut securatus militi in decem regales imputaretur. Cohortes universæ duodecim millia, tria equites confecerant. Petro Ernesto Mansfeldio summæ rei per Belgicam cura: reliquæ militum Carolo ejus filio permittuntur, & jussæ in præsidia refetri, ne quod amoto subsidio discrimen adiretur. Hæc ubi percognita, misit Mauritius usque Germaniam, qui vacuæ agrorum possessioni insisterent. Captæ munitiones, quibus Hispanus ripam & aditus itinerum obsidebat: excisaque opera hostibus sita pacato in solo ad Rhenum Mosamque. Aliæ manus, ut cuique proximum, è Brabantia Flandriaque prædas petebant, intima illapsi: nec vici tantum, sed infirmiora oppida per vim irrupta desolabantur. Per autumnum ipse brevi transcurso, quæ anno priore secundum Mosam, & circa

Bre.

Bredam nuper Mansfeldio dedita, recuperavit: eruitque minus idonea. His Stenobergam paternum oppidum annexuit, inclytum quondam portui. nam Merovæ diverticulo adjacet, mare & bellum exitio fuere. Certatum & navibus feliciter quæ adversus hostes Regis Galliarum Normanniæ littora præsidebant. Nec omissi astus. Mauritanij Dunquercam, pelago nocentem, navibus & scalis petivere. Lochinum ex insidijs Hispani. utrumque præcognitum. Multus hoc anno rumor parari Germanos in bellum & ultionem finium, quos vicina arma temeraverant. Iam aggregari partibus, descendere in causam, ut cuique conscientia & hostis odium inerant, per opem aut contemptum interpretabantur. Nam Hispanus miles extrema Frisiæ obrinens Transrhenanos agros villasque vastabat: nec his modestiores, quos Geldrica præsidia Cliviæ & Iuliaco circumfunderent. Quin supposita prædæ, quamvis ulteriora, captis arcium perfugiis, urbibusque. Tum insecti Batavorum equites preinebant hostem, licentiam imitabantur. Ita circumventi fiducia pacis & belli cladi- bus concilium indixere. Vbi longa cunctatione, ut mos gentis est, consilia trahendo, interdum & minis, remedia magis quam mala differebant. Decreta ad extremum legatio quæ expositulatione fungeretur, deponique aut sisti intra certantium terminos bellum juberet. Apud Parmensem, quo tempore Gallicum iter aggrediebatur, anxii disseruere: hoc ille ferocius respondit, solitus alioquin id genus querelas ambiguo sermone aut rejiciendo eludere. Pluribus finitimorum cladi- bus veteres gentium discordias stetisse. nec enim belli modum ducis in manu: sed quomodo

incendia, & aquarum eluviem, cæteraque naturæ aut fati mala, ita præfentes temporum neceffitates ferrent potius, quam ferendi impatientia irritarent. Cæterum fi prior hostis excederet alienis, & fe quæ Germanici effent foli redditurum, modo falva effet Regi pecunia, quam bello Agrippinenfi expensam ferret. Cogitarent interea, fi quid tolerandum fit, mereri hoc præfentem religionem, cujus gratia in Germaniam ultro accitus effet. An vero dubium coalita libertate quos fpectet exemplum? feroces jam dudum populos speculari vicinos exitus, & fuas vires, ut proximum quemque Principem & invalidum fastigio devolvant, quando tantum in Reges liceat. Orandam potius bonam fortunam, ut quos penes armorum culpa fit, præliis aut poenitentia victi refumerent obfequium. Id brevi futurum fi interfciffo undique comneatu fuis anguftiis damnentur. His verbis dimiffi Fœderatas gentes confidentius ingrediuntur, & audacioribus poftulatis. Nam reddi Gravewartam infulam, quæque alia fuis in finibus tenebantur: deinde incuftoditos tranfitus, exonerari Rhenum Amasumque Germaniæ amnes terrore claffium & vectigalibus imperabant. Ad hæc Ordines, ut æquiorum studia fibi adjungerent, turbatæque pacis culpam fibi assignatam in hostem amolirentur, orfi ab inquisitionibus & cruciatu, exuros antiftites, stragem nobilium, oppreffam plebem, cæteraque fervitii mala enumerant. His, inquiunt, injuriis compulfi ad arma, non aliud tam longe difficilique bello quærimus, quam ut fanguinem noftrum ab ifta fævitia, uxorū virgūque corpora ludibrio arceamus. Ea fpecs, is finis armorum. neque noftra

pau.

paupertas cuiquam inuidiosa est, non magis quam fortis Helvetiorum libertas vicinis metum facit. illos timere & eruere æquius, raptores Orbis, quos non Americæ solitudines, aut Bati-  
corum Belgarumque cædes, non Lusitanæ & per Italiam servitus satiaverit. Quomodo bel-  
læ feræque piscium & gregium præda pascun-  
tur, ita magna semper imperia minori potestati  
exitiosa sunt. Adeone igitur obscurum, quorum  
nunc cum maxime fraudibus sollicitentur An-  
gli, desciscat Hibernia, armata in Regem Gal-  
liæ ruant? Sedent & inter vos qui emti pretio  
jubeant quicquid Hispano conducit. Etiam qui  
odere metu obediunt, quomodo Indorum apud  
populos pravi Genii coluntur, tantum ne no-  
ceant. Ille Cliviæ urbes impune prodicionibus  
petit: traduntur ultro aliæ in pignus societatis  
& accepti sacerdotii præmium: ubi fida sceleri-  
bus receptacula, & tot rapinarum sinus. Opu-  
lentissimus dominorum flagitanti stipendia mi-  
liti vos monstrat, totæque cohortes & aliæ Ger-  
maniæ tributis saginantur. Nos illud nunc con-  
tendimus, ne pari in causa disparem fortunam  
patiamur. Nobis, si cui unquam populo, cura  
est solutis ad diem stipendius innoxium habere  
atque inturbidum militem. Testantur edicta, &  
supplicia in legibus fontes, quatenus bellum regi  
potest, parci quiescentibus. Tantum ignoscite  
si quando plus militi quam rectoribus licet. Pris-  
cam Batavi fidem vel in sejunctissimas nationes  
etiam inter arma servavimus: nedum Romanæ  
olim potentiae socii & clientes, consanguinei  
Germanorum, magnam parentem, quæ duces  
nobis, quæ virtutes ac verum libertatis exem-  
plum suppeditat, perfidia violemus. Gravewar-

tam jam ante bellum & impensas certati juris ,  
 ut cujus insulæ summum imperium Geldrica ri-  
 pa sibi vindicet , tuendis finibus , non in cujus-  
 quam injuriam retinemus. Cæteris oppidis aut  
 castellis , etsi erepta hosti jus pacis perdiderunt ,  
 ea sponte cedimus , ut quemadmodum vis ab  
 Hispano cœpit , ita juris penes nos initium sit &  
 exemplum. Onera commerciorum quæ nostros  
 per fines eunt non gentibus vicinis quam civibus  
 graviora sunt. extorsit bellum , quod alta quo-  
 que pace validi Principes usurpant. Tollere præ-  
 sidia navium , cum hostis undique amni immi-  
 neat , inturum. Profsint potius commeantibus &  
 vos pariter nobiscum tegant. Introducta per eos  
 dies & Colonix Agrippinensis , & Leodiorum  
 legatio. Vtrique populo antistes Bojoarus. Igitur  
 Patres , segregata à se causa Truxiani certami-  
 nis , multa dequesti in antistitem , cujus inexplabi-  
 les cupiditates Hispanicis opibus niterentur ,  
 Agrippinensibus tutum spondent otium , si mediis  
 partium æquarent studia miscerentque. Leodio-  
 rum non eadem conditio. prope hostilia ausi ,  
 & pertulerant. Objecta illis supplicia infontium  
 religionis crimine. Deinde Hispanis cum cate-  
 ra Belgica indiscretis haberi. ita palam statui  
 hyberna , exigi æstates , quæ , si non plane volen-  
 tibus , certe tolerabantur. Sperare amicitiam ubi  
 sic mererentur , atque interea jussi captivos ab-  
 ducere. Hæc longius evolvere haud absurdum  
 fuit , ut quæ ad vicinas civitates belli ratio , quis  
 pacis modus , noscantur. Neque enim post hæc  
 abstitum rapinis & injuriis , ut quæque gens pa-  
 vore periculi , interdum & sponte , huc aut illuc  
 inclinaverat. Vix unquam libera armis itinera ,  
 dum hostem utrique velut fugaturi hoc ipso tra-  
 hunt.



hant. Ita repetitis sæpe legationibus eadem dicta, auditaque. Iam Batavi tradiderant munitiones, sane longius sitas quam ut facile defensarentur: simul ut Hispano invidiam, & si possent, bellum concitarent. Nam ille nihil horum præstare quæ nuper convenerant. & erant in concilio Germanorum qui in obsequium abnuentes vim & arma postularent. Sed Principes alii & antistites, societate Latinæ religionis, aut propius devincti, prolatandis consultationibus & spe Belgicæ pacificationis, impetum fregere. Missi à Fœderatis gentibus, qui prodi se perfidia hostium, amicorum ignavia, quererentur. Omis- sis à se belli præmiis, Truxio in privatum recon- dito, impune adhuc Philippi signis Rheni urbes possideri. Nec obtinuerunt tamen quo minus Imperator, pro armis iu Hispanum, averantes ipsos suspecta pace quotannis obtunderet. Fine anni regressum Parnensem, quanquam liberatæ fœdam post famem Lutetiæ, & infesti inter agmina reducti exercitus gloriam deportabat, augebant multa, invisus ipse & miles Gallorum vulgo, nec acceptantes præsidia civitates externi servitii metu: hinc summx spes Philippi irritæ, & parum certa societas. hostiles per Belgicam excursus. capta inunimenta: Verdugoni in Frisia capto Ementillo castello modico, cætera infelix bellum & ibi quoque miles seditione haud longe. Terrebant & Venloæ oppidani (Geldriæ ad Mosam locus est) qui tædio malorum cum duplici præsidio affligerentur, Italum Germani militis opera, dein validiores hunc quoque exegerant. Quin & novata seditio crudeſcebat, ex quo Mansfeldius festinato per Germaniam dilectu, ut Mauricii progressus coerceret, auctora-

men-



mentum recenti militiæ comparaverat, exinanitis aliorum stipendiis. Vetus belli erat is miles, atque hoc pertinacius furebant. In festoque Herentalio & vicinis Brabantorum oppidis, hostilem in morem regio, Campana nomine, vastabatur: tum si quis resisteret, stupra, cædes, nihil illiciti. Ita vexatis agris minus in dies stipendii, & plures qui poscerent. Sed, spargi debuisse inunatas in urbes suspectum militem, permixtum tirociniis, Parmensis asseribat, serum post rem consilium, & quasi transnoto crimine inane solatium publicæ infelicitatis. Nam & plures aggregabantur, qui fessis duro atque inopi itinere felix otium & negata præmia manu rapiebant. Sed cohortes nonnullas Parmensis apud Meduanum reliquerat: rursusque alias ejus precibus concessas jubetur Princeps Ascolitanus in Galliam ducere. Hunc in modum distractis hostium viribus, dumque inobsequens domi miles, aut bello novus, etiam anni prioris successibus animos sustulerunt Fœderatæ gentes, ut quæ vix trepide hæctenus fines suos tuebantur, arma ultro inferrent. Quidam expectari suaferant, donec in Galliam abiisset Parmensis: potius aliis visum rapere occasiones: si nihil aliud, Parmensis in Galliam impediri conatus, satis magnum operæ pretium fore. Nec longa dubitatio, unde placeret inchoare fortunam: Quamquam enim Frisii ad se vocantibus, plurimum intererat liberari, Isalam præsidii Hispanorum quibus ager Geldriæ Velanus, & Trajectinus, quique proximi Hollandorum incursionis metu vectigales erant: Quod ab Arausionensis temporibus perpetuo agitatam, vi hostium aut sua infirmitate omiserant. Ut primum pabulandi tempus advenit, &

c l o l o x c i.

de-

descriptis inter se stipendiis numeros expleverunt, Franciscus Verius, (hunc Anglis omnibus Regina præfecerat) Dufoburgum præmittitur. Ejus è manu pauci agrestium foeminarum habitu & mercimoniis, velut hostem adventantem fugerent, ingressi munimentum, quod amne discretum Zutphaniaë objacet, arma vestibus occultata in custodes expediunt, partim suis ipsos telis, incautos primum, tum pavidos sauciant, capiuntque. Pridie castellum Verius occupaverat, quam copias eo Mauritius tulit. octies mille pedites, alæ duo millia effecerant. Aderantque cuncta oppugnationibus idonea, & lecti è Senatu, consilium, & focii curarum. Sed apud hostem prævenerat fama, Brabantiaë urbes, aut Gertrudisbergam peti, quia paucis ante diebus, capta ejus regionis castella aggeresque miles infederat. Invit errorem Princeps, dubio primum itinere, velut Mosam intraturus. Sed subito in Rhenum flexu ad Isalam vertens, obvium illic habuit Wilhelmum, & duo millia Frisorum deducta præfidiis. Simul è Verio & captivis cognoscitur, teneri ripam: hostem hac securum, alibi pavere: ideo non urbi firmatum præsidium, non alimenta nisi paucos in dies. Priusquam commeatus & subsidia adventent opprimi inclusos posse, haud plures sexcentis armatos, nec multum paganæ manus. Nam oppidanos jam olim plerosque profugisse militares injurias. Primos inter paratus, Comes Falcosteinus, Truxianorum ducum supremus, occubuit, dum quosdam hostium refugos, in urbem avidius sectatur. Sed vindicatum corpus, ereptumque ludibrio. Imponuntur flumini naves anchoris deligatæ pontis in morem, quæ dispositas per

utramque

utramque ripam stationes inter se connecterent : dehinc iussi alii immunire viarum præsidia: obliquatas alii in arcem fossas producere , quò terræ objectu tuti adversus tela defensorum mœnibus succederent,nox operi assumpta. Triginta numero tormenta nautæ , quorum exercita maritimiis ministeriis alacritas magnos ad bellum usus habet , equis citius , in continua urbis & modicam fluminis insulam rapuere , ut munimenta , quamni fidentur, neglectiora, diversis ictibus quaterent, traherentque. At in urbe , quanquam percussus improvise metu , circumcursare ad omnes hostium conatus , obseptaque porta adaugere aggeres , & novos interius ordiri , per excussa quot erant tormenta ( ita mos habet militaris ) cum missi à Principe caduceatores extrema minantur, ni veniam accipiant. Negatum orantibus spatium consultandi. Tum conscii multarum rerum penuria , & quam pauci istam mœnium amplitudinem tuerentur , incolumem ad suos exitum pepigere ; oppidanis facta manendi potestas : leges , ritusque in morem Fœderatarum civitatum. Quo fine & in posterum transactæ obsidiones, nec toties iterabimus. Festinatum deditionem Hispani incusavere , atque ideo qui præfectus fuerat, Louquemannus nomine , dum Parmensis vixit, aula amotus est. Quinta die quam obsideri cœperat Zutphania in potestatem venit , egregio situ. Nam Bercola amnis fecat, Isala prælabitur, Westfaliæ è fontibus, sed Rhenum acceptans Drusi , ut creditur, opere. Ipsa affinibus cum oppidis , agroque suis olim Principibus paruit , qui Comites vocabantur : Manetque discretum ditionis nomen, etsi in corpus Geldriæ coaluit, non tam loco , quippe trans

trans Rhēni alveos sita, quam Principum con-  
 nubius. Est in eadem ripa Daventria, libera jam  
 olim Anseatici fœderis civitas, & sub jure Pon-  
 tificum Transsalaranæ regionis caput. Huc post-  
 quam rapido itinere descendit exercitus, ipso  
 aspectu dubitatio circumstitit. Terrebant egre-  
 gia urbis munimenta, auditumque præsidium,  
 centum equites & peditum vexilla quatuorde-  
 cim. Aderat Hermannus Comes Herenbergē-  
 sis hortator, monstratorque virtutis, Mauritio  
 ipsi propinquus sanguine, quippe amita natus,  
 & hoc magis invidens devincti sui gloriam. Su-  
 per cuncta Parmensis excire jam copias, & in-  
 hærentes obsidio turbaturus timebatur: unde  
 ancipitis prælii aut turpis fugæ necessitatem fo-  
 re. Captaque jam Zutania ut sperantibus inci-  
 tamentum erat, ita aliis monendi causa, ne par-  
 tam famam periclitari mallerent, quam servare in  
 usus certiores. Contra afferebant ex urbe profu-  
 gi, discordem militem, non inclusæ turbæ vi-  
 ctum in longam obsidionem sufficere, ne pulve-  
 rem quidem, quo tormenta incitarent. Quo  
 comperto media placuit sententia, ut, castris pro-  
 pere munitis, flumen & viarum aditus clauderentur,  
 ne quis adventantis auxilii nuntius pene-  
 traret. Quod si durarent hostes, satis fore ut in-  
 fessis prælidio ripis trajectu in posterum arceren-  
 tur, quæ & ante sumptam expeditionem consi-  
 lii ratio fuerat. Continuatīs machinarum icti-  
 bus, ubi nonus diēs illuxit, Mauritius, tentandis  
 obsessorum animis, ante mœnia ostentat aciem.  
 Tum naves in alveum, quo amnis urbem al-  
 lapsus excipitur, prono anmē rapi jubet. Has,  
 quia remis adigi propter angustias non poterant,  
 sub ipsis incensibus telisque hostium tractas manu  
 nautæ

nautæ deligant , egregium ausi facinus , & ple-  
risque exitiosum. Locatis ipso incili navibus ,  
impositoque ponte, impetum & oppugnationem  
sibi quisque deposcere , desuetæ prope virtutis  
opera , & pulcrum in ore Principis certamen.  
Insultantium properatio turbavit rectores ope-  
ris, atque ipse pons, iusto brevior, aggerem usque  
non pertigit. Murus hac in parte juncta cum  
turre partim ictibus cesserat ; pars fornicibus ad-  
huc , ( ea verus structura est ) & ingesto aggere  
sustinebatur. Lecti qui præcurrerent , & , si dare-  
tur, in loco se communirent , pars merse , pauci  
saltu oram tenere. Signiferi memorantur duo  
æmulatione gloriæ , quorum alter supra moenia  
confossus est , alter summi & interfecti signum  
deportavit. Sed magis obsessos tormenta fatiga-  
bant. Stabant tamen pro muris vino ad tenu-  
lentiam saturi : Imprimis Comes Hermannus ,  
plusquam necesse fortis pugnandæ fidei famæ-  
que. Nam Hispanus quidam collusuros inter se  
cognatos dixerat. nec discessit antequam densa  
vis glandium attracto caliginem ob oculos effu-  
dit. Nocte, jactis facibus, defensio ab incendio  
pons. Vbi illuxit, sobriis conspicua hostium acies  
& pons integer , & cominus iterum pugna ani-  
mo obversabantur. Intulerantque pavorem Zur-  
fania emissi , qui vim hostium celebrantes suum  
dedecus leniebant. Unus deditionem Herman-  
nus morabatur , qui tamen ipse vulnere æger  
permittere jam poterat, vetare non poterat. Igi-  
tur relictos ad pontis custodiam inclamant ut  
colloquendi potestas fieret. Convento Principe,  
sub signis , ita pacti, exiere : oppidanis victoris  
clementia pro pactis fuit : datique magistratus ,  
non quot solebant ex legibus , sed quot haberi  
receptæ.

receptæ apud Fœderatos religionis poterant : Apparebatque ut Zutfaniam, ita & Daventriam adeo non pro suis tenuisse Hispanum, ut ante obsidium ædes ipsas absumserit ignibus, non longe quamvis suppetente ligno. Stabant ante digressum innexi cervicibus cognati duces, suasque necessitates & civiles discordias frustra miserabantur. Hermannus creditum sibi negabat, tantas potuisse copias ab Ordinibus contrahi. Zutfanix præfectus sub imperium Hispanicum redire formidavit, metuens acres accusatores & infestos iudices. Relicta captis in urbibus præsidia. Orabant Frisii tandem sibi prospici, narrantes pacem suam unius urbis pertinacia inquietari : paucaque oppida aut castella restare, ut omnis intra Isalam & Amasium ager ereptis hostium tributis fœderi adderetur. Tantum primis successibus spes increverat, ut vix modica ausi hætenus, subito maxima quæque sibi sponderent. Summa celeritate susceptum iter, & ne abductis copiis illac hostis irrumperet, conscriptæ per Hollandiam cohortes jubentur Vahallum præsidere. Copiæ belli, atque impedimenta classi imposita ex Isala Frisicum sinum & oceanum, inde usque Amasium flumen pervehuntur. Miles levis assumpto commeatu ac fascibus palustri solo, in Tarantios ducitur, præmissis qui palustria camporum virgultis munirent : nam iter alterum, possesso jam olim Covordio, hostis abstulerat. Nec deerant, qui prius occupandum Covordium dicerent, ne qua à tergo via hosti pateret. posse Verdugonem, qui eam arcem servabat, machinis aut commeatum inopia depelli. Sed discessum ab hoc consilio ob difficilem terrestri itinere tormentorum travectionem,

tionem, & quia ad Groningam minor prælii necessitas. Illuc euntibus plura inter incommoda, occurrit palus ter mille quingentos passus in longitudinem patens: sed innatans uligini cespitum crusta primos currus pertulit: sequentes hiantes solo vix extracti, ipsis ducibus manum admoventibus, quo gravior militi labos accideret. paucisque horis inventus transitus, quem accolæ omnes desperaverant. omni vero itinere graves injuriæ militum in agrestes nullo imperio prohiberi quivere, ob inveteratam licentiam. Raptaque & perdita, quæ multos in dies suffecissent, prope famem, atque inde seditionem, rem perduxerant, antequam naves com meatibus onustæ advenerunt. Cuncta ad Groningam castra posita, ibi fluxa vulgi adversus dominantem fides ac civitatis discordiæ sperabantur: elata supra verum illorum sermonibus, quorum intererat huc verti exercitum. Et erant intus, qui foederum meminissent. Sed premebat adversæ factionis potentia. Verdugo præterea ad famam venientis exercitus, firmato præfidiis Stenovico & Covordio, reliqua cum manu Mauritium prævererat. Nec tamen admissus portis (id unum civitas obsequio exceperat) propriis se munimentis in suburbio tenebat, auxilio simul & terrori. Princeps haud ultra sex dies cunctatus, metum adacta civitate admittere intra muros præsidium spes in posterum quoque corrumpere, & quia audiebatur parare exercitum Parmensis necdum peracto obsidio superventurus, circumjectas munitiones, quæis flumina & viarum aditus claudebantur, subversa sæpe & restituta longi per Frisios belli opera, subitus invadit. Ingens militum pavor,

ut



ut qui populationibus & furtis, quam bello insueverant. Admotis tantum machinis pauci ulteriora tolerare: & quæ minus firma erant ante obsidium deferebantur. Maximum castellorum (Delphizylion nomen) portu inclytum, ubi Fivela in Amasium flumen illabitur, Groningano milite tenebatur. Iam olim loci oportunitas suaserat munire se illic quicumque agri Groningani dominatum concupivere. cœperat & Albanus; sed tempora obstiterant. Hoc nunc Fœderati recepto ex tributis juxta colentium, augebant opera, maritimum aggerem à vallo separantes, instruebantque ædificiis, & Gröningam, ni resipisceret, exhausturi habitatoribus minabantur. Simul interseptos undique mutandam ad fidem inopia tentabat. Sed postquam Princeps abduxit exercitum, Verdugo irrupto quod è munimentis minime firmum erat, aditum urbi è Westfalia, Bortaniam patefecit. At Parmensis in Zutfanæ Daventriæque auxilium ferro excitus, dum hostem non credit eoque ausurum, & Hispani non pauci ob male soluta æra obsequium negant, mox contractas ad Mosam Rhenumque copias utram in partem verteret dubius, distrahere hostem magis in rem, an ultro insequi magnificentius foret, quo minus Gröningæ invocanti subveniret, vastitate itinerum deterrebat. Nam interjacentes agros certatim ipsius & Frisiorum miles attriverant. Sic Noviomagensium preces valere. Quo postquam ventum, trajici amnem, & castellum quod priore anno Mauritius inchoarat, circumveniri jubet. Ipse in urbe plurimum agere. Cnodsenburgi latus, quod in ortum obvertitur, Barlæmonius obsedit, alterum obtinebat Octavius Comes



Comes Mansfeldius, quem jactus ab obsessis globus mordit, pefecitque egregium animi juvenem, atque avidum periculorum & gloriæ? Tergum alix cohortes & eques ambierunt. Machinas Lamota facile admovit, juvante agere qui ripa eminet. Hic postquam tormentis resistere vallum, disjecta quamvis magna ex parte lorica, ne ostentata quidem acie terreri obsessos videt, virgultis & ramalibus, non sine clade congerentium, fossam opplet, deinde submittit qui vallum occulti suffoderent. Sed defensores sexcenti imperitante Gerardo Junio, magni animi viro, circumacti ad vim artesque hostium undique instabant telis, & prosperis interdum eruptionibus cœpta turbabant. Iam, omissa Mauritius Groninga, Stenovico intenderat, cum, intellecto Cnodsenburgi obsidio, Wilhelmum tutandis Frisiis relinquit. Ipse, rapido cum agnine apud Arnheimum ingressus insulam Batavorum, obsessos signis firmat, inde & nuntiis, qui navigio & per tenebras inobservati penetrare. Sed Nassavianos apud duces diversis sententiis certabatur, periculum in aperto auderent, an transmissio Vahali amne, munirent sese, comnearumque hostem exuerent, & quæ Noviomagensi ripa machinæ constiterant traduci vetarent. Arduum utrumque & inturum. namequitatu hostis non dubie prævalebat, cujus in pugnam aut petendos comnearum plurima vis est. Diremit ambiguos fortuna, quæ non minus sæpe quam prudentia profuit. Nam Princeps cum Solmensi & Verio proxime hostium castra advectus, flagrantissimas cohortium, turmasque occultat inter saltus viæ imminentes. Pars equitum longius progredi jussa elicitur.

cuit hostem. Tum sponte refugi, tanquam mul-  
 titudini cederent ( nam decem turris, quas in-  
 ter ipsa Parmensis pratoria, Itali plerique, prorup-  
 erant ) secutos trans rivulum pontisque im-  
 positi angustias traxerunt. Ita conversis subito  
 equis, & exsurgentibus insidiis, clausi, fortissi-  
 mus quisque in vestigio, ceteri palantes occu-  
 buere. Paucis, dum signa vivosque homines &  
 equos victoresprehendunt, in sua castra effu-  
 gium fuit. Quo dolore Parmensis, & proce-  
 rum jactura, & vix ante tutam ratus moram  
 hostili in ripa, omisit irritam oppugnationem,  
 vocari in Galliam preferens, nec summam im-  
 perii negligendam dum de castellis Batavorum  
 certaretur. Perite sarcinas præmisit, transduxit  
 exercitum, structis ad amnem munimentis, quæ  
 Mauritanii arcerentur, ne coorti postremos in-  
 vaderent. dehinc ut quisque trajecerat, adversa  
 in ripa jussi consistere venturis navibus præsidio  
 erant. Sed digredientem civitatis indignatio  
 excepit: pauci in adulationem compositi: plu-  
 res minaci silentio: ferociore vulgi nec vocibus  
 abstinebant: quæ velut ad conspectum hostis  
 adolescentuli veterem ducem de fuga retrahe-  
 rent: Graviter tulit contumeliam assuetus glo-  
 riæ animus: unde morbo recrudescente, cum filio  
 Rainurio ( is ex Italia recens paternum dolorem  
 testis onerabat ) Spadanas ad aquas iter exegit  
 præsentem inter cogitationes & memoriam prio-  
 ris fortunæ. Misit inde ad Hispanos Diestæ tunc  
 extra obsequium agentes, quibus pacandis malo  
 exemplo concessum, ut Tribunus Emanuel Vega,  
 severior quam quem corrupti milites fer-  
 rent, alio mutaretur. Dubium non erat Novio-  
 magensium multos respicere libertatem, post-  
 quam

quam mala, quæ vix pollicitis & exspectatione meliorum hætenus tolerabantur, desperatio accenderat. Nam & sex ante annos non consensu, sed paucorum factione res Parmensis prosperas secuti, cum jam imperium Fœderatarum gentium dies & cura firmasset, quibus invitis servitus, aut obsequium sine affectu erat, tuta & profutura malebant, & commercium aliquod inter ipsos ac Batavos esse cœperat, permissis Vahali ire horum navibus, quas siccorum tum forte Rheni alveus haud receptabat. Sed præsidio tres centuriæ, una externa, conscriptæ intus duæ, (plures enim recusaverant) & ut quis partes optimatum gravissime offenderat, vi acceptæ potestatis minax, auros coëcebant. Restabat obsidio, ni copiarum hostiles circa Mosam adhuc specularentur; ea tantum mora, simulque, Vahalis auctu immenso aquarum pontis impatiens. Nec in longum tamen quies militi data in hiberna quam abducto, quo securitas hostium cresceret. Sed subito Mauritijs, fortunam secutus, partem cohortium è præsidiis revocatam Scaldi flumine terræ Wasia infert: Eodem eques Brabantia campis penetravit. Ereptis circum munimentis, quinto die Hulstum, ejus regionis oppidum, in deditionem cogitur. Perterruit militem prædarium (nam Præfectus ipse casu ob res privatas ante obsidium exierat) res inprovisa, & quod Princeps perosso aggere, qui amnem adjacentibus superfunderet, auxilia hostium tardaverat. Terra Wasia concessa populantibus, donec tributum pollicita Fœderatis obsides misit. At proximi Belgarum, ubi quod agri uberrimum, & sua alimenta ab hoste possideri vident, digresso Mauritijs exercitu, qui à Parmensi in hostico depre-

deprehendi metuebat, Mondragonum arci Ant-  
 verpiæ præpositum impellunt in arma. Is igitur  
 proximo cum milite, & accitis, qui Mosam  
 propter versabantur, transgressus Scaldim, nec  
 adversus oppidum quicquam ausus (tuebatur  
 enim Solmensis, & opera solidabat) vicinas agri  
 munitiones recuperat, aut novas struit arctan-  
 dis excursibus. Ex eo qui agrum colebant tribu-  
 tum promissum negavere, plus hosti clementiæ  
 quam ut innoxios in obsides sæviret haud falso  
 rati. Cunctis super vota fluentibus, Princeps re-  
 vocato iterum ex hibernis milite, vacuum hoste  
 Geldriam petit. ea in festinatione naves allisas  
 vado coactus est incendere. Mox Wilhelmi co-  
 piis (vexilla erant duodecim) auctus, intrat Va-  
 halim, insulamque cum interioribus ponte con-  
 nectit. Castra utrobique præmunita contra vim  
 externam. Pars oppidi superior, qua muri ab  
 aggere nudiores, oppugnationi placuit: & quia  
 trahi tormenta longum, nec satis commodum  
 videbatur, urbem prævecta sunt obscura nocte.  
 Ita per tenebras & incitis navibus Noviomagen-  
 sium tela in irritum cecidere. Aliæ machinæ ex  
 ripa adversa trans amnem eodem jaculabantur.  
 Primum animus & fides tuendam ad urbem ab-  
 unde erat. Et nondum circumfessi, ad Verdugo-  
 nem miserant oraturos ne pericula sua defereret.  
 Namque illi id temporis tutanda Geldria ob-  
 venerat, sine copiis, ut non immerito quereretur  
 desertas partes sibi mandari. Exin quia defectu-  
 ra munimenta metuebantur, omnis sexus & æta-  
 tis manus interiora vallaverat. Arx ea in re-  
 gione non tam hujus sæculi artibus invicta,  
 quam veteris militiæ inclyta monumentis. Oppi-  
 dani ad Julium per Gallias militantem operis

gloriam trahunt. Conditores urbis Catos memorant, qui, profugi quondam patria, Rheni insulam & proxima Belgicæ oræ cultoribus vacua tenuerint. Nobis vetera inquirentibus patet, neque Cæsaris, neque Trajani ævo, quo scripsit Tacitus, ullam hic urbem fuisse. In itinerum descriptionibus Romanis, quæ ad Antoninorum tempora referuntur, apparere primum incipit Noviomagum hoc ad Vahalin: cui palatium à Carolo Magno additum, annales Francici nos docent: insuperque id ipsum in cineres sedisse urentibus Normannis. Postquam Germani præpotuere, libera civitas, multumque Imperatoribus dilecta sedes. Quo verò tempore Pontificum artibus scissum Germaniæ Imperium, partemque ejus Wilhelmus Hollandiæ Comes obtinuit, & pecuniæ egestas ad nova impellebat, Ottoni, Geldriæ tunc Comiti, hæc urbs pignori data, ex eo annexa Geldris contermino agro & oppidis imperat, dives pace, nec ingeniis infæcunda. Vbi tormenta, & missiles ignes, occultaque operum periculum undique æquaverant, vocati ad conditiones, in studia discesserunt. Vim Regiam potentiores jactabant, & jam adfuturos è Frisiis Flandriaque exercitus, nec esse cur transfugæ è transfugis utriusque partis vindictam iritarent. Sed plebs, subito concursu irata, curiam irrumpit: Ibi longum murmur, & tandem vox unius audita est, qui prohibitum annum, vastatos agros, dirutos penates, instantem famem, facundè miseratus. Neque nunc, ait, primum obsessi fortunæ cedimus. Annus jam, & ultra est, ex quo vix turpes inter latebras toleramus inopem vitam. Quin perpetua miseriarum series hucusque auxit, postquam

foed-

foedera perfide violavimus. Egregiam vero gratiam cepimus indigni auxilio, & dominis fastiditi, quibus alia semper potiora. Nisi nunc forte, cum extrema ingruunt, suppetias, dum prodessse potuerunt negatas, opperimur, vel quod propius est, nostræ vires & tres militum manipuli, istos aggeres & castrorum propugnacula excindunt. Ut Zutania & Daventria deserere-  
 reinur. Certe ultra Hulstium trahimus trepidos dies: qua tandem spe, quo pretio pertinaciæ? Miseri, nisi vincimur. Tandem fugiamus ingrata regna, dum ille invitat ut hostis validus, ita victor misericors. Inventa gens est, quæ spe nulla dominationis bellum gerit ne alii serviant. Illis semper patent amnes, annavigant commercia: ut æta pace, florent agri: non præsectorum avaritia, non miles atterit. Neque vero minoribus tributis datur alere servitutem, quam leges & jura defendere. Liberi inter liberos, primumque in republica nomen, vincimus pariter, & pariter imperabimus. Iam plures eadem fremebant, & qui initio adversabantur, quod vera dici sentirent, aut metu, cessere. Nec miles resistere audebat, impar virium & contemptus vitam exorasse. Sed usus Romanarum caeremoniarum postulanti civitati negatur. Imposuit præsidium, legitque magistratum Matritius, & jus istud excepit sibi manente bello, abrogata sodalitatum potestate, quod seditionibus alimentum fuerat, cum vicina oppida dilecti de plebe adhibentur. Ita pleræque jam Geldriæ potitus, decus avitum relegebat: quia Nassavii quondam sanguinis Principes rempublicam illic administraverant. Stenovicum differri placuit,

quia hyems imminebat, frigore & gelu comineatibus nocens, aut si imbres funderet, uliginem soli auctura. Victor in Hollandiam reversus, egregia externas quoque apud gentes fama, quantis nemo unquam populi gaudis excipitur. Principum quondam res prosperas, ut iussi nec proprias sibi gratulabantur. Arausionensis fere adversa tantum viderant. Etiam Licestrii tempora clades inter & discordias exacta. Nunc primum fines armis propagatos: fluminibus undique validis munitum & oppidis imperium. Nec aliud duci quam laborem & gloriam posci: successus ad patriam pertinere. Ipsaque juvenia velut rebus tantis & divino ministerio lecta spem & admirationem accenderat. Tum fixi in vultu, illam pro se ætatem & inclytum sanguinem objectum periculis grati celebrabant. Maximum non dubie momentum in celeritate fuit. Aderant oppugnandi muniendiq; artes, & in quantum sæculum patitur, egregia castrorum disciplina. nec idem hostibus curæ: nam fiducia socordiam sæpe, interdum & temeritatem parit. Penes minus valentes plus consilii, major constantia & industria suppletur, quod viribus deest. Iuvit & fama, qua primi eventus imminsum aluntur, & favor libertatis. Sed plurimum in navibus præsidii tot inter annes, quorum potiri grande ad omnia momentum est. Hibernatum, ut solet, in præsidiis: unde egressi vario successu manipulares prædas egere, vel ab hostibus circumventi sunt. Captatæ & furto urbes, hinc Gertrudisberga, Trajectum ad Mosam, & Clusæ, inde Breda. Sed, erumpentibus insidiis, irrita agmina rediere. Purgatum mare captis prædonibus. Et missam ab imperatore legationem quæ

quæ pacem laudaret, accinctus in Galliam Parmensis læto animo accepit. Suspectum id foederatis gentibus, ut semper, & quia literas à Rege Hispano in hoc scriptas interceperant. Ita aures obstruxere veteribus documentis, & recenti Tarraconensium exemplo, quos, incaute repetita, libertas in fraudem & exitium traxerat. Tarraconensis Hispaniæ populus primi olim recepta armis possessione, quam barbaræ gentes fretum transgressæ invaserant, sapientum consilio rempublicam constituere. Initio reges (id nomen, is honos modicæ potestati) suffragio legebantur: mox caterarum gentium more accepti imperio hæredes. Sed in legum verba successores adigebant. Per quæ majores prævisis regni malis vim populo dederant, publico consilio auctoritatem, summo magistratui jus in ipsos Reges: firma olim munimenta, dum Principibus æqui reverentia fuit, aut nullæ vires, quæ peccata tuerentur. Postquam regna coiere, & omnis Hispania in Philippum cessit, per sacrorum inquisitores patientia tentata est: & per nova judiciorum genera, quæ ad aulæ nutum, quam ad recti normam moremque veterem aptabantur: maxima in Antonium Peresium populi miseratione, quem Scouedanæ quondam necis ministrum Philippus, subtracta auctoritate, communis facinori reum subdebat, & Castella elapsum in hanc regionem vi regia persequabatur, acer odio, quod circa amores pro conciliatore æmulum egisset. Iræ tantæ instrumenta cum in leges audacter insurgerent, & frustra jus pararetur, armis repugnatum est. primique motus per vim iritati, mox levi contra conatu, aut dissimulatione alebantur. Vbi fidere tumultus coeperat,



belli Gallici specie persuasa civitas, ut Regis exercitum suos per fines, & urbem Cæsaraugustam, quod genti caput est, inde trans Pirenæi juga duci pateretur. Tum primoribus trucidatis, & qui voce aut manu ad libertatem præiverant, expleta ultio, prospectumque in posterum dominationi. Hæc etsi ab instituto discedunt, quo gesta sunt tempore inferere haud neglexi, quæ posteri cum rebus Belgicis compararent. Simul ut Principum offensæ noscantur, & discant populi, non causam sapius respicere quam vires. Rex interea Galliarum, Germano milite firmatus, & Anglicanis auxiliis Rhotomagum ambiverat, Elisabeta postulante ut à Sequana flumine & Oceano suo hostem intercluderet. Quo socii insensius Parmensis moram tulere, qui tardus belli paratu, sive altius consilium suberat, ut pericula augescerent, sero domum anni Fera prius in pignus accepta, Normannorum finibus propinquabat. Aderant novi undique dilectus, & digressæ nuper cohortes, nunc redditæ signis, facietate prædæ, & persolutis stipendiis quæ vix Parmensis, auctu tributorum, & vendito inter hostes jure commercii extuderat, querentibus sane Belgis nudari fines, atque alienos in usus pecuniam & juventutem abduci. Adjecit Meduano auxilium Gregorius Pontifex tum Romanus, insolitum prioribus, qui execratione, & veteris sæculi minis hostem terrebant, damnorum expertes, & commodis permixti: aut si qui veram opem parabant, hos brevis senectus incluserat. Sixtum sane invidia retentum, & potius quam Hispani opes firmaret, Gallicam ad amicitiam respexisse, adeo constat, ut quidam hinc illi necis causam suspicati sint. Adversus

versus hanc belli concurrentis luem Fœderati Ordines auxere classẽm, suarumque cohortium ipsa decora, Scotorum decem, totidem Belgarum centurias, prælidio Regi miserunt, Philippo Nassavio moderante. Sed cùm Parmensis, (hic namque hostilis exercitus summam agebat) accedere diu cunctaretur, nobilitatem Henricus sponte sibi fidam, & unum columnen belli pauperis, quo promptioribus uteretur, hibernatum suam quemque domum dimiserat. Vix abiire, cùm audito hostium assultu cogitur Rex contrahere copias: Ita urbs exenta obsidio. Sed ubi ver primum equitem reduxerat, Borbonius hostem ultra flumen redactum fame premebat, impatiens moræ & decernere paratus, ni Parmensis, silentio trans amnem remeans, Parrhisios flexisset. Rex omisso Rhotomago, alios ejusdem oræ portus sine potestatis faciens, & quæ nuda muniens, effecit, ne ab auxiliis mari adventantibus secluderetur. Leves interea pugnae, sed hoc insigniores occurfus, quod in altero Rex, in altero Parmensis vulneratus est. Vnde affectum supra veterem morbum Spadanum fecerunt exceperit. Laceratae copiae sero per aestatem, qua proximum, Veromanduorum finibus in Belgicam redierunt. Angli per hæc tempora, dum Hispanos America aut aliunde reiectos navibus confectantur, varie egerunt, utcunque hostem ventus & mare in manus dederant. Alteri alteros per vices afflictabant, tempestas utrosque. Redibat interea per Belgicam velut anniversaria partium lues, & hoc acrius quod egentes stipendii hyemis mala fatigabant. Relicti per Agrippinensium urbes ferocius se agebant, sufficiente in prædas Germania. At quibus

Leodium & affines agri obvenerant, postquam diu morati cuncta circum se vasta fecerant, pars diffugiis elapsi, egestate plures & morbis procubuerunt: aut si quos vires nondum defecerant, in discordiam uli, longius populabantur. Sic plura adservanda erant & pauciores qui tutarentur. Sed foederatis gentibus spatium adstrictius, circumjectaque flumina, & mare in partem praesidii veniebant. Nota & civium virtus, ut exciti interioribus, extrema oppidorum defenderent, fida cohortium supplementa. Hinc animus prodire parte cum altera praesentium copiarum, non regresso etiamdum Parmense, & si properaret, haud ambiguo, fessos viae ac praerius laceratos, tum acta peregrini hyeme, vix multos integris pares. Gertrudisbergae obsidium Hollandia commendabat. Sed praerati Frisii, ut peragerentur priore anno coepta, militem suum offerentes, quo carere non possent si longe illis finibus bellaretur. Atqui praecipuum id robur Foederatorum, dum cohortes alias bellum Gallicum attinet. Et venerant in manus Groningensium literae ad Mansfeldium, quae res arctas & gliscentem inopiam fatebantur. Quin imperatorem legationibus adiverant, non hac spe liberos se quondam ad Austriacam magnitudinem confugisse, ut indefensi vicario legatorum imperio, & hostium injuriis relinquerentur, nunquamne se tanti ut ducem viderent & exercitum, in exemplum saltem, nequis populus ejus imperii fortunam frustra securus videretur. quae in Hispaniam perlata. Nec aliud interim retulerant, quam hortamenta fidei & magnifica promissa, adfuturum exercitum qui ferro viam patefaceret. Addita cohors una tuendis quae trans

Rhe-

Rhenum tenebantur. E dum Verdugo ambit copias iustiores, Hermannus Herembergensis nihil ultra ausus, modicas ad Isalam munitiones bello infestabat, unde accolis occasio data paciscendi, ut tollerent utrinque subitum terrorem, & detractis castellis mediam facerent agrorum possessionem, donec totis partium viribus iudicaretur. Quo minus propere signa moverentur, attinere Mauritium Trajectinæ factiones, quas Licestriano sacrorum dissidio inquires civitas nondum projecerat. Zelandia quoque, armis à suis insula longius translatis, in tributis inferendis refrixerat. His utcumque compositis, vere ipso proditur, nullo novo dilectu, sed ut supplerent, augerentque numeros mandata Centuriones acceperant. Ita ex Batavis, Frisiisque octo ferme peditum millia coiere: equites mille quingenti: machinarum majores minoresque quinquaginta. Vbi ultimo Transisalanorum sine qui Frisios respicit ad mœnia Stenovici ventum est, occurrit ingens operum facies, nec minor oppidi fama: Queis territi nuper in Ordinum confessu nonnulli, externi quoque Principes, hoc consilium temeritatis damnaverant. Hunc esse locum meminerant, unde tremestri ab obsidio Rennebergium depulissent: nec illi minorem exercitum, aut tunc ea munimenta fuisse, quæ usus metusque invenerant. Nam Hispanus postquam astu ceperat, ratus illis velut claustris Frisiam premi, & maris sinum navigiis infestum haberi, adjecerat cuncta hodiernis munitionibus solita adversus vim olim incognitam. Qua pelagus prospectat humile solum & palustre fatis placuit, ægre vestigia, nedum machinas & oppugnandi molem ferens. ideo leviter aggesta  
hūnus

humus claudit hac inagis quam munit oppidum. Partem alteram ambit agger, limo tenax, quem interjecte concordes firmitate operum nexu devinxerant: propugnaculis majoribus duobus, inter hæc minoribus totidem, per artem eminentibus, ut oppugnantium latera undique sub ictus darent. Lorica super defensuris prætexitur. Et in imo munimenta adversum subeuntes, mox perpetuus palorum ordo: Dehinc fossa in centenos pedes, in quam aqua rotarum haustu attrahebatur, parvo ex amne, qui ex Tarantiis adfluens, & aliquanto quam fossa depressior, inde Blocsilum portum petens, Friscum sinum illabitur. Extra fossam alius agger excubuitenebatur, prurptionibus oportunus, & leniter devexus; nam quæ ulterius erant munimenta abjuncta oppido facile cessere. Circumscissis numerus & obstinatio. Armari mille pedites, equites sexaginta, haud amplius oppidi spatia tuebantur. Omnes extrema passuros potius, quam præsidium amitterent, is qui præerat Antonius Coquellus adegerat sacramento, quod ex rerum sequentium necessitate post interpretarentur. Nec minus paucitate hostium quam suis munitionibus & spe auxilii firmabantur. Ac propria quidam Gertrudisbergani flagitii conscientia, vitæ desperatione mortem contemnerant. Principem ac Wilhelmum ipsa difficultas stimulabat, spe laudis in præsens, & in posterum terroris. Castra provide munita: in quæ victus non affluentia tantum, sed & vilitas erat. Tum per anfractus iter scinditur, quo tectus miles adversum oppidi tela subiret. Obsessi interdum erupere: nec infeliciter, dum ebrios & inermes aut semisomnes subiti invadunt: haud nimis crebro tamen, quia inexplicabilia

bilia obsessi militis damna, & metu, ne per captivos rerum status nosceretur. Per dies & probra audiebantur in ducem & exercitum. quanquam tormenta undique vi diuturna fatigabant, & structus agger imminentem urbi collem altius erexerat in pedes viginti: vertex ipse in longitudinem sexaginta, quinquaginta in latitudinem pedes habebat: unde interiora quæque urbis infesta telis. Necdum movebantur multis suorum amissis, in quæis Ludouicus cecidit Comitum Herembergensium frater: Educatamque turrem è signis, antiqui moris irritamento, ad depellendos propugnatores atque inspectanda opera, ultro ipsi, cum machinarum jactus eniti in tam sublime non possent, glandibus turbavere. Princeps, postquam globorum esse inanem strepitum videt, multo suntu ac labore, atque addi obsessis animos lacerato frustra oppido, ni intercedentia tenerentur, alias ad artes versus, qua terra firmior acceptabat cuniculos, ferri ligones, & occultum iter intendi jubet. Sic penetrato aggere exteriore (nec enim tormentis cesserat) ad fossam ventum, quam virgultorum injectu solidabant: palam iridentibus obsessis ad rusticas operas militem trahi. Tum quæ ultra suggeri prohibent, inuenta per cuniculos tormenta stravere. Et jam ipsa oppidi munimenta fodiebantur, cum cæca pestis infregit defensorum animos, terruitque, incertos quam partem vitarent, quam rursus tuerentur. Maxime fatigabat pulveris nitrati penuria, de qua pridem literis ad Mansfeldium quæsi, dum is copias, & copiarum pecunias, & pecuniarum reditum Parnensis expectant, nihil acceperant. Petitо colloquio audiuntur legati. Princeps per-

fugas in poenam postulabat & iurandum, cæteris ut bello Transrhenano sex mensibus abfisterent: documento potestatis. Cum leges tanquam à victore datas, non ut jam victi acciperent, pleni contumaciæ recedunt, ut si pariter vivere non liceret, pariter morituri. nec suspicio abfuit, quæsitam sine necessitate colloquii speciem, quo averteretur obsessor à sensu adventantis subsidii, quod nocte insequenti misit Verdugo usque ad trecentos, cum ducenti paulo ante per paludes penetrassent: At Mauritius, præstructis quæ per opera agere parabat, ostentat aciem, facturus impetum simul destinata provenissent, & ut ambiguo metu obsessos in perniciem traheret, locis duobus abdiderat notissimum nunc belli instrumentum, quod veterum arma rectius ignorabant. Nostra sæcula invenere, queis tanto plus solertiæ, aut malitiæ fuit. Carbo sulphuri admixtus, & nitro ubi multum inaruit, si flammam adinoveris, immensum tumet, ac claudi impatiens, qua proximum, obstantia perrumpit. Ea vi concita, tormenta & milites tubi objectos ferri globos ac glandes longissime pellunt: ac vis eadem, si humo premas, disjicit molem. Pulverem tormentarium vocamus. plena hoc dolia in cuniculo locantur, fune devincta, qui longius procurrit. is, ubi ad specum hostis accessit, incensus simili pulvere, ignem spargit in cætera. Horridus igitur fragor audiri, tollique cælo crassa nubes igneis intercurrentibus radiis, & versum subito propugnaculum certa superstantium perniciæ: sed plerique, id metuentes, in tempore abstiterant. Volitabant eo jactu rapta in sublime corpora, lacerique artus retinebant impetum, & vice telis vulne-

vulnera in alios prorogabant. Sed altera specus, disjecta valli parte, ore non satis occluso, aut quia vetus sub humo maceries impetum percusserat, vim pulveris retro egit. Ibi Nassavianorum antesignani subtracto solo disjecti aut obruti. quosdam absunxit flamma. Scandere jam parabat acies, atque aliud agmen portarum obices moliebatur, cum speculantem propius Mauritium glans oppido immissa in aliam transfixit, & statim ore evoluta est. nec ipse quidquam mutatus tenebat regimen, & solita ducibus exsequebatur. Sed apud posteriores vulgata in pejus fama turbaverat exercitum, affingentibus singulis, quantum timebant. Proinde inhibita adhuc oppugnatio, ne creditum falsò periculum vero occasionem aperiret: & quia militum quoque plures vulnerati, nec interiora oppidi, adnota quamvis turre, satis noscebantur. Frenebat sane miles, nec indignari ante desit, quam conspecto pòst oppido difficultas oppugnationis apparuit. Ruinas tamen, qua inoles federant, obsessores tenuere: Vexillis quoque impositis. Cætera adhuc aggeris defendebantur, quæ perfodere ac deinde impetum facere Mauritius agitabat. Atque interim obsessi forum obvallaverant, non in spem ullam, sed moram quærentes & tempora paciscendi. Videbant inferri machinas, parum in vallo præsidii, quin eadem pro hostibus munimenta, & si manus miscerentur, cadendum paucioribus. Ita cunctis antè rebus quam animis victi leges accepere nec inhonestas, nec graves. Samaritii nobilis inter Iesuitas saluti nominatim cautum. Ita ut fieret, auctores erant qui ex senatu Mauritio aderant, temporis magis consulentes, intellecto jam coire  
sub



sub Mondragonio hostilem exercitum, cum militares animi exemplum statui mallent ex parata victoria. Affectu supplicio, qui egredientes injuriis temeraverant. Exiere integri sexcenti: morbo ægri aut vulnere, ducenti. quingentos ferme variæ mortes abstulerant. Dies plus viginti inter reparanda Stenovici opera & consiliorum certamina exacti. dum Hollandi, & qui à bello remotiores, satisfactum famæ judicant, nec iritanda ultro pericula fatigato exercitu, clam timentes ne cum metu Frisii & onera abjicerent. Accedebat novum quoque impedimentum, militem suum revocante Elisabetha, ut Hispanos ora Aremorica arceret, non sine exprobratione auxiliorum, quæ ipsa inconsulta Gallo Ordines miserant. Attamen & Trans-Rhenani omnes & continuandæ laudis cupido poscebant Covordium adiri, oppidum arcemque difficili situ, ac prisca nobilitate. Majorum bellis, & hoc inter nos, ut quisque ultra aut interius possidebat detraxit opera, adjecitque: postremo Hispani firnaverant, Tarentiorum & Groningæ propugnaculum: simulque iter in Germanias. Moles quinque vallo prominebant, exciti & tumuli qui machinas attollerent. fossa centenum pedum, præmunita palis. Nec minus his omnibus firmamentum, loci natura. Geminum namque in latus hinc ad Frisicum, inde Dullardum ad sinum, quo spatium Frisii & Tarrantii agerque Groninganus & Transisalanorum pars comprehenditur, unus, humida & tenuis sinus interjacet, boves rusticorum transmittere in Benthemium Germaniæ agrum solitus, unde Covordio nomen. Hoc igitur capto & Groninga claudi, nullo super aditu nisi quem  
per

per Bortaniam humanæ manus fecerant, & Friſii agri ab incurſu hoſtium liberari poterant. Stagnans alte camporum planities, aut limo turbida, ne tunc quidem fervida æſtate & caniculari ſidere ſatis duruerat. Tutandis comneatibus, quia Fœderatorum fines longius aberant, nec ullum, niſi tenuiſſimum, flumen quod Covordium ſoſſæ in modum prælabitur; placuit Othmarſo præſidium inponere. Extrinſa id Tubantum regione oppidum jacet. Quo Princeps profectus cum parte exercitus, dum caſtra ad Covordium muniuntur, tormentis depulit Hiſpanos: quorum eques, antequam clauderetur, per medios hoſtes perripuerat. Cecidit hic hoſtium telo Carolus Lævinus Famarſius, qui pars quondam Fœderatæ nobilitatis induerat arma: ſupremam tum machinarum curam agebat, multo uſu rerum ſecundarum ambiguarumque ſciens. Ex Covordio proruptum ſatis proſpere, & qui occubuerant, petiti ad ſepulturam, datique. Fredericus Herembergenſis ſexcentis millibus, quorum pars per paludes ipſi tranſmiſſa, arcem tuebatur: oppidum, ne ſi defenderet oneri cedentibus ad ietum muris, aut mox hoſtibus uſui foret, incendit. Arcem tamen ipſam, ut moram hoſti augeret, tutari auſus; donec, fodiendo ingreſſus, Princeps mox inherentes prælio pepulit, factoque tumulto impoſuit machinas. Munimenta quæ extra ſoſſam circumjecta arcis, deſerta præpropere. pontem quoque ultro obſeſſi flammis corrumpere. In ſoſſam ubi perreptum, intelligit Mauritiuſ cæterarum rerum copiam obſeſſis: adverſus ſitum unum duntaxat puteum: ſed noctibus aquatum ad ſoſſam veniri, qui mira altitudine arcem circum-

cumfunditur. Hanc machinamentis sicari posse, & simul putei venas intercipi. Verum cœpto labore patuit perennibus infra solum scatebris subnasci humorem, & qui mos aquarum est, trahentem sequi. Nec diu, cum imbres coorti sitientibus solatium, operi impedimentum tulere. Fossa tamen, quam ducti è paludibus rivi inundabant obruta est, & quo tutius transiretur, vineis administratum. Struentium latera, & frontem noctis tenebræ muniunt, aut agger projectus semper in ulteriora. inter quæ latibula fixæ modico intervallo trabes teguntur tabulis, ac superinjecta humo contra tela & ignes hostium. Ita perducti vallum ex ino subruunt. Tormenta vero editioribus è locis loricam & propugnatores undique dejecerant. Mondragonius interim Brabantix campis modica replebat castella, quæ proximis per annos Batavus irruptis prædam ac tributa protulerat. Ea prior cura, dum maximum Transrhenani imperii præsidium oppugnantium ac defendentium manibus excinditur. At ubi jam Parmensis Gallia redierat, institit Verdugo illuc ut exercitus verteretur. Sed itinere fessus miles, stipendia quoque insoluta poscebat. Obtinuit tamen, ut collecta diversis è partibus decem sibi peditum milia, septem turmæ traderentur, capeffendo itinere, & si fors daret, prælio. ter præterea mille aliis augendis, quæ trans Rhenum præsidii. Princeps, acceptis horum paratum nuntiis, cum major esset castrorum ambitus, quam ut adversus obsessos, & vim externam defendi tuto satis posset, nova interius munimenta orditur, relictis & prioribus. Advenit & conscripta per Clivios Stolbergii cohors, supplementum militis, quem Steno-

Stenovici prospera sed non incruenta obsidio  
 absumferat, lassaveratve. Redibat & Anglica  
 cohors, & quæ Batavorum auxilia Galliæ mi-  
 litaverant: jussu Philippo Nassavio distribuere  
 in præsidia fessos, ac recentes vicissim educere:  
 quæis Gravewartam tueretur, speculam belli,  
 obversus in hostem, si forte aut insulam Batavo-  
 rum aut alterutrius ripæ proxima sedem bello  
 legisset, & quocunque iret ille, secuturus. Frede-  
 ricus quoque Hereimbergensis spei auxiliorum  
 sibi adventantium nuntius aut conjecturis præ-  
 ceperat: ideoque ut arcem dederet interpellatus,  
 respondit menses etiamnum aliquot expectan-  
 dos. Paucis horis antequam cohors Anglica &  
 aliæ sub Philippo Nassavio copiæ ad castra per-  
 tingerent, Verdugo, cum ad Bercam longa cir-  
 cuitione Rhenum superasset, haud procul Mau-  
 ritio ad Emmelichemum confedit: Castrorum  
 hostilium situm diligenter explorans, nec oculis  
 tantum, sed prodente viro nobili, cujuscum  
 hospitio Mauritius comiter utebatur: atque ipse  
 postea manifestæ ejus culpæ pænam tamen con-  
 donavit. Spes aderat arcendi commeatus. Sed  
 postquam cognitum duo itinera, & paludes in-  
 tercedere, neque vires ipsi ut divideret copias,  
 impetus & arma probabantur. Visitati crebro  
 ignes, quæis obsessos monebat, ne tempori de-  
 essent, ignarus rescisso ponte eruptiones coerci-  
 tas. Nox præcipitabat, cum Hispani, objecta  
 in transitu mora à Vidri fluminis ponte (Vestium  
 nunc vocant) exteriora castra inperunt. Stol-  
 bergianam ibi cohortem & multum equitis  
 Princeps posuerat, oportuno aquis & arboribus  
 loco. Hostis hæc oppugnationi elegerat, quia  
 equitum minus attentæ vigiliæ, & nova cohors  
 belli

belli rudis sperabatur. Perreptare fossas, vallum  
 prehendere, per aliorum vestigia alii scandere.  
 At Nassavian, quanquam noctem eam suspec-  
 tam egerant, velut cum luce securitas rediret, in  
 somnum lapsi, longe in terrorem redditus ho-  
 stium vocibus, capta castra conclamantium, ex-  
 ciuntur. Nec festinatione aut loco patescere  
 acies potuit. Intecti aut semisomnes arreptis  
 telis, sibi quisque, aut modicis ut fors tulerat cu-  
 neis consistunt. & equites pedibus præliabantur.  
 Procerum maxime virtute, queis fortissimi se  
 militum ex castris interioribus aggregarant, de-  
 pulsus periculum. Ante alios Wilhelmus Nassa-  
 vius, hoc magis sollicitus, quod dissuadentibus  
 multis cœptandi obsidii auctor fuerat, eductos  
 quot poterat extra castra equites in latere op-  
 pugnantium sistit. Cæsi, qui penetraverant: &  
 inhibiti qui sequebantur; clariorque jam dies  
 velorum comumentum in ipsos verterat, ut agni-  
 ti certius telis destinarentur. Iterum tunc velut  
 corona castra capturi circumstetere, fiducia ni-  
 mii, quia sueti vincere, quindecim per annos  
 hostium aut latebras aut terga tantum viderant.  
 Sed omnis jam in armis Fœderatorum exerci-  
 tus modo hos, modo illos temere assultantes fa-  
 cile repressit. Pulsi retinere tamen ordines:  
 nec ingruentibus tormentis in fugam turbaban-  
 tur. id multam post stragem saluti fuit. Et pru-  
 dens temperandæ victoriæ Mauritius insisti abs-  
 cedentibus vetuit. E castris, inauditum, duo  
 tantum aut tres cecidere. Plures sauciati sunt, in  
 quibus Wilhelmus Frisiorum rector. Proximos  
 quoque per dies frustra Hispanus aciem feroci-  
 ter ostentans, prælium laceffivit haud avidos  
 periculorum, & consilii certos. Nam clausorum  
 spes

spes ad metum mutatae, postquam detrudi socios, sua munimenta sublidere conspexerant. Quippe propugnaculi, quod vallo exstabat, culpis subruta: & alterum, quod obsessi suffecerant; à fossoribus impetebatur. Fridericum cunctantem adhuc impellebant ad deditionem seniores, increpabant quinetiam ut pericula haud intelligentem. Vt Verdugonem consulere liceret, frustra oratum. Cætera postulata concessit hoc promptius Princeps, quod comineatus difficiliores ipsi redderet pluvia cæli tempestas. Datur Covordium Frisiis custodiendum, reclamantibus Transsalaris, qui eam arcem omnemque regionem ad se pertinere contenderent, ipsis Tarantiis sui se juris esse asserentibus, nec quicquam antiquitus debere Transsalaris, nisi ne hostem ipsorum suos per fines transmitterent. Nondum dimissi exercitus, sed mutuo metu otiosi egere. dabant hoc ordines Galliae Regi, quo serius in ipsum vis belli incumberet. Mox ubi foedo madore autumnus infestus diremit, Parmensis, quanquam afflicta valetudine, novum in Gallias iter ingreditur, ut imperii comitiis, quæ socii Hispanorum sub annum sequentem indixerant, præsens cum exercitu moderaretur. Sed imparem fatigationi in Atrebarum finibus vires defecere. Ibi gravescente morbo, seu peracta veneni lue extinguitur. Quibus atrocior fama placuit, hoc etiam arguerunt, quod mortis tempus cum Fontani adventu congruebat, quem Philippus, audita forte Parmensis valetudine, res Belgicas inspectare iusserat, ut, siquid morbo ducis neglectum, aut morteturbidum, componeret: duri ingenii hominem & Parmensi privatim invisum. Et fuere qui,  
haud

haud multo antè, mortem Parmensis aut vincula prædicerent. Multa sane eruperant indicia suspicacis in ipsum aut infensi Regis. Nam & gentilem ipsius Farnesium, quo minus Romanus Pontifex fieret, solus impediisse credebatur. Et nuper vetuerat, ne fœnori pecunias sumeret, nisi ex consilio eorum quos ipsi velut custodes addiderat. Medici lienis duritiem & aquam intercutem accusabant: sed nata hæc quoque constabat, dum, vini abstinens, potandis aquis assuefcit: vitandis articulorum doloribus, gentili malo, an insuper veneni metu, quod aqua minus recipit. Plerique non semel illigatum veneno credi cupiunt: auctores varie destinant. Sic finivit Alexander Farnesius, viridi adhuc ætate, annorum septem ac quadraginta, cum quatuordecim annos in-belli hujus arbitrio egisset: postremos quinque deterioris fortunæ: neque sane diligentia ejusdem: seu post Antverpiam gloriæ satur voluptatibus se dedit, seu cognitis Philippi suspicionibus adversus magnam famam remedium ex segnitie concupivit. domus illi potens quam antiqua, à Paulo quippe Tertio Pontifice originem & magnitudinem trahens. Olim adolescens maternis sub imperiis per Belgicam inhonorus egerat, atque adeo contentus, ut non satis animo competere diceretur. Solita mentiri judicia vix quisquam apertius convicit. Primum belli decus peperit expugnato Navarino, cum Hispano in Turcam sub Ioannis avunculi signis militaret. Belgicis armis impositus quantus esset ostendit: studio laudis indefessus, accessu comis, clemens in hostem, quantumque in magna simulatione nosci potuit, fidus Regi, & adversus suam gloriam ac populi studia incorruptus. Parebat

Parebat consiliis, nisi quod initæ semel sententiæ contumacior, ac infestus dissidentibus: tum rerum successu, nimia concupiscebat. idque illi initium aduersorum, quæ mollius tulit, cum, quod multo difficilius est, secunda fortiter toleraret. Sunt qui notant Casparis Roblesii, viri sane prudentis, monitis diu obsecutum. Eo mortuo, nemine prævalente, inter diversa suadentes fluctuasce, atque ex eo cessim iisse & fortunam. Majestas illi oris ita venerabilis, ut & amari posset: statura & cætera corporis mediocria: acres oculi, pervigilis animi notæ. Cætera non jam ipsius, sed aulæ vel sæculi vitia. Famæ ejus detractores, quos inter Campiniacus fuit, jussus ab ipso nuper in Burgundiam recedere, regias vires, inopiam aut discordias hostium jactabant, quibus mutatis pariter belli casus vertisse. Contra alij, utrisque prudenter usum, nec minimum in eo difficultatis, quod diversas in exercitu nationes, & prope insociabiles jure æquo rexisset, compressis odiis, quæ statim post mortem & deinceps acrius eruperunt. Etiam rebus arctis multum in illo præsidij: hinc plerasque seditiones absentia ducis cæptas. Perdita sane oppida, dum alio vocatur: utque multum arma fortuiti habent: sed quotam partem eorum quæ vicisset? Eundemque hostem non aliis postea ingeniis, non vacuis viribus sisti quivisse. Disciplina non dubie cum illo concidit. Funus Belgarum quoque luctu celebratum est, haud sane dolentibus qui veterem præfectorum sævitiam requirebant.



HVGONIS GROTHII  
 HISTORIARUM  
 DE REBUS  
 BELGICIS  
 LIBER TERTIVS.

**M**ORTE ducis abruptum iter, & cohortes in finibus retentæ proxima Gallorum castella, mox Noviodunum ceperunt decimo sexto obsidionis die, cum jam impleta fossa & interposita ei munimenta suffodi cœpissent. At Rex Hispaniæ bellum pace conficere cupidus, quo secundis Belgarum studiis frueretur, procerum plerosque longo obsequio cognitos honoribus evehit. Mandatæ singulis nationes quas curarent: & dum diligitur qui rerum summa sufficeret, nomen interim præfecturæ Petrus Mansfeldius obtinuit, ætate atque experientia ante alios octuagesimum, quippe tum annum agens: vis consiliorum penes Petrum Henricum Comitem Fontanum & Stephanum Ibarra Hispanos erat. Atrebatensis sane pactionibus jam pridem convenerat, ut penes cives esset publicum regimen. Sed reperta fraus, instituto consilio militari, quod cætera quoque oblique suam ad curam traheret. Eum cœtum Hispani plerunque, ac tum Fontanus & Ibarra implebant; iussi modum facere publicis impensis, & arario consu-

lere, quod non ex fide tractari rumor Hispaniam pervaserat. Causa credendi, bellorum, ut accidit, sumtus insperati: quo tamen obtentu reguntur prædandi artes & nunquam satis exussi fines, aucta in immensum labes, ut jam remedia quoque vicerit. Aiebant, qui ista introspexerant, ducentis florenorum millibus mensuris plus apud Ordines effici, quam noningenis apud regias partes, dum scenus & supervacuæ mercedes, & furta vix partem sumtum tertiam veris usibus relinquunt. Sufficere & Belgicæ perdomandæ & Galliæ Philippi vires, si recte curarentur, quippe cum pater Carolus nequitiam tantis opibus, multos sæpe exercitus diversissimis terrarum partibus aluisset. Ergo ut novo imperio auctoritas conciliaretur, aut quia metus à Præfecto cesserat, adjectæ cohortes, & pecunia abunde missa: hoc quidem oportunius, quia, stipendiorum causa, classarii, qui pro Antverpia excubabant, ni continuo satisfaceret, gravia atque hostilia minabantur: Bonnam quoque & Bercam custodientibus idem audaciæ: sed Hispanis recens adventantibus, ut multarum rerum imperitia, ita novandi studium fuit, quo decus ac gratiam quærent. Ac certo die Fontanus senatum ingressus, atrocis sententiæ auctor, & quod necessitas expresserat socordiam vocans, abolere parat belli commercia. Non enim Batavorum virtute aut opibus tam diu certamen trahi. Sed gentem exiguam, & si recte ratio ponatur, multo Belgis imparem, nedum Hispaniæ thesauris, ipsorum viribus aut virtus adolescere. Suas sibi fortunas, suam obstare inertiam, quodque manifestum hostem trepide offenderent.

L

Im-

Immensa agrorum spatia regias inter urbes impune perduellibus vectigalia haberi, quasi facilius esset inferre armis, quam propulsare, injuriam. Quin potius accolæ truderentur in bellum, ausque & passi hostilia odiis insuescerent: nec soli omnium tuti inter pericula, & pro cupidine studia dispensantes, alterno in sanguine fortunam partium specularentur. Quod si non undique resisti posset, at melius certe vastas jacere atque invias solitudines, quæ non itinera hostium, non tributa, non prodictiones transmitterent. Iam vero corrumpi legiones velut per fœdus ignaviæ, dum abjectis quisque telis vincula & incolumitatem paciscitur. Hinc in acie fugam, nundinationes in urbibus primos hostium iimperus sequi. Melius Romanos providisse, verum militiæ exemplar, ne quis vitam aliunde quam ab armis sumeret. Plerumque fortes etiam animos spe salutis infringi: pavidissimis contra desperationem esse loco virtutis. Disceret miles sub istis signis dari tertium nihil inter mortem & victoriam. Quippe mixtam bello pacem, inoram esse pacis, & belli alimentum. Quæ ille ferociter elocutus, plerosque traxerat auctoritate & fortis consilii specie. Contra pauci experientiam adferebant: compressam & Albani severitatem. Non cunctis temporibus eadem convenire. Hujus equidem sæculi mores impares tali disciplinæ, cum maxime sacramentum nemo subeat, nisi pretio illectus & facilitate militandi. Nec ea asperitate ad concordiam iri, aut bellum sibi cum finitum adeo internecinam, ut nisi summa hominum atque agrorum pernicio transigi non posset. Sed quomo-

do vicinorum & consortiũ crebris diffidiis  
 spem amicitie non projici, ita civiles discor-  
 dias moderate exercendas, velut sub arbitrio  
 fortunæ. Nec duces populique deerant, si ex-  
 emplis certabatur, qui in neminem ultra aciem  
 sæviant. Quin intactæ fruges, captivi & sine  
 pretio remisſi, magna clementie fama celebran-  
 tur. Quod multis in negotiis solet, tunc quo-  
 que evenit, ut pars major meliorem vinceret.  
 Lege igitur Mansfeldii supplicio damnantur,  
 qui bello capti, aut hostem tributo juvarent.  
 Idem, ut necesse erat, Fœderati Ordines edixe-  
 re, ni certum intra diem pæniteret gravi cum  
 insectatione crudelitatis Hispanicæ. Iam trahi  
 vagis incurſibus villæ agrique, jam strangula-  
 ri milites cœperant, & alieni castus ire per  
 omnes exempla. Primi sacerdotes & Nobilitas  
 suis possessionibus excidium deprecaban-  
 tur, quando vis improvisa arceri non posset  
 patentibus campis. Minus yero cohortes: &  
 qui manserant omnem hostis occursum metu  
 averti, auditis per manipulos vocibus; exiguo  
 ære emi suum sanguinem. ne id quidem præ-  
 ſtari ad diem. At vero non pugnam, non vul-  
 nera differri: & victoriam quidem sine præ-  
 mio. Si quid fortuna abnuat, inter ludibria &  
 tortorum manus exspirandum militi, quia non  
 in tempore fugisset. Centuriones & tribuni  
 silentio trepidare, quanto beatioribus plura ti-  
 mentur. Hæc docuerunt mirari vetera, præsen-  
 tibus obsequi; reditumque ad inorem, ut pro  
 agris tributum penderetur, captivorum com-  
 mutatio fieret, aut redempti menſtruo stipen-  
 dio exſolverentur. Quæ in posterum servata,  
 & si quis violasset, eadem hostium inclementia

vindicatum est. Ita pari terrore atque interim infontium pœnis, belli jura sanciebantur. Missus per hyemem eques, peditisque haud multum Philippo Nassavio ductore, qui Lucemburgiam & extrema Belgarum tributis subigerent, parumque absuit, quin sancti Viti oppidum irrumperetur. Culpa penes exploratores, qui qua parte invasuri erant oppidum portas duas obstare nuntiaverant. duabus jam disjectis, inventa est tertia. Postquam dies totos quatuordecim populabundi absumerant, concurrentibus hostium præsiidiis, correpto si quid obvium aut incenso, tuti redire & præda graves. Miserabilis eo tempore finium facies, cum Mauritanis relicta novus Mansfeldii dilectus attereret; simul circumstrepente Gallorum bello, quod & Lotharingiam Argentoratunque minoribus dissidiis in vastam malorum colluviem miscebat. Hinc questus innumeri & remediorum inopia. Ut primum licuit invadere annum, Hollandi præcipui foederis ab externis ad domesticas curas animum vertere. Gertrudisbergam capi haud dubiè intererat. Nam unum id oppidum à suo corpore avulsam Hollandiam lacerabat. Igitur ipsa hyeme properata quæ futura usui, ne aut hostis præverteret, aut Frisii in se copias traherent. Sed experta non ita pridem irritò obfidio loci munimenta validus miles tuebatur, Walonum Germanorumque vexilla quindecim, & propinqua rectorum sollicitudo. Tum perpetuam camporum uliginem supra solitum extulerant hyemantes adhuc aquæ, crebrique imbres. Contra quæ spes una in celeritate, dum hos hostilium copiarum Galliarum sinibus detra-

detinetur. Equites à Brabantia iussi ambire oppidum, & quo copia minueretur, arcere commeatu cum præsidio adventantes. Consectimque Princeps, paratis quæ bello utilia, pedestres copias haud magnas sane (nam suas Frisii attrinebant, frustra quæ Mauritius Wilhelmum, hic illum vicissim auxilia oraverant) navibus intulit. Præjacet oppido, partemque ejus majorem alluit, ingens lacus, Mosæ ab ostiis retro fusus, ab anno supra millesimum quater centesimum vigesimo primo, quo tempore violentissimum mare rupit obstantia, merisitque vicos duos & septuaginta. Hunc (Meroviam vocant) communi vocabulo cum Vahalæ alveo, qui à Francicis regibus ut credibile est jam olim id nomen accepit) dextro latere Dunga amnis illabitur, adjacentibus campis late exsudans. Solum aliena in ripa Hollandici juris est, quamquam in dubium Brabanti traxere, Nassaviorum possessio pignoris jure. Arausionensis, post pacem Gandavensem, ut Brabantiæ aditum munierat. Stagna piscium capturis celebrata, quos nunc succreta undis vada aut belli circum ipsos sonus & hominum mala fugaverunt. In aggere, lacum qui continet, (nam cætera tenui humo aquas tantum occultantia opus tale respuebant) instructi anfractus ac latebræ, quæ ad munimenta oppidi fossam extra jacentia perducerent. Sed verni aquilonum flatus impulsu lacu, debilitatam fossionibus partem ejus aggeris absciderunt. Iterumque connisos eadem via (nam alia restabat nulla,) tela infestabant à castello quod in vicino Dunga aggere hostis adhuc tenebat: Accessu id difficile, sed positæ crates humo factæ, quæ valli viæ oppugnantes

tegerent. Ex insula quoque Dungæ quæ adjacet, explosa tormentis tela: simulq; Hohenloius, ne ex oppido recentes castello subvenirent, medium arctumq; limitem, felix audaciæ, invadit. Itaque deditum est. Hos inter labores & munimenta castrorū, mensis fere exactus est antequam Mansfeldius accurrat. Turnarum sâne partem Turnhoutum præmiserat: sed coalescentem adhuc Mauritiani equites ultro incurfavere, quos Princeps, nullo usu inter palustria, oppidis reddiderat, unde hostium itinera infestarent. At Carolo filio tuti ab hoste reditus, à suis periculum fuit. Nam properis nuntiis Gallia excitus, ubi Noviodunum, ut dictum est, & innox Valeriacum ceperat, cum finibus Atrebatum centurionem Hispanicæ cohortis, stupri compertum ad poenam deposceret, vix cæterorum iram ac rabiem evasit, petitus telis, & sarcinis exutus à militibus quæis imperabat. Licentiæ assueverant externo in solo, & mensium aliquot mercedes ipsis debebantur: Adhæc Mansfeldius, homo Germanus, suo honore & paterni muneris invidia premebatur. Sed his in sancti Pauli fano quod invaserant relictis, dilapsus ipse fidis cum cohortibus, auxit exercitum, quem ipsa multitudo gravem tarde duces moliebantur. Duodecim pedum millia, equites quasi ter mille fiduciam fecerant proteri hostem posse, altera virium parte inferiorem; nam Mauritio quinque millia, haud multo amplius. Hinc novæ præfecturæ mansurum decus, terrore; in posterum & gloria sperabantur. Nec quisquam suspicabatur immensam camporum amplitudinem, cum incerta uligo & tot æstuaria intercederent, ita circumseptam, ut non arma prælio, non vada dolis locum aperirent

rent. Proinde congruens arbitror obsidii faciem, & quatum more bellum exercitum sit, paucis exponere, quia non alia castra periculo aut eventu parem famam ineruere, & vera æstimatione exemplum tum primum datum est, laudatis veterum artibus utendi in rem magis quam ostentationem. Bina Princeps castra locarat modice assurgentibus campis, ut læva amnis & urbi propiora ad occasum præfens ipse tueretur, alteris ad ortum Hohenloius consideret. Ibi metatis cohortium sedibus, quas inter viæ & fora, urbis in speciem patefcebant, ingens utrobique circumdatus agger in propugnacula sinuatur, tormentisque instruitur, nec eminus conuelli facilis, & propinquum certamen haud sine noxa hostium laturus. Præductam fossam, in qua duplex palorum & præpilata series, ne recedentes aquæ nudarent, aut nimio contra auctu traherent munimenta, educendo flumini machinæ & septa moderabantur. Dunga ponte gemino instratus qua proxime inter castra commearur: aggeratusque trames palustri solo, cum crates intartæ humo prævelarent, tuta euntium latera præstabat. Tum quicquid circa camporum cæno maduerat, injectis jam virgultis stabile, & si quæ æstuaria interpellant, ac vis undarum impositam molem disiectura, præferratis sudibus horret crepido; versa plane quæ fuerat locorum facies, solidatis paludibus, & quæ hostis metuebatur iussis stagnare campis. Cuncta castris interjacentia, longo ambitu ac trium ferme horarum itinere, suus agger & fossa complectitur; speculæ passim locisque apertioribus disposita castella, tormentis & militum telis terrent accedere. Nec eo segnius ulteriora muricibus



& foveis turbata, quæ latentibus exitii causis  
passim periculum, equiti præsertim hostili,  
metum ubique fecerant. Præcepta & vada  
sicuti faciliores aditus pollicebantur. Pars na-  
vium, protentis in urbem cornibus minax, fir-  
mo anchorarum funiumque nexu devinctæ,  
auxilia ab oppido nuntiosque intercluserant.  
Multis in amne atq; ipso in lacu attributæ sta-  
tiones. Quædam & in voragines detrusæ sede-  
bant pariter æstu aut levabantur. Atque alias  
classes ferendo victui, & quæ bello necessaria,  
occultabant ad utraque castra oportuni sinus.  
Ipsique nautæ, in littore jussi Hohenloium  
propter tendere, haud contemnendo usui fue-  
re. Opera pleraque militum manus ostenta-  
bant, novum ea tempestate, quorum labores  
majori pretio solari egregium compendium  
fuit, ne compulsæ ex agris, ut apud hostem,  
multitudo invidiam faceret libertati, aut segnis  
ad periculum, & iners fossorum turba onera-  
ret exercitum. At mores providentia discipli-  
næ in tantum à sæculo recesserant, ut rusticæ  
plebi armentisque ea castra perfugium fuerint.  
Locabant manus, vendebant alimenta, ab ar-  
matis pecunias exigebant, quorum si arva His-  
pani duces infedissent, nullum satis pretium  
suffecturum fuit ad redimendas injurias. Sub  
ipsa quidem castrorum munimenta versabant  
agros, & semina humo inferebant, adeo non  
præsentis modo, sed futuri temporis securi.  
Compertumque usu, recti & gloriæ diligentes  
ambiri ultro commodis, quæ vix per nefas  
alii & contraria studia assequantur. Nam con-  
tinentia hæc incredibile quantum laxavit an-  
nonam; cum raptores rerum omnium penuria  
afflicta-

afflictarentur. At Mansfeldius circumspēctis hostium munimentis anxius, & quæ magnæ trepidationis natura est, nullis consiliis insistens, dum è cunctis maxime displicet quod seimel placuit, primum haud procul Mauritio communit sese, tanta vi machinarum, velut urbem non castra oppugnaturus accederet. Ibi cum dies hæsisset decem, & equitatus Breda egressus arctos ipsi commeatus faceret, sperans è Silva-ducis promptius cuncta subvehi posse, transmovet juxta Hohenloium castra, inde modo superstagnantem lacum diducere in veterem Mosæ alveum parans, modo naves hostium abigere, aut quod reliquum equitatis propulsare, quo tutiori commeatu frueretur. Tandem virgulta fascisque congerit, velut per vada paludum in oppidum irrupturus, non tam spe certa aliqua, quam ne nullam habere videretur. Quæ dum irritus voluit, & quo minus diversa in regione fortunam tentaret, conspectus oppidi ac militis obsessi spes ultimæ vent, per otium hostis, Mauriti opera promovebantur. Sed nihil magis fatigabat quam paucitas militum, laboribus ac vigiliis prope exhausta. Orati iterum Frisii ne adjuti nuper sociorum copiis ipsos vicissim laborantes deferrent, cunctati aliquamdiu, quod Verdugo trium cum millium manu ad Slochteram hæreret, vexilla tandem quatuor mittunt. Leviora interim per campos prælia ferebantur, promtiore quam necesse erat Hohenloio: ultra haud processum, cum nec Mauritius, supra ætatis ingenium cantus, periculum in aperto, nec castrorum oppugnationem Mansfeldius speraret. At oppidum tormentis infestum, quo-

rum magna penes Mauritium copia perfoderat domos, & quæ intus tormenta, pleraque corruerat, jam & vineæ patebant, propugnaculum usque promotæ, quod vallo prætendebatur. Et septentrionali ex parte in munimentum, cui minus timebatur, non quidem urbi continuum, sed quod fossa ambiretur, nocti pons adactus est scirpeo contextu. Custodes incuriosos & passim jacentes (nam id quoque retulerant, quibus audacia introspicendi fuit) enisi milites invadunt. Pauci fuga dilapsi oppidum formidine implebant. Nulla etiam ante imperii reverentia: nam ad quem propria oppidi præfectura spectabat, ante obsidium egressus, aberat. nec quisquam alijs par ei muneris: unde opera crebro structa, destructa, consiliis nutantibus. Ex iis ipsis, quæ delata per obsidium præfectura, duo antea obierant. Et jam tertius dum auditæ trepidationi occurrit, illis saxi exanimatus plane obsequium solvebat. Ita præter hostem nihil timebatur, auxeratque metum Mauritius, cum interceptas ad ipsos Mansfeldii literas, retinere quas posset, mittere maluit. Quippe Mansfeldius, sumto jam discedendi consilio, monebat obsessos ne id propter minuerent animos, spem vanam adjiciens, fore ut in alia hostem abduceret. Pacti vitam, signa quindecim Mauritio tradidere, integri adhuc à morbo vulneribusque sexcenti, affluente & cibi & pulveris tormentarii copia. Sed in poenam excepti sunt, qui urbem istam prodiderant, cum sceleris memoriam aspectus loci, vetusque & recens labor exasperaret. Eodemque die Mauritius Gertrudisbergam emporibus eripuit, & venditorum supplicio ex-

piavit. Re comperta Mansfeldius, haud ignarus suam incusari senectam, & deteriora quamvis consilia post eventum prævalescere, ac secundis vulgi auribus jactari;angebatur insuper suspecta Sylviducensium fide, ne civitas turbidi moris & nullis præsidiiis infessa prosperis hostium & suis ruentibus mutaretur. Nam & Diesam annem, quem urbs ista Mosæ affundit, Mauritianus miles, qui tum Crepicordium castellum tenebat, objectu transversæ molis in objacentia verterat: inde ablata fruges & pecorum pastus rei privatæ damno pacem publicam laceſcebant. Visum est placare beneficio, qui coërceri metu non poterant. Sed in castelli obsidium properantem Mauricius prævertit, equite ante misso, qui Mosæ transitu ac Bommelienſi insula hostem arceret: mox ipse cum exercitu annæ inſectus se castello atque Mansfeldio medium interposuit, proximisque ex oppidis petita vi machinarum nullo adhuc præmunitum vallo (properam enim castelli deditionem animo præceperat) coëgit relictis tabernaculis minus decoram fugam capeſſere Cuquios in agros. Mox pontem imposito Mosæ, velut Sylvæducis immineret, novos conatus hostium metu falso morabatur. Tandem digressi duces missa parte copiarum Frisix belium auxerunt. Postquam Stenovicum & Crevordium interius ad Isalam sitis, Frisiorumque urbes & castella Groningam mari & annibus absciderant, unus in Germaniam exitus Bortania patebat. Haud latus is trames, Dullardo haud procul ejus Oceani sinu editur, vastas inter paludes Tarantiorumque genti longo ambitu circumfusas. Wilhelmum Nassavium, quo

modo spem ultimam hostibus eriperet anxium, initio anni gelida hyems & flatibus adversa tardaverat. Vere primo inVectus mari, Verdugonem conspicit nuntius exitum angusta viarum infedisse, vetitusque mandatis certare praelio, inconsulto insuper longius progredi quam certi essent comineatus, praelidium in proximo immunivit: unde aut apertis aquarum septis mergeret campos, aut clausis eisdem sua sponte undantes siccari vetaret, ac sic itinera impediret. Sed cum Verdugo partem sui militis vastandis Frisiorum agris misisset, non ausus id damnum contemnere Wilhelmus, ne adversanti sibi per Frisios factioni (palam enim odia eruperant) materiam criminandi daret, illuc & ipse secedit, & quæ potest adversus incursus in posterum munit fines: inde vanis rumoribus aliorum conatum hoste decepto, Covordio multarum rerum egestate laboranti necessaria subministrat. Sic ætas acta versis in Gertrudisbergam partium viribus. quæ postquam cesserat, Wilhelmus receptas cohortes terrestri itinere admovit, cunctisque Covordium inter & Bortaniam castellis in deditio-nem acceptis, in ipsa Bortania, qua Wedensem inter agrum & Monasteriensium terras proxime disjunctis paludibus (has quoque & ætas & labor solito magis pervias fecerat) arctus limes, arenarum quodam velut clivo intersternitur, quinque centuriis excitari hiberna, & propugnaculis firmari jubet. Ipse cætera cum parte copiarum (quippe hosti subsidia adventare intellexerat) pone Groningam concessit, præmatura spe illectus descituram civitatem, si Verdugo abscederet, qui suburbanis munitionibus

bus inhærescens auxilia opperiebatur. Atque interim Fredericus Herembergenſis miſſu Mansfeldii valida cum manu, quod reliquos aditus præſidia hoſtium aut loci natura præcluderet, Othomarſum oppidum, & caſtella, quæ Wilhelmo tradita diximus, vi multa, nec ſine ſanguine, irrupit. Inde ſucceſſu plenus cum Verdugone ad ſcindendas Bortaniæ munitiones ibat. Sed properata operum moles, & inaccessa paludum ab impetu deterruere. Continuoque Wilhelmus, per exploratores edoctus in ſe veniri, foſſas & munimenta caſtrorum augebat. Quis tutus conſiſtentem campis aciem contemſit: neque contulit ſigna, prudens nullam ſibi neceſſitatem, & cuncta hoſtibus infeſta. Tali mora & levibus præliis detrufi Covordium intendunt, per humida & impedita, ſed ſubtus reperto ſolo, ſuperinadentia faſcium aggeribus ſiccabant. Cunque ſubita belli locus abnueret, caſtellis Verdugo iter occupat, ſperans incluſi militis famem: deceptus falſis nuntiis, jam bis inveſto quicquid deſiderari poterat. Tentavit & Caſparis Enſemi præfecti fidem præmiis, metuque, adverſus utraque invictam. Sed præcipitante jam anno, munitiones Hiſpanicæ cæno atque imbris differebantur. Accessit victus inopia, cum per octo meſes vix tantum ſtipendii accepiſſent, quantum duobus meſibus debebatur: agrique circumſiti, etiam Germaniæ, rapinis deſecerant. Secutum poſtea frigus auxit egeſtatem, & orta per utrumque tabe, fluebant corpora. Pars ærumnas & obſidium fuga deſeruere, nec, ut ſæpe olim, ſinguli, ſed centuriarim. Incitabatque Wilhelmus, ſi quis ad ſe tranſiret præ-

inia pollicens. Crevit hinc obsessis audacia, ut erumpere etiam auderent. Otiosa mox hieins, dum suis quisque auxilia & comineatus parant; nam & amissa ad Groningam castella obsideri à Wilhelmo Frisii iusserant. Sed sero jam anni, violentiora cœli quam hominum imperia prohibebant. Tantum cohortis partem, quæ per Germaniam conscripta Verdugoni succurrebat, armorum inexpertam, obvii Mauritianorum fudere. Aliaque per itinera fortuito concursu varie pugnatum, cæsis fere aut direptis quos comineatus aut sarcinæ onerabant. Sed Wasiæ terram tributa aspernantem raptu pecorum & captivorum Solmenis coërcuit. Castella quæ invaserat in transitu, ut abiit, hosti recuperata. Philippus Nassavius Limburgo circumjecta populatus aberravit urbe: atque ipsum Principem per mare & æstuarium advectum compositæ in Brugas insidiæ fefellerunt. ipse madore ac frigore morbum contraxit. festinato abitu navis una mergitur. culpa utriusque casus penes nocturni itineris duces. At regium per exercitum minuente rursus pecunia seditio gliscebatur, initio motus ab Hispanis: tantaque Caroli Mansfeldii, qui præerat, irreverentia, ut missos ad ipsum comineatus interciperent: quorum flagitium detestata diu cæteræ nationes, mox viso offerri tumultuantibus stipendia, negari quiescentibus, ad eadem inclinavere: exactisque ducibus, quos rebus turbatis infidos putant, vilissimus quisque consensu manipulorum præficiatur. Is vitæ necisque dominus terret singulos, omnes timet, precariumque non regimen modo, sed spiritum obtinet, pari periculo, accipiat

cipiat imperium seu recuset. Vt cumque dis-  
 cordes & efferati dum consilium legesque sibi  
 imponunt, nec ulla inter ipsos dilectis venia  
 est, juris necessitatem fatentur, ejusdem boni  
 testes, quod maxime violant. Alimentum iræ  
 militari addiderat, subita nimium Hispano-  
 rum qui ærario præerant, parsimonia, revoca-  
 ris stipendiorum auctuariis, quæ pro insigniori  
 opera, aut per gratiam Parmensis concesserat.  
 Nec tantum in Galliæ confinio, sed Germani-  
 carum urbium præsidiis idem furor rapinis &  
 vectigalibus alebatur. ubi Novesium civitas  
 parte in prædam egressa reliquos militum de-  
 jecit. Secutisque aliis quicumque potuerant,  
 documentum id militi fuit, ut avaritiæ tempe-  
 raret, aut vires intenderet. Bercam quæ tene-  
 bant centuriæ septem, abrupto & ipsæ obse-  
 quio, nullum sibi ducem, ut cæteri, sed sena-  
 tum viginti & unius militum imposuere. nec  
 perpetuus is honos, sed temporibus mutaba-  
 tur. Exigebant vectigal ab agris circumstitis,  
 meliore disciplina, quam nuper sub Præfecti  
 imperio factitatum. Is proventus, cum intra  
 menses quatuordecim centum prope millia flo-  
 renorum confecisset, in partem illis stipendii  
 imputatur. pars altera persolvitur, data impu-  
 nitate. In eas leges cum illis transegit Her-  
 mannus Herenbergensis, accusataque à multis  
 Boioari antistitis negligentia, qui modico tum  
 sumtu recuperare oppidum suum potuit. Et  
 cum Parmense jam id convenerat, sed causa-  
 tus expectandum nunc Ernesti adventum,  
 queis studiis teneretur, parum celabat. At Ba-  
 tavos his malis liberos cœli injuria afflictabat,  
 cum fine anni ingruens tempestas apud Flæ-  
 vum



vum stantem in anchoris classem, navium quinquaginta, ut vela in Italiam expediret, per insulas & vada infido mari depressit; ac vicina littora naufragiis & luctu complevit. Sequentem annum missus qui Belgicam regeret Ernestus Austriacus excepit, exitialem sibi & Hispano maxime luctuosum. Erepti namque Frisii, detractæ Galliæ, arma improspera, insidiæ pacis infames, hostium res inclytæ & florentes, apud ipsos inopes & turbidæ. Quæ mala in vitæ tadium aut mortis necessitatem egere. Adventum ipsius causæ plures, res Turcicæ, imparata pecunia, & familiare ipsi malum articularius morbus, tardaverant. Solennia præfecturæ delata à Belgis multa gaudii ostentatione, qualem vix olim Principibus ac lætis rebus imputaverant. adeo facti in omnem patientiam malorum levamenta pro prosperis interpretabantur. Non enim jam Mansfeldium vana imperii specie suis pariter atque hostibus ludibrio fore: mutatum invalidum senem magna nobilitate. Simul honore & velut redditus legibus gloriabantur, quod Regi sanguine & affinitate innexus more prisco ad se mitteretur. Albanum meminere & Requesenium externis imperiis bellum iritasse. Et Parmensi, cætera haud inviso, patriam objici solitam. Joanni vero, qui regium genus quocunque jure attingeret, modestiam magis quam populi & nobilium studia defuisse. Venire nunc veram Imperatorum sobolem, Germanica integritate, nec odiis imbutum, & concordie faciliorem. Pannonias & extrema imperii fratris imperatoris vice rexerat, amatus subditis curandi comitate & otii blandimentis, non la-

cessens hostem, non ipse laceffit. Haud ultra quietem ferente barbaro amotus præliis, & potior visus, qui res Belgarum componeret, fessis armorum civibus, & gnaro Rege quibuscunque legibus constitutæ pacis usum penes imperantem fore. Gravitas morum Ernesto erat: Belgæ fastum interpretabantur. Cæterum, quod proprium genti, rebus haud superior, consiliis & mandatis facile regebatur. Hac ingenii mediocritate ita placuerat Philippo, ut suam illi filiam in matrimonium, & regnum Galliæ sociare per legatos in Gallorum concilio acerrime contenderit: forte & metuens ne sicuti Gallo nuptum illa iret, distincta aliquando sua virili sobole, Hispania Galliæ accessio fieret. Sed aliter satis visum, quæ Henricum Borbonium diversa per itinera in regnum perduxere. Is anxius jam dudum, quod natus imperio sola religionis specie arceretur, multis quoque Principum hanc per causam impediri se testantibus, quo minus auxilia ipsi submitterent, attritas sibi vires, atque alios summæ spei proximos, amicos inter laudantes honestam constantiam aut suadentes profutura, incertus volubatur. Tandem, seu quod nihil crederet sanctius regni quiete, sive & priorem viam more quam iudicio amplexus fuerat, accepit Romanam institutionem. Quod adeo Hispani non interfuit, ut multos deinde per annos odium & arma continuaret: nec ita dudum, Aumalio anitante, Picardiæ urbes, fini Belgico proximæ, adactæ in ipsius verbo fuerant. Etiam Romæ diu apud Pontificem (Clementi nomen erat) & potentissimos consilii, vi ac minis obstitit, ne poenitiæ Regis veniam aperirent, persu-

gam

gam sacrorum & novæ pietatis simulatorem vocans. Sed utrisque primum partibus, unde abierat, & ad quos venerat suspectus, salubri dein moderatione, his maximas potestates, tuta illis sacra & partem honorum largiendo, spem vicit, & diversissimos ante composuit, nisi paucos, quantum acceperint ignaros, quos nulla unquam felicitas, aut nulla ultio expleverit. Brevi cœptis per inducias commercii, & ut fit, plebi allubescente otio, validissimæ civitates, & caput gentis Parrhisii, ac perduellum duces, obsequium accipere, discordia inter se, & externæ dominationis metu. Meduanum, Bruxellam cum venisset, Hispani, ut suis consiliis adversum, retinendum censuerunt: sed Ernestus, famæ reverentior, obstitit: cognitum tamen primo partium duci ad promerendam Borbonii gratiam, incitamentum fuit. Nonnulli propria cupiditate, vel Hispanorum artibus detenti, spes suas & pacem omnium morabantur. Præcipue inquit, Picardia, & quæ circum alia Hænoviorum atque Atrebatum vicinitate & vi Hispanorum infesta erant, primoque vere Carolus Mansfeldius, qui eos per fines bellabat, antequam ab Henrico auxilium adventasset, Capellam Tiracensis agri municipium, cum fossa siccata vallum oppugnaretur, in ditionem compulerat. Mox ipse Rex cum copiis pervectus Laodunum, iisdem finibus adsedet. Vbi trita æstas, depulsoque Mansfeldio, qui perrumpere obsidium nitebatur, oppidum in potestatem venit. Dederantque Fœderati Ordines pecuniam Henrico hac lege, ut Belgis arma inferret, quod Elisabethæ invisum, quæ cum bello sui quoque usum ac reverentiam fini-

turaliz.

turam providebat. Variis rumoribus regis à religione defectio per Batavos Britanniamque jactata; ut fere nulla res plus sermonum aut liberiora judicia experitur. ceteros ira & detestatio: Romana sacra venerantes spes incesserat posse & alibi acceptos in publicum ritus sociari, utque Gallia Germaniæ, ita reliquos Galliæ exemplum sequi. Sed foedus & humanorum societas cum Rege mansit. religiones ex suo quisque usu ordinare. Et gnari Ordines secretis in se artibus grassari hostem, explorandum sanxerunt, ne quod scriptum publice perniciosum in vulgus serperet, neu magistri operatam studiis juventutem pravis opinionibus imbuerent. inde hostis in pacem, ipsi in bellum consilia vertere. Et quia Ernestus aucto exercitu famam & terrorem novæ præfecturæ circumdare audiebatur, emissi qui per Angliam & Germaniam pedites quater mille, parum equitis scriberent. Tutum militibus iter & hosti ignarum, qui frustra ad Rhenum occurrerat. At contra Ernesti dilectus paupertate atque aliis casibus impediabantur. Nam Francisci Saxonis Lavenburgici cohors, Monasteriensium agro paulatim coiens, à Batavis cæsa partim diffuxit: & his qui superfuerant Oldenburgius Comes suos per fines transitum negavit: Cuiacensis quoque è Flandris ac Walonibus contrahebat militem, spe ipsi facta fore ut in præfidiis attineretur. Sed ubi duci sub Verdugone cœperunt; dilapsi pars magna; alios morbi atque egestas absumserunt. Alia Swartsenburgii cohors partim ab hoste, partim à rusticis ad Carpam & Aquasgrani concisa. Alii in Hungariam militatum iere. Ita novus miles averſus, vetus inobsequens, multum dece-

decepere spes ante conceptas, triginta millia divisis copiis ultra citraque Rhenum bellatura. Ipsumque Ernestum, quanto nuper expectatio, tanto presentem major contentus exceperat, ubi otium, Venus, morbi ipsius innotuere: ita ut famosis quoque carminibus laceraretur. Oneravit ejus insuper famam apud Belgas, quod urbibus quibusdam, Hispanorum ingerere praesidia voluit. Quod ab Insulanis & Namurensibus contumaciter recusatum. Vernante primum anno in campos proruptum, irritis insidiis duas in urbes plurimum momenti partibus addituras. Silvam ducis, quae talibus coeptis raro indulget, fortuna eripuit, quia adventu militum collapsus lapis vigilas adverterat. Trajectum ad Mosam etiam culpam habet, exterritis centurionibus quos Princeps nave praemiserat: & quia miles additus, iterum gnarus, praedae quam virtuti assueverat: nisi forte interdum non magis animorum, quam successuum penes nos potestas est, fortesque alias & intrepidus fatalis interdum ignavia, & repentinus pavor limphaverit. Trans Rhenum inde Mauritius concessit, tot ante gestis apud Frisios finem impositurus, quo simul Wilhelmi manus & nova agmina coiere: relicto apud Bommeliam Hohenloio, qui duabus cohortibus Hollandicum finem tueretur. Haud multo ante Verdugonis milites, cum aquas adhuc hyems glaciaret, Delphozylum adorti ad Amasium annem castellum, prunos conatus silentio texere, mox ad terrorem clamoribus utebantur: adeoque improvisi involaverant, ut in aggere maritimo, qui imperitia struentium trans fossam ductus vallum attingebat, subito tumultu & ambiguo Marte certaretur in pro-

pinqua navis adacta telis, & propugnantium virtus aggressorem multa cum caede expulisset. Tum Groningani dona & preces Ernesto allegavere, ne summum ducem & robur exercitus, promissa toties in communem ruinam & excidium urbis, differret. At Princeps, gnarus Brabantiae timeri, atque alteram partem copiarum bello Gallico illigatam, praemissis munitioribus, Covordium versus incedit, itineri simul, &, si necessitas ferret, praelio. Decem peditum millia septeno agmine divisa. eques media sed maxime tergum ambierat. Novi consilii ratio, ut turmas hostium (nam ei parti virium Verdugo maxime fidebat) hastatus primum miles, & aliquot in fronte machinae frangerent; mox fessos equitatus proneret. Laevo a latere curtus & advecti obfessis comineatus, & cohortium validiora. Dextrum tormentis & flumine Vidro claudebatur. Etiam Verdugo pro munimentis aciem ostentaverat, ut vires animosque hostium specularetur, facili refugio, vel ex occasione ausurus. Et Princeps quidem consultabat; munitis paludibus ad obfessos penetrare, aut castella aggredi certius foret. Sed Hispanus fractas longa inopia cohortes & imminente periculo discordantes, veterem Parinensis militem, nocte & silentio eduxit, Oldensaliam versus concedens: ibi castra fixit, militemque stipendii vice praeda satiavit, populantem Germaniae agros, & quae brevi hostibus cessura tanto avidius raptabantur. Militum non nihil trans Amasium, ubi Linga oppidum Regis imperio tenebatur: Pars Groningam missi, quo vulgus ingenio mobile, & subitam, siquid ingrueret, formidinem coercerent. Postquam nocturnam fugam & vacua castella dies aperuit,

latique

lætique inter se & gratulantes liberatores & ob-  
 fessi consalutaverunt; proximum fuit, quod desti-  
 natum hæctenus, Groningam quassatam priori-  
 bus annis impellere, quanquam manibus pro-  
 pugnaculisque valida, nec ad victum, nec ad  
 belli paratus quicquam desiderabat. & è Frisiis  
 primorum haud pauci tracturam in se commer-  
 cia urbem, hostilem quam sociam inalebant.  
 Dimisso equite, qui cunctos hostium aditus apud  
 Stenovicum Covordiumque & Bortaniam clau-  
 deret, relicta Zutfanæ cohors, qui hostem, si  
 opus, distineret, tormenta mari advecta. Ingre-  
 ditur Princeps campos multa suorum clade  
 luctuosos. namque ipsi è Saxonibus maternum  
 genus, quos eodem in obsidio mors intercepta,  
 aut irritus diu labor omittere coëgit infaus-  
 tam possessionem. Nec patruis parvo constiterat ci-  
 vile bellum ibi provocasse. Vetustissimi su-  
 perstites locum monstrabant, quo jacens Adol-  
 fus cæsi Arenbergii exuvias, & primos armorum  
 successus nobili sanguine corruerat: Noscebantur  
 & castella, quæ Ludovicus infestis defectio-  
 nem civium ac studia libertatis frustra sperasset.  
 Tum Lemninga non procul, & septem millium  
 strage detestabilis ripa. At Princeps ac Wilhel-  
 mus (pariter enim hic imperabant, nulla æmu-  
 latione aut discordia) ut suorum gloriam super-  
 gressi locos omine exsolverent, stationes urbi  
 circumdant, meranturque ipsi eam ad partem  
 qua Groninga Frisiis aversa Germaniam late  
 prospectat, haud equidem alibi turribus & pro-  
 pugnaculis annexis vallo, aut extrajacentibus  
 munimentis, firmior. Sed antequam inclitæ ur-  
 bis obsidium peragam, situm regionis & occur-  
 rentes sæpe populos aperire haud frustra erit,  
 quia

quia non alibi attigimus. Transrhenanæ gentes, quæ Amasio includuntur, vetustam haud dubie claritudinem obtinent. Antiquissima, ut ceteras apud gentes, fabulis incerta, priusquam Romanum imperium cum armis rerum memoriam propagavit. tum Frisiorum virtus & fides nobilitata: Francorum nomen serius auditum, quorum pars Salii ab amne, quem Salam veteres dixere, nunc aucto vocabulo Isala creditur: & inde salicæ leges: Conditores & originem non harum magis quam totius Germaniæ memoriam, constanti etiam apud veteres opinione, indigenas esse qui colant, id est, qua primum tempestate mortales aucta soboles, vel cupiditas impulit, tentare maria, quærere sedes, fuisse qui & hoc ultimum Oceani littus sortirentur. Nec interim neque, partem Normannorum, & Saxonum, & si quæ aliæ gentes maritimam oram classibus tenuerunt, per eas regiones relictam, in mores & imperium coaluisse. Eodemque ipsi exemplo exundantem multitudinem proximas in terras & longius effudere. Sed maxime memorandum, regnis duobus, Francorum in Gallia, Anglorum apud Britannos, primordia istis finitimisque à gentibus duci. Qui domi status, quæ rudibus sæculis reipublicæ species, haud satis affirmem: nisi quod ultima ab origine reges præfuisse intelligo. neque id nomen infinitæ potestati: sed, quomodo per omnem Germaniam, summum arbitrium penes plebem & Principes erat. At postquam commune Germaniæ Galliæque imperium, & mox resolutum, quæ mediæ erant gentes in libertatem, Principes in dominationem traxere, turbida cuncta, nec quicquam diuturnum. Et Christiana institutio



non omnes apud gentes pariter accepta, ut animos, ita regimen dissociavit, dum alii, specie illecti sanctimoniam, sacerdotum imperia optant: sapientiores ducem potius & arma quarunt adversum barbaros, terra marisque ingruentes. Hinc bella inter ipsos, & quanquam de religione convenit, non tamen certamina desiere, quæ obtentu pietatis, atque inde vi & ferro, diversis artibus tractabantur. Sic Episcopi & Comites, divisim inter se Batavis, simul conterminas gentes, ut cuique proximum, raptuere. Nam Zutanienses ultra Isalam primi occurrunt, Geldria accessio: Hinc, quæ proprie regio Transisalana dicitur, & suis nominibus Tubantes, Salandi, Tarantii, Trajectinis Pontificibus tenebantur. At Frisiorum, quod intra Flævum est, post longam rebellionem, in mores imperiique Hollandiæ concessit. Qui ultra lacus sunt, diversam ripam bello & atrocibus præliis implicaverunt, victi sæpius quam domiti: quia Hollandi Principes dedignabantur precariè imperare, & ipsis avita, utque arbitrantur, imperatorum sanctionibus firmata libertas. Ita, in medium consulentes, suorum è numero summæ rei moderatorem legebant, Potestatis vocabulo. Sed munitissima antiquitus urbs Frisiorum, Groninga, oportunitate Amasii fluminis, & Germaniæ confinio, attollitur. Inde olim, super ingenii ferociam, spes civitati accesserat, ut totius nationis caput, mox Isala tentis imperaret. Quod cum negaret belli fortuna, Lavicam & Anasium dominationis terminos constituit, circumsecto agro gravis: quippe veritis distrahi mercimoniis, ni venum prius in urbem ferrentur. Munimentum hujus potentia

potentia postquam pactisque usuque juris no-  
 men induerat, externi Principes quaesiti, & saepe  
 mutati, quibus propugnatorum honore salvis le-  
 gibus tributa pendebantur. id lætum in præsens  
 dum gratia studetur: quæ postquam magnitu-  
 dine & invidia consumpta est, perniciēs exempli  
 patuit, insito Principibus quovis modo par-  
 ta retinere, coeptasque opes, si obsequio destituan-  
 tur, per vim intendere. Contumax igitur civi-  
 tas, nec libertate contenta, & servitutis impa-  
 tiens, tum vero & intestinis plerumque dissidiis  
 concussa, dominos sibi semper adscivit domino-  
 rum tædio, expers ejus boni, propter quod à po-  
 pulis arma capiuntur. Ita Trajectinos olim  
 Antistites experta, inde Saxonum metu ad  
 Transamasianos, Geldros, tandemque Austria-  
 cam ad domum devoluta, tantas inter jactatio-  
 nes gloriam semper aluit: retento per Austria-  
 cos jure, ut ipsa sibi magistratus legeret uno ex-  
 cepto Principis legato, qui supremo judicium de  
 rebus agri cognoscentium confessui præsideret.  
 Hocce bello, quo nihil immotum fuit, gravissi-  
 mis seditionibus agitata ad extremum sub His-  
 panica dominatione refedit, libertatis specie:  
 non, ut aliæ civitates, sacrorum dissidiis: nam  
 cum atrocissimæ leges in novam professionem  
 sævirent, undique exactissimum ibi perfugium  
 fuit: sed quia, ardesciente inter ipsos & accolæ  
 discordia, Fœderati proceres ex vero, aut in gra-  
 tiam nobilitatis statuerant: Callidior Hispanus  
 favebat urbi, unde in subjecta regimen. hoc  
 uno impulsu, ut desciscientem Rennebergium se-  
 querentur (adeo prima mortalibus ultionis &  
 odii libido est) religionem & fœdera projece-  
 runt. Præsidium, ut alibi memoravimus, asper-  
 •

M

naban-

nabantur : ita pacti cum Rege, qui alia quoque onerum levamenta indulserat : sed è plebe tria millia Hispano merebant. Peregrinus miles ad nongentos suburbana infederat : commeatum, machinarum, pulveris quantum vix usquam. Posita castra ab urbe longius, quo minus noxæ tormenta urbi inferrent, firmandis operibus contra vim internam externamque. Solida ac salubris planities rivos inter Hornam ac Sculendipum diffunditur, qui orti Tarantiorum paludibus per fossas Groningæ transeunt, & per Reidipam mari miscentur. Cum toti urbi ambiendæ non sufficerent copiæ, hinc illam oppugnare, hic & hostem, si adventaret, excipere placuit, effusis rivis ut cuncta circumjacentia stagnarent. Compertumque experimento, vicinas oppidis aquas non magis prodesse arcendis hostibus, quam nocere interclusis auxiliis. Duxit Princeps etiam rivos, quæis tormenta facilius castellis per agros passim jacentibus admovebantur. Deserta quædam facile in potestatem venerunt. Sed nobilissimum cui Adoardizylio nomen, cum præfectus constantius quam pro præsentis necessitate defenderet, acceptis pontibus scalisque, tanto oppugnatum est calore militum, ulcisci fociorum cædem anno ante eodem in loco patratam flagrantium, ut nec recepta sit sera deditio, nec, ut impetus fieret, imperium sit expectatum. Ita facta cædes, quam auxit ignis fortuito illatus. Hoc castello occupato facilius è Frisiis commeatus in castra adnavigabant; etiam Emdanis haud pauca mittentibus, donec Verdugo minis terruit, ne studium proderent. Eruptum & ex oppido & ex suburbio non inprosperè, continuos per imbres fatigatis custoditus

dibus novorum operum, quæ ambitione militari festinantius quam cautius promovebantur. Major mox cura, paulatim adfodiendi utrumque in latus portæ, quorum alterum valli propugnaculo, extrajacente munimento alterum defendebatur. Tormentis vehementer utrimque certatum est. Agger & ex humo opera retibus utrunque resistebant. pontes, portæ, turres, ædificia dejiciebantur. Et captis ad Verdugonem literis apparuerat nitrati pulveris copiam prodigo usu & casibus prope absumtam. Moniti ergo, ne à sociis deserti, quorum alios Gallia, alios suæ discordiæ distinerent, clausi armis, ruinam ultro iritarent. Responsum, non ut ab obsessis, sed qui antiquitatis & recentium memoria superbirent, maximis ducum non impune lacessiti. non eadem tamen mens omnibus, & dissidendi causæ. Plebis collegia, quorum major circa publica auctoritas, quam ipsis expediat, arbitrium omne magistratibus permiserant. Imminente nuper obsidio legatos miserant qui auxilia concirent. Sed securæ tanti discriminis Belgarum civitates, certantibus circa Præfectum novum studiis, profunderè sciebant pecuniam, uti nesciebant, cujus nunc penuria res maximæ amittebantur. Igitur fuere qui proponerent tradendam Duci Brunovicum urbem, sequestre ejus consilii Hohenloio, & si succederet, vicarium sibi imperium spondente. Sed eam spem abruptit obsidium: quo cœpto, modo ut mortui humarentur, modo rursus ut liberarentur captivi, aliaque specie, agitata sæpe colloquia: concessis etiam brevibus induciis, quas tandem oppidani prorogari postulant, donec responsum certius Bruxella peterent: quod me-

rito repudiatum. Præcipuus magistratum Iorgius, consul ante, & tum tribunus militaris, paci obstandans, armatus Iesuitarum vocibus, in se traxerat egentissimos vulgi, quibus nullæ ex publico spes meruisse. Hi hostium internuntiis pacisque laudatoribus minabantur exitium, non cæde, non rapinis abstinentes. Iam vineæ atque alia propius exitium ostentabant. Sed longe miserrima facies, cum missili igne noctes lucerent incendiis! densique & conglobati, ut domus, ut fortunas defenderent, ardebant & ipsi, aut globis lacerabantur. Postremo quid vitarent, quid tuerentur ambigui, implebant cuncta formidine & lamentis. Contra sacerdotes, & quos Hispanus stipendio obligarat, privatis commodis partium & constantiæ nomen imponunt. ausisque jam suburbano ex præsidio nonnullis trans fossam actis naviculis intrare urbem, his advocantibus, illis prohibentibus, flagrabat seditio, quæ initio haud incruenta, mox externo metu confedit. Princeps, ut bellum urgendo pacis consilia impelleret, maximum ex omnibus intra fossam propugnaculis, in quo arcis Albanicæ manebant vestigia, cuniculis suggreditur: & quo dolum alio conatu velaret, quassata machinis munimenta capturus impetu minatur. Simul ingenti oppidanorum concursu velut detrusi oppugnatores retro cesserant, accenso pulvere quem specus occultabat, dirupta moles excussam multitudinem in fossas adjacentes & longius intra castra effudit. pars vivi aperta humo mergebantur. Tum per ruinas ingressos milites (Scoti erant) quo minus inhaerentes fugientibus una urbem irruerent, ruptus asser qui pontis usum præbebat, impedit, locum tamen tenere, saccos

faccos arena fartos opposcentes ingruentibus telis. Iamque omnes flagrare in ulteriora, cædem poscere eruendæ urbis avidi. Hanc illam, cuius scelere cuncta trans Rhenum quatuordecim per annos exhausta bello aut corrupta. Tot castellorum excidia, atque agrorum solitudinem, cruentaque prælia vicem deposcere. Id documentum cæteris fore, ne vincendi dies tenerent inani pertinacia, & superbis ultro responsis illuderent. Quid autem gloriosius duci, quam rebellatricem in urbem, cædibusque suorum & spoliis ovantem, jus usurpassè victoriæ. Aut si generis injuriam, majorum ultionem publico posthaberet, non tamen servandam civitatem, iniquam vicinis, intractabilem legibus, nec libertati fidam, cui insurgens aliquando perniciem latura sit, aut, si domaretur, infamiam. Hæc coram: sibi quisque prædam urbis opulentæ animo præceperat. Sed Principi, quique aderant senatorum, ad reliqua belli perpetranda utilius visum, licentia sævitiaque in cives militem non imbuere. Sic preces & legatio valere, composita è variis ordinibus, etiam sacerdotum quæ mænibus egressa urbem, quantumque ejus ditioris, fœderi addidit, ut suis legibus pari jure cum sociis regerentur. Præsidium acceperè, dum nova imperia in consuetudinem verterent: & junctim Frisiis rectorem Wilhelmum Nassaviùm. Urbanus miles & externus incolumes abiire septimo calendas Augustas. Ingressus urbem Princeps Protestantium sacra restituit; ejectis simulachris, utque convenerat magistratus legit, maxime ex his qui ob religionem exfulaverant, valituris in posterum legibus. De accolarum discordiis, quæ olim per arina atque acies

exercitæ nondum federant, sociarum nationum ordinibus permissum arbitrium est. Atque interim Bruxella Hagam Orho Hartius & Hieronymus Comannus venire, velut privatum ob negotium ad Cinnacensis missi uxorem, quæ marito sevitiam fugiens, apud Batavos exulabat. De pace, non ut tanta res merebatur, sed obiter egerunt, ab Ernesto literas ferentes: quæis belli onera, veterisque obsequii & commerciorum bona differebat. Nec ullas unquam immortales discordias fuisse, paucas bello, pace plerasque transactas. Tum si qua perfidia hactenus formidaretur, at non Austriacæ domus incognitam virtutem, aut suspectum se pacis auctorem. **Quin** haud alia spe patriam, & fraternos penates deferere, quam ut redderet Mistianis gentibus veram fidamque concordiam. Convenire Ordinibus vicissim ne suas res prosperas, adversariorum ambiguas in discrimen & belli fortunam mittere mallent, quam tempus occupare, quo darent magis quam acciperent pacem. Ad ea Ordines, altius orsi, responderunt, de causa magnifice, pro sacris & legibus, quæ Maximiliano quondam imperatori placita Mathias Ernesti frater bello texerat. Inde implacabili Hispanorum rabie sibi in arma trusis, nequaquam ignotas bellorum vices. sed laborantibus & oppressis Deum adfuisse: & nunc, magnis societatibus ac sua virtute subnixos, illum eventus judicem malle quam hostem toties perfidiæ expertum. & ne sociis sine regibus arma ponerent, foederibus quoque se impediri. Simul exempla addebant falso ostentatæ vel irritæ pacis. neque nunc accidisse quicquam, cur sperarentur tutiora. Nam Philippum adeo veteres offensas non  
remitt-

remittere Christianæ paci, ut barbaros potius pateretur raptare Europam, quam desineret ipse aliena regna per arma & fraudes incessere. Quod literis convictum Philippi ipsius ad Wilhelmum Clementium scriptis, queis Cæsarem pollicitando lactare jubebatur, addito, ab imperio Hispanico vim Turcicam facile donis posse averti. Nec silebant Ordines, fanciendæ pacis solentia præfectis delegari: servandi jus & potestatem penes dominos esse. Quid denique spei, dum premeret Belgicam miles externus, & fluminæ rei compotes Hispani atrocibus consiliis Ernesti bonitatem convellerent? Iactabatur in odium pacis non paucorum inter Romanenses sententia, quæ diversa sectantibus servandam fidem neget: versa merito in ipsos commenti perniciæ, dum studio dissidendi hominum commercia abruptunt. Cunctis nimirum qui fas atque honestum suo in usu habent, nec ullo obtentu dedecus mutatur, & ne diu perfidia fruatur, ipsi adversum se documento sunt. Plebs etiam, quam primum bellorum pœnitet, recentibus hostium flagitiis in iram novata omnem concordiaæ spem averfabatur. Namque Hispanus, tot inclytam victoriis Mauritiæ juventutem, & duplicis regni fœdus metuens, usque adeo magnitudine periculi infamiam contemserat, ut cunctis percussoribus singulos per ictus conficere destinaret, quod vix totæ acies præstarent. Nec aliud unquam tempus ejusmodi flagitiis fœdus fuit, ut nemo veram ab illis pacem speraret, qui jura etiam armorum & concessa odiis egredirentur. Anno hoc ipso quo colloquium petebatur, sacerdos Nainurcensis, deinde miles alter transfuga, suspicionibus præventi, ex ipsa vul-



rus inconstantia, ut difficiliter leguntur ta-  
 sceleris meditantia, mox tormentorum  
 tu, ordinem insidiarum patefecerunt, quod  
 Princeps, & frater Henricus Fredericus, atque  
 alii eminentes in republica viri petebant  
 propriis quisque de causis: Leoninus, quo  
 partibus regiis descivisset: Aldegondius, qui  
 ad spes in Regem perfidas excitasset Par-  
 sem! Oldenbarneveltius, quod adversus per-  
 crederetur. Michaël Renichonius & Petrus I-  
 rius fontium nomina: sed rectius auctores ede-  
 tur, qui in conspicuo positi & gloriæ capax  
 huic se probro obstrinxerunt. Fontanum igitur  
 & Ibarram Hispanos, Stanlæumque Daventri-  
 proditorem, atque è Belgis Lamotam & Ba-  
 læmontium, veteris in Nassavios odii heredes  
 simulque Affsonvillam, Arausiana cæde jam  
 olim maculosum, reperta apud reos indicia, a-  
 sponte fassi, postquam certa mors, neque  
 spargenda culpa pretium erat, prodiderunt.  
 Etiam Ernesti pollicitationes, atque hortame-  
 ta referebantur: ad Renichonium quidem, la-  
 go se fœnore pensaturum: ad Furium hæc ipsa  
 si id præstas, quod mihi polliceris, ut Tyrannum  
 mactes, recta te via in Paradisum ducet,  
 nec deerant, qui hoc argumento tranquillum  
 ejus quod credebatur ingenium contra interpre-  
 tarentur, quæsitumque arguerent modestiæ vir-  
 tum, quo tantam feritatem occultaret. Comar-  
 nus certe & Hartius, dum in Batavis agunt  
 erumpente Renichonii scelere, Ernesti ullam in  
 eo culpam negabant: addentes paratum & Ba-  
 læmontium, si venire fide publica datisque ob-  
 sedibus liceret, coram dicta refellere. Sed cui  
 non alia lege admitteretur, quam ut evictis  
 poenarum

pœnam subiret, conditio repudiata est. Sub idem tempus Lodovicus Lopes Lusitanus, sed Iudaicæ originis, medicus per Angliam, comprehenditur, qui quinquaginta millibus ducatorum ab Hispano sibi promissis spem fecisse veneni in Reginam indicibus & literis convictus, cum consociis crimen supplicio expiavit. Auctores rei dicebantur Christophorus Morus, & Fontanus quoque, & Stephanus Ibarra, tum Bruxellæ agentes, quos Elisabeta datis ad Ernestum literis perstrinxisse contenta, concitores talium Iesuitas nominabat, & communis exempli causa dedi sibi postulabat, non id adipiscendi spe; sed quo Hispani famam magis oneraret. Aliorum quoque similes molitiones prorupere, mirum quanto proventu hominum, quorum par ad promittendum & ad indicandum scelus levitas erat. Auxitque Iesuiticæ sectæ invidiam in Gallia, sine hujus anni, Ioannes Castellus, juvenis ipsorum ex disciplina, persuasusque à magistris nulla illi regia jura qui à Romana Ecclesia alienus viveret. Is ergo revertenti ex Picardia Parrisios Regi cultrum in jugulum direxit: sed flexu corporis ictus in dentem incidit. Id facinus Parrisiorum Senatus, non contentus ipsius supplicio, diruta quoque altrice domo, & mole superstructa, quæ facti memoriam præferret, tum & Iesuitarum exilio expiavit. Namque his præcipuè talia & Batavi & Angli & Galli imputabant, ut qui pietatis & fortitudinis laude incendant juventutem, additis & veteri copia exemplis, quoties Tyrannos publice nocentes privata audentia depulisser. Ea de secta, quoniam occasio tulit, nec alii plus in partes contulere, pauca differam. Auctor instituti Ignatius

Loiola, Navarrico bello ad Pompeiopolim vulnere debilis fortem adhuc & militarem animum quietiores ad curas retulerat. accessitque ambitio condendi familiam, cui in spem futuræ magnitudinis, non hominis alicujus eximii, ut tum mos ferebat, sed ipsius Iesu nomen præscripsit. Aggregati quibus nova volentibus erant, incredibili studio duo maximè percoluere vim Pontificis Romani, & opes Hispaniæ. primique in causam labentem egregia præsidia induxerunt, & neglecta hæcenus, mores inculpatos & bonas artes: crebris certaminibus exerciti varias adversus religiones, quæ per ea tempora Romano nomini insultabant. Aucta per Americam & Indiam gloria, dum feras inter gentes Philippo imperium Christiana institutione circumdant. Claraque prodigia velut ipsis evenerint, per locorum longinquitatem celebrantur, fiducia affirmantium, & credendi facilitate. Cætera reipsa aut in speciem abunde sunt. Fidem & pudorem sunt in quibus requiras. Magna in vulgum auctoritas ob vitæ sanctimoniam, & quia non sunt mercede juvenis literis sapientiæque præceptis imbuuntur. Sui per urbes & populos præsides. Cunctis per orbem unus imponitur, ut plurimum gente Hispanus. Sapienter imperant, fideliter parent. Transgressi in morem non una habitant omnes. angustum videbatur societatis incrementa parietibus includere. dant nomina & conjuges, nec quicquam prius docentur, quam mortis metum & cunctos hominum affectus exuere. Sed maxime adsciscitur, si quis ingenio ante alios, aut sanguine divitisque pollet. Vfus in singulis. nam ingenia distinguunt non minus prudenter, quam

eligunt, ut quem facundia aut scribendi meditationibus sperant clarescere. Per suorum nobilitatem maximis consiliis miscentur, explorandi sagacitate, & quia ad eruenda arcana nullum vehementius tormentum religione est. Opes legatis ac muneribus in se vertunt. quas per artes novissimi omnium brevi sectas priores fama & opulentia vicere, hoc ipso cæteris invisi & tanquam è diverso mores exprobrarent. Sed super æmulantes evecti, tenent Principum domos, laudabili temperamento. quippe mediū scedum inter obsequium & tristem arrogantiam, nec fugiunt hominum vitia, nec sequuntur. Præcipuum id Hispano dominationis instrumentum, quo domi concordiam retinet, quo turbat externa. Nam eorum mentibus infusi, qui Latina sacra adorant, per Galliam & Angliam ipsosque Batavos, hic pro regno disserunt, ibi contra regnum. & quanquam capitis supplicio finibus arcentur, non obstat periculum quo minus audeant fallantque. At imperator pacem quantumvis repudiatam, & quibus dixi sceleribus invisam, non desinebat retentare, super commune Germaniæ velum, fraterni decoris cura. Et, ne monere tantum videretur, habito Ratisbonæ Principum ac civitatum concilio, decerni curaverat, armis coërcendos, qui perpetuæ bellorum miseriæ seque & finitimos damnarent. Quæ ut erant inania nec voces unquam & minas transitura, ita accipiebantur. nam imminente Pannonicis urbibus tum vel maxime Turca, curæ & vires Germaniæ ad externa non supererant. Eodem anno egregium Fœderatis Ordinibus ac gloriosum fuit exciri ab Iacobo Rege Scotiæ, juxta Galliæ, Angliæ, Daniæ

Reges ad Baptisini solemnia filio celebranda , quem primum illi conjunx dederat , Regis Daniæ filia. Respondet honori liberalitas egregiis in regium infantem muneribus testata , cui Henrici Frederici nomen inditum est. Simul veterem cum Scotis amicitiam , atque inter gentes commercii jura quæque alia Belgarum cum Principibus , ac postremo cum Carolo pacta recolluere. Sed frustra armorum societas affectata apud Scotum Danumque , & eidem affinitati innexos Germaniæ principes , quibus tuta ac illæsa quies , nec satis causæ , cur alienis armis se interponerent. Facta sane per Scotiam spes non sine causâ Hispanis infensam , qui per annos aliquot , ejus regni quietem factionibus turbant : unde acerbiora in Romanenses jura , & hinc auctis odiis reperti qui justissimam Jacobi spem in Angliæ regnum in Hispani filiam transferrent , argumentis sane absurdis , sed quæ animum ad inferendam injuriam promptum ostenderent : verum formidandæ potentiæ cunctis obviam eundi initium & Scotus & ceteri principes in alios alii rejectabant. Reversa per Angliam legatio , cujus Princeps Waltravius Brederodius in clyta stirpe dignationem rei publicæ præferbat , Iacobo Valquo comite , de rebus fœderis consultavit. Ibi munerum invidia patuit , quæ gratia Scotorum Regis ambita erat , objectante Regina ut externæ opis egentibus intempestivam magnificentiam : neque tam regalis ingenii more , neminem fastigio suo accedere ferentis , quam quod callida mulier , & quæ inter munimenta potentiæ haberet successionem tenere in incerto , nollet proximum regno & sanguine Principem vicinorum studiis hæredem destinari.

ri. Igítur, qui mos irascenti, veteris debiti portionein exigit, & ni satisfieret pacem minabatur: quæ inodeste excusata ad tempus quietem habuere. Atque interim, quo offensæ redimerentur, obtemperatum poscenti, ut suam ad classem naves & pecunias adderent, quibus Hispani Britannia Gallica arcerentur. Nam validis portubus confidens hostis possessioni maris, quod Hispaniam, Galliamque alluit, utroque è litore imminebat: Vnde & Angliæ metus, nec satis tuto Batavis occidens navigabatur. Iunctæ classes plerisque maritimæ oræ munimentis hostem depulere. At Transrhenanis in partibus, post captam Groningam bellum stetit: quanquam erant alia quæ spem & pretium laboris promitterent: sed instante Buzanualio, Henrici Regis legato, magis ex æquo visum, postquam sua recte processerant, socios respicere: quia tum per Belgarum & Galliæ fines acriter certabatur. erant qui retento milite pecuniam Regi mittendam censerent. Sed obstitit Buzanualius Regem dictans milite rectius quam pecunia uti didicisse. Tantaque ejus habita est ratio, ut & spes egregiæ, & facti jam suntus in expeditionem novam continuo posthaberentur. Miles Hispanus, qui Gallicum ad limitem turbarat hætenus, postquam æra & jus licentiæ acceperat, exclusus urbibus, ne per otium peiora auderet, duce Cimacensi Cameraci ad obsidium habebatur. Namque urbem Philippo quondam possessam Balagniacus, ubi memoravimus, imperii Gallici nomine, & suo dominatu invaserat, Princeps Henrico dictus: inde vicina populabatur. Deerant cuncta obsidijs adhiberi solita: etiam comineatus. Ne nihil agerent, clau-

fere urbem eminus & segni custodia Hispani, amicarum gentium agris, quam hostibus terribiles, nec ultra mutari quam ut seditionum scelera sub imperio usurparent. Interdum & à Gallia prædæ agebantur. At Henricus plerisque perduellium perdomitis vere jam regem ferens, eoque virium auctus, ut, qui sua ægre hætenus tueretur, jam vindex & paria ultro minitans adesset, Philippum edicto increpuit, quod ne probabili quidem obtentu, quæ annis ante viginti & quinque ipsi cum Gallis pacta, rumperet. Avito se imperio contentum, quod cœlesti providentia magnificum per se & augustum haberet, abstinere alienis; neque cum finitimis Belgarum civitatibus armorum sibi causam, nisi quam ipsius injuria fecisset. Hænovios igitur & Atrebatas ac cætera servientium nomina hortabatur, proturbare Gallico & Cameracensi solo externum militem invisum cunctis, & tantum ferentibus gravem, quem nemo impune nisi hostis odisset. Quod si præstitutum intra diem fieret, regesturum eo tela, unde in se mitterentur. Silentium se, velut negarent, accepturum. Attamen civitates respondere non ausæ: sed brevi Philippus Romanæ pietatis studium, sinumque cum Gallis fœdus memorans, Benearini Principem (nec enim alio nomine dignabatur) qui frustra religionis quam semper oppugnasset cultorem, & Galliæ regem imitaretur, armis undique persequendum pronuntiavit. Ea sero, postquam totum per annum Belgicis finibus signa cecinerant, juris simulachra adhibebantur. Sed extremo bello ducem Henricus Turrium dilegit Vicecomitem Turenæ, aucta tum in nomine Baillonum dignatione, & Mauricii affinitate.

tate inclutum, cujus sororem Elisabetam Borbonii per matrem generis in matrimonium acceperat. Hoc justior cura, auxiliis & belli gloria attollere principem super jus foederis, privata necessitudine devinctum, & regis gratia florentem. In Luxemburgiam terram conferre bellum placuit, quod Italicis Germanicisque dilectibus isthac iter foret. nam spes Batavos inceserat, si novæ copiae arcerentur, posse veteres nec multas adeo, nec sane concordēs sponte Belgarum, aut coeunte bello intercipi. Sed properanti in auxilium Philippo Nassavio viginti & octo peditum centuriis (viginti solas polliciti Ordines ultro numerum auxerant) nuntius occurrit, acceptis quatuor Helvetiorum militibus Carolum Mansfeldium medio vagari. Igitur praesidio itineris quinque turmas ductante Verio assumit, compositumque agmen, ne quam prementi Mansfeldio occasionem aperiret, trans amnem Mosellam ducit Mediomatricum finibus. nam interiora cuncta hostis praeceperat. Turmarum pars maxima, impetrato aut vi quaesito per Germaniam itinere, in Batavos reversa. Vix magnam equorum iter longinquum absunxit. Sed majus in partes damnum, quod procul domo eques licentius agens, per rapinas ac stupra multorum, aut ob religionem aut alias ob causas Batavis faventium animos avertit. At Bulionius, mandata quidem maximarum rerum habens, sed vires haud juxta, nec Lucemburgi ausus obsidium, postquam socias cohortes acceperat, Parrhisios consultatum ibat ingravescente jam autumno. Patuitque eventu, multo ad rapinas usu, magno domi & damno & discrimine auxilia festinata. Ac quo mirius & subito & acerrimo gelu



gelu Batavorum intima irrumperentur non tantum consilia, sed mala hostium obstinere: Nam regium per exercitum translata seditio, priorisque tumultus finis alteri initium dedit. Ea rabies & sua magnitudine & remediorum atrocitate ceteras longe antecessit, quia non per singulas cohortes, sed inter nationes, nec circa fines, sed in ipsis Belgicæ visceribus certabatur, veteremque flagitiis causam, militarem avaritiam, invidia accenderat. Itali, gens natura æmulatrix, soluta Hispanis stipendia, cum & ipsis deberentur, posthabiti in contumeliam trahabant. Pauci primo conquesti, tum sibi laborum & sanguinis pretium periisse, cum ille, columen partium & iustius in omnes virtutis æstimator Parmensis, quomodocunque mortuus, gaudium sane & insolentiam Hispanis attulisset. Nunc palam despectos circumagi paucorum libidine, qui Ernesti ingenio & regis opibus illuderent: At hercule & sibi arma queis adversus peculatores debitum vindicarent: nec posse exemplum illis displicere, qui eadem fecissent: aut si quis obfisteret, sensurum quos viros Italia daret, Hispaniæ victrix illius olim veræ, non, quæ nunc ita diceretur, fæda pessimarum gentium colluvies, & cui fastus ac crudelitas procunctis virtutibus sint. Nec jam tantum manipulares, sed præfectorum fortissimi eadem loquebantur: quibus incitamentis, velut lymphati, omnes ejus gentis signa Sicheum contulerunt; Brabantia id oppidum munitionibus ac situ placuit, unde prædæ ab agris & Bruxella usque petebantur. Accessere & aliæ gentes, Galli, Hiberni, Epiratæ, & ab Italia usque veterum qui olim apud Belgas militaverant, pacis obtentu &

spe

spe præmiorum, nullis prohibitis præter Hispanos: rarumque ejusmodi motibus, aderant præpositi, quasi de gentis cujusque gloria quaereretur, non ullo jure potestatis, sed ita pol-  
 lentes, ut se quisque notabiliter turbando mili-  
 liti approbaverat. Centuriatus in dies lege-  
 bantur. Signum factioni suæ, quam militari  
 facetia rempublicam appellabant, apium exa-  
 men fecerant præunte rege. Tributum in-  
 dixerant agris, & vectigal præterea cunctis  
 quæ ex agro evectarentur. Fovebant seditionem  
 arcanæ Mauritiæ Batavorumque artes, ob  
 metum, ne si rediret concordia, improviliū  
 aliquod vulnus acciperetur. Iam quippe, per  
 dies ferme septuaginta, continuum gelu palu-  
 des amnesque ferendis etiam machinis dura-  
 verat. Simul dum hostilis ager, inde Gallo-  
 rum bello, hinc ipsorum tumultu, rapitur, clau-  
 sis primum, quo inopiam intenderent, & mox  
 ingenti pretio reductis commearibus, ærario  
 consulebatur. Auditi igitur benigne quos ipsi  
 suorum ad Principem miserant, narrantes nul-  
 lo se natalium jure, per stipendia duntaxat,  
 Hispano obligari: atque ea ubi non solveren-  
 tur, haud ultro devinctos sese. Ac si quis op-  
 pugnatet, ususque lege naturæ, quæ animantium  
 cuique sui tutelam commendasset. Factæ cum  
 illis induciæ: Cuquivum quoque agrum, in  
 quem paterna Principi ditio, tributa poposce-  
 rant; negantesque rusticos defendere parabat  
 Hermannus Hereimbergenfis, rogato Principe  
 id saltem permetteret. Sed major hic quoque  
 militis, qui vim partium destrueret, quam im-  
 bellis turbæ habita est ratio. Quæ ubi in cū-  
 riam & quidem Hispanorum verbis in deter-  
 rius

rius perlata sunt, dubitatum sententiis, dum comitate perinnlcendos alii, ferociore, & quibus gentile odium erat, dandum exemplum putant, ne quoties ad diem pecuniæ non adessent, exuere obsequium miles insuesceret. Irritabat etiam moderatiores animos temporis ratio, quod cum maxime usus operæ esset, nullis conditionibus paruissent. Nec illos fugiebat duriora in se consilia haberi, quin calliditate gentis eintos per exploratores cuncta noscebantur. Et quidam primores ultra favebant Italii odio & intolerantia Hispanorum. Victus, munitiones, quæque bello idonea modice provisæ erant, cum Hispani valido se agmine eandem in regionem inferunt. & primum alios conatus simulare: Postquam his artibus neutiquam Italii pares erant, serio claudere egressus & circumfessis inoliri famem. Mox & manus collatæ, nec incruenta castellorum oppugnatione: tantumque savitiæ, ut in Hispanorum castris clam trucidati ferantur, qui providentia seu alio affecti ea consilia perhorruerant. Id vero nemo jam ferre, illos ab eodem flagitio recentes in aliis vindicare, quod toties sibi permitterent. Ita pessimum exemplum utrique instituerunt, hinc ut eodem sacramento obstrictas gentes mutuo sanguine efferarent, inde ut pro hostibus habiti ab hostibus opem poscerent. Nam prior aditus Rex Galliarum, quod manente injuria auxilium præstaret, & tot fortium virorum manibus uteretur, ad Mauritium ut propiorem relegaverat: qui cum factas inducias datis utrinque obsidibus firmavere. Tum castellis exuti, nec satis in oppido fiduciæ erat adversus ingruentem exercitum & machinas,

agmen

agmen conjugibus & liberis grave per incustodita hostibus nocte & silentio movent. Hiberna Sylvaducis non procul posuere, tuti tergum ac latera, cum Breda urbs, Hæfdaque & Gertrudisberga accingerent; parata laborantibus suffugia, atque interim latebræ inutili vulgo. Bellique seu victus copiarum deessent, haud secus quam socios inter commeabatur. Et Princeps benignitatis famam nec in hoste aspernatus, instruxit machinis, addidit equitem quo valentiores egressi subjicerent agros tributis, aut populabundi ulciscerentur. Sic infensissima ausi, & nondum transfugæ, tertias velut partes in bello fecerant. Militi mox Ernestus, qui impunitatem, stipendia, missionem pollicerentur. Sed cum interceptis ex literis, subesse dolum & poenam imminere cognovissent, suspecta diu omnia habuere. Nec alia circum quietiora. Nam equites peditesque haud pauci, cum Verdugonis castra deseruissent, rerum omnium adacti penuria, adiuti à Cliviis, trans Rhenum, atque inde in Brabantia proxima concessere. Et qui Dunquercæ præsidio erant, quique Amandi fano & Capellæ, obsequium detrectabant. Ipsi denique Hispani paulo ante pacati, iterum deficiente stipendio, fano Paulino seditionem resumserant. Causæ tot malorum, dispensandæ pecuniæ vetus jam incuria, & minoribus quoque corrigendis impar Ernestus, & classem Americanam ventis, morbisque tardantibus, concussa, ut sæpe, Hispani fides. Pars damnorum & ab Anglis, quorum hoc anno, ut per Australia America improperi conatus, ita in Brasiliam iter irrupto Fernambuco prædæ opimum fuit. Secuta hyems, ut retractis ad Came-

raci

raci obsidium Hispanis inclementia frigorum & inopia pestilens fuit, ita Verdugoni in Frisios & Groningæ proxima iter præbuit, populatio-  
ne duntaxat & villarum incendiis grave. Sed  
resoluta mox glacie hausti quidam, terrorem in  
alios sparsere. Et jam reversus ex Germania  
eques Fœderatorum, ne idem sæpius audere-  
tur obstitit. Eademque hyems per eluviones in-  
festa Batavis. Nam postquam gelatis diu anni-  
bus retenta vis aquarum, simulque summis in  
jugis nives tabuerunt imbribus adauctæ, Mosæ  
& quocunque se nomine Rhenus dispergit,  
cæteraque fluminum circumfusa ripis, moles ob-  
jectas multa pecoris & agrorum strage perru-  
perant. Fine hujus anni incerta nobilis judi-  
cii expectatio animos omnium oculosque  
erexerat, dum severitatem alii requirunt, alii  
inquisitione nimis anxia datum causantur æmu-  
lantibus nocendi obtentum. Arnoldus Dor-  
pius, Zirixæ quondam vi Hispanorum ob-  
sessæ præfectus, & apud Arausionensem mul-  
ta dicendi libertate versatus, ita res suas alienasque administraverat, ut objectum invidiæ  
Divitis cognomen apud vulgus acciperet. Is  
morte Arausionensis extra res positus, à Me-  
nenio nuper ex Danica legatione reverso, pacta  
quædam cum Dano inita acceperat. Evénit  
ut mox Dano eadem objectarent legati ab Er-  
nesto missi, quærendæ illic societati & quod in  
septentrionem navigatio Batavis turbaretur.  
Ita deprehensum enuntiante Dorpio emanasse,  
arcanum. Hinc orta in ipsum graviore suspi-  
cione, dum chartæ pervolucantur, apparet li-  
terarum exemplum, queis hortabatur Erne-  
stum, ut composito ad latendum habitu iter  
capta-

captaret, mox ubi Hagam venisset, semet professus impermixtum hactenus bello, nunc pacis auctorem, adversantibus metum à plebe, sui que & concordia studiosis fiduciam adderet. Sed cum exercendi ingenii, nec alio fine scriptum constanter asseveraret, carcere liberatus, domique servatus, deinde datis vadibus dimittitur, paulatim, ut fit, evanescente iudicii calore, & ut in potentia plurimum, parabili venia. At Menenius, qui ex iudicum Hollandia confessu publico ad civitatis Dordrechtensis adfessionem descendens reipublicae partem se fecerat, ab ea tandem amotus, scribendis mox patriae annalibus, omnia mercede, adhibetur, non tam spe ulla laboris, quam ut otium viri, valentis ingenio ac literis, animo inquieti, honesta imagine velaretur.

HVGO.

HVGONIS GROTH  
HISTORIARUM  
DE REBUS  
BELGICIS  
LIBER QVARTVS.

**N**EVNTE anno Bruxellam Ernestus concilium advocavit, præfatus de rebus maximis acturum: quod in speciem egregium, quasi jura & leges firmaret: sed non prisco more Ordinibus facta potestas de re publica judicandi. Antistites tantum & nobiles convenere: quia nobilitati gratia & auctoritas sub dominatione: & sacerdotes vinculo religionis fide habentur. plebs ambigua & cujusunque pacis cupiens. ideoque nisi in tributis, fere non auditur. Vbi cum susceptos pro concordia labores graviter elocutus, in cætera consilium posceret, Arschotius, primæ inter Belgas dignitatis, arripuisse dicendi facultatem his verbis dicitur. Majores olim nostri, nullis odii causis, nisi quod jubebantur, arma validas in gentes maximeque in Gallos cepere: nec illos periculorum pertæsum unquam est, & quæ mala bello trahuntur, dum Principum magnitudinem propugnarent. Itaque res maximas illorum virtute & prudentia patrari contigit. At nunc non arma & consilia,

lia, sed miseriæ, æruinæque nostræ usum habent, bellumque, ut vos dicitis, civile civium manibus non creditur. Quid igitur! pacem flagitamus! Imo jam dudum hanc curatam oportuit, cum essent adhuc, quæ vellemus servata, nec recendia urbes, vastitas agros, inopia domus etiam futurum in tempus stravisset. Quod si triginta per annos continuatis cladibus otium nondum meremur, altero nos saltem bello absolvite. In Gallos imus? secūra à Batavis tuta præstate. Sin hos ulcisci prius videtur, atque ita necesse est, quiescant spes nimix, ne de nostris periclitemur, dum concupiscimus aliena. Sed enim oblata pax est. ita sane. Quam igitur belli causam Gallus, quam pacis moram Batavus adfert? nec enim suis arbitror, nec nostris quidem malis dejectantur. Arcendum clamant peregrinum militem, inclementem illum ac fastuosum, & nostris moribus infociabilem, cui modestiæ nihil unquam, fidei tantum quantum expedit. Hæc nos in illum inique & hostiliter dicta credamus, si non hostilia magis sunt quæ ab illo patimur. Interroga Atrebares, interroga Hænovios & contiguas gentes, cui tam uberis agri possessores famam impurent. Aliqua dicent Gallos rapuisse; Hispanos omnia, similesque alios qui discordes inter se, tantum Belgarum in perniciem consentiunt. Ita sub militiæ & seditionis nomine nos præda sumus. neque hac stetit injuria. etiam externis regendi tradimur: Adeo nemo nostrum illis sapit, atque ultro patientia ludibrio est. Quorum si lubido plus nostris querelis valet, placetque vitia dissimulando alere, tandem audebimus, quod orbi Christia-



no & optimo regi ipsa necessitas satis excuset. Loquentem adhuc primi utriusque Ordinis circumsteterunt multo assensu & velut læti repertum qui cunctis intra animum agitata palam efferret. frementibus interim Hispanis. Nam aderant nonnulli. Fontanus confessum vitaverat, quia præponi Arschothio non sperabat, & sequi dedignabatur, ita veræ potentia cupitor, ut inania non contemneret. Hunc ego Arschothium cunctis belli hujus tempestatibus magna animi fiducia fuisse comperio & qui indubitata in Principem fide non tamen externorum libidini gratificaretur suam dignitatem. Sui plane juris & libertatem impune ferre solitus, regios ministros illudebat, quia & horum superbia cunctis invisā, nec ipse ultra voces metuebatur. Et tunc prope ultima senectute securus ista velut oracula popularium mentibus affudit. Sane post pacis Gandavensis tempora nunquam Belgarum in Hispanos infensus odium: & uti potuisse Batavos sunt qui credant, si ut olim sub Arausionensi, ita nunc quoque non penes multos regimen, sed unus vim imperii atque amicitiarum arcana tractasset. Veteres irarum causas incenderant in maximis Belgarum miseriis nimia potentia Hispanorum, & ipsi propriis quoque moribus invisī. Fontanus, multus somni atque epularum, etiam in adulterio Antverpiæ deprehensus, agrè vitasse exitium narrabatur. Stephanus Ibatra, probatoris ingenii & diligentia, sed eas laudes superbia corrumpebat: quæ ipsi ac Carolo Mansfeldio acerrimi diffidii causa: nec multum ab cade. Stephani Carolus abfuerat: arripuitque hunc obtentum Hispanicus miles, ut  
nisi

nisi à suæ gentis ducibus regi noller. Christophorus Morus consilii bonus, ut qui cum Idiaqueo Hispaniam regeret, jus domesticæ potentie hic quoque usurpabat. Didacus vero Ibarra etiam queri per literas apud regem ausus, quod Hispanis exigua apud Ernestum auctoritas eaque maximis malorum causa. At Taxis, introspectendis periculis callidior, suadebat mulcere Belgas procures multa honorum specie, manente penes Hispanos pecuniæ regis cura, qua tacito nexu cætera quoque ad se traheret. Audito Arschotio Ernestus natura cunctator, & gnarus hac optime ratione impetus retundi, consulendum Regem respondit, cui se suaforem fore eorum, quæ ad concordiam pertinent. Hæc spes animos sustinebat: sed non & mala pariter differebantur. Nam postquam arma reges indixerant, possessis Lucemburgiæ minoribus oppidis, quæ non adversus eam vim erant, Bulionius circum & longius sita omni clade pervastabat. Et cæsis primum aut fuis quatuor Philippi Nassavii turmis, quæ anctu annuum & hostilibus insidiis circumventæ erant, majore mox equestri prælio victor fortunam purgavit. Validas in urbes dolus magis quamvis parabatur. neque ideo successus adfuit. Vnus sane casus juvare partes & bellum per eos fines incendere potuit, si non difficilior esset servare quam quærere: quorum hoc audacia & sæpe temeritate conficitur, illud curæ & bonis artibus indiget. Hoia Leodici oppidum est, quod ex majori & inelyto quondam barbaricas post incurfiones restare auctores sunt, & situs persuadet interficiente Mosa, quem torrens irrumptit violentior quam pro copia.

N

aqua.

aquarum. is urbi nomen dedit. Solum circa ferrariis asperum, gentis suæ ingenio responderet. Pons arcuato opere. qua dextra ripa surgit, imposita colli arx subiecta late despicit, dilectus Episcopis secessus locorum amenitate. neque minus tamen arduo positu adversus oppugnationem consultum. Sed dum juri & paci fiditur, nequaquam multi in præsidio, per otium atque epulas velut supervacuo munere fungebantur. Parique neglectu ædificia in rupe erecta solum arcis æquabant. Horum unum conscio possessore, machinator talium Heraugerius, qui Brædam sibi captam præfectus regebat, triginta militibus compleri jubet, qui noctu per scalas & fenestram emissi, primum usi silentio, deinde crebris tuborum ictibus prospectum adimentes undique, captos custodes vinxere. Dubia adhuc luce cum equitibus sexcentis, mille quingentis è cohortibus dux ipse aderat. At oppidani, quanquam primum ad tumultum arma corripuerant, ubi tantum ante portas militum atque alios supra caput aspiciunt, ad geminum terrorem animos submisere. Tum Heraugerius disponere præsidia, innittere equitem campis, perque gentes intra Mosam Hispano subditas tributa describere. Id belli facinus pacatum in Principem & utcumque infesti in Batavos animi, certe cui ritu belli denuntiata non esset hostilitas, Hispanis facilius, quam ipsi excusaveris. Neque enim dissimile erat, quod Bonna, quod Berca, bello quidem olim capta, nunc alia Agrippinensium pace, tamen retinebantur. Cum igitur res repetitum misisset Boioarus Leodici atque Coloniae antistes, responsum est ab ordinibus

magis

magis è præfenti usu, quam gentium jure, non quò ejus imperio aut civibus noceretur, sed contra publicum hostem oppidum cœpisse, reddituros, simul armaponerentur. Neque recte Boioarum in ipsis incusare, quod Hispano permetteret. & conditiones repudiata, quibus ad reddendum invitabantur, haud sane iniquæ, ni loci oportunitas contra suasisset. Magnum quippe arx ipsa itineri præsidium, quo Gallica arma Batavicus tutius jungerentur. & in oppido placuerat Italos desertores longe Batavorum à finibus & multam inter prædam seponi. Vbi sperni se Episcopus, aut prolatando eludi videt, conducto tyrone & auxilium peditum mille quingentorum, septingentorum equitum, quindecim cum machinis ductante Lamota, utraque ripa in obsidium tendit. nam regii duces ultro obtulerant operam, ut quorum non minus quam Antistitis interesset, ne Mosæ supernis & agrorum annexu Batavi potirentur. Nec honesti species aberat, quippe cum Philippi Burgundi, Philippique primi Austriaci foederibus Leodicus ager in fide esset Brabantiæ Principum. Oppidum haud satis firmis munimentis irruptum scalis ac per ruinas, & cæsi qui restiterant. Pars maxima in arcem refugi propinquo è colle, quem solo arcis celsiorem antecapere Batavi neglexerant, tormentis, infra & cuniculis petebantur. Aderat enim ingens accolarum manus, queis metalla scrutari solitis, non ignotus fodiendi labor. Indicaverat Heraugerius teneri diu præsidium posse, atque ea spe auxilia contrahebantur. Sed veritus tandem ne pervia non essent itinera fluvius superstagnantibus, quanquam erant in arce

suffugia & trahendi artes, iram obsessionis de-  
 ditione prævenit: notatus à multis ut subitis  
 melior, quam patientia periculorum. Ipse pro-  
 missam sibi à Bulionio, ac Italis Sicheinianis  
 opem, nec respondisse eventum querebatur:  
 murumque, præcipuam defensandi fiduciam,  
 qui solidus credebatur, apparuisse mox duobus  
 ex parietibus compositum ac medio rudere  
 dissoluto patescentem, intima quoque arcis  
 hostium verberationi nudasse. Egressi quo mi-  
 nus militum manibus discerperentur ab Hispa-  
 nis ducibus protecti sunt tanta sane fide, ut fue-  
 rint qui gladium stringerent, pro hostibus con-  
 tra socios. nam cum ipsis pepigerat Herauge-  
 rius, non immerito timens ne à Leodicensibus  
 sibi belli jura non servarentur, Episcopus hos,  
 qui fraudis conscii fuerant, puniisse haud con-  
 tentus, civitatem quoque libertate veteri  
 exiit, ut minus sibi fidam: sed nec in Herau-  
 gerium desit querere ultionem, ignaviam,  
 ipsi objectans, & transmissa literarum parte,  
 qua de Fœderatis Ordinibus minus reverenter  
 loquebatur. Periclitatum apud cæteros Mauri-  
 tius, & qui cum illo conscii capiendæ Hoie  
 fuerant, defendere. Non diuturna alienæ ur-  
 bis possessio fuit: quadragesimo atque altero  
 die recepta est: & facti periiit fructus manente  
 invidia. Ac forte evenerat, ut, quo die mox  
 amissæ arcis nuntius nemine expectante adve-  
 nit, Ordines, freti firmitate loci, legatis Epis-  
 copi ferocius responderent. Hoiam se reddi-  
 turos ubi Bercam hostis reddidisset. At Hispa-  
 nus ad Bercæ possessionem Hoiam quoque ad-  
 iunxit, captamque tenuit, donec solutis impen-  
 diis, & ab illis finibus hoste amoto, tutum  
 possea

postea putavit reddere. In hoc quoque pietatis gloriam quæsit Philippos, prædicans in illo se de suo largiri Leodiensium Ecclesiæ per Belgas antiquissimæ, quam quæ ipsius essent ullo obtentu eripere. Quadringenti eorum qui cum Heraugero Hoia exierant, ab octoginta hostium equitibus cæsi, dum præda graves nimiaque seruari cupidine semet impediunt. Iustas & illi penas dedere, quos Transsalaris è præfidiis Monasteriensem per agrum populabundos, noctu hostis incurrit. Henricus inter hæc, ut hostem Picardis imminentem ad sua defendenda cogeret, Bulionium ducem, quanto potest exercitu, Burgundiam eam, quæ Comitatus cognomine Hispano paret, ingredi jubet, secutus regionis oportunitatem, quia ex Italia & Germania hac maxime commeatur. Primi impetus vim habuere, cum multo terrore oppida raperentur, & objecta passim tumultuaria manu ejus gentis, quæ bellum toto sæculo non viderat, cædes magis esset quam prælium. Neque tamen Belgarum finibus abducta signa. Sed, audito discrimine, Velascus Comes stabuli Castellæ, (hæreditarium dignitatis nomen est) qui tum jussu Hispani Mediolanum curabat, vim equitatus peditumque Transalpinis præfidiis excitam hyemantibus adhuc jugis traduxit, receptisque in transitu urbibus aliquot, Ararim ad amnem confedit, majores copias equestres & Vinbrorum, Germanorumque dilectus operiens, neque dato pugne casu, Gallorum impetus frustrabatur. Hæc inter pericula & discursantes nuntios, jam ante per hyemem corruptior Ernesti valetudo gravescere. nam gnarus Hispanis invisum se, nec Belgis satisfacisse,

& differri inimicorum vocibus apud Regem  
 agique pacis & belli reum, premendo tantos  
 dolores irritabat, donec lenta febre attritus &  
 sanguinante morbo defecit. Mors ejus, ut fe-  
 re Principum, suspecta: sed sine motu aut tur-  
 bis fuit: dum otiosos spes concordiae, ceteros  
 multiplicis belli labor destrinxit. Veram leti  
 causam introspectores secti post mortem cor-  
 poris prodidere calculum & in renibus ver-  
 mem etiam tum viventem, qui proxima arro-  
 serat. Vacuum regimen à Philippo Senatus  
 accepit. Summa rerum belli domique penes  
 Fontanum praesidis nomine. Hoc illi munus  
 Ernestus morti proximus scripto ad tempus  
 mandaverat, Hispanorum ex sententia: mox  
 rex firmavit. Neque ille, quanquam vitia ad-  
 fuere, impar tanto muneri, quod res per Bel-  
 gicam gestae ejus cura, & mox alias per terras  
 docuerunt. At Belgae proceres, qui illum hac-  
 tenus vim potentiae minori, sub imagine occul-  
 tantem non rulerant, sumta jam ab ipso in-  
 signia, invidere atque irate ferebant. Vera pror-  
 sus de patria majores locutos, Hispanis se quon-  
 dam provinciam fore. Post Albanum & Reque-  
 senium, aut, quod propius est, Rodam, modico  
 tempore & in speciem repetitas leges, atque  
 eandem redire superbiam. Arbitrium igitur  
 pacis penes alienigenam fore, qui priores do-  
 minos, vitiis pares, dignitate non aequaret.  
 Hac sibi quisque: fortiores & aliis loqueban-  
 tur. Nimirum cunctis populis praegrave &  
 velut probrosum est parere externis: neque  
 alia Regibus tam supervacua invidia est, cum  
 singulae gentes daturae sint, qui servire concu-  
 piscant, ut aliis imperent. Carolus igitur Mans-  
 feldius,

feldius, militari gloria, & magnis semper inimicitiiis spectatus, ut qui Parmensi quondam, nuper Ibarrae, nunc & Fontano contenderet, specie honoris seponitur, sociis cum cohortibus, quas Philippus imperatori miserat, Turcam eo tempore valescentem in Pannoniis oppugnatum iit. Proximus ibi Mathiae, qui fraterno exercitui praeerat, veterem virtutem & artes, scientiorem in hostem exercitas haud diu usurpavit, absuntus morbo inter belli pericula. At Arschotius, ne se Fontano secundum Belgae conspicerent, apud Venetos sponte exsulavit, eo proficisci testatus, ubi liber moreretur, nec plebe secundiore Fontanus utebatur: quia turbante leviter Germano milite, qui Bruxellam servabat, per suae gentis cohortes possessionem urbis affectaverat. Id cunctis adversum, nec aliorum tumultus magis, quam Hispani militis modestia timebatur. Et cæteris civitatibus eadem formido. Duplex hinc intemperies, his, quod exclusi erant, illis quod prope depulsi, quærentibus. ob utrumque agri plectebantur. Vnde cum ad prioris anni calamitatem nova lues accederet, & ipso inopiae metu annona vexaretur, exsolvit vulgi gemitus paupertati propria libertas. Hoc magis in pacem cunctorum ordinum animi flagrate, cujus desiderium facta ab Ernesto spes incenderat. Neque Fontanus restitit quo minus inanibus experimentis vota sua fatigarent. Flagrabat ante alios pacis studio Croiorum domus: è qua Haureius Marchio ad Iacobum Maleræum, suae quondam domus partem, tunc Mauritiæ in aula florentem, literas misit, affectus sui indices. Quas cum ille Principi, Princeps Ordinum potentissimis ostendisset, iussus est rescribere Maleræus,



ita spem esse pacis, si miles Hispanus non interiore tantum Belgica, sed Lucemburgia quoque & Burgundia egressus, metum sui undique tolleretur. Ad quæ cum rescribens Haureius totum illud postulatum silentio transmitteret, iterum Mærazo mandatum, significaret inter Fœderatos & alterius Belgicæ ordines posse inveniri concordie rationes. cum Hispanis nulla ipsos velle colloquia. Igitur procerum Belgarum nomine (neque dum Arschotius profugerat) adornata ad Mauritium legatio, ut æquum animi, & cognatis nobilitatibus faventem. Theodoricus Liesveldius Brabanticæ quondam Cancellarius Valesio rerum potente, Masiusque & Hartius, clari omnes civili sapientia, ad colloquium venire. Agebat tunc Middelburgi in Zelandia Princeps: Apud quem orsi edisserunt, olim cum Belgarum discordias peregrinus miles in prædam verteret, Senatum, quæ tum rebus præsidebat, civile certamen diremisit, ictoque fœderi Regem factum auctorem: nec arduum ipsis postquam inter se consenserant, externis armis liberare rempublicam. Mox alia intervenisse partium utrinque culpa, seu ira cælesti, quæ vetuissent prope sanatum vulnus bona fide coalescere. Idem nunc Senatus regimen: Iisdem se malis fessos à vicinis finem orare: quem & ipsis placitum considerent, hoc quidem iustius, quod integri & florentes ad pacta vocarentur. Etiam dubium non esse, quin Mauritius, qua sit animi moderatione deferere fortunam malit, quam ab illa deferri, cum nihil sapienti suspectius sit quam longa felicitas. Optime igitur claritudini suæ consulturum, qua priscos quoque duces præfulgeret, si partam gloriam referret in tutum. Egregias

illi præfecturas, & satis rerum, quæis ingens animus pasceret. Non tantum armis Nassavios nosci: plerosque pacis artibus inclaruissse. Quin illas amplecteretur laudes, quas Ingeret nemo: & obsequia potius exspectaret ejusdem sanguinis Principum, quam vota facere cogeret contra ipsius magnitudinem. Aut si præ cæteris placeret illa in sanguine & sudore virtus, esse ubi Christianum nomen armis attolleret. Ita mereri prudentiam ejus & fortitudinem, ut de summa belli nemo non ultra cederet. Ad quæ Mauritius, ita uti Ordinibus placuerat, paucis adsidentibus respondit. Vtinam quidem se tam felicem, ut finem civilium malorum sæculo suo & posteris imputaret. Id sibi gloriosius, quam nomen expugnatoris, quam decus triumphale. Si tandem illi Hispanorum injuriis vere irascerentur, capessere diguum majoribus animum. Ita facultatem dari, ut liberi cum liberis quæ vellent paciscerentur. Redeuntibus ad fœdera non se modo vindices, sed socios Reges adfore, quorum nunc vi succumberent. Neque magis obstituram concordie rituum dissimilitudinem, quam nunc Gallie obstaret. Nihil se aliis præscribere. Religionis judicium Deo & singulis gentibus relinquere. Cum Belgis multa sibi & Fœderatis gentibus communia, vetustissimas societates, jus sanguinis, fas gentium. Eosdem inter & Regem Hispaniarum infesta cuncta & hostilia, quæ per illius libidinem cœpta, necessitas auxerit: Nec posse cum eo hoste pacisci, quem coacti sint Principem abdicare. Neque pacem hanc, sed deditiorem fore. Implacabiles dominantium offensas, minimeque dubium quomodo imperio usus sit, qui bello sic uteretur. Multa tempus

& rerum vices asferre, quæ frustra in præsens sperentur. At nunc quomodo ei se credituros, qui fas putet justorum hostium capita licitari? Vetera in exempla advocare parcerent. Omnium se & patris meminisse. Cum Liesveldius, omnem se dignitatem Arausionensi debere referens, nunc quoque se diceret, Ordinum Belgarum mandata exsequi, neque Hispanos istis consiliis permixtos, Princeps ejus rei præmouitus manu in sinum Liesveldii dimissa, diploma, quo Fontanus comineatum ei dabat, eduxit, speciosa verba certo documento refellens. Sic dimissa legatio, cum mandata non haberet citra regium nomen paciscendi. Varie prudentum & vulgi sermonibus excipitur novi responsi species, dum pars gloriam & opes bello captant, alii pacem sperant ideo quia valde concupiscunt. Hispani & qui hos sequebantur, satis jam in regiam majestatem peccatum, si cui ea curæ, quod desertores & quibus summum fuerat, veniam mereri, ultro ad pacta vocarentur. Quid tot jam legationibus, profectum, nisi ut intolerantius superbirent? Modicis successibus hos spiritus induisse, ut non ipsi modo reverentiam excuterent, sed docerent alias gentes sine Principe pacisci. Irent sane iterum & audirent rebellem Batavum, ferentem leges, quibus se faceret Philippi victorem. Si hæcenus dubitaretur, at nunc manifestum aspernari illos pacem; provisis Helvetiorum exemplis, & si qui præterea everterent dominationem, quam mox ipsi invaderent. Vnam pacem quam subacti armis poscere cogerentur. Id brevi futurum, si non minus Belgis animi pro fide & obsequio, quam hostibus in diversum cerneretur. Minores pacem tam prope adnotam

omni

omnino teneri suadebant. Quid enim adeo mirum, si Batavi Belgis se permittere, quam Regi mallent, qui conscius offensæ ultor formidaretur? Nihil principatui vel religionibus inimicum, sed illud posci de externo milite, omnium vota, bello quoque utile, sed paci necessarium. Legatos à Rege diligi & mandatis instrui posse, quocunque nomine mitti placeret. Nec ita inexpertam Belgarum fidem, ut eum pactionibus frustrari vellent, pro quo sponte arma paterentur. Multa honestius Principem ferre, quam concedere. Quæ si nondum sufficerent, fas tamen Regi, jus summum publicis utilitatibus donare. Respiceret suorum miseriam, & quomodo ultimo à spiritu penderent deficientes tot populi; Diversam esse ejus belli fortunam, quod inde nocendo, hinc pereundo gereretur. Nam hostibus pascua, opificia, piscaturam, quamvis numerosæ plebis alimenta. Tum quanto his majora, quod illorum in finibus cuncti amnes exirent & flumina retro in caput, Oceanus sine termino navigaretur? hinc illam advenarum multitudinem, oræque exiguae totas inferi gentes. Vere æstimantibus illos & bello frui. Sibi præreptam agrorum spem, siccum litus, & classibus obstructum. Onera tamen & rerum caritatem, quæ nullus quæstus solaretur. Tum vasta cuncta & exhausta, quæque superessent turbata discordiis. Disputaretur equidem an pax haberi possit. Certe bellum non posse. Addebant novum metum, ne tædio malorum Fœderati populi legendum ad Principem agerentur, externa potentia sive domesticæ virtutes placerent. Spem aliquam dari adversus vacantem rempublicam. Vbi dominum invenient, bellum inexplicabile, aut pacem cum

damno & infamia. Erant qui inducias laudarent: Res enim Batavum stare adhuc concordia & concordiam metu. His semel amotis subitura æqualitatis vitia, & æmulationes civitatum, quæ vix inter armorum pericula conticescerent. Interim cum gentibus divitiarum avidis commercium animorum fore, & corruptis primoribus, etiam plebem, quo est ingenio, amare incepturam quicquid odisse desineret. Nec redituros facile sub belli onera, quos permulisset quantulicunque temporis immunitas. In summa, diem pro regibus. Subactis Batavis apud quos robur, & consilium & obstinatio, promptum Philippo dispicere, quem viribus suis modum statuat adversus Galliarum lacerum corpus, & Britanniam muliebri regnum, cum illa protritit frustra opibus, & hæc solam ob formidinem bellaret. Et Lipsius hoc consilium veteris historiæ exemplis firmabat. Contra Taxis judicabat, Belgis, qui Regi parerent, majus fore ex induciis damnum. Ita certantibus sententiis cuncta potius quam quæ acciderunt, destinabantur, fortunæ more, quæ hominum prudentiæ inimica futuros casus in occulto tener. Sed ne vulgus præcisa spe pacis ad seditionem incitaretur, immissi rumores prolata esse colloquia, quo externorum Principum auctoritas interveniret. Et imperator sane literas mox misit, inscriptas Hollandiæ Ordinibus quas ipsi Fœderatorum in consessum detulere. Hi responderunt, optare se cum vicinis concordiam. ab Hispanis, cur pacem sperare non possent, sæpe indicatum: neque evenisse quicquam cur sententiam mutarent, nisi post immissa in Reges venena & percussores tutius nunc alium scelerum auctoribus crederetur. Simul

mitte

mittebant ad imperatorem interceptas Taxis ad Philippum literas, quæ ille, sicut ferendum dictabat Ordines Belgicos cum Fœderatis ordinibus velut pari sorte inter pacificandum componi, ita ad Pontani arbitrium cuncta referri volebat: multa monstrans effugia, atque in primis dissuadens, ne aut dimitteretur miles Hispanus, aut Germani pacis arbitri fierent. Iisdem partibus hoc anno Comitum Philippi Hohenloii & Georgii Eberhardi Solmensis matrimonia ludis & dapibus atque è publico donis celebrabantur. Hohenloio Maria, Solmensi Sabina nupserat, Lamoralo hæc Egmondo, illa Arausionensi genita: clarum utrunque & favorabile conjugium maritorum meritis & virginum nobilitate, quarum parentes plerique meminere, victimas cadere patriæ libertati. Inter civilia mala erat, quod nummi pretium immenso auctu jactabatur, & singulæ nationes jus signandi in prædam verterant. quæ æquo modo est gentium commerciis reddere, quibusdam animus fuit. Sed è contriguo serpenti licentiæ, etiam qui venterant succubere. Manentque argumenta non satis certæ societatis, melior adversum hostem, quam inter se consensus, & victæ leges. Etiam vicini motus mentes adverterant, qui fere amant, ni jure dirimantur, propinquo bello, & paribus involvi. Nam Cliviæ & Iuliaci principatum, ut prioris quondam domini invalida ætas, ita filii, qui successerat, morbo imminuta, mens Hispani artibus patefecit. Raptabat imperium, hinc uxor procax moribus, sanguine Badensi, subnixæ Austriacæ magnitudine, gentis inde primores, Brandoburgique ac Nioburgicus Principes, qui per conjuges ducis sorores

sibi spem tantæ hæreditatis vindicabant : invito sane imperatore , qui extincta virili stirpe principatus illos sui futuros muneris judicabat. Favebant his omnes qui illis in regionibus Protestantium sacra sectabantur : etiam Romanensium nonnulli , metuentes Austriacæ domus factum subditis gravem , & tributorum cum sumtibus certamen difficile. Hi ergo, Ordinum Iuliacensium ac Montensium nomine usurpato , Ducem ipsum ita inhumane asservatum ut non mediocre id morbo alimentum crederetur, liberant, uxorem custodiæ mancipant , velut iniqua molientem. Audiebatur interea Comes Suartsenburgius Hispanorum hætenus cliens , militem illis finibus conscribere , ut ipse ferebat Turcicum ad bellum : firmandæ Austriacorum factioni , ut alii existimabant , quibus haud credibile copias , quarum usus in ultima Pannonia foret , diversissima parte Germaniæ colligi , ut inutili diu stipendio , ac damuoso itinere traducerentur. Imperii Germanici reverentia obstitit, quominus sparfos & imparatos Batavi miles irrueret. Hoc tempore Elector Brandenburgicus Fœderatorum ordinum amicitiam atque societatem ambire cœpit. Idem faciebant illarum regionum primores , pecuniam non longum ad tempus orantes , quæ mox ex facili proveniret , ubi in se regimen & ærarium traxissent. Et erant in Batavis, qui properandum censerent. Nam & trans Rhenum sitis quietem inde portendi, & suam cum Gallicis armis illo vinculo necti. Prudentius alii existimabant hosti valentiori non esse suppeditandum illas in terras tam speciosum belli titulum, venturos in partes non hos modo , qui inter Clivos Hispano studerent, sed vicinos quoque

quoque Episcopos & sacerdotes. & opem poscentibus, idem quod sibi, pecuniam deesse. nec posse suis viribus longe diffita, lateque sparsa defendi: quare expectandum, donec quorum res ageretur eorum animi viresque maturescerent. Nec minus Emdæ turbarum. Opulenta urbs trans Amasium, ostio ejus annis affider, pars ejus Frisiæ, quæ Cauchos olim complexa interfusum Batavis Danisque littus implebat. Vnde nunc etiam ea regio Orientalis Frisia dicitur, quia veteres cis Amasium Frisii ad occasum ei objacent. Mores olim, quales cæteris Frisii nominis: etiam libertas, relicta à Francis quoque regibus & Germaniæ Imperatoribus, ubi dominari non poterant qualicunque obsequio contentis. Publica per conventus, populorum seorsim, & communiter gentis totius, curata: judicia per dilectos in conventibus minoribus majoribusque exercita: Par in his jus omnium qui prædia possiderent: plurima tenentibus maximus honos, eaque sola nobilitas. At hi cum arces struxissent non sibi modo sed & aliis confugia internis externisque bellis, & domi manum haberent adversus vim paratam, moderatores conventuum & judicibus contra factiones præsidium paulatim per dissidia aut incuriam plebis, quæ poterant in se traxere, & huic redeunte interdum libertatis memoria, alii adversus alios vindices facti. Inter hos Græthana domus per connubia, per hæreditates valida, & multorum prædiorum domina, quæ jurisdictionem usu suam fecerant, etiam Emdæ vicinum, deinde tenuis oppidi durius ab aliis habiti tutelam suscepit. Hac origine Vldericus anno post mille & quadringentos quinquagesimo

quarto



quarto clam primum nobiles alios, clam populum, ab Imperatore Frederico in eum tractum, qui, ab Amasio ad Visurgam mari prætenditur, accepit nomen Comitis & jus, quantum libertas Frisia pateretur: decemque post annis publicavit tabulas sed contractiores, ne aliorum, qui alibi intra eos fines insurgere pari modo coeperant, jura laderentur. Temperavit hic beniguitate imperium, multa populo Emdano, multa magistratibus relinquens, aut largiens, magisque etiam natus eo patre Edfardus, mutua in se subditorum fide adeo potens, ut horum spe Groningæ & annexi agri principatum speraverit, tenueritque, donec eum Saxonica arma, fides mala Geldri, ac postremo cuncta invadens vis Austriaca trans Amasium rejiceret: Huic filius, Enno impar patri & sic regens, ut ab aliis ipse regeretur, haud longus vitæ atque imperii. Quo tempore cum orbis Christianus religionum dissidio concuti cœpisset, Emda eam professionem secuta, quæ alias per terras ferro atque igni petebatur, Belgas, Gallos, Anglos vim magnam convenarum, oportunitate fluminis invitavit, aluitque. Anna tum Oldenburgica filii Edfardi nomine præerat, civiliter usa principatu jam crescente, nec ut Germani Principes solent. Idem illi pietatis studium & legum reverentia, quas non tam libertatis, quam imperii præsidium judicabat. Hac comitate & perfugio gentium, incredibile quantum urbs adoleverit, aucta non minus sex hominum millibus. Secuta mox florentium populorum mala, superbia apud ipsos & luxus, invidia apud dominantes. Nec tamen ad vim ventum, dum Edfardum asperiores frater minor Ioannes mitior consiliis aut metum

reti-

retinebat. At, Ioanne mortuo, Edsardus religionis discors (nam ipse Augustanam, Genevensem Emdani profitentur) magis ac magis suspectam habere cœpit civium felicitatem. Vxor instigatrix aderat regia Sueonum stirpe, regioque ingenio : & narrabatur hæc inter cætera suppellectilem ab oppidanis commodatam sibi detinuisse, hoc obtentu, quod privatum nitorem excederet. Irritamentis illorum, qui novandi studio Principem aut populum adulabantur, prævum certamen eousque invaluit, ut Comes cœtus, sacrorum causa institutos, seditiosorum conciliabula, & stipibus, quas clara misericordie civitas in usus pauperum contrahit, vires adversum se quæri interpretaretur. At contra nomen libertatis, & quæ violentissima persuasio est, Dei cultum jactabant acre concitorum genus, qui rerum civilium ignari, specie religionis turbidi, sæpe bonam quoque causam male agendo pervertunt. Invieta progenitorum virtus, recensque & propinquum exemplum Batavi cum Frisii monstrabantur. Et quid sibi pulchrius, quam si priscum in nomen ac fortissimarum gentium fœdus coalescerent? Iam onera commerciorum, jam suos magistratus rebus intentior Comes imposuerat, & adhuc fera quamvis & continuax plebis ira intra voces sæviebat. Cunctationem & pudorem excussit visum in arce præsidium. Privato duce rapiunt arma, & machinas. Curiam, portas, cætera urbis munimenta invadunt. Neque centuriones tantum ac tribunos legunt, sed pessimo quoque exemplo novos sibi magistratus præficiunt; illis demotis qui ob sacramentum Principi dictum turbis seinet exmerant. Arcis custodes fame coacti discedere, cunctis

ctis ad vim versis haud dubie foederatarum gentium opes respiciebantur. Missi ab utrisque partibus Hagam legati, qui Ordines convenirent. Acculabant illi inconditam multitudinem seditionis, cujus ultionem & exemplum ad Ordines pertinere, vigentes concordia, & si vulgo imperia spernerentur, præcipuos ad injuriam. Contrarii odium sinceræ pietatis, ruptas leges, injusta onera, regnum factione & armis quæsitum memorabant, velut interrogantes an hæc Ordines toleranda judicarent. Orabantque, ut socios religionum & malorum miserarentur. Addebant ambire Comitem Pontificis Romani & Philippi amicitiam, quorum vi adjunctus opprimeret libertatem, aut acceptis alibi possessionibus traderet urbem dono Hispano. Ipsisque haud dubium per exploratores erat, hostem summam belli in eo ponere, si flamine & portu eximio potiretur. neque alium Amasio potiozem, qui lacum perfluens Dullardum nomine Emdanum agrum & Groningannam ditionem secat, ac medius ingenti ore Oceanum petit, maximarum navium patiens & fidus insularum objectu, quas inter obliquus exit. Vnde promptum Hispano novare in Frisiis bellum, &, quod negatum hactenus, mari classem immittere. Ordines Foederati, qui & periculum, & si obviam iretur, invidiam providebant, legationem ita demisere, ut nec Comiti metum tollerent, nec populo societatem affirmarent. Pax utrisque commendata, aut, si ita videretur, jure agerent: arma sibi suspecta. Neutri nunc partium inimicos, sin ultra perendant, huic à qua bellum cœperit. Mox ubi ab Ennone Edfardi filio militem cogi & portum

tum Cnoccanum muniri, qui Delphizylio adversus est, festinantes per nuntios affertur, auctæ naves, quæ de more Amasium asservarent, cohorsque Frisiorum jussa ire tuendam ad urbem, ac nova cœptantes ripa depellere. Læta etiam, adeo secura, civitas se fortunasque suas fœderatorum armis credidit. Neque Edsardo tum aliud succurrit, quam eos rerum arbitros facere, quorum vi cuncta gerebantur. Fœdus quoque & societatem armorum obtulit, metuens ne eam gratiam civitas occuparet. Quem tum missi ab Ordinibus Delphizylium disceptatores pacis modum statuerint, summasque leges commemorare haud sine usu erit, ut quomodo illi de rebus Emdanis, ita de illis posterius judicent. Religio nè cuiquam fraudi esset: usus rituum in urbe qui solitus, & Comitum extra urbem suus. Sacris cæribus, tantum sacra curarentur, inspectante si quem Senatus diligeret quod in Palatinatu & in Baravis usitatum, ne quid hoc obtentu turbaretur. Religionis ministros crearet idem cætus, auctor fieret Princeps. Agri, qui religiosorum fuerant, inter populum Comitumque divisi. Ex consulibus quatuor, adfessoribus novem sorte primi, mox ordine quotannis pars altera decederent, egregium potentiae temperamentum, ne quisquam imperii spem, biennium ultra produceret. In locum abeuntium binos Senatus nominaret, è quibus Comes singulos legeret, antea in creandis magistratibus liberrimo usus arbitrio. Hos penes res urbis & maritimæ, vis, donandæ civitatis ac sodalitiolorum in quæ plebs distinguitur, portarum quoque claves, & ex-  
 jubialis tessera. Iudicia civilia & quæ intra  
 mortis

mortis pœnam confisterent, penes eosdem. Graviorum criminum fontes peregrini à Principe datis iudiciis, cives mixto ex utrisque confessu plecterentur. Senatum (quadraginta is virorum est) senatus ipse suis suffragiis suppleret. Inituri honores in obsequium Comitis, & curam civitatis sacramentum advocarent. Firmatę leges & tributa, duntaxat quę legibus non adversabantur, sic ut sua vectigalia civitas seorsim regeret. Cæterum Faldera, nova urbs veteri addita, & Comitis servitio addictior, eodem posthac quo Embda jure haberetur, ne perpetuam certaminibus materiam præberet; ex quo certiores veniæ cives agerent, tolleretur ultro Comes arcis minas, eamq; urbi submitteret: neq; per ripam castellis terreret navigantes, quę Principis beneficia civitas ingenti pecunię summa repensaret. Ita horum securitati, illius magnitudini consultum. Neq; ipsis leges displicuere, quanquam injurię recentibus & infestis. Placitumq; venturos Comites, & magistratus in hanc pacem jurare. Monetur subinde Comes Ordinum verbis suspiciones & offensas clementia revincere. neū fallacem Hispani amicitiam post ipsorum fidem habens insidiis se pariter & finitimo bello illigaret. Iubentur & Emdani flectere animum vicina ad exempla, nec jugum jactando mala sua onerare. Civile bellum mediocri servitio bene redimi: etiam se atrociora principum ingenia tolerasse, quamdiu externa sævitia absuerit. In hæc dimisso utrinque milite, quies verius quam concordia: neque ita sanata dissensio est, ut non sæpius eadem ad mala & remedia rediretur. Hujus anni & quę proxime sequuntur tempora, velut brevi fastidio obsequentis fortunę, Ecce derata

rum

rum gentium bello infelicia fuere. Ver totum & pars aſtatis per otium iſtis exhausta, parte certe militis circa Galliam bellante: ſed quo minus arma & alibi moverentur, interpellante ſæpius Buzenvalio, iſſorum diſcordiæ obſtiterunt. Friſiæ namq; uibes, agros coſentibus infeſtæ, communia utriſque onera non ex fide perſolvi, & quæ agrorum propria omitti aut remitti quebantur. Zelandi vero de vectigali evehendarum mercium cum Hollandis acriter rixari, hoc obtentu Fœderatorum ærario tributum inferre diu diſtulere. Geldris quoque & Transiſalanis paupertatem ſuam & hoſtem penitus inſuſum excuſantibus, Hollandi eandem & iſi, quibus communium fœderi onerum duæ partes tertiæ incumbunt, cœperunt exemplum aut imitari, aut ulciſci. Quod ſi utilia homines non neceſſitatibus magis, quam conſilio ſequerentur, rebus hoſtium arctis, lucroſa iſtis mercatura, & ſagrans Gallorum bello, id præcipue tempus audentiores conatus vocabat, quorum innox ouera pauperior populus, & irritò ſucceſſu, tamen toleravit. Ne Lucemburgiçi quidem ſucceſſus votis reſpondebant, dum temere irrumperetur caſtella, parum hoſtibus noxæ, nihil victoribus commodi latura. At poſtquam Rex Henricus, in Burgundiam proſectus, regni vires eo traxit, exhaustus copiis Bulionius, qui magnifica denuntiatione Hiſpanicum exercitum in ſe traxerat, non modo iniuas implere non potuit, ſed ſuis tuendis impar, raptari fines Gallicos impune, ſpectabat. Quorum tædio Philippus Naſſavius, & quia fame ac potandæ aquæ inſolentia miles diſfluebat, haud ſatis volente Bulionio, regredi feſtinavit.

nou

non tamen qua venerat viâ. namque eam hostis abstulerat. Sed jussu retro cedere peditatu, qua proxime Gallia mari succingitur, unde in Batavos navigarent, ipse cum turmis per interiora Germaniæ in Geldriam recurrit. At Fontanus, quanto invidiosam sustinebat præfecturam, hoc niti impensius, nequid in illo adversarii præter magnitudinem culparent. præcipua in militem cura, firmare veterem, novum adjungere. Et maxime gnarus secessionem Italorum, quæque inde venerant calamitates suum in crimen trahi, leniendæ invidiæ putavit eosdem obsequio reddere. Deproperatis igitur pactionibus, quas Ernesto cœptas mors ejus interruperat, quando pecuniæ nondum superabant, diurna interim & obsides dedit. Tilemontium possidere jussi, signa nondum sequebantur. Sed lucro fuit usum militis, quo ipsi carituri erant, etiam hosti avertere. Mox in duces ac præsidia dispertit militem: majores multo à tempore non fuerant reges Hispaniarum copie, sed sparsæ locis in nihil magnum valere. In Burgundia sub Velasio justus erat exercitus. Atrebatum & Picardorum confinio post Caroli digressum, Varenbonius imponitur, coercendis Cameracensibus, & qui in Galliam effusus rapinas rapinis ulcisceretur. Mondragonius in Mauritium obvertitur, spectandos ad conatus, quæ in tempore obviam iret. Data sibi in hoc quatuor armatorum millia circa Hulstum tener. Verdugo cum peditatu sex millium, equitibus mille quingentis, virium minorem Bulonium Lucemburgia protrudere & oppida recuperare jussus Fertum aggreditur: crebro ictu & ruinis patebant incenia, cum Gallorum manus oppidum

pidum immissa feroci eruptione contudit obfidentes. Sed exemptum obsidio oppidum, cum mox fortuito pulveris incendio magna ex parte arfisset, Bulionius ipse munimentis ac præsidio nudavit. Verdugo interim versus ad infirmiora, paucas post expugnationes, morbo fatoque intercipitur, etiam circa hujus mortem aliquid suspicante fama. Sed ille quanquam infelici Frisiæ præfectura nomen meritis, ut cui tempus & vires sæpius quam robur & industria defuerint. Fides illi religiosa & militaris facundia. Etiam comitas ingenii, quò infrequentior Hispanis hoc insignius honestamentum, & quod magnos ad honores ab imo evectus, quippe natus domo non ignobili sed paupere, prioris fortunæ, quantum satis erat, meminisset. Orabant Fontanum Belgarum civitates Cameraci ut obsidio tandem insisteret, vinum auri & militum offerentes, quia nec clausa urbe & circumjecto Hispanorum exercitu, utrisque spoliabantur. At ille ultro, avidus occasionum, ne tempus præfecturæ in gloriam transmitteret, & quò laboranti ærario subveniretur ad Varenbonii castra contendit augetque copias, ut peditatus duodecim, equitum duo millia conficeret. Hoc cum exercitu cuncta circum Gallis inaccessa redditurus, Castelletum in Veromanduis oppidum apud Scaldis primordia, quod Henricus alter eo nomine Galliarum rex Cameraco, & siqua vis à Belga ingrueret, munimentum regni objecerat, machinis labefactum irrumpit, & mox qui in arcem se contulerant, in ditionem cogit. Atque interim Hanum eisdem in finibus oppidum concutitur miranda & ad fabulas accedente casuum varietate. Præfectus erat Gomerō,



ro, Gallorum unus, qui Romanæ religionis specie externas gratias suum in usum quæsi-  
rant. Hic, quo tempore pleraque istarum par-  
tium in Borbonium reflectebantur, ingenti præ-  
tio pactus cum Hispanis tradiderat oppidum,  
dum promissa exsoluerentur arcem retinens.  
Sed evocatus astu Fontani vincitur duobus cum  
fratribus. Mater & affinis Orvillerius præsidio  
inhærebant, & ni continuo decederent, peri-  
culo carissimorum pignorum terrebantur. Mu-  
lier magno affectu pavida. Orvillerius indi-  
gnanti propior secretis nuntiis Bulonium adit,  
& regios duces qui tum Picardiam præside-  
bant. Postquam acciti in arcem venere, tota  
die contra oppidum, in quo erant milites mille  
& ducenti, Hispani, Walones, Germani, Itali,  
multoque nec ignobili sanguine certatum est.  
Nam & Humerius occidit spectatus militiæ in-  
ter Gallos & regi carus. Ad ultimum igne &  
ferro via scinditur: quique cladi superfuerant  
Orvillerio, ut convenerat, obsides traduntur,  
æquandis Hispanorum minis. Sed captivi per  
custodem perfidiam ruptis vinculis arcem in id  
discrimen adduxere, ut pacto dimitterentur.  
Galli arce potiuntur Orvillerii ignavia, qui  
sibi eam servare decreverat: Et Fontanus, quia  
capto oppido ferus supervenerat, pudore in  
iram versus, pallentem inter carnificum manus  
præfectum pro mœnibus ostentat. Ibi ille fle-  
bili voce modo parentem, modo amicum testa-  
ri, si qua misericordia, si quod fas generis, ne  
stante sibi sub ictu gloriam potius & dignita-  
tem imaginarentur. Cumque illi responderent  
non esse id penes se, quippe Gallos arce & op-  
pido potiri, suorum in ore jugulatur, addendus

infe-

infelicibus eorum exemplis, qui partes instabili fide professi utrisque se hostibus hostes fecere. Durlanium inde procedit exercitus, quo Cameracum sub id tempus sacerdotum & oppidanorum quorundam dolo infeliciter ipsis tentatum, à tergo ambiretur. Cujus dum munimenta & locum obsidio ad lunæ lumen circumspectat Valentinus Pardivius Lamota glande ictus cadit. Primus hic ducum egregius quondam Ordinum rebus ipsorum discordiam, & revalituras Hispanorum opes providerat: virtute clarus & plusquam militari solertia, & qualem esse oporteat, qui ad machinarum ac Gravelingæ oppidi præfecturas magnasque divitias ac Comitibus nomen è caliga surrexit. Præsidium urbi Bullionius miserat. Mox ipse pulverem atque alimenta laturus advehebatur, simulque Sancti Pauli Comes. Sed primi agminis ductor Villarsius (is oram maritimam Henrici jussu curabat) dum pugnae avidior imperia contemnit, Fontani ab exercitu (& erat forte tum festus Apostolo Iacobo dies, quem Hispani felicem sibi credunt, & credendo sæpe faciunt) circumventus & captus, mox quia à Lotharingio scedere ad Henricum desciverat, interficitur, & multi nobilium circa. cæteri evasere. & utriusque partis errori fortuna ignovit. Nam si majoribus copiis, quas tum Nivernensis cogebar, Galli in prælium venissent, parebat in urbem via & locus victoriæ. Et Hispanus, si fortunam secutus impulisset refugos, parum abfuit quin Papiensis & Quintiniana clades æquaretur. Victor arcem oppugnat, haud satis custoditam. Nam Præfectus loci Gamachius, dum more temporum sibi quam regno consulit, ex mille

ac ducentis Gallis quos secum habebat, paucos sibi fidos intra arcem receperat, reliquos in oppido reliquerat, ut præsto essent si qua necessitas ingrueret, quod exitio fuit. Nam missi ex Hispanis qui ruinam arcis per tormenta effectam specularentur, cum desertam cernerent, clamore testati gaudium, plures suorum traxere, qui arce irrupta nullum spatium reliquere quin una & oppidum irruerent: nec temperatum cædibus: quippe ubi non armatos virtus, non inermes misericordia tegebat. His dum rebus fessi exercitus Gallicis in prædiis quiescunt, affecta jam æstate Mauritius quod apud se militis & reversas cum Philippo Nassavio copias in bellum trahit. Intentusque occupandis, quæ pauca circum Frisios hosti tenebantur, Grollam adsidebat, Zurfaniensis territorii oppidum. Præsidium haud majus sexcentis, paucæ intus machinæ, nec in longum alimenta, & fossa aquis exhauriri facilis, spem prope admovebant. Compertum id Mondragonio, qui citato cum agmine Antverpia profectus obviam quæque præsidia trans Mosam Rhenumque rapiebat. Erant quinque peditum millia, equites admodum mille. sed in majus numerum augente fama, Mauritius, cui bistantum copiarum erat, com meatibus diffidens, oppugnatione relicta & incensis quæ corripere nequibant, ad Isalam occurrit, quo hostem Germaniam intra sisteret. nec ille in castra quicquam ausus, sed contentus obsidio Grollam eximisse, & mutuum anni otium pacisci, retro cessit; ubi Lippiam armem hosti objiceret. Nam Mauritius insequabatur, edoctus non eam advenisse multitudinem quam prior fama vulgaverat. Mittit igitur transam-

nem Philippum Nassaviū cum equitibus quingentis, ut pabulatores hostilis equitatus subitus concideret. Sed per transfugas ejus consilii certior Mondragonius, vim omnem turmarum eundem in locum contulit: Philippus, ut angustum iter exierat in apertum progressus, statim circumfunditur: ac quo minus sequentes succurrerent adverso fugientium impetu & viæ arcto, lubricoque implicabantur. Prope tamen, ut ambigua est equestris maxime prælii fortuna, impulsus hostis erumpentium nisu. Sed defecti vulneribus duces minuerunt audaciam. Alii hostes turbatos adhuc integri pervasere. Pluribus, cum premerentur, fugæ terminus Luppia flumen fuit, quos obviū altera in ripa Princeps cum cohortibus excepit. Neque magna aut alio memorabilis clades, præter quod ut primus quisque dignitate, ita infortunio fuit. Philippus ipse, dum acerrime pugnam ciet saucius & inox captivus, inter egregia propinquorum Herembergensium officia exspiravit, intrepidus juvenis, & bello quondam utilissimus, si ferventem intra se animum ætas parasset imperiis. Moritur & Ernestus Comitum Solmensium unus. Sed frater Philippi Ernestus Nassavius pretio se redemit. peremptorum corpora donata sepulturae. Nec quicquam præterea accidit, dum propinqui exercitus, atque alter alterius consilia obsidentes autumnum, & securiora anni tempora expectant. Nisi quod Mursam dolo nocturno aggressus Mauricii miles, jamque per fossam enisus, dum palos in vallo obstantes rescindit, suborto die coactus est discedere. Prior tandem hibernatum abiit Mondragonius, militiæ incommoda haud ultra ferens, dux nona-

genarius, compertoque prouum seditioni exercitum, hoc nascenti malo remedium inuenit, ut parte trans Mosam missa, ceteros citra flumen cohibens ac confilia dissociaret. Nec Princeps ultra moratus est. Statimque Mondragonius funebrem annum morte sua implevit, militiæ vetus, primisque ab Albani armis ad ista tempora continuus. Aderant regendi militem artes & auctoritas: vix sane cuiusquam parentium dum tot ac tam clara facinora memorantur: neque omiserim raram felicitatem, quod periculorum haudquaquam timens, quin ultro avidus, sine ullo vulnere ad summam senectam peruenit. Etiam Dux Pastranæ obiit, generis claritudine nec ultra notus. Idem annus Antonium quoque absumsit, qui Albani armis pulsus olim Lusitanæ regno, cum potius esset per Africam Indiamque & alia Lusitanis possessa excitare partes nondum intermortuas, per Angliam Galliamque profugus, frustra spes suas in Christianorum Principum misericordia posuerat. Turcarum & Maurorum oblatis sæpe auxiliis quo minus uteretur, credi volebat pietati à se datum. Amici ejus, cum honoribus pecuniisque à Philippo promissis perducere non potuisset, ut regni jus à se abdicaret, veneno extinctum prodidere. Haud longa interim Fontano quies. In Cameracum impellitur: nec potiendi ratio in aperto erat. Sed multa ad latus Belgarum nobilitas Gallique duces qui Regis sui veniam indignabantur, & miles post Durlanii spolia majoris prædæ avidus, ac civitatum vicinarum pecuniam offerentium preces, claudere egressus jubebant, & specie obsidentis audendi tempora opperiri. Rex ipse Philippus scripserat rem esse indignam, structam

structum patri suo limitis munimentum hostium in manibus relinqui. His incitatus, quod desig-  
nare non poterat, sperare cogeatur. & casus  
adfuit. Circumfessos exterioribus munimentis  
Barlorus exiit: inde jam cuniculi: ictus, ruinæ,  
occultæ manifestæque artes intentabantur. Ter-  
rebant adhuc excepturæ impetum egregiæ Gal-  
lorum manus, quos Gonzaga patris Nivernensis  
missu centum adduxerat, & mox alii quingenti  
prosequente equite per incustodita obsessores  
matutina nebula adjuti transierant: Tunc quo-  
que nobili exemplo compertum est quam sit for-  
midolosum à multis formidari, neque ulla satis  
firma sint præsidia dominationi, quæ civibus in-  
vitis tenetur, ubi gravius metu periculum con-  
ferre iras impellit. Nam Balagniacum, quo de-  
stitutam jure potentiam vi muniret, tributa gra-  
vesque custodias atque alia regibus solita in ci-  
ves ausum, multitudinis odia claris opibus ever-  
terunt. Nec deorat Fontanus clam religione,  
metu, pecunia, commotos semel animos incen-  
dere. Priusquam hostes vallo consilirent plebs  
undique conglobata, Helverio milite eadem vo-  
lente, privatas ob injurias, & quia cufos ære num-  
mos Balagniacus auro & argento contra in sti-  
pendium quasi redeinturus imputabat, quod  
factum alibi pro libertate, pro mercede mili-  
tantibus haud quaquam tolerabatur, acturos de  
pace ad Fontanum allegant. neque multa pacti,  
Gallorum metu admiscere ultro Hispanos, à quibus  
eadem paterentur ob quæ Gallos ejecerant. At-  
que illi qui arcem clau'erant non tormentorum  
verberationem, non impetum expectavere. Et  
multa jam exstabant inclementiæ Hispanorum  
exempla ni intra sex dies à Borbonio auxilia

nova adessent, promissa deditio & mox impl  
 ta: Ita incolumes dimissi sunt, & Balagniac  
 quidem Gallis prosequentibus privatus de in  
 perio exiit: parum dignus, quam faventem sa  
 habuerat, fortuna. Omnes quippe partes  
 • lactans, nulli omnium fidus, pecuniam ac con  
 meatus modo ab Hispano, modo à Gallo, inte  
 dum & ab Ordinibus Fœderatis acceperat. pr  
 ximeque ante obsidium alimenta urbi neces  
 ria vendiderat, ita opus militi dictans. nec m  
 nus vectigal, sacra ac publica munera ipsius  
 manu. Arcem quoque adversus inachinarum  
 ictus munire neglexerat. At non muliebris uxo  
 ri animus. dum spes superfuit agere ipsa vig  
 lias, aggerere cespitem, dirigere tormenta, in  
 tervisere manipulos, cuncta ducis, militisque  
 munia induere. Etiam plebem largitione ter  
 taverat, quæ postquam frustra fuere, agnovitque  
 adversa fata, non tamen principatum hosti re  
 linquere, aut vitam debere sustinuit, eodem d  
 extincta dolore an sunita morte parum defini  
 tur, quo dedendæ arcis fœdera sanciebantur.  
 Direptæ Balagniaci, Alenconique imagines  
 cum ab oppidanis jusjurandum rogaretur, R  
 cardotus formularum gnarus verba ita conc  
 perat, quasi in fide Philippi urbs esset futur  
 Nam ad id tempus Burgundi & Austriaci Prin  
 cipes, tutelæ tantum vetus Comitum Aloster  
 sium jus usurpaverant: eoque titulo Carolus  
 Imperator arcem imposuerat urbi ne ad Fran  
 cos iterum deficeret. Sed juris discrimen Font  
 nus armata potestate rescidit, & Philippo  
 Principi jurari imperavit, ita ante obsidium  
 convenisse dictans, cum Ludovico Barlæmon  
 tio urbis Antistite ut sacra functione content

ius imperii, quod & ipsum Episcoporum sub reverentia Germanicæ majestatis, fuerat, Hispano transcriberet. Neque tamen Barlæmontius etiam post dictum id sacramentum destitit negare pactum, & jus antiquum repetere, annitentibus oppidanis, labore irritò & nihil præter odium utrisque parituro. nam & arx & injuriæ licentia penes Hispanos milites erat: Quo factum ut lintearia negotiatio, præcipuus urbi quæstus, propinqua in oppida diffunderet. Exorati à Fontano Itali ut obsidio adlisterent, cum urbe capta possidendum ad Tilemontium regrederentur, in obvias Batavorum turmas fortiter coorti, rum primum fidem bello præstitere. Sed Mauritianis equestre decus reparatum est, irrupta Wartia apud Hornensem Comitatum oppido, Henricus ubi Comitum Heremburgensium unus in potestatem venit: deinde fusis comineatum præfidiis. Sed Wartia longius à finibus jacens deserta iterum. At Heraugerius usu edoctus, multa experiienti interdum adesse fortunam. Hoiî jacturam Lira rependere machinabatur. Id oppidum Hispanis quondam captum prodicione, & satis crudeli victoria Netham ad amniculum Antverpiam, Machliniamque medio situ interjacet, magnisque invicem usibus miscet. Hic omne in latus præda ostentabatur. Antesignani lucis incerto scalis enisi ignaros vigiles obtruncant: ita portæ patuere. introeunt pedes, & equitis parum, nulle omnes, lecti Breda ac circum præfidiis, nec dubie poterantur, si quantum in capiendò industriæ tantum in tuendo virtutis & obsequii fuisset. Alphonfus Luna præfectus oppido primos ad tumultus, haud equidem consternatus animi, suum militem, quodque è vul-



go promissimum in foro proque curia disponit. Mox his quoque munimentis diffusus portam ab hoste averſam, qua Lovanium iter est, infedit. At victores, ceu tutis rebus, per templa, per domos, in raptus & licentiam spargi. Sic maximam diei partem intra mœnia egere: neque imperii reverentia aut preces aut ininæ valuerunt, ut tantum militis sub signa contrahi posset, quod exiguam manum porta depelleret. Interim accita propinquis præſidiis Lunæ auxilia venerunt: pars maxima Antverpiæ cives, pauci Hispani ex arce: videns id Heraugerius, portam quidem qua ingressus, occluſerat, quo suos in prælium cogeret. Sed non ideo palabundi suas, non hostium vires respicere. tantum, quia nihil timuerant, timebant: & quando haud alius patebat exitus, ultroque primi cœſi viam ſequentibus auferre, è vallo præcipientes fossis hauriebantur. pars inter prædam caſi: captaque hominum & equorum vis. Duci, & nandi peritis effugium fuit. Inſignis liberatorum continentia, quod quæ oppidanorum fuerant inter prædam reperta dominis reddiderunt. Burgundicum interea bellum Hispaniæ Galliæque vires paratu quam eventu majore exercuit. Ædui olim Romana ſocietate notiſſimi, & Sequani, Gallicæ nationes, has terras tenere; in quorum mox poſſeſſionem, Romano orbe concuſſo, venerunt Burgundiones ex Septentrione orti, ſed qui propiora Germaniæ pridem infederant. Horum & cis & ultra Ararim late patens potentia, etiam cum regio nomine, à Francica magnitudine imminuta primum, ac poſtremo obtrita eſt. Exinde ejus partes modo amicis, ſæpe & regum Francorum filiis attributæ, dum dividiuum id imperium,

rium fuit, manente regni honore, postea Æduorum ferme quæ fuerat regio ducatus, Sequanorum comitatus vocabulo. Post mortem Caroli Audacis Valesiorum è stirpe Ludovicorum undecimus Francorum rex Mariæ Caroli filiæ ducatum eripuit, successionem ejus imperii fœminis deferri negans: at comitatum, qui, ex quo Germania seorsim regnata est, in ejus fide esse cœperat, post Maximiliani cum Maria conjugium Austriaca domus tenuit. Hoc tempore Galli quidam duces, auctores Henrico fuerant, ut Hispanum, qua parte securissimus ad ictum patèret, invaderet: posse hoc modo ex Italia in Galliam aut Belgicam transitum militibus Hispanis præcidi: & jus majoribus debitum repeti. res primum minores per duces prætentatæ. Sed cum Philippus periculum metuens Velasum, ut supra diximus, ex Mediolanensi terra, quam is regēbat, in Sequanos misisset, cum peditum decem millibus, equitibus mille quingentis, ea vis hostium Bironium illuc, deinde Regem ipsum tulerat. Fortunis equitum concursibus victor sæpe Gallus. Inustum prælium Velasus vitabat, servandis oppidis anxius. In ducatu Burgundico, Divionem urbem, interno Galliæ dissidio Meduanii partes sectantem, Henricus suis imperiis subegit: nihilque inunitum illic Meduano, præter Cabillinum reliquit. Sed ubi ille, comitatus intra fines prosequi cœpit victoriam, Helvetii intercessere, quippè per fœdera Austriacis hætenus obstricti, ut Mediolanensi imperio, ac Burgundiæ Comitatu vim externam arcere debeant. Arripuit occasionem Henricus sine dedecore per inducias retrahendi exercitus, fessus & ipse certandi, neque digno satis pretio ad

mutuas clades, Et Cameraco sollicitus, illuc tendebat, cum tristis nuntius captæ urbis occurrit. socios igitur incusat, quod, se procul bellante, Gallorum & Belgicæ confinia hostibus prædidissent. At non ea spe, ut sui fines auxiliis nudarentur, oblatas se pacis condiciones toties aspernatum. Quamquam si fœderis pœniteat, promptum sibi & nunc cum Hispano partiri. Ob hæc Batavi, excusatis ejus anni necessitatibus, multo stipendio frumentoque Regem & duabus cohortibus instruunt, Scotica & Zelandorum ducente Iustino Nassavio. Quibus ille auctior, in Veromanduos descendit, & sollicitus ne qua jam cœperat hostis interiora irrumperet, subactis Suefionibus hiberno difficilique obsidio Faram stringit. Sed quanto Galli offensâ impensius vitabatur tanto Elizabetham infestiorum Ordines habuere. Quippe Henrici res secundæ pro brevi miseratione veterem gentis invidiam repofuerant. Et accendebat eam religionis dissidium, maxime ex quo cognitum, quam adversas Protestantibus leges Henrico ad pacem suam obtinendam Pontifex præscripsisset. Nuper postularis à se quatuor cohortibus, pro quorum stipendiis, Parisiorum civitas fidem suam interponeret, responderat Regina, inconsultum sibi juventute nudare regnum, tot insidiis appetitum. Servandæ tamen Diepæ, Bononiæ & Caletorum militem obrulerat. Suspectum id Gallis, & addito, quod nuper in Britannia Armorica Angli minus honorifice habiti, nec quibus voluerant receptibus admissi, causa majorum mox simultatum. Ad Batavos vero Elizabetha & licet & Thomam Budleium miserat, adjutam Galliam invidiose objectans. Non enim sive

opis

opis indigos, qui ultro aliis gratificarentur. Responderunt Ordines, non id ambizioso consilio, sed plane necessario factum, ut tracto diversos in fines hoste spiramentum ipsi acciperent, qui alioqui cogerentur à Regina, quæ non nisi sexcentis peditibus & ducentis equitibus duntaxat in castris cum essent, stipendia mittebat: integra sex peditum millia & mille equites ex foedere postulare. Illa contra, quanquam & hoc foedere continebatur, ut finito demum bello erogata redderentur, eorum quæ impenderat solutionem acriter flagitare, saltem ut in præsens pars haud exigua, reliquum pensionibus annuis acciperet. Addiderat minas, ni obtemperaretur, usuram se consiliis à sua lenitate alienis. Ad hæc, multam post gratiarum actionem, oratur regina præsentia ut tempora respiceret. bellum civibus suis grave, & nunc satis improsperrum: ac pridem prolatis finibus tributa parum, tuendi onera multum auxisse. Mercaturam & piscationem, queis solis viverent, illam detentis per Hispaniam navibus, sæpe & Anglorum injuriis, hanc Dunquercaporum rapinis exhauriri. Sævum & per eluviones mare. Super hæc si reddita Angliæ pecunia ad onera accederet, simulque palam fieret nolle Reginam foederis legibus stare, nutante Gallo, haud temere metui, ne valerent apud vulgus hostium insidiæ & malefide pacis tentamenta. Non tamen vitatum, quin Anglico militi, extra oppida pignori concessa, in posterum Ordines de suo stipendium darent. Æquiores sociis Reginam fecere novi hostium conatus. Nam Hispani ex Britannia Armorica in Cornubiam populabundi exscenderant, virosque nobiles & res alias abduxerant. Hiber-

nicæ quoque rebellionem apertius miscere se cœperant: Hiberniam antiquissimis à temporibus reguli indigenæ multi partito, tenere, quorum facile potentissimus Dermotus Munhardi filius, ob multa sæve facta regno exturbatus, Richardum Penbrochiæ Comitem generum sibi & auxiliatorem adscivit. Cui cum in Hibernia bellanti res pulchre procederent, Henricus secundus Rex Angliæ cum edicto revocatum cœgit jus omne ac spem Principatus in se transcribere. Et ipse magnis cum copiis in Hiberniam adfectus, regulorum alios vi, alios pollicendo permovit, suum ut imperium agnoscerent. Sed, quæ erat simplicitas sæculi, creditum est firmando juri futurum, si Pontificis Rômani auctoritas accederet: qui ne verba quidem gratis concedere solitus, dominium Hiberniæ Anglis Regibus donavit, sed ita ut Feudum esset Ecclesiæ ac tributum eidem persolveret. quod secuti postea reges pendere abnuerunt, hoc colore, quod regni Anglici proceres onus illud nunquam approbassent. Henricus octavus, contempto Domini nomine, augustius vocabulum Hiberniæ Regis primus usurpavit: sibi que eum honorem dedit, quem Maria ipsius filia à Pontifice accipere postea maluit. Sed quanquam Hibernia, qua cultior moribus, rectores legesque ex Anglia pati paulatim didicit, mansit tamen aliis in partibus, quas sylvæ ac paludes abscondunt, amor libertatis. Hoc nomine vocabatur omnium fere, quæ vetita alibi, licentia. Clara inter ceteras Onealium familia, Ultoniæ sibi principatum mox & Hiberniæ totius ausa ascribere. Crevere his spiritus; Anglis inter Eboracenses & Lancastrios feraliter dissidentibus. Sed Co-

num,

num ejus gentis hæredem Henricus octavus pacate severeque regnans compulit ejurato Onealis vocabulo ac dignitate in Comitis Tironi nomen transire. Mathæum huic fuisse filium alii credidere: alii fabro ferrario genitum ferunt: sed avus conjugem Conus adamaverit; ideoque passus sit obtrudi sibi aut alienam aut incertam sobolem. Hunc Ioannes, secundum leges Cono natum se ferens, interemit. Mathæo patre natus erat Hugo, qui partim domi, partim in Anglia educatus, Tironi Comitatum, & quæ Conus possederat, Ioanne, dum rebellat, peremto & bonis in fiscum redactis, Elizabetæ beneficio accepit, certis sub legibus quæ nocendi potestatem in posterum anciderent. Vir bello ingens & quibusvis par negotiis fidem Regina præstitit, donec anno octuagesimo octavo disjecta nobilissima classe Hispani Duces Hibernicum in littus ejecti, arcânis illum colloquiis ad recuperandum jus Onealum incitavere. Nec statim tamen spem prodidit: sed protrusis in arma aliis quos Romanæ religionis studium, aut acceptæ ab Anglis injuriæ stimulabant, ipse obsequium hostili animo diu præferens, crimina negabat non minus audacter quam objectabantur. Peccatumque graviter ab Anglis, quî virum ferocis ingenii, quem reum fecerant, vincere cum possent, dubitarunt. At ille victis prius Iohannis liberis, ne domestico certamine impediretur, hoc anno, cum audiisset Iohannem Norissium militia Belgica clarum, & tum in Britannia Armorica agentem, veteri cum milite à Regina evocatum comprimendis Hiberniæ motibus, irrupto castello, unde in latebras suas aditus, ducem se rebellibus præbuit, non tamen ut omitteret supplicibus ver-

bis veniam pacemque poscere, causam dissidii  
 in praefectorum saevitiam referens. His artibus,  
 & per inducias, moram bello querebat interpo-  
 nere, donec promissa ab Hispano auxilia adven-  
 tarent. Fovitque has ejus artes Russellus Hiber-  
 niae praefectus & Norisii, qui dux bello imposi-  
 tus, eo provecta discordia, ut alteri placita, al-  
 ter ob id unum destrueret. Regina vero post  
 concitatum hanc rebellionem, non tantum pro  
 sociis, ut haecenus praetulerat, sed propriis in  
 bellum causis acrius ferebatur. Draconem igitur  
 obito orbe notissimum, egregia cum classe,  
 partim suis, partim privatorum impendiis im-  
 mittit mari, spe posse congestas in Portoricum  
 opes intercipi: sed cum rumor praevenisset, haec  
 introrsum abducta, portus ipse ab Hispanis ob-  
 septus fuit. Itaque Draco Canariae aperta, inde  
 qua arctissimus Americae limes, duo Maria in-  
 terjacet oppidum Nominideum populatus, cum  
 multis suorum, coeli intemperie, an moerore  
 animi ob successus votis impares, extinctus est.  
 Quo tempore Anglus alter Walterus Raleighus,  
 reginae satellitio praepositus, Orenocum flumen  
 ingressus, Guianam nunquam Hispanis perdo-  
 mitam adiit, ac notitiae tradidit, ex vero quae  
 vidit; de Amazonibus; & his quae vultus in  
 pectore, audita tantum & aliis plenius indagan-  
 da. Utilem sane & quae non minus delectet hi-  
 storiae partem, posteris eripiam & externis, si  
 taceam navigationes, per quas effectum est, ut  
 Batavorum inter arma felicitas, non alienam  
 modo pacem, sed suam quoque vinceret. Quip-  
 pe natis ad classes is vel maximus belli fructus  
 est, non partiri orbem, neque Pontificis Roma-  
 ni legibus subjici, qui partem naturae maximam  
 Hispan-

Hispanicis gentibus adscripserit, quo specie religionis opprimerent mundi libertatem. Veteres mercaturæ termini, quæ istæ nationes multa per sæcula claruerunt, paucas præter insulas, duo erant freta, ac Mariæ introrsum, hinc Cimbri, inde Gades. Medium inter hæc Oceani litus obtinentibus omnis utilitas lateris alterius merces alteri vendere. Nam ipsis non frumenti, non ullius rei magnæ copia. Vectura tantum in quaestu, quæque artificum manibus laborantur. Postquam manifesto Dei beneficio aperta Magnetis efficacia rexit pelagi cursus, & librorum monumenta docuere veteribus cognita requirere, nova non desperare, nihil jam humanæ experientiæ intentatum. Extrema Africæ & Asiæ Lusitanus: Trans Oceanum littora ac vere alterum orbem Castellanus invenit. Gallorum minus validi conatus, post tentatam infeliciter Brasiliam, ad Terram novam piscosum litus, nec ultra ferax, adhæserunt. Visum & fretum, & terræ quas ultimus Auster premit primo omnium Magallano: secuti mox Angli, quibus Septentrionales fluctus in partem patuerunt. Post omnes Batavi, quos non dubie hæcenus Principum iniquitas oppresserat, ut qui fortem, nec oblitum libertatis suæ populum trepide mari immitterent, jam invidi hostibus, sociorum æmuli, animum audentiamque cœperunt, ut repertis in medium uterentur, suosque vicissim labores humano generi contribuerent; & rerum naturæ, quæ noscendam se in hæc sæcula servavit. Neque vero nova quærendo, vetera omittebantur; quæ enim littora illos satient, qui hominum septuaginta perpetuo milia in mari habent? Magnarum navium multitudine nulli regnorum cedit exigua regio, &

tam



tam adductis finibus inclusa, cujus adeo vis  
 omnis velut extra ipsam est. Bis mille quotan-  
 nis novarum ædificatione strepunt urbes. Præter  
 Galliam igitur Angliamque & Germaniæ por-  
 tus, ac Balthicum mare, Hispaniam plerunque  
 permittebat egestas mutua, inde mercium, hinc  
 argenti, Philippique Regis dissimulatio & me-  
 tus, ne propinquis abstentos in ulteriora verteret.  
 Sed non injuriæ aberant, cum modo religionis  
 crimine, interdum velut agniti (namque alia-  
 rum gentium nomina usurpabant) denique tan-  
 quam illorum opera rex indigeret, nautæ ac na-  
 ves retentabantur: unde ipsis periculum, & po-  
 tentibus præda. Hoc ipso anno quinquaginta  
 non minus naves arreptæ: indicatumque à Lusi-  
 tanis temperaturum istis injuriis Regem, si Ba-  
 tavi maritimæ auxilia Britannici Galloque mit-  
 tere absterent. Sed Hispanica damna ex Italia  
 resarciebantur, cui steriles aliquot retro æstates,  
 nec Gallia sufficiebat agris bello inessis. Ita  
 per Suedicam negotiationem frumentum omne  
 sub Batavis, qui brevi huc illuc recursu ingenti-  
 bus præmiis festinabant. nec, ut sit, occupatum  
 ditioribus id commodum stetit, sed latissime in  
 plebem spargebatur, levibus impendiis & celeri  
 quæstu: Etiam Mauritaniam itum quæ Oceano  
 quaque mari interiori objacet. Cum Moscovi-  
 tis commercia Batavi etiam ante bellum habue-  
 rant, sed per Balticum mare & Narvam Livo-  
 num Novogrodia tenus: quæ deinde per Russi-  
 cum Oceani sinum Angli ad Nicolai portum,  
 Batavi ad Podeseferam & Archangeli Mi-  
 chaelis monasterium, cuncta Divinæ anni adsi-  
 ta, transfudere, multumque ab Anglis laborato,  
 ut soli exercerent, ægre Batavorum preces &  
 liber-

libertas præpolluerunt. Mox longius auri, eboris, ebëni ferax Guineæ regnum, cæteraque Æthiopix: ac tandem Indico in Oceano insulæ biennii itinere lustrantur. Id hoc anno navibus quatuor privatis impendiis tentari cœptum, anceps primo nec innoxium fuit, cum inexplorato locorum ingenio passim feras in gentes & cunctis hostiles impingerentur. Plurimum morbi & æstuantis sideris injuria turbaverant. Et Lusitani obsistebant suppliciis, siquos suas in colonias aut classes tempestas inopiave derulerat: deinde criminationibus apud Reges populosque sibi non subactos. Quod diu acerbum, dum raro usu peregrini sermonis & infidis hinc inde suspicionibus cuncta implicantur. At postquam publicis literis & commerciorum usu compertum est, venisse non in prædā & raptus, ne dominationis quidem avidos, sed amantem populum alienæ etiam libertatis, in hoc penetrasse tot maria, ut æqua fide jus gentium coleret, ingens subiit Hollandorum fama & admiratio. Celebrique jam communes per quæstus mercatura, etiam societates tam longinquas odium Hispani aperuit, & clarum per illas quoque gentes bellatoris Mauritiî nomen. Mira eorum, qui primi Indiā adiere, religio: famæque cura. Nam quia mandata nisi se tuendi nulla acceperant, obviam Hispanorum navem, paratam ubi remque prædā, intactam omiserē. Vix tandem Lusitanorum feritas, neminem eo orbe se præter admittentium, expressit, ut privati commercia bello munirent. Secutæ Indorum legationes, dona, maritimæ in hostem pugnx, & qua maxime expedit, vinci cœpit Hispanus. Nam captis urbibus, neque magno sane agorum

rum spatio, ut vincentibus aliquid accedit, ita perdentis nulla jactura est. Longe sunt istius regni viscera, longe opes, largitionum & belli alimenta: quibus ereptis, aut per onera exhaustis, quid aliud quam cunctarum gentium præda sit, vastum illud, vagum, & nusquam sibi tam propinquum quam hostibus imperium? Americæ quoque ora, palam qua adhuc libera est, clam qua servit, Hispaniæ Regis metu, innotuit. Petuntur inde sal, Margaritæ, bubalorum coria. Sed terras gentesque aliis repertas, & repertoribus cum cura celebratas invertere supersedeo. Nobis maxime memorabilis illa navigatio videtur, qua Septentrionem suum Batavi invasere, ut cunctis ante populis ignotum sciretur, quis Oceanus Europam Asiamque committeret. Spes enim procures ac mercatores incesserat, posse ditissimum Cathaiæ regnum & Sinas, longiusque Moluccas & Indiam propiore multo quam ab Hispanis itinere invisi. Tres naves, Hollandica, Zelandica, Westfrica, Norvagiam Finnosque præterlapsæ apud Quilodunum Lapporum insulam divisere cursum. Hollandi ulteriore pelago obversum sibi novæ Semblæ latus prævecti, qua longissime in occasum brumalem exit, insulas duas navigationis terminum, Arausionenses dixere: ubi polum ac finitorem circulum sex super septuaginta gradus intersunt. Cæteri mare ultra quo Russi adeuntur, Condoræ Pitzoræque oram legentes, angustias pertigere, quibus objecta continenti terra; Vadigatha nomine arctat Oceanum. Sinus, an fretum esset dubitatum; Confusa nebulis dies, glaciesque immenso tractu, quam pari discrimine frigidus aquilo con-

concipit disjicitque, diu vetuere in mundi fines  
 inquiri. Tandem eluctati claustra, ubi se terræ  
 deducere incipiunt, in ortum æstivum directo  
 cursu, inde ab extremos Semblæ Schytiam versus  
 vela vertere, Æquatoris centesimo ac decimo  
 gradu: donec conjecturis creditum est id pe-  
 lagus navigari, quo flumen orbis è Sarmata-  
 rum paludibus ingenti ore consumitur: Cà-  
 rambucis antiquis ut eruditi volunt, quo haud  
 melior limes Europam ab Asia dispescat. Qui-  
 bus exploratis obvia cum nave, quam à Sembla  
 immensum gelu repulerat, tertio quam vene-  
 rant mense domum redierunt. Ea fuit æstas  
 quæ annum hunc proxime antecessit. Atque ita  
 placuere prima tentamenta, ut plures naves  
 exploraturæ ulteriora remitterentur, non Sem-  
 blam versus; sed quæ via spem certiore ostē-  
 tabat, per fretum Nassavium. Ita illud dixe-  
 rant quod Vadigatham & Sarmatas interluit.  
 Frequens rebus magnis impedimentum conta-  
 tio accessit: & serius quam oportuit profectis,  
 mare impervium fuit. Inclemens adeo rigor,  
 & illi quoque cœlo rarus, cuncta glaciaverat.  
 Qui utroque ab itinere revererant, naturam  
 maris solique, inauditas avium & belluarum  
 formas, ut cuique repertum, monstrabant. Pro-  
 minentes oræ, sinusque & flumina posita cœli,  
 & Principis, patriæ, denique privatorum titu-  
 lis notabantur. Insulæ etiam complures modi-  
 cæ, quodque veteribus proditum, per alternos  
 accessus recessusque pelagi, ita ambigæ, ut mo-  
 do tales, modo pars continentis appareant.  
 Major una trans fretum Ordinum nomine tu-  
 to inter pericula subsidio memoranda, & quia  
 Hibernantibus jugis crySTALLUM edit, adamanti  
 haud

haud dispar. Congruens videtur situm ejus plagæ, quique homines aut feræ habitent efferre, tunc primum percognita, & quando vetustissimi auctores hac super re vana, nec eadem prodiderunt. Etiam nuper quatuor ad Septentrionem Euripos magicæ astruptioni temere credidimus. Et quid à Caspio sinu in septentrionem vergeret, inter sapientes olim disputatum, dum alii Oceano claudi terrarum Orbem vatū carminibus affirmant: pars projectam in ultimum frigus tellurem nullo ambitu definiunt. Quæque de incompetis fabulandi licentia est, mare ipsum pigrum multi atque immotum, & quasi deficientis suo fine naturæ vastam molem, seu proprium, Diis & sanctioribus animis secretum finxerunt: nonnulli contra vi quidem turbinum & monstris inaccessum; sed desinenti Oceano fertiles iterum terras aut spiritum aut ignem occurrere. Plurimum ad spem enavigandi contulerunt, quorum libris signatum est, Indos & quidem sæpius, vi tempestatis abreptos in Germanica littora exiisse. Neque magis de cælo & loci ingenio conveniebat, cum septentrionis populos fide ac justitia præclaros continua in die quidam collocarent. alii mersam densa caligine & alienam molliorum siderum aspectu regionem, cunctaque nivibus aut feris aut immanitate habitantium inculta: nonnulli visum primo, mox mundum eripi. Quæ adeo pugnancia, originem ex vero traxisse pleraque videntur, quatenus nautarum experimentis, & accolarum sermonibus probatum est. Nam mari illo, cui Lapporum, Russorumque & quam dicimus Samojutarum ora obtenditur, lux æstiva bimestri longior æquales.

les hyemis tenebras repromittit. Sed solis etiam  
 menses nebulæ perdunt, nihilo nocte meliores,  
 remota vi caloris, ut excire queat nubila, non  
 dissolvere: tum eadem ut plurimum nive al-  
 bicantia maria & terras haud promte dignos-  
 cas. Haud sane sævum procellis pelagus, quod  
 utrinque à freto patescit, velut frigore suo at-  
 tinetur. Nèc immerito prisca homines conge-  
 latum & mortuum dixerunt. Nam quacunque  
 terris accedit, durati in glaciem fluctus longe  
 littoribus abhærescunt, spectanturque nonnun-  
 quam plurium annorum crustæ unam in mo-  
 lem densatæ: ubi ventus rupit, aut rigor remis-  
 sus compagem laxavit, avulsa montium aut  
 insularum specie fragmenta Oceano feruntur,  
 & sæpe concurrunt. Is maxime terror afflixit  
 navigantes, quippe cum explorandi cura terras  
 raderent. Fretum, cujus latitudo horarum dua-  
 rum, longitudo dierum quinque iter complecti-  
 tur, concrevit omne ut quidem pedibus trans-  
 eatur: & quando solutum est, non sua modo,  
 sed illapsa gemino à mari glacies adurget.  
 Quinquaginta vix dies sunt, sub ipsum apud  
 nos posterioris æquinoctii fidus: id tempus il-  
 lic, non æstas, sed hyemis intervallum est. vi-  
 saque palam tabescere glacies: neque diutius  
 velis, imminens iterum gelu indulget. Tunc  
 sane & Russis comineatur, manebantque signa  
 infausæ navigationis, fluitantes tabulæ, sive  
 illos frigus resurgens, sive alia vis deprehendit.  
 Sunt illis & trais Obim commercia: atque  
 illic hibernare pericula docuerunt, ut statò  
 tempore remeant, ubi se undæ patefecerint.  
 Quomodo Magellanico Freto, ita his angu-  
 stis coire Oceanum fidem hanc Batavi attule-

re. Flumina in fretum exeuntia distrahi, velut dubia quo curius agant, aut si ventus invaluerit, eodem impelli; quæ dulcibus aquis mitigent maris saporem. Simul transvectis jam littora recesserint, salfos cæruleosque fluctus immenso profundo attolli: atque eadem iterum monstra: Nam dictu mirum quam sit belluosus omnis iste Oceanus. Spectantur Virulæ & canes marinæ, & ferarum nobilissima quam Morfam vocant, miræ & ut compertum est pugnacitatis, & vix ullis ictibus penetrabilis. Pedes ferine quales castori: magnitudine præstat & pariter solido utitur. Nam visa & glaciei incumbere, & imminentibus mari jugis apricari. tarde enititur. incredibilis delabenti velocitas. Dentibus illis, quantum apud nos ebori pretium, persuasio gentium facit. Ajebant Russi post Vadegatham deductum mare iterum cogi, iterumque erumpere, quo sermone haud affirmem Tabin ne Schytia montem olim cognitum, & porrectam in ortum Semblam parvo brevius concurrere indicarent, an fretum, illud auditu compertum sit, quo diremta à Tataris America communem cum illis originem vultu ac moribus gentium fatetur. A Pitzora Moschi provincia ad flumen usque Obin quicquid mari prætexitur Samojutæ, Sarmaticum genus, non colunt, sed peragrant, adversus immanitatem quoque naturæ & cœli urgentis ipsos animosi & felices. Fœdi quidem vultus & fumo nigri: parvis oculis, pressis naribus: neque ingentia corpora, sed firmæ valetudinis, & ut cuncta fere animantia pernecitate cursus adæquent. Latos parvo atque agiles non delitiæ enervant, non cura macerat. Qua pedibus incessit, quod manu cœpit, id cuique suum

est.

est; nec alius possidendi finis, quam animus paratis contentus & obviis. Ita omnia habent quia nihil concupiscunt. Arma sane Scythicum Parthicumque in morem, arcus & pharetræ, sed adversus feras. ab his vestem sumunt qua totos se caputque & manus induant, ab his victum, crudas carnes, velut amplexi naturæ munera. Delitiæ adeo nullæ, ut panis quoque & usum & nomen ignorent. Id melius arbitrantur, quam irritare maria, quam negantes fatigare terras, & in ulterius semper vota promittere, infensos aliis, infensos sibi. Atq; adeo noverunt rates non imitantur: suoque se tenent littore, nisi quatenus diversa elementa gelu, velut cœlesti ope, coierunt. Sic eunt redeuntque cum Vadigatham & Semblam, deserta alioquin, longo venatu scrutantur. Insulas has esse duas neque magno æstuario divelli pronuntiabant. Ibi longius, quam norunt ipsi, imperant, quia præter solitudines & feras nihil ultra est. Videre nautæ secundo itinere, qui se Principem omnium earum gentium ostentaret: hominem non cultu ullo, non majestate nisi senectutis, insignem. Nam à Moscho; cujus aliquot jam sæculis aucta dominatio, tergum ac latera circumvenit, Riphæi, ut creditur, montes nivibus inaccessi, quos cingulum terræ dixere, & sua illos inopia defendit. Proximi tamen tributum pendunt, pelles ferinas; nec enim aliud habent, magisque belli odio quam metu. Samojutiæ, Semblæ, Vadigathæ littorum prope eadem facies, anceps interdum rupibus & vadis alibi plana. Humus ibi muscosa & palustris, silvis nusquam horret. ignotæ enim, & qualium ubique prodiga natura est, nulli bono usui herbæ sponte nascuntur.

Quo



Quo magis mirandum est ramos truncosque arborum passim fluitare, nisi remotiores septentrionis terras vastus, & ipsolitorum occursum excitatus abruptis Oceanus. Eademque vi credibile est dissiluisse quas nunc insulas videmus, forte hucusque olim exeunte Sarmatia. Quamcunque ejus oræ partem naves attigere, fumus interdum & hominum vestigia, non urbes, ne vici quidem apparebant. Interior regio & nemora habere creditur, & lacus quos perpetuæ nives fundant, alantque. Hæc juxta, ut solum, ut aqua placuit, discreti diversique tuguriis latent, aut specus aperiunt, ad fovenda ignibus corpora contra cœli injuriam. Nec tamen desident. Traha, quam rapiunt incredibili celeritate quadrupedes, haud dissimile cervis genus, rangiferos vocant, una omnibus, supellex. Hac lapsi altas per nives vestigant prædam, mutantque sedes. Totam hanc plagam feræ cum hominibus haud sane ex æquo divisere. Tanta multitudo est leporum luporumque candida cute. tum martes, sabelli, quæque aliæ tantum ob pelles expetuntur. Vrsis (& hi frigore albicant) major solito moles, & quia pabula deficiunt, rabies inandita. non armorum metus, non mare obsistit, quo minus conceptum odorem impetu sequantur. Ea pestis improvidos nautas, qui litus adierant, foeda morte absumsit. nec aliud sociis quam spectare & sero ulcisci datum. Notabatur in ora eminente sancti & profani triste divortium, cum summis injugis innumerae Deum effigies rudem artem sensumque: contra erectæ cruces Christianas manus testarentur. Nam Russi, quos in insulas & partem eam continentis tempestas, aut pellium

mer-

mercimonia adpellunt, sex ante sæcula Græcos ritus acceperunt. Samojutæ cœlum atque astra adorant, numina haud aliis iniquiora, tradito more, nec ut oderint dissentientes. Sunt & qui lucos apud illos memorent horrendo fragore & visis infames, sacrosque angues, superstitione haud ignota coli. Cæterum mos Samojutarum minime ferus & Lappis, Finnisque vix diffidet: quanquam olim humanam illis carnem pro cibo fuisse, sunt qui ex nomine, quo vocantur, arguant. Quod si recipimus, annumerandi & hi populis, quorum vitam ætas & exempla mitigarunt, facili ad dediscendam feritatem hominum ingenio. Ad primos Bataÿm occursum, sola ignorantia pavidi, fugam aut arma prospiciebant. Postquam approbata innocentia, & quædam muguscula acceperant, duo sanctissima, solem & paupertatem suam testabantur, invitos se beneficiis vinci. Ommino, siquid in posterum fortuna annuit, multum momenti in illarum gentium studiis, quæ freto assident. Quanquam & arcibus premi transitum ad retinendos usus reperti maris profuerit, & quo refugium habent naves, siquid subitum ingruat. Tum, si cura & homines accedant, non minus Vadigartha est insula cultus patiens, quam quæ extremo Danici imperii litore habitantur. Nam ut sub ipso sidæris incendio flagrantem plagam, ita, quæ ad utrosque relegatæ vertices gelu stringuntur, admittere mortales, eosque forte nascendi & assuetudine sibi æquare, contra veterum rationes, experientia convincitur. Nullam sui partem natura solitudini damnavit, adeo quidem ut Gronlandia ad Septentrionem remotior fruges & sata alat nostrum in

morem. Pleraque certe inculta olim jacuisse par est credi, cum adhuc potiora sufficerent. Paulatim sua homines multitudo & discordia longius projecit, terræque maria, & maria terras monstrare. Proxima Obi regio Obdoria est, anus aureæ simulachro & oraculo celebrata. Ultra amnem Molgomzaya flumen alterum, & ripa cognominis, quam Russi non commerciis modo, sed imperio novere. Cætera jam fabulosa: morte hyemem transmittere, vernoque cum spiritu resumere animam Leucomoriæ populos, cum expositis interim rebus permutationem sola accolarum religio peragat. Tum hirta hominum corpora, & canina oris species, haud minus vana veterum mendaciis, qui equinis pedibus gentes, & alias, quarum aures nuda alioquin corpora ambiant, iisdem locis ascribere, ut fere ubique in miracula, & falsas auditiones fama rerum definit. Quædam horum tamen, & quod certiori testimonio firmatur, capite truncos homines, qui vultus in pectore gerant, aut esse, aut colli brevitate erectisque humeris tales videri, haud pertinaciter refellam, satis gnarus, ut alibi ignium intemperie, ita vi frigoris nimia peccare naturam. Hoc constat Loppos sequi, Imaumque montem, & inter nemora late vagantes Hordas Tartarorum, quorum pars sit Carhaia, conversa jam littorum fronte: inde Sinas & quæ in orientem noscuntur. Idem hic annus infamis rapinis Dunquercanorum; qui triginta & quinque Batavorum naves, in Norvagiæ missas lignatum, iuermes præter unam omnes, in potestatem redactas, avehere cum non possent, magistros navium obsides promissi in redemptionem pretii secum duxere. & innox e Galliam pen-

tentibus non minor præda: sed una raptorum navis circumventa a Batavis, forti prælio absumpta suorum parte altera, quadraginta trium, qui superfueraut, supplicio aliquantum repressit grassantem satis feliciter audaciam. Simulque liberati supra viginti, qui nave illa, capti tenebantur, quique jam singuli bina, aut amplius, florum millia vitæ servandæ promiserant.

HUGONIS GROTII  
HISTORIARUM  
DE REBUS  
BELGICIS  
LIBER QUINTVS.

**E**stum inde annum Belgæ sub Hispanis inchoarunt, insueto gaudio eorum, quæ Gallicis finibus provenerant, tum nova spe ornandoque Alberto Archiduci Austriaco intenti, qui pari cum honore successor Ernesto mittebatur. Minimus hic fratrum, quod magnæ nobilitatis solatium est, taciturnique Regibus & Pontifici fœdus, Cardinali dignitate fulgebat. Exin probatus Philippo Lusitanæ præfectura, ubi suspenso obsequio & in subditos comitare claruerat, haud indignus habebatur, quem Rex, more gentis inter se fidæ, propiori necessitudine sibi immisceret. Igitur quo majore cum gloria

• CIO IO XCVI. P 2 gen-

gentile regimen addisceret, provisa abunde belli & pacis instrumenta. Tutum illi iter ex Hispania in Italiam, perque Sabaudos & Burgundiones Luxemburgiam usque & fines Belgarum. Pedites & turmæ undique agglomerabantur, non modo cuncti præsidium, sed exhaustæ militiæ supplementum, quos ille ubi ad exercitum pervenit, paucos in cohortes, aut alas coëgit, partimque veteribus infudit, prudens verum numeris robur, quam nomen & speciem querere, ne inutili præfectorum turba ararium & militem oneraret. Itaque & Belgas proceres, apud signa infrequentes, præfecturis ac tribunatibus amovit, quorum præter nomen & commoda vix quicquam usurpabant, suffectis aliis, qui diu obsequendo imperare meruerant. statuit alia quoque haud indigna imitatu, ut ne quis signum ferret nisi tertio stipendio. Conquistæ & pecuniæ, quia recens seditio in metu & vetera malorum recrudescebant. Et promiserat Hispanus in menses singulos undecies centena florenorum millia, sed quæ primum autumnum haud ultra processere. Trahebat secum Albertus satis magna argenti infecti pondera, quo trajiciendæ per syngraphas pecuniæ damna lucrifierent & quia cuso in Belgica majus pretium est. Et alias ob longa itinera intuitum, nunc valido præsidio defendebatur. Aderat una & velut pignus clementiæ ostentabatur Princeps Arausionensem Philippus Wilhelmus nomine, qui motis in Belgica rebus avectus olim & honorate Hispanica in aula custoditus libertatem tum primum receperat. quippe Romanam in religionem firmatus, & isto obstrictus beneficio, si fratrem minorem adiret, & gentes, apud

qras

quas paterna valeret memoria, pacis mediis,  
 aut inter hostes discordiæ causa sperabatur. Ne-  
 que sane Albertus ipse aduerso apud Batavos  
 rumore erat, plerisque nautarum cognitus gra-  
 tuita clementiâ, quos per Lusitaniam, in hoc  
 ipsum, ut creditur, comprehensos haud dubie in  
 spem famæ dimiserat. Gratum præ cæteris,  
 quod ejus adventu Ibarra & Fontanus invisa po-  
 tentia demoti in Hispaniam remitterentur. Sed  
 plures successerant, Franciscus Mendosa, Tar-  
 raconensis pelagi præfectus, consilio tum &  
 bello caput, Consalvus Carilia, Girolamus Za-  
 pata, & Baptista Taxis, alia nomina, iidem  
 mores. quo magis formidabatur simulata boni-  
 tas manentibus malis. Et Fœderati Ordines,  
 veriti nequid vulgus Principis Arausionensis  
 aspectu & colloquio mutaretur, ad ipsum scrip-  
 sere, gratulabundi quod viginti octo annorum  
 captivitatem exiisset: cæterum fines suos, inter  
 arma, nisi publico vocatu haud tuto adiri: neque  
 satis ex usu rerum præsentium coram ipsum ve-  
 nire, quanquam ultro confiderent; haud eum  
 fore, qui expertus cum maxime Hispanicam sæ-  
 vitiam; subruere velit patriis consiliis & patrio  
 sanguine fundatam libertatem. Quibus ille re-  
 spondit, ad reliqua officiose, de patre dissimu-  
 lans: verum nullius rei auctorem venisse, quæ  
 non utrique partiū conduceret, unde se meri-  
 to secundas ipsorum voluntates opperiri. His  
 tum abstentus, nihil in posterum affectavit,  
 suspectum se Batavis querens, & apud Hispanos  
 generis invidia premi: Quare nec arma induit;  
 privati expetens, seu fraternæ gloriæ reverentia.  
 Sed Mauritius illum per legatos, soror Hohen-  
 loio nupta coram in Cliviis convenit, dona &

pecuniam, offerentes, quo domesticam administrationem maximarum penes se possessionum domino certatim purgarent. Ordines autem callidi vitare imminentes insidias, jubent excutere transitus, præcipua adversus Iesuitas cura, nequid infidum credulam in plebem manaret. At Albertus non his artibus fidere, ita pacis avidus, ut bellum interim urgeret: super præsidia instructo quindecim millium exercitu. Faram in Veromanduis, bello & inopia circumdatam, nisi furtim ac modicis copiis alere ratio nulla erat, quia hostilia circum oppida, & ingens equitatus, tum humentia camporum, quo majora insidentibus munimenta, hoc adituros graviore periculo terrebant. Detrahare obsessores, aut si morarentur majori pretio Caletum aggredi propius fuit, & suadebant per avaritiam præfectorum neglecta urbis munimenta. Id ipsum Parmensis olim, inde Lamota hortatore Fontanus sibi destinaverat: sed gloria cœpti novo imperio servata est: supremum hoc transmarinæ expeditionis præmium, & freti sui claustra, ducentos per annos Britanni retinere: quibus intra insulam redactis Francisci Guisii virtute, acceptum regnum urbis Gordanus, mox in propinquum sanguine Bidosanum transinserat. Neutri cura, quæ bello aut ævo fluxa reficere. Et erant longe infra sæculum opera: murus lapideus urbem ambiens: arx angusta, & in quatuor propugnacula leviter excurrentes: ne milles quidem adversum hostes, sed firmandæ potentia: assumptus, dum terra marique augendis divitiis incumbit animus, ac, quod frequens turbatis rebus, ex præfectura regnum fit. Quare nec Borbonius, cogito jam pridem interceptas

per

per literas periculo, occurrere potuerat, precario adhuc & tantum volentibus imperans. Quin adeo Bidofanus, celebri jam rumore Caletum peti, sociis e Batavorum cohortibus, duabus centuriis haud amplius admiserat, ex conscientia suspicax. Apud ipsum sex aliae erant. Quae postquam Alberto relata, quo terrorem latius spargeret, e Valentinianis oppido diversas manus sub ducibus ire, & proximis Gallorum locis miscere tumultum jubet. Praefectus castrorum Christianus Ronæus, Gallorum exsulum clarissimus fama, parte exercitus ambire missus oppidum, omne auxiliis iter abscidit. Nam capto ponte, quo terrestris arctatur aditus, coctili muro turrim, quae Ricibancum dicitur, ad portus fauces, unde & Guisio quondam in oppidum aditus, semirutis jam olim munimentis, quae ne tum quidem audito periculo, quisquam refixerat, percussum tormentis in litore positus, defensumque non quamdiu debuerat, victor ascendit. Inde jam Batavorum naves, quae Flandricum ad littus sedent, quo minus commode obsessis succurrerent, arcebantur. Attamen tela inter, late patente portu, travecta navis Bidossano, quos poposcerat, curandis machinis artifices, & pulverem tradidit. rediitque. Mox & Sancti-Paulio Comiti, qui mille & quingentos Gallos oram ad maritimam duxerat, suppetias oppido laturus, investandi operam spondebat nauta, ni ipse periculum defugisset. At postquam Austriaci vires coierant, & tela ex incumbenibus arenarum tumultis desuper adigebantur, suburbana primum aedificia ad impetum cessere: mox oppidum ipsum tri-duo obsessum, cum quassari machinis porta ca-



pisset, vulgi pavore & domini veteris odio (quippe ipsi regenti, non consilium, non auctoritas inerat) Hispano deditur. In arcem se miles recepit, quæ pactis sex dierum induciis in spei auxiliorum tenebatur. Et Mauritius quinquaginta navium classe multoque milite jam aderat, visurus quid Gallis, quid Anglis esset animi. Sancti-Paulius discesserat. Essexius in propinquo habebat paratam in Hispanos, si forte ingruerent, classem. Obstitit populorum nunquam bona fide coeuntium æmulatio. Nam Viquium proxima Galliæ præsidia regentem, tentavit Essexius, velletne si recuperaretur Caletum, custodiam ejus Anglis permittere. Credere Galli quæ bello quondam Angli tenuerant, nunc per amicitiae speciem indecore repeti. At Rex Henricus non quidem obsidio desistere: sed relicto ad Faram exercitu, id potius credens, an quia Caleti aditum desperabat, interscisso æstuariis solo, quatuor millitum præsidio Samaram amnem delapsus proximum navale Bononiam advenit: Ibi ferendæ opis sera consilia habebantur. Rogatus à Rege ut in terram descenderet Mauritius excusavit, nudatis domi finibus consulendum dictitans. Trecenti ferme milites Campsaniolo duce terrestri itinere subinissi, nocte usi & silentio & maris recessu, per fossas in arcem erepsere, exemplum magis obsessis quam subsidium. Plerique, ut propugnacula oppugnantibus patebant, cum Batavo milite in vestigio cecidere: dum cæteri Gallorum, bello inhabiles, præcipiti fuga, seque & alios in exitium dant. Occubuit & Bidofanus. Batavi ferme sexaginta e domuum culminibus fortiter se defendendo expressere ut salvi

emit.

emitterentur. Temperatum fecit usum victoriæ Archiducis præsentia, qui sine multo suorum sanguine Caleto potitus, oppidum extremis Gallorum finibus auctum firmatumque opere, imperio & sermonis usu in Flandriam trahebatur: bellum inde maritimum agitans. Egregium hujus victoriæ præsidium haud longe interius jacens Ardea, Britannis olim irruentibus limes oppositus, in potestatem Alberti venit, Galliamque illac patefecit, eadem illius felicitate, hostium hoc majore culpa, quod non improviso opprimebantur. Milites bis mille munito satis loco excessere, honesta turpiter pacti, neque enim dum oppugnarentur expectavere, sola, ni dederent, mortis denuntiatione exterriti. Quæ dum aguntur, Fara tandem fame subacta, Henricus in vicina Caleto loca distinxit exercitum, ne infirmiores civitates, quas metus ingens pervaserat, ad victorem desciscerent. At illum jam & inopia coactum Gallia decedere, Flandri orabant, vim magnam auri pollicentes, Ostendam sibi redderet, quæ sola ejus litoris oram dissociabat, idque ipsum metuens Mauritius introspectum ivit ipse: egresusque curavit, ut militum satis, deinde victus, quæque bello aut operi faciendo idonea, suppetere. Quod exploratores retulere, simul ipsum mare cominodo portu ad oppidum accedere, & cuncta retro æstuariis incerta. Ita dilata hæc obsidio est, ne temere coepta primorum successuum famam laceraret: Quoniam tamen præter auxilia Gallia donata magnam partem Batavici militis, ut memorabimus, Anglorum classis absumserat, damnata quies, & quo conferrentur armia, civitatum precibus, consiliis

ducum certabatur. Sed dum Gallia Archiducis copias tenet, Mauritanii equites Brabantiam & Belgarum ultima ferro atque igni vastabant: irrupto & Andethanna Lucemburgorum oppido: ubi illæ in Flandriam recesserant, Galli incubuere. Sic alterum semper latus hosti obnoxium. Fusæ & Alberti turinæ, ut quasque casus obtulerat. Atque id maxime tempus multa exercitatione & enra ducis firmato Batavorum equiti documentum sui & in maiora fiduciam dedit. Quippe Hispanorum alæ velut inclusæ & resides: Mauritanos contra patentes hostium campi & præda iritabat: Archidux, ubi tempus exeundi placuit, nequid inutile sibi aut suspectum relinqueret, expeditis stipendiis Italos Tilemontio evocat. Spes & consilia in Hulstium versa, quod Flandris placandis, nec minus ex usu Brantiæ videbatur. Oppidum veteri structura infirmum: victorque Mauritijs, quia longum mutare rotundam incenium faciem, interim adauctæ fossæ munimenta iniecerat. Mox Zelandi, suscepta tuendi cura, castellis per agros dispositis, ruri quam oppido rectius consuluisse arguebantur. Præcipuum loci robur, quod rivus haud procul erumpens, adjutus manu, quo laxiore via in Hontam exiret, retroque in Scaldim ducebatur: nam utroque nomine amnis idem Hulstani agri tergum sinuosus circumvolvitur. sic velut insula undique inaccessa & geminæ ripæ imminens in prædam Wasiæ & Brabantici soli rapinas militem emittebat. Dissecti & in hostem aggeres, & qui intra flumen erant depressi sub jactus ex oppido telorum. Pridem castella Flandri duo arcendos ad excursus objecerant Ernesto & Fontano iubentibus.

bus. Plura Fœderati, quæ ripam tuerentur. Bina horum oppido connexa, per excurrentem aggerem, quem inter patefcens humus transitum ac mutua auxilia occultabat. Haud omnino par utrique firmitudo. præstabat quod Hontam versus Nassavianum vocabatur, quippe subvectioni præfidiũ ab Axela & insulis Zelandorum. His difficultatibus territi quos inspectandum ad situm Albertus miserat ante placita dissuadere. Quomodo enim adversus minas incumbentium castellorum transduci posse nudum militem, vim comineatum, machinarum denique pigram molem, insidenti cum maxime Scaldim hostium classe, quorum & minora navigia medio vectarentur? Arduum id, anceps: nec cætera expeditiora. Solum palustre, hostem industrium, libero navigatu irritum obsidium, nec magis sperandam oppugnationem contra integros semper & recentes. Super hæc Gallorum Rex, acceptis in fidem perduellium plerisque, jam validior irrupturus vacua formidabatur: neque dignum satis Hulstium tot periculis peti. Sed flagrantissimus tribunorum Claudius Barlota, homo Belga, contra exurgens travectionem cohortium, Hispanis ducibus detrectatam, sibi deposcit: Quod cæteros ad merus pertineret, dandum aliquid audaciæ & fortuito hostium errori aut formidini. Staturas bellorum vices, si paria altrinsecus consilia & virtus in singula fingerentur. Res in præsens dissimulata paucis consciis firmatur, quo facilius hostem fallerent, quem suspectis locis inhaerentem amovere primum erat, nec eventu caruit. Nam Ronæus ponte imposito Scaldis flumini, Brabantiam inferre signa iussus, quo Bergis aut Brædæ terrorem faceret,

ceret, Mauritium compulit relicto ad Hulstium  
 praesidio, quod Solmenfis regeret, reliquo cum  
 agmine anxium sequi. Modicatum, siquando  
 alias, Foederatorum copiae: quia parcendis  
 sumptibus fines duntaxat tueri placuerat, cuius  
 consilii rationem hic praecipue annus improba-  
 vit, & damno & impendio gravis. pars mili-  
 tum Anglicanae classi concessus aberat: pars in  
 Galliam profecta liberando Cameraco: quod  
 restabat in praesidia ferme absunto. Missi quip-  
 pe Germani nuper: nec novae cohortes con-  
 scriptae. Duo vix penes Mauritium millia, quae  
 incertos hostium conatus sequeretur; sed repe-  
 titus e Gallia miles mox advenit, octodecim-  
 centariae erant. Barlota interim (cui Bissa aderat  
 spem praefecturae praecipiens) lntres e proximo  
 Flandriae castello per stagnantia ripae obscura  
 nocte in alveum adigi jubet. Mille quingenti  
 aut paulo plures sequebantur, Walonica Barlotae  
 & Germanica Tesclini cohors, armis & dierum  
 aliquot alimentis graves, undas inter & caenum  
 lapsantibus vestigiis. Tandem impositi navibus  
 (nec enim vada aderant) transitus inultos ha-  
 buere, silentio suo & Batavum classiorum indi-  
 ligentia, qui ut periculis intrepidi, ita custodiae  
 segnes, hostem per aquas volitantem, quod  
 promptum fuit, scaphis non turbavere. Iam vero  
 tela per tenebras vana: nec in tempore oppido  
 proruptum: sed modico ad ripam munimento  
 triginta milites, quos locum servare iussus & ra-  
 tio fuerat, temere egressi caesique, hostem ma-  
 chinarum & receptus egentem utroque instru-  
 xere: secuta mox pugna: sed nocturna eoque  
 turbida haud internoscantibus, se sociis aut hosti-  
 bus pruno tamen impetu Germani, qui cum Bar-  
 lota



lota venerant, cæso Tesclino duce, vertere terga, ac frustra retenti augescensibus aquis & obscuræ morti occurrere. Restituit fortunam obnixus cum suis Barlota, voce clarum intonans, redactique in oppidum aggressores: Numerum cæsorum utrique in majus celebrare, pro victoribus agentes, Solmenis quod signa, illi quod captivos abduxerant. In supplementum Germanorum milites nonnulli, quos ultra flumen Claudius reliquerat, illecti pretio ut tranarent peremtorum spoliis ornabantur. Tum siquid juxta editum (namque intus aggeres adversus augmenta fluminum intercursant, haud perinde ac Mauritius jusserat custoditi) nocturno subitoque opere hosti occupatur. Hæc ubi per Brabantiam sonuere, duces ambo diversis itineribus eodem ruunt: Princeps ut crescentem turbam insula depelleret, ille, ne pauci, qui intraverant, copiis hostium aut fame circumvenirentur. Nam sola illis, quæ humeris ipsi asportaverant, alimenta: curribus, navigiisque nulli aditus. Sed frustra laboratum Mauritio recuperare infessa, quia Ronæus trans Scaldium raptas cohortes quinque, Walonicam scilicet, Neapolitanam & tres Hispanicas, haud sane illæsas, invexerat. reliquo cum exercitu Albertus ipse ulteriorem opplebat ripam. Mauritius ultima Zelandiæ ora Cruningæ subsedit, inde quantum poterat militis, oppido imminittens. nam Zelandi acriter socios obtestabantur, ne se negligerent, in quos & validus & victor exercitus, propinquo ex Gandavo & Anverpia comineatu, vi tota incumberet. Igitur Transrhenanis urbibus & queis locis hactenus formidabatur excitus miles. finium custodiæ tiro conscriptus

auctoratusque diuidiatis stipendiis. Decretum insuper, ut iustorum militum per Britanniam dilectus haberetur ad duo millia: rogata regina tantundem ut ipsa huic necessitati contribueret. Rex vero Galliae oratus, ut vacuo ab hoste tempore instaret, ultroque ipsius fines incurreret, pacis, quam iam sperare coeperat, consiliis tardabatur. Interim Hulstano agro eques Hispanicus, Batavus, hac, illac inductus, subitum terrorem & cladem miscuit. Major vis penes Batavos: & quoties aestus campos inundabat, navigiis impune vhebantur. Tum oppidum inter & contiguum oppido castellum, quod Scaldim atque adeo hostem spectabat, contemptis munimentis dabant se in apertum. quo velut ludibrio iritati hostes, cum refugis instarent, oppidanorum telis & densiore eruptione turbabantur. Tormentorum inopia hæc evenire, sine quibus nihil profici, manifestum: in transvehendo difficultas erat. Paulatim virgultis fascibusque solidantur madentia: in æstuario devinctæ inter se naves ea firmitate, ut pontis usum præberent, & in ultimo ripæ regiæ lunata munitio. Hinc machinæ oppidum contra & castellum excutiebantur: tum vero dux, quæ primo incessu obveniant, insula in ipsa, & ut cæterarum quæque traducta, in hostem diriguntur. Postquam aliæ aliarum præsidio complures pervectæ erant, tutandos ad com meatus castellum, quod diximus, oppido avellere, & sibi vindicare flumen Ronæus aggreditur. Quod postquam modicis assultibus non successerat, machinarum ac tubarum sono, quo propalam confessus agitata pavorem hostibus, suis alacritatem inderet, dilecta insuper concubia nocte, ire Italos mediumque

diumque aggerem, qui e castello ad urbem ducebat, infestum munimento hostium perumpere jubet. Exactæ tenebræ per vulnera & cædes, cæco strepitu, dum ambigui quamvis ictus in confertos cadunt, nec ulla declinandi providentia est. Mane pulsum præsidium. Atque interim Germani earundem partium, quo vim astu juvarent, locis palustribus atque incustoditis enisi, vallum castelli exterius penetrant. rescisso palorum ordine funduntur vigiles alieno periculo securi. Sic dum partem alteram alterius auxiliis arcet, in utramque victor, toto eo die castellum machinis pulsât: & ut erat aggere structum uliginoso, facile dirumpit. Inclusi haud pauciores ostingentis, quanquam nec ruina satis patefcebat, & nulla, cominus arma senserant, pontem hosti captum & dubia casuum aut præmatura formidare, illorum maxime contactu, qui nocturnis e præliis profugi cæteros sibi miscebant, nec quenquam integrum patiebantur. Projecta arma, vis, clamor, minæ in præfectos ni continuo dederent. Cum jam suppetiæ a Solmensi ducerentur, sero diei exiere, irrisi hostibus & apud suos impuniti: intantum scilicet corruptis sæculi moribus, ut non mala sæpe quam remedia formidabiliora sint. Spe citius Hispanus facilem nactus præstructumque aditum, quod fossæ proximum siccabat: inde quæ fossa ambiuntur munimenta dolis & impetu afflictabantur. Simul ope castelli jam tutum instruere flumen, cingere copias, castra disponere: levataquæ rerum pretia quæ difficultas transportandi ad famem usque manipularium intenderat. Concupiverant obsessi pertusis molibus aquarum vim in hostem vertere, sed aderant



aderant derivandi artes, quique aggeres illorum in potestate, exciti contra praesentes ad usus. Igitur ad eruptiones versi subter moenia specus duxere, quibus improvisi emergerent: multamque post eadem relata signa captivique, nulla redeuntium clade, cum vicinas inter administrationes securos, in ludo interdum & alea, deprehenderent, quæ nunc militaris otii oblectamenta sunt: aut, si clamoribus excitus densior hostis ingrueret, levi prælio, tardo recessu periculum vitabant. Plurimum noxæ tormenta attulerunt, & missiles flammæ: quippe adversus urbem procedentibus inanes corbes prætenti, qui visum non & tela arcerent. Nec tantum qui machinarum pericula tractabant, sed ducum haud pauci sternebantur. Et hos inter Ronæus, quo consultore pleraque per Galliam præclare gesta Hispanis, nisi quod eadem jubendo Albertus & Fontanus & Parmensis in se verterant. Gente erat Lotharingus, domo nobilis, ac Gallicorum motuum per initia Francisci Valesii fortunam ac partes secutus. Mox Guisus hominem, non minus callidum, quam fortem & qui nihil profuturum turpe duceret, largiendo suum effecerat. Annis ultimis multa Hispanorum consilia clam Henrico significaverat, velut reflectente in ipsum studio: re vera quo majora conatum occultaret. Castrorum præfectura, morte ejus vacua, Hermanno Heremburgensi traditur. Oppidanos suæ insuper angustiae in vulnera impellebant, minaci circum aspectu aggerum atque collium, quos Varax ei rei sub Archiduce præpositus undique machinis armaverat. Ita nihil rectum extra turpes sub humo latebras, aut quæ imminente vallo obumbrabantur. Solmen-

sis •

sis, perfosso crure æger, imperii munia per nuntios & tribunorum colloquia exsequebatur. Et ipse Mauritius propinquo e litore cuncta inspectabat. Tum qui defecti vulneribus, aut armis, inhabiles, quinquageni prope per dies singulos, vicinas per insulas atque aliarum urbium hospitia exonerabantur. Pironemque Zelandiæ tribunum vigilanti studio exercitus labor valetudine fessum diuinit. Supplementa, & quæ bello aut victui necessaria indidem advenere Ernesto Nassavio, ac postremum Dorpio duce. Crevitque paulatim præsidium, donec in oppido sex & triginta, Nassaviano in Castello sex centuriæ forent. Frumenti vero ea copia, ut, cum intra oppidum servari commode nequirit, pars navibus sit imposita. Id vero hosti vix ferendum, commeari toties navigia se obsidente. Igitur portum versus opera protendere & modo hac, modo illa ex parte machinis insequi: frustra plerunque, cum paludum interventu & spatiis longitudine ictus elanguescerent, atque ultro ipse Nassaviano e castello telis petebatur. Æstus quoque aquarum subinde vehementior incommodum dabat. Inde Itali Marchione Trivici regente aggressi munimentum, quod recens oppidi portæ castra spectanti Solmensis præduxerat. Primo fodientium nudi apertique imperus. at ubi ex vallo conspicui telis urgebantur, structis duobus aggeribus latera cinxere. Tum incussæ machinæ: scandentesque mox Itali in ipsam munimenti radicem, prælio dejiciuntur, unde resurgentes Zelandorum manu densaque vi glandium & missili igne fugabantur. Assumpta aliarum nationum subsidia: & sibi quæque constiterunt, quo virtus discretior elucesceret.

Quin

Quin & proprium e beneficiariis agmen progredi jussum, præcuntibus signis, non militari-  
 bus modo, sed quæ sacris & suppliciorum so-  
 lemnibus usurpantur. Hispanis id solitum veteri  
 exemplo, quoties profanam adversus barbariem  
 certaretur, & quia gens addicta religionibus  
 non aliud majus audendi incitamentum habet.  
 Contra nitebantur singulæ cohortes per vices  
 custodiarum, ac pane ministra bello oppidano-  
 rum turba tela ac faces ingerens. Ita tres per  
 alternos dies acriter pugnatum, majore aggres-  
 sorum pernitie. Etenim priorum ordinum mili-  
 tes, gravem per armaturam vice muri cæteris,  
 ut glandibus impenetrabiles, ita si cominus te-  
 nerentur vitandos ad ictus immoti seque & cæ-  
 teros impedierant. Tandem ab impetu ad artes  
 ventum, & utrinque cuniculi, quanquam alte-  
 roversum promoti, damnum æquaverant, pro  
 oppugnantibus fuere, qui planitie dissilientis so-  
 li, ac partim scandentes, suorum & hostium  
 stragibus juvabantur. Ea vero dira facies, cum  
 per iniqua exstantibus tumultis loca & humum  
 sanguine lubricam, ubi calcandi commilitum  
 artus, attoniti iris, instabiles gradu truderent,  
 truderentur. Ad extremum coorti hostes defen-  
 forem impulere: ac quo minus secuti una val-  
 lum irrumperent, quod multis ictibus hiare jam  
 cœperat, agger lunata specie & fossa structa in-  
 terius Solmensis providentia, atque eo conglo-  
 bata militum manus obstitit. Nec longus His-  
 pano usus munimenti quamvis multo sanguine  
 ac labore constantis: Nam quicquid ejus resta-  
 bat obsessi cuniculari pulvere disjecerunt. quin  
 & aræ, quæ eum locum vallumque inter pate-  
 bat, specum subjecerant, cujus obscuro ore glandes

des in hostem jâculabantur, qui vix sero cognita fraude, fauces obstruxit : sed cum retro quoque obfessores cavum occluderent, injecto prius igne compressa vis flammæ hostium aliquot terra obruit. Non cessabant illi interim quod reliquum fossæ subductis aquis siccare, quater vallum machinis, eo violentius, quia mœnium ruentia destitutis infra palis sustinebantur, quaque defecerant munimenta oppidani fasces & aggerem inferebant. Nec levis oppugnantium labor in propugnaculum, quod portus aggerem contingit. verberare id machinis infelicitè cœperant. nam incensus forte pulvis ei operi destinatus adstantium plurimos rapuit, fragore ac tremore tanto ut trans mare Middelburgi quoque sentiretur. Vbi hoc casu, sive alias lassè obfessores aliquantum remisèrant, sexcenti, lecta Batavorum e centuriis inanus, claro meridie quo tempore undæ decreverant, scaphis vadisque flumen & quæ ultra sunt æstuaria superant : improvisèque adeo diversis locis involavere, ut Hispani quæ se munierant, vallum suum intra caderentur. Posita contra navigantes tormenta, quia devehì non poterant transfixa clavis. mox turmas & octingentos pedites in auxilium suis aut ultionem adventantes ita repressere, ut redierint egregio cum decore, nulloque aut facili damno. Post & alibi nec minus prospere eruptum. Instabat percutere mœnia Hispanus : unoque jam loco in vallum penetrabat, qua parte interior nulla munitio erat, quanquam fieri id Mauritius jusserat. qui omiserant, oppidanorum penuriam & tot simul laboribus imparem militem excusare. Hoc statu, more belli Albertus periculum denuntiavit obfessis, nī dede-

dederent. acceptoque responso forti, non tamen impugnationem rursus audebat. quia priora certamina duobus millibus haud minus demiserant : plurimique duces & fortissimus quisque ceciderant, dum continuas ad clades cunctabundum militem exemplo trahunt, novum apud rectorem decus sibi & gratiam certantes. Sed & affectorum incredibilis multitudo, cum jam vicinorum urbes excluderent, campis procubuerat : quæ spectaculi foeditas miserationi formidinem miscebat. Occulta igitur fossorum opera subducere vallum parat, haud satis certa spe, quamdiu recentes in oppidum vectari conspiciantur. His anxium fors antevertit. Nam suspecta hostis tam rapidi quiete, ex oblectis alii insulas & vada quæri, unde flumen ac naves invaderentur, pars erupturas ab imo in urbem insidias, quæ non frons, ut hactenus, sed terga quoque intuta redderentur, aut per ruinas impetus subitos, ut multa invenit metus, sibi, mox aliis figurabant. Facundi subito attollere hostium, suas imminuere copias, quæ diebus iisdem feroces contemserant, ut maxima malorum loquebantur. Concurritur ad Solmensem, ubi frequenti consilio (idque ipsum fuere qui reprehenderent, quod non apud se potius, aut cum dilectis deliberasset) centurionis deditorem suadentis hæc fere verba fuere : Si non maxima pro hoc loco edita essent virtutis documenta, ambigerem & ipse salutis an gloriæ viam rectius sequeremur. Iniqua est fama quæ satisfieri nondum sibi patitur. Quoties hostem toleravimus in nos effusum? quoties irruimus ultro? Sed ille nimirum cladibus etiam proficit : nobis supplementa nunquam tanta adveniunt, quantum vincendo

cendo perit. Totius mensis certamine detrita oppido munimenta: nudum aggerem cum hoste divisimus: interiora vallando humus quoque absunta est. Quid igitur moramur? Venturumne exercitum ut hostem, quem arcere non potuit, praesidiis ac sedibus pellat? procul hæc quidem expectatio: Gallia & ultimæ Gades spes nostras tenent. Mille hic & quingenti sumus, quos vocant prælia: mors cæteros habet, aut vulnera retentant. Circumsidemur viginti millibus, quorum nos armis obrui etiam possumus. Quid jam memorem depressas sub terram insidias, a quibus nulla virtus tuta est? Indefensis & inultis pereundum. Enimvero a maioribus ita nos accepimus, forti vera pericula nunquam contentui esse: temerarios nec apud prudentes laudem, & certe exitium sequi. Tum vero longe alia apud nos atque hostem bellandi ratio est. Nos paucis stipati legionibus pensandum habemus obsequii alacritate quod numero deest. Ille dominator, opum inexhaustus, prodigus militis, vili constare putat, quod sanguine cimitur. At quem eum in hostem futurum creditis, qui suos ita projicit? miserum vero militem, si toties contenta morte vitam nondum meretur. Quid, quod & patriæ interest, ne dum pauca pertinaciter tuemur, cætera eidem furori tradantur inermia? Sit sane superior ille, quem validiorem negare non possumus. Habeat solum, sed cruentum suorum cadibus. Nunquam se nimium hac victoria jactabit illis, qui tot hic duces, tot commilites requirant. Accurata timoris defensio non omnes flexerat, præcipuo resistentium Matthia Hellio. Is enim clamate, novum hoc prorsus belli ne-  
fas,

fas, ante oppugnationem vallum deferere, & exitum ab hoste precari eo ex loco, quo suis adhuc aditus pateret: spatium saltem vel ad deliberandum sumerent: posse interim muniendo excludi hostem aut prurptione depelli, dum Ordines, dum Princeps consuleretur, qui propinqua insula, sollicitus oppido, nihil dum tale exspectaret. Prælata fortibus tutiora, & Solmenis, qui paulo ante Mauritio duraturum se in extrema promiserat, Ordinum quoque literis ac pollicitis in id ipsum animatus, nunc subito militi metuens, seu quia experimento cognitum est generosos imperus & præliis invictos adversus obsidium bellicue tædiæ non idem valere, maturandam judicavit deditiõnem, ne, qui intus esset rerum status, transfugarum indicio proderetur. Conditiones pœne ipsi præscripserunt, avidiore gaudii Alberto, quia non speraverat. Sub finem Augusti mensis, cum centuriones non minus sexaginta militum haud minus quinque millia oblidio imputaret, traditum in potestatem ejus Hulstum, Nassavianumque castellum armis intactum: reliqua ripæ munimenta effugientes præsidarii corrumpere. Graviter ferre Batavi jacturam oppidi & tributorum queis Flandria in partem onerum vocabatur: accedebat metus à victore exercitu, cui multum adhuc anni supererat: & quam posthac urbem substituram, si tactum ab hoste vallum ad deditiõnem sufficeret, si tria hominum millia pugnando morari hostem non auderent? Apud multitudinem atrox in Solmensẽ rumor velut emollitum uxoriis amoribus, ut fere vulgi solatium est, unum publicis cladibus reum destinare. Nec Zelandi distulerunt gravem jam-

jamdudum, quia imperiosius agebat, suarum cohortium demovere praefectura. Non egere se opera ejus professi, reliquum dissimulabant: sed ipse, ut audiret, conscius, voce ac scripto occurrit, necessitatem excusans. A Foederatis Ordinibus novam accepit cohortem, Zelandis haud prohibentibus: testatusque est tredecim se annorum militia eum in res Batavas induisse animum, ut acceptas a paucis injurias facile publico condonaret. Vberrimo suorum plausu Cardinalis excipitur: quia non infœcunda virtutum Austriaca domus, & ipse Gallici limitis & Flandriae restitutor, septem post annis reversam, ac tum forte continuam felicitatem triplici victoria impleverat. Sed favoris & gaudii praesens usus: sequentia haud ad eam spem fuisse. Bello propere defunctus, cum exhausta partium militia, simul & ærarium, quietem anno daret, efferendis aliter finibus oculos animumque adjecit: misso fratrem ad Imperatorem Francisco Mendosa, qui regio nomine multa postularet: Ut Vesontio libertatem sibi sub imperii Germanici reverentia jam olim vindicans Burgundiae, quæ sub Hispanis, adjiceretur: Ut Aquigranenses parere decreto cogerentur, quod jubebat Romanae religionis accipere magistratus, ac proinde diversos ritus dispellere. Illud vero quasi pro Asiaticis urbibus, ne impune Anglos mare praedando infestum habere permitteret. Utque Hispanus ad conscribendam in Germania juventutem, quod ante permissum duntaxat, publica auctoritate juvaretur. Sed praecipuae in Clivos ac Iuliacum spes e longo jaciebantur, ubi rapta morte subita insani Ducis uxor novis suspicionibus veteres discordias incen-



incenderat. Retinebant regimen consiliarii, ple-  
risque indigenarum procerum invitis, & reval-  
lescentis ducis falsa fama fruebantur. Hi, quia  
statim uxorem Duci aliam Lotharingici san-  
guinis destinabant, crediti prioris necem op-  
tasse aut struxisse, prosperisque jam rebus Hispan-  
icis eo ferociæ venerant, ut Brandenburgici &  
Palatini Neoburgici procuratores suibus jube-  
rent excedere. Quin & ad Foederatos misere,  
audacter sciscitatum, ecquid ab ipsis expectan-  
dum haberent. Ordines, & suæ imbecillitatis &  
hostilium virium conscii, modeste respondere,  
amicos se & Brandenburgici & Neoburgici:  
nec eo minus tamen ipsis quoque pacem serva-  
turos intra pacis jura manentibus. Monitos ta-  
men velle, ne in Germaniam magno malo vi-  
res externas accerferent. Mox iidem illi Bru-  
quium Comitem & qui alii Protestantium, ut  
conjuratæ reos, accusabant parabantque  
rejicere honoribus: Quin & Alberto excusa-  
tum miserant, quod dissimulare multa & in se-  
cundiora occasionem differre cogerentur. Effe-  
cit Mendosa horum ut auctoritas Imperatoris  
decreto firmaretur: pluraque cum posceret, &  
Imperator ostenderet Protestantium se metuere  
offensam, quorum ad Turcicum bellum necessa-  
ria ipsi esset opera, dixit Mendosa, ita longin-  
quis armis obviam eundum, ut ne propiores in-  
juriae interim tolerarentur. Pacis, quanquam  
spe nulla, mentionem tamen ut gratam Germa-  
niæ Hispanus admittebat: scripseratque Alber-  
tus Philippo eam in sententiam. Itaque Impera-  
tor ad Ordines misit virum nobilem, qui ventu-  
ris legatis comineatum posceret: quod cum illi  
excusarent, ex voto Hispani onerabantur. recu-  
satæ

fatae pacis invidia. Nec minus tamen Albertus parentes sibi populos spe pacis detinebat. Atque hi dum circa Belgicam casus eveniunt, Anglorum interim Batavorumque classis, cujus ante memini, Hispanico mari victrix ferebatur. Causa mittendi, quia compertum Reginae vim navium Philippo contrahi, qua portum in Gallia aliquem aut juxta prehenderet. Nec dum illae octo ante annis minae exciderant, & quod Hiberniam Tirono duce imperium exuentem Hispanus auxiliorum spe tunc cum maxime animabat. Vires defendendis finibus paratas, quia sumtus & occasio aderant, cunctantem in hostem vertere ultro placitum. Coierant e Regina navibus sedecim, & minores, quadraginta, sed bello idoneae. Quinquaginta additi ferendo militi & com meatibus. Copias omnes regere jubetur Robertus Essexius Comes, aetatis decore Reginae haud ingratus: curam navium Carolus Howardus maris praefectus accepit: pari uterque jure, quod ausis ejusmodi anceps & eventu noxium apparuit. Et dispar utrique ingenium. juvenili calore Essexius imperatorium sibi nomen ac gloriam quaerens, Reginam impensas muliebriter fugientem, periculi ostentatione, in arma pellere solitus. Quoque magis classis procederet, ipse de suo non parum contulerat, auctor consanguineis & familiaribus, ut sequerentur exemplum. Howardus aetate & rerum usu cautior contra tendere, & quantum posset moram afferre classi: cumque parata jam esset, tum quoque Reginae persuaserat, Essexium ut literis hortaretur, desisteret ancipiti coepto, quaeque impenderat ab ipsa reciperet. Ille ni plane vetaretur, navigaturum se bona cum spe respondit.

Q

dit. Nec æmulum sibi adæquari imperio recusavit, gnarus valere apud nautas auctoritate minusque reprehensurum queis gerendis socius foret. Quin & alios, quotquot poterat, iniunctorum, ne domi gravius nocerent, honorum specie comites assumserat. Additi utrique in consilium viri militares, & valere iussu, quod pluribus placuisset, præcipua reginæ cura, ut classis in Angliam aut Hiberniam structa, & quæ in id usui esse poterant corrumpere. Præterea si & India adventuræ naves aut aliunde præda intercipi posset, inde bene meritis præmium foret. Batavis naves & fœdere imperantur viginti quatuor, instructæ ad bellum pæne omnes, queis rector datus Ioannes Duvenvordius Warmondus, ad quem per Hollandiam rei marinæ imperium post Principem summum pertinebat. Etiam dilecti Britannicis è cohortibus, quæ per Belgicum militabant, robur classis & exemplum tironi poscebantur. Nec Ordines negare sustinuerunt, etsi exhaustis nummis mala quæ acciderunt, metuebantur, quo infensio-rem Reginam tali officio placerent. Profectus eo cum milite Ludovicus Nassavius Ioannis filius, Philippi & Ernesti germanus, clara posuit virtutis rudimenta. Plimutho xxiii Iunii die evecti duces præcocinio edixere, nulla sibi nisi in Hispanos arma populosque Hispanici juris, & qui eos navibus, machinis, milite com- meatuve instruerent: cæteras itaque gentes tutius facturas, si classem sequerentur, aut mari decederent. Promissa & transfugientibus impunitas. Spes omnes & paratus ad prædā magis, quam bellum erant, quia procul domo, procul auxiliis, infestas inter terras, ambigua maria

& implicitos tempestatibus comineatus nulla mora satis tuta est. Nec id veteres tantum Annales docebant, & Lusitanica haud ita dudum expeditio, sed & anni prioris per Americam successus longe infra vota. Ex eo potiora videbantur, quæ subito impetu vim hostium haud leviter afflictabant: incognitumque illis qua parte peterentur, paulo antequam ad Gades perventum est. Huc convenire naves omnes iussæ arcanis literis, quas obsignatas præfecti acceperant, hac lege ne aperirent nisi diversos à classe procellæ tulissent. Nobilissimam hanc urbem prima a tempestate (Tartessum tunc nominatam haud pauci volunt) & mox Tyriorum coloniam, dictam terrarum terminum, neque priscae opulentiae nunc etiam degenerem, indicasse sufficet: situm & cætera innumeri tradiderunt. Hodie quod insula non est ponti debetur, quem Suacum vocant. Is namque diremtum modico æstuario Hispaniæ littus conjungit, qua parte cultores olim Vandalos regionis nomen testatur. Ultra est frerum illud quo primum Oceanus terras irrumpit: citra sinus occultandis navibus commode patescit. Ac tum forte classis ingens partim Americano accincta itineri, partim in bellum parata, sub ipsis insulae castellis desidens, non tam Anglis exscendendi difficultatem quam spem prædæ uberioris fecerat. Galeones erant quatuor, Epidauriæ duæ, armatæ omnes machinis quinquagenis aut amplius, hominibus ferme septingenis. Regis ipsius naves bellicæ una & viginti: onerariæ ferme totidem, sed & ipsæ machinis vicenis. Fregatæ tres, octodecim quæque machinas expeditas habebant, operatæ pluribus in usum. Classis quæ

Vlissippone ac per alios Hispaniæ portus arma-  
 batur: nam maritimarum Hispaniæ virium pars  
 duntaxat tertia hic erat. Aderant & privato-  
 rum naves ex Hispania, Italia atque aliunde,  
 inermes aut leviter instructæ quinquaginta. Nec  
 procul ab urbe naves longæ una & viginti. Fla-  
 grabat Essexius, antequam formido exolesce-  
 ret, turbidos impellere, ne componendis viribus  
 aut consiliis spatium daret, quod si obtinisset,  
 & sane Batavi annitebantur, plurimum gloriæ  
 prædæque partum erat. At Howardus creditas  
 sibi naves, regias præsertim, quas Elisabetha pe-  
 riculis objici satis destricte vetuerat, vento, tum  
 forte sævienti permittere verebatur, qua angu-  
 stum maxime pelagus & vadis infidum erat.  
 Ita res dilata, amissa occasio est. Postridie (Ca-  
 lendis id Quintilibus fuit) quo minus statim  
 prælium coiret, maris recessus obstitit. Ineun-  
 tibus fretum a læva portus est Regalis nomine.  
 huc se Hispanicæ naves retulerant: Galeones  
 præter & Longas, quæ propius urbem ausæ con-  
 sistere, qua litus in Linguam excurrit, quam  
 Punctale indigenæ vocant. Sed aggressus has  
 levioribus cum navigiis Franciscus Verius, mox  
 & Essexius, ita pressere ut pontem Suacum pe-  
 tentes & posito ibi machinamento sublata, in  
 fretum atque inde interius mare evaderent. Ga-  
 leones Essexius & Howardus per horas quatuor  
 tormentis verberaverunt, hoc acrius quo cre-  
 scens maris æstus propius eos admovebat: eve-  
 nitque hoc tempore ut navis Hollandica, centu-  
 rionis Petri Henrici suo igne ac pulvere per in-  
 curiam diffiliens, breve hosti gaudium daret.  
 Nam statim Galeones non ausæ prælium ex-  
 spectare præcis anchoris in vada impactæ,  
 elapsæ

elapsis vectoribus. Pars abductæ, pars ardere suo aut hostium igne. Anglorum una simul conflagravit. Nec parum terroris inde in Hispanos datum, solitos moli navium fidere : adeo ut Rex Philippus accepto hoc nuntio statim Neapolim, Genuam & in Siciliam miserit, ut quæ illic erant naves longæ subsidio accurrerent. Rogati & Melites Insulæ equites auxilium ferre : sed qui illic militabant Galli, quo minus pareretur, intercessere. Post navale prælium Essexius vergente jam die, ad Punctale obsistente nemine exposuit militem, & nautæ Hollandi, irrupto castello, quod mari imminet, signa extulere. Missi alii, qui pontem Suacum rumpere, ne inde auxilia adventarent, imperatum effecere. Defensandam ad Urbem concurrerant Hispani nobiles, qui circum colunt, pedites sexcenti, totidem equis advehebantur. Quos adversum mittitur Ludovicus Nassavius cum hastatis quadringentis, voluntario Britannorum agmine. nec longum prælium in armorum insuetos. Prima cæde impulsos nulloque ordine in urbem refugos persecuti victores, dum recens terror, pars mænibus, pars effractis portis irrumpunt. Gaditani initio summam tectorum planitiem insistere : inque hostem per vicos palantem jace-re lapides, pondera saxorum moliri. Mox, ubi forum & curia tenebantur, in arcem conglobati, tum oppidani, tum centuriæ militum. duæ haud diu resistere ; quippe & præclusum ad se aditum ponte quem diximus, infesso intelligebant. Ita obsides dati primores civitatis in centies & vicies mille ducatos : qua pecunia vitam tantum pepigere : sed hi obsides aucti mox in Angliam, cum redemptionem Regina non per-

mitteret; novis injuriis irritata, in custodia perierunt. Actum & inter Petrum Herrera mercatorem Hispanum & Essexium, de redimenda oppidi ac navium populatione, vices centenis florenorum millibus, haud averfante Essexio, quod prædam cerneret inter milites perituram nullo in cætera usu. Sed improbavit pactionem Medinifidonius oræ proximæ curator, maluitque & regem classe & decem civium millia fortunas exui; id tum in dispendio lucrum ratus, si nihil inde hosti accederet, oppidum igitur direptum est, haud levi etiam in mercatores Batavos damno, quorum plerique longinquas per negotiationes hostibus miscebantur: qui jacturam hanc trecentis millibus æstimavere. Quin & navis Batava cum fiducia edicti ad Anglos transgrederetur, quinquaginta florenorum millibus spoliata est, hoc obtentu, quod hostilis esset pecunia. Simul Americana classis mercibus onusta navium triginta duarum, cum præfidiariis aliquot ab Hispanis exurit. Haud minus tum pretio centies centenis florenorum millibus flammæ datum. Hinc inter duces certatum, inonente Essexio retinere victoriam: dum major ex improvise fama vicinos portus ipsamque Hispalim terrore conerteret, posse perfodi angustias, quibus dentis urbs ipsa insula fieret: paratum se dictitans, si abirent cæteri, cum quadringentis militibus aut egregiam patriæ præstare operam, aut hostili in solo fortiter occumbere, si non aliud moræ prætium, prædas certe navium aut vectigal immensum ostentari e freto, quo Europa atque Africa proxime coirent. Sed Howardus, velut famem metuens Essexii gloriam premebat, cui res & no-

mer

men parta Gadibus captis navali alterius successu neutiquam æquabantur. Et verum erat Anglos haud multo cum penu domo egressos, ipsaque in urbe profusa temere, quæ multos in dies suffecissent. Sed nec Warmondus audiebatur in mensem alimenta suis e navibus classi offerens: posse interim, ut ventus tulisset, Italia aut Britannia commeatus peti: ne Parios quidem negaturos, quibus assiduum in Hispanos bellum. Incenso oppido facta vela, & quanquam iterum demonstrabat Essexius onustam argenti classem America abusque ferentem non minus septuagies centenis Florenorum millibus, & India alteram remeare, parabilem prædam, si, quod secundum Gades optimum erat, Azores insulæ sub æstivum solis pulsum, quas Belgæ popularibus quondam suis habitatas inde Flandricas vocant, peterentur, interceptis celeritate auxiliis & rei fama, prælata tamen alia quæ specie accuratæ providentiæ fortissima plerunque ausa corrumpunt. Quin ne obviis Hispaniæ portibus naves detraherentur, eadem quæ ante invidia periculum suarum navium & victus inopiam præferebat: tantumque apertum littus & infirma oppidorum in raptus inglorios cessere. Ita factum ne spolia & cineres Gaditanæ urbis minimum ejus conatus essent, cum offerret se Hispania terra ac pelago vastandam, nisi concors nunquam equalibus imperiis potestas obstitisset, & frustra usque blandita Essexio fortuna. Bataavorum industriam laudarunt etiam, quos uti piguit, ipsaque Regina datis ad Warmondum literis grates exsecuta est. Nec parum tamen afflixit ruentes jam opes Hispanicas, exusta ad Gades classe, anni sequentis vectigal perditum,



imminutæ maritimæ vires , machinæ absorptæ  
 ad mille ducentas , & quod maximum erat, pa-  
 tet factum orbi , quam domi essent invalidi , qui  
 peregre timerentur. Quæ super damna vetus  
 malum scenebre publicos redditus inerserat. Nam  
 Philippus annis ante viginti cum fidem minui-  
 set, implicitus adhuc Batavico bello , neque re-  
 gna aliena extra spem suam sinens, aut erogatio-  
 nes cum fructibus comparans , dum avidos ni-  
 mium conatus gravibus versuris alit , inopiam  
 producebat. Nam cæteris potentiam debitoris  
 suspectantibus reperti Genuæ & per Germa-  
 niam negotiatores , qui Regii commercii peri-  
 culo pecunias auctitarent. His traditum pigno-  
 ri fere quantum erat vectigalium : qui maris  
 bellique incerta, trajectionis incommoda, scenus  
 ipsum sine modo imputantes , venturos in lon-  
 guin redditus præverterunt. Ita obsessio à credi-  
 toribus arario , unde nomina expungeret , aut  
 armorum sumtus toleraret , nihil regi suppete-  
 bat, donec ejus aulæ ingenia, præsentium magis  
 sollicita quam provida futuri, artem parum de-  
 coram inveniunt: quam Rex secutus mense No-  
 vembri longa edicti circuitione differit atroci-  
 tatem scenoris , jacere agros , jacere mercimo-  
 nia : Regni vectigalia , decimas sacerdotum à  
 Pontifice sibi concessas, tributa populorum ,  
 cuncta detineri iniquissimis pactionibus , quas  
 metus peiorum extorsisset. Plane tot suos pro  
 re Christiana labores perverti , ni tantis necessi-  
 tatibus subveniretur. Haud alia verborum spe-  
 cie exempta vinculo pignora, Regi suæ possessio-  
 nes, sceneratoribus spes relicta : & hac quidem  
 lege , ut , quod supra legitimas usuras depensum  
 erat, sortem minueret. Pars interim magna pro-  
 voluti

voluti facultatibus, quanquam & alii falsa paupertatis specie ad quæstum abutebantur. Et per Belgicam nonnullos connexu rationum eadem calamitas implicuit. Archidux certe percussus rei nummariæ inopia inter inexplicabilia damna traxit annum sequentem: cum tandem ad vetera reditum est, non tam pudore appellantium, qui fidem periisse clamabant si pactis potestas regia misceretur, quam quia tempora proventuum varia, & qua pecunia transiret, iter prædonibus infestum, ad belli onera præsens remedium postulant. Non tamen ante redditis pignoribus fides resecta est, quam in menses continuos octodecim millia Ducatorum quater centena ad sortem veterem promissa adjici, quorum pars tertia in Hispaniis, reliquum inutatione nominum intra Belgicam numeraretur. Apud Batavos vero quantum Italiæ famæ remiserat, tantumdem privati publicique redditus minuebantur. Quis supplendis Hollandi, veteribus vectigalibus octava sui parte adauctis, novum insuper instituunt, quo luxum crescentem indies coercerent, aut certe in usum verterent. Indicta est pecunia his qui sericum & id genus alia pretiosa vestium ferrent. Sed ubi exactor quasque per urbes exercere leges cœperat, voces primum detrectantium, inde vis & vulnera. Qui victus diurni onera haud gravate ferebant pro supervacuis, quasi pro libertate, certabant. Sed ignominia hoc, non vectigal, videbatur, retuditque publicam auctoritatem multorum contumacia, haud tuto contendere. At apud Frisios, qui urbes quique agros curabant, discordes adhuc, dum suas quisque possessiones contra tributa tutantur, aper-

tum fecere queis maxime morbis laboret commune regimen ubi non communis utilitas. Sed præcipue intenta Procerum cura ut cum Gallis Anglisque societas legibus sanciretur. Nam hæcenus ex suo quisque usu præstabant auxilia aut flagitabant. unde querendi inter ipsos vices & præripiendæ pacis minæ. At Batavi quibus perpetua belli causa, & ut plerumque societas inferiores superurget, dum copiæ militant Gallis, aut Anglis navigant, sibi Hulstium periisse & Flandriæ tributa, curante nemine, dolebant, tacebantque. Galli interim de Caletis, tardisque auxiliis non dissimulare, elusam querentes Regis fiduciam, qui ad Faram sedens istis suorum viribus nulli parti minus, quam oræ maritimæ metuisset. Et creverant illis spiritus ex quo Meduanus & earum partium alii externæ superbiæ commercio Regis veniam prætuleraut: jamque indicto Rhotomagus totius Galliarum consilio, legitima regni facies apparebat. Nec abhorrire a ferendis conditionibus Philippi animum ut verum erat, ita filiam Borbonio nuptum dari, Hispanicæ primum fraudes, dein falsus rumor adjecerat. At Regina Elisabetha missis ad se legatis e Gallia Bulionio ac Sancio, quo tempore Caletum Albertus ceperat, difficilem se primo præbuit, ut viginti quinque scutorum millia mutua ægre a se impetrari pateretur. Sed mox propius inspecto periculo, legatos ipsa detinuit ultro, interpellavitque de certiori fœdere, cujus & conditiones scribitum cœpere. Interim in Gallia, crebrescentibus de pace sermonibus, Rex Fœderatis Ordinibus, & hoc nomine, & innotatam ob Regis religionem sollicitis, significavit, Pontificis Romani

gra.

gratiam ita sibi quæsitam, ut in sacris dissentientium amicitias salvas excepisset: nec mirum, si spe aliqua pacis vulgi animos lactaret. Cæterum si societas firmaretur, paratum se præter nobilitatis suæ vires, octo hominum millia in fines Atrebatum ducere. Verum, cum Hulsto paulo post obfesso talis opera maxime desideraretur, Galli quievere. Quin & Bulonius domum reversus, iterumque mittendus in Angliam feriendo foederi, tres totos menses detinebatur. Induciæ quoque Caleti Bononiæque inter præsidia convenerant. Hæc Galli ita excusabant: exercitum educi non potuisse, quod & Gallica nobilitas messis tempore ab armis vacare consueffit, & proxima Belgarum finibus peste vastarentur: foederi moram accessisse, dum per cunctos Galliæ senatus circumfertur deliberatio. Inducias mox abrupere. Plus Batavis cum Regina Angliæ negotii, quæ jam duos per annos veniri ad calculos & æs suum sibi dependi postulabat: non sine specie æmulationis enumerans belli successus, & superbas urbium structuras, suasque contra necessitates, quas non perpetuis metallorum venis, quales Hispano proventus, sed sola civium benignitate expleri: & Hibernicus tumultus ut corrogandæ domi, ita foris relegendæ pecuniæ præscribatur. Contra Proceres cum præfatione gratiarum, ut foederi staretur oraverant: conquesti perbreve tempus usum fuisse eorum, quæ duodecimo ante anno convenerant: nec enim pactum ad numerum præstari militem: unde ipsi, qui, ut neutiquam dubia fide, ambigua tunc consilia ad bellum inclinassent, nunc incerto virium ad irritos conatus toties revolverentur. quo intempestivius in medio

armorum æstu id. a se exigī, quod pace demum  
 firmata ex conventionē deberi inciperet. Neque  
 vero ita mutatas res, ut non miseratione essent,  
 quam invidia digniores. nam ex eo, præter  
 opulentas Brabantię urbes, amissa ad Mosam op-  
 pida & quod oræ Flandricę vectigalibus terra  
 marique oportū fuisse: tum auctas erog-  
 ationes etiam vincendo tuendoque. Nec parum  
 post depulsam Britannia Hispanicam Classē,  
 tot nauticis Anglorum expeditionibus impen-  
 sum. iuvandęque Gallię, non alio studio, quam  
 ut bellum propulsaretur, & amotis littore hosti-  
 bus maria patecerent. His addebantur naufra-  
 gia, naves detentę aut ceptę, rupti aggeres;  
 quotidiana mala pro infortuniis. Disceptatum  
 super hoc aliquamdiu cum Bodleio, qui res An-  
 glicanas apud Batavos curabat: Sed durior in-  
 dies Elisabetha primum prolatando, dein missis  
 itineri Gaditano suppetiis delinita est. Consum-  
 to huius obsequiū fructu rediit certamen: &  
 missis in Angliam legatis Sebastiano Losę, Ia-  
 cobo Valquo & Abeli Franquenzę respondit  
 Regina, non eam fœderis sententiam, ut Batavi  
 bellum sibi, sumtus aliis sine modo ac sine pro-  
 rogarent. Sed pacem tum speratam, quam si  
 dampnosam ducerent, at nec sibi utile duodecim  
 per annos, & quantum adhuc restaret, se popu-  
 lumque exhaurire perpetuis auxiliis & urbium  
 pignori datarum custodia. Quod enim istud  
 consortiū fore, cuius omnis nexus alterius ex  
 arbitrio penderet? Quin si leges inspicerentur,  
 uti Regiņę placeret, nec ultra convenisse. Con-  
 ceptum quidem sic erat, sed verba honori data  
 captabantur. Addebat Burgleius Hibernię mo-  
 tus, & proprium Anglię metum satis iustas esse  
 causas,

causas, cur pactis regina discederet, cum privata quoque fides inexpectatis eventibus liberari soleret. Ergo juris disceptatione, ut inter impares, frustra ac in speciem usurpatâ, Batavi ad vetus præsidium recurrunt, ostentando periculum circumjacentibus imperiis, si fracti per se animi civitatum ejusmodi postulatis dejicerentur, tantumque maris & divitiarum Hispano accederet. Super quæ, cum anceps rerum status, & haud congruens ineundis accepti & expensi rationibus excusaretur, aliquam saltem debiti partem inferre Angli juebant, & adversus futura pericula remedium non veteribus pactis, velut cogendo, quærere, sed nova beneficia restatione gratiæ demereri. Obtulere legati multum deprecantes, ex præsentibus angustiis pecuniam annuam, & residuum confecto bello. Quod Regina, ut exiguum, contempsit: dilato interim terrore, dum rumor hostilia in ipsam & majores solito paratus ab Hispania nuntiat. Rerum utrarumque sapientes judicabant, nec Baravos inopia magis premi, quam id curare ut societatem sibi necessariam magnæ jacturæ periculo illigarent, & Reginam vicissim pecunia carere, æquo animo potuisse, ni consilium ipsi Batavos subinde flagitando subactos admonere suæ potestatis, neque vero pati, ut secunda fortuna sui debitores alienis se amicitii insolentius jactarent. Interea misso in Angliam Bulionio tractum diu fœdus inter duo regna in hæc convenit. Fœdus & societas belli propulsandi inferendique Regi Galliarum, hominibusque Anglis, his Legibus & conditionibus esto. Veteres pactiones ratæ manento. Operam dato uterque, ut Principes gentesque aliæ idem in fœ-

dus coeant. Ac cum primum res domi ferent,  
 communis sociorum exercitus in terram hosti-  
 lem arma transferat. Pacem totiusve regni in-  
 ducias alteri sine altero pepigisse fas ne esto. Ar-  
 ma & quæ bello usui inter se bona fide iusto-  
 que pretio communicent. Militi commeatus  
 præbeant sine dolo malo: commercia sacro-  
 sancta, & hospites eodem jure quo subditi sun-  
 to. Rex Gallus ab Anglis omnem religionis  
 vim arceto. & quando nunc ille propior inju-  
 riæ, promisit Regina milites Anglos quater  
 mille, qui Normanniam Picardiamque ipsi  
 proxima defenderent, semestre per tempus da-  
 tis stipendius, acceptis obsidibus: quod si lon-  
 gior usus placeret, id regis fiat impendio: Qui  
 Regina vicissim necessitatibus idem auxilii re-  
 spondit, sed circa littus, aut quinquagesimam  
 intra leucam. Mercede conducere ad quatuor  
 millia liceat. Imperium in militem ejus esto,  
 cujus intra fines bellum geretur. Hæc palam  
 speciosa. nam secretioribus pactis imminutus  
 est numerus militum, quos in hunc annum Re-  
 gina mitteret. Regina in hoc foedus juravit:  
 ab Rege qui exigeret jusjurandum profectus  
 Comes Sarisberiensis. Inde in Batavos Bulio-  
 nius transiit accipiendæ fidei. Pactis sancien-  
 dis adfuere Paulus Bufanvalius, qui perpetua  
 Regis apud Proceres legatione fungebatur, &  
 Georgius Gilpinus Anglicanus in Senatu ad-  
 fessor ex veteri foedere. Sumtoque Principis  
 Mauritiæ & Senatus consilio, Ordines foederati  
 eadem in verba adiguntur: nisi quod propria  
 hæc fuere. Vere primo rex Gallus militem ad  
 Picardiæ & Atrebatum finem habeto, & parte  
 ex altera Ordines peditatum ad octo millia,  
 equites,

equites mille quingentos, ut ancipiti contentione medius hostis distrahatur. Iccirco Ordines cohortibus auxiliariis duabus, quas Regi suis stipendiis exhibuere alteras adjiciant duas: quod si tamen hostis in ipsos vim omnem belli verterit, revocandi jus esto. Et Gallus vicissim suis melioribus rebus cohortes totidem Batavis transmittat, equites ad hoc mille. Suo quisque in solo jus imperii in auxilia obtineto. Quæ olim convenere & quorum præsentis fœdere nihil novatum reperietur, ea uti fuerint ita sint maneantque. Civitates Fœderatas, hominesque ejus fœderis Rex commendatas habere velit, & ante alias domum Nassaviam ob immortalia ejus in rempublicam merita. Itus, reditus, commercia libera utrinque sunt. nec vectigal alteri apud alteros gravius quam cives pendant. Rescissæ inter ipsos & leges quæ advenarum hæreditates in fiscum vocant, reddito testandi & succedendi jure. Prædam in mari sibi vindicent, qui priores navem hostilem invaserint. Batavi quo voluerint cunque naviganto, etiam in Occidentis regna. Clarigationes, pignorationesque nullæ, nec publice debiti a privatis exactio sit: Iure ac judiciis disceptanto. Naves in prætervectione aut appulsu retentare, onus ut exponatur venumve eas subigere quenquam ne liceat. Signatæ hujus fœderis tabulæ pridie Calendas Novembres. Quæ publicis fœlicitatibus testandis solennia, eorum nihil prætermisum. Nam præter quod firmandæ concordie erat, etiam ad decus ac majestatem rei publicæ novitatis invidia laborantis plurimum pertinebat inter reges æquo fœdere conspici. Quod ut fieret, Gallus pervicerat, dum suis id  
rebus



rebus & Batavorum in se beneficiis congruent  
existimat, quanquam pugnaverat Elisabeta ve-  
teres ut socios sua sub tutela complecteretur,  
fatis id affirmans nec quicquam causæ, cur  
egressæ alienum imperium civitates summæ  
fortunæ nominibus infererentur. Erant qui an-  
tiquas necessitudines repeterent, Francos Va-  
hali olim & iis sedibus degressos, quarum nunc  
partem Geldri colant, Batavorum insulam te-  
nuisse, nec aliunde Meronæum regibus nomen:  
& missos e Gallia Hollandis rectores: Tum  
vero & Anglos sermonis sono Frisicam origi-  
nem fateri: mox utrique regno per connubia  
devinctos Principes: & longius, validissima re.  
Romana Batavos armis ac fide & simplici li-  
bertate meruisse, ut imperatoris terrarum po-  
puli fratres atque amici vocarentur: Eosdem  
Romanis jus & æquum exuentibus, Civili du-  
ce opposuisse arma, & Germaniarum Gallia-  
rumque societatem. Alii vicissitudinem rerum  
propius notabant, quod, quorum legatos ante  
annos aliquot Galliæ reges Hispani ob reve-  
rentiam audire vix ausi fuerant, cum his nunc  
Gallia publicum foedus contra Hispanum pa-  
cisceretur. Sed Batavi cohortium, quas ex foe-  
dere debebant, loco, volenti Henrico stipen-  
dia potius misere, pecuniæ magis quam homi-  
num laboranti inopia. Sed id quoque Angli se-  
quitur interpretabantur: nec quenquam Regina  
dignata est mittere, qui cum Batavis Galliæ-  
que legato Germanos Principes circumiret: &  
quo minus in societatem plures accenderent,  
nihil magis quam ista æmulatio obstitit. Atro-  
cior hinc Gallis suspicio incidit, æternum apud  
ipsos bellum ab Anglis concupisci: nec alio  
animo,

animo laboratum Reginae, ut Turcam inter atque Austriacos pax coalesceret. Neque multo post instituto Diepæ colloquio, quæ belli gerendi ratio in annum sequentem placeret, offendit iterum Gallos Anglorum postulatio, ut si Caletum recipere possent, præsidium ipsi imponerent. Illi manere penes Hispanum urbem malebant, spe majore in posterum ab illo extorquendi per vim aut pactiorem, quam si Britannii potirentur. Eodem tempore ab Henrico impetratum, ut, quæ Lugduni Batavorum eductis apud se ingeniis testimonia perhibuissent diversarum artium professores, per Galliam valerent. Olim eam liberalibus studiis sedem Arausionensis legerat, ne metu sumtus longinqui populus inter arma natus feritatem atque incertitiam indueret. Eodemque remedio civitas adversus obsidii clades recolebatur, quæ clara fidei & constantiæ, oblata tributorum remissione, hoc præmium maluerat. Præcipue movebat religio, columnen partium, cujus explicandæ munus opifices hactenus, aut e rudi plebe literarum inexerciti sibi sumserant: dum labor ipse honorum exspes & certus paupertatis, docentium discentiumque penuriam facit. Brevi, quanquam & Frisii Franecram eodem instituto extrulerant, Batavorum Schola & fama præceptorum, & suæ externæque juventutis accursu multum præfulsit. Civile studium doctorem habuit Hugonem Donellum, qui, Connani & Duareni vestigiis inhærens, legum disciplinam in ordinem artisque modum composuit, recis quæ superioris ævi secuta nimium imperitia turbabat, non tamen ut recentiori inertiae accederet, quæ nudo verborum cultu ipsam ejus sapientiæ vim

vim infregit. Sed hunc contactu Licestrianarum partium eo abreptum, ut sui studii haud minimum, quæ & privati & inquilini officia oblivisceretur, & inde vilem Altorfia excepit. Romanos mores veteraque tempora interpretando plurimum claritudinis Iustus Lipsius sibi locoq; addidit, amœna morum gravitate supra professionem spectabilis: & sua quadam eloquentia plerosque alliciens: nam cum floridum ipsi & profluens natura haud abnegaret, alterum maluit dicendi genus, concisum quidem, nec sine festivitate, sed vere novum obtentu antiqui: quod cum imitarentur, quibus ingenii iudicii que non idem fuit, ad corruptissima quæque deventum est. Cum verò Lipsium metus publicus & privata injuria mutandas ad partes impulisset, accitur e Gallia Iosephus Iulii filius, qui Scaligeræ nobilitatis & paternæ sapientiæ vim ad cuncta gentium sæculorumque noscenda contulit, invictus studiis ad senectutem continuus, cuius ingens solatium habet gliscentem prima ab adolescentia famam. Sed & literas Orientis Franciscus Raphelengius, Græcas Vulcanius non sine laude interpretabantur. Nec parum acer in sacris disputator Franciscus Iunius, & callidus adversariorum subtilitate adversus ipsos uti. Claruerat & Hadrianus Iunii Batavi eruditio, cui physica & medendi usus obtigerant. Nec quod reliquum est sapientiæ deferebatur. Maximum accessit lumen Aldegondius, orium illic Divinæ legi in patrium sermonem transferendæ quærens, & egregius noscendis herbarum viribus Carolus Clusius Atrebas. Inter primos, quos curandis regendisque studiis Ordines imposuere, Ianus Douša fuit, cui

cui genus, gestique honores, & toleratum Lugduni obsidium apud posteros carminum gloria prementur : in quæis tamen ejusdem nominis filius præcellit, idem patri Annalibus Hollandiæ condendis socius, & par majoribus meditationis, ni mors immatura juvenem summæ eruditorum expectationi abstulisset. Talibus magistris atque exemplis juvenus excita in eam multitudinem excrevit, ut artes communi & privatæ utilitati propiores, quæ antea per infrequentiam jacebant, alendis ingeniis non sufficiant : quanquam & ultro alii literatura aut versibus nomen suum vulgare præoptant, haud sterili ejus eloquentiæ Batavia, ut quondam Petri Nannii & Iani Secundi, ejusque fratrum, tum hisce temporibus multorum etiam adolescentium scriptis compertum est. In summam tamen cruda gentis studia & lucri propèra inspiciens, nondum Erasini, nondum Longolii patriam agnoscas. Sed me magnorum nominum reverentia, & tranquillioris sapientiæ reputatio a republica & armis longius tulit, quæ nunc repeto. Missi ad Christianum ea appellatione quartum, legitima jam ætate regnum Daniæ capefcentem, qui Patrum gaudia & vota ferrent, non ante tamen, quam solemnia transierant, ne celebri aliarum legationum conventu de loco certaretur, cum invidia, aut si sponte cederent, imminutione dignitatis. Tantum absuit, ut auxilia communi Hispanicæ dominationis metu exorarentur, privilegia solis Amstelodamensibus firmata sunt, improbatis quæ Scidami & Enchusæ civitates præcis a Regibus sibi concessa dictabant. Legati tamen cum honore & muneribus dimissi, atque adeo haud multo post

post ab Hispano eodem adveniens Iohannes Baptista Taxis maiora quanquam dona adferens, haud æque comiter exceptus est. Causa creditur, quod Hispanus, qui non ita pridem trecenta Ducatorum millia annua Dano promississet vice vectigalis, ut fretum Batavis clauderet, hoc non impetrato, convictus deinde fuerat, voluisse arces freto impositas dolo invadere. cuius rei indicia Ordines Foederati in Daniam miserant. Post Hulstum cuncta circa Batavos quæta, extra leves nec memorandos equitum concursus. Nam & ipsis exhausta militia, & hostis vix Belgarum extrema adversus Gallos defensabat. Ineunti enim autumnus Henricus pollicita explens spe facili & multa apud socios gratia, Bironium haud contemnendi equitatus ductorem in Atrebatem miserat, quod ipsum tuendæ Picardiæ videbatur. Varembonius flagrans creditam sibi præfecturam a rapinis vindicare, duodecim cum turmis invehitur. Gallos numero tum minores, victus nihilominus capitur cum Montecuculo Comite Italo & aliis, quibus pro redemptione pretium grave imperatum est. Statimque victores non Atrebatum modo, sed Flandriæ quoque finibus infusi, cuncta raptando, maiorem intulere vastitatem, quam Caroli olim & mox Philippi in Galliam bellis contigisse meminerant. Rustici in urbes profugii non egestatem modo, sed & morbos illuc intulere. Defensando statim limiti missus novus cum robore Cimañensis, sed hic quoque actus in fugam imperia ipsius detrectante Ambrosio Landriano equitum magistro, qui mox captus eo nomine, pecuniæque & ignominia multatus est. Ita jus agrorum penes Gallos mansit, qui

equestribus præliis superiores, vim peditum vagis itineribus eludebant. Propius instante jam hyeme Rex Galliarum, ut & in Hænovios aliquid ausurus, Ordines rogaverat ipsi quoque alia parte securitatem hostium turbarent. Parentes postulato Fœderati spe non alia, magnisque incommodis, militem in navibus ad Bergas habuere, donec intellectum est regis conatus incrementis annuum impeditos, omnemque vim Gallicam metu frigoris Belgarum finibus exiisse. Paupertatem Archiducum aliud quoque hand insolens malum sequebatur. Germani quippe, ipsius in Sacramento, stipendiis non solutis Herentalium occupant, missisque Hispanis qui imitationem sui moris ulciscerentur, & acriter repulsis, incensa seditio. Et in Valachia Scorus Ioannes Vbomis nomine capite plectitur, qui Vera ejus insule oppidum, ut Hispano traderetur, alios sollicitaverat, ipse ab Iesuitis instigatum se ferens. Increbrescebant nuntii Regem Hispaniarum, quanta posset corrogata pecunia eniti ut classem expediret: retinerique eos in usus peregrinas quaslibet naves: sed Batavos præterea Sermonis indicio explorari, & ad supplicia abripi. Placuit edicto vetare, quod ob pericula non satis cavebatur, ne quis in Hispaniam frumentum ferret, eo sane justius, quod gravi anno Polonia quoque & Borussia messes suas retinente, eadem opera domi vitata fames in hostem mittebatur. Obnitente Amstelodamo, cujus præcipue quæstus hac translatione stabat, consensus aliarum urbium valuit: ac ne domestica peccata Anglis Gallisque in prædam cederent, ipsi naves bellicas freto Morinorum disposuere, quæ illa exeuntes pertentarent. Mense Novembri, classis

Hispa-

Hispaniæ, velut iræ impatientia ultionem Gaditanæ injuriæ in æstatem differre non valentis, navibus centum octo & viginti, militum quatuordecim millibus, & inter hos equitibus nonnullis, sub Martino Padilla mari immittitur, fama comitante Cornubiam peti, qua Britannia procurentes in meridiem terras Galliæ Hiberniæque interferit. Addebatur Rex Hispaniæ purgatam religione Angliam dicturus filiæ dotem, ne metus externi imperii studia averteret. Quacumque conatui idem qui sæpe alias Deus intervenit, in brevia, quadraginta, nocte una, impactis navibus, quinque mille hominum & pecuniæ insuper multa perniciem. Nocuit Hispanis sua diffidentia: nam Germanos & Belgas gubernatores, quos in classem assumserant, aliam viam insisti monentes, stricto ferro coegerant sequi male præeventum signa. Tandem apud posteriores navium Hollandus quidam nauta fidem invenit, qui & anno retro octavo multis Hispanorum servatis præmium assecutus, tanto nunc fidelius par officium præstabat. Superstitibus huic malo (Artabricum circa promontorium venerat) domum rediere. At in Belgis Dunquercani hanc classem exspectare iussi interim quiescebant. Ita sine damno maritimo annus hic Batavis exiit, contraque ipsis naves duas quæ Neoportum ad oppidum struebantur, urere licuit. Hispanicæ negotiationis in locum iniques populus insulas adibat Æquinoctialem ultra circulum nullo hominum cultu salis feracissimas: Guineam quoque comparando auro, ebori, piperi, ligno Brasiliam, Thomæ insulam saccharo, lucris causa contra regis edicta dissimulantibus Lusitanis. Sed imprimis mira sunt, & cui

par

par quicquam non veterum tradiderunt, non huius ævi experientioris monumenta, quæ sine huius anni ac sequentis primordio Batavi pertulere, cum jam tertium Septentrioni pœnas darent, cuius secreta rimabantur. Meminerant illi diu magna quæri, non cuncta novi Orbis simul percognita etiam Lusitanos multum circa Africæ frontem hæsisse: monstrabantque naturæ prudentes certiorẽ viam per apertam Oceani, quæ contra vim frigoris liberi fluctus & æstivum reciproca defenderant. Naves duæ relictis Orcadibus & Norvagia, procul in altum evectæ, inde vela in diversum tenuere. in Septentrionem ambæ, sed altera Orienti, altera Occidenti propius. Iacet illo in mari tellus turbida, quod mirum eo situ, ac læti viroris, unde octoginta in partes (quales ab Æquatore sursum nonaginta veteres posuere) attollitur. Pelago circumliatur, an alias retro terras attingat tunc haud exploratum: Gronlandiani insulam nautarum quidam existimant, celebrem quondam Venetorum, Norvagiorum, Belgarum commerciis, nunc tantum nomen auditur, ascribit illam regnis suis Danus, nec invenit. Socordia hæc illorum, qui nota olim memoriæ ac scriptis negaverunt. Et nos longissime remota sequimur, quid tam propinquo itinere Deus discreverit, securi. Diligentior posthac inquisitio per Islandiam facta docuit Gronlandiam aliquanto longius a Septentrione abesse. Huic vero quam designavimus terræ nullis habitatæ hominibus repertoires monumenta e palis lapidumq; congestu posuerunt, & nomen Spitsbergæ ab acutis montium jugis: quo ipso in famam tabulasque venit, futura quondam ubere per multos

finis



sinus balænarum captu inter Batavos Anglosque diffidorum haud levis materia. Gigni illic & volucres compertum, nostro cœlo haud incognitas ( anserum genus est ) quas Scotiæ arboribus in stagnum depluere ignari originis tradiderunt. Curvaro paulum in Austrum cursu , conata hinc in ortus proficisci navis tempestatibus retro in Russorum littus adacta est. Inferius altera ab inventis sibi insulis & ea quæ repertoris Willugbæi nomen retinet , cursus in Semblam rexit : qua cœli vertex sex & septuaginta graduum sublimitatem obtinet. Vbi dum notas oræ ac primi itineris vocabula nautæ recognoscunt , ventis ; inde gelu impediti quo minus profundo remearent, difficiles inter moras , hominumque & navis pericula vix Arausionensis insulas superavere : quippe cum modo continua glacie firmare sese ut solido cogerentur , eademque rupta iterum & in se rediens cuncta in discrimen daret : quæ vera quidem , sed haud minus stupenda Græcorum fabulis. Paulum progressis in alterum Semblæ latus atrocior indies vis frigoris hinc Schyticum mare , inde Nassavicum in fretum iter præcluserant. in spem denique ultimam qua venerant revertentibus, hæsit puppes succincta glacie, nec procul litore. quo factum est, ut postea, etiam cætero mari liquecente, navem gelu non dimitteret. Nec jam aliud restabat , quam ut in Sembla hibernantes , meliora tempora opperirentur. Ita raptis è navi tabulis sibi suisque rebus receptaculum struunt. Ac forte vim lignorum maximam , incertum quibus e terris eandem in oram æstus adjecerat : quod tanta in solitudine , tegmen & ignibus alimentum fuit. Quotidiana interim cum ursis prælia,

qui

qui sæpe clamoribus, & si acrius furerent, tuborum telis profligabantur. Carnem enim insalubrem (quippe sola illic ferarum terrestrium alimenta maritimæ sunt feræ) haud sine noxa didicerunt, adeps usum nocturni luminis dedit. Miserrimos mortalium feras inter sterili in solo post cuncta hominum bona sol etiam deseruit, quem statim anni subire terras, nec nisi post longum tempus resurgere alibi memoravimus. Cum tenebris auxit horror, ærisque intemperies. Cumulatas immensum nives, ne habitaculum obruerent, ægre amoliebantur, frangebantque in gradus, tanta cœli circumfistentis asperitate, ut egressis parumper ad tumorem usque artus adureret. Atque intus etiam densus adeo rigor parietes, hominum amictus, ipsamque flammam obsederat, ut torrerentur quæque facilius quam calescerent. Igitur dum clausis foribus certant cum frigore, pæne incautos exanimavit prunarum vapor. Balneum imitari, aut candente ferro saxove cubilia fovere optimum e præsentī copia repertum est. Vacua ursis loca (namque ursis obtusior visus, atque eo tenebras metuunt, specubus abditi) vulpes occupaverant, quæ per insidias captæ, exuviis & victu profuerent. Infelicem diu patientiam spes anni melior erexerat, cum velut divina miseratione sol etiam celerius, quam mundi ratio ferebat, vultu toto enicuit. Nam noctis spatium trimestri brevius fuit, quod septuaginta in partes depressus orbis longius deponcit: sive in loci situ, aut cœci temporis mensura erratum est, quod vix credibile ipsorum diurna faciunt, sive ipso haud procul infra terras labente densa nubes solis speciem percussit, seu quædam naturæ adhuc latentia

tentia mirari satis est. Tum primum ausi prorepere, & languida corpora in labores firmare, qui difficillimi instabant. Vocabat enim apertum mare, qua septentrionem ipsum, non qua Scythiam spectat. Quo argumento haud pauci credidere Scythicis fluminibus deferri glaciem, littorumque magis quam Poli vicinia frigus incrementum. Nam nec calores statim minui quantum ab Æquinoctiali recesseris. Quare aperto mari sub ipsum Septentrionis sidus urgendum iter, si quis illac posthac auderet perrumpere. Alterum hujus sententiæ firmamentum erat, quod insula quam herbidam memoravimus, infra Semblam jaceat, cum ipsa Sembla nullo gramine virescat, ideoque & animal quod tali utatur pabulo nullum ferat. Sed tum navis adhuc glacie hærentis exitum frustra nautæ morabantur. Cunctantesque prope alimenta modice hætenus in dies & viritim partita defecerant: corruptus gelu potus nivem compulerat liquare, & si diutius hærent, hyems rursus accerta perniciēs imminebant. Scaphas expedire: & quanquam ægri plerique, cunctis tot nuper mala & egestas, vires attriverant, omni molesto fortior animavit necessitas, ut glaciem in juga surgentem ferro panderent. Hac via pulsæ in mare naviculæ tandem fluitaverunt: neque dum laborum finis crebro retenti gelu, velisque & remis, sæpe & manibus vix eluctati, inde proxima littora coguntur per inediam interficere: namque ova ibi reperiebantur, & volucres faciles capi, quia morem ignorabant humanæ aviditatis, & passim locorum in sequentium argumento compertum est, quod ab animalibus aliis fugimur, non illis deesse, sed nobis

bis mansuetudinem. Ægri interea expositi im-  
 bribus & cœli rigentis injuriæ, pereuntes, so-  
 ciis dolori aut etiam invidiæ fuerunt, cum suos  
 illi casus, quem fors exitum daret pavidî, respi-  
 cerent. In mortuis & Wilhelmus Barentius fuit,  
 navis infelicissimæ rector, invita etiam fortuna  
 non minus dignus qui noscatur, quam Vespucius  
 & Columbus. Pauci superstites modo per gla-  
 ciem navigia trahebant, modo elisa repara-  
 bant: ita cum vires contra imminutas labor in-  
 cresceret, non ultra operi pares clementior ven-  
 tus in ultima Semblæ & nostro obversa Oceano  
 tulit. Primos illic hominum toto post anno  
 Russos nautas conspexere: & forte eosdem,  
 quos secunda navigatione, fretum propter, in-  
 venerant. Illi igitur, ut gens est minime irreligi-  
 giosa, vultu, & quantum intelligi poterat, voce  
 miserari, quod speciosæ quondam classis istas  
 reliquias intuerentur. Quin ultro alimentis ju-  
 vant. Reperta hic salutaris herba solutæ mem-  
 brorum compagi, quæ propria navigantium  
 pestis frigore inhorruerat, æquitate naturæ erga  
 mala remediaque. Britannica Plinii putatur,  
 quam Frisiis monstrantibus a Romanis adver-  
 sus id malum usurpatam diligentissimus scriptor  
 memorat. Mox retenti diu obluctante vento  
 Russici maris in faucibus, & quoties extrema  
 fames urgebat, fortuito navium occurso postre-  
 mo Lapporum, qui id littus incolunt resecti  
 hospitalitate, cum & scaphas tenebræ segre-  
 gassent, pariter Quilodunum insulam pervene-  
 re. Ibi intelligunt (toties res perditas casus cor-  
 rigebat) vicino in portu navem, quæ secum  
 Hollandia solverat, in eas partes rejectam tem-  
 pestatibus, reditum in patriam adornare. Duo

decim fuere, principe Iacobo Hemskerkio, quos ab ultima mundi solitudine Amstelodamum reduces tanti laboris miraculum illustravit.

HUGONIS GROTII  
HISTORIARUM  
DE REBUS  
BELGICIS  
LIBER SEXTVS.



Edia adhuc hyeme felix casus Batavis egregium incipientis anni auspiciū dedit, reditumque fortunæ, quæ post Groninganium decus interquieuerat. Albertus enim, post liberatos Gallorum metu Atrebatum fines, militem in præsidia dimiserat, majore tamen parte Brabantiae per agros relictæ, in quibus cohortes quatuor belli veteres & supplementis recentes, ut super quatuor millia pedites essent, cum turmis quinque equitum centenorum ad Turnholtum morabantur. Haud ignobilis Brabantiae is vicus patentes undique campos prospicit, olim principum in delitiis, cum venatus & innoxiae remissiones satis placebant: tunc occultandis consiliis legebatur, quia locus ipse ad multa medius nullum itineris indicium præbet:  
c l o l o x c v i t.

Vnde

Vnde gravior Batavis ex incerto metus, dum proximis Brabantiae urbibus & Zelandorum insulis timetur, suspecto maxime gelu, quo amnes, quod istis partibus validissimum munimentum est, facilem quovis aditum ostentant. A factis aliena non erat conjectura, ibi potius consedis-  
 se, ut uberem agri annexum vice stipendii popula-  
 rentur. Monuere Principem qui vicina praesi-  
 dia curabant rapiendae occasionis, ut, priusquam  
 illic augescerent copiae, perverso quod penes  
 hostem roboris erat praecipuum, etiam in futu-  
 rum formido exsolveretur. Spem addebat suc-  
 cessui dux illic copiarum hostilium Varax Co-  
 mes, Varambonii frater, qui bellorum inexper-  
 tus, neque certa ipse providentia, nec admodum  
 volentibus imperabat. Sed contra terrebat, quod  
 sparso in oppida milite longum copias machi-  
 nasque in unum contrahere, impeditum iter gra-  
 vi hyeme, nec ita tamen frigida, ut viae duresce-  
 rent: interea exauditur hostis, peritura con-  
 silia. Spes vicit: & difficultatibus, qua potuit,  
 subventum, secretis ad duces imperiis, paratis-  
 que omnibus quae festinationem adjuvarent. In-  
 vit & fortuna resoluta aliquantum gelu & sicco  
 tamen coelo. Locus, quo praedicta convenirent,  
 placuit Gertrudisberga, situ remotus haud ultra  
 sex horarum iter, & quia plurimus circum  
 eques, caetera amne Mosa devehere ac subve-  
 here pronum erat. Indictus dies coeundo periit.  
 Postero Princeps quinque peditum millia, equi-  
 tes octingentos educit, qui nocte adulta Rave-  
 lam pervenere, cum tormentis muralibus duo-  
 bus, campestribus totidem: crepera luce, ut se de-  
 disset occasio, aut munimenta oppugnaturi levi-  
 ter excitata, aut in aperto ausuri praelium. Vnius

namque hinc ad hostes horæ iter restabat , qui præcurrentibus nuntiis excitī , an forte conspectis ignibus quos refovendis corporibus Batavi struxerant , diversas in sententias iere. pars intra munimenta opperiri , pars rectius censebant occurrere ultro fessis itinere & cœno madentibus , neque vero hanc Mauritio relinquendam gloriam , quod miles vetus & qui famam belli sustineret , adversus haud multo majores copias prælium detrectasset. Sed plerique timori honesta prætendebant : cedendum potius integris viribus , cum non procul esset Herentalium fido receptu : Nec virtute nec fortuna prodigè utendum. Quo cum & Varax pavore confusus accederet , prævaluit consilium turpius idem & periculosius. Nam & hoste tam propinquo ferum id erat , & quanquam præmissis nocte ultima impedimentis , & ubi illuxerat , ordinato agmine itineris quam fugæ speciem fecerant , non tamen vitabant , quin persequi fortioris videretur. Iam & iussa silentia , non tubæ ulli , non tympanorum strepitus , inania quidem , sed apud militares animos multum in deterius valere. Quo Princeps comperto , non jam de pugnæ eventu , sed ne elaberetur hostis sollicitus , hoc magis , quod & camporum stagnantia , & rivum intercedentem moram sibi latura præviderat , cum turmis , & , quod in cohortibus expeditissimum erat , ad ducentos , in campum ( Tileni nomen est ) mane summo properat , jussu pedite longe sublequi , cum tormentis. Aderant Comes Hohenloius , iter tum forte Germanicum accinctus , sed quanquam Princeps vocare omiserat , ipse , quod parabatur conjectans , rei bene gerendæ occasionem privato suo antehabuit :

buit : & Eberhardus Solmensis intentus famam  
 anni prioris adversam novo merito purgare :  
 Tum Angli Franciscus Verius , & Robertus  
 Sidneius Flissingæ custodiendæ præfectus : Bel-  
 garum Marcellus Baxius fortissimæ turmæ dux,  
 & inter primos itineris hortatores : inde alii.  
 Verius levi cum peditibus missus silvas excutere ,  
 ne quid lateret insidiarum , ad rivum prægredi-  
 tur campis interfluentem , qui longis vadi an-  
 gustiis , ligneoque ponticulo vix singulis transi-  
 tum dabat , & militem tuborum vi depellit ,  
 quem hostis moræ offerendæ eo loci reliquerat.  
 Inde agmen hostile consecutus ultima abeun-  
 tium terga assilit & retentat : nec enim procul  
 arcus callis coeuntes inter saltus Herentalium  
 ducebat : quem si penetraret hostis ( & jam im-  
 pedimenta intraverant ) non dabatur prælio lo-  
 cus. Interim Hohenlorus , cui equites quadrin-  
 gentos subsidium peditibus Mauritius attribuerat ,  
 ad latus hostium conspiciebatur. Configere  
 nondum licebat stagnanti valle intermedia, nec  
 ea planitie, qua modica acies patefceret. Ibant  
 sub Varace cohortes justo intervallo , novenis ,  
 undenisque ordinibus. Prima e Germanis erat  
 Comitibus Sultii : secunda Walonum , vetus La-  
 motæ & Coquelli miles , tum Aschicurtio re-  
 gebatur : alteram ejusdem gentis Barlotus cura-  
 bat. Tergum Neapolitani clauferant, Marchio-  
 nis Trevici manus qui tum per Italiam aberat,  
 Sinistra agminis arboribus continuis munieban-  
 tur, & rivo qui Turnholto delabatur : eques tri-  
 bus catervis modo in fronte, modo dextrum la-  
 tus prætexebant : imperitante Basta & sub illo  
 Cordubensi , Dracone , Grobbendonco , Gus-  
 manno. Loco signoque ad irrumpendum datis,



Hohenloius prætervectus cæteras hostium cohortes primus invadit. Eques objectus tutando lateri, redit, & peditem suum turbat. Ita Germani facile perrumpuntur. Ne Itali quidem immissum in terga Verium, cum parte equitis, quem penes se Princeps retinuerat, sustinuerunt. Quibus fufis profligantur & mediæ cohortes, rara vincendi celeritate. Tam facile locum à veteri milite proditum, ipsi qui vicerant mirabantur. Sed præter quod dilapsus eques pavorem intulerat, ipsæ cohortes haud prudenter factis ordinatæ. Non enim densa hastatorum omni ex agmine confertorum series tegebat cæteros, sed rari sparsique circumsteterant, ut facile irrumpendi spatium Mauritanis darent: eoque impunius, quod & jaculatores non alternatum, sed pariter cuncti tubos exploserant. Accusatus postea Basta, quod non terga potius peditem clausisset, mandata Varacis ostendit. Irrumpentium mortui quatuor duntaxat, sex vulnerati: novæque armaturæ insigne documentum is dies dedit. Nam Mauritius equites non lanceis, qui mos valebat hætenus, sed Carabinis armaverat, id tuborum longioribus militare vocabulum est. Igitur, quæ primum jaciuntur, vitatis, priusquam hastas protendendi spatium sit, tam certa vulnerum vis irruit, ut non arma hostes, non ordines retineant. At turbatis pulsisque nulla jam effugia: quippe arbusa & aquæ præsidio futura pignantibus, contra ipsos verterant. Sed & victores nimia prope fiducia periculum adierunt. Nam dum cædibus nonnulli, cæteri prædæ insistent, Basta paucis suorum comitatus, cum fugienti sibi viarum angustias currusque obstare sensisset, coactus fingit

*fingit audaciam, retroque effusis frenis ruit. Complures Mauritianorum spoliis affixos, & impedimenta scrutantes, quod genus pavidissimum est, tam repens novitas, ut terga darent subegit. Sed præfecti peditum, quorum pars major ac tardior pone secuta tum forte adven-  
 tabat, occurfare paventibus, retinere cedentes, & ni in hostem redirent, majus a se periculum intentare. Eodemque pavore captivi aliquot, qui Principem deprecabundi circumsteterant, metu mutantis fortunæ abacti transfodiuntur. Providus talium Princeps jam ante turmas quatuor exentis discrimini præsidium sibi victoriæque posuerat. Sed turmæ unius rector suam jussus ducere, male excepto imperio, cunctas pugnæ miscuerat, sponte etiam prædæ quam obsequio promptiores. Tamen ad ducem concursantibus, queis major officii aut famæ reverentia, vitatum discrimen: hostes iterum refugi suorum stragibus & angustiis viarum conflictabantur: nec ultra inquietarunt victoriam, tam facilem paratamque, ut vix decem de victoribus desiderarentur: & peditum agmen in partem duntaxat spoliorum advenerit. Sepulci hostium super duo millia: captivi ferme quingenti, pars magna signiferi. Quidam vulneribus defecere. Sequenti die accepta in deditionem arx Turnholtana cincta fossis: pedes in præsidia remissus: eques quoque jussus continuo abscedere, ne insequendo fessum recollectis viribus hostis noctu invaderet. Inde ovans Mauritius inter festas populi gratulationes erepta vestibus signa centuriarum octo & triginta, urmale unum, quod Draconis fuerat, Hagæ in Capitolio suspendit. Nec minor victoriæ fides*

ipsius Varacis inter primos prostrati corpus  
 exanime cum literis Alberto transfinititur : qui  
 prolixè gratias egit , & cum nuper eques Mau-  
 ritianus ab hoste suspensus simili alterius sup-  
 plicio vindicatus esset , servaturum se in poste-  
 rum belli commercia promisit , alieno ipsi ab  
 omni sævitia ingenio. Id primum sui experi-  
 mentum collatis signis habuit Mauritius, decem  
 jam per annos imperator : neque tam militi ex  
 eventu crevit in hostem fiducia , quam illum  
 fecere casuum caventem , quæ viderat non satis  
 firmata subitis exercitus disciplina & levi ani-  
 morum momento Mars ambiguus , inque ipsa  
 victoria tantum periculi. At Albertus perculsus  
 simul & pecuniæ inopia, & tanta clade, per dies  
 noctesque consultans , aggre malo utrique re-  
 media inveniebat. Effusus antea non solvendi  
 sed donandi quoque , ita ut uno Hulsti obsidio  
 plus in largitiones , quam tribus annis Parmen-  
 sis exhausserit, ex eo tempore stipendiis quoque  
 numerandis defecerat. Ita qui paulo ante per  
 uberiores præmia multos ad transfugium illece-  
 rat, suorum tunc desertionibus nudabatur. Ger-  
 mani pecuniæ avida natio, conscribi quos jusse-  
 rat equites peditesque , aut negabant operam ,  
 aut ut advenerant dilabebantur. Seditionum  
 metu urbes atque Ipra imprimis præsidia acci-  
 pere recusabant. Inopiæ , qua posset , obviam  
 iturus, suam ipse supellectilem pignori dederat:  
 orabatque civitates nummos ut mutuos con-  
 ferrent, ausis negare Bruxellensibus. Volebat &  
 cum Fucqueris pacisci : sed terrebat fides in-  
 certa, & edicti nuper Hispanici exemplum. Cæ-  
 tera hyems primumque ver nullo adhuc exer-  
 citu inter subita & dolos transiere, dum parvæ  
 manus

manus res magnas audent. Ferdinandus Telli-  
 us Portocarrera Durlanum Hispano regebat,  
 quo oppido haud ita longe Ambianum abest,  
 Picardiæ caput, urbs inter Galliæ maximas,  
 opum potens, belloque tum & comineatibus  
 opportuna, allabente amne, cui verus Samaræ  
 nomen. Parebat Henrico civitas, sed excluso  
 præsidio commissaque magistratibus custodia,  
 per speciem privilegiorum negligentius usur-  
 pans jus invisæ dominantibus & periculossæ  
 apud hostem libertatis. Quæ postquam Ferdi-  
 nandus exsulum monitu ac præcipue Monachi  
 cuiusdam, situmque locorum missis explorato-  
 ribus didicerat, milites ab Alberto accipit, per-  
 agendæ fraudi. Promptissimi duodeviginti du-  
 bia luce, cum primum ingressus patet, post alios  
 alii mittuntur, agresti specie, poma ferentes,  
 pars & plaustrum agebant onustum pabuli, quo  
 portæ pensiles abscissis, ut sit in periculo, reti-  
 naculis, adversus casum sustinerentur. Custodes  
 aditus occultis ante armis aut prima ex cæde  
 raptis conficiuntur: celerique accursu eorum  
 qui proximis urbi locis abditi subsiderant, fit  
 via insequentis agmini, quod pedites bis mille,  
 sexcenti equites complebant. Forte eo ipso arti-  
 culo temporis (Quadragesima erat) quidam in  
 sacra ad populum allocutione peccata ipsis sua  
 exprobrans & rei ignarus, meritos dicebat ut in  
 Hispanorum venirent potestatem, & venire:  
 Nam valida quamvis & numerosa civitas qua-  
 tuordecim haud minus hominum millibus ha-  
 bitata, non diu restitit, ambigua in regem fide,  
 an pavida ex priori securitate & imperii egens:  
 quin & Præfectus Sancti-pauli Comes audi-  
 to tumultu parte alia diffugerat. Rebus tutis

auctum præsidium, corrupta flammis quæ contigua urbi erant, exarinati cives direptique egregia in militem præda: sed & in ducem: quia Rex vium magnam machinarum omnemque belli apparatus paulo ante indiderat. Misit ad Philippum Albertus rei bene gestæ nuntium, monuitque unam esse ac præcipuam earum urbium quas ad Samaram fitas Burgundionumque ducibus possessas orbæ virgini quondam Gallus extorsisset: laborandum nunc, ut bello partum, etiam paci, siqua coïret, retineretur. Magnum id damnum Gallis, nec sine fructu tamen. Nam conspecto dure haberi ab Hispano Ambianos, etiam qui in Gallia Romana sacra sectabantur obsequentiores regi, præsidia non ut ante recusabant: Rex ipse pacis cogitatione ad tempus discussa totum se sociis dabat, ita ut quas nuper de Caletto conditiones Angli tulerant hunc accepturus videretur. Interim unius diei fortuna longum recuperandi laborem Gallis præbuit, circumfuso statim equitatu, inde sub Bironio crescentibus in Ambiani obsidium copiis, donec Rex ipse coram advenit: illectusque ut vitæm reponeret, Atrebatum urbem, accenso pulvere, quo muri dissilirent, scalisque, infeliciter aggressus est. Nec meliores Gallorum in Cameracum Durlaniumque insidiæ. Sed & Hispano spes irrita in Gravewartam insulam Rheni divortio sitam, rursusque in oppidum Stenovici, quo Tubantum e præsidiis mille pedites, equites quadringenti deviis itineribus convenerant. Hi suprema, nocte palis, qui obstiterant, rescissis, in aggerem enitebantur: utque primos conatus silentio juverant, ita quo terror per tenebras ingra-

gravesceret truci clamore signorumque cantu  
 diversas moenium partes oppugnabant. Sed ex-  
 cubitores haudquaquam turbati inanibus, sese  
 objecere: idque cæteros advertit haud procul  
 remotos (nam plerique structis præpe vallum  
 tuguriis continebantur) quorum pars intecti,  
 ut stratis exsilierant, saxa in scandentes moliri,  
 semerme alii egressos in vallum hostes gladiis  
 fodere, aut glandibus succedentes propellere,  
 propulso sequi. Ita resumtis aliquoties ani-  
 mis aggressores tandem cessere, multam cla-  
 dem devectis pereimptorum corporibus dissi-  
 mulantes. Sub idem temporis, velut æqua in  
 omnes fortuna, Mauritius peditem & turmas  
 aliquot Noviomago ductans, nulla interposita  
 ad quiescendum mora, haud absurdo capiendæ  
 Venloæ consilio eventum contra habuit, navi-  
 bus duabus adverso flumine militem miserat:  
 priore, egressi jam portam occupaverant op-  
 pressis custodibus: & adiuti unius atque alterius  
 intra urbem conscientia. Sed navem alteram,  
 centum onustam militibus, ventus remittens,  
 vadumque in amne detinuit: atque interim cla-  
 rescen te mane oppidani concurrerant, primum-  
 que portam interiorem obmoliebantur: tum  
 aucta multitudo eos, qui extrema tenebant (nec  
 plures erant quinquaginta) eruptione depel-  
 lunt. Et fugientes, nautarum e Leodico illic  
 agentium telis petebantur. Mathias Hellius oc-  
 cubuit jam tertio virtutis experimento, nec ibi  
 minus quam Brædæ Nordamique spectandus.  
 Cuique eo Schalquius navis rector. Capiun-  
 tur alii, &, quod jus belli consensu valuit aver-  
 tendis id genus periculis, supplicio damnantur.  
 Unus qui portam tradiderat salubri audacia per

urbem discurrens velut communi pavore, nec agnitus, averſa parte oppidi evaſit. Quin & in Flandricum littus miſſi cum claſſe milites re infecta redierunt. Bulionius interim haud magna manu populabundus Hænoviam & proximos Moſæ campos perſultabat. Et Mauritianus eques ex victoria confidentior, Brabantia & Geldria præſidia egreſſus, uterque locis diverſis hoſti circumventus funditur. Tum leves intra conatus æſtas circa Batavos tranſmiſſa eſt, & de Ambiano retinenda ſollicito Archiduce, & quia Fœderatæ gentes, dum otium arripiunt, belli occaſionibus incurioſæ, ſatis habent auxilia fociis mittere, nec ipſæ laceſſi. Sed & diſcordiæ fatigabant, quanquam non ſupra fœdus, at alieno tempore & eo ſuſpectiores. Groningana civitas, & qui patentes agros Lavicam intra atque Amaſium colunt, vetera & bello indurata odia adhuc ſpirantes, haud facile coaleſcebant, dum civitas, quæ ſibi regias partes ſecutæ Parmenſis, non quidem perpetua lege ſed interdicti in morem conceſſerat, pertinaciter urget: contra accolæ omnem cum ea ſocietatem, ut libertatis imminutionem accipiendo, quo ſua ſcorſim agerent, vetuſtum cum ea fœdus abrumpunt. Verum erat, ut totius quondam Germaniæ, ita Friſiorum diu populos diſcretas habuiſſe ditiones, ut, niſi ſuo arbitrio, in medium non conſultarent: Translavicanos autem & ipſos pagis diſcretos adverſus interna externaque mala vires ſibi viciniæ civitatis paciſcendo adjunxiſſe, cui & mercatura & iudiciorum ſanctimonia florenti, magnam in utrumque poteſtatem, præmium ſocietatis vicini volentes detulerunt, conventus eo indicere ſoliti. Sed quod

initio

initio liberum fuit, longo usu multisque pactio-  
nibus, in vim juris transferat: nequē vero hoc  
erat tempus, quo vincula amicitiae utcumque in-  
dicta resolverentur. Et Hispano quidem olim  
pars visa potentiae, nihil definiendo alere subdi-  
torum certamina: at vis Foederatorum con-  
cordia nitebatur. Igitur tranquillandis contro-  
versis iudices dati: tres primum: & cum ho-  
rum sententia agrorum habitatores offenderen-  
tur, novem alii, quorum decretum a Concilio  
nationum comprobatum est. Ordines ergo ex  
urbe agroque collecti jubentur constitutum utra-  
que ex parte corpus, ut unam rempublicam re-  
gere, maiora conventu disceptando, minora per  
legatos: Eorum curae subdita communia tribu-  
ta, quæque Principis aut sacerdotum fuerant:  
paribus suffragiis, ut prior civitas, non superior  
foret: Attamen cautum, qui iudicia per agrum  
regerent (Hovetmannis nomen est) ab urbano  
senatu more, quem Geldris probatum Austria-  
ca domus servaverat, legerentur, cæteri ejusdem  
curiae ab Ordinibus. De mercimoniis ita tem-  
peratum, in agro nata, facta, exportare ne lice-  
ret, nisi Groningæ prostitissent: neu cerevisiam  
(aqua farre cocta est, Germanicarum gentium  
potus) præterquam Groninganam bibere, ex-  
cepto ab utraque lege, quod usus familiaris cau-  
sa haberetur: externis vero mercibus adjudicata  
libertas: & alia ejusmodi, quæ etsi, magnis dis-  
sensibus agitata, ut instituto minora, exsequi pi-  
get. Sed enim Hollandorum cum Zelandis con-  
tentio eo gravior, quo horum maxime opibus  
corporis universi concordia continetur. De  
vectigali certamen erat, quod mercibus exteras  
ad gentes aut hostem transvehendis describitur.

Id



Id nationes singulæ non sibi proprium, sed commune foederis in rationes onerum maritimorum, quæ ipsæ usu publico poscente privatim sustinerent, accepto ferebant. Zelandi ultra tenderant, coactis mercimoniis, quibus Hollandia evectis alio per ipsorum insulas iter esset, alteram vectigalis partem apud se pendere: quod quia arceri non poterat pacto inter duas gentes temporario firmatum. Sed eam conventionem Hollandus renuntiabat, fretus Ordinum Foederatorum edicto ubi onus imponeretur, ibi solvi jubente portorium. Super hoc Zelandi accusabantur, quod imminuto vectigali & commissi poenis rem communem sui juris facerent, alienaque commercia & utilitates ea fraude in se verterent, contra fidem & leges tam necessariæ societatis. Quibus cum illi referrent, Hollandos suis cupiditatibus Foederatorum jussa, ut alias Senatus aut Principis nomen obtendere, uni controversiæ plures miscebantur. Nec cessantibus utrisque suis in bellum meritis aliorum opponere segnitiam, & si foedus exueretur, latenter ostentare vires, quibus privatim se tuerentur aut alerent, Zelandisque eo provectis iræ, ut tributum foederi inferre negarent, postquam & populi minores perniciosum exemplum sequebantur, vix tandem convenit, ut, Zelandiæ commodis quibusdam relictis salva esset in posterum Foederatorum concilio sua auctoritas. Auditæ interim legationes externæ, & pacis laudes, & de bello querelæ: curante Hispano, non tam spe ulla concordiæ, quam ut negantes odio objiceret. Auditus cum admiratione parum grati sermonis Paulus Dialius a Sigismondo missus Poloniæ Rege, qui Latino sermone clarum.

clarum intonans, cum de officio subditorum in Principes multa jactasset, certum Batavis exitium ab Austriaca magnitudine minabatur, ni culpam fassi mature veniam exposcerent, regem suum deprecatorem offerens. Sed & Philippi bonitatem & fidem celebrabat, idque coram Arausionensis & Egmundi filiis generisque: nec minus Christianum nomen, & Turcæ vis discordibus longe imminens prætexebantur, cum proxima Polonia metum pace redimens communi se bello subtraheret. Nec ignarum Ordinibus Polonum Hispano junctum necessitudine, & quod propius vinculum est Iesuitis regiam obsidentibus. Modeste responsum de causa & pacis periculo, & acrioribus Hispani in Christianos quam in Turcam armis præ nimia dominandi cupidine, quæ curæ esse Sigismundo debere, præ domestica conjunctione. Et cum ille nihilominus ferociret, velut commercia abrupturus, innuere qui colloquebantur, si jura humanitatis violarentur, non se Polonicæ mæsis, quam Polonos sui numini indigentiores. Sed & Imperator Principesque Germani & primæ civitates locum magnificæ legationi poposcerant, quod Ordines, suspecto tantæ auctoritatis paratu, excusabant. Quare alteras literas misere Carolo Nutzelio ferente, acerbius interrogantes hæc ne Germaniæ cognationis reverentia, hanc tot beneficiis gratiam referrent, ut amicis negaretur, quod apud omnes gentes etiam hostibus licuisset? Neque vero Legatos duntaxat de pace acturos, quæ tamen ut fida ac secura foret, siqua daretur occasio, diligenter se curaturos, sed de multis gravibus rebus, quæ tractari Batavorum haud minus quam Germaniæ

niæ interesset. Interpretabatur id Nutselius, de priscis foederibus instaurandis. Nec minæ ab-  
 erant; nemini majestatem imperii impune ludibrio fore. Humiliter ad hæc Ordines, honori Germanico & reverentiæ datum demonstra-  
 bant, ut præmonerentur, ne se irrita legatione fatigarent: rerum suarum, & quid ipsis expediret, non alios se peritiores. Serius aliquanto Arnoldus Witfeldius Regni Præses, & Christianus Barnicavius, a Dano venire, qui, cum ut plerisque creditum, hanc operam magis negare non potuisset, quam sponte præstaret, Nassaviæ se stirpis & Batavæ gentis amicum paternum, ac sinceræ purgatæque religionis consciunt, nihil postulaturum prætulit, quod aut huic aut illis fraudi cederet: sed quoniam pace & numen divinum purius coleretur, & publicæ privatæque res extra belli aleam tutius consisterent, ejus sperare haud ingratum se auctorem fore. Tot simul concordie hortatoribus verbis diversis in eandem formam Ordines rescripsere: ad Dandum tamen quam ad cæteros accuratius. Rationes jam aliquoties memoratas breviter repetam, ne, quod ipsi sæpe eadem audiendo dicendoque fastidii cœpere, id in legentem transeat. Docebant societate Gallica Anglicaque, deinde summis Mauritiæ virtutibus se obstrictos privatim pacis leges nec ferre posse, nec accipere. Quod ut nefas, ita & noxium se arbitrari, quia pacis quanquam vana commemoratio cunctos mortales in bello remissiores, in libertate & civitatum foedere etiam discordes facit. Detectæ simul literæ Wilhelmo Clementio scriptæ Hispanico apud imperatorem Oratori, quæ spes tales proderent, quæsitamque ex pacis mentione Batavis

tavis apud Germanos invidiam. Iungebantur exempla eorum quæ Bredæ, Gandavi, Agrippinensi in urbe acta, & apud Brabantos Flандrosque, hostiles insidias promoverant. Post quæ nullum se belli exitum ab Hispani fide, sed primum a Deo immortali armorum moderatore, tum, si forte, Belgarum e consensu opperiri. Pro causa nonnihil: quam renitentes & quæ impulsæ necessitate ad ea venissent, quorum nulla pactio securos facit. Interesse & vicinorum, ne bello tanto levatus Hispaniæ rex deditorum viribus angesceret. quo ille impetrato, centum hominum millia semper in armis habere posset, nunc huic nunc illi opprimendo. In ore esse Hispanis hæriticos hæreticorum sanguine vincendos: nec eo vocabulo reformatæ magis, quæ dicitur, religionis, quam Augustanæ sectatores & ipsorum & Pontificis iudicio comprehendi. Et quia reipublicæ vocabulum nunc non minus invisum quam olim populo Romano præpotente regium nomen erat, ac tamen cum illis gentibus res erat, quæ principatum amant proximum libertati, neque tam nascendi sorte quam cooptandi iudicio, quod Poloni apertius servant, Germani & Dani imaginem retinent, suo de regimine eundem in modum loquebantur. Belgæ, inquiunt, serviere nunquam, sed imperium legibus. Legum cura his credita a maioribus, quos virtus monstrabat. Iustitia regendi provocati affectus a parentibus in liberos transiere: ne tum quidem infinita potestas, sed intra conventiones stetit, quare & regio nomine abstentum. Mansit fides Principibus populoque, donec Philippus non tantum iudicia vertendo, inconcessa exigendo, sibi jurata infregit, sed contra

fas

fas omne Dei hominumque vera legationum contempsit, innumera cædē se infantium cruentavit. Quod cunctis animantibus natura imperat, suam ut salutem defenserent, id nos fecimus: neque vèro promiscua licentia, sed ductu Principis Araulionensis. Longæ interim preces, & ambitiosi Reges qui Philippi animum mitigarent. At postquam sub pace dissidium & ultio latuere, haud novum populis, etiam, qui regnant, cuncta principatui contraria facientem imperio demovimus, decreto publico vulgatisque causis. Ac rursum aliis visum Regis Galliæ fratrem rebus imponere, alii Araulionensi obtemperare haud ante desimus, quam ille Hispanico scelere procubuit. delataque ad Mauritium regendi successio, qui nunc egregio subnixus regum fœdere fines armis propagat. Hæc ideo expressi, quod sepositas apud gentes ea tum fama nosci ex usu rerum præsentium videbatur. Nec contenti pacem discutere Batavi, ultro ad arma alios vocabant, regnorum aviditatem Hispanis & potestatem nocendi objectando, exsoletas jamdudum criminationes, & quas magna imperia nunquam effugiunt. Faciendæ tamen fidei præter manifestum Galliæ Britanniaque exemplum proferebantur, Alberti postulata adversus plerasque Germaniæ urbes: & quid de religione sperandum esset, documentum e Brabantia recens. Anna Hovia virgo famulari ministerio vitam tolerans cum sororibus Rampardis, quibus inserviebat, suspecta dissensionis circa Pontificum sanctiones, & in carcerem protrusa fuerat. Cumque illæ victæ aut minis aut precibus amicorum ac vitæ illecebris, quibus & viriles animi franguntur, imperitiam fatendo veniam me-

meruissent, hæc una nihil moveri : modesto interim sermone obtestari, sceminam se & sexu & sorte extra turbas, ut ipsa crederet, recte sentientem ; sin minus, erroris ream, cui par esset ignosci : at illud scelus non hominibus, sed Deo vindicandum, si quis contra animi sententiam metu subactus, quamvis vera dicendo, mentiretur. Consultante Senatu, an iudicium redderet, Albertus respondisse fertur, exercendas leges. Illud iustius mireris, quod tam acerbum, infestumque etiam spectantibus supplicium placuit. Viva Bruxellæ sub terram defossa est, auctores ejus sævitæ poenitentiam exspectasse credibile est. Sed illa jam in specum descendens, inter mortem posita & proritantes venia sacerdotes, superfusam humum imperterrita, tantumque Deo supplex accepit. Ea mulieris constantia magna Belgarum miseratione celebrata est, augente famam rei novitate, cum olim multa cædum millia brevi auditu transmitterentur. Et post Albertus id genus crimina satis habuit minis, aut si urgeretur, poenis secretioribus comperescere. Atque interim Batavi ejus invidia fruebantur, cunctos, queis religio curæ, prævertendam ad ultionem incitantes. Egere & Regibus gratias, quod pro Belgarum otio solliciti forent, resque suas singulis commendatas voluerunt. Legatis hospitium & sumtus e publico, abeuntibus dona accessere. In literis ad Germanos excusati incursus vicinos in agros, comparatione hostium & belli necessitate, cui unum remedium foret, si Hispani quam longissime pellerentur : adversus quorum insolentiam in occupandis Germaniæ locis auditos se sæpe, adiutatos nunquam. Vnde cogi se hac, quoque de

re spem omnem suis in armis collocare, quæ tamen pacatis populis fore innoxia. Ideo & stipendium se militi nuper auxisse, quo arctiori disciplina frænaretur. Dani seorsim postulaverant, ne ipsis grave esset bellum non suum, neu commerciis Hispanicis arcerentur. Quod Regina Angliæ & Danis & Polono, legatis iisdem, qui in Batavis fuere, ad se missis, negaverat, & naturam laudantibus, quæ mare cunctis & jus permutandi patere voluisset, responderat, nihil esse tam congruens naturæ hominumque moribus quam periculum propulsare: quare haud passurum sapientem ulla ope eum juvari, qui suo exitio immineat. Nec arma tantum, sed & commeatus omnes vetabat: quippe asserens constituto belli iudicio hostem vel fame domandum, ut pacem accipiat. Idem veterum Anglorum pacto cum Asiaticis civitatibus, aliorumque Principum exemplis tuebatur, Paulum Dialium insolentius agentem irridens, ut feciali quam oratori propiorem, nec Sigismundo parcebat. Ignarum nempe regii moris ob juventam & quia electus imperaret. Patrem certe avumque ipsius Moscho cum bellarent, alia in Anglis jura statuisse. Sibi vero, quæ legatorum suorum opera & Russico bello Sueciam, & Turcico Poloniam liberasset, egregiam hanc scilicet gratiam referri. At Batavi haud æquum æstimantes aliis se leges duriores quam sibi præscribere, non intercedebant, quo minus cæteræ gentes pari jure cum Fœderatis Occidentem & hostilia littora inviserent. Maritimæ hoc anno expeditiones fuere, magnis initio consiliis, sed inani spe per tot incerta. Allu-  
gli

gli novos hostium paratus in ipsis navalibus opprimere, Azores insulas insidere opulentas: naves rapere, longinquo ex orbe venientes capere certabant. Naves armis validas Regina sedecim, in quibus ad Gades captæ erant duæ, vigintique suas Batavi Warmondo Duce attribuerunt. Sexaginta ferme inferiores magnitudinis aderant, belli instrumento & militi ferendo. Nam & machinæ oppugnandis urbibus una vectabantur: & sex hominum millia, quæ in terram exponerentur: audito quanquam & peditem in maritimis Hispaniæ oris paratum haberi. Summa imperii in militem ac naves Essexio tradita, vitandis malis quæ discors nuper imperium dederat. Iulio mense exiêre. Ac primo placidi fluctus & lenis aquilo ferre vela: mox adulta vis venti, & ubi classis in alto, Gallæciam contra, cœlum pelagusque in austrum verti: qui mixtus horribili procellæ naves ipsas ducumque consilia in diversum tulit. Quidam expeditioribus navigiis obliquos cursus in conspectum Hispaniæ produxere: plerique pertæsi maris & periculorum, quo citius in patriam redirent, ventos sponte sequebantur. At quanquam Essexii fractis arboribus navis teneretur, hiscerent compages, vix undæ irruentes exhaurirentur, ipse adhuc obniti & contrà tendere: sed & prospectus atro nubium, & aures clamore trepidantium, fluctuum collisu, fragore cœli impediabantur, metusque præsens officia nautarum & imperii reverentiam abruerat. Ita victus comitum consensu naves plerasque rimis fatiscentes, vix ut maximo labore aquæ educerentur, salvâs tamen omnes, decimo postquam exierat die in Angliam refert. Vbi dum



dum focii exspectantur & flatus adversi in portu detinent, alimenti inopia ac subeuntes morbi cogunt onerarias ac militem dimittere, una cohorte retenta, quam belli exercitum concedentibus Batavis Verius abduxerat. Contracta cum copiis & consilia, omissaque spe belli terrestri, adventantem India classem excipere Azores juxta Insulas placuit. Sed per obvias iterum tempestates laceris aut disiectis Anglorum navibus, Essexius lustrato diu mari, per insulas populabundus, mox explorantium errore devius abducitur, & alia parte vagatur Ralegus imperii minus patiens. Hispani Angram interim portum averſa in parte Tercerae, quæ Azorum potissima est, subeunt; divitias optimas ferentes. Britannos venti reflantes & prominentia juga distinebant. Tres tamen naves, eæque segreges excitio datæ aut in prædam cessere: prævumque certamen exortum est, Batavis Ralegum parti classis Anglicanæ præpositum incusantibus, quod captam sibi navem, dum persequuntur alteram, per viam eriperet. in eodem itinere modica quædam ac sine munimentis oppida ab Anglis incensa, ut Caracca ex India veniens à suis, ne in manus hostium perveniret. Frustrati duces, & cum hyematur jam mari in Angliam rediissent male volentibus irrisi, inter se quoque æmuli pridem, nunc inimici, infausto eventui recta consilia & suos labores præscribere. Fortunam nec præstari a sapiente, nec ab æquo homine exigere. Gravior Padiliæ casus, qui paribus, ut nuper, mandatis, ex Hispania Britannia nociturus mittebatur, centum & octo navibus, in quibus militum octo millia. Multumque processerat, cum turbidis septentrionibus

bus galeones tres, sex naves aliæ, virūque & auri vis magna mergitur. Reversus domum Padilia imprudentiæ, an infelicitatis jam sæpius expertæ reus classi præfectura demovetur. Datus ei successor Didacus Broeurus. Hac æstate naves Hollandicæ quatuor, quæ vere tertio exierant, primæ omnium ab Indis revenere. Nec major civium lætitia quam admiratio fuit, audientium circumcisos genitalia velatosque, cætera nudos agere, qua in Orientem Africa vertitur, insulæ Madagascaris populos: hi quomodo Deum nossent ignorarentque: quanta infelicibus geniis jure licentia: tum vero ipsos non se nominibus, non tempora distinguere, moris nostri adeo ignaros, ut e stanno cochlear bove mutarent. Narrabatur & periculosa tantis periculis nautarum seditio: tum infida Barbarorum ingenia, quos passim, & in Iava maxime, Lusitani emerant, ut specie pacis cædem & prædam occultarent: hinc prælia & moræ. Nec nulla in Batavis culpa, nam missos eo a parentibus aut agnatis, quos æs alienum malive mores patria expulerant, vitia sua comitabantur. Ac tantæ quorundam stupiditas fuit, ut suspicaces inter populos Bantamensis portus profundum claro die explorarent. Insulam esse Iavam, Britannię ferme parem, non, ut quibusdam creditum, Australis continentis partem, circuitu patuit. Reges habet plures: pars falsa numina more avito colunt, pars Mahumeticos ritus non ita dudum acceperere. Visa & Sumatra, major Iava, & minor Balis insula: inque reditu alia, cui Helenæ nomen est, multarum rerum ferax, sed nullo hominum cultu. Ex eo piper & fruges aliæ coeli calidioris a Batavis peti cœpere, quod

S

com-

commercium Venetis olim lucrosum per Ægyptiacas trajectiones centum fere per annos Lusitani Oceani istius repertores, longo navigatu & dono Pontificis; soli usurpaverant. Primum iter plurimas post difficultates, damni tamen exfors, spem lucri in posterum fecit: ac per Hollandiam plures Zelandosque & exsules Brabantos impulit, ut idem majori navium numero auderent. Ab ipso vere multos jam in menses protrahebatur Ambiani obsidium, dum rex, quamvis hand invalido cum exercitu millium quatuordecim, parvus suorum sanguinis, nec avidus alieni, castra munit adversus internam externamque viam: primumque conjurationem civium, & ea postquam patuerat, replere fossas, suffodere vallum, incruenta & longa agitat, hand satis gnaris talium obessoribus, nec obfessis virtus aut artes deerant, quibus in spem auxilii moras ducerent, suspecti civium ad sex mille ejecti: eques, dum coit hostis, ingressus augebat præsidium. Peste quanquam afflictabantur, crebra proruptione pro incenibus pugnatum, varia fortuna, quæ claros utrinque & ipsius doli auctorem Portocarreram absumsit: & flumen objectu molis oppidani in hostem fuderant. Sed repulsis sæpe, qui per neglecta intrare urbem & numero firmare mittebantur, ipse sub autumnum archidux, veteribus novisque copiis & avitum in morem excita Belgarum nobilitate, quæ in pedites & turmas composita ibat, famæ major quam spei supervenit. Primo aspectu apparebat, nec munitiones regias perrumpi posse, nec venturum hostem, solito jam cautiolem, ad prælii incerta. Parvæ manus temere concurrebant: & jam Picardia vasta bello

bello penuriam victus, inde morbos vulgaverat. Hæc, ut discederet, archiducem perpulere, languentem & ipsum dolore amissæ urbis, quæ, elapsis octo dierum induciis ex pacto, si auxilium interim hominum plus mille non penetraret, Henrico redditur, & hic, quo minus instaret successibus, Dorlani ab obsidio, metu hyemis, alimentorum penuria, detrahebatur. Mittit mox partem militis Albertus, qui Ostendæ exitus obsepiret castellis, oratu Flandrorum, quando obsidium, loci exploratis munimentis, quæ terra marique aderant, & infirmitatis in præsens conscientia nondum audebat. Interim coërcitæ populationes, quæ Eduardus Norficus præsidio impositus impune per agros grassabatur, terribilior hosti, ex quo nuper Alvarum Agilarium Dunkerkæ præfectum alia cum præda abduxerat. Vnam hanc rerum seriem finem ad anni producere libuit, ut quæ Batavis interim acta, nec istis continua seorsim ponerem. Quieverant in multam æstatem, dum pecunias Gallia, militem Britannia detinet, expectantes aut alia negotia, aut seditionem hostium. Avocatis in Ambianum Alberti copiis, placuit agendi occasio: sed qua parte bellum gereretur, certantibus in diversa nationum studiis, principi ac Wilhelmo senatuique arbitrium permittitur. Placuit his excutere hostem præsidiis, quæ non multa Hispano restantia Transisalanis in partibus Fredericus Herembergensis custodiebat, ut bello intra Rhenum redacto, quicquid agrorum ultra patet, hostilibus tributis eximeretur. Id quo tutius proveniret, (nec enim copiarum pares domi suppetebant, & metuendum, ne Hispanus mutato consilio recurreret)

visum est iter auferre secuturo, præceptis qua  
 Rhenus transiri poterat. Idem ad famam egre-  
 gium tuendis simul finibus erat, utque in Ger-  
 maniam commeatus patesceret, ab hoste in-  
 terclusus non levi in mercaturam damno, dum  
 mari accepta per annos differre aliaque repor-  
 tare prohibetur. Tum primum Henricus Frede-  
 ricus annum agens quartum & decimum, Lug-  
 duni ad eam ætatem liberalium studiorum pri-  
 mordiiis operatus, ad belli rudimenta assumi-  
 tur. Quo comite, pluribusque suæ domus, prin-  
 ceps & cæteri duces, clam habito consilio, ita ut  
 cui loco potissimum caveret hostis dispicere  
 non posset, Gravewartam contendunt. Peditum  
 septem millia, equites ducenti supra mille cor-  
 repta eodem, Rhenum pontonibus, inde Vaha-  
 lim connexis ratibus transiere, currus & sarcina-  
 nas secum trahentes. At naves impellente ven-  
 to flumina subvehebantur, in quibus tormenta  
 muralia quadragena, & cætera ad hanc copiam.  
 Procedit agmen secundum ripam quæ Gallica  
 olim, sive & Romana dicebatur: in itinere Al-  
 ba arx & municipium modicum, conspecto ex-  
 exercitu & machinis, (solent enim convelli le-  
 viores) sine mora deditur: eodemque vespere  
 missus eques qui Bercam ambiret. Sunt qui  
 olim Tiberiacum dictum putent, & restare ve-  
 stigium contracto in barbarum vocabulo. Exi-  
 guum id oppidum, sed opulentum portorio,  
 quia Rheno imminet ex ea, qua diximus, ripa  
 Xantenum supra, quæ Vetera creduntur, Le-  
 gionum olim obsidio belloque Batavico nobi-  
 lissima. Sed ex obliquo Vesalia aspicitur: ter-  
 gum citima Geldrix, latus utrunque Clivia ac  
 Iuliacensis regio includunt. Ipsa in ditione est  
 Agrip-

Agrippinensis Episcopi : sed Parmensis per speciem Truxiani quondam belli, multum certato, infederat : ex eo, præter ingenium loci & vetera operum munimenta, præsidio non minus mille hominum e Belgis Germanisque, servabatur. Parte supera fluminis insula ambitu patens in tria millia passuum oppido adhæret solo amne discreta, qui parvam modico ambitu circumvenit. Huic princeps quantum satis erat militis imponit, & pontem alveo, quo pabulis & comineatui prospectum foret. Dein, pluvio quanquam cœlo, castra locat, locis maxime duobus : sed, nequid pateret, media perpetuo aggere & fossa ab utraque fluminis parte iussa concurrere. Ita clausum oppidum, quia naves Rhenum obsederant : at passim viarum & ignobiliorum fluminum munimenta castrensium custodiarum vicibus firmabantur. Quæ postquam disposita, alter fodiendi labor oppidum versus tutos meatus moliebatur : nec obsessis audacia opus hostile eruptionibus turbare. telorum se jactu eminus vindicabant. non alterius rei major illis copia, cum nullius indigerent. Inventæ enim in urbe machinæ ferme octoginta : his munitiones, his siquid in oppido arduum compleverant : præcipua tales ad noxas turri, quæ palatio eminens amni proxima infestabat. Hinc multis cadentibus in castris miseratio, metus, ira : quippe & Ludovico Nassavio in tibiā inciderat globus, & principis periculum cognoscebatur trajecto forte tabernaculo. Obsessores tormenta contra disponere : exarmatæque turris, nec quisquam ausus insistere. Sed hætenus per intervalla ac spiramenta : postquam & fossa impleri, &, quanquam cœlo ini-

mico, continentes per pluvias late ad aggerem procedere vineæ cœperunt, haud intermissæ machinæ, quæ portam flumentanam ex insula, quam diximus, at averſa oppidi e solido, concuterent. Miſſi qui deditiōem obſeſſos poſtulerent, ut jam manifeſto, non inanes eſſe minas, cum oppugnationi proxima tentarentur. Negatæ precantibus induciæ: & continuati eo die iſtus bis mille. Atque interea Wilhelmus Naſſavius imminens anni lunatum munimentum ſupervaserat: pulſis multa per tela propugnatoribus. Perculit obſeſſos denuntiatio acrior, inſtare extrema: nec, ſi ultra tenderent, veniam fore. Ita Berca decimo die traditur, egreſſo præſidio cum eo quod cuique ſuum: publicæ hoſtium machinæ & naves, ut ſemper, victori acceſſere. Sunt qui præmaturum timorem accuſant, cum maxime Hermannus Comes Herembergendiſ Geldriæ rector præſidio adventaret, ſive præfectus culpæ affinis, jactantiæ immodicus, & ante pericula inſolentior, ſive & miles, quem mox ut exierat Geldra in oppido ſeditiōne incenſum plereque retro arguebant. His perpetratis legati a pontifice Agrippinenſi & ſacerdotum collegio principem, indeque Ordines adiere, repoſcentes oppidum liberum nec obnoxium bello. Movit Ordines loci maxima oportunitas, ut hanc ad formam reſponderent: **Q**uanquam noſtrum videri poteſt jure victoriæ quicquid hoſtis poſſedit, non tamen vana vos cœpit fiducia Batavæ æquitatis, cum quod Hiſpanorum violentiæ tam diu permiſſum eſt, id e noſtra manu vindicare non piget. Cederemus ultro, ni priora docuiſſent deſenſando vos impares. Immerito miſer eſt, cui fraudem affert  
aliena

aliena socordia. Iam si ad Bercam Hispanus ducat, vobis eadem quæ super Bonna & Novefio cura : nos haurimur excursibus : nostra nobis terra & commune flumen eripitur, ita non reddimus urbem, sed dedimus. Quin potius vestram illam creditis, sed nobis pignori concessam, nec tantum adversus periculum, sed impensarum nomine, quas certe exsolvi æquum erat, si vobis vicinus? Cæterum vestigal, quod Episcopo dependi hic solet, saluum illi promittimus. His tum illi verbis dimissi : nec tamen Bercam Ordines ut suam munire : resecta tantum quæ oppugnatio corruerat, & data præsidio cohors cum modico equite tum nequid propter hosti pateret, æquata solo Mutiliana : quia firmare, quantum satis, longum videbatur. Exciverat id castellum Rheni in ripa Camillus Sachinus Parmensi militans, egregio situ, utque creditum in ipsis Asciburgii vestigiis, oppidi cujus originem ad fabulosos Vlyssis errores prisca etiam Germania retulit. Ipse patriæ suæ Parmensi solo sitæ nomen indiderat. Nec dubium, quin isto opere auctor in longum sibi famam & memorem sui posteritatem promiserit, quod tum præterequitante forte Hohenloio, qui haud magno comitatu in Germaniam proficiscebatur, magna trepidatione desertum, & principis jussu deletum est, irrita multum hominis Itali arrogantia, qui fundatam animi virtute (verba ipsa referam) & inexpugnabilem arcem inscripserat. Hoc tempore ad Neoburgicum ac Brandenburgicum scripsere Foederati, maluisse se facto ipsis viam in Clivos aperire quam verbis polliceri. Superesse ut ipsi opportuna vindicando juri tempora arriperent.



rent. Iisdem in partibus Mursa est Agrippinen-  
 si in solo, sed Clivia clientela. Comites, qui  
 tenere, vocabantur. Vltima gentis hæres Val-  
 burgis supererat, clara Hornani quondam ma-  
 trimonio, & per Albani sævitiam vidua, rur-  
 sumque Nienarii gentilis sui nuptiis tradita or-  
 bataque. Ea in Batavis degente, Hispani oppi-  
 dum & arcem haud invalidam annos ante un-  
 decim capta præsidio tenebant, cuius auxerat  
 numerum supra octingentos Hermannus He-  
 rembergensis ad Berce famam excitus, & irri-  
 tus auxilii, neque par prælio: ideo quod reli-  
 quum erat copiarum secum trahens, retro cede-  
 bat, ipse Mosam ultra. Seorsim a ripa jacet op-  
 pidum: quo faciliior accessus hosti ac plura ob-  
 fidenti incommoda. Situ cognito binis prin-  
 ceps locis, sine vallo tamen, deposuit agmen:  
 accedere incipientem propius imbres fundens  
 autumnus tardabat. Tertius dies ad fossam per-  
 duxit, quæ tribus locis obruebatur. Nulla ad-  
 huc ruinis efficiendis tormenta sonuerant, sed  
 statui complura Mauritius iusserat, pontemque  
 parari velut impetum facturus, cum nec ex-  
 spectato præfectus oppidi arcisque (Andreas  
 Miranda nomen habebat gente Hispanus) ad  
 pactiones venit, mutatis obsidibus: quanquam  
 paulo ante per literas a Mauritio rogatus arcem  
 si posset tutaretur, parceret oppido & extra jus  
 belli positis civibus, superba responderat. Per-  
 missum exeunti, signa, arma, & machinam  
 unam avehere, dum Princeps inanium conces-  
 sione moram belli rediit, & ille falsi honoris  
 imagine dedecori suo blanditur, quanquam su-  
 per Berce exemplum prætendens pulveris nitra-  
 ti penuriam: sed & iis comparari potuerat &  
 non

non defuerant trahendi artes, reſecto modice oppido, ni formido præveniſſet. Dum Friſiorum robora Mauritium ſequuntur, Fredericus interim Herembergensis Linga aliisque præſidiis abducto milite in Septemſylvas (id parti Friſiæ nomen eſt) populabundus irruit incenſæ villæ: abducti captivi & præda. Sed nihil privata incommoda publicis conatibus obſtitere. Rhenum itaque ponte tranſit Batavorum exercitus, qua Orſæum eſt vicus. Victores hæcenus, hic quoque eadem fortuna ſecuta eſt, obvio nemine, dum in Gallico fine hædere Albertus eligit, eoque præſidiis paventibus. Etiaſi paria antiquis bella, & concurrentes in unum regui aut populi præpotentis vires tanta caſuum ſimilitudine & ſocietate memorarem, mirandum haud foret, ſi & ego copia fatiſcerem, & eorum, quibus talia viſerentur, tedium deprecarer. Nunc in tenui labor: & ne ſigna quidem collata, infeſtas acies, claras mortes, magna diſcrimina reſerre datum: ſed obſidia oppugnationeſque nec illuſtrium oppidorum conjungendæ obven-  
runt, majore, ſi quid video, uſu quam oblectatione. Nam & alibi olim, & majores apud noſtros numeroſi exercitus, quinquaginta ſæpe & ſexaginta millia, campo ſteterẽ, belli exitum ſecum tractura, qua tempeſtate ars fuit librare ictus, tenere veſtigium, hoſtem impellere. Sequens ſæculum ferociæ minus, ſolertiæ plus habuit, nec, ut ante, feſtinati caſus, qui de te ſumma judicarent, ſed muniendo præverſa pericula, & ex adverſo viſ reperta, cominus, eminus, qua pateſcerent clauſa, & ſiccato ſi quid humidum, hiantia æquarentur, ardua descenderent. Quæ ſi quis indagare, temporumque & belli

gnarus haberi velit, nulla exemplis terra ante hanc nostram, qua urbibus crebriorem alteram, praesidiis firmiorem, diu & frustra quaeras. Huc cuncta priscis & recentiorum ingeniis inventa confluxere, trahente ad se belli diuturnitate externos undique spectatores, velut ad publicam armorum disciplinam. Quippe hoc ipso tempore duces comitesque & e Germania, Gallia, Britannia, longinquiorque nobilitas principem Transisalanum ad bellum prosequabatur. Ipse Lippiam ultra amnem ibat, Germanico solo: naves Rheno, inde Isala devectae Dufoburgum venire. Haud multo interius Grolla occurrit Zutphaniensis ditionis, quae & prima loco, & frustra biennio prius obsessa, ni cederet, exprobrare videbatur. Nec vulgaria oppido munimenta Caroli Quinti pro istis finibus curam ostendantia: moles quinque ex aggere prominebant, eo flexu, qui oppugnantes undique sub ictum daret. Haud amplum urbis spatium tuebatur Ioannes Comes Stirumbius peditibus octingentis, & turmis tribus: nec omiserat, audito in se veniri, densare munitiones. Quis nihil territus Princeps, quin lucro deputans inclusos equites, qui vias infestas tenere potuissent, contra eruptiones, tamen solito diligentior, fossa perpetua castellis intervenientibus una nocte duas urbis regiones includit. Octingenti milites instabant operi, quos bis mille armati tuebantur. Proxima nocte regiones duas alteras pari sedulitate circumvenit. diebus firmata opera. inde versus oppidum, per anfractus via scindebatur. Quae dum fiunt, & mox aquis deductis, quas claustra continuerant, fossae oppidi humus superingeritur, haud destitit obfessi

recu-

recusare deditiōem, ac tormentis se ulcisci. Simul prurptum aliquoties, donec a machinariis Mauritanis injecti oppido ignes, & late pasti sexaginta ædium incendio ad curam se suæque servandi ab operum impugnatione converterunt: nec tamen deficiebant, quanquam intus flammis & vulneribus, extra mali incogniti metu gravior, conflictabantur: interiores quoque aggeres, quo se tuerentur, si præjecta fallerent, duobus locis orsi. Sed postquam vineæ septem ad oppidi processerantmunitiones, quas, subjecto pulvere, & desuper tormentis viginti quatuor, convelli princeps jubebat, ut undique patentibus incurfaret. oblata venia, acceptaque. Is erat obsidii dies septimus & decimus. Dati qui deducerent cum equis signisque abeuntes: & agris currus ac navigia: sed lex imposita, tres intra menses cis flumen Mosam arma ne ferrent. Duarum ferme horarum itinere, Grolla Bressfurtum distat, ditionis ejusdem tenue oppidum, sed tutela loci inter prima: quippe unus perpetuus agger oppidum permeat, nec alius præter hunc aditus, tenuem præter seinitam. Cætera circum late sepsere invia paludum & vestigium recusantia, quæ ut quisque accessit, hæret illuvie. non iter oppugnantibus, non castra mansuris. Nec reliqua segnius provisæ: murus antiqui operis fossa præalta cingebatur, Martini Rossemii opus, cum quadraginta ante annos illic bellaret. trecenti intus milites pro modico oppidi ambitu satis placuere. Sed hos in Præfectum, cui Gardoto cognomentum, & oppidanos dissidere rumor inceserat, quo major vis externo terrori sperabatur. Haud tamen audiri qui deditiōem flagitabant, prægravante Præ-

fecti imperio, cū pro rebus præsentibus etiam  
 nimium animi fuit, seu fiducia loci cætera con-  
 cordes in hoc consenserant. Pertendente Mau-  
 ritio commovit militem tanta laboris species,  
 & gravius adversus vastas paludes quam cum  
 hoste certamen, ignarum maxime, quos gurgi-  
 res atque voragines fallax soli natura occulta-  
 ret. Nam & quæ solida quondam, uvido tunc  
 cælo, & continuis imbris fluitantia differe-  
 bantur, itinerisque limosa tenacia gravi cæno  
 & ubique incerta erant: nec usquam humus un-  
 de aggerem fumerent. At ubi Princeps præten-  
 tatas ad Gertrudisbergam Covordiumque artes  
 adnolitus est, cuncta experiendo leniebantur.  
 Et ipse hortator idem monstratorque operis,  
 parte copiarum sub Solmenfi tribunoque Bre-  
 derodio dimissa in utramq; regionem, quæ por-  
 tis respondet, quod medium ad Septentriones,  
 difficillimumque sibi sumit. Humentia campo-  
 rum virgultis advectaque humo & saxiis infar-  
 ta, tum asseribus superpositis solidabantur, aquis  
 altioribus scirpei fasces contexti natabant: ita  
 facto solo impositæ crates ingesta terra binæ  
 modicis intervallis. id in lubrico munimenti  
 erat, quo visus magis quam tela hostium vita-  
 bantur. Perductusque agger tumulum usque  
 non procul oppido exstantem, insigni nautarum  
 opera, quæ nos pericula contemnere. Ibi vi-  
 ginti machinarum ponderis fundata sedes: tan-  
 tumque octo intra dies laboris exhaustum est,  
 ut perventum sit ad oppidi fossam. Sed aquas  
 hinc derivandi nulla ratio, cum late patentibus  
 campis incidentes imbres, infernæque scatebræ  
 plus semper submitterent. Hac fiducia, & quod  
 Fridericus Herembergensis trecentos se milites  
 auxilio

auxilio per vada missurum promiserat, deditio-  
nem obfessi adhuc recusavere. Res ipsa ad op-  
pugnationem spectabat, nec desinebant duces,  
Angli maxime, multis illic suorum amissis inci-  
tare principem, ut post imbelles fodiendi labo-  
res aliquando militem sanguine & præda ani-  
maret. Satis multa exstare clementiæ exempla:  
dandum & ultionis: esse, ut rerum omnium, ita  
veniæ modum, & fines, quos intra repugnare  
liceat & ignoscere, quando terror & moderatio  
in gloriam & usum, nimia facilitas in despectum  
ac fastidium vertat. Concedi sane publicis ar-  
morum commerciis & honori virtutis milita-  
ris, ne infelicem fortitudinem pro crimine vi-  
ctor interpretetur: at non, & si quis minas cer-  
tumque exitium contemserit, pertinaces sine  
viribus moras impune semper tulisse. Iam tor-  
mentis turres & propugnaculorum summa con-  
ciderant: & quæ portam extra munimenta ver-  
berata diu in potestatem venerant. Valli ruinas  
corporibus & armis obfessi tuebantur, saxaque  
& glandes jactabant. Sola impetum fossa inter-  
cedens morabatur. Huc pons e subere, paratus  
in proximo, repente immittitur. Nautarum hæc  
quoque opera plena discriminis, ipsi etiam, ul-  
tra quam jussu ausi, vallum subruere cœpta-  
bant, spretis suorum quoque telis quæ eam in  
partem ferebantur. Ponte viso velut miraculo  
attonita plebs oppidana, non animo, non manu  
competere. sed deserere alia, huc omnes con-  
currere. At ubi jam certo gradu, & velut per  
plana ingredienti vident adstare retro aciem  
fulgentibus signis, trucibus oculis, minaci ferro,  
& strepitus glandium loquendi audiendique  
vices ademerat, ostentantur capitum tegmina,

oratae pacis indicium : ad quæ, cum Mauritanii præter vulnera nihil redderent , illi in arcem integram adhuc refugi objecere insequentibus miserabilem turbam feminarum & infantium , quam in genua fidentem protentis manibus , quamvis irato victori , sexus aut ætas conciliabat. In fuga interempti fere septuaginta : qui penetraverant continuo se atque arcem potestati principis permissere : qui latus expleta ultione superesse veniæ locum , vitam dedit , pretiumque imposuit , quod expugnatori militi solveretur : in id obsides dilegit. Sed oppidanis & hoc postea remissum, habitationi recolendæ adversus incendium , quod ortum nocte globo ex ignito qui extinctis aliis inobservatus , domos plerasque corruperat, vetante supprimi flammam stramenti copia. Atque interim præfectus non minus odii suorum ob acerba imperia , quam iræ hostilis conscius, & metuens ne miles pertinaciam supplicio ducis expiaret , non communem cum aliis fugam intenderat, sed specu sub oppido nigra delitescens molliora tempora expectabat : unde protrahens in lucem , ubi Mauritio adstitit, multum veteris contumaciæ retinens , incipit pro se differere, de fide partium, quæque alia fractis rebus haud tuto jactantur. Ad ea cum princeps contra ingenium modo sævire coactus hoc ipsum illi imputaret , cuius proinde poena justius quam plebis aut manipularium sanguine tanta temeritas lueretur , & vox simul & vultus concidere : demissusque ad preces & lachrymas vitam retinuit. Pauci dies militi inter exhaustos exhauriendosque labores renovandis corporibus dati, nec leve ex præda solatium. Nam vicini undique velut tutissimum in receptum suas  
illuc

illuc sarcinas contulerant. Fœdo per imbres  
 cælo soloque Transifalanum iter imminebat,  
 fœvius bello, cujus pleraque terror confecerat:  
 nec erant oppida quæ prioribus comparares.  
 Gova sponte deserta est: Enschedæ præsidia-  
 rii, pars obvii in itinere concisi: & qui re-  
 manserant, admota tormenta videre tan-  
 tum: idque satis fuit. Divisæ inde copiæ  
 Otmarsum & Oldensaliam petiere. Priscam  
 oppidi utriusque originem a Marsis salisque  
 (haud ignobiles Germaniæ populi fuerunt)  
 nominibus indicari existimant. Othomarsum,  
 quod quinquennio ante oppressum amissumque  
 retulimus, redditum nunc statim: nec moram  
 milites faciebant, sed ab hoste impetraverant,  
 ut mœnia tormentis percutiendo speciem au-  
 geret necessitatis. Oldensalia triduo perstitit.  
 Nam circumjecta oppido valla tria, fossasque  
 centuriæ sex impleverant, verbo magis quam  
 numero, sed quæ veteres stipendiorum majoris  
 turbæ loco esse poterant. Celerem deditionem  
 oppidanis se gratificari præferebant, ne ædi-  
 ficia nullo moræ præmio lacerarentur. Simul  
 hæc oppida cesserant, decreto Transifalano-  
 rum cardinum dejectæ munitiones, quia perficere  
 haud dignum, & metus erat, ne sic relictæ  
 hosti redditum darent. Unus adhuc, sed arduus  
 propinqua jam hyeme, exstabat labor, quo omne  
 dextrum Rheni latus pacaretur. Nam pars illa  
 Germaniæ, quæ cum Belgis in nomen imperi-  
 umque coaluit, ad solem orientem accolas  
 Westphalos, & prope littus Emdanos habet. In  
 hoc confinio Linga est, trans Amasium flumen:  
 Teclenborgiæ domus hæreditas: sed Imperator  
 Carolus, quo bello fœdus Sinalcaldi cum per-  
 culit,



culit, Maximiliano Burenſi in præmium militiæ conceſſam poſſeſſionem, inde in ſe traxerat, avidus tranſeundi veteres terminos, ut & interioribus præſidium obtenderet, & prominereſt ipſe in ripam ulteriorem, qua Hamburgum & Breina Germaniæ marina adeuntur. Civilia per arma Arauſionenſis, quo tempore Belgarum ſecundiffimis ſtudiis utebatur, inter cætera hanc urbem regionemque dono acceperat. Lingæ haud nimia firmitudo, quanquam Fredericus nuper Herembergendiſ transſugæ indicio prælocare munimenta cœperat. Arx validior dimidios in orbes quatuor pari ſpatio ſinuatur: præſidium id temporis ſexcenti erant, pedites plerique, modicus eques, ſed ſlos non dubie partium regiarum. Plures ne contraheret, obſtabat juramentum, quo, qui proximis exierant oppidis, militare trans Rhenum intra tres meſes vetabantur. Notant, quibus promptum ex eventu retro judicare, rectius facturos fuiſſe Hiſpanos, quando perſumpere obſidia ſpes nulla erat, ſi nudatis cæteris in unum locum vires contraxiſſent: nunc, cæteris perditis, ipſe huc ſe contulerat, pro ultimo præfecturæ munimento cunctis viribus certaturus: aderantque tormenta ex ære & ferro, aliaque ad tutelam aut ubi-tionem. Hoc contra oppidum Mauritius, præmiſſis qui Dinclæ amnis tranſitum occupa-rent, ſubſecutus ipſe quarto die trans Anaſium ſtetit; ubi hoſtem invenit villas ac ſtabula incendio populantem, quo cogitur oppido longius per vicos militem diſponere. Ea tum caſtra fuere, nullo hoſtis externi metu: proinde neglecta terga, frons leviter muniebatur; ad-verſus oppoſita tormentis tormenta, ſubireſque in-

impetus, queis obsessi proruinebant. Cœlum hac tempestate clementius, & humus in colles placide tumens opus occultum facile acceptabat. Penetrato, quod aquis inaderet, specus patuere depressi oppidanis in perniciem supergredientium, sed & globis succedentes Mauritanii obruebantur, vi tanta, ut arx eorum ignibus colluceret. idque impunius tunc habitum, quia celerando itineri paucas machinas Princeps & leues convexerat. Majora jussa Amasii ostia subire, tardo navium nisu, dum ventus eodem quo amvis rapit. Quæ postquam advenerant, bellum omne circa arcem hæsit. Nam & Herembergensis quod habebat roboris huc transtulerat, & Princeps oppido, ut mox suo, parcebat, ne oppugnando & castris, & prius captum ex arce deformaretur. Præcipuus & hic labor aquam deducere, nam fossam intra septo continebatur: cui munimentum præjacebat, defensum obsessis acriter, ita ut & iussu ejus cuspidem novam molirentur. Sed ubi id omne vis longa eripuit, oppleta fossa, promotæ vineæ, tum demum fit denuntiatio, dilata hætenus ob toleratas prioribus obsidiis irrisiones. sed additum, primam eandemque ultimam fore. Hoc audito Herembergensis, & acceptis ab Alberto literis, queis suam militumque vitam servare in usus meliores jubebatur, obsidii die decimo sexto arcem oppidumque tradidit, armis consanguineis exutus omni imperio, quod hætenus obtinebat. Tum reductus in hyberna miles, clarumque principis reditum, quod trimestri tempore, nec magnis sane copiis, tanta agrorum itinerumque spatia hostium stipendiis aut prædis erepta, objectu annuum tuta in posterum red-

reddidisset, ut fama externa, ita maiora solito, patrum ac plebis studia celebrabat. Ac fuere Germaniæ principes, qui minus tum forte prosperis Hungariæ rebus Turcico bello ducem ipsam palam in conventu destinarent. Non tamen integrum id illi gaudium fuit, sed corruptum inœrore domestico, dum soror ipsius, etiam ex matre, Emilia nuptiale fœdus peragit, clam fratrem, Ordinesque, amore saucia, & quia tale ad factum facilius venia quam assensus sperabatur. Intactam hæctenus eo malo Germanisque moribus, Emanuel vultu & sermone pellexerat, haud absurdus inter obsequii simulachra & miserationem ciere, quod juvenis regio sanguine per vim atque injuriam paternis sedibus exsularet. Antonium enim patrem ostentabat, cui breve in Lusitanos regnum. Hic cum fratre Christophoro Galliam Angliamque & cuncta Philippo hostilia oberrans, visa virgine, & quoties libuit adita, (quam mos licentiam dabat, retentus ex veteri simplicitate, postquam ipsa periit) in spem Nassaviæ affinitatis inciderat, quanquam, præter cætera fortunæ, religio, utrique patria, diffidebat. Prohibiti conspectu principis novi conjuges, leniendæ ejus iræ Valsaliam concesserunt: inde regressi in Hollandiam, haud amplis facultatibus privatum intra modum vivere spectabantur. Id eo tristius fuit in Arausionensis filia, Saxonum nepte, quod ante atque etiam tum Borboniæ sorores auctoritate procerum & dicta e publico dote florentes in domos magnis solennibus deducebantur. Quippe Palatino principi, ex his qui Imperatorem legunt, Ludovica Iuliana nuptum ierat: Henrico Duci Bulionio Isabella: Et Philippo Co-

Comiti Hanovienſi haud ſpernendæ inter Francones opulentia Catharina Belgica cognomento collocabatur. Carolam vero, quam Brabantii quondam ſuo de nomine dixerant, ambierat Claudius Tremolia ſtirpe, Tuartii dux, apud Pictones claræ potentia: cujus conjugii ergo, ſimul ad viſendos cum matre Gallia morēs, regemque, Henricus Fredericus legationem liberam ab Ordinibus impetrarat. Hyems haud innoxia perruptis Hollandia, qua in aquilonem vergit, Groninganaeque aggeribus. Etiam Amſtelodami renata ſæpe incendia ſuſpicionem doli hoſtilis fecerant. Apud archiduces pecunia manente inopia, ſeditio militum latiffime ſerpebat. Initio Geldrae factò, Wachendoncam exemplum tranſiit: mox Caletum, Cameracum, Ardea, Capella, Caſtelletum Lira, Dorſanium, Cluſa, Saxum, Gandavenſe contagio eadem tentabantur. Alibi exacti duces: alibi ipſi ſe ultro militibus junxere. Et ubi quibusdam paulum numerari pecunia cœperat, id quieſcentibus adhuc incitamentum erat, ne inutile obſequium quam præmia licentia malent. Hinc urbes præſidia abnuebant, atque ipſe cum comitatu ſuo archidux Venloa exclusus, quod hyemis reſtabat, diverſis belli pacisque artibus in annum ſequentem continuavit. Emti proditores, qui Tholam inſulam Hiſpanum inducerent, impia & infauſta conſilia capite expiarunt. Et ruruſus, miſſum agmen, quod propugnaculum Bergarum ad Zomam, haud dum conſummato opere, impetu caperet, & aliud quod Gertrudiſbergæ portam irrumperet, exploratoribus indicata, abiere. At paci cuncta proniora. Nam & ipſe Philippus feſſus virium

ani-

animique, dum bellum per Gallias externum, maritimum ab Anglia, in Belgica velut civile aspicit, exemplis edoctus, spes alias aliis corrumpi, sive & praeceptis morbisque fracta ipsum senectus ad mitiora consilia inclinaverat, condere arma, aut distrahere firmatam nuper hostium societatem cupiebat. Plerique existimarent potissimum illi visum, Gallico Batavicoque exsolvi bello, quo se promptius de Erit inna vindicaret, sumtu brevior. Nam in Gallia Ambiano, circa Belgicam Transrhenanis urbibus amissis, auctae hostium, suae vires imminutae: vastatum & solum: exhausta fides: inde seditiones & nunquam constans sine stipendiis disciplina: & si militis pars aliqua mitteretur, vergente hac & illac hoste, suspectis ob ante acta Belgarum & nobilitate, & civitatibus, quantum vix alias, instare periculum: cum Batavis interim securus ager, sed praecipue apertum mare, daret multa, plura promitteret. Alberti certe ad Philippum interceptae literae, quae talia loquebantur. Sed a Gallo incipere placuit, quippe id ob speciem etiam religionis haud indecorum, cum Pontifex Clemens saepe monuisset, ne, recepto Romana ad sacra Borbonio, si ultra tenderet, priora etiam arma videri vellet movisse dominandi cupidine, quam cura pietatis: additis quae pro concordia Christiani generis, & bello Turcico magnifice dicuntur. Quae Philippus diu spreta, probare nunc demum coeperat, postquam profusas in Gallos largitiones, missos exercitus contra cecidisse videt, irritis quae speraverat, & quae poena nimia sperantibus, his, quae tenebat avita, excussus. Nec displicebat Henrico sua recuperare,

rare, ut parto armis regno per otium frueretur, cunctaque diffidiis corrupta per annos quadraginta, legibus firmaret. Et trahebant huc cunctantem Romanæ religionis homines, aduersa quondam ipsi factio, hunc gratia primi. Quin per vias eunti objecta pauperum turba, quæ pacem suppliciter oraret. Conciliandorum regum honos obtrigit Alexandro Medicæo, Pontificis legato, & Bonaventuræ Calatagironi Siculo, principi sectæ Franciscanorum, qui non omittebant ostendere Gallo, inter armorum socios, belli præmia ejus esse qui pacem præriperet. Nec ante tamen ad colloquia venire voluit, quam fides ipsi facta pacis leges ejusmodi fore, quæ regnum Galliæ integrum retineret. Hac spe a Gallo Belleurius & Brulardus, ab Alberto, cui pacis arbitrium Philippus permiserat, Mendosa Taxis, Ricardotus & Mariensardus Fanum Quintini convenere, tarde admodum procedente negotio. Henricus interim, ne parum religiose fœdus exuere videretur Anglæ per Masseium demonstrat, lento bello, non ut hætenus tabescere, sed emori Galliam. Domos nobiles exhaustas præliis: populum egestate oppressum: jacere oppida diruta, incensa, squalientes agros, miserrimam principi speciem. Extremum malorum, quod & remedia deficerent. Quare ni propere sumtu sociorum exercitus sibi traderetur, qui posset uno impetu bellum abrumpere, quid se facturum, cum pacem & illi velint, quibus deferenda sint armorum præmia? operam tamen daturum, ut quas ipse leges pacisceretur, eisdem Regina sociisque uti liceret: quibus si non idem videretur, at nihil mirum, aliter consultare eos, qui salu-

salutem aut prædam bello quærerent, aliter, qui certa cum pernitie certaret. Quo minus fidem regis accusare posset Elisabeta, & hoc accedebat, quod illa fœdere quatuor millia auxilio ipsi pollicita, nuper, paucissimis consciiis, ut duobus contentus esset extorserat. Toleratumque id Gallo, dum vel vanæ societatis famam cupit retinere, sed ut meminisset injuriæ. Adversus Batavos non æque facilis color. Missus tamen Buzanvalius qui promissa præstitaque ab ipsis auxilia exigua diceret, ac plus Batavos pendere merces, quæ e Gallia avectarentur. Senferunt utrique artes regis armorum pertæsi. Elisabeta sua in Batavos impendia memorare. Nec Hibernia tacebatur, quæ eo tempore, quanquam fractis rebellium rebus, Iohannem Norisium & Thomam Borrugium, claros olim in Belgica duces, & illic etiam agros æmulatu, non quidem prælio, at certe bello absumpserat. Itaque sic responsum temperabat, ut socii bello pergentis necessitatibus se non defore, ita, si pax placeret, adfuturam audiendis conditionibus. Soli Batavi facile cernere, se, quibuscum bellum commune gererent, ab his pace distingui. Nam reges inter, lex certa concordie, abstinere in posterum injuriis, factorum impunitatem accipere & dare: principem & populum si recomponas, alter rerum arbitrio potitur, alter luit, quod utrique peccatum est. Non ignari interim, quam arduum inirent certamen, si tota moles Hispaniæ in ipsos verteret, viim & fallaciam hostium jactare, his alios frustra deterrere, offerre omnia: & regi adversum Nannetas eunti præter socias cohortes, naves quantas vellet obsidendum ad Ligerim polliceri: majora in-

in-

insuper auxilia, si qua Belgarum Galliae proxima invaderent. Sed & ipsi novis invitamentis tentabantur. Rex Philippus cum filias haberet duas, minorem Sabauda dederat, majorem Isabellam Claram Eugeniā nomine domi servabat, quo plures spe tanti matrimonii inescaret: Rudolpho quondam Imperatori, Ernestoque & Guiso Duci sperata, postquam præcipuos fecunditatis annos cœlebs transierat, Alberto tandem Austriaco desponderetur: indignante, ut multi tradiderunt, Rudolfo Imperatore, quod non sibi potius pridem petenti is honos habitus. Dotem Philippus Burgundiam cum Belgica dixerat: non tantum ut legitimæ hæredi adversus fratrem minorem divisione consulere, sed & conciliandis eorum animis qui desciverant: si quidem gratius Austriacum Hispanico nomen, quod illius familiæ vetera benefacta, hujus gentis recentes injuriæ memorarentur. Vana cuncta & irrita, apud populos tenaces formidinis & libertatis, qui tot illas unius domus necessitudines & involucra, tum vi retenta traditum nomen Belgici imperii, suspecta omnia arguebant. At partis alterius Belgæ ad literas, quæ Philippus sibi decreta transierat, convenientia tempori respondere: invitos se avelli a regis obsequio, cujus & justitiam & clementiam, plurimis exemplis didicissent. nisi hoc etiam officii sui æstimarent, agnoscere principis jussu veram ejus effigiem. Inde in laudes dominorum recentium eveci, illius auditas, at hujus etiam visas virtutes celebrabant, unum orantes, ne, rebus jam cum maxime afflictis, opem subtraheret. Quæ ipsi cura religionis, quæ miseratio, externas etiam gentes innumeris ob-



obstrictas beneficiis fateri. Quanto justius adversus ultimam calamitatem, quam hinc hostis, inde proprius miles hoste non minus gravis minarentur, consultum iri optimæ filiae, genero consanguineo, populis avitis, quos ob id ipsum suos arbitrari debeat, quod fierent alieni? Id si ipsi filioque hæredi fixum maneret, nihil recusare Belgas, quominus quovis sub nomine eandem semper majestatem venerarentur. Instabant seorsim Brabanti, maxime & Flandri, ut pacis cum Batavo invenirentur rationes: quod, si ille debitas jamdudum poenas pertinacia accenderet, ambiendos principes circum priscæ religionis, & sacerdotes, ut causam communem armis aut alio subsidio præjuvarent: Nam & si qui magnitudinem Hispanicam formidolosam habuissent, eos in se junctam potentiam æquiores fore. Quæ, ut vero falsoque permixta fuerint, rerum, quas jam tradere incipiam, ordo aperiet.

HVG O-

HUGONIS GROTII  
HISTORIARUM  
DE REBUS  
BELGICIS  
LIBER SEPTIMVS.



Am. Fœderati certe Ordines nihil cunctabantur veteribus in hostem odii signis nova aggerere, promulgata lege, ne qua bello aut navigio idonea ad Hispanos ac populos earundem partium vectarentur: inde altera, qua retentæ fruges vernaculæ, ne quæsito extra lucro domi penuriam facerent: at Flandria hostilis cunctis mercibus abstinebatur. Quæ inter quæstus avidos eosdemq; rerum compotes nunquam satis servata pax etiam Gallica resolvit, adempto usu & additis fraudibus. Tum habitis ordinandæ militiæ consiliis descripta armatura, tam in eos, qui hastis, quam qui tuborum majoribus ac minoribus, pede aut equo merebant: novæq; turmæ compositiæ e reditu agrorum, qui autumno proximo accesserant. At postquam ducum peculatibus occurri cœpit, jactata multum remedia experimento defecere, ne quicquam profuit turbam cujusque centuriæ circumscidisse, manentibus ad fallendum latebris,

bris, per quas inaniti numeri, quo minores erant, eodem perniciosius hiabant. Quin & ardentissimos militum, & quibus plurimum virtutis, quanta esse venali sæculo potest, centuriones invitatos hætenus majoribus præmiis, dum ipsi avidius e publico sumunt, contracta rapiendi licentia cæteris æquabant: unde crebra transfugia, & totas cohortes nudatura, ni hostium inopia repressi: quibus prospectis, simulque principis monitu procures mala, quibus impares forent, agnovere. Alta interim trans Rhenum quies, quando tributa auxerat, movit nationes ut præfectos Mauritium ac Wilhelinum terrarum, aut pecuniæ, præmiis honestarent: etiam tunc repertis, qui grati animi testimonium ambiciosæ largitionis crimine infectarentur. Iam in mensem alterum procedente anno casus rarus magis quam admirabilis, quia vera prodigia non suppetunt, ostenti loco accipitur. Piscem e balænarum genere, adeo non ignotum, ut maritimi homines nomen sæpius visi memorarent, auditum circa littus Hollandicum piscatores in ejus oræ proximum funibus pertraxerant. Bercheida is locus dicitur, Sceverinam inter alterumque vicum veterem e Cattis originem ipso nomine testantem, unde non procul exitus medio Rheni alveo fuit, ac nunc etiam subversa arcis vestigia refugus interdum aperit Oceanus, una operum Drusi illa, seu Severi fuit, cui ex adversa Britannia vocabulum majores indidere. Hic bellua septuaginta pedum spatio porrecta, quod fluctus inter & arenæ tumulos propter surgentis littoris patet immenso corpore opleverat. Affluebat spectaculo vis magna hominum nihil territa odore tetro, quem piscis, post-

postquam in solido exspiraverat, ruptis jaciens visceribus, ipsam maris auram ita infecerat, ut visentium nonnullos morbis & exitio daret. Vel mediocriter sapientibus nihil minus mirum videri poterat, quam belluam unam, quales innumeras vasto recessu occultat Oceanus, hibernis fluctibus propulsam in vada, ubi æstu relabente adhæserat, irrita tantæ molis luctatione indicatam. Sed e vulgo, queis libido cuncta interpretari, ipsaque naturæ aut fortunæ opera in partes trahere alii opina spolia victosque hostes præcinere Batavis immanis feræ domitoribus, alii dira his omina denuntiare, qui suo e pelago tam foedis monstris peterentur. Quæ tum etiam, cum scriptis ultro citroque certarentur, manifesta vanitatis annus insuper refellit, segnis, si prioribus conferatur. Quanquam & post aliquanto vitulam marinam in flumine, quod ejus novum videatur, captam Gorichemo haud longe, ad res sequentium temporum isto loco non procul gestas fuerunt, qui ex eventu haud absurde retraherent. Hoc prope verum est, non alio anno plura contra spem cecidisse, factio initio ab hyeme traducta per inanes conatus. Nam ducibus præsidii Bergarum ad Zomam illectis ut pacto vigilis silentio Woudam irrumperent, quod castellum interius situm dimisso in æstuarium regio milite annes habebat infestos, structor ejus doli, homo timidus non minus, quam imprudens, simul ad discrimen ventum erat, suum ipse consilium fuga corruptit. At Mauritium classem in Flandriam expedientem nulla hominum culpa, vis major dejecit, cum sine intermissione venti sævientes projecta jam navigia everterent, cæteris non sine periculo refugia

quærentur. Et forte acciderat proximis diebus, ut castellum ejusdem oræ, quod Birflitæ insulæ Zelandos ultra objacet, præsidarii Galli Hispano emercanti traderent, tertio post anno, quam perfidia Walonis militis in Batavorum manus venerat. Ita pensatum dedecus & jactura. Sed & equites cædendis ad Limburgum centuriis inhiantes, vulgato itinere per altas nives vacui rediere. Iidem Iuliacensi solo interceptos ad hostem comineatus superventu turmarum, Buricum juxta, non sine suo sanguine dimiserunt. Aliique Leodico & Treveris redeuntes hostili occurſu damna accipere: quæ levia & crebra partum anno priore Turnholtanum decus imminutum ibant. Pacis interim bona & aliorum bellis ignota Batavos non deferere. Quin & Germanorum Anglorumque discordia ipsorum in usus cesserant. Originem ejus certaminis, quando Bèlgicas partes eventu attingit, altius ordiar. Proximis sæculis summa mercaturæ Germanicas penes civitates fuit, quorum quæ ad mare aut nobiles amnes sitæ, diversis nationibus Venedis, Saxonibus, Borussia, Westfalis ad septuaginta justis commercii legibus in corpus unum coiere, firmato foedere, cui nomen Anſiatico factum est. Nec tantum superna Septentrionis & Belgarum portus Germanica industria frequentabantur, sed & Londini forum posuere: ubi, postquam fide & utilitate in publicum claruerant, permissum a Regibus, ut modico vectigali res venales commutarent. Sed ea etiam tempore pascuus Britanniae ager prope solo lanitii proventu externis advectionibus respondebat, nec rudia præter velleta quicquam ex insula petebatur: donec Bel-

græ domestica pertasi mala, & diversis de causis exsules, ut alia alias gentes, ita purgandæ inficiendæque lanæ usum Anglos docuere. Eduardus id principatu contigit, qui intentus novi quæstus partem ad ærarium trahere, sentiebat se Ansiaticis pactionibus impediri. Quæsitis igitur criminibus, quæis olim concessa eriperentur, Britanni cuncta evertere, interim & offerre Germanis prisca jura, si pannorum onus paricum civibus obsequio subirent, dictantes, nihil tam adversum imperantis officio, quam suis gravem parcere alienis, etiam pares sibi immunitates per Germaniam postulabant. Quæ contra Germani nihil profecere, reclamantes novis prorsus continentis empta sibi tercentum annorum meritis & quatuordecim regibus jurata infringi. Haud minus iritabat instituta Anglorum societas, quæ vestem aliis gentibus sufficiens vetera illorum compendia interverteret. Hinc invidia & ad imperatorem querelæ, præsertim quo tempore per Albani & Elisabethæ diffidia Angli Belgica exacti trans Amasum concesserant. Corrumperemerces, & factione comprimere, indicio pretii ad alterum tantum adaucti, incusabantur. Subditorum jurgiis, literisque principum extracta tempora, donec, per continuas mari prædas ingruvescente Anglici nominis odio, concitor talium Philippus recentibus controversiis antiquas implicuit, Mendosa & Clementio ministris causæ tutelam apud Cæsarem suscipiens, nullo in Ansiaticos studio, sed quo offensas accenderet & mare hosti turbaret: quippe & Lubecam, caput fœderis, missa legatione, cujus princeps erat Florus Barlæmontius, quo tempore & Dani Re-

gis auctoritas flectendos ad Batavos ambiebat, increpabat Germanos, qui, præteritis Belgarum aliis, solas rebellium opes commercio attollerent, quod neutiquam mediû animi, nedum grati adversus tale regis officium. Simul ad arma in Anglos sumenda promissis auxiliis frustra sollicitabantur. Miserant hæc postulata Germani ad civitates, quæ olim Ansiatici, nunc Belgici erant fœderis, cum literis offensionem prodentibus, invidia adversum populos mercatura validos, seu quia multis experientis compertum, vicinas religiones acrius dissidere, Augustanosque Romanis, quanto sententiæ diversos, tanto studiis propiores. Hæc anno priore gesta, quo tandem Rudolphi Imperatoris decreto Britanni, qui pannos exercerent imperii Germanici finibus certum intra diem jubentur excedere: nec longius morandi spatium regina Ansiaticis per Angliam indulsit. Initisque frustra colloquiis, cum convenire non potuisset, Angli Stado egressi, quæ præcipua mercatus sedes fuerat, ex quo Brugis quondam Antverpiam translata negotiatio, inde quoque bellorum malis migraverat, Batavorum urbes, amoto ad limitem bello, quasi alta pace agitantes, legendæ stationi circuibant, quarum æmulatione oblati certatum præmiis distrahebantur. Tandem conquesti plerisque regionibus aquas eluendæ lanæ inutiles, Mildelburgi apud Walachros confedere, quo loci pars ejusdem corporis jam olim immigraverat, fractis obsidio & metu Antverpiæ rebus. Ordines alliciendæ frequentiæ, quæ ad vectigalia & judicia pertinebant petentium desideriis aptavere. Quæsitæ diu Anglos inter Germanosque conditiones.

Interim

Interim Batavi, quos jam ante Flandri domo extorres, Lugdunumque & Harlemum maxime infusi lanificio auxerant, alienis undique malis fruebantur. Quin & Lusitania profugi, pars Iudæorum eo in regno reliquiæ, ne patriæ religionis interrogarentur, pars ob spem lucri majorem, urbis Amstelodami magnitudinem præferebant. At navigatus quanto per Hispaniam diversis impliciti periculis, tanto alium in orbem latius spargebantur. Naves e Baltico mari ad centum & quinquaginta ventus idem attulit frumento graves, quod tanta mercantium aviditate aut suppressum est, aut eminus distractum, ut domestica annona nihil laxaretur: idque inter ejus reipublicæ bona habitum, nec tantum ob quæstus externos, verum quia necessitas onera ita distribuit, ut cuncti facilius degant, quam qui agros colunt. Navigatum & mare interius Bizantium versus Syriæque & Ægypti portus, tum Ægei insulas, auspiciis Gallici aut Anglici nominis, quæ tuta Batavis fore rex magnus sauxerat. Nec tamen vitarunt, quominus aut Hispanis intercepti, aut si hos vitabundi Maurorum littora Turcarumve remigem incidissent, cunctis inter se hostibus hostium loco haberentur: sæviore periculo, quia belli istius fortuna, cum maxime parcit, mulctat libertate. In quo mercatorum avaritiam merito accuses, qui naves virum armorumque inanes tot periculis objiciunt, ac ne juris quidem sui vindices barbarorum apud regias disponunt, contenti illorum ad patrocinium confugere, quorum alteros sibi adjungendo, alteros sentiant infestiores. Gallos quippe & Anglos Batavi secuti sunt, ut ipsi quondam Venetos, ex



quo Christianis suæ discordiæ aut compendia ante sanctissimam ejus nominis societatem fuerent. Eodem vere, & quæ æstas continua fuit, naves haud minus octoginta justæ magnitudinis ad longinqua vectæ, pars auriferum Æthiopix littus petiere, pars Indos & Moluccas, Americam aliæ, vel quæ nostro orbi objacet, vel quæ trans Magallanicas Oceani fauces aditur. Minime novum est multos conatus quibusdam adversis locum dare. Navis itaque Zelandicarum una, quæ ad Indos mittebantur, circa Britanniam clavo vatilis adhærescente, seu quia saburra defuit inclinata, totis laterum foribus, ad quæ tormenta locantur (nam forte aperta erant) accepit mare, subitoque inersa homines ipsos & vim argenti exitio corripuit. Damnosa & Balthasaris Muceronis audacia fuit, qui insulam Æthiopici maris Bennino littori præjacentem propè Æquinoctii circulum, (principis ea dicitur) nec sterilem ipsam, & præterventibus oportunitatem, Lusitanis regique Philippo mercator eripere aggressus est, novum sibi imperium animo agitans, quod procures ac Mauritius petenti in prædam concesserant. Ducenti milites nautæque spe ampla excitati, fore ut sexcentorum florenorum vectigal annum singuli possiderent. His præfecit Julianum Glerhagium, inquieti animi centurionem, ac ne patriæ quidem, & magistratibus satis fidum, ut qui sub Licestrio seditionibus non tam abreptus, quam frui voluisse argueretur: aliosque juvenes, nec rebus sufficientes. Prima tamen blandiebantur: doloque per speciem epularum illecti in naves insulæ primores in verba privati hominis adiguntur, addita spe & Lusitanis  
æquo-

æquiores Batavam quam Castellanam amicitiam fore, & indigenis mitius servitium. Iamque injecta solo semina, & alia prospere fluebant. Sed homines sponte etiam inexpertæ omnia præ notis & veteribus metuentes loci sacerdotes ad arma & cædes instigabat: quo concitare, & postquam is comprehensus velut juris imagine occiderat, eo supplicio asperatæ multitudini brevis interdum pacis acceptæque veniæ simulatio; perpetuum rebellandi consilium fuit. At legati Muceronis alii ex insidiis interemti, non sine suspicionibus in Clerhagium, ut inspectores amolientem, & qui superabant missa munienti cura discordes inter se addebant hostibus insurgendi audaciam. Tandem & cœli intemperie morbis grassante, mortuo cum aliis Clerhagio, pauci incolumes, quibus præter nauticum victum nihil suppetebat, metu auxiliorum, quæ Lusitani proximis insulis & continentis ora advocaverant; tarde negligenterque structum præsidium deseruere: cum fero viri, arma, alimenta, quin & fœminæ, in spem nascentis coloniae, e Batavis adventarent. Nec Angli inrerea cessabant: e quibus Comberlandus Comes Vlyssiponem quadraginta privatorum navibus prætexuit, magno in Batavos usu, qui clausis Lusitanis soli Indiæ commercia obtinebant, nec minus insigni hostium confessione, qui unam prædonum classem non ausi suis littoribus depellere, antiquissimam penes se maris possessionem in posterum desperabant. Inde Fortunatas per Insulas Americam delatus auri regii transvectores terrore continuit: sed mox irrupta insula, cui Porturico nomen, nihil præter prædam expetiit, fractus suorum morbis ut abscederet,

an, ut sæpe ejus gentis alii, victoria uti ignarus. Sed Batavis suo in Oceano damna reponebantur, hostibus mare ad furta tantum usurpantibus, quos Dunquerca jam olim, nunc fretto propius Caletum admovebat. Quo commoti dolore piscatores, & si qui nautarum vim eandem senserant, centuriones classicos criminabantur occursum prædonum vitare, ut qui desperata salute in mortem & ultionem dimicarent. **Q**uestita malo remedia. Et erant qui naves prægraves hostiles intra portus supprimendas crederent: sed fluctuum ventorumque vis adjuncta hominum manu quamvis inoleum disiectura metuebatur. Auctus igitur, exædificatis novis, numerus navium, quæ proxime littus hostium excubarent, servandis egressibus, quæque inermibus aliis præsidio adsisterent. Pars jussæ scutari effugia, & mare velut decussando percurrere: Petroque Doussæ modica cum classe mandatur freti custodia. Præcipua Ordinum cura, ut crescente in se bello pariter reditus auctitarent: quod modeste acceptum a plebe conscia periculorum: nisi quod Trajecto in urbe multitudo nova onera ferocius recusabat, quamdiu sacri reditus, quos aliæ nationes in publicos usus erogarent, privatim detinerentur. Principio institutionis Christianæ, & subinde gliscente studio, clara religionis civitas proventus collegerat, quæ virum virginumque cætus diversis Divinum nominibus sepositi pio se otio sustentarent, quod translatum exonerandam ad sobolem, veterem certe usum jampridem, at, verso per hæc arma religionis vultu, etiam speciem perdiderat, dum partim juvenus literis operata solatium inde accipit, partim ignavissimus quisque gratia aut pretio

pretio partis per saginam & lasciviam abutitur : & tamen iidem ecclesiastico nomine in conventu, qui imperat, in confesso, qui decreta exsequitur, sententiam dicunt primi eodemque jure quo tota nobilitas, quo tertius ordo, cujus partem alteram urbs, alteram oppida faciunt. Vix procerum foederatorum principisque auctoritas iram adversus hæc vulgi, jam & exemplo metuendam composuit. Atque interim rex Philippus re numinaria ut poterat constituta, una cum belli minis promotum ibat pacis illectamenta : ac quia per Belgicam, ut pecunia, ita milite opus, & maxime fidebatur Hispano, præter novos dilectus, qui circa fines Belgicos agebantur, oppletas viris naves duas de quadraginta, partem ejus classis, quam Britanniae appulsu per tempestates excidisse memoravimus, Caletum ablegat. Cohortibus (erant millenariæ quatuor) Sancius Leira, summæ navium Pretendona imponitur : is vento obsecundante, & Hollandi perfugæ ductu, plerasque navali intulit, dum Batavos freti custodes adversus turbo repellit : qui vix obnisi paucas necdum portum intra receptas, littori impegere. Namque id mandati Hispanus acceperat, ut, si vi hostium urgeretur, contentis navibus militem exponeret. In potestatem una venit : contraque morem maritimi belli captivis vita indulta est, quia inter consultandum primi impetus transierant, & post sævire inhumanius videbatur. At quæ penetraverant, pars Germanis Danisque docentibus suis oris exiisse & per Hispaniam occupatas, Batavorum concessu Oceanum transiere : cæteras armis instrui, ac majori classe, quæ ad Caraniam strueretur, novum

vum mari bellum insurgere rumor fuit, quippe mutata paucos intra dies Caleti possessione. Non multo post naves duæ dum e portu eodem furtivum in Hispaniam sperant iter, in manus veniunt, opulentæ mercibus & multo milite, qui belli ac præmiorum satur in patriam se otiumque retulerat. Inerant & literæ queis sensa noscerentur, donaque civitatum Fontano destinata, quæ ad ipsum Mauritius remisit. Adventus Hispani militis plebi haud usquequaque gratus, suo, bellicque odio. At archidux lætus indeptis, quorum egestas malorum sensu aut metu cuncta perculerat, coalitam Graviæ ob insoluta stipendia seditionem Hermannii Herembergensis ministerio discutit, quanquam his placatis offendi plures, & inter istas velut versuras manere partibus inopiam captivi & literæ testabantur. Hic in utraque Belgica status ante secutam rerum illic mutationem fuit. Nam inter Galliæ Albertique legatos diu agitata colloquia in multam spem pacis jam venerant. Et Angla Cæcilium Burgleii filium suis arcanis inrimum unaque Wilquesium eodem miserat. Quare ut legatos in Galliam destinarent foederatos Ordines res ipsa hortabatur: nec minus Elisabeta cupiens eisdem libera potestate instrui, ut cum suis legatis pace super & bello ex re consultarent: quod displicuit, ne mox illi, si rejicere non liceret, vi regia premerentur. Sed bina decernitur legatio, honesto comitatu, quarum altera in Angliam abiret. Eam obiere Warmondus, sæpius jam dictus, atque illic etiam gratosus ob Gaditanæ expeditionis memoriam, cum Hottinga Frisio & Iohanne Werckio e Zelandia. In Galliam missi Iustinus Nassavius,

maris

maris Zelandici præfectus, & Iohannes Oldenbarneveldius Ordinum Hollandiæ princeps affessor, vir patriæ reipublicæ scientissimus, ac proinde ea auctoritate, quantam quis summam ope ingenii atque industriæ in libero populo consequi possit. Atque ego, cum alia multa, tum hoc mihi timendum video, ne si qui erunt exteri, quorum in manus ista venient, mirentur huius claritudinis nomina apud ipsos etiam celebrata in nostram scriptionem tam raro incurrere. Verum me defendet istius imperii, aliorumque omnium nimia diversitas. Nam ubi urbium acta referuntur, quas senatus aut Populus regunt, si qua incidit sententia fortitudinis aut solertiæ insignior, ejus suasoribus exsolvendæ gratiæ benigna occasio est. Nec in regnis magnarum rerum adinistri latent. In Batavis cuncta concilii nomine perscribuntur, auctorum nulla memoria, quos etsi noveris, laudandi locum ambitiose quæsisse videaris, nec plurium vites offensas, quibus aliena gloria pro exprobatione ignaviæ est. Qui Angliam jerant legari multis argumentis Reginam a pacificatione deterrebant, etiam hortantes, ut, quod de auxiliis postulatum erat, Gallo aliquid gratificaretur, ipsumque sua sponte animatum per legatos ultra impelleret, veteres novasque injurias bello reparare potius, quam internas discordias in gentem inquietem accersere. Flexoque genu in morem ejus regiæ, cum priorum gratias liberaliter egissent: Cuncti addunt, qui justis ex armis ad pacem vocantur, considerare debent, verane ac solida pax, quæ offertur, an subdola atque incerta, bellumque contra ipsis formidolosum aut anceps, an pace se-

curius sit. Nam otii bona frustra differuntur, ubi quiescere tuto non licet. Te, regina, ad pacem sollicitare dicitur Hispanus, cujus mos perfidiam cum immanitate conjunctam, & in cuncta dominandi libidinem accusare nihil necesse est, cum ipsius magistri palam doceant, religionis discordibus nec fidem deberi, nec quicquam divini humanique juris, alii nec hoc dissimulent ordinem fatorum Occidenti rerum summam portendere, & ex usu esse Christiani Orbis, ut nullum usquam terrarum nisi Hispanum imperium sit. Quod si aliis principibus demonstranda sit Austriacæ familiæ impotens superbia, quæ illum gentilem sibi angulum cum ultimis Gadibus per incesta fœdera in hoc jamdudum continuat, ut, quantum Europæ utrumque intra finem jacet, id, quatenus suum nondum est, pro hostili habeat, tibi certe quæ ipsa passa, quæque periclitata es, nihil attinet memorare. Nam, per deum immortalem, qui non semel hoc regnum classibus petivit, hujus imperii populos in rebellionem arinavit, fas autem omne eousque contempsit, ut in tuum sacrum caput percussores & veneficos immitteret, is quo nunc sit animo dubitari ne etiam potest? Manent veteres causæ: neque tu de pietate quicquam, neque ille de avaritia mutavit. Hic tibi justa piaque mente æquam pacem quærere videtur, an ut bellum, quod nunc tuis geritur, suis occasionibus gerat? Ille igitur, ut qui animo præsumptum habeat super res præsentis majus semper aliud agendum, temporibus insidiabitur: nos autem tanto in discrimine fœcundi otio inescabimur, ut cum non possimus universi, resoluti, quod ille unice optat, federe,

re, singuli capiamur? Melius olim populi ac reges, qui ipsi adhuc illacessiti, crescentibus imperiis in tempore obviam ierunt, ne cæteri suam in perniciem vincerentur. Sciebant quippe bellorum alia geri ut pax habeatur, alia quia haberi non potest. Nam ut aquæ & ignis, quarum rerum contraria natura est, ita eorum, qui imperare omnibus cupiunt, & qui servire alteri nolunt, perpetua & immortalis pugna est: in qua vindicari serum, imminentein antecapere prudentis & gloriosum est. Non enim puniendis tantum injuriis, sed prævertendis maxime regimen principibus & arina cælitus data. Ne tueretur se quidem, qui tueri contentus est. Nocentes animos iritat impunitas. Sive ut nos subigat, seu quicquid de nobis fortuna statuerit, Turcicum bellum aliaque prætendens Philippus semper armatus terræ marique incubabit: neque illo in armis agente Anglia esse poterit, aut metu aut sumtu vacua. Hoc tantum quaeritur, timere an propulsare fortius sit, & iustius insimulare civium tributa, an ex hoste prædam. Societatem tibi nostram, regina, non jactabimus, immensis ultro beneficiis obligati, quæ ne pereant, tua forte nonnihil, nostra autem, qui grati, & esse & haberi volumus, summopere interest. Ad ea si quid vicissim fecimus, quod, cum per onera præsentia amplius non liceret, animi promptitudine commendaretur, id te meminisse, quam nos dicere, est æquius. Illud quidem compertissimum, majores etiam tuos de Belgicis nationibus, ob mores ac situm, ita æstimasse, ut amicos aut hostes magnum in res suas momentum judicarent. Sed ex quo tu majorum decora, quantum aliis virtutibus, tantum

mise-



miserando ac bene merendo superasti, multæ Gallo, multæ nobis victoriæ, nec minus illustres tibi tuisque contigerunt. Ventura fors Dei bellorum potentis in manu est, quem etiam contra spes humanas secundum ad huc experimur. At quatenus futuri iudicium sapienti concessum est, cuncta quæ in bello fiduciam induunt, cives, pecuniæ, loci, virtus clara imperatoris, nihil imminuta apud nos angescere etiam possunt: hostis, nisi ex nostra discessione, unde crescat non habet: & quo latius regnat, eo expeditius, in magno ac prægravi imperio populus aliquis jugum exuerit: quo casu si quando ille occupabitur, promptum erit aliis regibus constituere, quem in posterum esse modum suæ securitatis velint. Quod autem contra dici, aut cogitari solet, non debere se quenquam alienæ causæ & discrimini ingerere, haud dicam immisericors sententia est, adversa humanitati, adversa principum gloriæ, quibus quod maximum est tollunt, qui benefacere non permittunt: obtineat sane, ubi quis non idipsum sibi præstat, quod alteri impurat. Verbo de nobis, re non minus de Anglia agitur. Nam qui periclitari Batavos sine se, at superesse se propter volunt, hi parum advertunt non æque facile fortunæ, ut suis quemque cupiditatibus, finem imponere. Nostrum igitur exitium vobisne ad vires addet aliquid, aut hosti demet de libidine, an verius de eo nec dubitat quisquam, nobis depastis trajecturum ad Britannos incendium, quos ut divitiis non postremos, ita ad periculum secundos fore? Quapropter quid intersit considerate, Batavo in solo, an hoc in littore, his pro ripis atque arcibus dimicetis: nosque  
socios

focios communi salutis defendendæ vos habeatis, an nec volentes Hispanus ministros ad injuriam. Nam tribus e populis, qui hoc tempore mari plurimum pollent, si Batavi Hispanis accesserint, timendum est profecto ne durum Britannis certamen relinquant, quibus Oceanus & classis sola regni munimenta sunt: simulque ne opulentia regum nemo Philippo par sit, si novi Orbis & Indiæ vectigalia, post domitam Lusitaniam bello hæctenus infesta, semel in tuto locaverit. Ita postquam suæ ipsi vires satis placebunt, quas habuit hæctenus odio minores, non magis usquam esse Anglis licebit, quam nunc in Germania licet, unde vos emtis edictis, ut profanos & nocentes, totis finibus extorres agit, &, quantum in ipso est, extra hominum commercia proturbat. Sed illud nobis ægre est, quod esse nonnullos audimus, qui clandestinis sermonibus exempli invidiam nobis objiciunt, & quasi coram Philippo defectionis reos agunt, quod cui gratificentur nihil nos attinet dicere: illud malumus rerum imperitia nescire, eos, quod sola novandi libidine per Gallias Hiberniamque audetur, ad id Batavos adactos excusatissima necessitate, qua alioquin confidentia obrectari auderent, quod Reges armis, scriptis, foederibus probavere? Bonum avitum obtineamus, libertatem: ne quis hanc vocem perhorrescat, florentissimam eam credimus sub legitimo principatu. Atque adeo nec externa imperia formidavimus: & nunc, si quis vim, non nomina, inspiciat, uni ducimur. Nobis, tibi, & cunctis imperiis, Regina, non aliud retinendi obsequii vinculum est, quam docere subditos, præsentem ut statu contenti alterum nolint.

nolint. Atque etiam vide, quanto ille perniciosius instituat exemplum, qui quomodo ipse dominandi causa voluntarium in servitium concessit, cuncta sceptrum Romano sacerdotio submitti jubet, neque vero populos, quos ultro concitat largitionibus, sed reges ipsos rebelles vocat. Huic causa & obtentus belli nunquam deerit: spes ut aliquando desint, post deum immortalem, in tua regina est manu, si nobiscum vincere, paratis pro sociali fide ultima periclitari, quam amicorum ruina vim inimicam prolatare, tuamque constantiam tueri, quam beneficia destruere mavis. In consultando discors regia, validis utriusque sententiarum auctoribus, quorum mores & affectus noscere haud abs re erit, ut appareat quomodo suavorum ingenia publicis consiliis dominantur. Essexius, uti ante diximus, juvenis gloriæque cupidine flagrans, ultra patrimonium largitor, totus ambiendis nobilibus, vulgi, militum studiis effusus, nullam in otio spem, multum in Batavorum amicitia fiduciæ habebat: quare dux ipse bello per Britanniam impositus pro bello nitebatur, negans omitti posse, ni una reginæ securitas, existimatio, factique sumtus periclitarentur. E diverso Burglerius ex privato olim ad aulam summumque quæsturæ culmen vocatus, attenta ætarii cura, jam ultima præsertim ætate, cum dominæ parsimonia congruebat, magnis privatim divitiis incubans experientiæ vetus, & hinc auctoritate alterius gratiam præfulgens. Hic gravibus verbis Christianam laudans concordiam, differebat; inter ancipites consiliorum eventus, quod pium honestumque foret pro certo sequendum: præ-

sens

sens denique commodum ante incerta suspitionum poni debere, pacemque non hosti magis quam Anglis incremento futuram. An vero adeo male notas patriæ vires, ut nisi volente Batavo salva esse non posset: cum interim & Gallus communi metu, & ipsi Batavi religionis cura, firmioribus ex necessitate, quam federe, vinculis adversus periculum neçterentur? Quin Hispanum infirmitatis suæ documento, & rebellionem Hibernam ac cætera facinora, nullo in pace subsidio sponte quietura. Elisabeta, seu vere ambigua animi, seu pacis metu alia omnia exprimere cupiens, respondit quæsito temperamento. Ab initio nihil se inconsultis sociis statuere voluisse: gratum vicissim, quod mentis suæ copiam facerent. Nec leves tamen Gallo, sibi que belli exuendi causas, aut quo paci fiderent, amotis exercitiis fore: quippe cum Hispanus abdicatis Belgis, erepta Gallia, totque aliis cladibus spes pristinas acciderit, & si resumere arma placeat, idem iterum deus & jus & vires in tempore suppeterent. Quod si in armis manere hortarentur, certiora offerri debuisse. Id primores Angli ita interpretabantur: nihil iniquius, quam fraudari reginam credito, modo per cavillationes, modo per falsas preces, quas palam urbium opulentia, & ad largitiones, usque sufficiens ærarium refellerent. Nec magis tolerandum, quod propter quos Angli carendum haberent Hispaniæ commercio, ipsi suum quæstum præ hostium fame ducerent, atque ita bellum nundinarentur. Tandem pacificationi ea mora interponitur, ut legati ab utrisque res Gallicas viferent. Missi eo a Regina memorati nobis antea Cæcilius ac Wilke-

sius,

sius, quibus ex colloquio ad Fanum Quintini spes pacis aliquantum refrixerat. Prætulērunt enim Hispani, sociorum nomine, quibus pax Gallica prodesset, eos sic demum velle comprehensos qui Romana Sacra servarent. Paulo serius Batavi advenere, ventis reslantibus. Andegavi Rex ea tempestate agebat, pacandæ Britanniae Armoricorum intentus, quam adhuc dux Mercurius e Lotharingis principibus, emortua partium gratia, per vim detinebat, tradito Hispanis Blavetta portu, quo mari propinquo auxilia penetrarent. Sed is, ubi paratum Regis exercitum, paratam & veniam videt, nec ignarus ubi bello finis immineat ab omnibus peccata postremis lui, conditiones non damnosæ paciscitur & honorum velamenta. Rex tum forte matrimonii vacuus agitabat, pulsa domo Margareta Valesia: sed obnoxium, quamvis inter bella, amoribus animum, Gabriëlis Estræa, mulier nobilis abducta pacti conjugis amplexibus, ita forma, perque blandimenta & artes devinxerat, ut ducatus aucta titulo, tum, quod in Gallia haud novum, supra uxoriæ potentiam pellex insurgeret. Et numerabatur ipsa quoque inter causas emolliti ad pacem Regis animi, quo gaudiis securius frueretur. Huic filius ex Rege quadrimus eo tempore Cæsar vocabatur. quem Rex Mercurio (erat & huic filia vix infantes annos egressa) generum sponsionibus destinat, adjicitque pecuniam Mercurio, filio Vendocinæ ducatum & Britanniae præfecturam. His rebus simulque Hispanica pacificatione distentum Regem, & tamen si ea forte falleret, evocato Brittonum concilio obsidium Blavettæ molientem, legati Batavorum inveniunt:

niunt: dicente Busanvalio, qui rerum illic agendarum sciens, Regique consultor & ipsis commendator aderat. Postquam comiter & sine ullo fastu excepta salus, incipit Oldenbarneveldius gravi & pressa (qui mos ipsi) facundia, spes societatis extollere, urgere fœdus tam recens: in eo servando fidem exigere qua maxime regum auctoritas stare, pacem suspectare. Adjecta Ordinum nomine promissa pecuniæ auxiliorumque in posterum terrestrium ac navalium, quocunque Rex duci juberet, ut bellum aliquando Hispano reponeretur, & quæ alia eductum inter arma ingenium poterant incendere. Sed & apud dilectos e regio consilio disseruere quanto tutius ac gloriosius foret hostem ærarii inopem & anxium ambigua subditorum fide, suæque mala & metum hostili ex fœdere, pacis petitione testantem, exemplum facere post futuris, nequis aliena imperia temere concupisceret. Aderant Angli, Batavorumque orationem silentio, interdum voce adjuvabant liberius sua benefacta commemorantes, & quam turpe præsentī utilitati juratam fidem postponere: nec de pecunia etiam quam mutuam dederant interpellantes. Rex simpliciter egit, necessitates suas fassus tardis remediis impares. Dubitare tamen an Caletum Blavettamque redditurus esset Hispanus. ni faceret, mansurum se in armis, gratias agens quod auxilia tam liberaliter pollicerentur. Legati Ordinum, si ea regi fœderet sententia, sperare se tamen dixere adventum suum & quæ offerebant, usui fore Galliæ, ut plura hostis concederet. Vicissim, si pax coiret, orabant, maneret tamen ea societas, qua pace Gallica Batavi ad tacitam  
opein,

opein, bello Batavico Galli ad securitatem uterentur. Rex & amicitiam sibi & fructum ipsis amicitiae suae constitutum respondit. Amota in praesens, quae gentium commercia turbari solent: quantumque effectum sit sequentium temporum usus edocuit, cum Rex attentus servandis non minus, quam conquirendis pecuniis, tantum dedit tuendae libertati, quantum vix prisci reges populis dabant, quorum libertati insidiabantur. Prima liberalitas ducenties quadragies mille florenorum fuit, quae in annos sequentes pro necessitatibus crevit. Scilicet memor & quo sociorum tempore accepisset, & quo suo redderet non ut mutuum, sed ut beneficium exsolvebat. Ac tum sollicitè, suum excusans, Ordinum laudabat consilium, quod defensionì insisterent, quomodo non ut regibus paucis consciis ad occasiones promptum esset exurgere, ita facile residem multitudinem nova necessitas armaret. Fovendae Regis amicitiae, quia Lavinus Calvardus eo in munere vita excefferat, relinquitur in Gallia Franciscus Arsenius, cui pater Cornelius Ordinum Federatorum acta componebat. Multis jam argumentis constabat Hispanum Gallos exarmasse, contentum Anglos adhuc hostes malle, quam æquis legibus pacatos. Id causae fuit, cur Batavi oratores Nassavius atque Oldenbarneveldius e Gallia in Angliam veherentur, digressa jam inde priori legatione, audaciamque usurpantes antehac formidatam, sermonem ita instituerent, si regina Gallum sequeretur, nulla Batavis pericula pacis tanti fore ut immensum belli onus soli subirent. Suis scilicet simulatores artibus tentabantur, credito Anglos pacificationem ultra turbaturos, si ad

cam

eam induci Batavos posse sperassent. Simul reginæ, si bello insisteret, æqua omnia offerebantur, & de expediendo nomine spes transigendi. queis hactenus mota ut pacis actioni ad tempus superfederet. Atque interim Verbini (namque huc a Fano Quintini conventus transferat) opera legatorum inter duo eminentissima rei Christianæ capita pax coit, eisdem legibus, quæ novem & viginti ante annos Philippo & Henrico secundo convenerant. Accessere aliæ, quarum verba hic inferere non ejus sit, qui se rerum Belgicarum scriptorem profiteatur. In summa tamen, ut populis commercia, captivis libertas, egressis in sua postliminium esset: Hispanusque Carolesium Comitatum recepturus eo nomine fidem clientelarem Galliæ deberet: Gallo Caletum, perque Picardiam alia, uti tunc erant, & ultimo Blavetta, sed hæc dejectis quæ Hispani munierant, redderetur: placuere hæc, tresque intra menses datis obsidibus transacta sunt. Sed injuriarum oblivio, & æterna in posteros concordia, sumtis in alterum armis alter nec opem ferret, nec suorum quenquam interesse pateretur, & si quid ambigui juris restabat, non fraude & vi, sed sub arbitris disceptarent, in speciem magis convenere, quam quod tantæ magnitudinis æqualitas aliquid ad amicitiam securum relinqueret. Suos uterque socios, reges, principes, populosque fœderibus comprehenderunt: præcipue Philippus filiæ, cui Belgicam traditurus erat, & Sabaudo cavit. Arschothus, Mendosa, Arembergius in Galliam ivere: Bruxellas Bironius Dux a rege missus, qui ab Alberto vicem jurisjurandi exigere, ubi viri militaris animus impotens, semperque fortuna



tuna ulterior, in perfidiam, quæ post multo emicuit, corruptus dicitur. Facta utrinque omnia significatione pacis, invisæ nonnullis, quorum virtus omnis ac spes alienis malis alitur, at lætæ in vulgus, non tam religione Christiani sanguinis, quam quia jus foro, securitas possessionibus, redditus agris, viis commercia redibant. Galliæ triginta sex per annos cruentæ præliis, vastæ bello, primus tum dies solidæ pacis illuxit, & regno quondam florentissimo vetus reddita facies, sollicito Rege, ut, præfectis & magistratibus in ordinem coactis, ipse rerum potens, Romanensibus temporum ratione excusatus, alteram religionem professis metum & injuriam arceret: cum Belgæ interim relictæ in armis, ut spem pacis, ita ex vicinis malis intervallum & solatium amitterent. Sed Buzanvallium Rex ad Batavos remisit, quo teste amicitia, secretique commercii internuntio bello alieno suam pacem firmaret. Peractis Galliæ rebus, non minus grave regiæ societatis experimentum ab Angliâ acceptum est, acribus Elisabethæ flagitationibus, quæ Francisci Verii verbis ad Ordines perlata, cum eodem tempore aliis ad Albertum missis legatis spem pacis videri vellet retinere, cujus unam hæcenus ajebat moram, quod arma pro quibus sumisset eisdem sociis optaret deponere. Neque nunc quiequam a se Batavis præcipi, sed æquum interim, qui bello causam dedissent, ab his finiendi, si posset, sin minus gerendi in posterum rationes peti. Etiam sic satis gravem invidiam sibi apud principes fore, quod sola Europæ paci obstaret. Illud quidem nec Deus sinit, ut ingratis præscriptionibus elusa exemplum regibus foret, abstinenti auxilio popu-

populorum, qui nulla in eminentes reverentia, nec commodi, nisi sui, cura tenerentur. Sentiebant Ordines uno se impetu obrui oneribus antiquis, venturisque: sed vel nomen Anglicæ societatis tanti erat, ut subirentur leges, quas ferebat potentior. Missi igitur, qui in priore utraque legatione fuerant, simulque Andreas Acselius tacitis mandatis, quæ ad centies usque centena florenorum millia transigendi super pecuniis debitis facerent potestatem. Reginæ varios fingenti metus, qui ipsam a bello dehortarentur, eo tempore diversi casus ultro se offerebant. Nam Iacobus Scotiæ rex Anglicanam hæreditatem, cujus Elisabeta mentionem nullam ferebat, sibi palam addici postulans, nisi externa ope sustentatus, huc fiduciæ venisse non putabatur. Nec deerant, qui, comperto literas ad Pontificem pervenisse Iacobo subscriptas, inde suspensiones atque odia accenderent. Super hæc Reginam Burtleius, senecta morboque eger, Deum & suprema sua testatus, oraverat, ut sibi non jam humanis obnoxio affectibus crederet, ipsaque eidem necessitati proxima, regno consulere, paceque in terris constituta cœlestem pacem mereretur. Nec omittebat, quæ improspera per Americam evenerant, aut per Hiberniam metuebantur ostendere, & Belgicis armis finem vincendo non posse sperari. Hic ubi mortalitatem expleverat, & Essexius vitandæ invidiæ confessum declinabat, vacua studiis & sui juris curia fortioribus consiliis patuit. Ad quam admissi sæpius Fœderatorum legati, adversus crediti exactionem tempora excusabant: professi, quod ad Hispaniensem negotiationem pertineret, nihil se intercedere, quo minus

nus & Angli, si ita videretur, velut Batavi solebant, pacati alicujus populi nomen eumentirentur, nisi lucrosius crederent, armis, quæ cupias, quam pretio parare. Non tamen exorantur, quin octodecim ante annis, cum Antverpiæ jactura Anglum non minus quam Batavos terrebat, conceptum, nec unquam pie servatum, fœdus tam longe aliam in formulam mutaretur, ut ipsa omni præstatione libera obstrictos alios teneret. Disputatum aliquamdiu de summa debiti, cum Angli delectus & vecturas & stipendia supra modum imputarent, pars altera mendaces numeros argueretur, nec taceretur, Anglorum rapinas terra pelagoque tanti Batavo stetisse, quanto omne æs alienum posset exsolvi. Tandem in octuagies centena millia florenorum perscripta cautione deciditur, quorum pars altera trecenis millibus annua pensione manente bello, eo confecto, si quid reliquum foret, vicinis penderetur: alterius semissis, de solutione, reddendisque oppidis, ubi data foret pacis occasio, benigne conveniret. Interim Angli ad mille centum & quinquaginta locis pignori datis præsidio essent: eo nomine damnati Ordines in ternos menses florenos quinquies mille & centenos numerare, tum quicquid præberi militibus mos habet. Remissa in posterum Reginae mittendi auxilii pollicitatio: Angli qui sub signis erant, quique posthac conscriberentur, in sola Ordinum verba adacti, Ordinum imperio & sumtu militarent. Proinde perempta legati Anglicani, quæ prisco ex fœdere fuerat, potestas invidiosa: retento jure, ut unus a Regina assessor senatui daretur. Seu terra, seu mari hostis Reginae, aut Regina hosti arma inferret, jubentur

tur Batavi classem augere triginta aut quadraginta justis navibus: exercitum vero pedite ad quinque millia, equite ad quingentos. In hæc pacta conventa accepto utrinque latum quicquid retro debebatur, integro tamen jure, quod in Belgas Hispano subactos Regina sibi vindicaret. Et Horatii Palvicini Liguris, apud Elisabetham gratiosi, creditum ad octingenta millia florenorum exceptum hoc foedere, privatumque compositum est. Non erat cur Anglia pacem mallet, quam bellum tali foedere, quo & onere levabatur, & munimentum sibi circumdabat. Mox deprehensi iterum, qui in Elisabetham venenum parassent, & in Hibernia felice prælio captoque castello ferox Tironius, in societatem defectionis Momoniam trahens, animum illius asperaverit. Nec magis Batavos, quanquam nova apud hostes rerum imago & multa invitamenta quærebantur, veteris propositi poenitebat. Clarescente in dies novi conjugii fama perlatae ad Belgas literæ, misso Friafo, quibus imperium in ipsos Isabellæ transcribebatur. Causas legesque pactorum Philippus hæc vulgaverat. Quando destinatum sibi Pontificis venia, deque gentiliū consensu filiam optime de se meritam agnato in manum dare, Belgarumque vel maxime interesset, ad spem pacis, aut præsens regimen coram Principis ora ac nutus intueri, quod suis hætenus majoribus curis negatum, Belgicam se omnem ac singulas partes filiae concedere cum Carolesia & Burgundia quæ Comitatus dicatur: simulque nomen Burgundiæ Ducis, (quippe possessionem jam olim Galli obtinebant) ita tamen ut ejusdem tituli honorem ipse ac postfuturi Hispania-

rum reges usurparent cum loco principe inter Aureæ Ianæ sodales, institutum proavis cæturn. Addita cuncta, quæ legum prudentes firmandis contractibus invenere, quo rectius jura principatus & obventiones hisque innexa onera in Isabellam ejusque posteros transfirent. Insigniora hæc fuere, quod Philippus, clientelare vocabulum usurpans, dare se eas ditiones feudi aut subinfeudati nomine testabatur, quorum hoc iccirco adjectum videatur, quia pars magna terrarum sub majestatis imperatoris reverentia, quædam & sub Gallici imperii fide possidentur: tum, quod facta prioris sacramenti gratia primores subditorum in Isabellæ verba jussu suo adigebat: ac si quid his tabulis contineretur, quod minus per leges liceret, id sanciebat summa atque regia potestate. Si matrimonium sine liberis solveretur, prolesve mascula & muliebris unquam deficeret, prædictum, uti jus omne ad Hispaniæ dominos reverteretur. Datum tamen Alberti meritis, ut viduitatis solatium haberet Belgicæ præfecturam, & si qua soboles superesset, usum fructumque, sed ad hæredem nihil transfunderet præter Ducatus Luxemburgici & Comitatus Chiniaci vectigalia. Præscriptus & succedendi ordo, inas uti feminae, inde robustior juniori, neposque etiam e filia majore minori filio anteponeretur. Dividere aut alienare ditiones, nisi placito regum Hispaniæ vetitum. Quoque pluribus viis donum ad auctores rediret, provisum, si qua mulier Belgicam in posterum adipisceretur, ea regnatori aut hæredi Hispaniæ in manum conveniret. Neu filio uxorem filiaeve conditionem quærere principibus liceret, nisi regum eorundem

dem arbitratu. Iubentur insuper Americae & Indiae commercio seque & suos abstinere: tum auspicientes imperium jurare in has leges, religionemque Romanam: quae contra, si quid fieret, jus Belgicum Hispano committeretur. Signarat has tabulas pater, adhibitis testibus, pridie Nonas Majas. Eodem die filius idemque haeres, Philippus & hic nomine, assensum perscripserat, quaesitis anxie cautionibus adversum jura, quae aetatis lubrico, aut ob paterni nominis reverentiam sua largientibus succurrunt. Varii sermones, ut in re magna, nec concordēs. Erant qui pravam morem arguerent, quod libera hominum capita, ceu privatum servitium, in censu ac commercio haberentur. Barbaris certe usurpatum, ut imperia donarent legarentve, quippe ignaris domino princeps quid intersit: at quibus aliud fas ac nefas, minime his ambiguum, rem esse populi, indeque dici Rempublicam: cujus procurationem, ut apud alias gentes comitiis, aut senatui, ita apud plerasque principi permissam. Nec ullum omnino justum imperium nisi ex consensu gentium coepisse, quae tutelam omnium uni aut homini, aut ob turbida suffragiorum familiae crediderint, solo honoris pretio inductis ut sua post habita civium utilitati studerent. Quod, ut ubique verum, ita in Belgis manifestius, qui nec armis subacti, nec ultro concupita servitute, sed definitis praemiis, & potestate, multa principibus non permiserint, vetito inter prima, ne quam partem fidei suae commissam abrumperent: itaque filias olim in pecunia, eaque non magna, dotem accepisse: ceteris liberorum praefecturas & minora munerum data. Quibus legibus frustra regionum no-

men opponi Belgis incognitum. Gallicam quidem magnitudinem (si exemplis uti libeat) non alio crevisse, quam quod collata in unum fortunæ dona nullus eventus divellat. Quanto autem gravius, quod regionibus bello exhaustis & involutis, quibus hostis in latere validus, infensa vicinia, & externa opulentia, si non adesset, quærenda fuerat, ea quæ centum per annos coluit velut succus atque alimentum infirmo corpori, subducatur? Carolum tamen Imperatorem, cum privatæ quietis cupidus humanasque curas in filium transferens, legis munus tantum tempore anteverteret, primorum in concilio seque & filium stitisse, ne quid prisca moris desideraretur. Nunc per epistolam abdicari, per epistolam assumi regimen, visuque & alloquio dedignatos populos non in virilem saltem dominatum emancipari, cognito quanquam omni ab ævo nunquam levi malo constare Belgis foeminarum imperia. Contra alii, utinam quidem hoc modo ab insolentia Hispanorum Belgæ bona fide vindicarentur: amota belli causa facile inter partes conventurum: at non adeo veteres Philippo spes atque artes excidisse, ut Belgica seque & posteros exuat, quod securitatis Hispanicæ præsidium, & arcis in morem Germaniam, Galliamque & Britanniam despectet. Sed, ut metum sui undique positis imminueret, repertum filiae nomen, cui precarium jus, & sub domestica fiducia inane possessionem dari. Quod nec his, quæ præferrentur, pactis satis dissimulatum, cum natis e conjugio, seu nullis liberis, eodem relaberetur imperium. Quanquam & hoc cui non perspectum, duos & triginta annos continuo celibatu egressam

egressam virginem ab Hispanis dimissum non iri, nisi infæcundam aut crediderint, aut fecerint? Quam vero illud pudendum, quod Belgæ sui juris semper populi, quorumque opibus Austriaca gens in Hispania ipsa, totque regnorum folio, & generis quodammodo humani cervice confederit, externas palam leges subeant, inque perpetuum moderandi tradantur Hispaniæ clientibus? Has inter fabulas aliæ literæ feruntur, quas Isabella, jam ut domina scripserat, Albertum jubens suo nomine possessionem capeßere, mutuumque sacramentum, & cuncta imperantibus solita celebrare. Erat hoc adversum legibus, quæ coram inchoari imperium volunt. Quare non ausus veteri more justum nationum concilium cogere, ac liberam facere consultandi potestatem, singulis seorsim verba præiturus legatos in hoc tantum Bruxellam in duodevicesimum Calendas Septembres Albertus evocat. Sub idem tempus contracta circa urbem vi magna militum, quindecim peditum, duo equitum millia, metum factura contradicentibus. Itaque Ricardotus, in oratione quam pro Alberto habuit, cuncta Belgarum mala absentiae Principis imputabat. Hinc pro Brabantis respondit Masius, conquestis, queis novi principis gratia captari poterat. Vbi ventum ad res, non nihil disputatum, ceu vetere republica: factum quod præsens necessitas poscebat. Atque ita plerisque temperatum ut obsequio conditiones præscriberentur, si tres intra menses apertum fieret, nuptiarum ritus peractos, & ipse Maium intra mensem anni sequentis in Belgicam rediret: interim per rectores ducesque nihil novaretur: præfectum relinqueret sibi sanguine cohærentem. Is electus



Andreas Cardinalis & ipse cui pater Ferdinandus Comes Tirolensis, frater Maximiliani, qui Alberto genitor: maternum genus impar e Philippida Velfera, cui origo Augusta Vindelicorum domo consulari. Additum, uti publicæ privatæque leges & cuncta Philippo jurata manerent. Vti præfecturæ minores arciumque custodiæ & iudicium classes e Belgis instaurarentur. Vti Rex testificaretur, quod de feudo in cessione dictum, id Belgis fraudi non fore. Germano suoque militi Belgæ stipendia curarent, quantum ejus ærarium ferret: reliquum, & omne externi militis onus, Rex in se reciperet: Albertusque contentus antiquis principum vectigalibus extraordinariis tributis, & quæ præsidariis præstarentur plebem levaret. Et in hunc quidem modum pro tempore parerent. Cæterum reverso cum uxore Alberto solemne sacramentum utrinque diceretur, concitis Belgicæ totius Ordinibus, quibus interim Albertus auctor fieret, ut ad conditiones cum Batavis possent descendere. Id quia acrius flagitabatur, nec absurdum putabat in pacificando pares paribus componere, ante discessum Albertus, qui legationem regiam mittere non ex dignitate judicabat, Ordinibus Hollandiæ Zelandiæque & eorundem sociis literas inscripsit, quibus de conjugio & jure imperii ab Hispanis translato significabat: & sibi summum pacis studium, & ipsis nihil restare cur paci diffiderent. Recte igitur & ex officio facturos, si majori se Belgarum parti aggregarent. Ejus se negotii mandata penes Ordines suos reliquisse. Similem in sententiam Mauritium frater Arausionensis, Arscotiusque & Haurechius precabantur, ut qua polleret apud  
foede.

Fœderatos auctoritate, ea ad optatum belli exitum uteretur : gloriosum id ipsi, nec minus in rem domus Nassavię futurum. Auditus & Daniel Molanus, privatus sed clari nominis mercator, qui se mentito fratris morbo excitum Antverpiam, indeque Bruxellam ad colloquia Ricardoti, Affonvillę, Abbatis Marolensis, Haurchii, ipsiusque tandem Alberti perductum memorabat. Summa sermonum, omnium consilia in pacem inclinata, nihilque omisso quo Batavis ejus fides fieret, dum Principes agnoscerent, mansuram religionem, penesque ipsos & liberos rempublicam, de Mauritii virtutibus ita Philippum judicare, ut nihil ejus honori detractum vellet : sed & Pannonici belli imperium ei destinaret. At Proceres, quanquam jamdudum certi bellare, magis etiam induruerant, interceptis Philippi literis contraria omnia præferentibus. Super quas accesserat Petri Danni Iprensis facinus, hominis vecordis, sed quales ferme paratissima periculosis sideribus instrumenta sunt. Is suspectus indicibus captusque immersum se fenori, eque carcere in carcerem protrusum creditorum sævitia narrabat : quibus malis dum finem anxius quæreret, nec inveniret, penus mercimonio in Iesuitas Duacenses incidisse : quorum præses inducto sermone, quantum esset in rem Christianam meritum hominem unum multorum exitio grassantem e medio tollere, animum jam ægritudine exsternatum in cædem Mauritii inflammasset : præmia filio, ipsique, & si eventus falleret, cælum pollicendo. Accessisse domestica uxoris hortamenta, quæ curis inquires, nec ærumnarum tolerans, spiritum in ipso virilem requireret. His instiga-

tum se, cum idem ille præses sacri communione & peccatorum venia firmasset, accepto viatico Zelandiam advenisse, inde Lugdunum: sensimque oboriente turpis ausi conscientia, & discriminis metu tandem ad meliora flexisse animum. Quæ cum per intervalla sæpius repeteret, suo testimonio convictus, decimo Calendas Sextiles a Lugdunensibus magistratibus supplicio ultimo affectus fuerat, etiam de iudicum superiorum sententia. Fuere in parte adversa, qui, pudore flagitii, rei gestæ ordinem refellerent. Ut maximis mutationibus illustris hic annus, ita belli expeditionum diu quievit: nisi cui libeat peditum paucos prope Noviomagum ab equitatu regio oppressos, rursusque trans Mosam Batavorum turmas cæso inter plures uno Mansfeldiorum non sine præda victrices, aliaque conatuum parva, aut irrita in majus efferre. Causa otii, quia & Fœderati provisas ob necessitates sumptibus parcebant, & Albertus, studens oblatae paci terrorem magnum circumdare, non ante progredi statuerat, quam redditis Gallo urbibus degressæ cohortes auxissent exercitum. Quæ dum insolutis stipendiis negant præsidia dimittere, & jam formidolosa in oppido Castelleto licentia ad exemplum spectabat, contracta illorum in usus pecunia interiores alios efferabat: præsertim quia & Geldrensem nuper tumultum Herembergensis nonnisi præsentibus nummis & statim missione sanaverat. Ac primum querelæ & contumacia. At quo tempore Bruxellæ de novo constituendo principatu agebatur, ut fere circa imperiorum mutationes amat turbare miles, pluribus simul locis seditio exarserat. Præcipue, qui arcem Antverpiæ

piæ tenebant, Hispani pedites ad quingentos cum nonnullo equite, insenti in urbem sibi obnoxiam scelerum pretio incendebantur. Exacto Augustino a Mexia, cui paruerant hactenus, manipularem sibi præficiunt, lingua procacem, & maxima in turbas culpa fidum sociis. Viginti duorum mensium reliqua, non Belgicæ tantum, sed & Italicæ militiæ numerabant: quæ dum expedirentur, interim cogeant oppidanos florenum in dies cum ejus quadrante equiti, dimidium pediti curare. Nec hac stetit injuria: pretiosa insuper vestis & supellex cunctaque luxus instrumenta, etiam scorta, in contumeliam florentissimæ quondam civitatis, indicebantur. Ipso flagitandi more nihil superbius: tormenta explodebant, donec ultro, numquid juberent, interrogarentur. Iamque Liræ præfidiarii sociare consilia cernebantur: & Lucemburgico in fine Walonicas cohortes abrupto obsequio palare nuntii ferebant, cum multis urbe diffugientibus, hi quos negotia aut possessiones suæ attinebant, pars illatam vium dissimulante Requesenio, alii Rhodæ irruptionem flammamque & sanguinem, præterita mala cum metu præsentis conferrent. Legati magistratuum præter excusationem publicæ paupertatis nullum ab Alberto solatium tulere. duravitque flagitiorum licentia in annum sequentem. Modestior paulo qui in arce Gandavi miles: suo contentus numero aliunde venientes haud acceptabat: quod in communi peccato quasi beneficium fuit. At Gravia in urbe non jam seditio, sed pugna inter se militum, cum Germani juvantibus oppidanis adversum Hispanos in arma prorumperent, specitius confedit. Post quæ turbamenta Albertus

belli eo festinantior, quod responsa a Mauritio & Fœderatis nulla reddebantur, mansuros in præfidiis milites spe distulit: quantum corradipecuniæ poterat ex Hispania aut per nominum fidem, in castra ituris distribuens, tum veteribus tum qui novi undique conscribebantur, multa supplementi copia e Gallis, qui pacem domesticam fugiebant. Re expensa in senatu, cunque peritissimis tribunorum, Rhenum transduci copias placuit, invadendis Batavis, aut ut Mauriti laboribus, qui priores per annos pacata Frisia Fœderatos parte belli altera absolverat, in irritum deducerentur: ubi laxa regio, tergoque per Germaniam patens, nec multum munita oppidis egregias rei bene gerendæ occasiones præstabat. Utque per se prudens erat consilium Batavos utrinque armis complecti, spoliare tributo, gravare præfidiis, ita isti temporis nihil aptius, quam si acciso cum maxime ærario, & tamen copiis ingentibus, in hostico facile traducta hyems suo Batavos exemplo everteret. Medium sub autumnum propter Mosam amnem convenire jubetur exercitus, cui Franciscus Mendosa imperaret, qui impletis pactationibus e Gallia revererat. Quæ ubi in Batavis audita, jussu Bommeliæ insulam & infera Mosæ præfidere Hohenloio, pars copiarum maxima Arnheimum ductu Principis coit. Interea Albertus capeffendo matrimonio imperioque iturus, prius, indulgente Pontifice Romano, Cardinali dignitate & Toletano antistitio se abdicans, Archiducis habitu in publicum prodit. Pileum sacramque purpuram apud aram Divæ Virginis sacraverat, quæ Hallis colitur Hænoviæ in municipio. Celebre id sanum longinquo concursu, &

pro-

prodigiis, quibus testatam numinis præsentiam accolis persuasum. Nam & principum spectabantur dona & e plebe multi, erepti periculis aut morbis arte medica valentioribus, voto se exsolverant: quin & exanimis corporibus redisse spiritum major fama prodit. Plerasque narrationes aliquot post hæc gesta annis Iustus Lipsius Latina facundia illustravit, quo velut pignore Romanam religionem & imaginum reverentiam obsignaret. Quanquam contra alii scripto differuere, notas sacerdotum fraudes, aliaque in quæstum conficta, plura, quæ miracula dicantur, forte aut natura accidisse: & tamen veteres magos Ægypti maxime, Tyaneumque & alios damnandi cultus magistros cum sua placita operibus stupendis firmaverint, argumento esse nobis his deum habendam fidem, quæ uni Deo animos allegant, non alias adsciscunt tutelas, nec simulachrorum vetita superstitione pietatem corrumpunt. Postquam ex Alfatia, quam Cæsaris imperio regebat, Andreas properis literis excitus advenerat, post breves complexus & mandata, Albertus in Germaniam digreditur. Nobilissimi Belgarum comites addebantur, qui publico nomine gratias Regi agerent, matronæque & virgines novam principem deducturæ. Inter dilectos Arausionensis fuit, quem plerique ignari, quanta vis esset consuetudinis, in Hispaniam redire mirabantur. Is, cum per Belgicam sua, quæ fiscus hauserat, recepisset, paternaque apud Batavos bona per fratrem, materna per Hohenloium procurarentur, de Arausionensi principatu sollicitus agebat, quem, liberum quam multo a tempore nec ulli obsequium de-

bentem, per occasionem civilium armorum ingressi Gallorum circa rectores finito bello eandem licentiam retinebant: nuperque Mauritius misso Aldegondio frustra per colloquia aliasque artes possessionem affectaverat. Sed ille jam sperans Hispani apud regem Gallum commendatione aliquid profici posse, & hoc inter itineris causas habebat: quo cœpto cum jam altius Rheni scanderet ripam, in Palatinum flexit, sororem Electoris matrimonio fulgentem tum primum visurus. At Archiducem Pragæ pergentem, ut cum fratre Imperatore arcana consiliorum participaret, creditumque Romani regis nomen imperatorio proximum sperare, de morte Philippi Regis nuntii assequuntur. Ea res sic habet. Invalidum senecta corpus, & ante, & a vere præsertim proximo, articulorum doloribus frangebatur, cum sub ætatem gravescere valetudo: cui ut remedium ex animi remissione quæreret, Laurentianum lectica deferri se jubet, quod immenso sumtu structum ipsi palatium, cum res interea Belgicæ pecuniæ penuria dilaberentur, inter clarissima hujus ævi monimenta visitur. Inde pinguis cæli & jactationis impatiens, ubi quieti redditus est, in febriem corrumpitur: solito nervi contractiores: simulque virus additum ulceribus patescit, in quæ & crus tormentis inflammatum & pectus maxime defecerat. Hæc, ubi medicamentis admotis resoluta, sanien fudere, dictu tetrum, quanta vis pediculorum perpetuo secuta sit, ut quidem multis manibus circa unum laborantibus minima pars esset residuæ fordis, quod excernebatur. Mox ubi debile corpus omnisque contactus impatiens mundari  
ultra

ultra nequibat, tam obscena tabe viscera exesus, firmo atque invicto adversum dolores animo, quod vitæ sibi restare intelligebat, ad mortis meditantia retulit: quippe ossium coinpagi insigne capitis regum imponi iubens, suosque subinde artus filio & natæ ostentans, docebat, quam fragile esset, quod in rebus humanis maximum habetur. Inde fraternam inter ipsos concordiam, & Romanam fidem commendabat, tam serio, ut post sepulturæ ritus de parentali-  
bus anxie caverit, interque solennes divum laudes oleo perunctus, & jam supremis appropinquans, Christi cruce pendentis imaginem eandem, quam pater olim moriens, contrectaret. Mandatis, quæ animum religione sollicitabant, editisque aliquot clementiæ exemplis, duodevicesimo Calendas Octobres mortalitatem explevit, quem ipse diem fatalem sibi vatis monitu prædixerat. Is finis Christianorum potentissimi fuit, & principum quotquot nascuntur ditissimi, annum agentis primum ætatis & septuagesimum, imperandi tertium & quadragessimum. Corporis habitus mediocris, nisi quod frons celsior, tum labia in modum Austriacis gentilem prominebant: vultusque tanto Belgæ propior, quanto moribus in Hispanum concesserat. Mitem ingenio libenter crederes: quippe & accessu comis, nec temere sæviebat: sed quoties dominationi expediret, famam clementiæ haud multum morabatur. Solertiam, quæ non perinde, ut parenti, adfuisse creditur, perfecit ætas & diligentia, cum parcus otii somnique majora ipse, non per ministros, tractaret. Quæ in majus tollentes Hispani æquant cum Solomonis laudibus. Pecuniæ usum gnarus, Impera-



peratores, Pontifices, ferme quos vellet renuntiabat, arcana regnorum scrutabatur: adversus prospera & ruentia vultu, an & animo æquabili: sed conditus in dissimulationem, odiis & suspicionibus indulgebat: spei improbior, & regnandi libidine cuius veterum conferendus: religionis, quæ quidem in externis actibus versatur, servantissimus: circa imperii artes principum exemplo excusatus, & in his, quæ ut privatus peccabat, laudatæ verecundiæ. Bella illi prima ab ætate fuere, sed præter Gallicum, quod juvenis vidit tantum, cætera per legatos administravit. De majoribus & posteris varie meritis, quorum imperium, ut Americanis provenitibus auxit, & Lusitaniæ accessione, ita amissis Goleta Tuneto & Batavis dehonestavit. Et tamen in tempora paternis diversa incidisse notabatur, non eo sæculo, quo penes eosdem homines summa virtus & fortuna fuit, sed cum feminas puerosque & imbelles æmulos, aut hostes haberet. Hæc ferme prudentiorum de eo judicia fuere. Alii ob partes infensi suscepta temere bella, perfide gesta, nec minus cruentam pacem per Hispaniam Belgicamque in idem sævitix concitas Gallias, pluraque mala publica & domestica exprobrabant: ipsam exitus foeditatem in argumentum trahentes: innoxias scilicet filii, uxoris Isabellæ umbras has patri, has marito pœnas irrogare, quomodo olim Herodes, (qui cum pleraque morum & fortunæ comparabatur) & Regina Cyrenæorum Pheretinae paricidia lussent: aut hostem veræ religionis, omnium qui unquam fuissent acerrimum, Antiochi illustris & Herodis alterius Cæsarisque Maximini, aut Tyrannum Cassandri & Sullæ liber-

bertatis oppressorum exemplis merito periisse :  
 quanquam claros sapientiæ , & juris , & carmi-  
 num auctores, aliosque eodem morbo absumptos  
 memoriæ proditum novimus. Regnorum hæ-  
 reditatem crevit Philippus filius , cui nomen  
 tertio factum est : tantæque opes nulla rerum  
 mutatione transierunt. In Batavis tamen pluri-  
 mi homines veteri simplicitate , qui Principi ,  
 cui juratum esset , utrunque merito , perpetua se  
 fide obstrictos hæcenus crediderant, ea religio-  
 ne exsolvebantur. At per Hispaniam adversum  
 Batavos acria consilia tum primum expediri  
 cœpere , quæ famam de novo rege vulgatam ,  
 ut minus vegeti ingenii , redarguebant , nisi usu  
 compertum foret, multa sæpe salubrius gesta sub  
 principe, qui aliorum bene repertis aures &  
 iussa commodaret , quam cui sapiendi fiducia  
 contumaciam addidisset. Sed hæc in tempore  
 demonstrabuntur. E Bohemis Albertus in Ita-  
 liam transgressus Veneto in solo Margaretam  
 invenit , quæ annorum circiter quatuordecim  
 pacta regis filio , tum regi Philippo ducebatur ,  
 eque Graico Pannonica urbe Tridentinas  
 per Alpes Athesim versus descenderat. Frater  
 puellæ Ferdinandus, cui despecta Turcarum vi-  
 cinitate Austriacam gentem mutandos ad ritus  
 paranti compellere ( nam a Romanis plerique  
 discesserant) precibus primum , inde armis oc-  
 cursum. Sorores item duæ, Poloniæ regis , &  
 Sigismundi Battoris Transilvaniæ regionis dy-  
 nastæ conjuges , infelix utraque matrimonii in-  
 ter bella plusquam civilia. Nam & ille, dum  
 Iesuitarum consiliis obsequitur vi patrui , cui  
 Carolo nomen , patrio Sueonum regno pelle-  
 batur : et hic, iisdem auctoribus inductus , ut  
 tri-

tributum barbaro negaret , tutandis mox suis impar , transferre principatum in Imperatorem cogitur, qui Maximiliano cum fratri regnum tradidit. Is erat qui cum Poloniæ regnum contra Sueonem petisset victus gratia , deinde armis captusque & dimissus , nomen tamen regium retinebat. At Battor titulo permutationis in agros Silesiæ detrusus , cum insuper conjugio spoliaretur , ut gignendæ familiæ inidoneus , mox tædio minoris fortunæ profugus uxorem vetusque imperium recepit , Turcarum auxilia minitans adversus obsistentes. Margaretæ mater aderat Bojoara , quæ Imperatoris Ferdinandi neptis Carolo ejusdem filio nupserat. Hoc illa conjugio nata , cum patrem eundem patruumque magnum haberet, marito, cui magnus avunculus idem esset genitor , pari sorte componebatur. Ferrariam perlatus Pontifex Clemens ( hanc ille urbem extincto Atestinorum genere, cum Cæsar nomine, non justo concubitu ortus vindicaret , minis & devotionibus magis quam armis sibi subegerat ) admotis qui absentium Philippi & Isabellæ , mandato & imagine fungerentur , solemnî ritu unius gentis bina federa connexuit. Mantuam inde profecti obviam Mediolani Sabaudum habuere , qui & ipse affines salutatum venerat. Sic inter Italiæ moras annus transactus est cum modo sacra monimenta viserentur , sæpius opulentas per urbes, certantibus amicorum & subditorum studiis, clara suntu & arte spectacula Austriacam magnitudinem, & suas Alberto victorias representarent. Sed occasione itineris in externa, nec tamen domesticis abjuncta, digressus, priusquam expeditionem ad Rhenum repetam, pauca finitimis

timis de rebus memorabo, quæ turbatiores hoc tempore, bellantibus inter occasiones fuere. Edsardus Transarnasianorum comes Delphizylia-  
 nis pactionibus velut per vim expressis offensus  
 ad Imperatorem provocarat. Imperator, qui  
 nec externa in res Germanicas arbitria probare  
 poterat, nec exitum videret eorum, quæ no-  
 lente civitate decernerentur, hanc tandem ra-  
 tionem reperit, ut abrogatis Delphizylia-  
 nis legibus ipse eadem prope omnia imperaret. Spe  
 irritus comes cum aliquamdiu augendæ potesta-  
 tis tempora respexisset, hoc anno civitatem tur-  
 bis suutibusque exhaustam, ita ut pecuniam,  
 quam ex pacto debebat, aliaque necessaria nisi  
 novorum onerum indictione, expedire non pos-  
 set, intestinis discordiis miscere aggreditur.  
 Missi in urbem filii duo, alimentum tumultus:  
 quæsitique e vulgo, qui alios vectigali infensos,  
 quod e novemdecim plebei sodalitatibus dux  
 recusabant, aut a publica religione diversos con-  
 traherent, portasque remolirentur inituto mili-  
 ti, quem alia prætexens in hanc causam accive-  
 rat. Sed edita conjuratione, irati magistratus  
 apud Comitum liberos paterna de perfidia que-  
 runtur: & morte affectis, apud quos mandata  
 tumultus concienti reperiebantur, exsilium cæ-  
 teris ejusdem factionis popularibus, aut multam  
 irrogant. Erat inter principes seditionis Gru-  
 ninus, homo domi clarus & magnarum necessi-  
 tudinum, affinem inter alios Wilhelmum habe-  
 bat. Is Iohannis Funquii, qui rebus olim Bel-  
 gicis per Hispaniam præfederat agnatus, haud  
 ita dudum specie privatorum negotiorum in  
 Batavos venerat. Sed deprehensus mandata  
 Alberti ad Edsardum ferre, & quæ ea essent ro-  
 gatus,

gatus, nihil aliud nisi Hispanicis copiis per agros Transasianorum peti transitum responderat: quanquam erat credibilis & acceptis jam ante indicis congruentius, de ipso jure comitatus cum aliis in Burgundia, aut apud Luxemburgum bonis, permutando agi. Hac ille de causa aliquandiu asservatus, ut consilia saltem mora eluderentur, tandem soluta pecunia evaserat, ut violata fide publica belli jure captivus. Sed ejus Funqui hoc tempore reperit ad Edsardum literæ, quæ hortabatur, ne Germaniam ultra spectaret, aliasve spes longinquas, aut irritas, toties elusus: sola vi Hispanica posse in imperium restitui: sed dandum societati pretium, ut ad tempus metari in agro castra liceret, ultionique rebellium in amnis ostia & propinquum sinum classem inducere. Quas ob causas oratus Præfectus Frisorum Wilhelmus, ut paratum ad necessitates subsidium haberet, recepit curam: atque interim jubet proximis locis instructum exercitumque militem, exauctoratum a se, in urbem & ejus sacramentum transire. Inde, & si quid aliunde conquiri potuit, firmiore jam civium concordia, quia conjunctio ad cædes & incendium spectasse ferebatur, sed ipsis armorum rudibus ac trepidis, eoque alieni præsidii egenis vexillum ad homines trecentos conscribitur. At Comes, velut accepta non illata injuria, ultro civitatem dicendam ad causam coram senatu Imperatorio vocat, multa queribundus, quod Batavi miles sua prædia popularetur, quod extremis suppliciis in meritos sævissent, quibus lege agere sine se concessum, suosque liberos indignis modis tractassent, adacta & juventute nova in verba, quæ debi-

debitam Principi fidem exuerent. Ita verbis adhuc iudicia, conatu nihil non hostile agitabant. At filii Comitis ambo Regi Polono, cujus amicitia prognati erant, inane auxilium ivere, ibique paucis navibus Emdanos exsules, tumultuum causa urbe pulsos, imponunt, additis mandatis ut adversus ejus injuriæ auctores jus armis dicerent. Deditque honori affinitatis Polonus, ut civitatem, si contumax perstaret, commercio se interdicturum minaretur, scriptis eandem irrem ad Ordines federatos literis, ut multo cum fastu, ita mirantibus aliis, quod avito Sueonum imperio extorris & inultus tam longe absitis leges præscriberet. Holsarus quoque Dux, cujus natam Enno Edsardi filius conjugem duxerat; Emdanos mercatu abstinebat, naves suam in littus advectas retentans. Paria apud Danum & Hispanos tentabantur. Aquarum grani dissidia longius provecta, veteres inter magistratus, quæis Dux Iuliacensis aderat, gentili jure urbis patronus & eos qui specie judiciorum exactis aliis rempublicam obtinebant. Mox neutriquam obscuro Hispani impulsu per Mendosam & Clementinam præcipitatæ ambages magnis auditoriis solitæ, damnatique Spirensi judicio occupatores: sed cum præstitutum intra diem judicatum non facerent, hostes imperii pronunciantur. De quibus ita decretum est, his opem ferre nec fas nec tutum, ipsos offendere, necare sine fraude est, bona in prædam cedunt. Anno mos iterari proscriptionem sævioribus verbis. Fecialis, postquam cuncta ritu solemniter condixerat, proximos Germanorum, Iuliacensem simulque Coloniam & Trevirorum Episcopos manu militari defendere jus dicentis auctoritatem

tatem jubet. His visum Alberti vires paratum auxilium assumere. Iamque Aquisgranensi territorio præsidia poni, jam pecora & quod in agris obvium per Iuliaci Limburgique militem trahi caperat. Nec penes illos stetit, quominus nobilis Caroli Magni regia, positarumque intra Alpes regionum diu caput, & in hunc diem capessendis Imperii auguriis Romæ & Mediolano æquata sedes, integris Germaniæ rebus excinderetur. Perculsi rectores, quos professionis Augustanæ principum gratia & pollicitationes tam repentis mali improvidos fecerant, cum hinc venientem sub Mendosa exercitum, inde belli Hungarici dilectus, ut sibi imminencia, pavescerent, nullis contra munimentis, declinandæ invidiæ urbis imperium populo permittunt. Is precatorem aut arbitrum sibi legit Agrippinensium antistitem, qui justis legibus pacem redderet. Ita vitatum exitium: sed mutati ritus qui per annos quadraginta inva-  
luerant. Nam ingressu urbem præsidio summa atque infima munerum Romanensibus mandantur, demotis quos ab ipsis & inter se discordes Lutheri & Calvinii sectatores nominabant. Qui honores gesserant, primum privatam intra custodiam dati, exin multis Belgarum comitantibus, quos ob civiles discordias olim profugos eadem illuc mala sequebantur, graviorum metu, nec adversariis nolentibus, ad Batavos, pars alio fugere. Inter reductos exsules Engelbertus fuit, qui federatis in partibus turmæ quondam ductor, cunctis militaribus vitiis quam ulla virtute cognitus, impetrato apud consilium Spirense pignerandi jure, quod stipendia non soluta diceret in Belgas mercatores injecta ma-

nu, per domos cum hasta & sectoribus vagabatur. Allectum in urbanum tribunal atque eo ferociorem, unæ atque alteræ Ordinum literæ compresserunt, iniquum ferentes, nec tolerandi exempli publicam causam inter privatos agi, apud iudices verum falsumque nomen haud facile discreturos, & ni mos gereretur, adjectis minis. Paritum protinus, cum olim nullis prope in regnis Belgæ homines talis injuriæ securi agerent. Sed vetus est, nec documentum egens, prout arma partium & vires sunt, ita jura temperari. In Cliviis imperium omne consiliarii adhuc ducis obtinebant. Austriacana factio. Ne Berca quidem a Batavis captu moverant se imminentes hæreditati principes. Primores sane Cliviorum ac Iuliacensium, velut ad Ordines nationum morbidum principis spectante tutela consularant de conscribendis copiis, equitum bis mille, sex mille peditum, in speciem defensandis finibus. reipsa ut reipublicam occuparent. Sed ubi de ductore agi cœptum, aliis Iohannem Nassavium, Hohenloium aliis laudantibus, nec inveniendi stipendii expedita ratio, longa deliberatio tempus adversariis firmandæ potentiæ dedit. Hæc atque alia non magis metuendos Batavis Mendosæ paratus quam suspectos Germaniæ fecerant. Trahebat ille Hispanorum centurias duas & sexaginta, Italicorum novemdecim, Hibernicas duas, tum e Germanis cohortes quatuor denarum aut ultra centuriarum, totidem e Wallonibus, Burgundicam unam: quorum omnis numerus peditum ad viginti millia ferebatur. Lancearii Epirotæ turmas sex, Hispani duas, Belgæ item duas fecerant: quinque alias tubi minores plerique e

Bel-



Belgis, & octo majores ex Hispanis Italisque, equites omnes haud multo supra bis mille. Nam cæteri ad turmas duodecim circum Brabantos adversus improvisa præsidium relinquebantur. Multo a tempore haud majores Regiæ copię, quatum speciem famamque ingens calorum lixarumque turba, & carrorum mille septies strepitus geminabat: nunquam certe lætior sub Hispanis Belgicæ facies fuit. Quippe tanta mole armorum levata oppida agrique, præcipue quæ Gallis adfita, longis e malis respirabant. Etiam hostis procul alio versus securitati fiduciam addiderat. Exercitum omnem secundus a Mendosa, per invalidam Mansfeldii senectam, regebat Fridericus Herembergensis, castrorum præfecti vocabulo. Mosam Trajecto equites, diversi Venloa ac Rurimunda alii transiere. Inde Iuliacorum per terras Agrippinensesque & alia Germanici nominis, lato itinere, nec ullo inter inermes populos metu: Rheni ripam petebant. Præmissus Barlota dux frequens, rebus audaciam aut celeritatem poscentibus, quantum pontonum cymbarumque in anne reperit, unum in locum Bonnam inter & Coloniam compellit. & traductis illac octingentis suorum, machinisque levioribus (colubros quos vocant) duabus, naves Batavorum præsidium agitantibus Bercam usque fugat. Ita pluribus militum assumentis vacuo flumine & ulteriore ripa potitur. Gravi interim & licentioso agmine pacatos populos premens Mendosa, quorum querelas effugere non poterat, injuriis moderari aspernabatur. Nam & multorum passim conscientia aderat, nec ignarum divulsam discordemque Germaniam, & veteris armorum gloriæ

riæ defuetam : ipsi animus tantum Principi fidus, dumque iusta perageret, externæ famæ & sine viribus odii contemtor. Haud absurdum fuerit, quando nos res ipsa huc locorum duxit, eas nationes, quæ proxime Batavos Rhenum obsident, sub Principum aut Episcoporum dominatu Imperii jamdudum Tenuisci partes sitisque ordinem perscribere. Vetera certe nomina cum recentibus contendere speciosius quam verius possem : nam & prisci auctores parum introspecta Germania haud eadem memoravere : turbata mox omnia crebris gentium inter se migrationibus : tum obscuritatem auxere secuti interpretes, antiquam famam ad suæ quisque gentis decora trahendo. Hoc ferme asseram, supra Batavos, qui extra insulam Gallicæ oræ proxima tenuerunt, quod Rhenum inter & Mosam patet, & pauca trans utrumque flumen loca silvoso quondam ac palustri solo, priscas Menapiorum sedes fuisse, a quibus Eburones cognatæque his nationes, unde primum Germanorum est nomen, Tungri dicti, posterius Mosellam & Treviros, notum amnem & populum attingebant. Tergum Nervii cum clientibus suis Scaldi amne, quem ultra Morini, & Arduenna saltu complectebantur, qui nunc fines Belgicani, quæ sub Ducibus Burgundionibus fuit, a Francorum regno determinant. Sed postquam Vbios e regione, quæ Treviros contra est, in partem alteram Agrippa traduxit, aut transgressos ultro in fidem accepit, præsertim addita ab ejus nepte Romanorum colonia, & in his proxima Guberni incubuere, Menapiorum nomen obsolevit, nisi quod pulsus ad interiora cultoribus cis Mosam ac Vahalum primum, serius Scaldin inter

ter ac Morinos confedisse non inanibus conjecturis videri potest. Ex eo omnis hic tractus, a Batavis ultra Treviros Maguntiacum usque Romanis infessus praesidiis, Germaniae partim inferioris, partim superioris nomen accepit, quia Transrhenana incolis origo, quod sermonis indicio nunc quoque noscitur. Praetexebantur hac flumini vada, Grinnes, Batavodurum, Arenacum, quae cuncta Gallica in ripa fuere, contra quam plerisque error persuasit: inde Burinatum, Trajana colonia & Vetera Batavico, quondam bello nobilitata, Asciburgumque & Calo, quo loco fuerint, per conjecturas quaeritur. Novesium, coloniam Agrippinam, Bonnam, Antannacum & Confluentem monstrant servata in hunc diem nomina. Posteris temporibus omnem hanc regionem & superiores alias, Austrasiae vocabulo, quod pars ea Galliae in Orientem vergeret, Franci tenuere, novorum plerisque in partibus nominum auctores. Quos ubi suae discordiae attriverant, Imperatores Teutisci, Principibus aut populis plus potestatis aut libertatis largiendo, jus summum in se traxere. Itaque nunc eam Geldriae partem, quae infernae Bataviae titulo appellata urbem habet Noviomagum, Clivii cisrhenani excipiunt. His se inserit, indeque longe ripam occupat Episcopi territorium, cui sedes Agrippinensis colonia. Clivios ambit alia Geldrorum portio, quam olim qui regebant, Tutores vocabantur, ubi Geldra oppidum, & ex eo toti genti coalitae appellatio. Retro Gugernos coluisse vetus descriptio persuadet, & in hunc diem Goga vicus. Agrippinensium in tergo Iuliaci, urbi satis antiquae cognomines, eodem nunc cum Cliviis pri-

principes, olim cum Geldris communes habuerunt. Interiores adhuc ad Mosam Leodici cum Limburgo, Luxemburgi Mosellam & Treviros adeunt. Treviris & Leodico Episcopi imperant, cætera Belgicæ accensentur. At ulteriore Rheni ripa, quæ vetus Teutiscorum sedes & magna Germania, ententibus primi olim Frisii occurrebant, qui parte sui, qua Minores dicebantur, Caninesates in Batavorum insula populum prosequentes, altera circumfusi immensos lacus & Flævi æstuaria, inde Amasium usque Oceano prætendebantur. His impositi Bructeri majores eodem amne tenus, & jam contra Menapios reliquæ Sicambrorum, postquam gens ipsa sponte, an vicinorum, vel Augusti armis ad Vahalim concesserat. Ad Luppiam rursus Bructeri, sed minores: quod cum flumen Veteres in Oceanum ferri crederent, recte alii Rheno misceri tradiderunt, per Isalam scilicet, cui Rheni partem Drusus miscuit. Nam Aliso quidem qua fluxerit, tam incertum est, quam illud constat, multo etiam serius nominari amnes, quorum nunc nihil comparet. Verum pulsus utrisque Bructeris, non tamen ut nomen omne abolerent, easdem mox sedes Chamavi, & supra hos Angrivarii cum Marfis tenuere, qui tergum Chattuariis & Dulgabinis cludebantur. Proximi, non eo quo nunc ad Isalam dicuntur loco, Tubantes: & qui ex adverso Agrippinenses spectabant Tencteri: quos propter Vbi quondam fuere. Sed his traductis subiere ad Rhenum Alemanni, Gallicum genus, longius a ripa Catti quos inter & Oceanum ingens spatium Cauchi implebant. Frisiorum a littore ad Albim continui: sed medius Visurgis majoribus

& minoribus erat discrimen. Cauchis cohærebant ad mare Saxones, inde Cimbri Albim ultra. Quo transito, Visurgim longius ab mari si repetas, Cherusci tangebant Cauchos, Angrivarios, Cattsos, quos circum Suevi plurimis nationibus utramque Albis ripam & Hercyniæ Silvæ immensa retro spatia obtinebant, Germanorum diu valentissimi, ita ut & Rheno propiora colentes populos sæpe dimoverint. Sed per tempora & bellorum vices vix unquam constitit his regionibus sua facies. Nam ut Cauchorum maritima Frisiis cecidisse ex appellatione, qua nunc utimur, credibile est, ita interiora, quæ multorum, quos diximus, fuerant a Francis occupata planum est, aliunde advecta gens, seu diversæ nationes studio libertatis in foedus ac nomen compositæ fuerunt. His primum in Germaniæ remotiora, deinde in Galliam digressis res Saxonum viguere, qui & cis Albim rerum potiti, interdum & Rheno tenus, occidentum hoc latus Westfaliam dixerunt. Singularum nationum hæc summa est. Geldros Velavo nomine (sunt qui olim Marsacos dictos putent) Rhenus ad Italiam effundit, quos contiguos Transisalanos alibi descripsimus. Tubantes hic vetus populi nomen, nec a Tencteris Tarantii abludunt, sunt & in Comitatu Herenbergensi, qui Zutfanicæ regionis pars est, & Sicambrici nominis restant vestigia, ut & Bructerorum, quos Boructuarios vocavit ætas serior, passim palustribus locis. Quæ etsi doctis ingeniis placuisse video, tamen haud dissimulandum est, quod ex superiori demonstratione apparet, plerisque nationibus longe diffitas fuisse sedes, nisi validiorum armis huc redactas per ambages conjectare libeat, Zutfa-

niis

niis sub ipsum insulæ Batavæ fastigium Clivii adherent Transrhenani: sequentem in ripa montem, qui dicitur, Ducatum longo tractu Marcæ Comitatus ambit, cuncta eodem sub imperio. Inde minores sunt principatus, quos inter Nassavia Lonam ad amnem Treveris obvertitur, vel numerosa prole a se oriundæ gentis, vel latitudine memoranda. Transisalanis ad mare Frisii succedunt, quod nomen nunc & ultra Amasium durat, factum ab Ermdanis initio, quæ tertium Oldenburgii ambiunt. Sequitur Visurgim intra & Albim Bremensis Episcopi ditio: post quos Holsati, pars quidem Germaniæ, sed qui Ducatu insignes, ut Iutiæ Danorum provinciæ proximi, ita principes in sui parte agnoscunt quos nunc reges Dani. Interiora hunc in modum se habent. Clivos & Marcenses Monasterium tegit, terra urbi cognominis sub Episcopi dominatu. propius Transisalanos Benthemiorum est Comitatus, inde velut acclive iter Lingano & Teclenburgio solo, quæ sub Comitum jure sunt, per Osnaburgum antistiti, Dupholdiam Comiti parentem, Oldenburgii terminant. Alter ordo Comitatus tres habet, Lupium ad amnem similis vocabuli, Ravenspergium, qui nunc Clivii est principis, & Lemgovium: post quos Mindensis Episcopi territorium Visurgi finitur. Hactenus Vestfalia: quam supra Waldecensis Comitatus, & longius Hassia sub Landgravio ad Rhenum, Paterbornensis Episcopus ad Visurgim accedit, non hic Agrippinensem, ut quos ante diximus, sed Maguntiaci Pontificem pro Metropolita agnoscens. Iam si ad Palatinatum Rheni, Francones, Thuringios & Brunovices veniendum sit, non idoneis

neis moræ causis rerum ordinem interrumpere. Iurâ pacis in Orfæo primum violata sunt. Oppidum id Bercam supra Rheno imminet e ripa citiore Cliviorum, qui non obscura loci opportunitate munire quondam aggressi, vix jactis fundamentis, sumtu & diffidiis inter se omiserant. Et Batavis quo minus occuparent perficerentque infantiæ metus obstitit. At dux Hispanus, ubi pro oppido constiterat, ejusque rectores vim contra de jure differunt, portarum obices securi ipse parat incidere. Simul alii scallas curribus detractas mœnibus admovebant, cum paventes oppidani pandunt aditus. Arcem servabat genus militis semipaganum, non tam rapinarum quam belli experts, quos cæteri irrisu ornatus vilioris, nec ut ipsi longinquarum avium plumis versicoloribus capita insignitos, inde gallipinnios vocant. Hos inanem in speciem moras necentes Mendosa, carnificem & laqueum ostentans, coëgit descendere. Traducta Rhenum cohorte, quam Buquoius Comes Belgæ regebat, & Hispanicis duabus, deinde equitatus parte ferme altera, eodem tempore Orfæum, quanquam id quintum intra diem migraturus Mendosa promiserat, & vicus ex adverso jacens Mulsenum nomine permuniri jubentur: dimissis per avia lignatoribus, qui longe quamvis distita arboribus nudantes, nec ædificiis aggressum abstinebant. Id tum præsidii satis ad transitum annis firmandum videbatur, quo consilio postea decessum est. Quædum geruntur & Fredericus circumscita Germaniæ lustrans, ubique ut subditis imperat, aut minatur ut hostibus, vis ac ferocia Hispanici exercitus multum terrorem non inermi tantum populo, sed & fœdera-

deratorum vulgo rumoribus belli assueto intulit, ita ut extimis diffideret, intimis timeret. Ei pavori obviam princeps iturus, primos ad nuntios evocato milite, qui locis interioribus degebat, Scoto maxime Angloque, cui pars etiam præsidii Brilensis & Flissingani accesserat, Arnhemum venit: eodem equitatus, & ducente Wilhelmo Frisiorum cohortes properavere. Naves, quæ bello idonea subveherent, adversantibus ventis tardius enitebantur. Ipse mox Gravewartam invisens, inde Zutfanienſis territorii & Transifalanis oppidis, queis ab hoste metus & spes ulla defenſandi militem partitur. Sed cætera minores per duces cognita. Dosiburgum & Doticomum, qua prius e Germania accessus ad Ifalam in dextra insulæ Batavorum patet, ipse inspecturus cum equite proficiscitur. Obviam illic amitam habuit Herembergensiū matrem. Ea cum egregio filiarum comitatu post salutem peractam, per jura sanguinis suamque fortunam, quæ sola proximas necessitudines bello distractas, & alia in parte fratrem, alia maritum vidisset, orabat ut quantum belli ratio permitteret, possessionibus suis parceretur. Ita Herenbergæ (Zutfanix oppidum est, unde familiæ nomen) demta munimenta, detractum præsidium, eodemque exemplo oppida alia & arces victori non dubie cessura, interim paci traduntur. Tum Castrorum de sede haud diu consultatur: nam cum Bercam circummetari intutum appareret, ne interpositus hostis commeatu focusque oppidis imparem exercitum abscinderet, exignam insulam dextro adjacentem Batavorum lateri, non longe infra amnis divortium, Geldrica quæ dicitur, tenere placuit, nec minus



ripam Transrhenanam qua se Clivica ditio in-  
sinuans oppido Sevenaria jus Zutanicum finit.  
Vtrinque compositæ naves pontis in morem,  
queis commode tormenta & equites transirent.  
Et quando coactum unam in partem periculum  
metus alios sustulerat, evocantur Ostenda &  
Noviomago, Hollandiæque & Zelandiæ exti-  
mis milites, supplendis copiis quas præsidia ex-  
hauserant. Hos adduxit Hohenloius, ejusdem  
insignis opera fuit, cum Transilanas urbes cir-  
cumfuso jam hoste machinis, quæque alia ar-  
cendo eminus oppugnatori, instruere juberetur.  
Tum Princeps ad cuncta imminentium ordinan-  
da necessarium ratus, explorare quid sibi virium  
in armis foret, censu acto comperit equites ad  
mille & quingentos, peditum vix sex millia ad-  
esse, aperto certamini minorem turbam, sed ubi  
ingenio ducis temporisque & loci præsidio ju-  
varetur, arcendo hosti satis, & pro occasioni-  
bus ausuram. Igitur intellecto per captivos  
commeatus Mendosæ Geldra oppido adventare,  
retro cum turmis primoribusque castrorum ad  
Mosam properat, spe intercipiendi Venloam  
inter & Orsæum hostilis præsidii: sed flumine  
transito patuit suspectas Hispanis vitatasque  
fraudes: ita irriti sistunt cohortes suorum sub-  
sequi iussas. Certatum & in annibus pauco-  
rum perfugarum insigni ante alios audacia, qui  
navem longam Batavorum Rhesam propter ex-  
cubantem ipsi vectoria allati, tanquam vi for-  
tuita impingerentur, telis obruerunt. Creverat  
interim novo copiarum adventu Hispani exer-  
citus: sed ipsa multitudo sibi oneri erat, dum  
large quamvis devectos Colonia vicinisque op-  
pidis commeatus multitudo exhaurit, nec ma-  
gis

etiam annonæ quam stipendii penuria ca-  
 re facit : cui subvenit direptio agrorum  
 omneque Montense per solum , quæque alia  
 ania Rheno prætexuntur, præcipua in eos  
 a qui Romanam religionem averfari cre-  
 dentur. Initium id prædarum fuit , & miles  
 gena, seu rustica juvenus injuriæ resisteret,  
 & promiscuæ cædis. Nec ea tamen licentia  
 ni qui vit obsequium militis , qui modo ara-  
 ens , sæpe velut otii & imbellis sanguinis  
 æsus in duces aut socios iram vertebat : ita  
 Walones & Hispanos subito tumultu arma-  
 centes vix Mendosæ interventus dirimeret ,  
 usque prætorium propter fierent cædes , &  
 nturiones suo a milite spoliarentur. Ipsi quin-  
 am procures invidia aut consiliis diffidebant.  
 udovicus Velascus machinis præpositus Mau-  
 tium imparem virium loco pellere, dein quan-  
 um Isalam & Rhenum interpater , ac longius  
 pla Batavorum viscera penetrare magnificum  
 patrandaque belli ferebat: Hereimbergensis dex-  
 tro itinere tutiores aditus & Amasium usque  
 nulla vi obvia promptam possessionem , aut belli  
 veluti arenam perpetuo hostis damno ostentans  
 regionis peritia nitebatur , qua & Transama-  
 siani Comitum filius vocari creditus , id tempus  
 in castris agens. Quorum omnium gnarus prin-  
 ceptis captis e literis & transfugarum indicio ,  
 Emdanam civitatem periculi monuit , suis ipse  
 firmandis pervigil. Graves quotidie querelæ ad  
 aulam Cliviam ferebantur , principibus facien-  
 dæ Hispano invidiæ Orfænsibus , qui mæsto  
 ejulatu orabant rectores Mendosam pro se de-  
 præcarentur , non jam ut securis & sua obtinen-  
 tibus otium permetteretur, quæ debita quanquam

sibi olim socordia perissent, relinquere se penates, deferere agros, ac cedere ultro validioribus, tantum conjuges parvosque natos educere avitis mœnibus liceret, ne velut infim Hispanorum mancipia operibus faciendis, perque ludibria & contumelias foede vexarentur. Vbi aliter non possent libertatem sibi recte vel exilio constitutam. Quæ segniter accepta inter conscios aut mitiora sperantes. Nam quibus præcipua auctoritas, infensi Protestantibus, ultro adversum dissentientes vim Hispanicam advocasse insimulabantur. Simpliciores iter Rheno quæsitum volebant, & brevi transitorias injurias, quæ interim bellantium more excusarentur: nec usui, minora mala ulciscendo majora iritare: brevi flagraturum unius belli incendio terrarum Orbem, si ad quasque offensas vicini arma raperent, & partibus miscerentur. Huc accesserant ipsius Alberti literæ, qui Sibyllæ Ducis forori humane responderat, necessitatem deprecans, & aliqua in præsens incommoda, unde in posterum, domitis utriusque rebellibus, securitatem Clivio principi secum communem fore. Sed gravescentibus in dies criminibus, jussa nobilitas præfectique & civitatum legati Cliviam in urbem convenire. Ducis vanum nomen, qui ne morbus recrudesceret, sua atque aliena mala pariter celabatur. At Sibylla prudentiæ virilis femina, modo universos, modo singulos obtestata, non de Principis vectigalibus augendis, non de finibus disceptari, suam ipsorum libertatem & animam in dubio esse: quare expergiscerentur, &, dum tempus remedii superesset, in commune consulerent, sæpe & lachrymis suborientibus misericordia audientes impleverat. Victis igitur

igitur diffidiis decretum, ut, primis urbium tumultuario milite firmatis, auxilia undique concirentur. Germania est omnis divisa in pagos decem, quos Circulos ipsi vocant: supernos quinque: totidem infernos. Primus inferorum tres antistites eisdemque septemviro, & sub eorum fide tres liberas civitates, Maguntiacum, Trevirumque & Agrippinensium colonias: Palatinumque principem & hunc e Septemviris: exinde minores alios complectitur. Alter est Westfalix, quem ante descripsimus, in quo principes Clivius, Transamasius, Valdecensis, & Episcopi complures. Tertius & quartus Saxonum: in illo, qui Misniam & Lusatiam comprehendit, Dux ipse Saxonix & Marchio Brandeburgicus Septemviri: Duces Pomoranus, Anhaltinus, pluresque Principes: civitates aliquot: in hoc supremi Antistites Bremenfis, Magdeburgensis, minores quinque: Duces Holsatus, Brunovix, Megalopolites, Luniburgicus: civitates ad mare Balticum complures. In ultimo, cui Burgundico nomen, Vefontinus præsul censetur: atque huic olim Belgas suos Carolus adscripserat. Singulis pagis dilectus præest, qui cum adfessoribus minora transigat, in majora concilium indicat. Westfalix eo tempore curam obtinebat Simon Luppiæ Comes, quem tum Clivii oravere Orsæum uti a Mendosa reposceret, ac ni pareretur inferorum pagorum quinque legationes Dortmundum evocaret: atque interim retento milite, qui in Pannoniam mittebatur, tributoque Turcico internum periculum longinquo præverteret. Nec eo segnius missi qui Imperatorem precibus fatigaret, quique accolæ Rheni Episcopos & Palati-

num Hessuūque & Brunovicem metu irrepentis ad ipsos mali in curæ societatem pertraherent : & Agrippinenses dehortarentur , quominus alimenta Hispanis mittendo communem ruinam prorogarent. Alii Mauritium adiri iussi, gratiis, actis, quod hactenus quanto posset minimo finitimorum damno bellum gerere instituisset , orant ita pergeret hostium scelera solida virtute convincere, neu mala invitis illata, quæ sibi ad misericordiam proficere deberent , in iram verteret : sed auctores injuriæ potius quam invalidæ gentis patientiam ulcisceretur. Quod gratum ipsi Ordinibusque, præsertim quia olim læpius optatum tunc prope sperabatur, ut frustra invocatis legibus , auctaque per impunitatem Hispani libidine , Germani secum arma sociarent. Dictum igitur anno ante octavo cuncta se, quæ Germanico in solo tenebant, tradidisse, promisso fore ut Hispani idem facere, ni precibus darent , armis compellerentur. Quod cum non evenisset , modestiæque damnum , injuriæ præmia adessent , usque adeo ut ipse Albertus , tantorum nunc facinorum auctor , hæres Imperii a multis destinaretur , circumscripta toties bonitate aliquomodo coactum se iri paria hostibus commoda præ verborum inanibus optare. At si ea quæ prædicta sæpe, experti tandem Germani intelligerent , post tot hostilia ab Hispanis patrata nunquam justius subverti ingruentem dominationem , mortuoque Philippo vetere regnandi , exercitu inope ac discordi relicto, nunquam oportunius arma consanguineis cum populis jungi potuisse. At Mendosa ad se missis , usum ita ferre cum aliter comprimi perduelles non possent, nec aliud respondet juris in

tantum contemtor, ut quæ in Clivios pro Austriacis dici vetera novaque obtentui poterant conquirere dedignaretur. Hispani interim mala in dies graviora, dum aliis inferunt, ipsi patiebantur. Nam & cis Rhenum continuo raptu consumptæ fruges, pulsi agricolæ, cæsa materia, nudum velut ex hostili incendio solum late reliquerant, nec solitum castra subsidium sequebatur, spoliatis aliquoties commeatuum subvectoribus, hinc fames & mox crebra diffugia: nec clam tantum aut singuli dilabebantur: sed eodem die plures centuriæ instituto procul ad Mosellam cursu missum qui retraheret equitem, ut se dimitteret, inanu coëgere. Auxerat penuriam, quod incitatus flatu ventorum suoque impetu Rhenus in naves quæ pontis usum præbuerant, seu fabrorum per inscitiam rupta compages riparum commercia absciderat. Eo incommodo admonitus Mendosa obsidium Bercæ, de quo disceptatum hæctenus, certo decrevit, quoniam insula illic claustra fluminis, firmusque transitus, & cætera ad tempus non sine infamia retinebantur, illa honestius mansura possessio jure victoriæ: quo magis mirari subit, ultra mensem dilatam hanc curam invalido hoste & longe absito, ni justior in illis partibus moræ species quæsitæ est. Invitabat etiam occasio, quia Bercam Ordines sæpius interpellati, nec ut alienam reddiderant, nec munierant ut suam. Ineunte anno Boioarus Agrippinensium & alibi Antistes, restitutionis postulata per Ioannem Nassavium Ioannis filium iteraverat, officiosis verbis æquitatem suam testatus. Impensarum obtentum, quo se Ordines tuebantur, ita refellebat, ut diceret primos urbis occupatores ipsos

fuisse & Hispanos ad exemplum secutos tamen aliquoties decessus fidem fecisse, sed interposita mora tandem obsidione præventos: quod si damna & armorum sumtus reposcerentur, at nulla esse justiora quam quibus suum quisque vindicaret: quare si pro Hoia recepta ipse nihil imputare permetteretur, quanto iniquius alieni belli rationibus suum nomen interventurum? Simul demonstrabat locum tutantibus oneri, nec hosti necessarium fore, cum flumen alia commodius transfiretur. Quod præcipue movit Fœderatos, ut per singulas nationes acto concilio longinqua intervalla, penuriam militis muniendi laborem expenderent: Et quanquam de impensis non ultra pertendebatur, placuit tamen e redditione oppidi prope desperati plus aliquid quam gratiam sperare. Respondere igitur, sæpe compertum, quod ipsi amicis gratificarentur hosti in prædam cedere: haud injuria igitur se stipulatos nihil invasurum hostem Germanicos intra fines, neu quicquam facturum, quo Rheni commeatus gravarentur: quæ contra si fieret, damnum Boioarus & alii ad Rhenum Electores sarcirent. Ille vicissim æquiores condiciones rogans, ubi pene convenerat, haud ultra institit, velut conscius paratæ ab Hispano ultionis, quem ad alia etiam cum Germanis Principibus sibi controversâ accivisse suspectabatur. Batavos quoque tutandi oppidi cura non ante periculum subiit. Igitur circumfuso jam Rhenum hostis exercitu, munire serum, præterque mala, quæ caveri potuerant, inopinum aliud accesserat. Namque exorta pestilentia intra exiguum loci spatium facili contagio & insigniori strage grassabatur. Causam mali crediderim

inso-

insolitam eo tempore Rheni siccitatem, qua nudatus alveus crassius vaporibus cælum, alias quoque autumnii vitio corruptum, infecerat. Inde in plebem sparsum virus ut quemque invaserat, ipso humanitatis commercio vulgabatur. At milites præsidio relictæ, quæ nec victus æque nec habitatio suppetebat, ex multo ampliori numero vix sexcenti valentes supererant: nec magis corpora ea lue, quam animi spectaculo frangebantur. Præfectus loco Scaius nomine, & ipse morbo cubans, acceptis a Mendosa literis, hoc tantum rescripserat, intempestive deditiois mentionem fieri, cum Ordines Agrippinensium Antistiti super reddendo oppido conditiones nuper tulissent. Ea responsi modestia Hispanus, in spem temerariam perfidiæ adductus, alteris nuntiis præmia ipsi uxotique offerebat. Tres interim centurias princeps, quia venti fluminis usum abstulerant, missas aliquoties, & ex itinere revocatas postquam irriti conatus negligentem hostem fecerant, subito pedestri itinere iussit ire, tuendæ insulæ, quæ juxta est, nec nisi per ultimam necessitatem morbidæ intra oppidum turbæ immisceri. Infirma erant insulæ munimenta: & perficere aggressos hostis prævenit, postquam machinas convexerat, tenue vallum globis undique penetrans: simul eques, qua languidior amnis, vado irrupit: ac jam cominus periculum imminebat, cum jussu præfecti tractus miles dispositis ex oppidi vallo machinis & jaculatoribus, quorum præsidio postremi quoque illasi Bercam intravere, secreta ignium fomenta relinquentes, quibus tuguria corrumperebatur. Inter hæc Mendosa, ne qua vis hostibus obsidium interromperet, jacentia infra Bercam



cam Clivici juris oppida præfidiis occupat. ultro pleraque cessere. Habitatores Burici primum ausos belli violentiæ nomen inane pacis opponere, mox immistum portæ incendium imperiis subegit. Alpæ etiam & Murssæ impositus miles, quanquam hanc Nienarii, illam Palatini quondam uxores nunc viduæ obtinebant, fide nuper ab Alberto accepta ne res armis obnoxia forent: quod tum pluribus accidit, nihil valentibus pactis, cum jura omnia intercidissent. Nubilum cœlum juvit oppugnantes, quo celerius tribus locis Bercam accederent. Necdum ad fossam pervenerant: jam positæ machinæ ex insula foloque continuo percussione minabantur: quo tempore Alfonsus Avalesi equitatum regens, eique tum obsidio impositus, mittit in ore militari caduceatorem. Oppidanorum consilium, ut potestas rogaretur mittendæ ad Episcopum legationis, ceu confessionem timoris, improbat miles, fortia hosti respondens, etiam hoc indignatus quod, tanquam majore cura inferior, præfecto vincendus delegaretur. Facto in exterius propugnaculum impetu dejecti Hispani, eo cruentiores, quod nulla præmunitione contentum irruerant. Sed ubi verberari lorica cæperat, dictu mirum, turris ad flumen spectans, in qua machinarii pulveris suffectura in longum copia servabatur, micante flamma ac subito fragore, velut fulmine icta, dissiliit. Qui causam inquisivere referunt, globi hostilis attritu lapides aut ferream subscudem scintillasse, unde ardorem nitrum conceperat. Eo incendio cœlum omne pestilentia purgatum; sed graviora mala successerant. Nam icta proxima ædium prostrata: aliquot mortales ruina elisi: pars aggre-

is disiecta, quantum vix multis machinis actum foret: ac ni munimentum in morem lunulæ tam in regionem prominens conspectum hostibus & vis inopina usum animi ademisset, penetratum vi fuerat, ante repugnandi aut deprecandi consilia. Nam ad illos quoque pervenerant magnæ lapidum moles non sine astantium pernitie: etiam semihora post cuncta sparsa albedine & commoto Rheno navigia periclitabantur. Intra oppidum vero, ubi in se cuique redire vacuum fuit, horribilem adhuc sonum attonitæ aures circumferebant, oculos quoque peremta aut lacera corpora fœdo visu turbabant. at quoties labefacta munimenta, absumtoque pulvere, quicquid restabat discriminis id manibus suis relictum cogitabant, non jam consilio, ac ne imperio quidem regebantur. Nam Lucas Heddingius, ad quem morte Scaffi delatum regimen, jacebat inter alios illapsa mole oppressus. Ægre formidinem dissimulantibus animis in tempore accidit, ut vitam hostis offerret, pacto tantum ne quatuor intra menses militarent, quanquam haud ignarus parum sibi ad victoriam restare: tanto his benignior, fideique retinentior, in quos iusta arma habebat, quam quos amicos appellabat. Eam gratiam Avaleus retulisse creditur, memor Cuodsenburgico prælio captivum se quondam & in Batavis liberaliter habitum. Quinto die peractum obsidium: & Mauritius spe dejectus, qua longas propinqua hyeme hostilis impetus moras præceperat, non reperit tamen quod accusaret, præter repentis fortunæ multiplices casus, & suas copias extra finium propugnationem nihil sibi permittentes. Quæ dum geruntur, pars altera Hispa-

Hispanici exercitus, quæ Rhenum transgressa contra Orsæum confederat, inutili fastu aspernata redemptionis pretium, Zutfaniorum ultima & Transifalanos agros furtiva populatione incurfabat, levi in ipsos damno, sed per interjacentes illa Germanos rapaci nec incruento itinere. Plurima sævitiae edita exempla infestis per vim oppidis atque arcibus, quæ flumina inter Luppian & Ruram jacent. Sed promiscuas in vulgus cædes unum facinus & viri claritate & flagitiorum multitudine obscurat. Viricus erat Falcosteinus Comes terræ Bruquix (Bructerorum eam fuisse olim vox ferme persuadet) religione cum Batavis sentiens, & solitus in concilio suæ gentis Hispanicæ factioni liberas voces opponere. Habebat is secum milites centum, agrestes aliquanto plures, tutamen infirmæ arcis, qui rapinas Hispanicas metu sui, interdum cædibus coercerant. Iussus igitur satellitum dedere, cum Germanicas leges invocans abnueret, misso ad obsidium Lopesio & longius quam pro viribus certato, ultima prævenit, pactus vitam sibi ac suis, fortunasque salvas: quas majores vero fama vulgaverat, quod ipsi ad causas exitii accessit. Nam contra fidem arx direpta, abducta uxor, præsidium obtruncatum, ipse in custodia habitus, ibique detentus aliquot per dies invitatur ut cælo liberiore frui velit. Mandatum ejus interimendi Petrus Agajus acceperat, sed ita ut in casum cædes referri posset. Ibat per humum manantem militis sui sanguine, cum secuti custodum specie mortis exactores hastili percussum, inde ferro transadigunt: & qui familiarium comitabantur, idem fatum subiere. Vulgato rei ordine, expectatæ ad ultionem

tionem Comitum necessitudines, atque ipsa populi indignatio acrior fuit, quam ut consilium Iuliacense eam rem silentio transmitteret. Cui Mendosa tam negligenter respondit, ut satis haberet iussum negare, quod impunitum patiebatur. Addiderat nec sine cælesti numine evenisse, ut jure belli caderet, qui publico seditionis atque impietatis crimine jamdudum perire debuisset, multum incusata viri contumacia, inter crimina & hoc numerans, quod ad latinas suas literas Germanice ignaro ejus sermonis, velut per contemptum, respondisset: tum, si quid gravius interdum accideret, patientiam ipsis commendabat, sine qua nec se parem regendæ multitudini, inopia & injuriis concitata. Verborum ludibria res sequebantur. Clarissimum Transrhenanæ regionis oppidum est Vesalia, mercatura & Belgicis artibus celebre, quas sæviente religionum crimine frequentes illinc convenæ invexerant. Ea civitas sub Hispano judice suam præ cæteris gravem causam existimans, honore legatione, & donis prævenire ducis animum instituerat, quo ille intellecto, non eum se respondit, qui induci posset, quod factum esset opus id quo minus perageret, aut qui bonis bene facere nisi munerum persuasum nesciret: at non aliam sui demerendi rationem, quam si sacris publicisque rebus vera ac pristina facies redderetur: eum sibi aspectum pulcherrimum magni muneris instar fore. Quæ ideo dicta, quia Vesalenses jussi sæpius a consilio ducis Romanos ritus intra incerta admittere præfracte abnuerant. Mox cum, transiturus Rhenum omni cum exercitu, Hispanus ingens equitis ac peditis præsidium recipi juberet, quod jam Burica in proximo

mo fecerat, caverique insuper nihil per hostium arina istis in partibus novatum iri, intellectum facile discrimen: quippe obsequium mutationem status secum trahebat, ac si renuerent, milles licentiosus prædæque avidus vix jam ab oppugnanda urbe continebatur. Quæsita igitur apud ducem placamenta, vitataque in præsens ira, præbito frumento stipendioque centies mille Thalerorum, quæ summa non collato tributo publico ex ærario soluta est: orta que de nummi pretio cives inter & militem contentio pene periculum renovasset, ni rectores concitatos utrinque animos temperassent. Hac pecunia, & si quid præterea vicinis ex oppidis contractum aut Bruxella advenerat, persuasus est a Mendosa exercitus, ut, quod abnuerat hactenus, relictis aliquot in citeriore ripa præsidiis trans Rhenum se duci pateretur. Inde Luppian transiere, ponte quem Vesaliensibus faciendum imperaverant firmo ac solido. Nam quem cannabinis ex fascibus vinctisque materia lateribus imposuerat scaphis novis jactans se artifex, ut pleraque talia in speciem blandientia usus respuit, singulis quippe pervium, pluribus simul ancipitem oneris inæqualitate. Ibi ex Velasci sententia potius visum ad Isalam penetraro, quam procul finibus nec certo com meatu ingruentem hyemem, & soli Frisii uligines experiri. In ipso itinere exactæ a Monasteriensibus pecuniæ bellicque instrumenta: quos Fœderati Ordines contra monuere, ne quid a se pacatum exspectarent, si hostis ipsorum studiis aut ignavia increaseret. Resa inde & Emmericum adjacentia Rheno oppida per metum præsidia acceperere, cui Mendosa numerum primo non  
admo-

admodum gravem præfinivit, tanta famæ irreverentia, ut immisiss pluribus, continuo violaret, quod in ipsius potestate fuerat omnino non promittere. Resæ oppidani potestatem exeundi oratam non impetravere. At Germanus centurio, quem quadringentis cum militibus Emmericum urbem intrare jussum Mendosa sacramento adegerat, ne quos ultra admitteret, missum haud inulto post cum cohorte Barlotam fortiter exclusit, palam professus, etiam sub infido duce fidem sibi constituram. Molestum tantum sui contemptum ferebat civitas Romani cultus retinentissima, & quæ suadentibus Iesuitis advocandi eas in partes Hispani potissima auctor privatim innoxium sibi bellum pepigerat. Cujus promissi testes literas Mendosæ ipsius manu signatas cum missus ex urbe sacerdos, velut exprobrando, ostenderet, non aliud responsi tulit, quam ad religionem resque regias provehendas tantam casuum varietatem non posse iisdem semper consiliis gubernari. Tum ille: Nec igitur posthac, inquit, mirabimur rebellem Batavum omnes vobiscum condiciones averfari, ut qui, cuncta vestris utilitatibus mentientes, fas ac jura etiam hostibus servanda in amicos abrumpatis, hæc quidem facinora & studia hominum infesta & Deum insuper ultorem habent. Nec tamen hac libertate Hispanus movebatur, quin continuo Isaliburgum, oppidum interius ad Isalam veterem situm, civium cæde irrumperet. Inter quæ princeps ut hosti ad se adventanti viam auferret, jubet ire navi fossores, qui aggere Emmericum propter (Hetteræ loco nomen est) inciso Rhenum tunc forte tumidiorem planis superfunderent. Iamque proxima

ma stagnare cœperant, cum superveniunt Hispani, relictumque sub Hohenloio præsidium primo glandibus adorti, advectis deinde in aggerem machinis loco pellunt: ita clausi hiatus simul ultro flumina sidere. Quod cum fefellisset, Mauritius necessarium ratus loca Clivici juris, quibus hætenus pepercerat, hosti propinquo præripere (quippe is ad montem, cui Altenensi nomen, confederat) Sevenariam, oppidum ea in parte, quam cum exercitu ipse tuebatur, tradi sibi jubet, acribus in præfectum minis, ut sibi negantem quod hosti permetteretur. Eundem in modum occupantur ejusdem ditionis alia, sed insulam intra Batavorum sita, mutatus olim annium cursus, seu principum pactiones terminos confundere: Hussa scilicet oppidum, & arx Lobecensis, ubi Clivicum vectigal exercebatur, quem locum Herispichi nomine & impio dolo, quo Gothofridum Normannica e gente Frisiis dominantem Carolus Crassus interemit, ejus ætatis auctores insignant. At Mendosa Mauritanas ex contiguo artes timens, severo imperio militem continebat: totos decem dies noctesque aperto sub cœlo stetit agmen: nulla nisi intra ordinem & in armis & humi quies. Ita frigore & insomnia, ac postremo, quia consumptæ circum fruges, nec ad rapinas dilabi licebat, fame gravissima fatigabantur. Instructissimus erat peditatus æmulis inter se nationibus: sed nocebat mos inveteratus partibus regiis, ut præcipuum robur in equite ponerent, qui tum fractus malis aut metu imbellis & alios fiducia nudabat. Pauci sæpe Nassovianorum ter tantas hostium manus perculere: equorum ingens præda: etiam viri gregis ritu agebantur, ita ut

tadio

radio & onere captivorum, cum plerique ex-  
 tendæ famis avidi in potestatem non inviti ve-  
 nirent, nec redimerentur, edictum fuerit, ne  
 quis ultra vivum hominem caperet. Omni-  
 adeo hoc tempore quo circa Rhenum bellum  
 hæsit, cum Princeps, modico interdum comitatu,  
 Ordines hostium propter speculabundus adfiste-  
 ret, aut edito loco panderet aciem, modo &  
 missis suorum primoribus equestres concursus  
 proliceret, nusquam Hispanus aut castrorum  
 quietem turbavit, aut ullis certaminum se pri-  
 mordiis implicari passus est. Erat nimirum du-  
 cis prudentia parum fidere animis, licentia non  
 minus, quam egestate corruptis, sed hæc ipsa  
 pavorem militis alebat: & ni minima etiam  
 pericula Batavi rebus suis semper maxima æsti-  
 massent, erat in tantas copias egregia audendi  
 occasio. Cum vero, omissa Rheni ripa, jam  
 recta Isalam petere conspiciebantur, Mauritius  
 relicto circa principium agri Batavi præsidio  
 cum navibus adversus subita, & ut hosti com-  
 meatus faceret arctiores, ac firmatis quæ circum-  
 minus valida, pontes, machinas, vimq; omnem  
 armorum Dosiburgum rapit: quod juris Zutfa-  
 nici oppidum ductæ Arnhemio fossæ, Drusi quæ  
 vetus esse creditur, Isalam venientem e Westfa-  
 lis amnem affundit. Hoc loco aditum illi in  
 Velaviam obstructurus ad ipsum confluentem  
 castra vallo munit, quod altum pedes octo, in  
 latitudinem infra quadraginta, in summo qua-  
 tuor & viginti patebat, ad senos præterea pedes  
 eminente lorica, circumducta vallo fossa: sed  
 & interior altera, præter muniendi morem, re-  
 linquebatur, quæ accelerando operi propin-  
 quum aggerem subministraret. Quæ dum fiunt,  
 Men-



Mendosa, Doticomum ditionis ejusdem oppidum, quod horæ itinere Dosiburgum ducit, machinis verberabat, jamque tertium intra diem inhærebat fossæ, non denuntiatione ulla, ut ritus belli hætenus habebat, sed periculo quam minis obsessos territans, & certus primo quoque sanguine ad exemplum abuti. Frederici Herembergensis precibus effectum creditur ut deditio admitteretur, exarmatis militibus, trecenti qui erant, jussisque sex per menses bello extra Hollandiam Zelandiamque absistere. Data & oppidanis incolumitas, qui continuam viginti annorum fidem eo primum tempore mutare cogebantur. Hac una, post Bercam, tam tenui victoria cursus Regii exercitus stetit, agnito errore, quod non abrupta prius mora Dosiburgum irruisset, cessurum protinus, ni Mauritius accepto tempore se illuc suasque artes tulisset. Nec tantis copiis dignum aliud aggredi, aut anni tempestas, aut victus temporumque ratio permittebat, aucta hucusque inedia, ut quinque intra dies, panem sibi non gustatum crebri perfugæ affirmarent, vulgatisque cum fame aut fræda per alimenta morbis amplius septem millia hominum consumpta. Re ad Andream perlata, redditisque mandatis consilium suscipitur atrox, hyemandi in Germania cum omni exercitu. Multa sæpe Hispani improbe atque inverecunde fecerant: sed vix ante judicia hominum ita contempsere, ut non obtentu aliquo sua facinora velarent: hanc vero consilio publico tam aperte illatam injuriam hoc unum excusaverit, quod neminem esse tam innocentem arbitrati sunt, quem non perire potius quam res suas in discrimen adduci oporteret. Nam illud quidem constat,

t, si tot cohortes alæque, aut verius tanta se-  
 nioforum colluvies egestate accensa, in Bel-  
 cam incubuisset, novo cum maxime imperio,  
 tera defectionum exempla metuenda fuisse.  
 retro igitur ducens Mendosa Sculenburgo arce  
 it fanici juris in deditiorem coacta, foedera-  
 rum finibus agmen extulit. Abeuntis vestigia  
 inceptis sequebatur, nullo ante suorum operum,  
 tam tunc defensa patria, gloriosior, quam lau-  
 rim magni sæpe duces ante triumphos & mu-  
 les coronas posuere. Iuvabat inspicere vacuas  
 strorum sedes, & rudia hostium munimenta.  
 ad triste spectaculum ægri faucisque magno  
 numero strati jacebant, quos ab exercitu deser-  
 s injuriæ cœli rerumque omnium inopia af-  
 fectabat. Hostis victu refecit, quorum sui non  
 iserebantur. Nam & Octaiola quem Dotico-  
 i Mendosa reliquerat, a caduceatore princi-  
 s appellatus ut miseros tecto juvaret, militari-  
 r magis, quam humane respondit, valentibus  
 intaxat vegetisque corporibus ista intra mœnia  
 cum esse. Post equestria aliquot prælia prospe-  
 e pugnata, Ludovici maxime Nassavii ductu,  
 aptumque Comitem Buquoium, Mauritius  
 rnheimi confedit, belli in annum sequentem  
 aratus eo contrahens, nec minus providus, ut  
 ictus & arma periclitantibus circum oppidis  
 appeterent. Ac priusquam copias omnes solve-  
 et, comperto Emmericanam civitatem imperia  
 hispanica post experimentum impatientes ferre,  
 lohenoium mittit, ut præsidium vi machina-  
 um exigeret, Mendosaque tum Rhesæ in pro-  
 inquo hibernabat, nequicquam ferre suis auxi-  
 ium cupiente, quia perfossus Rheni agger iti-  
 era inundaverat. Nec tamen placuit vacuæ

urbi præsidium imponere suo juri, suisque consiliis relinquebatur, ut istud etiam exemplum hosti invidiam augetet. Eadem spe Sevenaria Clivii redditur. Inde Hagam profectus una cum Senatu, veteri de more, nationis cujusque Ordines monebat, majore exercitu opus: quare stipendia & extra ordinem sumtus largius ministrarent, quanto nunc hostis unam in partem gravior incumberet: rescinderentque noxias cunctationes, omnes alias necessitates post unam habentes. Eodem tempore clara per istas regiones funera ducebantur. Florentius Palanteus Comes Culemburgi, inter primos olim duces conjuratæ adversus inquisitionem nobilitatis, mox cognitus impar curarum & propria ipse otii cupidine intra partes a se constitutas ignotus consenuerat. Sed notabilius privatum egerat Philippus Aldegondius, quem Arausionensi indivulsum, urbesque & populos regentem olim qui viderant, ad ultimum usque diem literata quiete reconditum mirabantur. At certe Elbertus Leoninus in umbra studiorum quondam educatus, & ante pacem Gandavensem regiarum partium minister, tunc summus Geldriæ juridicus consiliis publicis immoriebatur, homo natura consecutus, quo veterum magistrorum præcepta nituntur, ut affectu pene omni vacaret, adeo quidem, ut partes quoque non studio ullo, sed quia sic invenerat, sequeretur. Mirum dictu, quibus interim flagitiis Germaniam excuerint Mendosæ arma, nullo jam discrimine irruptis oppidis, queis vetusta pacis fiducia vim resistendi ademerat. Eodem plebs rustica concesserant, perfugii spe, sed congestis opibus faciliorem raptoribus prædam facturi. Satis ipso

trans-

transitu agri vastabantur, indicta & in sequentem annum sterilitate, quippe eo tempore attriti quo semina solo inferri debuerant. Non minus foeda arcium direptio, quas viri nobiles tenebant, Hispanicarum plerique partium ante hæc scelera fautores. Primus in Monasterienses, sineinque Bentheimi impetus fuit: qui cum alendis copiis non sufficerent, Reclinhusa Luppiam inter Ruramque ad Agrippinensis Episcopi territorium pertinens adjicitur, urbem ubi Dorstam Velascus machinis rituque bellico oppugnatam cepit, ferente has contumelias Antistite Boioaro, cujus silentium subditi pro arcano in se federe interpretabantur. Hinc ad Montenses Marcensesque & longius processit malum, donec in Cliviorum utraque ripa consedit, multisque illuc urbibus oppressis, quas adventantium violentia intactas reliquerat. Aliæ, in quibus Clivia agri principis sedes, venali misericordia transiisse. Tantumque prædæ fuit, ut gregarii quotidie milites ingentes pecunias Antverpiam trajiciendas Agrippinensibus mercatoribus numerarent. Avaritiam fastus, & hunc quoque sævitia onerabat: nam contempta victus frugalitate, quæ istis populis avita est, longinquas dapes, & cuncta luxuriæ instrumenta ignarissimis hominibus imperabant. Quod si quis obsequio tardior aut divitias condere videbatur, aderant verbera & tormenta, truncati artus, incisa cutis; fuere & qui vivi ustularentur: quin & gravidarum mulierum & infantium pœnis terror quæsitus. Cujus immanitatis & cædum innumera exempla Germani ex testium fide publicarunt. Nec minus constabat, totos Deo sacratarum virginum cætus nobilesque domos

stupris pollutas : tam effera militum libidine ut nec immaturæ ætatis miserescerent , & cum uxorum pudicitia illuderetur , adhibiti sint spectaculo mariti , quin & matres coactæ filias producere. Hæc populi pacem profitentis facinora , quæ nullus unquam victor jure belli defenderit , vix credibile est quam segniter ac remisse tulerit gens sæpe gentium domitrix , ab omni certe ævo flagrantissimæ libertatis. Sed , præter altum otium quod ferocissimos quoque animos emollit , sparsi in multos imperii istud vitium sentiebatur , quod ipsi conventus tarde , at studia , æmulatione potentium , multo difficilius coibant. Ita optandum maxime Hispano , nec sine ejus opera , concilium ex concilio trahabatur : vix interim auso quoquam , dum publica moles armorum cunctatur , suis sibi viribus injuriam arcere , nisi quod Oldenburgi Comes , Bremensisque & Osnabrugensis Antistites & Ioannes Nassavius longius siti minas ad se usque penetrantes fiducia tumultuarii militis contempsere : quorum exempla deinde ulteriores tutius sequebantur. At pro Cliviis & proximis Westfalorum preces & literæ pugnabant : Carolo Nutzelio maxime , quem rebus Cliviæ ordinandis oratorem Imperator miserat , detestante perfidiam , dedecusque Austriacæ domus , cum sub Philippî Albertique auspiciis , contra naturæ hominumque leges , contra pacta , Romanæ religionis vindices tam contumeliose insultarentur. Paria Dux Lotharingus loquebatur , qui tum filia principi Clivio in matrimonium data filio sororem Regis Galliæ ducente , nec deserturus necessitudines suas , nec ipse deserendus ostentabat. At a Rodolfo natura cunctatore

ore & jam metu an tristitia in secretum abdito,  
 t non nisi per literas nosceretur, quanquam &  
 Westfali & ab his impulsī Principes quotquot  
 l Rhenum colunt, quotidie non tam ipsum  
 iam ministros, quibus ille sui arbitrium per-  
 iserat, fatigabant, præter legationes & verba  
 hil expressum. Ad quæ Albertus tum Mediola-  
 agens & Bruxellæ Andreas causam malorum  
 num, cum ipsis belli initiis & pacis ad id  
 que tempus mora, rebellibus assignantes, quæ-  
 unquē exprobrabantur flagitia, ubi inficiari  
 on possent, brevem necessitatem vocabant.  
 solentior Mendosa, qui se Regi suo militan-  
 n, quominus herili imperio pareret, negabat  
 agnorum nominum sono, aut trucibus minis,  
 t ulla re alia quam armis posse depelli: addi-  
 , si quid Cæsari, si quid Germaniæ in viribus  
 s fiduciæ esset, eas tum usurpandas fuisse cum  
 ona, cum Bercā milite Batavo tenerentur.  
 pe cunctis se Lutheranis hostem, ac nimium  
 i inultæ impietatis exactorem eas in terras  
 initus missum per vaniloquentiam jactabat.  
 n quatuor exiguo minus menses Hispanica  
 na per Germaniam volitantia viderant, cum  
 o anni exitu decretum ab Imperatore ad  
 endosam, alterum ad Foederatos venit. illi  
 urnera objectabantur: his, quod pauca ad  
 ieni divortium loca Clivici juris occupassent,  
 irrupta Monasterii ditione sacerdotes egis-  
 t captivos: tamen utrique jussi Germanici  
 perii solo decedere, rapinas ac damna repa-  
 e, solvere captos, alieno in posterum absti-  
 e, eadem poenarum sanctione, velut in paria  
 cantes.

HUGONIS GROTII  
HISTORIARUM  
DE REBUS  
BELGICIS  
LIBER OCTAVVS.



Bduruerat quotidianis querelis in tantum Hispani animus, ut per ipsos dies, quibus ab Imperatoris feciali, legatisque Lotharingis coram accusabatur, Calcarem Clivicam urbem Romanæ religionis, quæ juris sui, an hyemis præsidio, receptare militem abnuerat, tormentis verberatam, portæ per ruinas non sine sanguine irrumperet. Goga quoque, ditionis ejusdem, tormentis subacta est. Gennepa & Xantemo permissis incussum terrorem pecunia redimere. Lutheranismi & Calvinismi odium tam pertinaciter jactabat, ut Patelbornensi Episcopo aliisque imperaret purgare terras noxio vulgo: ni facerent, venturos milites, qui nec vitæ fontium, nec cæterorum fortunis parcerent. Formidolosum id imprimis Vesalien-sibus, qui Romanos ritus restituere jubebantur, consilio Ducis Clivici jus principum usurpante, quorum per Germanicas leges de religionis usu liberrimum arbitrium est. Fœderati certe Ordines senatoribus ostenderant, rem esse indignam,

dignam, ad nutus barbaræ gentis, quæ omnem pietatis sensum factis a se abdicaret, sacra publico jure firmata his eripi, qui a parentibus ea tradita accepissent: hortati & civitatem ne in Dei causa vim hominum nimium pertimescerent: quin fortia caperent consilia adversus procellam brevi spatio evanescentem: se quidem nec communium sacrorum, nec hospitalis beneficii immemores fore. Sed metus propinquus, spes remotæ animos subegerant. oratoque frustra ut templa partiri liceret, exactis qui fuerant ministris, ædes ludique literarii Iesuitis, imprimis illic inviso hominum generi, patuere. Coriblando Garzadore episcopo Osigerdensi, qui nuntii nomine res Pontificis per inferiorem Germaniam agebat, solennes lustrationes peragente, aspergi humum, ipsos suggestus velut impietatis reos flagellari, dein longas Missæ ceremonias, apta ostentui omnia, plebs urbana, simplicioribus sacris quinquaginta per annos assueta, pars indignabundi, pars non sine risu respicere. Sacerdotes in magna templorum solitudine, populus suos ritus tantum requirens, quantum alienos detestabatur, infesti mutuo suspectique egerunt, per omne id tempus quo Hispanorum copiarum fines obsidebant: iis postea digressis, simul qui eorum vi nitebantur excessere, civitas libertatem & mores recepit. Iam inclinantibus in ultionem Germaniæ consiliis, Mendosa, quam prætulerat hætenus ex usu Regis fore, si vincendi bellum inciperent, & se juris *Quiritium* inscientem militari agere malle, re ipsa conscius non duplicandos hostes, exploratis per homines idoneos principum & auctoritate præstantium studiis, quæ ipsis vincula, quis fœde-



rum modus, neque muneribus neque aliis artibus abstinebat, ut coëuntes distraheret. Tandemque operæ pretium visum est conquirere, qui causam tam deploratam verborum præsiidiis fulcirent. Scio ego miraturum non neminem, quid tum ab ipsis vel in speciem afferri potuerit. Quare ea quæ legati Andrææ apud conventum Rheni accolarum, Agrippinensium in solo, dixere, quam potero brevissime referam. Hi postquam diu eorum, ad quos venerant, nomina & mandata contra morem legatorum querendo tempus extraxerant, tandem velut impulsæ ad subitariam defensionem, dolere sibi ajunt, quod veræ religionis inimici, rebellium fautores, principum aures ac publicos conventus falsis aut invidiosis vocibus implerent, quasi nefas esset communi causæ orbis Christiani, quam rex Hispanus defenderet, pauca in singulos incommoda condonare. Nam non regis libidine sumpta hæc arma, sed coërcendis prædonibus, qui, contempto Dei hominumque imperio, ex scelere jus facerent. Vbi tunc istos conventus & Germaniæ conscriptionem, & horribile decreti carmen, cum Arausionensis bello perfido unum, exemplo principes omnes peteret? armatas a Deo potestates, ut malis undique nascentibus occurrant, justas sæpe neglecti muneris pœnas dedisse: at ipsos non alienas tantum dissimulasse injurias, verum & suas, cum vastarentur agri juris Germanici, castella atque urbes tenerentur a rebellibus impune. Non habituros obrectatores, quod tam acerbe exagitarent, si sui officii memores Germani, quibus arbitris Hispanus conciliari toties noluisset, perpetuos pacis hostes coëgissent semel arma ponere, nunquam sine

finito.

initorum damno exercita. Quid enim non datum a rege patre aut filio tranquillitati Christianæ, qui, vitandæ omni invidiæ, alienata ab Æ Belgica, æstatem proximam, magni exercitus domini, spe sola concordia trivissent, donec nilitem cum hyeme inopia opprimeret, quippe effuso honestissime ærario, ad Galliam bello & præsidii liberandam? Tum quoque, quanta potuisset, adhibitam diligentiam disciplinæ: cuius quam difficilis esset cura, sensurum, si quis Mendosæ in id onus succederet. Nullum in loca ipsorum infessa jus victoriæ intendi. Hospitium & brevem custodiam quæsitæ: eoque directu præsidia disposita, ut Batavorum excursus obnoxia regiones undique præmunirentur. Quæ militum delicta providentiam ducis aut poenam effugissent, exigua, si quis cum Caroli imperatoris Philippi beneficiis componeret: reniniscerentur & fœderum. Quomodo enim liberi sibi dicerent in hoc bello neutras partes equi, principes, episcopi, civitates, non tantum veteres Burgundionum focii, sed quos Carolus ad propugnandam communi ope Romanam religionem sibi obstrinxisset? Quoties eo nomine denuntiationes a præfectis regis interpositas? Quoties Clivios appellatos, ne contra Venloas pactiones fugitivis receptum, hostibus transitum darent? Ipsorum civibus, armis, comineau aucta hostium scelera, cum tamen Parmensis Buricum redderet, contra Resam castellum diceret, quietem ipsis in bello permetteret, dummodo Gravewarta insula Batavo auferretur. Ne hic quidem obtemperatum: idque constare regi Transrhenanæ possessionis jactura, cui proinde longius iter quærendum fuerit, ad sua re-

petenda, quid tum si non sine aliquo illorum damno, quorum id culpa evenerat? Multo etiam iniquius facturum Colonix episcopum, si Monasteriensium aut aliorum querimoniis nimium moveretur? potius, quod pontifex ullus Agrippinensibus, quod sacra adhuc essent, agendas Philippo gratias, qui impium bellum inovente Truxio, contra decreta Germaniæ, nemine Germanorum contra eunte, quibusdam vero etiam principum hinc quærentibus grassandi in sacerdotes, rebus suis post Boioari preces habitis, Novesium ipsi, mox Bonnæ armis reddidisset, testato salvas sibi impensas esse debere. Bercam quoque ereptam rebellibus &, dum alibi Albertus occupatur, amissam: ac nuper, dum spes fuisset ante vim reddendæ domino urbis, honori ipsius diu donata agendi tempora. Hæc si expenderent, melius sibi consulturos, quam tenuium malorum improvida miseratione majora iritando, & quorum sero poeniteret. Si pax turbaretur, concitorum capitibus impendere ultionem: Regem, Archiduces, Mendosam extra crimen fore. Non multum his dissimilia dixeré qui ad Imperatorem & principes singulos mitigandos mittebantur, promisso ante Aprilis exitum decessurum militem. Fœderati ordines sæpe frustra expertis legationibus in id tempus abstinuere, permittendum Hispano rati, ut quam liberrime fureret, & Germaniæ, ut sua sponte moveretur. Defensiones tamen sparsere, indignati quod ii, qui res repetitum venerant, ipsos hostibus velut ex æquo componerent: memorantes loca a se reddita, ab Hispanis retenta, finitimorum offensas quæsitæ ipsis, sibi toleratas, a Clivicis motibus ad Truxianum bellum repe-

epetita origine. Suam æquitatem, cum Emda  
on ita dudum, Emmerico nuper cederent, ini-  
antibus multis restatam. Objici locum unum  
ut alterum hosti imminenti necessario ante-  
aptum, quasi non & civium interfuisset servari  
ontra non evitanda alias Hispanorum flagitia,  
modesto milite, & cui nec stipendia, nec disci-  
lina deficeret: addi pauca excursorum delicta,  
uæ, ut fit, notitiam & ultionem effugerint. At  
on publico ductu importatum alienos in fines  
exercitum, non seditiones lucro deputatas, non  
opulorum nihil ad se pertinentium religioni  
morem impositum. Pollicitum & curaturos se  
e Gravewarta, ne Geldri arbitros recusarent.  
accessere quæ aut causam ipsorum plausibilem,  
ut Hispanum avaritiæ falso pictatis nomine  
elatae suspectum facerent, dicta alibi, neque  
ic repetenda. Finis erat: ne genus hominum  
rville liberis nationibus insultare diutius pate-  
rentur. Deliberantibus ad Rheni & Mosellæ  
onfluentes quinque pagis, tarde belli consilia  
rocedebant. nec deerant qui cum Batavis gna-  
is armorum sociandas vires jam tum judica-  
rent. Sed plures sua recipere satis habentes,  
ongiori bello aperire Germaniam recusabant,  
artim invidiam & offensas Imperatoris, vim-  
ue potentiorum adeo nonnullis expavescenti-  
us, ut, cum de acceptis injuriis loquendum  
set, regis & gentis Hispanicæ nomen anxie  
itarent. Sed & nec Ordines ipsi multum la-  
orabant, miscere sibi socios, quorum ex dissi-  
iis adversa, aut ex secundis pacis legem acci-  
erent. Præcipui maturandæ expeditionis aucto-  
es erant, Palatinus Septemvir, Hessus & Bru-  
ovix, suis auspiciis & copiis, quas satis magnas

tota hyeme conscripserant, rem aggressuri, ni inter ipsos ortum certamen, Hesso & Brunovice de summo belli imperio contendentibus, cum Palatinus quietis patiens interiorem tutelam & publicorum conventuum curam sibi deposceret. Vti ea dissensione e Westfalico pago Romanenses plerique, & quibus nihil æque invisum atque arma Protestantium principum, tributum trimestre, æquale ei quod in Turcam datur, offerendo, ut præses suus dux belli renunciaretur, effecere, æquum dictantes, & moribus Germanicis consonum, qui vim passi, quorumque in solo bellum administraretur, ipsis in auxilia regimen concedi. Hyemem hanc, bis gelatis amnibus, sollicitam Fœderati, attamen innoxiam egere, dum divisis Mauritius & Wilhelmus copiis, ille Cissalana ex Arnhemmo curat, hic ulterioribus custodiendis ad Meppelam confidet, intercurstantibus nunciis. Detectæ in Bredam, Noviomagum, Daventriam insidiæ, curam cuncta tuendi & impendia auxere. Mauritianus miles plus semel in hostem victor, etiam suspendio necatos a Iuliacensibus milites præsidii cujusdam cæde & rapinis pensavit, pessimo militiæ more, qui juris publici neglectu privatam centurionibus ultionem permittit. Enimericum, quod oppidum a Mauritio liberatum diximus, rursus Hispanis, qui sub exitum Februarii machinas advexerant, pavore magistratuum deditur, cum civi militique non deesset animus, insuper tam difficili per aquarum incrementa aditu ut scaphis inducti intraverint. Ibidem mox, sublapsam columna fatifcente Iesuitarum ædem, erant qui ad prodigia referrent. Sed & Buquoius Comes præsidium illic regens capitur ipse,

ipse, dum prædabundam manum calidius persequitur insidias illapsus, quas Ludovicus Nassavius paraverat: ut ferme per id tempus crebrioribus quam gravibus damnis res regiæ deterebantur. Nam vere appetente diversis locis fusus eques: venit in potestatem Paulus Æmilius Martinengus: captis comitibus Fredericus Herembergensis vix periculum evasit: portus Antverpiensis perruptum præsidium, avecta præda: & in oceano deprehensa navis Hamburgo arma in Hispaniam ferens. Pecunia nondum supererat. Trecenta ducatorum millia gravibus sub usuris a mercatoribus accepta, quo maxime urgentibus succurreretur. Ita Antverpia & Lira mutatis præfidiis metu exemptæ: inde metu dilapsi, & qui restiterant, protrusi edicto e finibus in Germanorum manus passim inciderunt, ubi quicquid aliis peccatum erat, ipsi luerent, publici odii victimæ: Gandavi, quia modestius egerat miles, mansit. Sed Bercam transiit seditio, eadem ex causa, totoque anno exagitavit. Dilectibus quoque per Italiam Germaniamque audita penuria moram objecit: quin & crebra ad Batavos transfugia, qui stipendium recens auxerant. His ut malis occurrerent Andreas & Mendosa, simulque parte promissi Germanos lenirent, principio Aprilis ver nacti siccum & maturius quam isti cœlo solitum, ita ut jam pecudes pastum agerentur, jubent abductum hybernæ exercitum, erat is millium quindecim, utraque ripa descendere. Emmerici tamen & Resæ præsidium relinquere locorum commoditas suavit, ut & Gennepæ ad Mosam, cæteræ civitates coactæ militi testimonium probe ac modeste actæ hyemis præbere, non negligente

interim Mendosa pro tam longi hospitii gratuito usu partem de stipendio militi deducere. Inter eundem ferme consumto mense, medio flumine contra Gravewartam utrinque confedit exercitus. Non sine spe expugnandi Mendosa suaferat, maximo haud dubie fructu, si evenisset: sed contra nitente Ricardoto, quasi fieri non posset, quod Parmensis frustra tentasset, Andreas Boninellianæ insulæ irruptionem prætulerat, ejusque consilii occultandi ac retinendi hostis hic labor simulabatur. At Mauritius vix alias magis inquietos dies, noctes quoque insomnes habuit, cum & notis armorum sociis & justis viribus destitutum curæ innumeræ distraherent: nam primi ducum Wilhelmus apud Frisios suspectis Emdæ rebus, Verius in Anglia detinebatur, alii per Germaniam, concitores belli illic & ministri aberant. Necdum adveniant cohortes externæ, quas adversus vim hostilem gravius incubituram Ordines diversis partibus conscribi iimperaverant. Quatuor penes semillia habebat, quibus Isalæ transitum, quibus Rheni læva ac dextra, supera atque infera defenderet. Igitur recepta Lovecenſi arce locisque aliis, quæ nuper Cliviis reddiderat, Geldrica rursus insula sedit, manentibus prioris anni munimentis & hosti intactis: pars copiarum ipsam Batavorum insulam tenebat, eo consilio, ut quamcunque urbem aut castellum Mendosa impeteret, ipse averſum latus & opere minus firmum armis prætexeret. quamobrem speculæ ripsis, pontes omnibus impositi, quo facilius indicia atque auxilia cominearent. Mox Gravewartam auctam prius præsidio, quod tenue fuerat, adversus hostium utrinque tela, lorica instruit:

struit: inque amnem palorum duo cornua protendit, sistendis ratibus, quæ jussu Mendosæ apud Coloniam paratæ dicebantur. Machinarum ictus, explorato situ e tunulo trans flumen ea arte directi, ut, plurimis suorum discerptis, cogeretur hostis partem castrorum subinde transponere: cum interim & equestris e Noviomago excursus fatigare: neque deesse in divisi exercitus partem alteram justæ victoriæ occasionem, sed paucos secum qui exsequi possent, Mauritijs fatebatur non sine acri doloris sensu. Monebatur ut Bommelæ caveret per exploratores & captivos: sed metuebat ne, se digresso, alia penetraret hostis, qui falsis variisque conatibus incerta fecerat omnia, etiam speculares ignes suos ad usus trahens. Inter tot ambigua nihil visum tutius quam manere, cunctaque itineri expedita habere, onerare currus, equos curules neque nocte ullos, neque de die cunctos sejungere. Multas maximasque non immerito oportunitates ex Bommelia insula Hispani sperabant, primorum illic annium claustris, & in hostilis agri intima non uno transitu. Rhenum qua Vahalais dicitur olim quoque Mosæ admixtum in Oceanum fluxisse, Romanis scriptoribus abunde demonstratur. Sed media tempora crebris diluviis, nondum ea quæ nunc est aggerum cura, quantas mutationes attulerint, dici non potest, cum nec ita dudum alia fluxisse Mosam patrum monumenta, & trans Hæsdam veteris alvei nomen testetur. Nunc quidem ita se res habet. Quæ pars Geldriæ subter Clivios inter utrunque flumen procurrat, Mosivahalia incolis ex re appellata, sensim tenuatur, & ad confluentes finit, qui Vorenâ insulam brevi intervallo bis aquis per-



permixtis constituunt : unde discreti rursus amnes , cursum quisque suum persequitur , servato vocabulo , donec iterum coeunt , amplexi justam insulam , Geldrici nunc juris , cujus caput Harvarda vicus , finis arx Lovestenum. Nomen oppidi ab insula Bommela , quam medio ferme sui Vahalis allabatur. ea civitas Albanicis temporibus inter primas exuerat servitutem. inde cum Hollandis arcta ipsis societas , quod invicem munimento essent. Non longe Harvarda proximant amnium flexus , rursumque aperitur insula Rossemum in vicum , Martini Rossemiensis ortu nobilem , qui imperante Carolo populabunda manu Belgicam , & mutatis partibus Galliam penetravit , hinc longe diversi fluunt. Sed ambitiosior Mosa & Brabantorum agris largius indulgens in austros abit , qua Sylvarumducis aspicit correcto cursu , ubi Crepicordium inter munimentum arcemque intra insulam , quam Helium vocant medius transiit , Hollandico deinceps solo excipitur , ac modico sui divortio Hemertam insulam circumductus , Hæsdæque mœnia attingens , cætera integer conficit. Spem invadendi hæc loca Hispanis auxerant diversi indices missi Alpina ad juga , qui nives solito minores modica amnium incrementa promittere , consensu renuntiabant : partibus , non agmine ire visum , ut quam diutissime ad Gravewartam castrorum imago hostem moraretur. Sapenæ igitur , qui Gennepæ , velut tutandos ad com meatus , hæserat , hætenus additi subito Barlotta & Stanleius , cum suis cohortibus Hispanica ; Walonica , Hiberna , & Henrico Herembergensi ductore equites quadringenti primi descendunt , Vorenam , si indulgen-

gentius custodiretur, subito aggressuri. Sed vi-  
 o id frustra fore, propter subliterunt, donec  
 Sylvaducis adjunctæ curribus lintres adventarent.  
 Nam pulsa machinis (nam attraxerant aliquas)  
 Batavorum nave quæ flumen illic servabat, non  
 procul Rossemo Mosam transgressi, fuso hoste  
 qui per aggeres obequitabat, & quod juxta pe-  
 litis non auso oblistere, Bommeliensem insulam  
 penetrant, modo hac, modo illac palabundi,  
 dum mandata, aut copias majores opperiun-  
 tur, ipsique duces æquali potestate, dum offen-  
 sas minus, Andreas magis, quam bello expedie-  
 bat, inter se dissident, in pulcherrima occasione  
 agendorum incerti. Et alias & tum raro Dei in  
 Batavos beneficio constitit, plerumque circa  
 spes ingentes & propinquas consilia hominum  
 deficere. Namque urbs Bommela, maximum  
 belli momentum, ad impetum nuda ferrie jacc-  
 bat, veteribus munimentis arctis atque invali-  
 dis, & novis, quæ triennio cœpta, nondum per-  
 fectis, dum Ordines in multa operum distracti  
 derogationibus parcunt, & partem imprimis ho-  
 sti adversam aqua restagnans & uligo soli mo-  
 ratur. His Princeps auditis, citato quanquam  
 itinere, non ante secundum ab hostium transitu  
 diem, sed antequam illi Vahalidis ripam occu-  
 passent, in urbem pervenit, perculsisque pericu-  
 lo civibus & fugam parantibus animos restituit.  
 Nam quanquam & Hemertam insulam & si-  
 quid alibi suspectum, cura sua & milite firma-  
 bat, Bommeliæ tamen præcipue intentus, plu-  
 rimum ipse adesse, augere præsidia, opera urge-  
 re. Monstrataque est eo tempore egregia tuen-  
 ti urbis ratio, Principi sæpe postea, nec minus  
 hosti repetita, & mansuri perpetuo usus, quo-  
 ties

ties obsidium metuentibus miles suppetit, obviam hosti cundo promotis longe munitionibus, quæ & spatium amplius præbeant defensoris, & intima diutius periculo seponant. Propugnaculis enim quæ vallo continua, objectæ moles aliæ atque aliæ, quæ aquis & ipsæ includerentur, quicquid defensioni idoneum extremo ambitu amplectente lorica. Quæ dum prosperantur, Hispanicæ copiæ, & qui Emnerico tum primum relicto exierant, focis, qui tum forte Crepicordium castellum obsidere cœperant, supervenere. Dedito facile castello, & quæ contra castellum est arce Helio, pontem illic e navibus Mendosa Mosæ instruit, transponendo militi & comitatibus, qui abunde Sylvaducis afferebantur. Læta civitate ob hostem de vicinia pulsum, & cætera diligentius curante, quo minore offensa præsidium abnueret, etiam Andream, qui eo venerat, non nisi præfinito comitatu moenibus excipiens. Validi hostium conatus adeo Batavos non terruerant, ut majoribus, quam ante, animis opes viresque intenderent. Instituenda enim augendo ærario venditionum, litium & hæreditatum vectigalia, haud ægre tolerata. Difficilior e censu ducentesima, eoque minus duravit, quanquam mos ipse liberis populis æqualitate olim laudatus. Sed multorum opes incognitæ, aut per mercaturam incertæ, & suspecta profitentium fides obsistere. Plebem & hoc offendit, quod etiam opulentissimi, si bis mille florenos producentesima darent, ulteriori professionis onere levabantur: quod partim vitandæ invidiæ datum, partim in solatium nobilitatis, arguebant pauperiores, tanquam in paucorum gratiam exuta æqualitate.

e. Supra classem, quam in Hispaniam missam  
 uo loco memorabimus, novi e Germania di-  
 eetus & Helvetius pedes tum primum usurpari  
 ceptus. Scriptæ & leges de armaturis. Gallo-  
 um quoque cohortem bis millenariam e regno  
 iacis impatiente Lanovius conscripserat, que-  
 ente Hispano violari fœdera, cui rex Henricus  
 esponderat, nihil suo jussu fieri, nec interce-  
 lere tamen quo minus bellantium utrique bella  
 upientes Gallia deducerent, quo citius vetera  
 artium nomina exhaurirentur. Ita placere Or-  
 linibus copiarum suarum, ut e consultoribus pars ani-  
 nosi juvenia, ceteri longorum suntuum per-  
 æsi, prælium poscerent. Sed monstrabat Mau-  
 ritius posse hostem tutius eludi, & re in discri-  
 nen data leve Hispano militis damnum, apud  
 opulum etiam minora vulnerum formidolosa.  
 & aderat jam Wilhelmus prudentiæ laudator, &  
 alentibus consiliis semper averfus. Postquam  
 ergo tota vi belli Mendosa ipse ad oppidum  
 Bommeliæ venit, operibus & machinarum  
 actu certatum, nullo in rem summam malo,  
 ingulorum vaga pernitie: at in Hispanicis ca-  
 tris duo millia hominum breve intra tempus  
 absumpta: inter hos duo fratres, diu divisi &  
 gnari, quia nomen alter maternum assumerat,  
 um forte coiissent & inter sermones agniti in-  
 er se amplexus necerent, capitibus utrique ab-  
 eptis, consecuti sunt, nequid post id gaudii do-  
 erent. Similis casus in Mauritiæ castris marito  
 & uxori simul cubantibus mortem somno con-  
 tinuavit. Equestres interdum pugnarum & excu-  
 us, & omnia non obsidio quam adversis ca-  
 tris similiora. Tandem retrogresso ad Rosse-  
 um Mendosa, Mauritius quoque, firmato  
 quan-

quantum satis oppido, cui supra infraque pontes addiderat duos Vahali transeundo, copias per insulam Vorenain, quam novis operibus in exemplum pulcherrimæmunitionis erigebat, totaque Vahalispripaexterioredisponit. Affiduo pulsu, quanto mœnia incuti solent, transitum illac in Tilanum, qui trans Vahalim, agrum urgebat Hispanus, renitente Ernesto, cui ea regio obvenerat, atque parva Vahalispripa, quæ prope Rossenum, pertinaciter hærente. Nec princeps sua tutari satis habens, partem oppugnandi ultro suscipit, primumque trans Mosam, quod ripæ Brabantiaeproxi-mum Vorenain respicit, subito levique opere insideri jubet, ut agentem illic hostium equitatum, qui com-meatibus ac pabulis præsidebat, excursibus laceggeret. Mox ex eventu ausus majora, summo mane gnaros talium cum trecentis militibus jubet penetrare insulam Bommeli-am, eo in loco, quo Harwardam esse diximus, lunæque in speciem defigere palos, inde quantum maxime properari poterat, integere humo. Spatium id erat quod sex milia hominum caperet. Simulque opus & copiam ignaro primum hoste crescebant: tantumque fiduciaesuperfuit, ut coram princeps ipse inspectatum advenerit. Temporis mora, dum consulitur Mendosa, dum alternant consilia, favit audaci cœpto. Certe jam humani corporis altitudinem bis vallo æquaverant, cum inumbrante vespera, duce Sapena, lectus miles Hispanus Italusque, ad bis mille, acrem impetum facit, ira simul & religione incensus: quippe monachi crucis insignia præferebant, cæsi captique inter primos. Erant quos animi ardor vallum ultra evectos impulerat coram manus miscere.

pro-

propugnantium pares spiritus, sed consilio regebantur: status integer, certi ictus, jactusque. Lanovius Gallos, Anglos Horatius Verius, Scotos Edmundus voce exemploque incitabant. Sed præcipue hostem fatigabant Mauritiï machinæ ex insula Vorena ipsaque Vahalîs ripâ in omne latus directæ. tandemque cessit, multa suorum cadavera trahens. Sunt qui septingentis non minus cæsos tradiderunt, inæquali certamine, cum circiter decem e defensoribus desiderarentur. Inter peremptos centuriones Paciottus fuit, captivus nuper & reparandæ ad gloriæ occasionem intrepidus. Processit munitio: itemque trans Mosam minores aliæ: frustra tentato impetu in eam, quam hostis juxta ad Luttam fecerat. Insigne sane castrorum specimen, per tot insulas ripasque divisus exercitus, qui navigiis annem tenentibus & quinque pontium mobili quocunque vertere libuisset opere, alternis usibus miscebatur. Nec quicquam ausus in opera Mauritiï Mendosa: sed perfuga monstrante locum acceperat Rossemum supra, ubi proxime coire fluminum flexus ante relatum est. ibi consilium secutus, quod jam olim ceperat Carolus Mansfeldius, tunc vero repetierat Carolus Coloma Tribunus, idem qui has res summo cum judicio ac fide posteritati tradidit, pars ipse earum haud minima, justum ex humo castellum moliebatur, quod ab Andreæ nomine vocitatum, hinc Mosæ inde Vahali incumbens, aqua terraque iter præcluderet. Ita insumta ætas, relictoque præsidio is unus tanto labori fructus superfuit: reliquus miles per Brabantiam sparsus ad licentiam rediit. Worchemum Hollandiæ oppidum Barlota nocturno astu quin caperet haud longe absuit:

abfuit : sed cum in ipso agendi loco consilium traxisset, excitus a speculatore civis minimo antevertit ad portam procurrere. Quæ dum acribus studiis apud Batavos geruntur, Germani interim Hispanique, hinc ignavia, inde ludibrio certabant : nec Hispanis sua virtus, quippe alios apud hostes irrita, sed Germanorum discordia tantum securitatis addiderat, ut gentem diu invictam & undique formidatam palam atque impune contemnerent. Quippe Imperatori, Episcopis, & Romanæ religionis aliis bellum nolentibus erat. Seorsim principes Brunovix, Hessus & Brandoburgicus (nam Palatinus se armis subduxerat, Maguntini & Treviri exemplum obrendens) inutilem diu militem habuere : donec æstate media circa Bercam coiere ad duo equitum, duodecim peditum millia, summa Simoni Lippio concedita, rogatu, ut diximus, Westfalorum, qui cum id impetrassent adeo promissa auxilia non misere, ut contra ab ipsa urbe Colonia petitus Hispano miles sit, & alia belli instrumenta. Dux, belli se inexpertum haud dissimulans, Hohenloio Saxonum inferiorum, Solmensi Rhenanorum, quos vocant, præfecto, qui in speciem Ordinum Fœderatorum sacramento exierant, regimen omne permittebat : nec his duobus audentia aberat, laboris quoque indefessi agitabant. Sed uterque armis quam consiliis melior perpetuo certamine rem distrahebant. miles ignarus obsequii vino atque ignaviæ deditus, & ubi pecunia non ad diem parata, promptus seditioni. Castellum quidem Hispanorum ad Bercam irrupere : multaque cæde in causam descenderant. Simul Orsæum, Emmericum, infessa præsidiis. Sed ubi ad Bercam

ven-

ventum, nulli ad obsidium aut oppugnationem paratus, extra machinas aliaque a Foederatis Ordinibus submissa velut clanculum, ne agnoscere partes viderentur, quod Imperator destitute vetuerat: quin nec comineatus exercitui supeditabantur, detrectante vicinia, quam sponte in se inclinantem Hispani legationibus crebris adibant, excusando anteaeta, & meliora pollicendo, tantumque in eo fiducia fuit, ut, circumfessa cum maxime Berca, augere praesidium Mendosa, aut militi intus tumultuanti stipendium persolvere, contemserit. Visum itaque Germanis Resam potius ducere, quo propius a Batavis alimenta, & siquid ultra usui sperarentur. Illuc Hermannus Hereinbergensis cum Andree mandatis advenit, qui, culpam suorum cum Batavis permiscens, spe quaedam loca restituendi tempus extraheret. Responsum fortiter, Ordines jam oppida ac castella complura nullis conditionibus tradidisse, nec esse quod sua facinora inaequali comparatione velarent: quaesitumque an pecuniam afferret, qua de illato damno tot populis satisfaceret: & quo pignore caveretur non eadem mala paulo post reditura, quando fides signumque Regis infirma credentibus subsidia, tot oppida capta, tot agri everfi, ostenderent. Sed verbis facta discrepabant: quippe & duces dissertando tempus terere, & miles otio magis magisque lascivius in praedas stupraque verti, & in hostem nihil, in alios omnia audere quibus ulciscendis advenerat. Ab ipso Resae praesidio nihil hostile: quin per ludibrium Germani ad pocula invitabantur: & erant qui irent, jungerent dextras, redirentque illaesi, donec privata militum collusio in publicas aliquot



quot dierum inducias mutata est. Non dubie multa magnaque Ordines Fœderati e motu Germanico speraverant : qui nulli ipsis usui : nisi quod dum tantus exercitus ignavia stupet , missus a Bommele cum turmis septem, centuriis quinquaginta Wilhelmus Dotocomum, Mendosæ captum anno priore , fossis machinisque intra diem tertium , pluvio quanquam cœlo & contra jaculantibus obsessis, in potestatem redigit. Sub idem tempus Ludovicus Nassavius cum turmis circa Graviam dimissus, insecutis hostium copiis ipse impar , ductu provido per arcta iterum , Mosamque flumen , prædam revexit. Finitis ad Resam induciis , nihil tamen promovere obsidio : nec enim duces periti earum artium. Aderant sane e Batavis fossores, sed & illi longas mercedes lentaque opera , quam brevia cum periculo malle. Vigiliarum in castris vix ulla species : ter novus in oppidum miles penetravit. Inibat autumnus, cum præmaturre facta denuntiatio more militari obsessi retento caduceatore subito in improvidos palantesque erumpunt : cædunt ferme ducentos : quin & machinas trahunt , tantoque id terrori fuit apud imbelles animos, ut non tam solveretur obsidio, quam castra turpi & vix alias audita fuga deferrentur. Relictos comineatus totasque naves, tum Hispani, tum ipsi Germani diripere , brevique disfluxit exercitus, dum partim poscunt stipendia , partim in trimestrem se militiam nec ultra auctoratos jactitant. Brunovix in multos suorum compertis flagitiis capitali supplicio animadvertit. Profugit & propter Bericam castello miles , & qui Gennepam tenebant ab Hohenloio nuper inessam , cum Hispani ultro ju-

mandam ad Resam præsidium deduxisset. Vix Dræum & Emmericum mediocri milite serabantur. Ante hanc pudendam Germaniæ lacem, actum erat sæpius, ut projecta dissimulatione fœdus palam iniretur, acciperenturque Ordinum auxilia, aut etiam Mauritio bellum experto summa traderetur. Sed non mitre Ordinibus promptum, quos suorum finium tela distinebat, præterea terror classis Hispaniæ maritima firmare compulerat, eodemque metu Angla reposcebat militem. Nec Princeps imperto per Wilhelmum, qui coram viserat, rum Germanicarum statu, avidus interveni- periculis, & accipere militem obsequii bonamque artium indocilem. Quamdiu campis ca Boimelam hostis hærebat, non ausus in berna ducere, quanquam graves impensæ Or- ces fatigabant, refotos nonnihil pecunia, am rex Galliæ submiserat. Sed ubi Mensa, jam crescente autumnno nulla re magis, um fame inorbisque suorum coactus, dimisso lite varias in partes, quo minus seditio coaceret, ipse in Germanicos fines recessit, solvit ille copias, positis primum secundum flumen nimentis, quibus eruptiones ex Andreano bello cohiberentur. Emmericum quoque ad- sus imminentem Mendosam, & oppidanos sidio insensos, immisso per noctem milite, munivit. Hæc terris gesta non interrupto ine continuavimus. ad res maris nunc præ- i tempus monet.. Alibi diximus Philippum mandî veterem Batavis inter bella commer- a Hispaniæ permisisse, sub aliarum quidem ium nominibus, sed ita, ut appareret partem lentia fuisse velle decipi: sive spes redituri

obsequiū vetuit in gentes exteras id commodum transcribere, seu, quod eventu comprobatum est, metuit populis mari valentibus, si Hispaniam clauderet, alium orbem aperire. Sed ut plerunque successoribus tædio sunt consilia, quæ non ipsi reperere, novæ rationes filium, ut pace desperata, in asperiora verterant. Constabat satis omnes Batavorum opes ex mari esse & mercatufa, & maximos ex Hispania proventus, ut quo non suas tantum merces, sed & Sarnaticas fruges aliaque deferrent, aurum præcipue aut argentum relaturi, cujus ut copia apud Indiarum dominos, ita usus ingens commercia celebrantibus: quare sublata bellandi facultate bellum sua sponte casurum sperabatur. Conquisiti comprehensique per Hispaniam nautæ, pars per supplicia excruciat, pars dati in carcerem aut reinos. Per Belgicam quoque novæ principis Isabellæ nomine proponitur edictum, multa cum insectatione Batavos regentium, qui, ut semper ante, ita nunc, mutato principatu & ab Hispania semoto, oblatam pacem repudiarent, aliosque in bella concirent, non aliunde quam ex commerciis tanta superbia, quæ parentis sui nimia indulgentia mansissent hætenus. Obstiterant multi e Brabantis Flandrisque, ne per Belgicam travectiones tollerentur, majore sibi Batavicarum mercium inopia. Sed prævaluerat ira, & spes sublevandæ ex Gallia necessitatis: quin & piscantibus, quibus arma ante pepercerant, sublata securitas. Non mediocriter ea res Foederatos commovit: quippe patebat eripi duo plebi alimenta: unde naurarum seditio, mercatorum diffugia metuebant. Nec tamen a pristinis consiliis degeneravere. Societate Anglorum didi-

lidicerant nihil esse per omne Hispani impe-  
 titum minus timendum ipsa Hispania, ut cujus  
 omne munimentum in eo reges ponerent, si nul-  
 li aliarum gentium domi otium relinqueretur:  
 & sibi vel ad continendos nautas maritimo bel-  
 lo opus: planeque gloriosum, si Hispaniæ com-  
 mercia abruptenti penuriam, quam sibi mina-  
 retur, reponerent. Ergo contrarium per edictum  
 regestis facinoribus, quæ olim in Belgis ac per  
 Germaniam nuper patrata, & quæ alia concitandæ  
 invidiæ videbantur, vetant populos quos-  
 cunque ullos comineatus resve alias in Hispani-  
 am ferre: si qui secus faxint, ut hostibus fa-  
 ventes vice hostium futuros: piscatores quoque  
 emere impunitatem ab hoste prohibiti, addito  
 sibi curæ fore tutum maris usum, & si quis dam-  
 num pateretur de agrorum hostilium præda se-  
 cuique satisfacturos. Missum ad reges gentes-  
 que edicti exemplum, ne quis incitiam excusa-  
 ret. Paruit rex Galliæ, ac si quis suorum sex in-  
 tra menses in Hispaniam navigaret, professus est,  
 privatum periculum fore: cæteri silentio trans-  
 misere. Hoc facto classem parant, contracto  
 quicquid publicæ pecuniæ aut per tributa corra-  
 di poterat: ausi rem ingentem atque ancipitem,  
 & vix unquam mediocri successu, quippe cum  
 diversa vetustatis exempla exstarent, tracto ex  
 Italia Annibale victor Carthaginis Scipio, &  
 diu Africam populatus Agathocles, contra Athe-  
 narum opes Siculis sub armis everiæ. Erat & re-  
 cens documentum undecimo ante anno gravis  
 Philippi classis, plane quasi in faris foret, expe-  
 riri per vices Batavos Hispanosque quam incerte  
 spei sint, quæ fluctibus & ventis traduntur. Ap-  
 petebat æstas, cum duce Petro Doula viro no-  
 bili,

bili, sed velut nullo generis patrocinio per longos stipendiorum gradus ad id imperii evecto, LXXIII naves altum tenuere, ferentes hominum octo millia, nautas militesque. Mandata acceperant eruere classem, quam rex Hispaniæ arborum, funium, nautarum inopia tarde inoliebatur: idque inter causas festinandi Ordinibus fuerat: adhuc Americana navigia diripere, hostilisque imperii oras populari. Magnum præ se terrorem agebat inausum ante facinus, & fugis littora desolabantur, præmissis jampridem & ex Hollandia literis, quæ venturam classem nuntiabant, ut ex captivis cognitum. Ad Corunnam hærebat cœpta Philippo classis. Assedere primo Batavi: sed illa non ausa se nudam dare sub arcis haud invalidæ tutelam confugerat: pariterque ex arce, navibus, castello, quod propter jacet, machinæ detonantes, spem oppugnandi eminens, cominus adimebant. Satis in eo visu, quod gens Oceani se dominam ferens in suis navalibus quæsitâ latebram, quam prælium maluisset. Vbi ad ostia Tagi ventum, non defuere, qui Vlyssiponis capiendæ avidi, ob gloriam prædamve, antiqua vicinorum dissidia, invisam Castellanorum dominationem, ipsam denique urbem, quod Anglorum Antoniana expeditione cognitum, ut vastam ita infirmam, & si tunc ea gens fuisset, quæ in bellum, non in prædam proficisceretur, cessuram non dubie afferebant. Contra alii tam longa pace Regi satis adversus defectiones consultum, nec expectatæ jam dudum classi spem ullam contra maximas urbes, in quas regentium curæ metusque vergerent. Turcius insulas aggredi Atlantico in Oceano Mauritanix adfitas, quas Veteres ob soli fecunditatem,

tem, five quod omne incognitum ita appellerent, fortunatas dixerunt. Vnde ortæ gentes, quæ primæ incoluerunt, ut pleraque antiqua & longinqua incertum. Iam olim cum nondum Europæ noscerentur, sermo non unus. Tenerifæ ad Afrum accedebat. Ipsi se Guanchas vocabant. Morum multa, alia Barbaris communia, ut cum Scythiis utendas dare uxores: cum Indis sororum filios habere hæredes, tanquam ex certiori sanguinis parte conjunctos, stupris vi oblati mors pœna: divortiis infamia. Sorores uxores ducere jus regibus tantum, ut apud Inchas Peruanos. Plures una, etiam privatis. Et hoc Scythicum, quod novæ maritæ virginitatem rex, aut dynasta delibabat. Dii qui passim, Sol, Luna, astra: quos super unus bene ac secus actorum iudex, & ideo alia post mortem vita. Infantes solemnî ritu aqua lustrabantur. Christianismi aut Mahometismi nulla indicia. Vita tamen simplex, concors, innocens, antequam eo, qui Christiani dicuntur, vim, fraudes & alia non religionis, sed sæculi vitia portarent. Primi Genuenses - anno Christi post mille trecentesimo adiere tantum: centum ferme annis serius Bethineurtius e Picardia nobilis etiam insedit, moresque ac pietatem intulit, etiam regem se dicere ausus. Sed cum fortuna tanto nomini non responderet, in Castellæ reges jus hoc transcriptum est. Horum potentia veteres ritus, linguam, instituta excidit, & ex his insulis ad majora sibi gradum fecit. Una harum Canaria, quod nunc quidem commune omnium nomen, sed ad hanc aliarum caput privatim quoque pertinet. Arcem illic, egregio situ, subiit Batava classis, acrique globorum certamine Hispana

navis una merfa, dux in manus venire. Exscensum sua sponte difficilem insulant eques pedesque; parvis cum machinis in littus coacti prohibere sperabant. Sed Doufa explodi tormenta, simul scaphas expediri jubet: & ipse in primis electus, cum propius adiri vada non sinerent, in aquam defilit, ausoque hoste obviam progredi, tria dux vulnera, multa & alii tuborum telis simul & jaculis, veteri novoque armorum genere impetiti, accepere. Fugatis in oppidum Allagœnam barbaris, arx statim dedita cum machinis ipsoque præsidio: mirantibus qui intravere, ut signa Mauritiana tam longinquo loco figerent, clara loci munimenta, cunctaque ad defensionem necessaria, nisi quod toto sæculo nulla illic arma perpeffis mali novitas in metum verterat. Ducto ad oppidum exercitu, dies obfessoribus pauci trahendis machinis confuunt: quo tempore obfessi cariffima quæque, mox sese, in rupes invias aut arcto aditu propugnantibus faciles, contulere: plerique adeo quis hostis efferet ignari, ut perfuga Æthiops Batavis ejuratione Christianæ religionis se vendicaret: desertæ & arces minores dux. Miffi, qui latebras tentarent terroremque incuterent, iusto longius progressi, notis hosti locis, sibi nefciis, fessi præterea laboris æstusque, circumfufis barbaris opprimuntur. Quo cum lætiores insulani redimere se suaque defugerent, excusantes inopiam, incenso oppido arcibusque discessum: ultio pro prædâ fuit. Gomeræ haud dispar eventus. Paruit inane oppidum, machinis & quæ profugi avehere non potuerant sub humum defoffis: & qui spe prædæ juga montium penetraverant, ad octoginta cruciati, imbelli vulgo magna

magna victoria & more barbarorum etiam in victos mortuosque crudeliter exercita. Batavi ereptis corporibus in tecta flammis faviere. Videns Douſa, quando ſpes primæ ſefellerant, nihil vaſtanda ad littora opus tanto exercitu, partium alteram navium cum præda domum remittit: quæ feliciter vitata hoſtium claſſe (nam ſub idem tempus Coruina vela fecerat) mox cœli inclementia ſegreges medium ſub autumnum portus tenuerunt. Ipſe cum cætero virium Braſiliam petere inſtituit, nobilem Americæ portionem, Luſitanicæ poſſeſſionis, nobili ligno & Saccharo opulentam. Sed Heſperidum inſulas omnemque Africam Oceano objacentem innoxius legens, ubi cum nova multa, tum e conchis pecuniam mirabundus inſpexit, auctus inde captis mercatorum ex Hiſpania navibus, Thomæ inſulam, Luſitanorum coloniam, fatali conſilio reficiendis copiis deligit. Invitabant & aquæ dulces, & teſtudines, haud ingratus cibus, ad hoc ovorum ſæcundæ, quæ duro cortice haud temere perfringas: piſces juxta innumeri, belluarum metu, aut ignorantia humanæ aviditatis, quia piſcatores non commeant, adhærent navibus. Sunt & alati, qui volatu ſeſſi ultro adſident. Inſula hæc Æthiopix, qua Guinea dicitur, objecta eo cœlo deſpicitur, quod noctium ſpatia diebus exæquat, imminentemque ſemper ſolem nec deſcendentem alio nulla hyeme temperat: quam mundi pervæſti plagam nec in fruges ſufficere, nec homines ferre, rudis navigationum aſſeruit antiquitas. Verum, ut docuit experientia, nulla naturæ pars uſibus vacat, nec ea eſt hominum modèſtia, quæ vel inſeliciffimum ſolum quæſtu ſuo vacare patiatur. Pene rotundus



dus insulæ ambitus : qua latissima est in duode-  
 cim leucas patet, media in montem surgunt, cui  
 nubes impendens rore suo arundines nutrit, qui-  
 bus saccharum eximitur : is maximus proventus  
 Lusitanos & centena, aut plura singulis servitia  
 exercet. Nascitur & zinziber : & arbores, qua-  
 rum succus vini præstat usum ad sitiū ac vo-  
 luptatem. Egredientibus classe nemo obstitit.  
 Oppidum Pavoasa post levem pugnam dire-  
 ptum. Arcem tenenti Francisco Menezio signi-  
 ficavit Doufa, non sibi prædonis in morem in-  
 tratum mare, sed iusta classe missum ab Ordini-  
 bus & clarissimo ducum Mauritio, veteres no-  
 vasque injurias bello publico persequi, ne se ma-  
 jora agitantem uno in præsidio hæere cogeret.  
 paratam dedit clementiam & pœnas con-  
 tumacibus. Admotis machinis secuta deditio.  
 At insulani qui profugerant, facta eruptione in-  
 cendunt oppidum, cujus flammæ subjicientibus  
 aliis fuerant restincturi, nec impune : nam Ba-  
 tavi, moti damno velut suo, per agros villasque  
 ignem sparsere. Sed acrius pro indigenis cœ-  
 lum pugnabat, unde coorta vis morbi ingens  
 insanabili pernitie Batavorum castra infederat.  
 Nec sane excusaverim adeo rerum naturæ im-  
 peritos, qui non vitaverint locos sub ictum so-  
 lis jacentes, pestilentemque aërem, qui ut paria  
 inveniat illic genitorum corpora, non ferendus  
 certe insueto populo & ab aquilonibus suis ve-  
 nienti. Quippe ne ventis quidem recreatus, in-  
 temperie squallidus & atro vapore putris aër  
 tellurem premit. Lusitanorum quoque incolen-  
 tium luridi vultus, & febrium continui recur-  
 sus, satis arguunt etiam cœlo calidioris natis  
 gravem trahi spiritum. Olim in eas terras dam-  
 natos,

natos e Lusitania iudex mittebat, nunc avaritia relegat: quanquam comperto vix quenquam Europæ genitum ad mediam ætatem illic per-tingere. At nautæ super cœli æstum laboribus fatigati in paria malis remedia agebantur; nam & frigus captantibus sopor ad Lunæ fulgorem noxius; & saccharum nucesque Indæ & alia profluvium citantia immodice sumebantur. Iam vero aqua avidius hausta pernitiem tulerit, an & hominum fraude corruptior, merito ambigam, cum & hoc a gentis malitia; & illud a ratione non discrepet. Venerem quoque nonnullis cum indigenis mulieribus (& sunt ita pronæ pleræque ut viros ambiant) exitio fuisse constat, in tanta diversitate commercia corporum non recipiente natura: ita undique causæ in mortes accersebantur. Insignivit cladem dux ipse additus, cui vastum obesumque corpus, & suò quoque cœlo prope motus omnis impatiens, per biduum languenti quam ægrotanti similis, nulla vi morbi, sed liquata, ut creditur, pinguedine extinctum est. Cujus abscessu turbatum vulgus, spes concidere: vox omnium, relinquentiam funestam regionem: consultum ultioni. Satis se hostium mortes cum suis periculis miscuisse. Doufæ corpus, ne mox ludibrio foret, alte sub humo defossum & superjectæ totius oppidi ruinæ, avectæ machinæ & mercium aliquantæ copiæ. Iam mari ferebantur, nec tamen cum loco viri loci evaserant: nam & cœlum tarde mutabat, & hausta semel vis mali infectos sequebatur: magisque in arcto navium pestilens ægrorum odor & contagia morbos vulgabant. amissi supra mille intra quindecim dies. Mox e Brasilia parum prædæ, & reditus festi-

nabatur; decreſcente indies turba, nec una mortis facie: quibus id malum in præcordia inciderrat ante morbi ſenſum pene rapiebantur: alios urebant perpetuæ febres, quæ ubi caput invaſerant, mox furore præcipientes in mare agebantur. Cum jam mitius cœlum, & ægris fractisque ſpes melior exorta, priorem necdum ſanatam altera lues nihilo mitior excepit: qua ſolutæ dentium genuumque compages, vitium longis navigationibus frequens: ac tum plerisque mortiferum fuit, quod fluidi adhuc artus in loca maris algidiora, & per anni tempeſtatem hybernantia provecti, ex contrario nunium officiebantur. Nec certe a multis jam temporibus tam intenſum frigus fuiſſe, docent flumina apud nos, etiam quo maris æſtus pertingit, concreta, & homines enecti gelu. Afflixere & tempeſtates, unde plus ſolito periculi, non ſufficientibus qui regerent aut adminiſtrarent. Ex omni centurionum numero duo ſuperſtites. & naves exſistere, quæ non plures ſex homines valentes reveherent. Ægrotabant non ita multi, cæteri abſunt morbo & expulſi fluctibus jaſtabantur: pars navium vires in Anglia recollegit, aliæ diſjectæ, ut quæque velis aut nautarum copia pollebat, ferme ſub exitum hyemis domum advenere. Navis una penuria hominum deſerta, altera Cluſam delata hoſtibus ceſſit. Eum exitum claſſis Batava habuit, reipublicæ per ſuntum diu gravis, & domibus multis luctuſoſa. At ſuam claſſem Philippus primo Fortunatas ad inſulas miſerat, accepta earum clade, ne poſſeſſioni Batavus inſiſteret: ſed ubi ſponte relictas cognitum, ire Terceram, atque ibi venturis America navibus præſidio eſſe juſſa, eo poſtquam venerat,

ſavitia

sævitia ventorum, nec sine damno dispulsa est. Mari nostro Dunkerkani audacius prædantes, querelas excitavere aliis imperitiam res maritimas regentium, aliis ducum socordiam, & titulo purgandi maris inutile vectigal accusantibus; donec quinque naves captæ, actique in supplicium prædones solatio fuere. Ex Hispania vero & America multi per virtutem aut astum, iræ hostilis incolumes, domum cum venissent, terrore & odio Hispanici nominis omnia implebant. India alii feliciter reversi majore quam antea lucro: famaue rerum & spe augescente, jactura Hispaniensis commercii mitigata est. Cœptum & sal quæri insulis queis America prætexitur. Novum sub hoc tempus auxilium Philippo Fridericus Spinola adduxit, naves longas sex, quibus in Batavos uteretur, pactus sibi prædam, claram inter Genuenses & opulentam domum popularibus suis Aurianis, qui per arma increverant, bellica gloria adæquare cupidus. Pars hæc classis Hispanæ in Batavos futura fuerat, ni graves minas multumque Britannia formidatas, propior cura alio vertisset. Igitur seorsim venire, post modicam in Brevate Gallia portu moram, rara semper cœli felicitate. Præscierant Batavi, & in fretum Morinum miserant, qui interciperent. Sed oram legentes eoque tutas naves Flandriam usque venti ferentes & sua fortuna prosecuta est. Dunkerkam tamen intrare vetitæ, Clusam se receperunt, armatæ hominibus mille sexcentis: inde mercatoribus & littori Zelandico minabantur. Et nocuit non parum incognita huic cœlo navium facies, sumtu primum, circa obsidendos exitus, deinde levibus ex damnis sparso

in longum terrore , adeo ut multi ex Zelandia profugi alias sibi sedes quærent. terrorem eventus minuit : nam mox quanquam Spinulanæ naves cœlo usæ, silente & suo , Zelandorum bellicam deprehenderant , instructæ & proprio & assumpto milite, illa, vix sexaginta nautas ferens , eo se impetu omnem in partem duas per horas circumtulit , ut cæsis aut vulneratis hinc circiter viginti, inde ducenti quinquaginta perempti metum in ipsos verterent. Iterumque adortæ bellicas , quas mercatorum esse per errorem crediderant , continuis sex horarum cæsis perfodiuntur , egregium Flissingæ oculis ( adeo prope res gerebatur ) spectaculum. At Albertus Archidux peractis in Hispania nuptiis, cum per Italiam regrederetur, a Pontifice sacro auctus ense , quo fidentior in hostem utriusque prodiret , mox per Alpes & Burgundiam cum Isabella conjuge dotale imperium ingressus, bello adhuc strepenti arctisque rebus , primo autumnio intervenit : reperitque Andream & Mendosam discordes , & certatim ejus anni prospera sibi , culpas alterum alteri tribuentes : quorum , Andream ad sacra sua remisso , retentus Mendosa : præterea insensam Germaniam , pronum seditioni militem stipendiis non datis , nec prompto unde daretur : quippe Belgæ inopes , & Philip-pum gravis in Batavos Germanosque exercitus structa classis & metu hostium incerto, per Hispaniam insulasque diffusa præsidia exhausserant. Antverpiam ex arce miles pecunias exigebat. Hamontii (id agri Leodicensis municipium est) & locis circum , turmæ ac cohortes agrum & oppida incendii & populationis terrore vectigalia fecerant. Andreani castelli præsidium ta-

citis

citis cum Ernesto Nassavio, qui adversam ripam servabat, induciis, minas in Sylvauducis & juxta sita, verterat, ni de stipendio complurium annorum sibi satisfaceret. Principum adventus nec his malis medebatur, & nova intulerat: infensa nobilitate quod Hispanici ipsis mores vultusque & habitus, & Belgis insolens flexo genu salutabantur. Iam vero aula imperatorio luxu & vel in pace gravis, ita impensæ inopiam contra crescebant: semperque ingratum, tum vero odiosum imprimis, magna tributa cujusque nationis ordines poscebantur: addito iniquum esse minora ipsis onera pro fide ac reverentia principum quam rebellibus pro injuria tolerari. Nec dum principatus solennia inierant: urgentibus Brabantis, dirui arces, abduci externum militem aliaque Alberto promissa. Sed Isabella, nihil tale se conscia pactum affirmans, ultro etiam indignabatur, velut ipsis postulatis in se licentia quæreretur. Walones insuper orabant tolli edicta, queis Batavorum merces, ipsis necessariae, excludebantur. Sed hæc edicta tantum omissae, sensu impositæ servitutis, & peracti ritus queis mariti duo in nomen Ducum Comitumque accipiebantur: & forte dum extra Lovanii incenia, more avito, Brabantiae sacramentum dicitur, vici in conspectu duo ab equite Batavo incensi malum fecere omen, inchoato inter clades imperio. Sed & Foederati non magis hostium adversis læti, quam rebus suis angebantur, adempta commerciis per edicta pacemque Gallorum Hispania, & quod hostile Belgarum, & inde opificum fuga terræ marisque reditus acciderant. nec, gravia quanquam, ejus anni tributa impendiis suffecerant.

rant. Hinc pecuniæ suntæ sub fenore aliquando fortem æquaturō : neque vero minora quæ instarent onera, ex quo vis tota belli in ipsos verterat. Britannia quin etiam juvare solita, revocato milite, naves indixerat, &, mox sublato metu, egerat gratias, nec ultra quicquam : dum potens exercitus, duce Essexio, Hiberniæ sylvas ac paludes & ultima libertatis suffugia discutit, conatu qua publice, qua privatim minus felici : quippe ferox, quam prudens juvenis, & in difficilem provinciam inimicorum astu missus, per ignara locorum multis cladibus acceptis, pactis cum Tirono induciis, injussus cum domum rediret, reginam, a qua ante abitum inter disceptandum palma verberatus, injuriā hanc impatientius, quam ut in regno, tulerat, se absente per æmulantium sermones & improvidas amicorum laudes duratam adversum se in suspiciones & metum invenit, statimque reus fit, & custodibus traditur. Afflicto juvene, cui e bello decus, pacis auctores prævalere. Indicium eo inclinantis regiæ fuit, illacessitus mari Hispanus, vetitæque aliarum gentium eo comitantium prædæ. Sed pressit consilium regina, dum ab hostili classe metus, quanquam missus Bruxella legatus securam esse jusserat, frustra apud suspicacem & talium incredulam. Nec tamen hoc minus palam mox Ordinibus significat, & Anglis ad mercaturam pace opus, & sibi, ut adversus spes improbas & senectæ suæ insidiantes regnum stabiliret : nec tamen ipsi deficerent animo, sed Austriacum & Gallicum imperium ex æquo vitantes, si amicam se vellent, retinerent libertatem, aut domestico Principe rempublicam regerent : otio se fruente multa quæ

nunc poscere cogeretur ex facili suppeditaturam. Altera jam societas labascens quantum plerosque animos permoverit, conjectu haud difficile: & accedebant tentamenta ab Imperatore, qui pacis suasores iterum destinabat. Forti tamen consilio, priusquam fines legati adissent, scriptæ literæ, quæ monebantur parcere inutili operæ: quare pacem fidam sperare non possent, ostensum sæpe: nec nunc esse cur prioribus consultis decederent, nisi forte per Germaniam scelera, & abruptum per fraudes jus commerciorum, & falso archiducum nomine Hispani Belgicam tenentes, pro pacis hortamentis acciperentur. Ita sapienter sermones quoque vitati, præcipuis audendi auctoribus Hollandis: qui ea duplicata in annum sequentem ex censu capitatione prævivere sociis, renitentibus, aut ad sequendum tardis. Zelandi maxime defugiebant, nova damna, proprios sumtus attollendo, & apud transrhenanos longæ ambages, dum pars gratiæ populari quam publico student, aut onera laudant, sibi quisque levia & in vicinos casura. Erant qui nec tacerent, se quiescentibus aliis tamen cordi rempublicam fore, quamquam innuebant Hollandi, ni serio in commune consuleretur, relicta se terrarum abjacentium cura, propioribus necessitatibus & maris possessioni institutos. Solatii nonnihil a Germanis principibus, qui, suspecto adhuc Hispano, alterna auxilia aut pecuniam offerebant. Palatinus cæteros religionis consortes exemplo & verbis excitabat: monstrans singulis, quid olim Albano, nuper Mendosæ agitarum: nec posse Batavos sine vicinorum peritæie vinci: at florentes, multis subsidio fore, huic, tuendam

ad



ad Borussiam, illis ad Clivicam possessionem, cunctis adversus Romanum Pontificem ejusque affectas; quorum inmani odio & factione omnes premerentur. Sed parum auditus, Brunovice in urbem invisæ libertatis arma sua convertente, aliis impares se alendo bello fatentibus. At Carolus Sudermanniæ Dux, Sigismundi in Polonia regnantis patruus, cum illi avitos Sueonas minus curanti, & ob ardens studium in Romanam religionem novandi suspecto, arma primum opposita, deinde & conventu publico ablatum regnum foret, regium diu nomen evitans, & aliis tamen nominibus vim usurpans, cum societatem Ordinum ultro ambiret dilatus, quia opem in præsens implorabat, spes ipsi incertæ, regnum pauper & longe positæ vires. Amicitia tamen oblata, ut pro religione pugnanti, excusato quod naves quædam Batavæ injussu publico Sigismundo sui usum præbuisent.

HVG O.

HVGONIS GROTII  
HISTORIARUM  
DE REBUS  
BELGICIS  
LIBER NONVS.



**N**OVUS annus, qui vetus sæculum clausit, ut eventus statim insignes habuit, ita magnas rerum vices in longum portendere videbatur. Belgarum, qui sub domino, res inopes, &, quantum vix alias, turbidæ atque attritæ. Sed principum, qua novorum gratia, qua præsentium auctoritas, & ipsa morborum magnitudo propius remedia admovebant. Fœderati, quibus olim a servitio recentibus amplum ducis imperium, & ipsa pericula pro nexu fuerant, armis mox prosperioribus laxati, quanquam non levis necessitas redierat, ex vetere disciplina animos adhuc in hostem, at concordiam inodestiamque non æque retinebant. Vtrisque partibus non nisi grandes conatus, certantibus triginta aut supra annorum labori finem imponere: qua spe extrema virium profusa, velut ante oculos stare victoria præmium longius duraturo. Ac primum statim gelante hyeme magnum perviis undique annibus periculum vitavere Batavi, per hostium sedi-  
cI 3 I 3 c. tio-

tiones, quas in suam utilitatem vertere. Nam cum turinis & pedite Ludovicus Nassavius fur-  
 tim profectus Wachtendoncam irrupit, Clivios  
 circa fines oppidum, bimestri olim obsidione  
 Mansfeldio expugnatum, cum vires Fœderato-  
 rum Parmensis alio traxisset. Eques, qui servan-  
 do loco additus, forte tum per Agrippinensium  
 fines populabundus aberat: in præsidio milites  
 octoginta, nec fossarum perrupta glacies: posi-  
 tus oppidi procul hoste, & socias inter urbes  
 plus iusto securitatis addiderat. itaque pauci in  
 vallum enisi modica cæde portas cæteris reclu-  
 dunt. Tum Gelenus (is dominus rectorque op-  
 pidi) cum paucis in arcem abditus, spe auxilio-  
 rum quæ oratum miserat, sustinebat ingruentes  
 tuborum globos glandesque: donec Ludovici  
 totum agmen advenit, & quæsitæ undique sca-  
 læ aggeri admoventur. Sed & tum resistere  
 quidam, & hos inter jam natu grandis fœmi-  
 na, non sine pernitie ac vulneribus contra ni-  
 tentium. Victi multitudine dedunt locum, non  
 spernendo inter paludes situ, & tum uberem  
 prædæ, quia agrestium multi, circum flagrante  
 bello, huc sese opesque receperant. Paucos post  
 dies quæ victui aut tutelæ opus equites intule-  
 re. Inter Gallos qui Batavis militabant, Breau-  
 tæus erat claro apud Normannos sanguine, is,  
 juventa jactantior, in pugnam provocaverat e  
 Grobbendonci turma equites viginti, quorum  
 præcipui traditione Gertrudisbergæ infames  
 erant, indecorum homini nobili certamen. Pro-  
 diere pari numero in campum Fuchtensem  
 haud longe Sylvaducis. Grobbendonciani ar-  
 mis validioribus, Breautæus loco potior. Pri-  
 mo statim impetu Breautæus ductorem hostium  
 truci-

incidat, is Abrahamus, cognomento castrensi  
 Cupediarius vocabatur, & adeo acre directis e  
 propinquo tuborum ictibus certamen fuit, ut  
 utrimos inter conflictus utrinque pars altera  
 pugnantium conciderent. Sed fuga Gallorum,  
 quorum impetus manente periculo elanguerant,  
 nudatus Breautæus, equo aliquoties mutato,  
 nox pedibus dimicans, tandem pressus hostium  
 urba dedit sese. Pepigisse vitam Galli asseve-  
 rant: contra Brabanti prædictum, ne victi aliud  
 quam mortem exspectarent. Certe jam multum  
 captivus processerat, cum missi ex urbe, oran-  
 tem ut saltem armato & tanquam viro occum-  
 bere liceret, triginta vulneribus conficiunt: di-  
 gno probrosis hominibus facinore; & documento  
 tamen apud magnanimam juventutem, ne falsa  
 virtutis imagine id genus certamina affectent,  
 inde nec victoria in publicum utilis, & mors  
 apud sapientes nihil majus venia meretur. Hy-  
 nante adhuc cælo, ne occasio efflueret, quam  
 urbamenta hostium dabant, improvisa classe  
 Mauritius, & alio sparsis belli rumoribus, Cre-  
 dicordium, castellum Disæ Mosæque adjacens,  
 riduo in deditionem cogit. Equites hostium,  
 qui firmandum ad præsidium sero venerant, nec  
 sylvaducis, metuente semper militis civitate,  
 occipiebantur, cæsi ferme ad quingentos. Opera  
 castelli Mendosæ aucta, Mauritius perfici ju-  
 bet. Inde Andreanum petitur, ubi miles Ger-  
 manus & Walo exactis ducibus palam quidem  
 deditionem fatebatur, & misso Barlota, qui spe-  
 cie expeditionis eliceret, vitaverat fraudem:  
 sed non sine spe veniæ tenebat validam muni-  
 tionem, ut pignus in debita trium annorum sti-  
 pendia: hoc pertinacior in hostem, quia minus  
 pro

pro transitione pretium offerebatur, quam salvo sacramento & fama secundiore consequi posset sperabat. Ad resistendum machinæ aliquæ supererant: vallum ipsum arcis in speciem: bina propugnacula in Mosam, bina in Vahālim, quintum in Harvardam prominens: circum fossa, & ultra hanc perpetua lorica, iterumque fossa, qua omnes committebantur. Tanta operum fiducia, ut Albertus, tenere se claustra fluminum arcemque cervicibus Hollandorum impositam, literis famaue celebraverit. Quamdiu undans hybernis annibus solum fossiones recusabat, ad pacta invitati, ferociter responderet: quin & captivus miles a Mauritio dimissus ut deditionem suaderet, in detestationem perfidiæ interimitur, nec satis visum, ni perempti corpus in castra, mitterent. Versis ad vim consiliis, nihil prius Mauritio quam castris obsessos cingere, & semet tueri contra vim externam. Equitatu dimisso, cujus nulli usus humentibus terris, partem copiarum navibus, pontibus, partem Tilano ac Bommelensi agro & parvis in Vahali insulis locat. ipsum robur spargit Brabantica ripa, & rupto aggere Mosam illa diffundit, ut & liberius spatium ad molienda opera ipse haberet, & inde venturo hosti auferret viam. Sed & sex locis castella disposuit, interpositis minoribus munimentis, quibus omnes ad se aditus clauderentur, augendoque terrori arx Batavoburgum, Mosæ adita & veteris Batavorum nominis in ora olim Gallica vestigium præferens, machinis, quarum sonum obsessi audirent, sub imperium agebatur. Et ipsi graviter telis sauciabantur, non æque certis jactibus quos regerebant, multisque consumentis, coacti latebras

bras

bras sub vallo quarere. Sed & lignorum egestas & medicaminum fatigabat, noxio corporibus humi stagnantis madore. Spem fovere Silviducenses crebris ignium signis, conati & naves invehere, sed frustra. Venit & duce Velasco exercitus, magna minatus: sed nullum ad socios iter invenit, mersis undique campis, aut castellis obstantibus. Consumtis multo jam vere montium nivibus, postquam redditus fluviis modus, promoveri fossorum opera cœpere, nocturnis maxime tenebris & Luna senescente. Ventum erat ad loricam, quam castello circumductam diximus: cum miles, ut non extrema perpeffus, ita spe certe auxiliorum nulla, Mauritius redimendi temporis properus ad conditiones veniunt. cxxv florenorum millia ipsis persoluta, pars debiti ab hoste stipendii, quam viritim divisere. Hoc pretio emptum castellum insigni structura, positu ad Hollandiæ tutelam aptissimo, tum machinæ & quæ inerant alia, & mille ducenti milites, transgressi in partes, qui peractis lætitiæ signis, ut nos habet, ipsi quoque de se triumpharunt: egregio mox usui, postquam desueta licentia in disciplinam rediere, proscriptique hostibus traditorum crimine, odio & pœnarum metu acrius instigabantur: si non probandi apud rigidos iudices, Gertrudisberganis certe excusatores, cum hi longa mercede fraudati adversa tamen castra & vim bimestrem pertulerint, illi non iustis conquerendi causis mutatam fidem habuerint in lucro. Nequis novo militi transitionem exprobraret Ordines edixere, gnari levioribus etiam de causis intestina in prælia verti exercitum: quippe cum nuper, durante isthoc obsidio, milites duo Germanus Gallusque,

cx

ex alcæ rixa in pugnam prolapsi, populares quisque suos in cædes & vulnere miscuisset, vix procerum interventu diremto certamine. Sub hoc tempus longa Groningæ civitatis pertinacia, iram non injustam accendentibus ænulis, cæteros Fœderatorum impulit in acre consilium, liberisque gentibus vix usitatum. Plebs suo apte ingenio ferox, & rectores nacta, qui Hispano dominante exsules, eoque nunc fidentius populo se jactabant, indignabantur duriores leges quam sub rege toleraverant, quo annuente domos inimunes impetrarant, aliaque sibi læta, adversa accolis: horum memores, decreto Ordinum Fœderatorum, cui se subjecerant, non parvere, quod multa privilegiorum nomine ipsis usurpata rescinderentur. Tributa insuper inferre ærario per triennium ferme cessaverant. Cum & judicia contemni, & suscepta onera detrectari sine perniciosissimo exemplo non possent, Wilhelmus, quanquam ad initia promior, jubetur manu militari oppidanos in officium cogere, ipse mandati acerbitatem prudentia temperavit, cohibito ab injuriis milite, nec irati vulgi verba insecutus. Exarmatis mox civibus, ne infensi, ut olim, hostilia cœptarent, aut grande præsidium copias exhauriret, arx imponitur. Tum vero fracti animis, deprecari a civitate semper libera extremæ servitutis notam: solita hæc per vim regnantibus, nec aliud hostibus magis objici: ponerent sane arma contra arces sumpta, si libertatis auctores imitari mallent talia quam ulcisci. Simul & reliquorum partem reiniti sibi orabant. Sed apertam diu clementiam spretum nuper obsequium & veterum recordatio occluserat. Tamen facti invi-

invidiam lenivit eventus: postquam avecti Haggam turbarum concitores, nec ultra puniti: & translatis ad quietiora ingenia magistratibus, redditum in consilio jus suffragii, & cuncta deinceps ex æquo transacta. In Frisiis quoque de tributo in armenta & pascua, certamen, urgentibus oppidanis, contraque nitentibus qui agros per Ostergoam & Westergoam colebant, mox insignium munus ambitu, ut ferme accidit, valente discordias, eoque exarserat, ut pars Léovardiæ manentes, pars Franecram digressi, publici confessus utrique specie, rempublicam ærariumque distraherent. Quibus studiis dum se interponit Wilhelmus, & in eos qui secesserant judicum primum auctoritatem, deinde arma advocata, affectati supra leges imperii invidiam non effugit. Tandem cum & sociæ nationes se interponerent, per arbitros res ad quietem veteremque formam rediit. Accessit ad hæc mala tristis nuntius; archiducem inter, cui id negotium Hispanus dederat, & Anglam de pace colloquia fervere, & jam Bononiam Morinorum convenisse legatos. Erant sane causæ utrisque cur pacem cuperent. Philippum terrebant, quæ in Hispaniam Americamque Anglis ausa, præcipue sumptuum tædebat quibus tuenda navigatio: & deinde Britannorum subsidio, facilior ad pacta Batavi sperebatur. At Anglos periculorum admonuerat Tironi successibus & novo Pontificis edicto stimula Hibernia, & multo labore agre recepta Vitoniæ Mononiæque munimenta, inane labebris, quæ defectores receperant. Tertio post mense intellectum cogi in unum legatos nequuisse, dum Angli quidem præcedi reculant, Hispani vero etiam



etiam æquari fastidiunt : nec magis per inter-  
nuntios processisse , dum inducias , quam hi ex-  
petunt , tam illi formidant. Ita tunc discessum ,  
& res scribendo tracta , donec ei , ut suo loco  
dicemus, mors & successor Elisabetæ finem im-  
ponerent. Interim ad Batavos legati a Cæsare  
veniunt , quia de pace Ordines per literas oc-  
currerant, alia mandata simulantes, Hermannus  
Mansfeldii Comes & Carolus Nurfelius. Verba  
erant magis ex dignitate Imperii veteris, quam  
pro anni prioris fortuna. Redderent loca Ger-  
manici soli , & damna per militem illata : nec  
se exemplo hostium tuerentur : alioqui pari  
culpæ parem & poenam fore. De pace nihil se  
acturos : scirent tamen detrectari colloquia sine  
gravi suspitione non posse : & se onera com-  
merciorum , quæ per belli speciem continuaren-  
tur, haud ultra toleraturos. Responsum est me-  
rito post , & damna imputari & occupata de-  
fensionis loca , qui prior solo pacato intulisset ,  
exercitum, id si Hispano condonaretur, at certe  
sibi noxium esse non debere , quod suavisset ne-  
cessitas. De pace & Gravewarta insula eadem,  
quæ ante sæpius. Sed quia Resam Hispanus re-  
liquerat , ex usu visum & Emmericum reddi :  
quo justius hosti Bercam adhuc retentam ex-  
probrarent. Actum & de minoribus nonnullis,  
& induciarum injecta mentio , quam Ordines ,  
ut temporibus alienam , molliter discutere. Et  
tubicen iter legatis postulans , quos Belgarum  
Alberto parentum Ordines super pace missuri  
erant, aliquot per dies retentus, ne ingentes bel-  
li paratus, qui tum struebantur , dispalescerent ,  
iussus mox literas referre, queis illi, priusquam ,  
poscerent pacem , vi externa liberare patriam  
mone-

monebantur. Nam postquam Andreano cum milite decusum, ut cæteri earum partium parirabie agitabant haud multo saniora, utendum hostili discordia rati Ordines Fœderatarum nationum in maiora ausa animum adverterant. Placuit bello in Flandriam transmissio instare inopiæ, quæ seditionibus causam & alimentum dabat: nec enim certius accidi ærarium, resque turbulentæ impelli poterant, quam occupata regione, obventu agri ditissima & hostium prope tota: portuosa etiam, unde infestum mare, nec tuta commercia, assidui sumtus. Zelandi ante cæteros postulabant, ne, postquam transrhenanis & Hollandiæ prospectum, ipsi hostium vicinitati relinquerentur: posse liberari Ostendam, capi Neoportum, Dunkerkam, Clusam prædonum sedes. Si vel oppidum unum rapere-  
tur, dum hostis copias colligeret, dum ambiret suos, facile se hoc consecuturos, ut in posterum alieno in solo bellum ducerent: haud vana spe, si ventus adfuisset, properantibus: quo adverso, dum perpetui sunt septentriones, copiarum undique & comæatus tarde annavigavere, indicto conventu sub Zeburgum Walachriæ castellum. Erant peditum centuriæ viginti & septem supra centum: turmæ equitum viginti quinque duntaxat cum machinis omnique bellorum apparatu, multitudo navium ad octingentas. Hic inter Principem & nationum legatos, qui expeditionis auctores socios se consiliis & periculis offerebant, dubitatum, expectarent dum secunda navigatio, an imparato hoste quamvis occasionem invaderent, quod prævaluit. Sed comæatus & impedimenta mari: solum militem cum tormentis quatuor trans Hontam Scaldis

extimam partem, inde terrestri itinere Ostendam visum transducere, quod oppidum, maritimo situ, in Fœderatorum potestate, sed hostium septem castellis circumdatum tenebatur, contra excursus, qui magnam Flandriæ partem ad tributa adegerant, ne tum quidem ita clauso milite, ut non interdum erumperet. Tuto ut appellerent, præmissus Ernestus Nassavius, cum navium parte, qui Philippinam, quod oræ ejus munimentum, expugnaret. Præsidariis in deditionem compulsis, factoque exscensu, cum & Asseneda celsisset, exercitum Princeps ita ordinavit, ut distinctas copias Comes Georgius Solmenis, Ernestus Nassavius, cum navium parte, & Verius Anglorum ductor, tripartito regerent, equitatu in septem manus distributo, in quas præcipuum imperium Ludovico Nassavio permittit, ipse summæ rei intentus curam non partiebatur. At agrestes, perculsi adventantis exercitus fama, vicos passim omnes fuga desolaverant, consue veterum partium & libertatis obliti, ut per insidias deprehenso milites caperent, in captos sævirent. Quo accensa exercitus odia, imperato longius in villarum incendia processere. Recta Brugas institutum iter, per Ecloam, Maldegemum, Malam, non obscuri nominis vicos. Misse erant Brugas, nec minus Gandavum ab Ordinibus literæ, ut illius olim fœderis reminiscerentur, quo pariter adversus externam dominationem conjurassent. Si non volentibus esset servitus, ne dubitarent manus opesque conferre. Quæ adeo nihil valuerunt, duratis in odium animis, ut recusatum hætenus præsidium Brugeses tum primum ab Alberto acceperint. prætergressumque exercitum laceffe-

re

re cominus non ausi tormentis infestarent, quam levi noxa. Profecto inde Iabecam Mauritio affertur desertum ab Albertinis Aldenburghi castellum, paria de Plassendalo Snaskerka & Bredeneda nuntiabantur. His in locis, tum si qua alia ob transitum oportuna, praesidia reliquit, quanta modicas hostium copias propulsare sufficerent, magisque ut hostium consilia specularentur, & explorata perferrent, incerto quid pararent, cum iustum exercitum nemo expectaret a discordibus & tu bidis. Solmenfis cum tertia exercitus parte Ostendain praere iussus, deductis in oppidum Ordinum legatis, ubi tutius de ulteriore belli ratione consultarent, obsidet munimentum quod milites Alberti ex ducis nomine appellaverant. Id Ostenda horae itinere abest, Neoportum versus inter arenosos littoris colles. Hinc Neoportum profectus, cuncta obsidioni parat, occupatis ad portum munimentis, qui longo tractu proculque oppido mari advolvitur. Brevi cum caetero copiarum Princeps adfuit, cincturus oppidum, quantum loci ingenium ferebat. Omni hoc itinere militibus quod essent satis: potus inopia fuit: nam armenta passim rapi obvia: vinum, cerevisia parce sequebantur: nec semper aqua aderat, quam canulentam & limo sordidam fuere qui conquererent, avidaeque haurirent. Prorogavit penuriam lixarum malum, quorum viginti navigia Spinulanæ naves in mari corruerant, ipsorum vecordia, dum classem praesidio datam expectare insuper habent, quo lucrum aliis praeverterent: levi in publicum damno, nec longa penes hostem gloria: quippe classis post congressa Warmondo duce, coorto

repente vento, naves nisi torpente cœlo inutil-  
les multa cæde cruentavit. Quo tempore res  
evenit nova, ut reuigum unus, gente Turca,  
globi jactu, illæsus ipse, vinculis eximeretur,  
marique ad Batavos tranatans perpetuam erum-  
nam felici temeritate evaderet. Inter hæc Al-  
bertus comperto, non tumultuariam manum in  
prædam exiisse: sed ducis regimen, omne belli  
robur esse quod Flandriam peteret, ipsa imperii  
viscera, omissa omni spe alia, copias undique  
contrahit, totis viribus tanti belli discrimen  
aditurus. Nec quicquam ad celeritatem reli-  
quum facit, revocatis cohortibus, quas in Gel-  
driam miserat. raptæ omnes cito agmine Ant-  
verpiam, cui Scaldis Flandriæ Brabantique me-  
dius allabitur. Navata simul cura placandis,  
qui Hispanorum Hamontii nuper egerant, inde  
Dieftam translati alimentis & spe solvendi æris  
ad industriam paulatim redibant: nam ni socia-  
rentur, hinc copiarum vis exigua, inde metus  
ab ipsis urgebat. Perducti precibus ac pollicitis  
(idque hoc bello sæpius evenerat) ut communi  
periculo manus commodarent, manente discor-  
dia, sed ne ejus præmia hostis eriperet. At Ita-  
li, qui in Hamont.um & in seditionis atrocita-  
tem Hispanis successerant, loco mansere, veriti  
victoriam sibi infructuosam, mortes in Principi-  
pum quaestu fore. Numerum omnium qui con-  
trahi potuerunt decem millia ferunt qui pedi-  
bus militarent: equites mille sexcentos. Cum  
his quanta maxime celeritate impelli tam gra-  
ve agmen poterat, Archidux ipse contendit, alio-  
rum curæ aut fortunæ non satis fides. Constat  
Gandavi, ubi eo ventum, Isabellam, nihil arma  
exercitum, orasse universos ne se in extremo  
discrimine

discrimine aut spe maxima frustrarentur. Ad Diestanos autem versam multa dixisse pro re ac tempore, & quo magis fidem adstrueret, tactis inauribus, testatam prius sibi omnem fortunæ principalis ornatum, quam bene merito militi præmium, nedum stipendia, defutura. Mauritianis simul & adventare hostem, & jam jugulo imminere proximis e munimentis nuntiatum, unde fuga dilapsi quos tam repentini superventus vis terrorve perculerant. Nam quibus Plafsedalum & Bredeneda tutanda obvenerant, pauci admodum, hostem nec videre voluerant: Aldenburgum, parte sui in prædam profecta, eoq; infirmior, dederat miles. idem fecerant qui Snaskerkæ præsidio relictæ, & vitam pepigerant. Ira gentis hostili sanguine imbui festinanter, contento armorum jure & ducis religione, qui pactiones signaverat, in cædes prorupit. Ejus sceleris culpam ipse in seditiosos rejecit, sive id obtenditur dedecori, seu revera turbidus miles fidem suam Principi dubiam perfidia in hostem venditaverat. Nox erat, cum fama rei ad Mauritium, ad cæteros, quibus id minus provisum, terror perlatus est: nec falsos puto, qui credere multis ab annis par periculum non adiisse res Batavas. Erant ibi copiæ, vires non dubie partis, & major copiis dux ipse: hostilia circum omnia: castra munire seruum propinquo jam hoste, & fame laboraturis inutile. Nec Ostenda expectandi commeatus, cum hostis intercederet: in Galliam fuga foeda non magis quam anceps: quod si illum jam jamque adventantem opperirentur, sparso per obsidium milite, ita ut portus quoque divideret, cædes magis futura quam prælium. Spem amplexus Prin-

ceps, quæ restabat una, exposita ducum præfectorumque sententia, nondum illustri die, Ernestum cum novemdecim centuriis & turmis quatuor tormentisque duobus, præmittit, ut ponte ad Lessingam antecapto, quod unum iter patebat, transitum ad se hosti præcluderet: sin minus, adventum moraretur, donec ipse consilia & aciem expediret. Sed Ernestus, quanquam appropinquans, transgressum angustias hostem invenit, solaque spe extrahendi temporis, duobus tormentis, nec enim plura advexerat, aggere locatis, non procul Alberti castello, quod fugato receptui foret, lacescit hostem. Qui dubius primum, an omnis Mauricii exercitus in prælium procederet, ubi secus comperit, collecto gradu, ferox semper ardensque in pugnam comparatione insuper virium accendebatur. Nec illis contra animus aberat. Sed inpari manu pugnandi consilium magis, quam spes victoriæ. Nec sine claræ virtutis experimentis cedere primum, mox fugere coacti ad octingentos perierunt, pars pugnando, pars jam capti, ferociore victoria, quam ut ulli parceret. \* Ea clades (ut sæpe olim) cæteris salutis fuit. Nam dum cædes hostem occupat, tempus Mauritio datum equites primum, inde vehicula transponendi eam in litoris partem quæ Ostendam respicit. Quod si vel tum transeuntibus hostis supervenisset, ingens strages accipi potuit. Sed ille securitate segnior, cum omnem eventum priori prælio metiretur, nuntios dimittere in proximas urbes, magnam Mauritiani exercitus partem cecidisse prælio, ipsum teneri inclusum: quibus lectis, pleræque civitates orationem, & quæ solita latitiæ signa properantes, fortunam præcoci gaudio

dio irritavere. Interea pedites, & quod equitis reliquum, vadum non procul mari monstrantibus cymbis; duo agmina propius oppidum, quæ portus angustior, factò ponte transierunt. Princeps, ut quosque traduxerat, ita in acie locavit, dissimulato apud militem prioris prælii damno. In primori acie Anglos Frisiosque Verius tuebatur, duplici utroque agmine, cum duobus vexillis prætoriiis, altero Principis, altero Hohenloii, qui Hollandiæ custodiendæ relictus aberat. Mediam Galli obtinebant, hos Helvetii sequebantur, & ex Andreano novus miles. Solmensis hanc aciem rexit. Tergum servabat Gistellæ manus Hollandica, posthanc Germanorum agmen, quod unum ex copiis Ernesto datis exors periculi fuerat, pariterque Trajectinum Vchtembroucio duce. Equitatus partim in fronte erat, partim mediam tegebat aciem, partim omnes sequebatur. Sic ordinato exercitu Princeps, vetere ducum solertia, solve-re naves, quæ jam multæ advenerant, & Ostendam vela facere jubet, ut aucto in omnes periculo spem fugæ abscinderet. Sed quæ portu confederant, ante imperio parere non potuerant, quam æstu levarentur. Relictæ centuriæ aliquot, quæ Neoportanos prohiberent in prælio distentos erumpere. Nondum meridies erat, cum hostium equitatus longe aciem suam antevectus occurSAT, sed post leves tuborum conflictus, pulsus littore, in colles recedit, ibi peditem agmen opperitur, quæis juxta mare tarde iter molientibus, tormenta graviter utrinque certarunt. Erant apud Mauritium, qui obviam eundum hosti censerent: id enim fortius, & accendendæ militum alacritati. Sapientius alii



manendum in loco, quo longius iter per difficilia arenarum hostilem impetum retunderet. Quod cum placuisset, adventantem jam propius hostem, disiecto equitatu, qui prospectum ademerat, ad hunc modum instructum, Mauritius e fumini collibus, quos in usum praelii occupaverat, animadvertit. Tres de more acies, quarum media duplex totum litus impleverat: ita quatuor agmina hastarum erant, singulis adjecti cornuum in speciem jaculatores majores ac minores, quos arcubalistarios & musquetiferos vocamus. Primam aciem Diestani pepigerant, multis centurionibus, uno sub vexillo, quos inter agebat Mendosa. Dexteram secundæ aciei partem, quæ integra Hispanorum erat, Montiregius & Villarsa, levam, quæ partim Italica, regebant Sapena & Avilos. Inter utrumque hoc agmen statum Archiducem equitum manus assueta corporis custodiæ cingebat. Extremo loco Belgæ Busquoio & Barlota rectoribus, cum auxiliis ex Hibernia Bastucio duce. Equitibus imperabat Petrus Galenus per morbum Landriani: nisi quod Diestani sui aderant, in quos potestas tantum precaria. Ut distincta ipsis vocabula a lancea, thorace, ruborum armatura, ita in turmas dispositi vehabantur. Flexo die, ubi propius constiterant acies, Hispanorum prudentiores rem in consilium mittere, afferre communem Martem & dubiam belli aleam: non enim, ut creditum, hostem in naves moliri fugam, non terga dare impune cædenda: ita instructa acie, ita animatis ad pugnam omnibus, etiam vicisse non incruentum fore. Videndum, ne cum sperare cogerent, qui inter tot pericula deprehensus prælium

lium jam timere non posset. Obsidendum potius, cum sua circum omnia, hosti nihil præsidio foret. Interea quiesceret miles magnis itineribus & uno sat prælio fatigatus. Erant sententiæ quæ primam esse curam volebant, recuperandi castellum quod ab Alberto nominatum diximus. Sed & priore prælii successu ita elati erant militum animi, ut non prælium sibi sed prædā eripi crederent, celebrato multorum vocibus vetere Hispanorum dicto, quo plures Mauri, hoc clarior victoria: & fere eo ventum erat, unde sine certamine invito hoste discedi non posset. Ducum etiam plerique rapiendam putabant illam animorum incitationem & alacritatem exercitus. Spreta cunctatione salutari magis quam speciosa, quamvis accensis, hortamenta placuit admoventi, ut perficerent victoriam, auferent spolia, trucidarent non aciem, sed reliquias caesi a se exercitus. Illos expertes præliorum & hæcenus in Deum principemque rebelles, receptus tantum fiducia, ut semel collata signa, prostratos subita clade, nunc quoque pugnuros, quia fugere non possent. Non hic fossam, non vallum & quæ alia illis munimenta ignaviæ: venire ex latebris suis erutos, nec quicquam habere præter arma, quæ detrectata hæcenus imbelli conscientia. Ipsos in dextris gerere quantum esse ducem suum vellent: hunc enim diem, siquidem vincere auderent, redditurum ipsi imperium: neque bellum ultra: primum hoc & ultimum prælium: nam ad Turnholtam quidam merito caesos qui fugere maluissent, quam hosti occurrere: nec ibi aut prælium aut exercitum aut imperatorem fuisse. Nunc coram ipsi cui bellum gereretur, testem cuique vir-

tutis. Ejus ingentes victorias, Caletum, Hul-  
 stum, Ambianum, robur, constantiam, indu-  
 striam a singulis exemplo suo flagitare. Hæc  
 procures, ut quinque accefferant, plura ad  
 Hispanos veterum recentiumque admonentes:  
 per decora majorum, qui non contenti tantum  
 Europæ continuasse vincendo incognitos orbes,  
 & alteram rerum naturam armis suam fecissent,  
 unde ingens illud & infinitum maneat impe-  
 rium: per illum latissime regem, quem adesse  
 ipsum & milites suos obtestari crederent, ne so-  
 rorem, ne affinem relinquerent egenos & in-  
 decores, irent alacres & spe pleni, ut palam  
 fieret, quod tam diu bellum adversus unam gen-  
 tem traheretur, non animos sibi, sed hostes de-  
 fuisset. Fuere qui conjurarent, nulli se hostium  
 vitam servaturos, extra Mauritium, fratrem-  
 que, ut dignos, qui triumpho servarentur. Nec  
 minus Mauritanii duces varia oratione, ut cu-  
 jusque animis aptum, milites alloquebantur.  
 Britanni religionis & belli societate ac com-  
 muni periculo, Galli proprio atque insito in  
 Hispanos odio, & recenti bellorum memoria  
 accenduntur: Helvetiis Germanisque nomen  
 & gloria gentis ostentatur, ut quam ipsi virtu-  
 tis nobilitatem a majoribus acceperant, trans-  
 mitterent posteris, ac meminissent alienam  
 tuendo libertatem suæ se munimentum circum-  
 dare. Andreani hinc ad fidei experimentum  
 vocabantur, inde stimulabantur injuria, quod  
 Hispanus, ut transfugas, nullo hostium jure di-  
 gnaretur. Princeps quoque non tenuit vocem:  
 & te quidem, inquit, frater (nam is individuus  
 semper aderat, nulla prece inductus ut se in na-  
 ves reciperet) doleo, miserorque, quando in-  
 cer-

certus belli eventus est, & tua hæc ætas non per se magis, quam patriæ causa tuta esse debuit: nescio quo fato, in hoc mecum discrimine constitutum, ubi respublica, quam pariter armis tuemur, uno in loco omni spe sua periclitaretur. At quia eo ventum, unde pulsus ne fugæ quidem locus, & ecce istorum omnium oculi in nos conversi exemplum virtutis expectant, eo animo prælium capeßendum est, victoriam ut speremus, inortem non recusemus: hoc teque meque & inclyto Nassaviorum genere dignum est, cujus jamnunc argumenta abs te posci vides. Agnosco ego hunc animum, agnoscat patria, cujus te fortunæ manibusque tuis, quam classi credere maluisti. Inde proximum quemque interequirans, mollique vocabulo filios appellans, restatur adesse justæ vindictæ Deum; cujus majestatem contemptam sæpe perjurio: hunc belli auctorem eosdem secum habere hostes, quos subruat, eandem causam, sacra, jus, fidem, quæ tueatur. Stare a se, quod hostilium copiarum validum atque exercitum fuerat: inde bellorum rudes, aut suis non minus quam hostibus infensos, discordes & mutuo inspectos invicem vereri, ne altero alteri vincant. Nec quicquam præter temeritatis impetum ad prælium ferre: quem semel effusum repressumque continuo languescere. Sic eandem gentem, ambiguis rebus instabilem, adversis pavidam, prosperis nec fas, nec jus retinere. Cæterum etiam si ultionis spes non incitaret, necessitatem esse, quæ cogeret. Hinc oceanum, qui nulli gratiam facturus sit, inde hostem imminere, crudelem & perfidum. Vincendum illa acie, vel cadendum esse. Frisios aut Batavos advectus, reipublicæ admonebat, quam

quam patris patruorumque sanguine constitutam, tot nuper illustribus victoriis auctam meminissent. Superba Hispanorum dominatio ut oculis occurreret, & quanto nunc intolerabilior victis quam olim integris servitus. Non tam de sua aut ipsorum gloria (quanquam cur hanc quoque viris fortibus vilem) sed de salute, & quod salute prius, de libertate contendere: conjugum, parentum, liberorum, patriæ rem agere: ad ea omnia iter manu faciendum. His passim milites affatus ultro ordiri prælium statuit, & tormentorum duo (sex omnino erant) celsa in loca subduci imperat, quæ nautæ confestim, sucta laboribus turba, magna vi pertracta moluntur, obnixi ponderi & detinentibus arenis & clivi arduo, cratesque & asseres substernunt. Nec minus sua, quæ octo erant, sed in littore, hostes expediunt. Displosis utrinque, horrendus fragor fluctus maris & circumjectum litus impleverat. Globi nusquam in vacuum cadentes uberi strage grassabantur, in Mauritianos tamen minus noxii: quod hostium tormenta in plano situ, nec fulmentis nitebantur. Classis quoque ex océano hostem telis urgebat: quod ille expertus, simul minus patente littore, quia maris aestus stata vice increverat, interius tradidit aciem. Littori & campis tumuli interjacent longo tractu, & inæquali, utcumque ejectione salo arenas venti converrunt cumulantque. Huc transfertur prælium, atrox diu & incertum, faventibus locis, vel adversis. Postquam partium duces explicuere aciem, quantum loca ferebant, convalles & juga collium pedites tenere, ulteriori planitie equites vehebantur. Sed Albertus, ut extenderet copias, in media acie progredi

gredi iussa, quæ frontis, in dextram, quæ tergi, in lævam rejecerat. Nam Hispanis optime fitus, proxime Italis, gemini agminis impetum sperabat sustineri non posse. At Princeps mare verus Verianum militem, proxime campos Galium hosti obtendit: cætera subsidio pone sequebantur. Et jam utroque pariter agmine jaculatores hostis emiserat, quod ubi visum, e Gallis similiter armati quatuor in manus sparguntur, quarum tres in lævam hostium partem impetum facerent. Nam adversus dextram cum dilectis suorum Verius processerat, testatus Principem illa die aut vivo sibi, aut mortuo gratias habiturum, nec sefellerat. Ipse enim inter primos dimicans, & repulsis propugnantibus, qui tubos ferebant, hastatum aggressus agmen, duo accepit vulnera, equum perdidit & alii impositus, non ante quam frater Horatius cum recentibus copiis succederet, reduxit militem. Simul hostium turmæ (nam id illis consilium peditem alis firmare) acriter in latus invecæ non modicam stragem edidere. Quo facto & illorum augescere animos, & Nallavianos labefactari contigit: & vehementius hoste adorto, ingens repente pavor & fuga plerosque ab eo latere abstulerat: tam inconsulta quorundam trepidatione, ut maris illati fluctibus armorum metu turpem certamque mortem incurrerent. Sed constantia cæterorum, & cunctis providus Princeps rem propere restituit. Laborantibus Galli subvenerunt, binas in partes distributo agmine, cura Solmenis, ducibusque Ommervilla & Saulio. Et hi protentis hastis congressi, primum prospera fortuna utebantur, jaculatorum auxilio, qui superiores locis, hastatos hostium de-

super glandibus vulnerabant. Sed ubi integrum agmen Belgæ & Hiberni militis aduersum procellit, Helverios cum Andreanis Solmenfis hortatur hostem invaderent. His strenue pugnantibus, utranque Batavorum subinmittit cohortem, Trajectinam hanc, istam Hollandicam. Postremi omnium Germani manus miscuere. Nam per globos hostem incurfare, & quamplurimis catervis prælium committere Mauritio visum, ita ut fessis belli receptis, & recentes manus prælium exciperent, quod & hostem fregit, & ipsum invictum præstitit, quia & spatium suis reparandas ad vires dabat, & hostis incidebat in integros, quoties ut fugientes incautius persequeretur. Cæterum inter colles continuo pugnatum, qua detument, & ulterius, per intervalla resumo impetu. Cum primum pedites concurrere, Ludovicus sex turmis, quas tres alteræ sequebantur, hostilem equitatum inVectus disjecit. Quo tempore Gentius (is turbam prætoriam tuebatur) turbatos insecutus, trans hostium copias pervaserat. Tres inde equitum ductores suam quisque manum in Hispanos pedites dirigere. Nec Ludovicus neglexit, acer in omnem rei gerendæ occasionem, sex loricatorum turmas eodem rapere, quibus hostem urgeret. Insignis eo die per multa certamina hujus præcipue virtus fuit, donec coorti Hispanorum equites, & undique affusi, vix decem hominum comitatu suos prævectum includere, sed sua constantia & præfectus turmæ, Cloetio nomen, subveniens periculo exemit. Interea qui prælio excefferant colligi reficique, instaurare pugnam, cujus diversis in locis ut non una facies, ita dispar fortuna. Horatius propter plana,

na, collium sine, cum sex centuriis, alibi alius, ut cuique commodum, dimicabant. Undique pugna se moverat, ceu integræ vires & novus utrinque hostis concurreret, modo huc, modo illuc inclinante victoria. Inter equitatus non ita diu armis quæsitum. Facile constitit Mauritianum præpollere, etiam ducum virtute: nam hostibus qui peritissimi aberant, Contrera per Hispaniam, Landrianus morbo: & jam Hispanorum lancearii concitato cursu Neoportum fugam intenderant, illi sequebantur. Sed restabat pedes, pugnabantque adhuc feliciter, inter tumulos certe, quorum fastigiis detrudebat Mauritianum militem, tormentis etiam, quæ in edito locata ex propinquo imminens. Tres horas continuatum est prælium paribus animis: interea horrendæ strages: multum sanguinis fûsum, eminus, cominus vulnera & mortes. Iamque remiserat ardor, corporibus quoque per labores, & quia jejuni plerique, languentibus, ni suos Princeps accenderet. Hic turbatos recomponere, & hosti, siqua instaret, objicere instructas iterum manus, hic excitare singulos, ut ingenti animo capefferent pugnam. Tandem sub vespere equestri prælio rem conficere statuit, hac parte virium invictus turmas duas mittit, quæ juxta tormenta in littore consisterent: altera Verii erat: alteri præerat Balias. His imperat hostem laceßere, nec spes decipit, fore ut initium victoriæ ea ex parte nasceretur. Nam hostes, ipsi quoque finem prælio ardentes imponere, recta in eos vehabantur. Sed tanta in eos tormentorum vis detonuit, ut multa clade accepta equorum militumque, deflexerint iter. Per gyros tamen proximis collium interequitanter,

&amp;



& ulterius refugi, in littus redibant, donec proxime machinas iterum evectos Mauritiani maximo impetu fundunt. Submotisque hostium turmis statim cohortes impellunt, quorum duces Sapena & Villarfa vivi in potestatem venerunt. Parte ex altera Principis indefessa virtus, præsens consilium, ipse denique aspectus, suos, dum vinci non patitur, victores facit. Quod ubi videre Hispani, qui adversus medios dimicabant, quanquam pares aut adhuc validiores, fortuna partium territi, timide instabant: nec illos communia præliorum modo, sed plura Mauritiū provisu fatigabant, quorum acrior sensus ubi iris refrigeribus pavor irrepsit. Nam & sole adverso usi fuerant, & ventus major aestivo fumos sabulumque in ora volvendo, prospectum ademerat. laboraverant quidem id cœli beneficium intervertere, sed imminens undique Mauritius versare aciem non permisit. Tormentorum quoque dispar usus. Mauritanii adeo nullum tempus omiserant, ut durante prælii trices disploserint singula: tum quæ in edito erant asseribus substratis certius, ut ex solido, vulnerabant. Hosti non eadem ratio, machinæque nullo munimine suffultæ, impetu & mole residebant, ad ultimum cedentibus arenis hauriebantur. Præter consilium fors quoque Nassavianos adjuverat, correpto flammis hostili pulvere, quo tormenta incitantur, & clamata ante tempus victoria veram dedit. Dux Albertus, dum spes superfuit, totam per aciem obequitans ferebatur, cum Diestanis & in hostem procefferat, intecto vultu, quo notius exemplum foret, atque ita factum, ut hastæ cuspe a Germano milite autis perfringeretur. Fuit & qui frænum

num ipsius arriperet: sed perfoſſus ſtatim egre-  
gia deſenſantium fide. Tandem, ſuſpecta jam  
prælii fortuna, exceſſit acie. Credibile eſt capi  
potuiſſe, ſi qui tum Oſtendæ erat miles ex op-  
pido in fugientem erupiſſet, aut qui ad Leſſin-  
gam ponti ſervando miſſi, auſi fuiſſent ſubſiſte-  
re. Sed pars ex inatutina clade profuga, præ-  
teriti inemor, futuri anxia torpebat. Equus ta-  
men conſpicio candore, quo vectus Archidux  
(ſed ſeſſum mutaverat) præda factus. Dilapſo  
duce, qui æquo hætenus Marte pugnaverant,  
pedem omnes referre, urgentibus præbere ter-  
ga, tum inde effuſi fugere, præter Germanos  
quater mille, qui ſervatis ordinibus cedebant.  
Nec cunctati victores per ſtagnantia & locorum  
invia diſperſos ſequi. Sed princeps poſt actas  
Deo gratias, jam ſero diei lectas ex acie cohor-  
tes & turmas ſubduxit, præſidium in omnes bel-  
li caſus: ipſe in loco prælii cum primoribus  
captivorum, cœnam noctemque ſumſit, ſolo  
victoriæ munimento. Iacebant diſjecta circum  
arma, laceri artus, cruentum littus & colles,  
novique corporum tumuli. Sunt qui peccatum  
in eo velint, quod non ſtatim reliquias hoſtium  
proſecutus ſit calente victoria. Sed clades ante  
accepta, iniles poſt longum prælium etiam ine-  
dia fatiſcens, pars magna ſaucii, captivorum  
turba, nox atra imminens incertæ per ſoſſas ac  
voragine viæ, & caſtella interjacentia, deter-  
ruere. Clara tamen laus parta, nec facile mul-  
tis retro annis parem inveneris. Veterum cu-  
rioſi annorabant, ſerne tribus ante ſæculis Al-  
bertum Auſtriacum Adolpho Naſſavio congreſ-  
ſum vitam imperiumque rapuiſſe, eademque  
nunc die, quæ eſt poſtridie ſextiles Calendas,  
mutata

mutata domuum fata. Cecidere in ipsa acie  
hostium tria ferme millia, latissima Diestano-  
rum strage, & qua fugerant, obductæ cadaveri-  
bus viæ ac paludes. Sed & e victore exercitu  
mille ferme desiderati, præter quos Ernestus  
amiserat: maxima pars Angli, quorum prom-  
tissima fuerat virtus, cuius gentis centuriones  
octo in pugna occubuerant, cæteri omnes vul-  
nerati extra duos. Venere in potestatem machi-  
næ, & signa amplius centum, captivi multi &  
insignes. ipse Mendosa dubio adhuc prælio,  
cum dejectus equo jaceret captus & sepositus:  
magna pro eo Mauritiæ cura, per miserationem  
communis fortis & memoriam affinitatis. Nam  
Henricus Nassavius per Hispaniam olim præ-  
potens ex ea domo conjugem sibi sumserat. Sa-  
pena ex vulnere occidit, laudata multum Man-  
rici providentiæ. Pueri nobiles e domo Archi-  
ducis statim & sine pretio remissi. At legati  
Ordinum Ostendæ clausi non alium unquam  
diem tam sollicitum egere: primum qui ex de-  
ditis Alberto castellis, tum qui ex clade mane  
accepta profugerant, multum intulerant terro-  
rem: postquam in conspectu utraque acies, ut  
huc aut illuc fortuna inclinaverat, ita nutan-  
tem sibi rempublicam aspicere videbantur. Versi  
nunc ad preces, nunc ad repitandas bellorum  
vices, & ut quisque audacium consiliorum im-  
pulsor fuerat, ita maxime periculo commoveri.  
At postquam eos exitus absolvit, & insequenti  
luce coram ipse Princeps incessit cum captivis  
& omni victoriæ apparatu, tum vero læti vul-  
tus, festa gratulatio. Viderant illum sæpe victo-  
rem, sæpe magna meritum: sed ejus præcipue  
temporis augusta species erat, qua tot capitum  
&

& patriæ salus, tantique triumphî decora ipsi secundum Deum immortalem accepta ferebantur. At aulici, ferendis odiis callidum genus, ab hoc maxime tempore cœpere procerum auctoritate potissimos Principis iræ, vulgi sermonibus objicere, tanquam qui tuta inter consilia fortes, sua causa tot armatos & ipsum ducem in tanta pericula induissent. Tres primi post prælium dies, magnum utrinque ad res momentum, deliberando insumti, dum pars Aldenburgum recipere monet, qua iter in Flandriæ intima patebat, pars Neoporti ad obsidium redire. Simul sævum ventis ac imbribus cœlum & ad quevis agenda incommodum morabatur, milites quoque vix parati obsequio, cognitis tum demum quæ subierant periculis pavidi, aut victoria efferati. Inter ipsos rixæ & vulnera ob captivos, quos alii juris reverentia, aut, ne pretium sibi periret, servatos student, alii infensi ob amissos socios, præcipue Scoti, & similia hostium facinora obtendentes, nullo respectu rectorum prohibentium, palam trucidant. At Albertus interim, recollecto contra cladem animo, Aldenburgum aliaque castella firmare præfidiis, nec procul Brugis novum parare exercitum, ex his qui prælio superfuerant, aut ex finibus undique accibantur. Neoportum quoque nonnulli profugerant, & postquam huc venerat Mauritius, perficere obsidium durante cœli inclementia verabatur. Quo tempore quingenti primum, inde bis mille alii Barlota duce penetrarunt, adeo defendendis mœnibus pares, ut sæpius, nec improspere, erumperent. Quævis Mauritius visis, duodecimo postquam accesserat die abducit exercitum, & unum e castellis

Ostendæ

Ostendæ imminentibus, inter prata se efferens, cui ab Isabella nomen, cingere aggreditur, pari difficultate. Huc quoque se Claudius Barlota traustulerat, bonamque & extremam navavit operam, trajectus globo vir nobilis audaciæ, Lotharingus ortu, curandis olim vulneribus vitam toleraverat: mox per facinus haud honestum conciliatus Mansfeldio ferebatur, dictus uxorem ejus sustulisse: sed nactus honores, ita se gesserat, ut mereri majora semper judicaretur, quo mors ejus nec luctu apud ducem, nec apud ipsius novitati invidentes gaudio caruit. Mauritijs, spe in Flandria bellandi per locorum difficultates, & reparatas hosti copias præcisa, tandem Ostenda vela facit, gravi ex prælio fructum nullum præter gloriam deportans. Ante abitum, Alberti castellum jussu dirui; sed mox hostis reparavit. Provectæ jam classis postrema Spinulanæ naves silente forte cælo ausu laceßere: sed, coortis subito ventis, vix se remigio eripuerunt, insequente classe, donec vada dirimerent. Ludovici per Brabantiam conatus aliquot evanuerunt: & quod reliquum anni, ferme adhuc medijs, per otium transiit, partitis inter se hostibus, his felicijs prælijs, illis servatæ Flandriæ non sperendum decus. Dum Flandria bello fervet, Bruxellæ conventus agebatur, quem jam ante Albertus, more veteri, sed pridem omisso, e cunctis suarum nationum ordinibus advocaverat: persuasus ab his, quæ nota Belgarum ingenia, mores & verba civilia induere, & specie poscendi consilium pecunias impetrare. Dixerat miserari se mala quibus populi premerentur, nec velle aucta dissimulando, & si pace remedium quaereretur, obviu[m] sese,

fin

fin hostium pertinacia obsisteret, non tamen  
 desperandum in causa meliore. Pro se Hispaniæ  
 opes, unde ducenta quinquaginta scurato-  
 rum millia, quot mensibus in bellum sponde-  
 rentur. Sed ut restitueretur disciplina, miles sine  
 injuria ageret, æquum Belgas ipsos anniti, re-  
 pertis stipendiis, quæ præsidia alerentur. Et  
 quando principalis patrimonii reditus jam olim  
 bellis Gallicis oppignorati, dandum sibi regie-  
 que conjugii, unde generis, unde imperii digni-  
 tatem sustinerent. Dum cætera consultantur,  
 prærogata interim pecunia, qua occurreretur  
 seditioni larius indies serpenti, & Diestanis ple-  
 risque mox prælio absumtis, cum Hamontiano  
 ceptum transigi. Sed Belgici ordines per hanc  
 occasionem altius se reipublicæ immiscentes,  
 quæ Hispani auxilii fides, quid præsidia, quid  
 bellum terra marique deposceret, scrutari: præ-  
 cipue paci insistere: multa Batavis haud imme-  
 rito suspecta, arces Belgicas & munerum pri-  
 ma penes externos, contra leges jam quod iis  
 ipsis tabulis, quibus Belgica transcriberetur,  
 necessitas imposta religioni, clausæ Indiæ, &  
 principes ipsi clientium in morem addicti regno  
 Hispaniæ, partim ut gravia, partim ut iniqua  
 inculsari. Hæc si rex Philippus demeret, venia-  
 que principum sibi liceret cum Batavis inire  
 fœdus, quo major accederet pactis fiducia, spe-  
 rare se brevi gentes sub unum imperium coali-  
 turas. Consentit Archidux ut Ordinum suo-  
 rum nomine legati ad Fœderatos mitterentur,  
 qui animos prætarent. Venere Gerardus  
 Hornanus Comes Bassiniaci, Philippus Ben-  
 ringius, Henricus Codus adessor Iprensis, post  
 Neoportanam pugnam quo tempore legati Fœ-  
 dera-

deratorum Flandria egressi Bergis ad Zomam  
 substiterant, rogabant institui conventum, in  
 quo inirentur rationes concordiae, multa utrin-  
 que dicta in odium belli, pro pace & cominu-  
 ni Belgarum salute. Ex Foederatorum parte  
 dictum, nihil sibi gratius quam externa collu-  
 vie purgari Belgicam, in hanc rem auxilium  
 se polliceri. Si resumerent libertatem, de reli-  
 gione nullum certamen fore. Ceterum non vi-  
 dere, quis exitus colloquio proponeretur: nam  
 cum Hispanis quam pacem haberi posse, qui  
 etiam bello abstinentibus pacem non serua-  
 rent? At Hispano Archiduces, pudendis Bel-  
 gico nomini conditionibus, intexos: ipsis Bra-  
 bantios, Flandros, aliosque ordines: quam er-  
 go vim habitura pacta cum illis inita, qui sub  
 dominis, sub arcibus, sub infenso milite duce-  
 rent alieni juris animam? Illi rursum, pacem  
 quidem se, non defectionem moliri, nec æquum  
 alteros arma retinere, exarmari alteros: sed  
 ratum principibus fore quicquid inter se Ordines  
 pepigissent. His dictis auditisque Archiducum  
 populi, seponendam rati spem pacis cum  
 Batav. recenter victore, belli onera examinant:  
 & diu certato quantum gens queque penderet,  
 quia vetus forma Gallicis bellis instituta, ob  
 mutatas provinciarum vires & arma aliis fini-  
 bus illata, servari non poterat, ubi tandem con-  
 venit, in focos, aliaque repertis vectigalibus,  
 tricies mille florenos quoque mense pollicen-  
 tur, velut in annum futurum, sed mansit & in  
 sequentes. Ut praesidiorum quisque apud se sti-  
 pendia deduceret, ne quicquam cives praebere  
 militi cogerentur, ut pars altera virium & lo-  
 corum custodes e Belgis essent, quaestura Ordini

nam

num arbitrii foret, partim negavit Archidux, partim, spe facta, non præst. tit. Offendit multos & Henricus Gufmannus ex Hispania missus cum literis, quibus Rex Ordines illos adhuc ut suos compellabat. Idem exemplo Hispaniæ inquiri volens in tabulas mercatorum, si cui connexa cum Batavis ratio, aut ad Indianas societates pecunia submitteretur, oblucente Antverpia frustra fuit. Dunkerkani non alias sævius egere. Mandaverat Albertus ipse Batavos ut commercio ita piscatu arceri, unde inopia aut seditio sequeretur. Ipsi multis suorum suppliciis asperati, proprias iras addiderant. Ergo imbellis hominum genus (& est plerisque piscatorum ea religio, quæ nefas ducit vim armis propellere) perforata navium alvo, aut ignibus inimicis, alios clavis transfixos longo meru sensuque mortis excruciant, tantaque vi mare inceslerant, ut naves piscantibus præsidio datas interdum assilirent traherentque. Sed ubi omne Batavorum robur emotum est, capti alii inhumana facinora supplicio expiarunt: alii notas in latebras suffugium fuit. Ductor ipse Wakenæus, aliquot cum navibus hostem insequentem per Morinum fretum elapsus, Cantabriam attigit, & post actas e littore Armarico prædas, multis mox nautarum penuria absumentis, & ipse interiit morbo, an quia Hispanis fastiditus. Contra Spinulanos remiges, ut omni cælo certaretur, navis longa, ignotum ante Batavis, Dordrechtî struitur, ornata machinis virisque: primum mercede conductis, inde ob facinora damnatis utebatur, quia bello captos eo servitiû adigere mos Christianæ pietatis non sinebat. Probatum egregiis  
luc-



successibus consilium : nam strato mari una plures hostium inuenta in fugam egit , recepto navigio quod succinctum ferebatur. Brevisque crevit audacia , ut , paucis lintribus assumtis , & lecta nocte , Batavi remiges inter Brabantiae Flandriaeque castella Scaldim silentio subvecti , ubi sub Antverpiae mœnia penetrarant , navem tribusurgentem machinarum ordinibus , & minores septem , primum ignoti , inde per vim & propugnantium cœdes rapuerint. Excita clamore civitas , in mœnia procurrens , spectavit damnum suum ad dedecus inulta : nam victores securi prædaque onusti abiere , postquam notum carmen , in laudem Wilhelmi Arausionensium principis , non sine effectu civium vetera recordantium tuba occinuerant. Magna spes belli Gallici Batavos sub anni huius finem impleverat , Henrico in Sabaudum ducente , qui , Hispano susceptis ex sorore ipsius liberis illigatus , nihil nisi illo conscio ausurus credebatur. Causa arinorum Salucia in Alpibus regio , Marchionatus titulo , quam agræ per internos tumultus Galliae Sabaudus ademerat. Pontifex Romanus pace Verbiniana lectus arbiter trahebat iudicium , donec instante Gallo Sabaudus ipse Parisios ad regem venit , & præcipuis ministrorum clam pretio corruptis , ipsum obsequiis ac promissis mitigabat : quæ ubi ad dictum diem non evenere , Henricus indicit bellum , urbesque & castella Allobrogum vi expugnat : Fontano interim ( is dux quondam in Belgica , tunc Mediolanum reggebat ) magnas cogente copias , quibus bellum Hispano agitari Italia , & omnes circum populi suspicabantur : quippe & infidiae hinc in

Vene-

Venetorum arces, inde in urbem Mediomatricum erumpebant. Sed arma Alpina pax citata excepit, convento, ut pro Salucia Bressia comitatus in Segusianorum finibus, in quo pons Rhodani, Gallo traderetur, addita exceptione, ut Hispano copias in Sequanos Belgicamque trans eum pontem ducere liceret. Rex Henricus, ut regnum, post pacem externam, & intus religionum dissidia æquis legibus coercita, certo hærede stabiliret, a Pontifice divortium ab Margarita Valesia, invisa olim, nec bono rumore, & jam annis infœcunda exorat, conjugemque ducit Mariam Francisci filiam Ethruziæ nuper principis, claram morum, & quæ recentem apud Gallos Medicæi nominis invidiam quietiore ingenio elueret. Idem cum Anglia amicitiam firmaverat novis pactionibus, quæ per mare prædonum licentia prædibus datis, & æquis judiciis coerceretur.

Bb

Hv.

HVGONIS GROTH  
 HISTORIARVM  
 DE REBVS  
 BELGICIS  
 LIBER DECIMVS.

**R**Eparatæ auctæque vires in annum novi sæculi primum gravia ac tarda minabantur: quippe speculabundi duces & alter in alterius consilia defixi diu subsistere. Hyems & ver omne inter dolos & prædas exercita, antequam retenta vis belli impetu majore erumperet. Initio statim miles, Brabantus ortu, Iesuitarum vocibus, & pecunia emittis ut Gertrudisbergam falsi captivorum specie hostibus aperiret, ante fœdoris exitum deprehenditur. Mox equites Mauritanii haud ita multi agro Limburgico, perrupta arce quadam, prædam & captivos devexere. Ad arcem Cracoviam, quæ in Meurica ditione est, cumque urbe agroque dono ultimæ Comitissæ Mauritium pervenerat, sed a Salentino Comite Isenborghi ex Parmensis concessione ad id tempus tenebatur, occupandam mittitur Cloetius turmæ præfectus, equitesque trecentos & modicum peditem trans Wachtendoncam rapit. Quo comperto Dulquius, qui Stralam propinquum

quum oppidum jussu Archiducis curabat, pedites plus cccc, equites paucos silentio ducens, incautos hostes per tenebras invadit. Iamque ceperat triginta, quosdam trucidaverat, antequam cæteri strepitu exciti se explicuere. Sed per arcta viarum retrogressum, qua campī pateſcebant, præfectus alia Cloetius incurſat; ille, equitatu minor, villa occupata ad deditiōnem cogitur. Victor, ad quæ miſſus, properans, foſſam arcis, ut indices rerulerant, glacie non interrupta perviam invenit, portam vi nitrati pulveris diſſicit, præſidium expellit. Cum Hamontiano milite hæctenus Albertus pepigerat, ut, relicta interiori ſede, Wartam oppidum arcemque acciperent, unde Leodicum ac Iuliacenſis ager ad prædam exponebantur, graviter ſane expoſtulantibus vicinis. Sed crebræ legationes & queſtus leviter tranſmiſſa, quia cognitum jam olim lucri genus, ſeditionis per ſpeciem ſuntu alieno bellum alere. Sic Bercæ quoque & Geldræ præſidiis Clivii vexabantur, accedebatque oneri immerentium populorum, quod Batavus tantundem iſſis pecuniæ indicebat, quantum alii abſtulerant, nihil referre dictans, ſponte an viribus diſſiſi juvarent hoſtiū opes. Audito parari in Hiſpania claſſem, & quia Dunkerkani mare liberius uſurpabant, major ſolito viſ navium Oceano immiſſa, nec tamen deſuere prædones, qui in conſpectu Sceverinæ (is proxime Hagam littoris Hollandici vicus eſt) exponerent captos, pretiumque acciperent. Sed mox circumventi a navigiis piſcatoriis, queis armati homines occultabantur, ſolito ſupplicio audaciam piavere. Immiſſæ & portui Dunkerkano naves, ſaxis oppletæ, claudendos ad exitus. Sed, quoties

mare abscesserat, scissa oppidanorum securibus  
 ligna, rursusque aestu impacti fluctus, cuncta  
 dissecere. At missæ in Angliam mercatorum  
 naves longis Spinolanis præda factæ, postquam  
 bellica, præsidium aliis, diu non sine hostium  
 clade certato, mox igne injecto conflagraverat.  
 Speraverant eandem Flissingam aggredi, intus  
 corruptis, qui urbem incenderent. Sed unus  
 conjuratorum, quem ægrotum forte mors im-  
 minens in pœnitentiam verterat, edita apud  
 sacræ rei ministrum confessione, fraus detecta  
 punitaque. Novæ interim in Alberti partibus  
 seditioes: classiarium infesso Scalde rumul-  
 tuantem Antverpienses parte stipendii mitiga-  
 vere. Walonibus, qui circa Ostendam castellis  
 impositi ad cædem usque aut vulnera præfecto-  
 rum sævierant, largius indultum, quia Batavo-  
 rum promissis mutandam ad fidem trahebantur.  
 Persuasi migrare præsidio Montem Guinoci  
 transiere. Post ista Fœderati Ordines instituta  
 in caminos pensione, & ex Anglia milite, e Gal-  
 lia insuper pecuniis adjuti, Flandricam rursus  
 expeditionem animo agitabant. Sed cum in ce-  
 leritate spes esset omnis, ideoque prius necesse  
 hostem inde avertere, placuit ultimis finibus  
 ostentare bellum. Præmissis igitur milite Mau-  
 ritius, obtentu nuptiarum, quas Ludovicus Nas-  
 savius cum vidua comitis Broukii faciebat,  
 Arohemum venit: nec moratus, centuriis ultra  
 centum, turmis triginta Bercam properat, quam  
 tum tenebat Archiducis jussu Hieronymus Lo-  
 pes. Milites illi Walones, Itali, Germani, nau-  
 tici ad tria ferme millia: victus satis, machinæ  
 sex & triginta, munimenta mediocriter aucta,  
 ex quo Mendosa peste adjutus oppidum cepe-  
 rat.

rat. Dumque Mauritius sueta prudentia adversus vim externam se prœmunit, Ludovicus Bernardus Avila non imperitus alias, tum Bommeliano nuper exemplo doctior, extra fossam opera excitat, locumque pascuis comprehendit, quæ pecora pascere, quia sale servandas ad carnes destituebatur, naves suas corrumpit ipse, ne hosti cederent. At Princeps classem, quam adduxerat, partim Rheno Coloniâ usque disponit, partim juxta se confidere imperat. Insulam, quæ propter oppidum amne circumluitur, castello modico instructam, primos ad ictus machinarum desertam & opere amplius firmat, & cum ripa utraque pontibus jungit. Tum dispositis, quacunque spes adeundi erat, stationibus, castra tribus partibus locat: uni ipse præsidens locis editioribus secundum oppidum, superiora ripæ Ernesto Nassavio, media Tribuno Gistello attribuit: ac duobus maxime locis fossiones contra munimenta extra oppidum prominentia intendi imperat, validis circum custodiis, quia crebris eruptionibus opera turbabantur. Primus impetus ad Casseliensem viam mille aut ultra hominum fuit, hunc Galli retudere, quorum ductor Castilionæus juvenis fortiter dinucans honestum vulnus retulit. Nec territi tamen obsessi quo minus & ex eadem parte, & qua Xantemum itur, sæpius irruerent, non sine aliqua clade ut improvisi proruperant, sed repressi statim accurrentibus e propinquo subsidiis. Quæ dum fiunt, perlatus nuntius Ostendam ab Alberto obsideri, non parum attulit difficultatis: nam cœpto cedere indecorum, at perducere contra opera tam valido intus præsidio, & servari aditus, palustribus circum ac fallacibus

campis, siue magnis copiis non poterant. Rursum Verius, quem Ostendæ imperio destinaverant, abnuebat onus, ni viginti Anglorum centurias, magnum robur exercitus, secum abduceret, quod concessum: & expectans supplementa Princeps instabat operi. Interim obsessi victus sibi modum præscribere: nuntiis & sublati e specula ignibus auxilia implorare: nuntii intercepti. Geldræ ex oppido significatione ignium spes monstrabatur. Miserat sane Archidux solvendo Herebergensem obsidio, non modicis cum copiis: & carri vicinorum in hoc retenti. Sed mutatum consilium, seu quia castra impervia, eximia ducis arte, seu quia ex usu artrinare illic hostilem exercitum, quo segnius Ostendæ subveniretur. Vbi inferni meatus sub valli extra jacentis partem successerant, jactu globorum & ostentata acie, velut facturus imperium, Mauritius obsessos proleat, quos frequentes coactos defossi pulveris violentia diripuit: parati, qui ruinas occuparent, locum tenere, quamvis hostis non multo post regressus acriter incumberet. Brevi cætera circum munimenta simili arte, aut per vim capta, pars metu deserta, statimque ad Casseliensem portam directæ trans fossam vineæ sub ipsum oppidum aggerem perreperant, quod timentes obsessi, & quia sanctis compluribus medicamina non suppetebant, ad conditiones venire, eo maturius, ut perfugis, qui multi inerant, salutem & honestum cæteris exitum paciscerentur. Lata imprimis populo Transisalano ista accessio, qui tributa, hosti hætenus pensitata excursionum metu, statimabnuere, iussis armari, & ad signa concurrere, agrestibus. Medio mense Junio cœpta

cœpta obsidio Iulii fine exitum habuit, cum jam Ostenda vicesimo & quinto die Hispanorum viribus tentaretur. Sed antequam omni cum exercitu descenderet Princeps, Mursam oppidum, donatum sibi, ut ante diximus, in potestatem redegit, dejecto imbelli milite, quem Clivæ Dux imposuerat feudi, per hæredum interfectionem ad se reversi nomine, ditionem vindicans. Sed ipse contra multis facinoribus patroni jura violasse arguebatur. Ostenda, cujus nunc obsidium multis a sæculis clarissimum ac proprium velut bellum memorabo, inter Clusam & Neoportum piscatoribus lecta sedes, jam olim Flandrici littoris partem exiguam occupavit. Porta palisque vallari cœpta, quo primum tempore civilis belli initia, & multus mari prædo cuncta terrore oppleverant. Postquam Gandaveni pace opes Ordinum invaluer, accessit fœderi, constanterque adhæsit, & mox Patmensis, capto Neoporto ac Dunkerka, terribilis illic obsidii irritus, dein Lamota irrupta jam parte oppidi pulsus, famam addidere, & curam muniendi, quæ aucta ex quo Clusa amissa, & præter Ostendam nihil oræ Flandricæ reliquum. Frons oppidi in Septentrionem prominens aperto Oceano pulsatur. Lævo, quod in occidentem vergit, latere rivus Iperleda, mari quondam illabens, portum efficiebat: sed qui, ut Flandriæ cateri, recedente æstu navium esset impatiens: nunc rivum opera abscidere, portus manet. Quæ pars orientem aspicit, arenosis quondam collibus inæqualis, mox in planum deducta est, ne propinqua fastigia hostem attollerent. Ita remotis quæ obstiterant, proximam mœnibus planitiem irrupit mare patente in cen-



tum pedes æstuario, cui cedentibus semper arenis aucta profunditas: ubi æstus adjuvit, immensus gurgis: ubi destituit, duarum hastarum longitudine aquæ superant: vadosiore tantum in ipsis faucibus limine. Quicquid retro terrarum in austrum porrigitur, crebris fossis interseissum, mare inundat, quo æstuante, mille passuum spatio & ultra sæpe, mergitur solum. Tantis naturæ præsidis accessere munimenta, rudia quondam, sed in artis modum, quantum locus ferebat, jam tum cœpta excoli, cum Caletio Hulstaque victor rediens Albertus obsidium minabatur in hæc usque tempora dilatum. Vetus oppidum quod dicitur, nunc nihil nisi inane aquarum terreque spatium, mare aspiciens, extra Ostendæ vallum propriis quinque molibus litus impleverat. Hinc fossa novum oppidum circumluens, septis aquarum modum dispensantibus, bina & hic mœnia dividit, interiora octo propugnaculis excurrunt, quibus exteriora totidem aliis respondent, qua flumina prælabebantur, levior structura, a tergo solidum opus, & nova fossa intercedente velut triplex vallum. Hic oppidi ambitus, horæ circiter dimidiæ iter. Ultra, propriæ sejunctæque munitiones, & quæ, si necessitas urgeret, defererentur sine labe oppidi: una palis præsepta trans æstuarium sine dextri lateris: aliæ per campos, tergo mœnium adherentes, aut modico spatio & voraginum interuentu avulsos. Flandri perterriti excursuum, quæ omnis late ager exhauriebatur, & experti septendecim castellorum, quibus tum clausa Ostenda, sumtus sine fine, licentiam militis gravem, & parem prope hostili, & nuper cœpta seditione suspectam fidem, urgent Archiducem,

ne diutius clarissimam imperii sui provinciam unica parte inutilem pateretur. Nec deerant dissuasores, qui tantis oppidi munimentis, & patente Oceano, non obsidium, sed inutilem exercitus moram ominarentur. Sed vicit spes, & promissa a Flandris vis ingens pecuniæ, & hærente ad Bercam hoste non spernenda occasio: præsertim cum & ex Italia Hispaniaque novæ cohortes advenissent, Trivultio Braccamontioque ducentibus. Quinta igitur Iulii die Fredericus Herembergensis dextra oppidi, mox Hieronymus Montiregius læva assidet, e propinquo primum, sed ictus tormentorum coëgit longius metari. Carolus Notius oppidum tum curabat, sufficiente victu & omni belli paratu, centuriisque viginti & una: quibus accessit primum ad obsidii nuntium missa cum Huchtembroukio cohors, statimque virtus præsidii apparuit, valida eruptione, qua cæsi primores, quos inter Montiregius, & e vulgo supra quingentos. Postquam Franciscus Verius summo cum imperio in oppidum venit, cum suæ gentis milite, cujus numerum novi ex Anglia dilectus augebant, statim e re visum, quicquid extra oppidum munitione occupaverat, firmare custodiis & longius proferre castella, quorum unum recens adhuc, & quadraginta militibus servatum hostis irrupit. Cæterum a posteris oppidi partibus repulsus obsessor lævo maxime lateri imminebat. Stagnantibus locis aggerem struxit nova arte, cujus laus ipsi debita, cum pleraque alia nuper reperta Mauritiæ Batavorumque ingenio inceperint. Fasces longos in pedes viginti, ambitu paulo majore, quo firmitus ipso pondere aquis obfisterent, insertosque his lateres religabant.

Farcimina dicebantur : his sensim promotis , & vi machinarum superposita portus veteris usum navibus eripuit. Sed ex aestuario , quod altera parte fluere diximus , perfosso litore diductus alveus , statimque moenium sinu exceptus , melior ac certior deinde portus fuit. Huc ingredi , hinc exire centenæ sæpe naves , efferre saucios , portare torimenta , ligna , victum , & quæ contra cœli injurias aut metum morborum desiderabantur. Nec contra hostium , quanquam editioribus e locis , jactus longinqui & incerti quicquam valere , tam raro periculo , ut ingens hominum multitudo sola spectandi cupidine advectaretur. Externorum procerum Dux Holsatiæ , Dani regis frater , & ex Anglia Northumbriæ Comes , omnibus belli artibus strepentem locum inspexere. Igitur omissis globorum minis , arenarum sacci ac lapides opplendo gurgiti immittebantur , frustra , prævalente aquarum rapacitate. Vbi præcludendi comineatus spes nulla , versas in occidentem urbis munitiones Catricius illa ex parte imperans , adnotu operum telorumque impetebat. Harum munitionum tres contiguæ Histrix , Orcifauces & Sabuletum castrensis vocabulis dicebantur. Sabuletum oppido in vetere pars quondam collium , quos maris arena accumulat , æquatis cæteris , unus tumulus eminebat , quem propugnacula duo alterum alteri superadditum coronabant : aliaque operum circa , quia oppidi quod minus firmum inde propugnabatur. Huc tot adacti ab hostibus globi , ut collis totus ferro rigeret , nec tamen immenso sumtui par fructus fuit : nam dejecta facile reparabantur , & mortuis aut vulneratis succedebant recentes. Inter eos quos  
jactus

jactus absumserat, juvenis Castilionæus fuit Gal-  
 lorum tribunus, egregii ducis Coloniaci nepos,  
 nec ipse ab avira virtute degenerans. Ipsum quo-  
 que Verium, curando vulnere egressum oppido,  
 Zelandia re fovit & remisit. Nec talium malo-  
 rum immunis obsessor. Sed paucos intra dies  
 Catricius & Bracomontius tribuni cecidere.  
 Per oppidum, quo minus globi & ignita jacula  
 timerentur, aggesta parietum in morem densa  
 passum humus. Sed ne maritimum vallum ho-  
 stis oppugnaret, propinquis jam fossionibus, ma-  
 jor metus. Itaque agger arcendo structus mari  
 disjicitur, ancipiti consilio: sed eventus contra  
 Hispanos fuit, quorum fossiones vimineæque  
 turres, ubi venti fluctus impulerant, longe mer-  
 sabantur, coactis custodibus in tribunalia refu-  
 gere, quæ ferendis machinis juxta extulerant.  
 Sic admissum mare Ostendam insulæ in speciem  
 circumdabat: oppido quoque interdum nocens,  
 sed palis, faxis, & omni maritimarum gentium  
 ingenio vis summa undarum in hostem dispel-  
 lebatur. Quatuor menses abiire inter prosperas  
 eruptiones, & contra incenibus assultantium in-  
 anes impetus, crebraque transfugia, & capti-  
 vos qui vanis rumoribus partes utrasque imple-  
 bant. Derectus & proditor, qui bellici pulveris  
 incendium hosti promiserat. Ipse Albertus in-  
 terdum & Isabella, tardi laboris inspectores  
 aderant, alacri milite ducibusque in principum  
 conspectu, alii farcimina plura vasum in mo-  
 rem orbibus connectere, & his quo liberet pro-  
 volutis solidare humentia, nova castella vete-  
 ribus addere: pars longe dissidentia operum  
 aut viarum connexu jungere: fossam moliri  
 quo cuncta facilius Brugis adventarent. At Fœ-

derati Ordines spe invadendæ Flandriæ amissa ,  
 post Bercam captam , pertæsi erogationum &  
 Ostendæ primum intenti , æstatem multumque  
 autumnū nihil ipsi molientes transinifere. Vbi  
 trahi obsidium , nec tam periculum Ostendæ  
 quam sumtus immanes verebantur , propositum  
 hostem detrahere , aut si perstaret , neglectas in  
 partes incumbere. Diuque dubitato , quis locus  
 facilem victoriam , nec sine magno usu , daret ,  
 Silvadicus placuit , post discidium a fœdere ,  
 nunquam aperto bello tentata. Nec præsidium  
 tunc aliud , quam centuriæ dux , turmæ totidem ,  
 quibus Antonius Grobbendonkius imperabat ,  
 sollicita semper civitate , ne miles prævalefce-  
 ret. At cives ipsos haud sane intrepidus , magi-  
 stratus ac sacerdotes , quorum ingens copia est ,  
 certatim inflammabant , hi ne fœta sacra arasq ;  
 & simulachra & Divos faventes desererent , ac  
 pollui paterentur : illi majorum facta recitando ,  
 quorum virtus Geldros toties a Brabantico li-  
 mite repulisset , addebantque suum ipsi exem-  
 plum. Nam & per noctem lumina disposuere ,  
 & edicto cavere ne eorum quibus vivitur præ-  
 tia crescerent , & ne fœtis ante fores indicis  
 mortes noscerentur. Aggèrem quoque excita-  
 runt , qui Fuchtensem nomine portam prætege-  
 ret. Hac parte Mauricius castra fixerat , adversa  
 Wilhelmus & Ernestus confederat : utrinque via  
 depressioribus campis eminens facile ad oppi-  
 dum fossiores perducebat. Ea commoditas &  
 urbis non alia quam fœta olim munimenta ,  
 spem brevis accessus dabant , cum alioqui mense  
 Novembri tam propinqua hyeme cœptus labos  
 terrere posset , & in ampla urbis spatia non pa-  
 res obsidentium copiar , centuriæ tres supra  
 septua-

septuaginta, turmæ triginta circiter: quippe Ostenda iustos poscente exercitus. Sed nec eruptionum inerus a cive, sua tueri satis habente, nec sueto talium, & circumfusa planities late madens, positis castellis claudebatur. Repertum & amnes rivosque juxta fluentes objectu inolivum supra ripas attollere, quo magis stagnarent adjacentia. Sed non ita id maturatum, quin bis in oppidum miles penetraret. Quippe ab Alberto missus, ad Brabantorum preces, in loca proxima Fredericus Herembergensis cum pedite & non invalida equitum manu, sparso rumore, paratisque omnibus velut Helmundum vicum muniret, primum trecentos ferine, mox ad mille oppido inserit, ignaro diu obsessore, & ubi fero cognoverat, paucis postremo ex agmine captis cæsisque. Adversus incendia, quæ a globis ignitis timebantur, vulgi rectorumque oppidi magna sedulitas: tabulata arena sternere, ahenò tela excipere, cunctaque restinguentæ flammæ parata habere. Accesserat Archiducum nomine pollicitatio, privata damna ex publico reparatum iri. Urgebat interim opera Mauritius, queis ad fossam mœnium perductis, vineæ tantum & quæ urbibus ultima restabant. Spem non longinquam gelu interscidit, expectato maturius intensiusque, concreto quicquid aquarum campis incubuerat, rigentibus quoque fluminibus, nec commeatus aque faciles, & laxior hosti in oppidum via: tantumque frigus, ut excubiæ non sine pernitie militum agitantur. Vigesimo septimo die solvitur obsidio, dolente Mauritio ac respectante sæpius an cœlum mitesceret. Sed impellebant abiturum maxime Herembergensis copiæ, quibus & ille se

se junxerat miles, quem post secessionem War-  
tam in oppidum translatum inemoravi, pari-  
terque tum Diestæ constiterant. Neque tam  
castris metuebatur egregio opere vallatis, quam  
ne gelatis omnibus nudum Hollandiæ latus in-  
curaretur. Impedimenta, navium sublato usu,  
quarenus potuere Heusdam præmissa curribus,  
incensa cætera. Munitiones, ut fuerant, relictæ,  
periti ducis ac gnavi militis egregium speci-  
men. Cætero autumnii hyemisque leviter ex-  
cursum. Batavis Transrhenanam ripam, quæ  
contra Coloniam est, obtentu eorum, quæ inor-  
tuæ nuper Comiti Mursensi debebantur, raptan-  
tibus: & Bellijocoso Archiducum jussu popu-  
laute, quod Brabantiæ sub Fœderatis positum  
tributa defugiebat. Stabat adhuc circa Osten-  
dam bellum: & alter obsidentibus atque ob-  
sessis labor, hybernium mare, nunc hæc, nunc  
illa opera quatiens. Accedebant morbi cælo  
soloque juxta humentibus, quorum intolerans  
imprimis natio Angli deficere iudies, aut disces-  
sum in patriam Verium orare, per quæ immi-  
nitus defensorum numerus, ita ut septem mil-  
lium vix tria restarent, Archiducem non latuit,  
qui cum nec immerfis navibus, nec ullo ligno-  
rum lapidumque aggestu æstuarium videret  
præcludi posse, nec eo continuari opera, simul  
& mari & machinis hostium prementibus, ad  
manus rem perducere statuit. Primumque, ten-  
tandis viribus, dilectos militum octingentos,  
prætecta littore incœnia assilire noctu jubet,  
quod exsecuti fortiter. Falosque & mari ob-  
jecta late incendio depascebant. Sed mox æstus  
recurrens coëgit abscedere, relictis suorum haud  
paucis, quos e proximo machinæ, laceraverant.

Pla-

Placuit tamen, acceptis in castra supplementis, oppidum, tum qua retro in campos exit, tum qua mare prospectat, gemino ex latere adoriri; Histricique & Sabuleto, præcipuis illic munitis, vi tota incumbere. Guarum id Verio, captivi indicio, qui suorum paucitati metuens, nullo ducum aliorum, sed unius suo usus consilio, plerisque nescientibus, breves cum hoste inducias facit, & injecta spe deditiois, obsides dat atque accipit. Sed orto hinc militum tumultu, Rossemianorum maxime, qui ne hosti insenso proderentur impruinis metuebant, coactus Verius obsides Archiducis dimittere, causamque aperire centurionibus. Ea fuit, ut, colloqui specie in spem auxiliorum adventantium, periculi tempora extraheret. Quo intellecto, visum omnibus, quo obsidum ad hostes missorum saluti consuleretur, clarissimos hostium in oppidum allicere, cum quibus actum leute, insuetis & iniquis postulationibus, inter quas fuit, ut exeunti militi Archidux magnam vim pecuniæ numeraret. Interim e Zelandia quinque centurias ventus secundus in oppidum detulit, edixitque legatis & Archiduci Verius, pressum se necessitate, venisse ad pactiones: nunc cum auxilia advenissent, salva sacramenti fide non esse ut ultra procederet. Sperare se tamen, si quando Archiducis viribus ad extrema urgere, clementiam magnaniuni principis sibi non defuturam. Commovit Archiducem ea contumelia, quippe Flandria omnis velut ad certum spectaculum potiundæ urbis concurrerat, & jam dedita fama propinquis regnis vagabatur. Nec Ordinibus satis excusata fraus per se indecora, ad hoc periculosa magis quam necessaria.

Externi



Externi hoc anno casus non leve momentum ad res Batavas attulere, quippe in Anglia Essexius, pacis cum Hispano maximus adversator, cum custodia exentus, regia arceretur, & ille quondam graciosus, suffultus clientelis, armatus legionibus, nunc sine decore, sine imperio vitam pati non posset, varia versans consilia, aut amne invaderet, an e longinquo bellum minaretur, inimicis cuncta rimantibus, a regina, cujus animun super veteres offensas forma quoque ipsius spreta in iram accenderat, dicendam ad causam vocatur. Intellecto periculo, quod e praesentibus pessimum erat securus, nec de modestia nec de audacia satis sumisit. Sed domi suae detentis Senatoribus, regina quos miserat, ipse cum modica manu Londinum properans, dum amicos illic plebemque sollicitat, a feciali publico praeventur, qui reginae iussu, ni confectum pareat, perduellionis crimen ipsi denuntiat, qua voce percussa plebs, sibi timens, alieni curam facile exiit. Porta clausa; domus obsessa, ipse consilii inops, dedit sese, & in carcerem ducitur, comite Suthantono. Datis iudiciis, auditus publice, multa in inimicos dixit, praecipue in Caecilium, quem hoc inter cetera crimine premebat, quod pacem cum Hispano promoveret. Illos se ultum esse, nunquam mutata in Reginam fide. Suspensa diu omnium expectatione, ecquid reginae clementia & veteres affectus possent, an facinoris magnitudo, & suspecta dudum popularitas, validique inimici veniam praecluderent? Damnatu tandem securi feritur, magna circa suprema & pietatis & paenitentiae indiciis: capite prostrato, sectatores supplicio additi. At in Hispania structa classis late

late terrorem sparserat, pars in hostilem Africæ oram directæ & tempestatibus repulsa est: pars Hibernis rebellantibus egregium auxilium milites sex mille, duce Ioanne Aquila tulit: is superbo edicto præferens, venisse se ad Hiberniam e daemonis faucibus liberandam, in austrinam insulæ regionem, ubi Quinsala oppidum, appulit: magnasque Hibernorum copias frustra expectans, a Montijocio Anglorum nomine provinciam regente obsidio clauditur. Tentavit quidem perturbare Tironus rebellium princeps, per gelatas paludes iustum agmen trahens. Sed clade accepta in latebras rediit. Aquila cum hoste pactus dedito oppido, & quicquid Hiberniæ Hispani tenebant, Anglorum navibus militem in Hispaniam reportavit. Neque multo post infelix Hispanorum in Casaream Mauritaniam urbem, ( Algeriam nunc vulgo vocant, Arabica, sed ea quoque corrupta voce ) expeditio ad exhauriendæ pecuniæ causas accessit. Longinquas ad navigationes crescebat Batavis audacia. quippe & tretum, quod Magellanicum a repertore dicitur, Draconi & Canvendisso Anglis emensum postea, quartus eorum, quos fama excepit, Oliverius Nortius Roterodamensis penetraverat: nec sine magnis difficultatibus, inter Americæ fines & ignotum adhuc orbem, longis anfractibus arctatum mare vix eluctatus, Australem qui dicitur Oceanum, eique obtentum Chiliorum littus magnitudinis incognitæ ferens corpora, inde reflexo cursu Borneonem insulam devenerat. Bonæque spei promontorium prævectus, circumnavigato omni terrarum ambitu, non quidem opes ul-

las,

las, sed clarum patriæ decus, & non audita ante locorum nomina domum retulit. Alias vero naves idem iter aggressas, cum nec hominum nec victus haberent satis, disiectas partim Hispani, partim barbari rapuere. Capti, fœde cruciati, atque enecti, quæ ut in barbaris incitia, ita in Hispanis barbaries erat. Sub hoc tempus Batavos, dum cuncta rumorum adversus Philippum colligunt, in spem aliquam erexerat dictus vivere Sebastianus Lusitanix quondam rex, reperto homine qui similes corpore notas præferens, & multa haud publicæ notitiæ edoctus a Lusitanorum callidissimis, cæterorum ejusdem gentis credulitati illudit, donec ab Etrusco duce Hispano traditus, audaciam & pessimi exempli astum, traductus per populos, dein navali servitio addictus, morte postremum expiavit.

HVG.O.

HVGONIS GROTII  
HISTORIARUM  
DE REBUS  
BELGICIS  
LIBER VNDECIMVS.



**A**D Ostendam, longe adhuc spes obsidenti. Sed accensus Verii facto archidux, siquid contra spem posset virtus suorum statuit experiri, gravique machinarum impetu, ex tumulto in id excitato, percussis diu munimentis, qua vetus oppidum, portusque vetus, ubi non parvam operum labem intelligit, nono Ianuarii sub vesperam refluxo mari, assiliri urbem undique, illic præcipue oppugnari iubet. Ducenti duobus sub centurionibus milites propugnaculum, cui Sabuletum nomen, recta impetere iussi: totidem alii parati qui lævum molis latus, atque iterum alii, qui præductam lorica incurrerent. Hos sequebatur cum quadringentis Durangus Hispanorum tribunus, cui mandatum locis occupatis præsidium statim imponere, victu in hoc instructus, nitratoque pulvere, & quæ struendis munitionibus solita. Contra Histricem ducenti destinabantur, qui invaderent, qui munirent totidem, sub Gambalota Itolorum duce pene trecenti, & sub Augusti-

c I o I o c II.

gustino Mexica quadringenti, laborantibus suis commune subsidium. Deinde in cuneos divisus omnis exercitus, non defuturus qua vocaret occasio. Bukoio suum latus obtigerat, qua frons oppidi in orientem flectitur. Ad Sabuletum crudele praelium, quia monitus a transfuga Verius tormenta, & cuncta in perniciem hostium reperta, illac maxime intenderat, accensis passim ignibus, quo oppugnantium facta clare noscerentur. Rescissa palorum sepe jam scalæ admovebantur. Infraque hastis Hispanorum & prevalentibus Anglorum gladiis pugna incaluerat, cum Verius, septa aquarum duo aperit, portumque veterem, cujus per vada transeundum erat hostibus, late inundat: qua vi non modo nitratus pulvis corrumpit, quem miles ferebat, sed multos in mare propulso fluctus forfere: nec sequentibus auxiliis, ipsi, qui jam manus miscuerant, coacti retro cedere, duplici clade, quam tela hostium & aquarum impetus inferebant. Bukoius sibi iussa serius exsecutus est, minusque perstitit, quia inter moras crescens iterum mare æstuarium, qua ipsi via, impleverat. Tergo oppidi projecta, atque alibi levia operum, assultante hoste neglexit Verius, gnarus diducendis defensoribus spargi minas, cæterum nulli usui ista, & quæ brevi reciperentur, quod eventus probavit. Iacebant passim in vallo fossisque, prout sua quemque audacia longius extulerat, milites ac dñces perenti: multi Oceano ferebantur. Octingentos ferme archidux desideravit, acceptis inquirenda ad corpora quatuor horarum induciis. Intus quadraginta ferme cæsi, vulnerati plures, quos inter Verii frater Horatius, egregie functus omni militis ducisque

ducisque officio. Reperta inter Hispanorum corpora & mulier, quæ militari habitu animoque sexum dissimulaverat, velut exprobrans naturæ, quod se virum non genuisset. Infelix oppugnationis exitus, neque speranda Ostendæ fames, & gravis hyems castris madentibus, multos ducum permoverant suadere Alberto, infauscos conatus in tempore & ante majora damna defereret. Sed ille, pro sua regisque gloria anxius, in longo & difficili labore pertere, quam se uni oppido imparem fateri. Igitur læva castrorum parte aggestus ingens tumulus, unde machinæ detonarent: ad dextram contra æstuarium sensim agger promovebatur, defixis humo tigillis, transversisque insuper aliis, queis farcimina modo in struem colligata, modo decussata imponebantur, tabulatorum in morem, arena in summo congesta, quo pressior moles aquis obsteret: tanta quidem firmitate, ut & instructa velut solo lorica defenderet militem, & machinæ in obsessos inde dirigerentur. Nec eo tamen minus continuo navigatum, raris aut levibus damnis. Aderant Alberto accita omni ex orbe ingenia, quæ certatim alia atque alia claudendo æstuario suggerebant: cumque obscura nocte quidam funem nauticum cum doliis demersisque anchoris utrumque ad marginem fixissent, obsessi captatis rursus tenebris facile vincula rescidere. Repertum Pompeio Targoni castellum, quod navibus impositum tormenta ferret, statim apparuit infirmius, quam ut fluctuum quassationem toleraret, &, quod subter in alveo erat soli, arenas ponderi cessuras. Factas eidem rates e laterum fasciumque compage, quæ cum æstu pariter levarentur,

Bata.

Baravorum oppositis tormentis tela non semel evertere. Provisum quoque, si istud iter hostium artibus deficeret, portum novum inter veterem & æstuarium perfosso littore veteri oppido inducere. Quippe & Fœderatos tuendi maris & gloriæ cupido acriter animabant, decretumque, velut in longum duraturo obsidio, sexto mense mutare præsidia. Verio in summum regimen Fredericus Dorpius successit. Reparata oppidi ruinæ, auctæque munitiones, parata singulos in dies pecunia quæ labori persolveretur, cum Alberti militibus ne stipendia quidem satis suppeterent: unde inter ipsos semina seditionum, & obsequii detractatio: ipsa imperia metus & odii plena, disposito equite qui peditem, pecorum ritu, in pericula propelleret, aut retraheret fugientem. Flandrorum largitio longe infra sumtus: Walones, quo minus multa conferrent, infidam Gallorum pacem prætendebant: Brabantis iusta excusatio ex seditione militum qui Wartam tenebant, parumque absue- rat, quin conspirantibus aliis arcem nuper Antverpiæ & Hulltam occupassent. Injecta & spes Archiduci, posse subito Bredam irrumpi. Sed missum nocte Fredericum Herembergensem, itineris errore devium, mox dies detexit. Fratrem ejus Adolphum haud multo post eques Mauritianus intercept. Servabatur hætenus Hollandiæ per arces modo arctiore, modo laxiore custodia Franciscus Mendosa, prælio ad Neoportum captus, & quanquam vidua Brinkii Comitissæ, Clivensiumque legati poenas gravium facinorum exposcerent, quæ ille partim ut necessaria, partim ut imperata defendebat, non visum Ordinibus in captivum, belli jure munitum,

tum, iudicia exercere. Sed quia in duces, non item ut in milites, constitutum erat libertatis pretium, diu disceptatum, tandemque convenit, ut quicumque e Foederatis populis per Belgicam, Hispaniam, Indiam, Americam, toto denique Philippi imperio tenebantur, eos Mendosa solvi curaret. Valuit in tantum apud Regem aut Mendosæ aut futurorum ducum respectus, ut pactis accesserit. Reversi toto ex orbe navæ & mercatores, quos spe commerciorum advectos hostilis ira, aut ob diversam religionem sacerdotum odia oppresserant, pars exesos vinculis artus, squalloremque & tenebras, pars remorum durissimam servitutem sub crudelibus dominis memorabant. Magnumque in eo momentum fuit ad concitandam in Hispanos plebem veterum injuriarum vix memorem, & vulgi studia proceribus paranda, quorum clemens & populare factum, libertatem civium suorum ante pecunias habentium, latissimis animis excipiebatur. Ita partim impletis pactiōibus, partim sponsoribus datis, exiit Mendosa, de Batavorum republica, quam propius didicerat, honeste sentiens: eoque pacis quam belli utrisque partibus suasor. Scriptæ tunc & leges certiores super redimendis in posterum captivis. Toto hoc vere majorem, quam unquam antehac, exercitum Ordines conscribebant, auctis animis, prælii Flandrici memoria, & novis hostium seditionibus, inde sperabant, antequam expectatus ex Italia miles in Belgicam adveniret, aut hostium cæde renovare gloriam, aut terrestri itinere per Brabantiam in Flandriam, & soluto obsidio, Ostendam penetrare. Perstabat sane Mauritius cauta consilia audacibus præ-



præferre: sed procerum sententiam regina Angliæ & rex Gallus comprobavere, majore suadendi auctoritate, quia militem ac pecuniam submittebant. Conducta & Germanorum equitum vis, magnoque paratu, indictis publice supplicationibus, inense Junio, serius quam oportuit, cum sub idem tempus Italicæ copię fines Belgicos attigissent, iter suscipitur. Simul missæ diversas in partes literæ ad Atrebares, Brabantos, Flandros, aliosque earum partium Ordines. Scribebant Fœderati de suis rebus, de regum auxiliis magnifica: de seditionibus militum adversa in parte, de urbium agrorumque vastitie non minus vera: quo tot miseriarum pretio, nisi quod in miseris ultimum, servitute? Nec enim obscurum, quid Hispani jam dudum pararent: & ne quem falsa transcriptio falleret, aut inane nomen archiducis, viderent ipsi penes quos belli statusque publici summum esset regimen. Si cordi majorum gloria, si posterorum libertas, darent se socios, aut saltem modicis tributis egregios conatus adjuvarent: irent archiduces, & quietiora regna quærerent. Hispanos paucarum arcium præsidia, pelli faciles: tum ipsos reipublicæ, tum sacris quem vellent morem imposituros. Non magnum intercedere laborem ad bona maxima, pacem & libertatem. Mauritius triplici agmine viaque duxit exercitum: erant equitum quinque, peditum octodecim millia, currus ferme bis mille: medium aginen Wilhelmus Nassavius, dextrum Verius, sinistrum Ernestus ducebat, intervallis ita temperatis ut coire facile possent, interim divisit itineribus celerius procederent. Lixarum turba, molæque & furni, & cuncta, alias navibus.

bus advehi solita, terrestri itinere minus com-  
mode sequebantur. Ad Noviomagum transitō  
Mosa, inde in agrum Leodicum ducit, paterni  
quondam exercitus, non Albani armis, sed fame  
domiti, castra relegens: quod malum ut ipse  
vitaret, acribus minis propinqua oppida, sponte  
in Hispanum proniora, cogit conmeatum in  
castra asferre, & æquo pretio vendere, ne sic  
quidem satis reperto, quod tantis copiis suffice-  
ret. Decimoquinto die Centronum pago, non  
procul Tilemontio, sub'edit omnis exercitus,  
cum jam Tilemontium Mendosa venisset. Hunc  
enim, audito Ordinum paratu, miserat archi-  
dux, relicto ad Ostendam Ioanne Rivasio, qui  
servaret castra & circummuniret. Persuasi, qui  
Wartæ agebant, intermissa seditione, augere  
Mendosæ copias, ita ut haberet quinque pedi-  
tum millia, equitum quatuor. His se jungere  
jussus Ambrosius Spinola, cum octo millibus  
Hispanis atque Italis, quos recens adduxerat, in  
spem gloriæ conatus fratris maritimos, & rem  
Hispanam lecto milite adjuturus. Pactus cum  
Philippo de restituendis sumtibus, ipse suis co-  
hortibus stipendium præbebat, &, quanquam  
summam imperii obtinente Mendosa, jus red-  
dens iisdem, tenebat caterorum ut inopiæ, ita  
licentiæ impermixtos: quibus hoc consecutus  
est, ut nullus unquam miles quietius & severio-  
re disciplina egerit, exemploque cognitum, vim  
militaris imperii pecunia maxime contineri.  
Propinquus castris eduxit Mauritius copias, in  
prælium hostem laceffens. Sed continuit suos  
vallo Mendosa, impar virium, an ex captivita-  
te fractus, adhuc & sua funesta auspicia pave-  
scens, semelque accepta clade in posterum cun-  
ctan-

stantior. Detrectato certamine ab his, qui sæpe ipsi præliorum formidinem objecerant, cæterum videbat princeps ingentia cœpta in irritum cecidisse: quippe interiora penetrari tanto agmine, arctis viarum, inimica inter oppida, propinquo ad occasiones hoste, non poterant: quo propius retro cederet & flumina quæreret, victus quoque deficiens, immatura adhuc mæsse, admonebat. Ne tamen, post tantos conatus, annus transiret inglorius, ad spes minores versi animi, statimque Gravia succurrit, Cuckiæ regionis oppidum, Mosæ adsitum, munitum satis operibus, & egregio intus milite, cunctisque ad tolerandum obsidium. Huc ubi die octavo perventum, gravi per æstus itinere, nec sine morte novi & laborum insueti militis, terna castra Mauritius locat. parte superna fluminis Verius, infra ipse, qua campi palustri solo in Brabantiam abeunt Wilhelmus curabat. Pontes duo structi in flumine, longi passus centum & quindecim, quicquid castris intersitum, nec minus ripa altera, quæ in Geldriam patet, perpetuo aggere, profundis & late patentibus fossis, castellisque & machinis claudabatur. Munimentum, quod ultra flumen oppidani tenebant, telorum vi derelictum, juxta obsessorem. Mendosa interim, quanquam flagrantissimi tribunorum suaserant abeuntem hostem continuo insequi & conatibus intercedere, fortunam, & si male succederet, offensas mernens, tum vero pecuniæ, & propterea rerum ferme omnium egenus, consulere archiducem maluit, insigni temporis dispendio. Nec archidux certa respondit, tantum caveri monens, ne abducto longe regio exercitu subito Batavi Flandriam classe

classe occuparent. Quo metu Mendosa ex hostium consiliis sua suspendit, & ad Ruremondam utcumque paratis, quæ putabat necessaria, tandem & ipse ad Mosam infra Graviam & Mauritium castra metatus est. Erratum multi putabant, & debuisse superiora ripæ eligi, cui regioni Ravesteinæ nomen est, quo victum Batavis auferrent, quæ cuncta subter hostilia. Sed positis jam sedibus, castra Batavorum prætergredi periculosum, & tardum circuitus quære, cum instans operi Mauritius ingentes vineas pluribus locis sub fossam oppidi duxisset, commoditate aggerum, qui utrinque fluminis ripæ muniendæ positi, facilem viam fodientibus præbebant. Nec jam spes ulla Hispanis, nisi ut Mauritii & Wilhelmi inter castra, late patentibus spatiis neglectiora, irrumperent, inque oppidum penetrarent, paratis jam scalis, ligonibus, ad scandendas aut diruendas munitiones, ducente Thoma Spina lectissimos pedum mille, quos alia subsidia sequebantur. Sed in omnes partes intentæ custodiæ, & quanquam nocte profectis, inter longas paludum moras illucescens dies, audaciam frustra habuere. Inde Mendosa irriti auxilii pudens, spectaculo capiundæ urbis se & exercitum subduxit, tacitis signis Venloam concedens. Ordines pro Berca solliciti Ernestum cum præsidio eo miserant. At Antonius Gonzales, oppidi Graviæ præfectus, cum quo mille quingenti diversi genus milites, dum focii in conspectu, crebris eruptionibus hostem fatigaverat: neque tunc, sublata quanquam spe liberandi obsidii, protrahere tempora documentis virtutum desinebat. Post bimestre obsidium, cum Angli septo, quod aquas fossis oppidi

continebat, imminerent, Frisus alia ex parte intra fossam vineas agentibus, & e Mauritijs castris, paratis qui moenia ipsa subruerent, septingentis ferme suorum amissis, praesidiarii decoris paucioribus armati cum sarcinis exiere. Graviam Geldricæ quondam ditionis, post annexam Brabantiae, & Maximiliano Comiti Burense acceptam pignori, gener Wilhelmus Arauionensium princeps emerat, belloque amissam, pace Gandavensi, ejecto Germanorum praesidio, receperat. Sed ante annos octodecim nato oppidum per praefecti ignaviam Parmensi, avitam nunc ditionem Mauritius ingreditur, post Bredam, Lingam, Mursam, iterum sibi victor & patriæ, cui non sine magno usu prolatum in Mosam imperium. Quæ dum aguntur, milites aliquamulti irritati jam dudum nullis aut exiguis stipendijs, derelicto Mendolæ exercitu, Hamontium se contulerant. ille, antequam impunitate cresceret numerus, vim properandam judicans, raptis eo machinis, paucos peditum in deditionem recipit, equites disflugere, nec minis aut precibus pennoti, cum alia loca frustra attentassent, arcein Hochstratanam, Breda non procul, volente praesidio, invadunt, brevique aucti magna colluvie veterum militum, qui sibi debita, partim & novorum, qui nihil præter facinorum licentiam petebant, lecto duce, senatum & comitia & leges constituunt, majore cura quam si vera civitas coisset. Ipsæ rapinæ non nisi jussu & in commune fiebant: seorsim siquis auderet, eadem, quæ alibi, furibus poena. Quæ cominatus archidux, & in magna inopia exemplum metuens, cortogato, quod haberi pecuniæ poterat, eos, qui in fide manserant, pu-

nien-

niendam ad perfidiam hortatur, paratque obsequium. Illi, ubi se non seditionis in morem, quæ illis partibus minime nova, sed hostiliter haberi sentiunt, auli vicissim insolita, victum, arma, machinas a Batavis orant impetrantque. Iuabar quippe frui hostium turbis, & alios aliis committere, egregio ararii provisu, parium malorum securos. Captæ Graviæ nuntius, & a Mauritii exercitu metus, Albertum proposito avertit: nec tamen paruit Belgarum Ordinibus, qui sub id tempus parandis tributis convocari suadebant pecunia mitigari insensum militem. Sed Hispanorum primores novis potius cohortibus stipendia, illis supplicia destinare. Rerum minis in verba mutatis edictum prodit, quo omnes qui in arce Hochstratana erant, necertum intra diem veniam precarentur, proscripti, intersectoribus promissa merces, bona publicata, qui comiteatu juvarent addicti suppliciis, uxores & liberi in exilium missi: addito super cætera crimina, quod spem Graviæ liberandæ ipsorum seditio corrupisset. Inania erant, adeoque spernebantur, ut publicatum sit responsum militaribus facetiis, quibus Alberto prælii metum, Graviam frustra adspectatam antequam ipsi secederent, præterea sumtus aulæ regios esuriente exercitu objectabant: positis ex adverso ducum laudibus, qui benigni comesque in militem fuissent. Et quid adeo mirum, si, post tot alios, quod deberet dominus id agros deposcerent, aut ad ea auxilia decurrissent, quæ iusta fecisset ultima necessitas? Subdebant, contra pœnas horrendi carminis, partim se armis, partim inopia tutos fore. Laboravit Octavius Frangipanis, Pontificis Romani legatus, pacare

seditionem. Sed illi, nisi rescissa edicti ignominia, conditiones omnes aspernabantur.\* Gravescente autumno, Germano equite dimisso, Mauritius reliquum copiarum in praesidia distribuit. Idem fecit Albertus, multum nudatus transfugis, & Italo milite, ut recente, per labores immutato. Partem tamen exercitus in castra ad Ostendam & naves Spinolanas, partem in ea loca misit, quibus hostium, aut seditiosorum impetus timebatur. Venloꝝ quoque civibus, qui praesidia pertinaciter haecenus recusaverant, sepe & expulerant, propinquo ob Graviam periculo, persuasit militem admittere. Mendosa in Hispaniam abiit, ubi minus benigne exceptus est, mortuo Philippo patre, & occupato ab aliis filio, qui bellum ipsi infelix, nec pacem satis curatam, tum autem mausaque praelia exprobrabant. Discedentibus copiis evenit, ut turmae Batavorum quatuordecim octo turmas Albertinorum sine ducibus, Trajecto ad Mosam non procul incuriosius agentes, circumvenirent: multi equitum in ipsis cubilibus deprehensi, capta signa quinque, & suspensa in Hagienti palatio, equorum ingens praeda. Sub hyemem cum alias in partes seditiosi incubuissent, missus cum turmis triginta tribus, juncto peditatu ad mille ducentos, Ludovicus Nassavius, ut extrema hostium tributum negantia popularetur, Vitsanum irrupit, totoque mensis spatio incendio vicorum & rapinis grassatus, agro Lucemburgico non modicam vastitatem intulit. Mari multa Batavis prospera. Audiebatur Fredericus Spinola longis octo navibus ex Hispania adventare. Simul Martinum Padiliam, accepto maris imperio, classem paratam habere, incertum Batavis

tavis an Britanniae, aut Hiberniae minaretur. Missae a Regina naves, quae specularentur conatus, & qua daretur opprimerent. Longas Spinolae duas apud Sefimbriam Lusitaniae oppidum telis perfoissas mox combussere: data servis libertas, vita ceteris. Quominus plures corrumpere, obstabat ingens Lusitanica navis, ejus generis quas Caraccas vocant, pretiosis mercibus onusta, quam dum oppugnant & mox praedantur Angli, fuga ceteris paruit. Fredericus, in Hispania diu retentus, dum pacta cum Rege firmaret, sex reliquis navibus (habebant milites nongentos, mille quingentos remiges) mense Octobri Flandriam petit: quo audito, regina tres naves sub litus Britannicum & freto Morinorum locat. Batavi suarum quatuor addidere, praeter eas, quae oram Flandriae servabant. Angli, conspectis longis navibus, signum sociis dedere: illae usque nebuloso simul & silente caelo litus Anglicum legebant, tam prope, ut remiges quidam, delimitis compedibus, in vada profilierint. Sed Batavi tum a litore, tum e freto inscui, non procul Gravelinga, duas tormentis lacerant, & bis terve in vestigia suarum navium mole dirumpunt: mali remique & totae puppes avulsae Oceano fluitabant, truncae naves vi fluctuum forbebantur. Servati hominum ferre ducenti: quo minus plures exciperentur misericordiam metu submovente, ne victi victoribus praepollerent. Vna praeterea ad Caletum naufragium fecit, inscitia regentium: duae aliae longarum navium telis pervulneratae, & in Flandrica brevia impactae, Neoportum attigerunt. Sexta, qua Spinola vehebatur, mari Zelandico vagata, non sine periculo jactuque rerum mul-



tarum, spe libertatis animatis servitiis, Dunker-  
cam tenuit. Hæc tres cum Fredericus cæteris  
navibus, quas Clusæ habebat antea, iunxisset,  
ex agri Walachrici populatione studens repa-  
rare rem & gloriam, hiberno ventorum statu  
retentus est, &, quia interno externoque bello  
vexatus Archidux armandis navibus nudare  
præsidia abnuebat. Crescebant per Indiam fa-  
ma & commercia Batavorum, magno Lusita-  
norum damno, quibus olim repertoribus cæn-  
tum inde per annos possessa navigatio, & con-  
tra Castellanos aliasque Christianas nationes  
reverentia Pontificiæ donationis, partim vi  
quoque armis defensa jam primum extorqueba-  
tur. Philippum igitur adeunt, ut florentis regni  
unicum columnen, suosque & populi reditus ju-  
sta classe defendat: ex eo bellum, hæcenus Bel-  
gicæ pene conclusum, in alium quoque orbem  
transiit, cui gerendo Andreas Hurtado Mendo-  
sa deligitur, qui tum forte Cunalam, piratam  
Indorum Malabarum, quinquaginta annorum  
rapinis & jam regiis insignibus nobilem, magna  
cum laude expugnaverat. Hic quoque magnis  
navibus, Galeones vocant, minoribus supra vi-  
ginti, Lusitanis militibus octingentis, Indis su-  
pra mille quingentos præter navalem turbam,  
jussus in reges populosque, qui Batavos ad mer-  
catum admisissent, dura exempla statuere, Ban-  
tatum lavæ urbem primam exitio destinat.  
Forte evenit, ut eodem tempore, id erat hujus  
anni initium, quinque Hollandicæ naves, im-  
perante Wolfardo Hermann, ea in loca mer-  
candi causa advectarentur: ferebant homines  
circiter trecentos, impar sane Lusitanis certa-  
men, quorum sola prætoria, & magnitudine sua

& virorum copia, totam Batavorum classem superabat. Metus tamen amittendi in posterum commercii, & spes parandæ apud Orientis populos laudis & gratiæ, subegit non quidem manibus confertis, sed tormentis certamen agredi, quibus egregie instructi Batavi non parum noxæ hostibus attulere: quippe ventis inVecti, & cum liberet refugii, mobilitate sua impetus Lusitanorum frustabantur. Ita per dies aliquot pugnatum. Captis suarum navium duabus, merfis aliis, Hispani ipsa inexpectati mali novitate perculsi abscessere, Ambonam petentes, ubi Itonem pagum, & siquid præterea Batavas partes sequebatur, cædibus & incendiis, arborumque odoriferarum excidio, ultore nullo, impune vastarunt. At victores in urbe Bantamo, quam ultimo discrimini exemerant, festis plausibus excepti, Bandam mox ivere, ubi nucis odoratæ optimus proventus est, & hujus insulæ suscepta tutela, cum populis (neque enim regnantur) foedus fecere: ne aromata aliis gentibus venderent, religionis ob causam molesti alii aliis ne essent, sed deo judici rem permitterent: jus quisque in suos dicerent: perfugas ab aliis alii ne receptarent. Ad eam formulam, procedente tempore, cum aliis quoque populis & regibus, Hispanicam vim formidantibus, amicitia, societasque contracta est. Sumatræ facile princeps urbium est Achemum, hujus regem, fallis in Batavos criminibus, & emtis, qui in aula plurimum poterant, quarto ante hunc anno, perpulerant Lusitani, partim ut in ipsis navibus, submissis qui per speciem amicitiae inviserent, partim in urbem evocatos trucidaret, multumque cædis factum fuerat, incautis ejus

perfidie navibus, potu insuper earum regionum mentem exiterante lymphatis: vix naves servatae. Praeferebat mox rege facti inclementis poenitentiam, Hollandi, qui postea advenerant, pactis super emione aromatum initis, rursus comperiunt fidem ipsius a Lusitanis tentatam. unde cum conventa non servarentur, Arabum navibus e portu egressis, in ultionem acceptae ab Indis injuriae, injiciunt manum, quae res, gentium juri minus congruens, hostibus criminandi Batavos materiam dabat. Sed reversi postea Zelandi, alieniore jam a Lusitanis rege, culpam hanc purgavere, ipsum orantes, ut legatos secum mitteret, visuros non paratarum colluviem, ut falso apud ignaros spargebatur, sed opibus & fide inclitam gentem, cui nulla nisi in Hispanos arma. Placuit Regi consilium, quo certior esset in posterum utras in partes tutius inclinaret. In itinere prope Helenae insulam a Caracca Lusitanica, margaritas & pretiosa mercium ferente, lacessiti ultro Zelandi litus inter & ipsam, medios se dedere, perfossamque vi machinarum coegere ad deditonem. Hominum quod erat in Brasiliae oram expositum. Princeps legatorum e Sumatra (nomen ei Abdulzamat) mortem in Zelandia obiit, honestisque exsequiis, & monumento culta memoria. Superstites alii Mauritium, tum castra ad Graviam habentem, salutatum ivere, dona a rege suo ferentes. Vbi vium peditem equitumque, & opera non barbaris modo incognita, sed apud nos quoque suctis majora attolunt spectabant. Arabum nomine cum illis transactum. Harum rerum fama alium in orbem perlata, non modo vanas suspiciones discussit, sed plerisque persuasit

fit plus in Batavorum amicitia, quam in servitute Hispanica esse praesidii. Rex Ternatae ( una Moluccarum est) palam in partes transiit, ejusque oratu Neckius Lusitanos apud Tidorum proximam insulam adortus est. Sed cum paratos & arce tutos offenderet, jactis utrimque telis, ipse demta manu mutilus, paucisque suorum amissis, praedium diremit. In Patania quoque & Cocinsinensi ora alibique gratus adventus: at in Ceilone majorum insularum una, ubi aroma Casiae optimum nascitur, regem Candiae Finalam nomine Lusitanis, a quibus raptus olim eductusque fuerat, insensum, Spilbergius res Batavas edocuit, amicitiae & foederis percupidum invenit. Iorae quoque rex (est id regnum in Malacensi regione) veteres in Lusitanos offensas promere ausus, Iacobum Hemskerkium, duas tum naves ducentem Hollandicas, incitavit ad Caraccam immensae magnitudinis in freto, quod Malaccam inter Lusitanorum coloniam & Sumatram intercedit, opprimendam, auctor idem testisque victoriae. Batavi praeda, quanta non alias parta, contenti vitae hostium (septingenti ferme erant omnis sexus atque aetatis) pepercere, quanquam recentia multa exstabant Lusitanicae crudelitatis exempla. Ipsa navis Macaunte venerat, quod oppidum Lusitani in imperio Sinenensi precario tenent, quo nuper Batavi aliquot cum appulissent, a Lusitanis in patibulum acti fuerant, persuasis Sinenesium magistratibus non nisi praedonum esse colluviem. Est autem Macaus apud Cantonem annem, per quem unum exteris in Sinense imperium aditus datur, sicut egredi ad externas oras ex eodem imperio nisi per Cinceonem, alia regione portum, haud licet.

cet. Partæ ex hostibus publicis opes, magnum Lusitanis & regi damnum, Batavis & privatum, & in commune cum laude commoda afferebant. Reperti tamen in gente non minus sumptuosa, quam quæstus studiosa, qui partem abnuerent, velut minus deceret, mercatores militare lucrum, & ut ferme accidit, multis immerentibus raptum. Movebat & verus cum Lusitanis amicitia cœpisse credita, quarto ante sæculo, cum Vlyssiponem Saracenorum tum regiam, Syriam belli sacri causa petentes Belgæ expugnare: unde magna ipsis apud Lusitanos, nec his minora per Belgicam jura. Quin & post mota per Belgicam arma, subactamque Philippo Lusitaniam, invitati ab Ordinibus Lusitani & ut ipsorum sub imperium transirent, commerciis & omnium civium commodis usuri, venerantque non pauci, odio in Castellanos, ut olim finitimos, nunc dominos, aut ne flagrante illic inquisitorum potentia, Iudaicæ aut Arabicæ superstitionis peragerentur. Cæterum quin hi, qui sub regis Hispani ditione manentes, opes ipsius suis foverent, omni jure hostium loco haberentur, præsertim post tot apud Indos injurias, dubium non erat: ac ne quis ambigeret, palam Ordines edixere. Illud obscurius, an quæ captis in navibus Italarum bona inveniebantur, in prædā cederent. Res inter æquitatem & jus belli media transigendo decisa est. Hactenus multa mercatorum collegia Indiam frequentabant, quorum æmulationes cum illic rerum pretia accenderent, hic contra imminuerent, neque possent diversi & infirmi conatibus Hispanicis viribus obniti, Fœderati Patres e multis corporibus unam societatem fecere, impositis di-

versas per urbes curatoribus, qui per legatos interdum convenirent, & lata lege, ne quis seorsum, viginti intra annos, ultra montem Bonæ spei, aut Magellani fretum navigaret. Præfinita dies, intra quam nomina sua, qui onerum obventionumque participes esse velent, profiterentur: ita ut decennio demum exacto nova fieret professio. Collata pecunia ad sexagies centena millia. Ex hoc tempore, velut novo bello per orientem exorto, societas Indicana magna pars reipublicæ cœpit haberi, cum non modo pars prædarum ad ærarium perveniret, sed privato civium sumtu hostis publicus per rapinas & impendia exhauriretur. At Philippi longæ inopiæ fine hujus anni, adventu Americanæ classis, in parte subventum. Ejusdem cum Gallo inimiciæ, ne ante quidem satis pressæ, clarius erumpebant, sparsis per Brabantiam literis, qui superstite Margarita Valesia injustum cum Medicea conjugium, privatam sobolem, libidinesque regis acerbe arguerent. Convictus & Gonthal-dus dux Bironum, quo tempore Henricus in Alpibus bellabat, Sabaudi filiam sibi conjugem, & dotalem Burgundiam cum Hispano pepigisse, sub regis liberumque pernitie. Accitus in aulam, cum regi ad veniam pronum crimen negaret, primus omnium fuit. Qui, illo regnante nobili sanguine securitatem publicam firmavit. Vir animi immensi, honorum insatiabilis, cæterum belli artibus, & in patriam meritis nemini Gallorum cedens, antequam imperatorium sæpe decus tali exitu fœdaret. Atque ita unum intra biennium viros duos, Angliæ Galliæque sub regibus suis principes,

ambitio miserabili fine absumsit : sed Essexii ut conatus excusator, ita mors placida & quiescente Bironium conceptum animo scelus & celestis vindicta consueque persecuta est, ut suprema quoque mixtus impietati & furori exceperit. Emdani quoque motus recrudescabant. Edsardo in principatum Transamasiarum Enno filius successerat, & cum omnium Ordinum querelis premeretur, seorsim agendum ratus, nobilitatem facile suam fecerat, ut quæ pari in subditos licentia principem iuitaretur. Cum Emdana civitate pax facta ferme in leges Delphizylanas, nisi quod obscura quædam & fraudem neccentia implicabatur. His diductis, minora oppida & agrestes contemnens, gravi tributo onerabat. Mox Nordam oppidum, minus parens imperiis, armatus irruit, nec contentus indicere multam, erectis palam furcis, cives sub jugum mittit. Vnde cum Emdanis veteres offensas exsuscitans, alias Nordano exemplo territat : promptissimos vulgi a magistratibus divellit, pollicens, exclusis Batavis, ad ipsos transferre Hispaniæ commercium : & verum erat, amice illic excipi, qui Ennonis literas attulerant. Formidolosum id Fœderatis Ordinibus, eoque magis, quia frater Ennonis Christophorus Alberto militabat, alter fratrum, Ioannes, a Pontifice impetrato cum Ennonis filia, cui patruus ipse, conjugio, Paterbornensi pago Romana Sacra promotum ibat. Et undique indicia afferebantur, laborare Comitum, quo amplissimum Amasii ostium Hispanicis clasibus patefceret. Primo tamen occupatis alibi armis, quatuor tantum centuriæ, Emdanis auxilio misse, inire urbem

urbem sub idem tempus , quo jam Enno co-  
piis prope admotis a sua factione admitti spe-  
raverat : unde rejectus ille vicos circum oc-  
cupat , castellaque claudendæ urbi & flumini  
imponit. His compertis Ordines , quibus post  
captam Graviam vacuum vicinorum rebus con-  
sulere , rogante civitate , Warnerum Dubor-  
sium equitum tribunum cum turinis aliquor , &  
centuriis ferme novemdecim, eo mittunt. Is pau-  
cos intra dies , rudibus belli defensoribus , in-  
vadit castella urbemque liberat. Enno , ut a  
conspectu suo dedecus hoc removeret , interio-  
ra Germaniæ petens , usurpata Batavis alieni  
imperii jura , quanta poterat verborum invidia  
differebat , quorum conscii Ordines , causam  
facti , & ni præveniretur , suum & Germaniæ  
periculum scriptis vulgare.

HVGONIS GROTH  
HISTORIARUM  
DE REBVS  
BELGICIS  
LIBER DVODECIMVS.



RESSOS pace Gallica Bata-  
vos, secuta in hoc tempus mors  
Elisabete altius bello immerfit,  
sublato , quod ut primum fue-  
rat , ita postremum perstiterat,  
armorum auxilio. Postremus  
illi dies , tertius Aprilis, diu vi-  
vendo ad vitæ tedium perductæ, ex quo senectam  
clō Io c III. suam,



suam, quam prope ad septuagesimum annum perduxerat, sperni sentiebat, & spes ac consilia etiam eorum quibus in maxime confisa, ad successorem vertere. Longum sceminae, nec domi tantum, sed externis quoque rebus celebre imperium, multos sermones praebebat, aliis futura per spem metumque conjectantibus, aliis ex ante actorum memoria contendentibus, quae tanto vitae spatio prospera atque adversa. Hinc afferebatur, capitis damnata mater, & quidem sub adulterii crimine, unde in ipsam, velut incerti genitoris, multa hostium convitia: mox dominante sorore, ipsa carceri mancipata, nec leve excelso animo onus, quod Philippo Hispaniarum regi, cum quo longa mox ipsi bella, libertatem, si non & vitam, debebat. Cruentum quoque regnum tot procerum pro Romana religione tendentium caede: tum illud non minus novum quam invisum regibus cunctis exemplum, & re ipsa quidem necessitate satis excusatum, occisa sceminae imperio scemina, & cognata, & supplex, & regina. Iam & divulsam Hiberniam, & in Batavis Angli militis seditiones, velut iussas, erant qui exprobrarent. Pars sane miseriarum fuit, tantum ævi sine conjugio, hinc incertus hæres: & rumorum materia multis multa, plerisque Licestrii amores objectantibus, & post illum Essexii, cuius ferociorem juventam & formæ in ipsa senescentis fastidium caede vindicata: mox animum ut ex amore in odium, ita ex odio in poenitentiam versum, nec aliam magis morbi mortisque causam. Dicebatur contra, gratam Deo & vitæ & imperii diuturnitate ostendi. Ipsa quoque primæ ætatis mala adjecisse prudentiam & usum utriusque fortunæ.

Nec

Nec tam mirum, si aliquot rebellantium morte, si bellis quoque stabilita securitas, quam quod per annos quadraginta quatuor muliebri regnum, non tutam tantum, sed & florentem Angliam præstitisset. nec nulla arma, nisi iustissimis de causis, sumta. Purgatam religionem ad Eduardi regis exemplum, nec impetu tamen aut libidine, sed in concilio gentis legitimum in modum receptata, nec sævitum in sequius sentientes, nisi sero, postquam Iesuitis doctoribus amorem patriæ & una imperii reverentiam exuissent. Scotiam a Gallis, Condri partes ab adversa factione, multum Belgicæ ab Hispanis ipsius ope vindicata: & quamvis inter magna profereudi imperii invitamenta, mansisse contentam suo, nec aliud ex victoria, quam religionis probatæ sibi libertatem, & suspectæ merito potentie modum concupivisse: ita possessa oppida Gallie reddita, Scotiam puero servatam, Bavorum, ut imperium acciperet orantium, rejectas preces: quin & recens per Hiberniam captis præfidiis veteribus, novis immunitis, nunc hoc, nunc illo primorum abducto, debilitatam factionem, ipsamque partium vim ac speciem Tironum consueque infractum, ut in genua provolutus præfectum veniam commissorum exposceret: (is namque ei honorum cumulus paulo ante exitium evenerat.) Sollicitatam ad nuptias non ab Anglis tantum, sed a Carolo Austriaco Imperatoris, Henrico & Francisco Gallie regum fratribus: a regibus quoque, Hispaniæ Philippo, Erico Suetiæ, quod petita esset, felicitatis: prudentiæ, quod recusasset, quia & civi nubere magnitudini suæ impar, & externos maritos Anglia formidabat. Probra, quæ in ipsam

ipsam sparsa ortum ex sexu & formæ elegancia,  
 & sueta regnantibus licentia sumfissent, virili-  
 bus curis refelli: nec tantum imperii artes, sed  
 & linguarum veterum ac novarum adfuisse pe-  
 ritiam, rara etiam privatis mulieribus decora:  
 unde ingens illi nomen, nec vicinis tantum me-  
 tui aut miraculo, sed a Mauris usque & Sauro-  
 matis per legatos salutata. Dubitaverat hacte-  
 nus nemo, quin mortem reginæ, quæ certum  
 successorem nunquam sibi destinaverat, ingen-  
 tes per Angliam motus exciperent: quippe Sco-  
 tiæ regi Iacobo ut sanguine proximo, ita vetera  
 accolarum odia, privatus quoque eorum metus,  
 qui matris in eadem consenserant, obstitura  
 credebantur, paratis in Anglia qui regium &  
 ipsis genus ostentarent: tum vero & Romanen-  
 sium vis timebatur, ne, quod ob adultam Reginæ  
 potentiam ausi non fuerant, per turbas facilius  
 sperarent: instigante etiam Pontifice, qui ve-  
 tuerat alienæ religionis regem, quantumvis san-  
 guine proximum, admitti. Nec tantum Hispa-  
 no in omnes populorum motus intento ea spes:  
 sed & Batavi, quanquam Iacobum, super reli-  
 gionis nexum, officiis jam ante occupaverant,  
 suam ipsi societatem imputare, & belli partem  
 in Britanniam transferre tacitis votis omina-  
 bantur. Insperato evenit, ut statim post Elisa-  
 betæ excessum, verus reginæ consilium, & quod  
 antistitum & Londini magistratuum nobilium-  
 que in promptu erat, regem Iacobum edicerent,  
 non expectata publici conventus auctoritate, ob  
 moræ periculum, & quia plerumque inter regna  
 per novas leges & pactiones vim imperii in  
 posterum imminuunt. Ita, repugnante nemine,  
 Scotiæ rex Angliæ possessionem inivit, primusque

intra

intra omnem annalium memoriam Britannix  
 totam insulam uno imperio complexus est. Non  
 omisere gratulari ei hanc magnitudinem Fœ-  
 derati Ordines, per literas primum, inde per le-  
 gatos. Hi fuere Henricus Nassavius, Mauritii  
 frater, pars tum Fœderatorum senatus & equi-  
 tum magister, Walravius Brederodius, Ioannes  
 Oldenbarneveldius & Iacobus Valkius, qui in  
 ea legatione diem suum obiit. Locuti sunt in  
 hunc modum: Adsumus, Rex maxime, medii in-  
 ter luctum & gaudium. Amisimus eam scilicet,  
 cujus beneficia nec fando assequi possumus: sed,  
 recepimus te, ut, ejus regni, ita virtutum om-  
 nium hæredem. Quod jam olim votis, quod  
 nuper ad felicissimum inchoati imperii nun-  
 tium decretis publice supplicationibus, id nunc  
 te coram voce ac mente Deum comprecamur,  
 faustum ut hoc tibi, faustum posteris, faustum  
 Britannix, faustum nobis eveniat. Te vero rem  
 obsecramus unam, ne patiaris in Belgarum cer-  
 vicibus stantem Hispanum, inde in aliena impe-  
 ria moliri gradum. Convenit religioni tuæ tot  
 piorum cœtus, sanguinarix superstitionis regno  
 eripere: convenit iustitiæ tueri causam probatam  
 regibus: convenit prudentiæ, longe dispellere  
 regnorum subseffores, Pontificis Romani satel-  
 lites, quo iudice, hoc quidquid obrines præda  
 est. Fecit hoc Elisabetha, perficies tu, tantoque  
 facilius, quanto tibi valida ætas, virile robur,  
 latior potentia, fundata liberis domus. Veniet  
 in partem ministerii fides nostra, quorum pro-  
 speris atque adversis patuit, vinci posse Hispa-  
 num. Bonum sane Christianum pax est. Sed  
 quod cum validis atque infidis haud aliter  
 quam bello pares. Si omnium quos causa jun-  
 git,

git, opes conspirarent, multatus ille Belgica, aut, si ne tum quidem sapiat, exurus Oceano & transmarinis imperiis, quod Batavis Anglisque promptum effectu, veniet ad veram concordiam, cuius optima custos virium aequalitas. Nunc Ostendæ tertium in annum protrahenti triste obsidium, succurras oramus: utarisque his navibus, quæ jussu reginæ armis victuque instructæ a nobis undecim numero, nihil præter imperium tamen tuum expectant. Ad hæc ille de amicitia benigne pollicitus, cæterum regni novitatem excusare: visurumque in tempore quid factu optimum, haud celans interium pacis se consilia quæ posset prælatum. Quippe ipsi cum Hispano nihil hætenus hostile: quin ultro Philippus, si de regno certandum foret, auxilium illi suum obtulerat: ingenium quoque mite, & omne genus literarum, studia in quæ ætatem egerat quieti quam animis propiora. Archidux quoque cum regina, non cum regno, sibi bellum fuisse interpretatus, veruerat edicto Anglis noceri, dimisso insuper quod inter captivos ejus gentis: mox legatum misit Carolum Arenbergiæ principem, simul Hispanus Ioannem Baptistam Taxis, paci promovendæ, de qua anno sequente convenit. Hanc Batavorum legati, cum præcidere non possent, morari nitentur, ac spem Regi facere, posse & sibi cum libertate pacem obtingere, si Rex cunctando maturefcere pateretur pendens adhuc e paucorum annorum eventu Hispani consilium. Doceratque id ipsum Oldenbarneveldius, arcana Fœderatorum tractare solitus, prolata Ducis Brunovici manu, quem Cæsar Rudolfus ejus rei conscium fecerat. Nec sic quidem refrigerata

Iaco.

Iacobi in pacem festinatione, contendunt unice Batavi ut auxiliorum si speciem obtinere non possent, jus tamen ipsis ne negaretur. Adjurabat has preces Gallix Rex, sustentandis sociis anxius: ideoque in Angliam miserat Maximilianum Rhoniacum, ærarii sui custodem, & consiliis intinuum. Ratio tandem hæc reperiata, ut pecuniarum, quas Gallus in Batavos erogaret, pars tertia Britanno impuraretur, exsolvendis nominibus quæ Gallia suis contracta bellis Britannix deberet. His contenti Ordines, quanquam, per Rudolfum Winwodum, regis Britannix oratorem tentati, num & ipsi pactionibus comprehendi vellent, cum gratiarum actione recusarunt. Reliquum anni capefendis regni solennibus visendæque Angliæ Iacobus impendit, interim aliorum regum, sui quoque populi legationes audiens. Tironus ipse Hibernorum rebellium dux, veniam petiit accepitque. De religione querelæ afferebantur diversæ e duplici hominum genere. Puritanos in Anglia vocant, qui Ecclesiæ statum haud dum satis illic integrum atque sincerum existimant, & puritatis amplius requirunt, unde origo odiosi nominis. Hi multa ex veteri usu retenta improbant, antistitum Ordines, additas baptismi ceremonias, & alia rituum magis quam dogmatum: quæ cuncta mutari posse spes inde, quia jam pridem Scoti rejecerant. Contra Romanenses multum laudata religionis suæ, tum alibi tum per Britanniam antiquitate, & sua in regem, regisq; matrem fidem si non publice, quod tamen in Gallia rex dissentientibus permetteret, at privatim Deum colere patrio ritu impune ut possent orabant. Viræque preces rejectæ: suspens

spectis Romanensibus ob eam, quam Pontifex  
 Romanus in reges sibi vindicat potestatem. Et  
 Puritanis infenso rege, quod ab ejus sectæ ho-  
 minibus, per speciem Ecclesiasticæ auctoritatis,  
 in Scotia minus reverenter habitus esset: unde  
 eorum pertinaciam scriptis quoque editis accu-  
 sabat: quippe liberos cuique genti ritus, quos di-  
 vina lex non vetaret, & summa etiam in sacris  
 regum imperia. Quædam tamen ex illorum  
 voto constituta, ne sacrum baptismi formidæ  
 aut privati tractarent: ne plura in unum sacer-  
 dotia cumulerentur, & in mores doctrinamque  
 ministrorum ecclesiæ acriora judicia. Sed Puri-  
 tanorum offensa intra voces stetit: aut siqui  
 Ministrorum inobsequentes, inissione, exsilio,  
 vinculis coerciti. At Romanensium quidam,  
 assumtis aliis, quibus rerum novarum cupido  
 erat, conspiravere, Arbelam, regni sanguinis  
 virginem, ope Hispani in regnum evehere, di-  
 visis jam inter se summis Britannicæ honoribus.  
 Puniti capite auctores, consciis & silentii tan-  
 tum reis carcer, & ad mortem metus pro  
 poena suere, prono rege ad parandam novo im-  
 perio clementiæ famam. Hæc dum apud Bri-  
 tannos aguntur, Enno, Transasianorum co-  
 mes, reipsa edoctus, ab Imperatore verba se &  
 in urbem minus facile impetrare, ceterum vni  
 exsequendi abesse, eorum qui apud Batavos  
 plurimum poterant gratiam tentare statuit, at-  
 que ipse Hagam proficiscitur, multa pro se pu-  
 blice ac privatiim, multa in Emdanos jactans,  
 ut regere regique nescios, & fluxa fide. Simul  
 aderant ab Emda legati, multa & ipsi conti-  
 nacia, & conspectiore irreverentia præsentem  
 in principem. Ordines Fœderati post longa  
 jurgia,

iurgia, de fide civitatis in se nihil dubitantes,  
 ejus ad securitatem arbitrium flexere: conven-  
 nitque ut Delphzylia fœdera fervarentur: no-  
 va hæc accessere. Ut eorum quæ post acta ob-  
 duceretur memoria, nec pœnas ex Imperatoris  
 decreto Comes exposceret. Redderentur utrin-  
 que domus, agri, machinæ, percepti fructus,  
 captivi. Daretque operam Enno, ut qui pere-  
 gre eo nomine capti, solverentur: nec diplo-  
 mata negaret ab urbe navigantibus. Tributa  
 tertio quintoque ante anno imposita urbi, irrita  
 haberentur: de novis constituendis ageretur in  
 Transamasiarum concilio. Comiti id jus in-  
 dicere ni faceret, ipsis per se convenire, deque  
 re communi consulere in medium. Sine ejus  
 concilii decreto bellum indicare, militem con-  
 scribere nefas: tantum quod arcibus suis ser-  
 vandis præsidii satis, retineret comes: vicissim  
 civitas militum septingentorum custodia, &  
 operibus queis vellet firmaret urbem: militem  
 Transamasiarum alerent: operum suntus in op-  
 pidanos, quæque intra oppidum bona, descri-  
 berentur. quicquid munimentorum ambitus  
 clauderet, ejusdem esset cum urbe juris. Magi-  
 stratus Emdanos crearet urbis senatus: creatis  
 auctoritatem suam comes adjiceret. Cum in has  
 condiciones Comes & legati urbis assensissent;  
 restabat ut totus urbis magistratus, & Trans-  
 amasiarum Ordines easdem comprobarent:  
 quod sane futurum erat, pavida imprimis belli  
 nobilitate, ut quæ agris timeret, & missi a Fœ-  
 deratis qui cunctantes impellerent, etiam ma-  
 jore præsidii parte abducta, quo pacatior esset  
 rerum facies. Sed ab Imperatore novæ spes En-  
 nonem immutavere: nec jam tacebatur nullam  
 esse



esse vim pactorum, quæ Imperatoris decreta  
 tollerent, crimina condonarent, immiendi face-  
 rent potestatem, invito Imperatore, cujus in ur-  
 bem jus summum. Mox a Rudolfo, irato haud  
 parum quod res Emdanæ externo arbitrio age-  
 rentur, Maximilianus Cochiacus ad Fœdera-  
 tos mittitur, qui accusatis graviter Emdanis  
 causas referebat, quæ Imperator motus jampride-  
 m & aliis & ipsis quoque Fœderatis Ordini-  
 bus edixisset, ne auxilio essent rebellantibus, &  
 tamen ipsos urbem invasisse suo milite, bellum  
 per agros ceptasse, egisse prædas, quas injurias  
 demi, serio Imperatorem jubere: tum singula-  
 tim, quæ in postrema pactiōne iniqua videban-  
 tur, recensebat. Ordines ad hæc, quanquam  
 compellati superbius, modestè respondent, spon-  
 te ad se venisse Ennonem, pepigisse sponte: nec  
 cuiquam vitio verti solere, quod componendis  
 vicinorum controversiis applicuisset animum:  
 tum a pactiōibus Delphizylianis, quæ & Impe-  
 ratori placitæ, quam minimum potuisset reces-  
 sum: militem quoque missum in urbem, non in  
 Imperatoris injuriam, sed ne Hispanus, qui pa-  
 ce Verbiniana jus in regionem quæ trans Arna-  
 sium sibi exceperat, oportunissimam infestandis  
 Batavis urbem præriperet, simulque imperio  
 Germanico subduceret. Ita Trajectum, ita Gel-  
 driadam & alia trans Rhenum, ita Mediolanum,  
 & ipsa ad imperium pertinentia, occupata  
 quondam, ac postremo Cameracum, contra  
 eunte nemine. Nec immerito suspectos sibi nun-  
 tios & literas, qui ab Ennone ad regem duces-  
 que Hispanos commearent. Verbis mollibus  
 addita in legatum dona, at Emdæ plena adhuc  
 odiis, plena suspicionibus omnia. Oneravitque  
 &

& hoc Ennonem apud Batavos, quod frater ejus Iohannes, ut ante diximus, impetrato a Pontifice cum Ennonis filia, cui patruus ipse, conjugio in Patelbornensi agro Romana Sacra, & res antistitis promotum ibat, irrupta urbe, in eos, qui libertatis obtentu resisterant, exquisitis suppliciis sociens, quos inter consul oppidi tortus, inde in partes sectus fuit, ultima hyeme Wachtendoncam oppidum subito Hispanus cepit, amisitque. Emtus quippe piscator quindecim milites, duce Mathæo Dulkio (Stralam is in proximo regebat) tectos stramine arce intulit: accurrentemque vigilem, ut manum scandenti porrigeret, transfodit: ibi exsilire milites, pontibusque clausis vectos trans amnem Niersam socios admittere, qui haud procul delitescabant. At oppidi præsidium, quanquam arce præfectoque Rihovio captis, aggerem contrastruere, expedire machinas. Et forte evenerat, ut turmæ duæ Batavorum prædæ causa adequarentur, quæ, audito tumultu, ingressæ oppidum, statimque submisso a Berca & Mursa milite, cingunt arcem, oppugnatamque & victus egenam recuperant sexto die. Haud multum post Grobbendoncus, dispositis in Campania Brabantia insidiis, quinque Mauritianorum turmas adortus, ipse equitatu minor, circa septuaginta occidit: capti multi viri equique, ceteri effugere. Equestre damnum insigniore multo navali victoria pensatum est. Nam Fredericus Spinola, otii inglorii pertæsus, magnoque animo in famam properans, & populandæ Zelandia intentus, octo naves longas, minores quatuor, præter remigum turbam, e castris ad Ostendam lecto milite onerat, portuque Clu-

fano egressus, vento leniter obsecundante, trans-  
 vectus vada hostiumque conspectis navibus, pa-  
 tente æquore locum prælio legit, obsederant de  
 more portum naves bellicæ tres Zelandorum,  
 in quas imperium habebat Iustus Maurus, præ-  
 terea naves longæ duæ, Hollandica altera, alte-  
 ra e Zelandia. Harum quatuor ultro obvias  
 ( quinta vento deficiente longius aberat, nec  
 ullum nisi tormentis usum prælio præbuit) prior  
 ingenti cum clamore cominus Spinola invadit,  
 nunc hanc magis, nunc illam, ut spes in quam-  
 que dabatur, circumveniens, urgensque tubo-  
 rum jactibus, tam cælo, quam navium militum-  
 que numero valentior. Nam in Batavorum  
 classe non plures triginta sex e Flislingano præ-  
 sidio milites erant, quæ pro armis tubi: at  
 nauticum vulgus, ingenio pugnax, nunc prope,  
 modo longius machinis armisque niti, hastis  
 ensibusque intendere vulnera: adempto per su-  
 mum conspectu ac velut nocturna prælii facie:  
 donec ipse Fridericus, dum puppi hostili auda-  
 cius insultat, haud uno vulnere confectus, &  
 cum illo alii supra trecentos, multis sauciis,  
 fracti quoque remi, spem primum victoriæ Ita-  
 lis ademerunt: inde & metus accessit, ne pluri-  
 bus hostium navibus e Zelandia adventantibus  
 clauderentur undique, itaque in tempore por-  
 tum repetunt. Hac Zelandorum victoria, pau-  
 cis suorum amissis, quippe densior ipsorum na-  
 vigiis compages, minusque in glandium jactus  
 patens, magnus ille initio haud satis cognita-  
 rum navium terror, concidit totus, comperto  
 jam vinci posse etiam silentibus ventis. Ad me-  
 diam usque ætatem nullum nisi ad Ostendam  
 bellum, quia Batavi, non acceptis, quæ ex An-  
 glia

glia Scotique speraverant, auxiliis, sua tueri  
 satis habuere, & archidux Bercain capere Rhe-  
 numque trahere cogitans, novos ad conatus no-  
 vas ex Hispania Italiaque copias, duce Ambro-  
 sio Spinola: præterea e Germania peditem, &  
 Lotharingum equitem opperiebatur, qui post-  
 quam advenere, Spinola ad Ostendam relicto,  
 Frederico Herembergensi peditum septem, tria  
 equitum millia tradit. Sed prima illi mandata  
 eos, qui Hochstratam concesserant, excutere,  
 Iusserat id Philippus, tam in præsens securita-  
 tis, quam exempli in posterum causa, & ne ar-  
 mis in alia versis illi mandatas partes incurrer-  
 ent: & nuper, Namurcensi provincia spolia-  
 ta, captoque Iudonia oppido, & arcis Carpen-  
 sis præfecto, redierant tuti atque opulenti. Seve-  
 rissima tum disciplina, iustoque militi imitan-  
 da, Hochstratani agebant: intentæ vigiliæ: ex-  
 tra vestem aut clauso cubili somnum capere im-  
 permissum: foeminae extra arcem sepositæ: pu-  
 gnare inter se, secreta habere colloquia aut liti-  
 ras, capitale. Leges sine venia poenis sancie-  
 bantur. Intellecto imminere obsidium, Ordi-  
 nes Mauritiumque adeunt, auxilium orant im-  
 petrantque, data fide in hostem una pugnatu-  
 ros, testati tamen in captivos suos suo arbitrio  
 uti velle, quia solita inter hostes armorum jura  
 ut transfugis negabantur. Octingentos suorum  
 arcem includunt. Cæteri, mille quingenti pedites,  
 equites supra mille, Mauritium expectant.  
 Is comperto jam advenisse Herembergensem, &  
 cœperare in arcem hostilia, pedites paulo minus  
 decies mille, ter mille equites hybernis rapit, ac  
 Gertrudisbergam properat. Qua in urbe triste  
 evenis spectaculum, mutua ex rixa collisis inter

se Gallis Anglisque, ænulis semper nationibus, Iamquetotarum cohortium surgebat prælium, mortuis aliquot, sauciis pluribus, atque ipse Bethunius Gallorum tribunus, dum prohibendæ pugnx medius incurrit, telo trajectus, quo occubuit, incenderat suorum animos. Vix Nassavio- rum ducum & principis conspectus & voces di- remere impium multamque in cladem iturum certamen. Hinc junctis Mauritiî seditioforum- que copiis, processere una, novo exemplo, con- trarii sacramenti milites. Inter camporum pla- na castraque hostium rivus intercedebat, hu- menti circum solo, quem Herembergenensis er- rore, an de adventu Mauritiî nihil suspicans, oc- cupare neglexerat. Princeps, subitis pontibus traducto, cum machinis milite, ostentat aciem. Sed Herembergenensis curruum positorum valli in speciem, locorumque præsidio se tenuit, equite tantum jusso procedere: unde leves pugnx. Nec totum hostem aggredi Mauritio visum, ante- quam cuncta sibi aut hostibus oportuna explo- rasset. Herembergenensis, tum alia, tum ne com- ineatu intercluderetur, mœrens, nocte obscura tormenta primum, tùm militem dimittit He- rentaliam versus, retemptis interim contra ho- stem excubiis, quo discedens falleret. At ubi consilium dies aperuit, qui arcem tenerant, primi tergis insistere, ubi casus inter ceteros Rosnæus, clari per Galliam Belgicamque du- cis filius, ipse tum Lotharingo militi imperans. Mauritio & ipsi parato fugientes sequi moram objecit rivus alius, & hic vado transiri difficilis: tum angusta stagnansque multum via, cum equite tamen præcurrens, hostem invenit jam ante emensum angustias patentibus campis ex- pli-

plicuisse aciem. Et quamquam flagrantibus in praelium Hochstratanis, tam vindictæ, quam probandæ apud novos amicos virtutis studio, non placuit recte compositum agmen sine machinis ac pedite aggredi: quæ tardius sequebantur, supra itineris uliginosi difficultates, cælo quoque per fulmina & continuos imbres gravi. Soluta obsidio, Mauritius medium se turbæ seditionum audacter immiscuit, ut habita fide arctius fidem adstringeret. Animus illi, dum penes se pars hostilium copiarum, Silvæducis obsidium, anno ante altero per hyemis sævitiam intermissum, denuo experiri, spe sola in celeritate, si nuda, ut erat, præsidii urbs subito ambiretur. Sed re ad concilium Ordinum perlata, instantibus Zelandis ut Flandriæ inferrentur arma, permissoque tandem principi faceret quod e re publica videretur, absunt interim dies octo: & quamquam paratæ jam Herembergensis copiæ, auctæque ad disturbandos quoslibet conatus, mansum tamen in sententia, non tam potiundæ urbis fiducia, quam quia ex usu attingere vano labore hostem, non alibi sua ad tutandam incerto exitu cogi. Quidam ultra sperare, belli tædio, oppidanos, aut mutaturos fidem, aut id acturos ut partium mediæ nec timerent nec timerentur. Ergo adulta jam æstate ad Fuchtam vicum Princeps, ad Flinam, qua Hæsdam iter est, Hochstratani consedere, longo satis inter castra utraque intervallo. Tertio statim die Herembergensis adfuit, quaque urbs patebat, Silvestribus locis, vico Dalemo nomine communivit sese, projectis in Mauritium castellis. Ille contra, qua medium solum in colles rumescit, opera ac machinas disponit. Mul-

tumque temporis actum segniter inter tela aut  
 leves pugnās. Tandem captum Herimbergensi  
 consilium extra urbem praesidium ponere, viam  
 propter quæ Fuchta Flumina protenditur, hac  
 spe, ut praefixo e Mauriti caltris ad Hochstra-  
 tanos itinere, in sejunctos facilius esset audendi  
 occasio, aut alimentorum inopia, quæ Hæfda in  
 castra vectabantur, obsidum abrumperet. Mar-  
 chioni Bellæ Italorum tribuno, datur id curæ,  
 militesque bis mille, flos diversarum cohortium:  
 quæ circum urbem nocte traductis, aggesta  
 humo fascibusque ad humanæ stature altitudi-  
 nem opus crescebat. Serius præcipiti jam nocte  
 compertum id Principi, qui suorum cum fla-  
 grantissimis advolans, excitat singulos ad non  
 minus difficile quam necessarium virtutis docu-  
 mentum. Primi Angli fortiter assilire, re-  
 jecti haud minus fortiter. Inde Gallis acriter  
 instantibus cessere hostes, portisque oppidi clau-  
 sis cum effugium non esset, nec ulla circum  
 auxilia, cæsi cum ductore, aut circumjectis pa-  
 ludibus meri: captique centum & quinquaginta.  
 Evenerat forte sub idem tempus, ut ad Osten-  
 dam archidux, studens exitus ingressusque mi-  
 litum acerbitate suspliciorum inhibere, nactus  
 navem quæ vado adhaererat, duodecim milites,  
 agros omnes, suppendio addiceret, obtendens  
 non terra; sed aqua captos ubi nulla forent bel-  
 li fœdera. Quod ubi in castra perlatum, judicans  
 Mauritius facinus crudele, nec quicquam ad  
 maritimum bellum pertinens, ut fere amant ju-  
 ra inter hostes constitui, simili sævitia æquan-  
 dum, ex omni captivorum numero duodecim  
 forte lectos, strangulari jubet, uni horum ata-  
 tis miseratione facta gratia, quanquam erant,  
 qui

qui pactorum violatorum sanctimoniam non paris tantum, sed dupli numeri supplicio expiandam censerent. Tristis sane imago & inter belli mala haud tacenda, cum egregii iuvenes nec quicquam tale commeriti, trepido vultu, anxia manu, preces inter genitusque, non tam mortem quam foedum mortis paventes genus, inclusa chartis, fata sua tractarent inspicerentque, aut damnandi alienum ob crimen, aut absolvendi non innocentiae, sed fortunae praesidio. Inventus tamen perditae temeritatis, qui sua forte liberatus, eintusque ab alio, vicarium se in discrimen iterum mitteret. At oppidani solo se telorum iactu vindicabant, acciditque, ut idem ictus Marchioni Malaspinæ, & Oliverio Tempelio, a Mauritio ad Flimiana castra euntibus, crura utraque defringeret. Malaspina Alberto ad belli consilia multus, ac nuper ab Hochstratanis captus, debili corpore supervixit. Oliverium abstulit vulnus, viginti per annos tutatum Ordinum partes, quorum tum militiae iudicem agebat, insuper Hochstratanis ad id tempus additus rector, qui eorum impetus ratione frenaret. Post hæc Albertus ipse in urbem venit, cunctaque explorans advertit, structum Mauritanis leviter munimentum, quadrato aggere, non procul eo loco quo Bella nuper ceciderat. Hoc cum sibi opus esse archidux dixisset, (eratque non dubie futurum magno usui) sublecta vox, perlataque ad principem transfugæ indicio. Interjectis diebus aliquot, prius paulo quam illucesceret, varias in partes simulato impetu, vera vis destinatum in locum incubuit: nec omisit Mauritius valida suorum atque Hochstratanorum manu eodem tendere, sublati quoque ignibus,



admonitus inde periculi. Detexit dies novum  
 machinarum ordinem castello imminentem,  
 aliaque ex oppidi vallo & propugnaculo eodem  
 dirigi, quæ incussa undique munimenti hisce-  
 bant latera, ita ut miles cavata humo se abderet.  
 Accessit tamen princeps, severeque edixit, si quis  
 præsidium desereret, capitis poenam fore. Simul  
 fossæ ambitum tuborum corona ornat: ac tria  
 tormenta e castris ferri imperat, quibus hosti-  
 lium vis retusa, versique in pugnam oppugnato-  
 res, desertis litribus, quas transmittendis paludi-  
 bus interjacentibus convexerant: machinæ vix  
 abductæ, dolabras, falces, crates aliaque in ex-  
 cidium parata rapuere Mauritanii, reparando-  
 que & augendo operi vertere. archidux, quæ  
 prima ipsi veniendi causa, varios in hostem co-  
 natu præferens, ter mille milites, velut oppido  
 transmissurus, manere illic præsidio jubet, unde  
 querelæ civium, pacta viginti per annos serva-  
 ta invocantium. Sed necessitas & poenæ metus  
 silentium fecit, quin & excitatum proxime ur-  
 bem munimentum, quod arcis, vitato nomine,  
 usum præberet. Inguentem sub hyemem, sta-  
 gnantibus circum locis palustri humo, discessere  
 exercitus. Seditiosus, quorum egregia hoc anno  
 opera fuerat, aliud sibi pro Hochstrata hospi-  
 tium præberi orantibus, turbæ capax, & ad præ-  
 das oportunius, re diu apud Ordines disceptata,  
 Mauritius Graviam, sui juris oppidum, sponte  
 attribuit, ut intra incenia, circumjectisque ca-  
 stris sine civium injuria agerent. Pacta quoque  
 signata propius, de prædâ partiunda, & ne Fœ-  
 deratorum aut Imperii Germanici agros infe-  
 starent. Quandiu cum Alberto conciliati non  
 essent, fortem spondebant operam, ita tamen ut  
 seor-

seorsum tenderent, sodiendi oppugnandique immunes, conciliati redderent Graviam, Hochstratam reciperent, in hæc fidem & obsides dedere. Et hæc quidem istis in partibus gesta, cum interium circa Ostendam immensum cresceret & belli artium & suntuum certamen. Exacta quippo hyeme per graves procellas, nunc his, nunc illis, ut ventus tulerat, infestiores, vere medio in omnes oppidi regiones e castris, factus impetus, cumque in vim tam late fusam propugnatores non sufficerent, capta hostibus munimenta tria, custodita negligentius, quæ tergo oppidi in agros prominentia aquarum intercursum, distingui memoravimus, paucosque post dies eadem in loca instituta ab obsessis eruptio successu caruit, aucto illic hoste & valido. At alia non magna mole opera, quæ trans Æstuarium tenebantur, assultante Bukoio, defensa feliciter. Dorpius tum oppidum curabat, cui missus successor Notius. Media ferme æstate ad Ostendam Ambrosius Spinola advenit, duro ac multis desperato labori finem pollicitus, si summum jus in castra sibi traderetur. Nec vana temeritate, sed ita docentibus, quibus & locus & bellum gnara erant, postquam reperta per aquas via fascium strue, tempore tantum ac diligentia opus, ut hostium munimenta velut carptum vellerentur. Concessit Philippus eo facilius, quia præter claras celsi animi virtutes, quarum jam certa signa dederat, ex opibus etiam suis, affectis id tempus ærarii rebus remedium offerebat. Invidiam, quam primo maximam subierat, tot inter Belgas & Hispanos militi simul & pecuniæ imperans homo Italus & belli novus, paulatim evicit, intentus ipse cunctis, & prudentissimis obsequens. Statimque demotis

queis lucro quaestura fuerant, parato ipsius pro-  
 visu, quod opus esset pecuniae, transfugis & se-  
 ditionibus occursum. Simul spes praemiorum cla-  
 ra ingenia attulerat, quibus egregia aemulatio,  
 novas oppugnandi artes, & machinas proinere,  
 & inventa exsequentium, certa mercede, parabo-  
 lior opera. At nec obsessis minus aut virtutis aut  
 industriae: ne intenderetur annona, iussa alimen-  
 ta palam prostare, vigiliae indefesse, interdum au-  
 erumpendi audacia: tum quae vis hostium aut  
 maris disjecerat, peritos per artifices reparaban-  
 tur. Tanto copiarum in arctum compresso, tot  
 vulneribus laboribusque obnoxio, exortam haud  
 mirum contagem sollicita inedentium cura le-  
 vabat, partim & evecta aegrotantium turba. Sed  
 &, praeter arduos globos & manu jaciendorum  
 ignium nova commenta, hostium materiae per  
 aestum arenti haud parum mali dedere. Praecipuus  
 oppugnantium labor circa rates quae ferendis  
 machinis struebantur, auctore eo, quem alibi di-  
 ximus Targone Romano, sollertis ingenii, sed  
 bello inexperti. Haec ad laevam quidem, qua mi-  
 nus violentum mare, propinquioribus machi-  
 nis: at dextro latere, qua Aestuarium est, telis  
 quidem haud aequae urgentibus, at plerumque ipso  
 aquarum impetu disturbabantur: quippe involuti  
 fascibus lapides disjici prius vinculis receden-  
 tibus: mox cetera, sublato quod retinuerat onere,  
 fluitare. Nec territus tamen Spinola alias aliis  
 sufficere rates atque adungere, ipsa damnorum  
 experientia monstrante novas muniendi vias.  
 Sensimque promotio Bukoi aggere accidit, ut  
 difficilius jam naves, invehendo militi, machinis,  
 pulveri, victui, inirent aut excederent, nonnullis  
 tubinde illis in vada, aut ubi vis telorum com-  
 pagem

pagem solverat, pelago obrutis. Contra oppidanorum jactus oppugnatores partim noctem legabant, partim terrena opera aquis respicientibus, transversis palorum fasciumque Ordines, ubi tutioribus locis exstruxerant, innox doliis subter nantibus, admoliebantur. At in Hispania apud regem, qui modico rerum usu pleraque alieno, quam suo arbitrio faciebat, nova consilia veteribus, vetera rursus novis præferebantur, ut cuique suadendi auctoritas aut spes eventus retulerat. Erant qui dicerent erratum graviter, cum prohibiti Hispania Batavi, ut populus mari potens longinquas merces, novo prorsus nec audito antehac Hispania damno ab Indis peteret, aut armis quæreretur. Quanto patrem sapientius illa gentium inter se consuetudine attinuisse spem pacis, parata, quoties usus ferret, ab ipsis hostibus navium copia? Si præsentibus futurisque malis remedium quæreretur, demendam Batavo necessitatem, quæ sola ipsi suas vires ostenderet. Consilium, per se haud absurdum, avaritia corrumpit: quippe aperto per edictum commercio, imposuitum vectigal ingens, ut præter vetera onerum, mercium pretii paulo minus quam tertia, in centenos scilicet triginta nummi, fisco cederent. Nec id in Batavos tantum, sed in gentes omnes, ne Batavi alieno nomine occultarentur, & privatis in illos odii causis, quorum auxilio duci bellum credebatur: tantum his, quæ in terras archiducum, aut mari interno inferrentur, data immunitas. Proprium Batavis hoc additum, ne merces apud se factas importare liceret, neu quicquam eorum, quæ ferrent aut auferrent nomine rectoribus suis perfolverent: diplomata quoque archiducum accipere jubebantur. Quæ

gravia atque iniqua non modo adversum Fœderatos nihil valere, sed regem quoque Gallia permoverant, primum ut par onus Hispanis imponeret, deinde cum non satis id ultionis videretur, Gallis omnibus negotiationem Hispanicam, manente Philippi edicto, interdicere, proposito bonorum damno, mox & capitis. Sed nec archiducis simulatæ clementiæ genus aliud felicius cessit, cum omnibus apud hostes agentibus nec alio crimine contactis, reditum petiit innoxium, simul redditum iri quæ ipsis possessa quondam tum fisco tenebantur, adempto tamen alienandi jure. Edicti verba multis supposita fraudibus, punitaque illic omnis extra Romanam religio, haud paucos alios fundati jam lares & certior apud Batavos quæstus detinuit. A Dunkerkanis exigua damna: inter cætera abductis abusque Tamesi Batavorum navibus, quas socia præferentes insignia prædones deceperant. At contra ab Indicano collegio missæ in Orientem naves tredocii, Stephano Hagio imperante. Ab Ordinibus sub Paulo Cardeno sex aliæ, quæ Brasiliæ oram popularentur. Hyeims aspera tempestatibus, quarum vi perlatus in Scaldum, repertusque Antverpia non procul cetus, ob rei novitatem fabulam vulgo, minima quoque in omen trahenti, præbuit. Quidam ad minas eam in urbem anno ab hoc altero non minus ingentes, quam irritas, post eventum retulere.

HVGONIS GROTH  
HISTORIARUM  
DE REBUS  
BELGICIS

LIBER TERTIVS DECIMVS.



Non omiserat inter hæc pacis consilia Albertus, seu spe vera, seu ut recusatæ invidiam hostibus faceret. Comes Bassiniacus, Boxtelii filius, jussu archiducis iter tutum ab Ordinibus poposcerat: illi, si per litteras agere vellet, responsuros, adventum sibi non placere. Vñs erat & hac & rerum Emdanarum occasione archidux, ut apud conventum Germaniæ in urbe Ratispona, quem tum frater ipsius Mathias moderabatur, incusaret Batavos, ut suæ ac finitimorum tranquillitatis inimicos. Et erant, qui studio in domum Austriacam, aut ob religionis diffidium, acerbis sententias dicerent, clamantes statuendas paci leges, & qui abnuerent cogendos armis arma deponere, moderatiores impetum temperavere, factumque decretum de mittenda ad Ordines legatione, quæ dum cunctatur, missæ interim ab imperatore litteræ mala vicinis principibus ac civitates tolerata memorantes, jubentesque rapta restitui: nec tantum quæ ipsorum militi patrata, sed & Hoch-

c I o I o c i v.

D d 7

stra-

stratanorum rapinæ ob susceptum patrocinium  
 ipsis imputabantur. Ordines, quæ ad se perti-  
 nebant, excusantes, seditiosorum facinora illis  
 adscribenda aiebant, qui, cum aliorum pericu-  
 lo, militem sibi conductum stipendio fraudan-  
 rent. Se nihil aliud quam suam securitatem quæ-  
 sivisse, & tamen, quantum fieri poterat, paci-  
 scendo Germaniæ quoque consultum. Sed ver-  
 borum benignitate injuriæ adeo non tolleban-  
 tur, ut anni hujus, quem nunc inchoamus, prin-  
 cipio seditiosi nihil eorum, quæ in hostem licita,  
 in Germanos reliquum fecerint, contentis mi-  
 nis intra vocem manentibus. Namque ipsa hye-  
 me postquam Endoviam in Brabantia, in Gel-  
 dria Erkelenum, congesta multos per annos  
 præda ab Alberti milite opimum, diripuerat,  
 egressam Geldria ceciderant turmam, arcem in-  
 super Carpam excursibus opportunam occupave-  
 rant, socio hætenus Batavorum equite, mox  
 illo omisso in Westfaliam incubuere. Coacta op-  
 -pida agrique tributo metum redimere. In Colo-  
 niam displosa tormenta. Patelbornensium oc-  
 cisi circiter quadringenti, ob milites duos, cum  
 insolentius agerent, a rusticis trucidatos: incen-  
 diis quin etiam & omni libidinis aut fævitæ  
 genere grassabantur: plane ut miserari subeat  
 infelices populos, quos tot jam per annos alic-  
 ni belli mala pœne bellantibus ipsis gravius  
 afflictabant. Ordines, propius periculum ve-  
 niente Ostenda, statuerant hostem obsidio pel-  
 lere aut abducere, aut aliud aggredi, quo &  
 gloria & in Flandriam aditus servaretur. Cor-  
 rogata in tempore pecunia, & miles undique:  
 Scotorum quoque nova cohors, Baclavio tri-  
 buno, & Anglorum supplementa, permissu re-  
 gis,

gis, non, ut ante, imperio. Medio vere, dum pars equitum cum seditiosis hostium Brabantiam quatit, & in omnem partem sparsa belli fama incertum hostem tenet. Princeps, senatu Ordinumque legatis comitantibus, copias, duodecim circiter millia, e Walachria in Catandam transvehit. Flandriæ regio est Catanda, pulsata Oceano, cui latus in ortum vergens Atro, quod dicitur; flumine, alterum longo portu Clusano, tergum aliis aquis ambitur, insulæ in morem. Atro flumine exponitur exercitus: peccatumque in eo quod non Clusano portu invectum est, quæ Fœderatorum concilii sententia fuerat. Quam, ni princeps in itinere mutasset, aliorum suasu, an majora vero pericula fingens, impetu cepisset oppidum, præsidio antehac nullo, ad Ostendam quoque superventurus timidus aut incautis, & in multa spacia dispersis, seu prælii placeret fortuna, seu victu hostem intercludere. Interim Clusani portus ripam ulteriorem missus e castris ad Ostendam & aliunde miles impleverat, curante id Spinola, qui & ante in speculis disposuerat adventum classis nuntiuros. Et quanquam bellicæ Bataavorum naves longas hostium in oppidum retro cedere coëgerant, metu ne fauces portus claudentur, castellumque adversa ripa situm haud ingens, sane tormentis verberabant, transponi miles haud potuit, bis frustra tentato, duobus cum millibus obsistente Pompejo Iustiniano, inter Spinolæ consilia tribunorum præcipuo, & super militiæ laudem, harum quoque rerum egregio scriptore. Quærenti Mauritio qua via interiorem Flandriam peteret, forte rusticus, inde & exigua hostium manus illac fugiens, vadum



dum monstravere, eo in alveo, qui retro Cat-  
 sandam amplectitur, aggere illic, juxtaque ca-  
 stello, Coxida nomine, occupato, pons & præ-  
 sidium ponitur, vacuo ab hostibus tempore, dum  
 inter se consiliis dissident Trivultius & Iustinia-  
 nus. Duo alia in propinquo munimenta, Catha-  
 rinæ & Philippi vocabulis, spe citius & ipsa  
 cessere. Nam Catharinam pulsata globis, cum  
 jam desperato opere abduci machinas Mauri-  
 tius imperasset, deseruit Trivultius, & quæ sub  
 illo mixta militi tumultuaria agrestium manus.  
 Audito quippe strepitu, qui abeuntium erat ho-  
 stium, ipsi contra, augeri copias, claudique exi-  
 tus interpretati, Philippum in castellum profu-  
 gerant, nec ibi subistere, sed Isendicum prope-  
 rant, relictis in Philippo suorum sexaginta, qui,  
 conspecto hoste, deditionem haud ultra distule-  
 re. Isendicum ad expugnandum (id castellum  
 ultima Flandriæ ora ad Hontam jacet) obsidio  
 opus: namque hostes, cæteris pulsi locis, ad sex-  
 centos hic constiterant. Die septimo facta dedi-  
 tio. Occupato illic Mauritio, adductus hostis  
 in spem recuperandæ Catsandæ, nocte sumtis lin-  
 tribus molitur transitum. Iam sexcenti inobser-  
 vati fixerant pedem, sequentibus aliis: videre,  
 qui illac curabant Scoti, quæ impellentibus  
 hostium repente fuga & clades. Pone Clusam  
 Ardenburgum jacet, haud ignobilis quondam  
 oppidi nunc vestigia tantum præferens, id prin-  
 ceptis, comperto relictum custodiæ diffugisse mi-  
 litem, intrat, muniri imperat. Penetratoque  
 ex Middelburgo (id quoque non longe municipi-  
 um est) & in arce, quæ sola loci tutela, posito  
 milite, jam Clusæ obsidium animo volvens,  
 quia Ostendæ intercedentia loca hostis præce-  
 perat,

perat, tendebat duo ad fluentia, quæ Damma  
 Brugisque Clusam navigantur, modico divisa  
 limite, saporis diversi, unde dulci ac salso facta  
 nomina: sed qua ferentem eo viam lacus arctat  
 Morkercanus nomine, ut fere omnis ille ager  
 aquis inciditur, jussu Alberti Ludovicus Vela-  
 scus munierat sese: egressusque præsidium, &  
 cum primis, quos forte inciderat, hostium pu-  
 gnæ allubescente fortuna, priusquam eques ipsi  
 additus succurreret toto statim agmine pressus  
 funditur: merli ferme quingenti: capti ad tre-  
 centos, ita ventum ad flumina, &, quanquam  
 hostis interfederat, alia parte simulatus, alia re-  
 pertus transitus, vado primum, tum structis pon-  
 tibus. Hinc orto terrore deserta castella, quæ a  
 portu Clusano in occidentem vergunt, unum  
 præter, Georgii nomine, quod & ipsum ad-  
 ductis machinis metu magis quam necessitate  
 deditum. Egresso præsidio reperta fraus mali  
 moris. Iuxta vasa nitrato pulvere positus funis  
 ignem illaturus & perniciem adstantibus. Tum  
 litus inter & oppidum trina castra principi po-  
 sita, quæ ipse Wilhelmus & Ernestus impera-  
 rent. Quod ultra flumina erat, stagnans undi-  
 que, attributis navibus, servare Notum jubet,  
 Ostenda regressum, atque inde loricam pertexi  
 Ardenburgum usque, crebris custodiis. Sed prius-  
 quam ingenti ambitu perfici opera potuere, his  
 Clusam palustribus locis miles penetraverat,  
 magnoque numero, quod propugnando oppido  
 creditum contra vertit, præfecti per inscitiam:  
 parvo quippe victu intus, aucti qui consume-  
 rent. Tentavit & Iustinianus valido faris agni-  
 ne commearum perducere in urbi proxima,  
 quem obvii e præsidio exciperent. Sed re com-  
 perta

perta Mauritius cum equite & machinis accellerans, hostem dispulit: currus farina onustos & homines aliquot cepit. Remigam Spinolanorum, qui cum aliis extra urbem processerant quinquaginta transfugere, quorum indicio certior Mauritius cibum in oppido exiguum in tempus sufficere, multa quidem in speciem parare, suis pariter hostibusque fallendis: indicto per castra jejuno, qui mos ardua & periculosa tentanti, machinæ quoque expeditæ: mox & mole eximia pontem struxerat, velut quo trans portus latum simul & profundum gurgitem in vallum ascenderet, cæterum re ipsa desperatis aliis, obsessæ turbæ famem opperiebatur, eo intentior claudendos ad exitus, nec transfugas ultra accipiens, cum Flandriam interim eques raptaret. Multa, simul incommoda premebant archiducem: ac quo minus relicto uno apud Ostendam exercitu alterum in hostem duceret, impendebat inmaxime seditiosorum metus, qui tum cum Batavis, prædæ partem alteram pacti, Brabantiam incursabant, inde Hænoviam petituri, necessarium igitur ratus hos, quamvis cum dignitatis & pecuniæ detrimento, sibi adsciscere, hoc magis quia & alii similia minantes, aucturi numerum timebantur, ostentare incipit pacis vias: & quanquam non repente convenit, quia actas hæcenus prædas in stipendium imputari sibi non patiebantur, molli tamen colloquiis animi, eluendisque offensis vim omnem in Leodicis agros verterant, aut ubi archiducum terris confederant, sua exigebant tributa, cætera innoxii, frustra urgentibus promissa Mauritanis, qui ut numero impares spernebantur. Nec parvus Fœderatos metus incefferat, ne tradita

dita Gravia malefida colluvies repararet amif-  
 fam veterum partium gratiam , magno cum iri-  
 rifi credulæ facilitatis. Seu pudor , seu ablato  
 refugio ab ipfo archiduce ultionis metus prohi-  
 buit, reddidere oppidum, receptis Hochstrata  
 & Carpa arcibus , quas archiduci permiferunt :  
 ipsis , dum stipendia expedirentur , Rurmunda  
 pignori data & clari obfides. Fuere qui ad  
 principem transfugerent. Bis mille Alberti ac-  
 citu venere in Flandriam, quo virium auctus, tu-  
 tiusque jam imminutis aliarum regionum præ-  
 fidiis , urgebat Spinolam , Clusæ ut subveniret ,  
 famem haud ultra toleraturæ. Ille, invitus quan-  
 quam & satius judicans Ostendæ vim ultimam  
 adinovere, obsequitur imperio. Primum tenta-  
 mentum fecit positis haud procul Mærkerano  
 lacu machinis , si forte telis præfidia pelleret.  
 Sed contra eo vecta tormentorum vis major  
 ipsum pepulit. Wilhelmi deinde castra affilit ,  
 lectis cohortibus turmisque, & omni paratu, quo  
 vallum diruitur : dejectus hinc quoque non sine  
 sanguine. Retrogressus inde & irruptis Catha-  
 rinæ & Philippi castellis ( modico milite tene-  
 bantur ) illac Catfandam insulam nocte vado-  
 que , dum reflus æstus , pugnabat ingredi : id  
 quoque cognitum , missique alii post alios , qui  
 ripam tuerentur. Dedit is dies non obscurum ex-  
 emplum Hispanorum militum constantiæ , qui  
 servatis Ordinibus densam contra globorum nu-  
 bem arduumque aggerem intrepidi nitebantur.  
 Defensorum non minor virtus , multorum im-  
 primis e Gallica nobilitate. Princeps ipse ad-  
 erat , recentes fessis subjiciens. Ita , cum jam  
 crevisset maris æstas & dies , represso impetu  
 cæsi nec pauci nec ignobiles, inter hos Marchio

Ren-

Rentiacus, Montigniacy partium regiarum clari quondam inter Belgas ducis filius. Gravis oppido profecti hostilia tum primum resumserant, agnitique inter mortuos recente commilitii memoria. Obsessi, postquam auxiliorum spes nulla, nec foeda tantum animalia, sed siquis usquam corii seivique fames absumserat, tertius mensis exitu tradunt oppidum: milites ter mille egressi vix ultimas habebant vitæ reliquias, pars in itinere defecere. Septuaginta machinæ venerunt in potestatem: naves Longæ decem, Servitiæ, mille circiter quadringenti erant, donata libertate. Turcæ & Manri plerique cum literis remissi ad suos, quo gratia apud barbaros & tuta commercia pararentur. Aurelius Spinola, Ambrosii gentilis, dimissus hac lege, ut & nautæ Batavi, quos archidux captos habebat, solverentur. Catsanda, Isendicum, Clusa portusque operibus firmata. Philippi & Catharinæ castella hostis solo æquaverat. Flandriæ imperium ab Ordinibus Fœderatis Henricus Nassavius, & sub illo Carolus Notius accepit. Perstabat adhuc Ostenda duos inter labores alio hoste, morbis, mari, exiguo spiramento, dum in Flandriæ urbes tuendas hostium cura distrahitur. Notio in præfecturam oppidi Gistella, huius mortuo Lonijs, ei Daniel Marketta successerant, multis utrinque tribunorum & centurionum mortuis. Plurima obsessioribus reperta, e quibus pons erat, Targonis structura, rotis æneis, quas vis equorum protraheret. Pars ejus una funibus compacta, quo minus tela transmitteret, ejecta trabe in altum tollebatur, ita ut descendere laxatis retinaculis posset, hanc placebat munimento super immittere, quod trans Æstuarium

rium lunata specie situm memoravimus. Sed vastum sumptuosumque opus ludibrio fuit, una rotarum globis dejecta, deinde ad fossam castelli defixis lignis mali in altitudinem, quæ mola impacta susteretur. Igitur in occasum versa vis, ductique aggeres trans portum veterem, & qua tergum est oppidi. Exterior jam cesserat vallum, quod oppido cohærebat, cum pars suffosso pulvere dissilisset, oppugnatum frustra. Tum, quibus Histrici & Orcitaucibus nomen est, munimenta paulatim diruta cessere. Horrendæ prorsus rerum vices, cum hostis intrando oppido, contra illi arcendis hostibus, cæcos subter humum meatus struentes inter se obscuri, atque improvise implicarentur: incertoque ignium eventu, sua sæpe opera auctoribus in exitium verterent. Fractis per longa pericula Hispanis Italisque (nam discretus cuique labos, quo manifestius spectaretur, & æmulatio accenderet) allecti præmio Germani Sabuletum invadunt: & quanquam primos vis nitrati pulveris distulerat, impulit cæteros Barlaemontius, donec jugum tenere. Hinc vetus in oppidum cuniculis ibatur. Obseffi erumpere interdum, inque amissarum munitionum vicem novas interius extulerant, quas vano duraturi in longum obsidii omine Trojam dixerunt. Nam recens humus fluxa per se non sat telis obstabat, & quanquam summa æstate, quoties ab Oceano flarent venti, cuncta ruinis nudabantur. Ipsi Ordines reputare sumtus immensos, & par maximis cladibus militis damnum, & nullum Ostendæ usum tot castellis cingentibus. Seu decus, seu utilitas spectaretur, præter Becam Graviarnque, majus in Clusa præmium tribus mensibus paratam quam

quam toridem per annos decertata Ostenda Alberto daret. Iamque augescente autumno elapsum hosti tempus alia cceptandi, & hyemem venturam formidolosam obsecsis. Quod si contra iretur exercitu, primum iter aquis interfluvium, & in medio Damna ac Blancoberga præfidiis hostium tenebantur, tum firmata tanto temporis castra, junctæ copiæ, dux milesque promptus prælio, periculum ostentabant. Mandatum igitur Markettæ ut longum certamen quam posset honesto fine abrumperet, quod factum. Et emissæ primum naves, cum parte machinarum: tum missi legati exitum omnibus cum armis ac tormentis quatuor impetrare, utque captivi permutarentur, facili Spinola, æstimatione spectata virtutis, an quia incerta temporis prævenire festinabat. Tetr mille, per media hostium castra transgressi, Clusam venire ad principem, nec ille ut victos excepit, sed gratias egit quasi victoribus. Archidux cum conjuge visurus locum, pro quo tot ipsi suscepta vota, tantum impensum temporis & pecuniæ & sanguinis ( quinquaginta suorum millia amissa ipsi prodidere, ex obsecsis qui ceciderunt major numerus ) inveniunt nihil præter inanem arcam hinc exstantem inforinibus tumulis, inde recedentem in obliquos specus, adeo confusis operum vestigiis, ut quæ tuendo, quæ impetendo oppido structa vix esset dignoscere. Oppidanorum quod antè habitaverat Clusam transiit: & quanquam multis immunitatibus ab Alberto propositis, diu haud reperti qui incoherent, horrentibus cunctis tetram cruore & humanis ossibus sedem. Super hos, quos ante retuli legatos in Angliam, plures Philippus & Albertus miserant:

rant : hic Ioannem Ricardorum , & Ludovicum Verreikium : ille Ferdinandum Velasum Comitem stabuli Castellæ , & Alexandrum Rovedinum Senatorem Mediolanensem : cupidi pacis uterque , nec tam Anglorum metu , quam ut sublaris fulcimentis Batavos sub iura retraherent. Nec deerant in gente pugnaci belli suasores , qui in publico Anglorum concilio ( namque id tum convenerat ) referrent veteres cum Batavis necessitudines , matrimoniaque & fœdera , multo ante quam Iacobam Britanno nuptam Philippus Burgundus per nefas principatu excuteret : causam amicitiae , quod sine ea neutritutum mare , & quoties conveniret opima commercia. Hispanis contra nihil opus , & bellum lucto fuisse : maxime vero providendum , ne Batavi rebus extremis suis , aut Gallis , veteribus Britanniae inimicis , aut Hispanis ob religionem & dominandi libidinem hostibus , accederent. Nimis multa exstare documenta , Britanniae esse dominos qui essent maris. Rex ad hæc immotus , satisque in Britannis & Batavis virium ratus , illis ut pace , his ut bello subsisterent , armorum societatem ab Hispano oblatam repudiens , in pacem consensit. Præter leges quæ suæ fœderibus , pleræque erant de libera navigatione , qualis ante bellum fuerat , vectigalibus iisdem. De America & India silentium , quia & Anglus excludi impatiens , & Hispanus pertinax neminem admittere , relictaque res arbitrio plus valituri. De religione convenit , ne in Hispania Angli adire templa cogerentur. Pani sacratio obvii exhiberent honorem , ni mallent via decedere. Ad Batavos hæc pertinebant. Hostes rebellesque alterius alter ne juvaret , neu

juvari



juvari a suis pateretur : attamen privatorum  
 facta in ipsis vindicarentur , paci publica inco-  
 lumi. Flissingam & Brilam per pactorum fidem  
 negabat se Britannus Hispano posse tradere  
 interim milites , qui ista oppida servarent , in-  
 permixtos bello fore. Pacandis Batavis una ope-  
 ram darent. Siquid esset inoræ , saltcm ut con-  
 meaturis inter se Belgis Anglisque iter patefce-  
 ret. Naves bellicæ supra sex aut octo alterius  
 portibus ne considerent. Britannis Batavica  
 merces in Hispaniam , Hispanicæ in Batavianam  
 vectare interdictum. Sublato hunc in modum  
 bello , rex Iacobus , ut domestica quoque certa-  
 mina evelleret , Scotorum Anglorumque obli-  
 teratis nominibus utrosque voluit communica-  
 tis legibus unum in regnum , Britanniaque no-  
 men coalescere , rem aggressus difficilcm ma-  
 gnisque contentionibus agitatum , dum recen-  
 discrimen & æmulatio , cæterum haud dubie so-  
 lido in posteros bono. Mox , secundum ea qua  
 cum Alberto convenerant , postulat a Batavis ne  
 prohiberent Britannos e mari intrato Scaldæ  
 Antverpiam subvehi , solutis vefugalibus quan-  
 ta cives penderent. Illi vero excusavere , osten-  
 so haud injuria institutum sibi , nequis ad hostes  
 nisi mutatis navibus , pervaderet , quo certius  
 cuncta explorarentur : nec ægre ferendum , si  
 possessio a se flumini legem imponerent , cum  
 Hispani etiam maris vias amicis auderent præ-  
 cludere. Inde vero ut Anglos rapinarum infam-  
 tia laborantes ad innocuos quæstus verteret ,  
 venit ne quis externo sub imperio mari milita-  
 ret : terrestre ad bellum siquis huc aut illuc iret ,  
 dissimulans. Alio edicto Jesuitæ , & non regni  
 more lecti sacerdotes Britannia proturbaban-

tur, adjectaque causa, quod id genus hominum docerent Pontifici Romano jus esse populos in alterius sectæ reges obsequio solvere, qua nulam exortam esse pestilentiorum imperiis sententiam. At iisdem diebus, Iesuitæ iidem, certis sub legibus, in Galliam reducti, unde olim exciderant, cum ex ipsorum disciplina juvenis regis vitam petisset: dirutum & monumentum, quod ejus rei memoriam cum Iesuitarum infamia præferebat. Haud silente Parisiorum senatu, una opera & auctoritatem amplissimi ordinis & securitatem Galliæ subverti. Sed Rex, suo quoque periculo, quod plerique ominabantur, inperterritus, Pontificis in gratiam ornabat acerrimos potentia ejus defensores. Ipsum inter & Hispanum super antiquas novæ odiorum causæ aggregabantur. Villiregio, cui plurima apud Henricum fides, minister erat Hostius, ejus opera, multis in negotiis ipse, ad literas exarandas, & notarum arcana utebatur: hic pretio inductus, maxima quæque ad Rassium Gallum, exsulem agentem in Hispania, ille ad Philippi senatores referebat: quæ promptum introspectis Galliæ consiliis certius cuncta decernere. Et quædam Britanno monstrata simultates severant. Detecto per Rassium dolo, Hostius fuga primum, tum subita morte ulteriorem inquisitionem prevenit. Etiam formina res movit, Henrica Interakii filia, forma atque ingenii venustate inter primas: utroque plectus rex, cui haud aliud facile vitium extra amores objeceris, libita ut expleret, nuptias suas promiserat, si marem pareret, scriptoque firmarat fidem. Post prælatam in conjugio Medicam, illa coacta ad placandam reginam chirographum regis reddere, solitudinis

tudinis & religionis obtentu al  
 simulans, externas opes ambie  
 genito perfugium adversus R  
 ipsa mox edixit, ut alii inter  
 regnum assereret. Aditus Britan  
 perium turbare recusaverat: at  
 probare, largiter polliceri.  
 perant, capta mulier paterque  
 norum comes. Sed veniam He  
 rum in crimine suum agnosce  
 metuens, ne his succensus ille  
 ceret, ortum super vectigali co  
 per decreverat, rescidit: ver  
 ira, omnes ejus gentis finibus  
 re, mercesque posthac illatas p  
 hic annus clarum in Belgica f  
 feldii, qui per annos quadragin  
 maximis functus imperiis, I  
 præses, actam inter bella vitam  
 mum ad senium perduxerat.  
 Ludovicus Nassavius occubuit  
 majorum gloriæ, & in quo  
 nec improvidæ virtutis.

51

# HUGONIS GROTII HISTORIARVM

## DE REBVS BELGICIS

### LIBER QVARTVS & DECIMVS.



ENESCENTIS jam belli sum-  
tus in annos crescentes, & in-  
gens æquatarum virium speci-  
men Ostenda, spem multis diu  
intermissam reddiderant, ex-  
tremos armorum impetus in  
pacem desituros: hinc sermoni-  
bus aut libellis ex spe aut cupidine quisque dis-  
ferere. Quibus Belgarum Austriacum cordi  
imperium, æmulas Batavorum civitates, infensa  
studia, divulsamque molem in se ruituram, aut  
prædam externis regibus fore, ni redirent in  
principatum veterem, & tot sæculis expertum:  
addenda priscis legibus, ne in Hispanum Belgæ  
revolverentur, indefinitum jus commerciî, reli-  
gionum impunitatem in spem propioris con-  
cordiæ: iret miles peregrinus, & pestis altera:  
Iesuitarum factio: honorum decora penes cives:  
tum, quæ maxima, in nationum concilio tra-  
ctarentur, veriore hanc cum modo liberta-  
tem. Contra in Gallia alii ab Austriaca domo  
dissidium Belgis etiam suadebant: vanum no-  
men archiduces, sine viribus, sine imperio: vi-

E c 2.

res

res hosti, imperium Hispano  
Belgica exhausta, paupere Hi  
trahendi una, Indorum divitia  
ficere qui mari prævalescerent  
militum seditione infamem Alb  
quod si, augescentibus subinde  
pergisceret, depastis utrinque  
egestatem ac solitudinem. Spo  
quam vi subacti, redirent in G  
taque sacra in sede sua sisterent  
peritura. Novem arces aut  
quantulum moræ undique co  
extracta gens, crudelior an sup  
Pirenæis posthac jugis & re  
littore clauderetur. Sparsa la  
subditis incumbere: & pacem  
tis lege Salica hæredibus: null  
liæ bonis in commune uterentur  
maniam qui hinc magnitudin  
inde Batavorum abstrusos rece  
bello fortunam expenderent:  
do transigi: facilius honesti  
Hispanus Turcam retunderet,  
perii damnum propagatis alibi  
faret. Baravis libertas pretio c  
periis suos orbes, & cum in f  
rint, minui. Iamdudum nec  
letam Hispanis, nec Austriacæ  
repeti. Sic & hos populos pro  
maxime cederent, suspectos  
moria, & per religionis disco  
quoque nocituros: quin par  
Burgundionibus pretio parta  
quæ emerant, vendituros. H  
At domi, extra paucos, quorum

m. & præstructa consilia, cæteri, quis fastus  
 Hispanorum, quam fixum Batavis dissidere, re-  
 putantes, spes omnes improbabant, tanti adhuc  
 belli finem in obscuro molientibus fatis. At  
 Maximiliano Cochiaco Imperatoris urgenti  
 mandata, & magni nominis legatis Magontia-  
 censi, Saxoni, aliisque iter & comitatum tem-  
 pusque agendi & locum postulanti, quæ apta  
 ostentui & movendæ plebi omnia, respondere  
 Ordines: haud immemores sese quæ mala ve-  
 teribus colloquiis accepta: nec Imperatorem &  
 Germaniam, sacra quanquam sibi nomina,  
 contra hostiles insidias profuisse: nihil Batavis  
 optatius, quam quæ multis periculis, longa in-  
 dustria pararent, metum belli extra ponere: id-  
 eo tam diu oratos vicinos, ut æqua pace immi-  
 nentia arma præverterent, quæ postquam ne-  
 cessitate edita solidam genuissent libertatem,  
 regibus quoque & principibus probatam, hanc  
 se neutiquam falsa pace mutaturos: cum Belga-  
 rum prioribus pacisci se antehac, nunc etiam,  
 paratos. Archiducum quam nulla vis esset, Spi-  
 nolam monstrare, hominem externum, accepto  
 ex Hispania in Belgas imperio. Salva se reli-  
 gione, salva republica, veram securamque pa-  
 cem nunquam abnuturos. Sin id federet, ut di-  
 vinis rebus unum Pontificem, ita humanis unum  
 regem Hispanum imponere, videret Germa-  
 nia, Batavos nec suæ, nec publicæ salutis defu-  
 turos. Cæterum quod de illatis damnis refer-  
 ret, daturos se operam, ne æquitas sua desidera-  
 retur: munimenta ulla ut redderent, Spinola  
 cum maxime Rheno imminente, inconsultum.  
 Scituros ipsi Germaniæ sic prospici, si Mendosæ  
 agmen & contumelias cogitarent. Prodiit per  
 eosdem

eosdem dies & Francisci Rhe-  
mi, & in republica cum hono-  
eadem etiam res gestas patri-  
do bene meriti, liber, sed fo-  
amicis vulgatus, qui vetera ne-  
cæ domus, & Hispanorum a-  
& quam infida principum in-  
præsertim quos Pontifex per-  
solveret, par periculum Ref-  
nensibus ostentabat: nec aliud  
exitum, desperatas hominibus  
scere. Quæ dum verbis ag-  
bellum properari. Accesserat  
quod Ostendæ impenderant,  
adventabant, monente Reg-  
tum egressi, trahere hosten-  
lent: at per Germaniam Be-  
ctus utrisque partibus ageba-  
aut ut quemque religio hu-  
rat. Expedivere & pecunias  
cunctantius sub jure archiduc-  
bus nolentibus bellum & susci-  
tio, tum Fœderati offensas au-  
ad procures super communibus  
terrere Albertum, quo minu-  
tunc maxime, flagitatum Bel-  
tionum conventum haberi pa-  
ne, multa negando, invidiæ in-  
ta Ordinum auctoritas vici-  
verteret: prodeuntibus hunc  
literis, quas Batavi interce-  
primores transmissere. Itaq-  
tiendo consensui, singulas  
misit, ægros animi spe fover-  
niæ, quam prospera & op-

classis advexerat, proutque pacis, si bello modicum in tempus acrius insisterent. Initium illic anni actum otio inter gaudii imitamenta, dum Ambrosius Spinola, toti jam bello impositus, (is Hispania recens aderat, expensis apud regem ejus gerendi rationibus) aurei velleris honorem induit, & Britanniae legato coram, pax Alberto juratur: virilique sobole firmatum Hispaniae regnum sacris ludisque celebrant. Summo jam vere, nec ante copias acceperat, Ordinum consulto Mauritius magnum opus aggreditur. Antverpia petebatur, urbium quondam Belgicarum florentissima, nunc, abductis in Batavos commerciis, partas olim opes famamque retinens, incitabat ingens spes gloriae: quippe viginti ante annos Parmensi duce longa ac difficilis obsidio, incompotis sociorum rebus, vix sero adepta successum, jactantia victoris, fidem mundo fecerat, in una urbe possessionem Belgicae verti. Consilium haud absurdum, spatiosam urbem haud magnis copiis claudendi, planis agrorum adjacentibus Scaldim superfundere, fessuris in edito castris, sed oppositam fluminis ripam, quae Flandrica est, occupandi haud expedita ratio. Erant, qui ex Catsanda nocturnis itineribus mitti per agros militem suaderent. Mauritio magis placebat classe iri, quae, dum paratur, magno, ut fit, molimine, suspicio injecta hosti, statimque Antverpiam peti percrebuit. Variis exceptus oppidanorum animis, dum pars lata, velut propinqua libertate, alii suspecta fame intendere rerum pretia, multi collectis sarcinis moliri fugam. At Spinola trepidantes firmat addito equite, qui modeste ac sine injuria civium habitus, tum oram Flandricam,



quæ contra Antverpiam sita Wasiæ nomine appellatur, invisens, & ter mille pedites custodiæ relinquit, versuros se qua hostis incumberet: quippe haud ignarus, potiri hostem fluminis non posse, ni & istam ripam meritis agris positisque stationibus suam faceret. Lecto igitur die pariter Mauritius Bergis ad Zomam justo agmine processit, & Ernestus Nassavius, quod reliquum militis classe vehens e Zelandia Scaldum subiit: primumque Batavorum munimenta prospere perlapsus, ubi propius Antverpiam, & hostium castella venit, nocte quanquam, haud ininspectus, tela inter penetrabat, Flandricos aggeres invasurus: sed exciti globorum stridore qui præsidium illic agitabant, tecti aggerum interpositu vela sequebantur. Ernestus vento in Brabantiam rejectante naves, qua jussu, appellere, & jungere copias vetabatur, dubium alioqui prælium etiam providis facturum. Tentandæ tamen fortunæ, litribus transponit ferme quadringentos, qui coortis hostibus facile fusi, pars & in potestatem venire. Tribunus Dorpius premente victore armatus in flumen defiliens, periculum periculo evasit. Ernesto Brabanticam in ripam relato, irritus consilii Mauritius Woudam, castellum haud procul Bergis situm, quantum intra diem in deditionem cogit, haud dignum quidem, quod exercitus peteret tantus, & a tanta spe veniens: nec nullo tamen pretio, nam prædo hostilis inde flumina infestarat. Cæterum ingentes minæ, non in vanum modo, sed contra cecidere, anno haud alio Batavis infaustiore. Wouda tenente Mauritium, Spinola, quanquam tum maxime circa legatum Britannicum strepente aula, haud segnis

seria inanibus prævertere, Schaldi pontem superjecerat, quamcunque in partem hostis duceret, promptior sequi, eoque immitior his qui Woudam dediderant, tanquam præproperi timoris, adeo ut in quosdam & capite animadverterit. Nec parum Fœderati nutavere, magnis adventantium Spinolæ copiarum rumoribus, quid potissimum aut peterent aut tuerentur, Rhenum insideri suadente Mauritio, ne hostis illac in nuda imperii pervaderet. Vicit sententia in Flandriam ire jubens, Clusæque consuli. Spes aderat castellum hostile, cui Saxo Gandavenli nomen, ubi aquæ ex Gandavo derivatæ in Hontam ac mare exeunt, obsidio premere: id si eveniret, minari urbibus, sin minus, tanti tamen in alea belli flagrantis Spinolæ retinere impetum. Haud procul Isendico Mauritius vico Waterfleta illarum classe exercitum locarat, cum Spinola, præmissa copiarum parte, celer assequitur, ipsumque inter & Saxi castellum, Bucholta is locus dicitur, sedem legit speculandis reprimendisque hostium conatibus. Ita fixi diu egere, nullis, nisi levibus equitum præliis. Vrere lixarum naves, quæ propius Mauritii castra advenerant, Pompejus Iustinianus, imperio Spinolæ paludes ingressus, speraverat: sed prævisus, depulsusque. Iacet ea in regione Walachriam contra Patientia castellum, cujus oppugnatione Mauritius otium pellere agibat: sed structum viæ medio leve munimentum eripuit Spinola, suisque castris perpetua lorica attexit, madidoque & insalubri solo sita Mauritii castra morbis & transfugiis desolabantur. At ignavum hætenus terra bellum maris pensavit fortuna. Ex quo primum in Batavis res

motæ hæc adusque tempora, inter onera Hispani vel maximum fuit, quod potissimum & suus miles longe ex Italia difficili itinere in Belgas duceretur, nullo interim usu & gravibus impendiis. Ei rei Spinola levamentum repererat, Oceano ex ipsa Hispania Flandriæ portibus inferre copias. Mille ducenti milites Hibernicis bellis exerciti Petro Sarmiento tribuno Vlyssipone imponuntur octo navibus, ac celocibus aliquot, quarum omnium curam Petrus Cubiara acceperat, hoc inter cætera mandato, ut, si Flandria negaretur, vitato Galliæ littore, Britannia oram adiret, tutum ibi hospitium, ope legati Hispanici, & quos ille Britannorum donis emerat, habiturus. Ordines Fœderati, ut terrore talem in posterum audaciam arcerent, Wilhelmum Hautanium Zelandici maris præfectum jubent Hispanis in freto Morinorum occurrere, captosque sine venia mari mergere. Non classe bellica Hispani, sed onerariis adventabant, & quidem, qui laterent facilius, Germanicis aut Britannicis. Hautanius parte datæ sibi classis Flandriam, parte Britanniam prælegens, quicquid medio mari navium, explorat. Reperti hostes Doberniam juxta, cum nec vela submitterent, & ultro se glandium jactu tuerentur, pars occisi: cæteris nando, aut scaphis Anglorum excipientibus effugium fuit. Aliam navem jam portu propinquantem Zelandicæ duæ cum premerent, pariter vadis adhæserunt. Sed Zelandicæ ut mole, ita periculo leviores, hostilem oppugnant capiuntque. Vectores, uti jussum, in mare præcipitantur, multum ante questi de fortuna, non quod vitam eriperet, quam nec perpetuam homines, nec longam spe.

sperassent & milites & veterani, sed quod in gladios jurata manus inter undas fluctusque morte non sua caderet. Die postera captæ naves aliæ, una incensa, eodem militum fato. Bini ferme inter se colligati signo simul cunctis e navibus dato jactabantur: unus nihil hostili manu opus dictitans sponte defiliit, ignotus inter ignotos, gloriæ tamen circa suprema avidus. Ea clades virum naviumque partem ferme alteram absumsit: nam naves quatuor vento ferente portum tenere, ibi quoque multis per hostium tela perentis aut sauciis. At Dobernienſes, dum mari pugnabatur, spectatores mox irati bellum solo suo importari, globos ex arce jaciebant pro nuper hostibus in amicos vereres. Batavos ob hæc ausa criminantibus postea Britannis, responsum, non quæſitas a se Britannicæ in fluminibus naves, quod tamen impune Dunkerkani fecissent, sed calentem victoriæ impetum hostem magis suum, quam terræ marisque confinium respexisse. At ipsi haud æque facile purgabant, quod specie scrutandi Anglos, qui contra regis edictum mari militarent, haud ita dudum naves Hispanicas, partam Batavis prædam, suum in littus pertraxerant, datisque pro legato Philippi vindictis, vim belli eluserant per juris imaginem. Cæterum qui recens appulerant Hispani, Oceani ante hyemem tractu desperato, mansere illic magnos per sumtus domino graves, atque interim miserrima facie, dum nudo littore positis tuguriis vivunt inopes, aut ægri pereunt: nam tæbe, vulneribus consumti haud pauci, & ipse Cudiana. Iam ex Italia sex validæ cohortes sueto per terras itinere adventabant, præter novos

Archiducis per vicina regna dilectus : haud alias tanta partium vi : quippe Spinola , in Hispania apud regem cum esset , captæ Ostendæ gratiam auctoritatemque præferens , facile persuaserat , lentum bellum pro hostibus , cui finem imponi posse si Rex in longum danda contraheret , passim pro dicto usurpans , signisque inscribens. Iam aut nunquam. Seditionum igitur mala commemorans , pecuniam & binos poscebat exercitus , quorum altero sua tueretur , altero Frisiam quateret , magno statim structu , quia Transrhenana tributa damno hostium sibi accessura , tum hosti plurimas urbes , quas nunc amris defenderet , limitem fore , iustoque exercitu opus spargenda ad præsidia ; spe mox maiore , quando inde ipsa Batavorum viscera terra marique patescerent. Sapiens consilium ut primi successus iuverint , cæteris haud pro spe secutis , pergam memorare. Sedentibus adhuc in Flandria ducebatur , dum Princeps Clusæ providus Isendicum munit , & Spinola illum falso metu retentat , Bukoius iusta cum manu haud procul Agrippinensi Colonia , pulsas ante Batavorum navibus ( machinas enim secum traxerat ) Rhenum transit , magno circum Germanicarum urbium terrore , quibus Mendosæ facinora & multa ludibria necdum exciderant. Lustrandis copiis Pontificis legatus adstitit , solemniter precatus victoricia ipsis arma. Irent alacres , liberatores recta sentientibus , ultores in cæteros : non principum magis quam Divûm causam agi , quos aris templisque exutos ipsorum manu velle restitui. Vbi ventum ad oppidum , cui Cæsariswertha nomen ( coloniam Trojanam olim inibi fuisse sunt qui putent ) castellum ponere incipiunt utraque ripa ,

pa, queis transitus muniretur. Pons, quo Rhenum sterneret, structus Colonia Agrippinensi, & magna inde alimentorum copia, haud obscuro studiorum civitatis ejus senatu, quoties res Hispanorum invalere. Quibus auditis Mauritius, ex suis Mendosæque consiliis conjectans, haud iturum quenquam infestas in gentes Berca a tergo relicta, Henricum fratrem, Ernestumque mittit, & pedites quater mille, bis mille equites, queis Ordines suo e conventu legatos addidere. Nec hi dubitarunt primam Bercæ muniendæ curam, validis operibus multum extra oppidum spatii amplectentes, queis mora hosti, sedes præsidio augeretur. His militem detinebant, quanquam Transisalana Frisæque urbes, & Linga præcipue subsidia militum & quæ bello usui certatim orabant, privatum per metum omissa publici cura. Lingam missæ quinque centuriæ. Eques interim, qui cum Nassaviis, obvium hostem bis fudit. Media nondum æstate marchio Spinola, relicto ad Flandriam Friderico Herembergensi, (is sex mille pedites, quingentos equites regebat) ipse Bukoii copias, & quos inde sibi præmiserat, subitus petit. Rurordamque locum, Rura ubi amnis Rhenum illabitur, munitioni oportuno tacitus notat. Dein convocatis castrorum primoribus, cunctis hactenus quid pararet nesciis, mentem aperit. Lingam peti, præcipuum illarum partium munimentum, si properaretur capi facilem, inesse paucos & belli rudes: sed cuncta in eo, ut hostium subsidia præverterent, quæ Lingam conventura, si Bercam ipsi & Grollam & ignota oppidorum nomina confectarentur: nec ignarum sibi, quam adversum præcis ducum institutis,

tis, cunctis pone hostilibus in ultetiora semet  
 immergere: sed prout res tulerint vertenda con-  
 filia, nec ulla præcepta semper valere, & sæpe  
 audendo plus quam cavendo profici. Lectum  
 sibi quod optimum temporis, maturis frugibus,  
 necdum deportatis: & ad latus Westfalix oppi-  
 da, victum sponte allatura si pretium daretur.  
 Id quoque sibi provisum, adfuturum quidem  
 Mauritium, sed tarde, imparatum terrestri iti-  
 neri, quo non classis illum, non sueti amnes se-  
 querentur, &, ut veniret, datura plana camporum  
 prælio locum, quod suis tam acriter peti-  
 tum, quam hosti anxie vitaretur. De castellis  
 quæ cœpta Bukoio, dubitatum, dirui, in reditu  
 instauranda, an defendi placeret: plerisque mo-  
 nentibus, noxium alienos in fines eunti, divisis  
 copiis robur famamque infringere. Paucioribus  
 Spinola assentit, & Bukoium ripa Rheni Ger-  
 manica ponere æstiva jussit, augendisque & ser-  
 vandis operibus attribuit sex millia, novum  
 maxime militem & gravi itineri haud suffectu-  
 rum. Simul, ista exercitus specie, inanis pro  
 Berca sollicitudo Batavis intendebatur, veta-  
 batque ad vera pericula dimitti copias, metu,  
 ne simulatum in Frisios iter, & abducto milite  
 illuc potius Spinola incumberet. Ipse novum  
 peditem, equitum duo circiter millia ducere  
 satis credidit, gnarus attritas Mauriti copias,  
 partemque in Flandria mansuram, quæ Herem-  
 bergensi obsisteret. Ibat terno agmine divisus  
 pedes, additis cuique machinis, undecim simul  
 numero. Latera carri tegebant, victum scaphas-  
 que & pontes transeundis amnibus ac paludibus  
 ferentes, queis circumjecti custodes: at frontem  
 tergumque eques clauserat. Spinola ipse prima  
 in

in acie, præmissis qui vias explorarent æquarentque. Vbi latius patuerant campi, festinando itineri, prima mediaque acies pariter incesse-  
re, duplicata & curruum serie. Pro vallo, nocturna quæis machinis & turmis defendebatur: de die, medii primis, ultimi mediis certa vice succedebant. Magno tunc experimento com-  
pertum, adulta quamvis vitia quam brevi cor-  
rexeris, si curæ constantia accedat. Corru-  
ptam namque jamdiu seditionibus & licentia  
disciplinam restituit illico dux, ut stipendiis fi-  
dus, largusque præmiis, ita aduersum delicta  
inexorabilis, nullique gratiæ obnoxius: nec fur-  
ta tantum & rapinæ, sed agmine excellisse,  
capital. Latrunculator obequitans, & cum la-  
queo carnifex, paucique spectante exercitu le-  
ues ob culpas suffixi, cunctos sanare. Ad proxi-  
mas Germaniæ civitates Philippus Croiæcus  
mittitur Solræ comes, qui, demto metu, favo-  
rem proliceret: non enim, ut olim, turbidos &  
inobsequentes impetu ruere, adesse paratos re-  
gere, fuetos regi, & qui pacem bello discerne-  
rent: non se oppidis, non agris graves: alimen-  
ta tantum venalia & innoxium per agros tran-  
situm posci. Verbis facta haud discrepabant:  
unde parabilis annona & a vicinis laudes gra-  
tesque, veteres injurias cum præsentī securitate  
comparantibus. Trans Ruram Luppiamque am-  
nes (quanquam ad excindendum Luppiæ pon-  
tem missi Batavorum equites, sed tardius pro-  
cesserant) quarto die ad Oldensaliam ventum,  
Transisalanī juris oppidum, veteris adhuc sæcu-  
li munimenta præferens, nec mutatum, ex quo  
Mauritius anno ante septimo ceperat. Visum,  
quantumvis properantibus, in transcurso posse  
rapi,



rapi, quando mox, aucto præsidio, crebri inde  
 excursus & comineatuum pericula formidaban-  
 tur. Intus ferme quadringenti: quorum eques  
 primum, inde pedes erupere, non sine clade eo-  
 rum qui primi accesserant. Sed impares repressit  
 insequens exercitus: contentisque missilibus,  
 nocte una tribus partibus fossam usque oppidi  
 penetravit: neutiquam ambigente Spinola, quin  
 paucorum morte ac vulneribus, quod belli po-  
 tissimum, tempus redimeret, contra quam Mau-  
 ritio probatum, cui mos sequi tuta coque tar-  
 diora. Mane, exploso quod advexerat machi-  
 narum, deditur oppidum: cognitoque per capti-  
 vos Lingæ statu, & plus militis expectari, an-  
 teire equitem jubet, ipse altero die figit castra.  
 Lingam claudendis finibus utilem, proprio quo-  
 que affectu, ut sibi concessam Mauritius perco-  
 lens suo sumtu suaque arte munire ceperat, pro-  
 funda satis ac patente fossa & sex propugnacu-  
 lis oppidum arceinque amplexus. Sed recens  
 & parte sui imperfectum opus, necdum solida-  
 tus agger, oppugnantibus proniora: accede-  
 bant miles modicus, (sexcenti erant, nec excur-  
 sus, nec pro vallo pugnam ausuri) duces quanto  
 inexperti tanto pavidiore, nec cuiquam ponen-  
 darum machinarum peritia. Dum trahuntur tor-  
 menra, dum locus dispicitur, sine noxa hostis,  
 adjutus hortorum anfractibus, credito citius,  
 fossæ marginein tenuit. Quatuor nationes toti-  
 dem e locis transitum festinabant, accedente  
 æmulatu: pars ductis rivis in veterem exigui  
 amnis alveum aquam abducere, pontem alii do-  
 liis imponere, aut fasces & virgulta colligare  
 reperto ad Ostendam more, adeo securi, ut nu-  
 di quidam intra fossam agentes opus promove-  
 rint.

rint. Nonus erat obsidii dies, & Walones propugnaculum sibi adversum subierant. Itali, Hispani, Germani partim fossa media, partim propius versabantur. Præfectus oppidi Martinus Cobbius, senio fractus & gressu debilis, centuriones in consilium vocat, & super cætera incommoda globorum penuriam ostendens, quid usus facto rogat: nec cuiquam animus periclitantibus munimentis nova præducere, corpora opponere, arcem saltem defensare: mirari magis, quod non deditioem hostis exposceret: alii verus id, nec ad Ostendam aut Clusam factitatum. Præfectus, velut forti consilio, monebat in vesperam, sin id nimium, in meridiem pacta differri: turbare cæteri: non illis in horis momenti quicquam: cito postulata cito accipi. Exsequuntur haud minus festine quam decreverant. Læro Spinola, cujus vota, quantumvis prope-  
rantia, hostium tamen pavor prævenerat. Inter-  
ea Mauritius ad famam Transrhenanæ expedi-  
tionis quantum poterat accelerans, Flandriæ ca-  
stella Clusamque tutandam Notio tradit, &  
raptis inde viginti quinque centuriis, Daven-  
triam petiit. Decem aliæ a Rheno accitæ: &  
e præsidiis contractæ totidem: octo insuper, no-  
vus e Britannia dilectus: machinas venti mo-  
rabantur. Altero tertioque post deditam Lin-  
gam die, solvendum in obsidium accingebatur,  
in eam spem nudatis milite urbibus, cum amissi  
oppidi nuntius occurrit tristis, non minus quam  
improvisus præfectus Cobbius, centurionesque  
alii longo carcere detenti, inter sævas populi  
voces & cognatorum gratiam fluctuante sen-  
tentia. Defensionis capita, quod missis ad du-  
ces Nassavios & vicina oppida literis, haud satis  
missum

missum militis, & quæ liberando oppido: quodque plebs oppidana numero validior, excubias abnuens, precibus minisque impulerat, in tempore paciscendo imminens exitium antevertere. Tandem, cum facti invidiam dies mitigasset, placuit, motos ordine, haud ultra puniri. Manente obsidio Thomas Fillerius, eorum unus qui ex Hochstratana seditione penes Batavos hæserant, animosus prædæ quæsit, comitem Solræ incidit, centumque equites præsidio datos, cepit horum triginta, occidit inter alios baronem Ciaccium, Ricardoti generum. Comes retardatus vulnere vix effugit. At Fœderati Ordines, si forte inedia Spinolam affligerent, palam edixere, qui victum in castra ferrent, se pro hostibus habituros. Nec tamen comneatus cessare, spe lucri, mox & terrore victoriæ: adeoque nihil defuit, ut quidam venalia e castris domum retulerint. Stetit in Linga Spinolæ cursus: atque ipse velut attonitus tam addicta fortuna, mirari operum vim artemque, & tamen tuendis alia extra fossam objicere, quod Mauritio nuper destinatum intelligens, ipse exsequebatur, velut imminente obsidio. At si plura quærere quam quæsitis timere maluisset, idem ille impetus & recens fama pleraque perculebat: ad Covordiam & Bortaniana castra, queis Frisia premitur, rarus miles: trepida imprunis Groninga: nec Emda procul ignara belli, fessa discordis: quas augebat Enno comes, ut adversis Ordinum rebus ferocior. Cessante hoste vacuum tempus Mauritio datum. Laborantia Frisæ ac Transrhenanæ firmare præsidis: ipse cum Wilhelmo Nassavio, novem contractis millibus, Covordiam insedit, tegendis interioribus,

ribus, & quo hostium vestigia propius insisteret, additque loco nova propugnacula. Inter manifesta nec subitis & incautis abstinencebatur, repertore talium Terralia, qui Gallia profugus, repudiatam a Batavis operam, quod honorum præmiorumque nimia poscere videretur, ad Hispanos transtulerat, fidens animi, & nitrati pulveris artium egregius. Huic Archidux (nam miles supererat) rectore Torricurtio Hulstæ præfecto mille quingentos pedites, trecentos equites assignat, spe Bergas capiendi ad Zomam. Hi nocte, refluxu maris camporum per stagnantia portumque ingressi, munimenta occupant duo, majus alterum quo portus, minor quo porta tegebatur, refugis custodibus. Quod si portu perrexissent irrumpere, periculum erat urbi, militem ac plebe juxta improvidis eoque turbatis. Portam, cui Fluminæ nomen, petunt: admotisque instrumentis septa duo quæ intercedebant disjecta; quod portæ appensum humore per iter concepto in vanum crepuit: nec alia ad manum: nam cœno attinebantur. Ita irriti, instante æstu, reditum festinavere, derelictis quæ invaserant, cum jam conglobata propugnantium multitudo, non glandes modo, sed saxa desuper moliebantur, quæis proruti triginta, debilitati plures. Nec terruit infelix exitus, quo minus interjecto mensis spatio idem majoribus copiis animisque tentarent. Sæviussque certatum, quia adventum per exploratores præcognito cuncta intus parata. Sed ne hoc quidem viso illi demovebantur. Nocte plus media, pluvio cœlo eoque obscuriore, signo undique dato, tribus locis fit imperus. Duobus, aqua intercedente, pontes admoti, & quanquam haud sufficie-

bant

bant, pedibus manibusque non pauci in vallum enisi, ubi ad summum pervenerant, proturbabantur. Nam præfectus oppidi Paulus Baxius, permitta militi plebe, cinxerat oppidum, ipse cunctos obequitans, medioque foro centurias duas ad subita retineus. At qua Stenbergam iter est, non doli nocturni species, sed aperta vis: quippe oppidani stramine incenso, piceisque orbibus lucem fecerant, quo cuncta hostem introspicerent. Portas illic duas, pontemque pensilem vis nitrati distulerat: jamque intra oppidi mœnia strepebat hostile tympanum: simul equites occanebant tubis, velut jam jamque irrupturi. Septum adhuc unum morabatur, quod currum trabumque objectu oppidani obstruere, illi quando ex Terralianis operis plerosque priora absumerant, securibus gladiisque diffingere certabant. Oppidani propinquum hostem ex mœnibus despectantes flammis, & tormentis tuborumque vi certa vulnera, quin & convitia ingerere: invisum ducibus militem ad laniendam trahi, longeque Hallensis & Aspricollis numina. Nihil in urbe ignavum. Magistratus, quin & sacrorum ministri, cincti & ipsi armis, hortatores & exemplum cæteris aderant. Romanæ quoque religionis, siqui erant, cives, gnari victoriam nocti iræque commissam, ista non discernere, intentius agebant, ne causam dissociare viderentur. Sed & foeminarum spectatum robur & labos: ferre murices, glandes, picem, & emotis quædam infantibus cunas lapide implere, molliores flexis per vias genibus, oculos manusque tendentes cœlo, Deum precabantur, adesset propugnantibus, cruenta que consilia in auctores verteret. Die illucescente

Ant-

Antverpiam minores redierunt. Intra oppidum  
 uno haud plures desiderati, & per quam pauci  
 vulnera acceperant, ex edito tutiores. Simili-  
 ter & Grobbendoncus Graviam per noctem  
 pontibus scalisque aggredi conatus, cognito  
 oppidanis quid pararet, haud perstiterat. Iam  
 Lingam Spinola permunierat, dubius quid cæ-  
 tero anni ageret, incipiente primū autumnū.  
 Germaniæ agris refovere militem infame &  
 ignavum. Bercam missi inspectores retulerant  
 magna opera & lenta vinci: nec major in Mur-  
 sam spes. Tandem relicto ad Lingam Olden-  
 saliamque præsidio, mutatis castris aliquoties,  
 ad Rurordam sedet, & ponte ibi facto Rheni  
 utraque ripa castellum locat, quæ ad Cæsaris-  
 wertam structa dirui, Germanis postulantibus;  
 at Rurorda Murfaci juris, solum hostile, situsque  
 melior, & consulto factum pro beneficio impu-  
 rabatur. Sub hoc tempus nova cohors Italia in  
 Belgicam advenerat: aliaque Anglorum simul  
 & Scotorum, pars & Hiberni Romana Sacra  
 sectantes, qui Batavis inobservati mare traje-  
 cerant, Hispano auxilium, Britanniæ levamen-  
 tum. Hac cum manu & quos suis e copiis Spi-  
 nola addiderat, Bukoius mittitur Wachtendon-  
 cæ in obsidium. At Mauritius, astus metuens  
 hostem sequebatur, Isalæ propior, ne illac bel-  
 lum longius penetraret. Vbi fixum Spinolam  
 videt, ipse quoque inferius castra locat sub op-  
 pidum Vesaliam: nec unquam ratus maiorem  
 audendi occasionem, quam dum partem ho-  
 stium Flandria, partim Wachtendonca retinet,  
 equitatum Spinolæ, & cohortes aliquot vico  
 Mullemo positas, tum id si evenisset, reliqua  
 exercitus invadere statuit, laudabili consilio &  
 magna

magnam illo die victoriam daturus, ni Deo vi-  
 sum longa Batavorum prospera & belli glo-  
 riam adversis retundere: namque haud alii  
 rectius causæ tam fatalem pavorem adscripse-  
 rim. Vicus Mullemum Ruræ anni adjacet, qui  
 utcunque late patens pluribus tamen vadis trans-  
 itur: equiti tantum haud passim pervius, quippe  
 stantibus ripis, nisi ubi eas manus planavere:  
 contraria ripa arcem Brukiam habet, & circum  
 camporum eminentia. Princeps equite omni, &  
 cohortes aliquot curribus vehens, properat:  
 cum parte turmarum prægredi fratrem jubet,  
 cum altera Marcellum Baxium, divisis viis:  
 hic Ruram ultra, Brukiam versus arcem, ut  
 effugium circumventis clauderet, ille arcta in-  
 ter hostes semita, cujus claustra forte patebant  
 hosti incustodita per neglectum militis id cura-  
 re jussi: isque postea hanc culpam capite expia-  
 vit. Erratum in eo, quod non confestim Mulle-  
 mum perrexit Henrici Nassavii eques, sed op-  
 periendo pediti substitit, sparsos aliqui adver-  
 sis locis hostes reperturus: qui interim conglo-  
 bati ad amnem & quæ ultra erant edita ac pa-  
 tentia vertebantur. Idque solum Batavos per-  
 terruit, quod non, ut spes fuerat, imparatum  
 hostem offenderant, cæterum haud dubie vali-  
 diores: hinc velut captis animis fœda fuga nullo  
 insistente. Vix Mauritiï cohortiumque aspectus  
 inhibuit, quo minus per socios, per ducem atto-  
 niti ruerent. Interim Baxius extrema arcis Bru-  
 kiæ irrumpens (interiora vix decem milites  
 tuebantur) occurrit hostium turmis, quæ forte  
 comineatui agendo processerant. Nec tamen  
 exterritus, atque ultro urgens impulerat: cede-  
 bantque, ni pedes & Mullemo adveniens eques  
 susten-

sustentassent. Ita pressum numero, longoque prælio fessum erexit conspectus Henrici Principis, quem fuga integri pauci sequebantur, quosdam pudor reddiderat. Ergo utrinque invadunt equites equosque flumini implicitos: sed Ludovicus Velasius audito suorum discrimine, cum turmis aliquot e Spinolæ castris advolans iterum pavorem intulit, priorem adhuc fugam animo vultuque gestantibus. Turbati dare terga, habenas fundere: nec jam Mauritius, stans in aperto ripa altera, cum machinis copiisque retinebat, hortamenta quanquam & opprobria ingerens: modo parta ipsis decora memorabat, ne ad Turnholtrum & in Flandria primi semper victoriæ, tot si quis ab hoste raptis, tot pugnis incliti, mansuras laudes tali flagitio macularent: fratrem suum, ipsorum ducem mediis in hostibus relinqui: modo pavidum gregem appellans, equorum pedibus quam manibus suis fidenter, at rapinis impigrum, & inermibus gravem: inde ad preces flectebat, ubi illa ora, ubi voces prælia toties poscentium? hoc unum dedecus patriæ mihi remittite: absens rectius vincar: quin potius purgate noxam egregio facinore, ut mox vos alios aliis videam. Nequicquam omnia, immotis in pavorem animis. Nassavius juvenis, paucis etiam domesticæ turbæ comitantibus, cum se ad Baxium retulisset, armis, habitu conspicuus undique premebatur. Præfectusque turmæ hostilis juxta equitans, quo minus tubum exploderet, directo contra tubo exterritus, mox humerali fascia apprehendit, quam insignes equitum ostentui ferunt, usu periculosam, exemptus tamen instanti: cuius id meritum fuerit, etiam recente facto dubi-



dubitatum. At Mauritius non jam victoriæ, sed exercitus incolumitati sollicitus, ne cœpta trepidatio cunctos prosterneret, partem cohortium trans amnem mittit. Primus cum Britannis Horatius Verius pedes equitem repressit, hastis proterris in cuneum coactus. Successit tribunus Gallorum Omarvilla, mortem isthic adeptus: nec tantum sustinere equestrem impetum cohortes, sed equitum nonnullis exemplum sequentibus, repulere hostium haud paucos, quibus, aditu recepto, in arcem Bruckiam effugium fuit. Vertebarur fortuna. Sed elusit Spinola nobili astu crebra in proximo tympana quatiens, velut omnis cohortium vis immineret, quæ longo satis itinere distinebatur. Tum metuens Princeps, ne falsi metus in verum caderent, & quanto equestri robori fîsus olim, hoc nunc belli incerta altius reputans, canit receptui: quem tutum habuit, ripa interiore dispositis peditum telis. Hostium Trivultius occubuit: dux, miles juxta egregius: & cædes, vulnera, signa, hominesque capti utrinque, & æquato damno plus penes aggressores infamiæ. Vitatum periculum Spinola in prudentiam vertit, & contractiore spatio copias locat. Tum ipse visum ut quæ Bukoio agebantur, cunctisque ex sententia reperitis, Rurordam redit. Favebat Bukoio siccus imbrium autumnus, humenti alias solo. At obsessi, quanquam mille ducenti præsidio erant, rectore Richovio, manibusque nec levibus munimentis fîsi fortia promiserant, non extra opera struendo, non eruptionibus moras hostem, quin amne Niersa ponte transmissio, fossam oppidi octavo attingens die, aquas, discussa quæ cohibebantur septo, deduceret. Vento ad propugna-

pugnacula , primum cuniculis, tum facto impetu, territi vicesimo die Wachtendoncam deditere. Geldra interim tentata principi, ut cætera improspere: quatuor leucis castris aberat oppidum, quo nocte profectus equitem partemque cohortium trahebat. Præmissi qui viam nitrato panderent: sed ubi ad pontem ductilem venerant instrumenti vis evanuit: admotum alterum in fossam procidit, deditque oppidanis coeundi spatium, qui proximos astantium telis stravere, quos inter Philippus Philippi Mornæi Plessiaci filius, discendi per cupidinem periculi incuriosus, haud indecora patri soboles, quem literis actuque rerum illustrem magno gradu eadem per vestigia sectabatur. Nec omisit Spinola felicem annum ultra fatigare, missoque Bukoio Cracoviam Mursici juris arcem facile capit: nam quod munimenti præcipuum, solum palustre cælo diu sicco defecerat. At in Flandria Fredericus Herembergensis castellum struxit Clusæ imminens, qua flumina Dulcis ac Salsi cognomento portum influunt, modica illis partibus hostium vi, & dolo adjutus, quia Brugenfes jus struendi aggeris, velut recuperando solo, quod per illuviem ereptum humanis usibus jacebat, a Clusanis impetraverant. Sub exitum autumnii pluviis madentem Spinola, perfectas ad Rurordam munitiones conspiciens, prior solvit exercitum. Idem Mauritius fecit, equesque ad hyberna rediens obviam in itinere Grobendonci turmam cecidit, magnamque partem abduxit captivos, intentus occasionibus, queis Mullemianæ pugnæ memoriam aboleret. Nec terra aliud gestum: at mari Sarmientanæ cohortis reliquiæ furtim hyberno pelago, dum ventus

Batavas naves alio dispulerat, in Flandriam transmissæ. mox Dunkerkanarum navium potissimam, centumq; & viginti armatam viris centurio navalis Roterodamensis Lambertus nomine, cominus aggrediens, omni telorum genere velut in solido certabat, numero minor, par animis, nec pro vita pugnantibus cedebat, ipse pro gloria dimicans. Sed ubi Enchusanorum præfectus Ioannes Gerbrandi suam quoq; navem hostili applicuit, Dunkercani amisso inter cæteros duce (Adrianus Theodori vocabatur prædis nobilitatus) simul spe veniæ infracti, dedunt sese. Navis capta exinde bellorum usibus destinatur, hominum sexaginta circiter patibulo suffixi: paucis ætas veniam meruit, quidam ad supplicia ducti aufugere, retinente nemine, quia longa pœnarum series animos ad misericordiam flexerat. Inter eos qui India hoc anno rediere, erant, quos Hemskerkius rimis ægra navi ulterius Bonæ spei montibus reliquerat. Illa vento delata in Madagascariis littus hæsit octo per menses, egena rerum omnium; & nautæ morbis, bello in barbaros, postremo animi tædio absumebantur, magno ex numero octodecim superantibus. Forte alias Batavorum naves Cygneam insulam petentes, simile fatum easdem in oras appulit. Ibi illi inter se gaudio, lachryinis, confusi, narrare pericula, Dei benignitatem agnoscere. Laceræque navis fragmentis alias reparare, & merces transponere. Ipsi patriam, exercitores questum, diu desperata recuperant. E Ceilone insuper duæ naves tristem ferentes nuntium, cæsi præfecti (Sebaldus Wartius vocabatur) deo Finalæ, quem Candia regem prono in Batavos affectu alibi memoravimus. Sed irritaverat suspicax

spicax ingenium, ut ferme est barbaris, Sebalduſ concessa Luſitanis quos bello ceperat libertate, quod ille barbarorum moribus alienum, ut coludentium inter ſe argumentum interpretabatur: magisque etiam accendit, dum, inter colloquia de bello Luſitanis inferendo, hortatur ipſum naves ut ſuas introſpiciat, vique inde æſtimer, urgens acrius quam in reges conſeſſum: ille officii per ſpeciem cædem ſuam quæri ratus, creditum ſcelus prævenit. Et ſocii, ne commercio exciderent, ulciſci ducis mortem omiſere. At rex Hiſpaniæ, metuens ne longinqua minusque firma imperii cunctis noteſcerent, ſevero edicto veruit, nequis externus ad Indos aut alia Luſitanici juris navigaret, quamvis accepto civitatis jure: &, qui nunc eſſent illo in orbe, certum intra diem remeare juſſi. Quod Bata-  
vorum conatibus adeo non obſuit, ut hoc anno duodecim naves Indiam peterent, queis rector datus Mateliſius, unus rei Indiæ curatorum. Interim & Cardenus, quem in Braſiliam miſſum narravimus, rediit, haud inops prædæ. Apud vicinos, quanquam manente pacis nomine, ſævi motus in bellum ducere fruſtra crediti. Aquis-  
grani enim, Brabantis ſemper ducibus cupita civitate, rectores novi, imperatorii decreti, &, quod tunc ſilentio conditum poſtea patuit, arcani cum Alberto ſœderis fiducia, reformatæ religionis ritibus publice privatimque oppreſſis, eos qui magiſtratum ante geſſerant, ut ſeditionis modo; non rite lectos, contumeliis damnisque afflictabant, conquiſiti qui accuſarent, &, qui patrocini-  
um præſtabant, pœnis jungebantur. Legati Colonienſis Epifcopi, cui id curæ Imperator mandaverat, per conciliationis ſpe-  
ciem

ciem publicam culpæ professionem flexis genibus, deinde & pecuniam reis indixerant, summum in litem factorum nomine, plerisque supra virium modum, & cum non solveretur, pars acti in carcerem: alii solum mutavere: quibus iniquies exsilium, & plebis in potentes odium, in miseros favor, quanto in præsens pressa, olim altius eruptura. In Gallia, præter cæteras Hispani fraudes, paruit Merargium, missum a Narbonensibus, qui provinciæ preces ad regem perferret, clam de tradenda Massilia cum Balthazare Zunica Philippi legato pepigisse: captusque ipse & una Brunellus Belga Balthazaris scriba, apud quem indicia proditiōis deprehendebantur. Cum legatus ministrum suum gentium jure reposceret, Rex contra facti indignitatem ostenderet, & jus legationis ab ipso violatum, instat ille, siquid minus amice factum foret, hand id ipsum exsequi debere, qui, contra pacem Verbinianam, palam rebellibus & quidem religionis veræ hostibus ferret suppetias, nec Herembergenses tantum Comites aliosque in Belgica tentasset corrumpere, sed & Mauros in exitium Hispaniæ concitasset. Quibus Rex commotior, religionem Romanam plus semper majoribus suis sibi que quam Hispanis debituram: at Belgicis armis eam causam falso præscribi, cum de dominatu certaretur: quod si aut ipse pecuniam Batavis debitam persolveret, aut Galli, impatiens quietis natio, ut in ultima Pannonia, ut apud Archiducem, ita illis in partibus egregio sub magistro militiam discerent, quid hoc simile tot in urbes structis insidiis, tentatæque tot procerum fidei? (cum singulos memorabat) & laborato undique, ut  
pro-

propria regni mole ipsum se obruerent? Falsa quæ de Mauris dicerentur, & confessiones per vim extortas. Quod si Herembergenses non Belgas sed Germanos Comites haud turpes ad operas pellexisse illicitum, quid meritos, qui Terraliam non subditum modo, sed domus suæ partem, licitando ad se traduxissent? Sed hæc minora, aut si quis forte legatus arcana per artes rimaretur, dissimulari inutuo & ignosci: cruenta consilia & jugulum petentia a se refelli. Zunica Britanniae Regem laudante, cui religionis diverso pacem tamen sanctius servari, respondit Rex nova illi Hispanorum hospitia, & quo tenderent brevi experturum. Iam ad minas prolabentem Regis iram lenivit legatus, nihil opus dictitans: Henrici Quarti tam virtutem quam sapientiam ignota nemini. Tandem Merargio ad supplicium rapto scriba legato redditus, probatumque Regi dolos dolis quam bello ulcisci. Apud Britannos horrenda erupit conjuratio quorundam salutem suam & fidem, divinaque & hominum jura post studium Romanæ religionis habentium. Nam quia precibus rituum libertatem non impetraverant, defossa subter curiam nitrati pulveris copia, regem filiumque & regni procures publico gentis conventu interimere decreverant. Et Iesuitarum in Britannia principes, consulti ab his, qui id facinoris destinabant, an fas esset magnæ fontium turbæ paucorum infontium exitum miscere, responderunt egregio in Ecclesiam bono etiam non merentes aliquos recte impendi, hoc ipsum urbium obsessarum argumento firmantes. Vnus consociorum amicum monens, ut ne præstituto die in concilium veniret, advertit animos, ex-

cussoque loco scelus scelerisque minister apparuit. Hoc audito participes conjurationis apertam rebellionem in remotis Britanniae moliuntur, animante pavidos Iesuita Oldecornio, ne ex uno eventu de causa judicarent: sæpe Deum coëptis sibi probatis successum denegare, quo constantia probaretur adversis: sed in ipso conatu oppressi ad iudices trahuntur. Etiam Garnetus multa olim & in Elisabetam ausus, jus Pontificis in reges ac regna intantum extollere solitus, ut principi diris devoto non modo fidem obsequiunque non deberi, sed si jubere-tur, opponenda arma vel cum vitæ periculo dictitaret. Vnde intelligant potestates, quibus non Romana religio, haud classes, haud exercitus æque formidanda, atque istos auctoritate sacrorum violentissimos vulgi concitores. Accedit alterum pestilens placitum, quo magistratuum interrogata docent ambiguis vocibus, & alio quam verba innuunt mentis proposito eludere, editis eam in rem libris, quos contra mendacium mendaci titulo inscribere. Et quicquid in peccatorum confessione audierint, id arcanum atque aperiri nefas, quamvis in principis populorumque perniciem tenderet: tum quæcumque voluere colloquia confessiones vocant. Non dubitabatur has spes Hispaniæ opibus niti, ubi jamdudum Iesuitarum Anglorum sodalitia turbandæ paci alebantur. Sed conscii prodidere, haud apertam cuiquam externo consilii formam, ne dispalesceret: at qui Romæ quique in Hispania agebant fidem fecisse, auxilia illinc occasionibus non defutura. Et Comitistabuli Castellano in Britannia cum ageret, hætenus dictum, ni Rex novus religio-

ligionem Romanam permetteret, paratos qui vim auderent. Fovitque suspiciones archidux, Britannos apud se agentes, quibuscum captivi participasse consilia fatebantur, poscenti Iacobo dedere abnuens, eorundem præcipuo in Hispaniam ablegato. Nec tamen aut Iacobus injuriam prætulit, edicto vulgans compertam sibi externorum principum innocentiam, aut omisit Philippus per Iohannem Mendosam vitatum ipsi exitium vultu verbisque seriis gratulari.

HVGONIS GROTHII

## HISTORIARUM

DE REBUS

BELGICIS

LIBER QVINTVS DECIMVS.



**L** GREGIVM Spinolæ decus addiderant, defensa princeps urbium Antverpia, capta oppida præcipua munimentis, & illatum hostico bellum, ubi minore periculo, & spe maiore certaret, primusque fortunam simul & disciplinam partium quindecim per annos labefactata refovisse videbatur. Igitur qua iret per Belgas festæ voces plaususque, & ubi in Hispaniam venit, ut mos ipsi quotannis, clam procerum invidia, palam regis favor. Sed consilia belli morabatur attritum valido prioris

c l o l o c vi.

F f 4

anni



anni nisu ærarium , ægreque obtinuit stipendium ad geminos exercitus , belli curam aliter abnuens, & , si daretur, paratam ostentans victoriam : ut ante Rheno , ita nunc Vahali atque Ifala trajectis statutum se in ipsis Batavorum penetralibus. Ergo convenit , ut afflictam fidem regiam ipse suis atque amicorum opibus præjuvaret, quanto cum ipsius discrimine, anni exitu memorabitur. Contra Fœderati Ordines, provisus longe malis , quæ trahere secum solent copię vires ultra adauctæ, (& magnis præsidiorum impensis fatigabantur) in annum instantem cedere statuunt violentiæ haud sane duraturæ , contenti fines tueri , donec imperus desævisset. Quin & novi dilectus per Galliam Sedanensi , per Germaniam Brunovicensi bello impediabantur. Sedanum Mosæ adjacet in ipso imperii Francici Belgicique confinio , si quando res ad bellum vergerent , momentum haud leve. Marcia domus tenuerat antiquitus. Sed Henricus Turrius Vicecomes ante Turenæ , ducta in matrimonium Bulioniæ gentis hærede , Bulionium nomen & jus oppidi acceperat, ac mortua quamvis uxore , per speciem testamenti , cæterum vi Gallica subnixus, retinebat, privatis adhuc Borbonii rebus , & mox ambiguo regno ducum inter primos. At postquam Rex sacra verterat, & tutando regno nova reperta onera materiam querelis dabant , reformatæque religionis haud spernenda multitudo Bulionium maxime spectabat, clarum bello & fortium sæpe consiliorum auctorem, creditus res movisse, cum dicendam ad causam vocaretur , quo tempore Bironius procubuit , causatus validas inimicitias & suspectos iudices, in Germaniam abcesserat :  
roga-

rogatusque Elector Palatinus, ut affinitatis meminisset (nam sorores principis Mauritiū uterque duxerant) missis ad Regem legatis qui iram mitigarent, haud multum promovit, invito semper regibus externas potestates suis offensionibus interponi. Inde per viduam Wilhelmi principis Arausionensis res cœpta agi, gratiorque fœminæ sollicitudo: sed Rex pignus fidei poscebat Sedani custodiam, Bulionius oppidum arcemque in tutelam regni Gallici dare, in id fœdus sacramentum præfecti ac militum offerebat, aliaque dum ne possessione dimoveretur, interim cuncta parans tolerando bello, necessitas si ingrueret. Id audaciæ, simulque potentes inimici, quos dudum in se irritaverat, vir honorum cupidus & prævalentium impatiens, Regem impulere, ut magno cum exercitu isto vere progressus ipse castra ad Mosam poneret: Rex maximus, non Hispanum non Burgundum saltem, ut olim, sed amicum veterem, unius oppidi dominum, tanta belli mole impetiturus. Sed reperta pacis ratio Bulionium periculo, Regem inglorio certamini exemnit. Rex præfectum Sedano quatuor in annos imposuit, elapso tempore Bulionio custodiam redditurus: in antefacta ipsius inquiri vetitum, si in posterum fidem mutaret, juravere oppidani alium se principem facturos. Pace facta, vetus ipsi gratia apud regem, ut irasci facilem ita fidum veniæ, mirantibus cunctis hostem modo, rursus lateri proximum, curisque & remissionibus individuum, arx ipsa intra mensem alterum Bulionio reddita. Vtrisque in Belgica bellantibus gratus is exitus fuit. Nam & Batavis triste, religionis socium, domus Nassavicæ partem afflicti: & longus

Archiduci metus, ne simulata in Bulionium arma ipsi incumberent. Quin & Ludovicus Velasus, tutando limiti missus, Sedanensibus auxilium obtulerat. At Brunovicensis motus jam priore anno coeperat, infenso urbi Duce, quod jura a majoribus suis partim emta, partim extorta contumacius defenderet, innixa Ansiatico foederi. Ille spe plenus posse sua virtute restitui imperium, quod progenitorum ignavia amisisset, collectis copiis, velut Spinolam Rhenum transeuntem metueret, primum per insidias immisso milite, binorum, quæ urbem cingunt, moenium exteriora invaserat. Sed repulsis infessoribus ad apertam vim & obsidium transgressum, quanquam Daniæ rex, cujus soror nupta duci, in auxilium egregia cum manu venerat, hyems diremit. Rogati a Duce Ordines Foederati ut Ernestum Nassavium bello ducem copiasque ipsi transmitterent, haud parum dubitavere, quia & grave alienam opprimere libertatem pro sua certantibus: & tamen potior Brunovicis ac Dani gratia, quam Ansiaticarum urbium, quæ nec ope nec beneficio ullo rem Batavam juvissent. Igitur ita temperatum, non ut mitteretur, sed ut copia juveni, si vellet, eundi fieret: cui se comites aliquot tribunorum Centurionumque e Batavis addidere, impetrato ut ad tempus Sacramento solverentur, avidi præmiorum, quæ novis bellis promptius oriuntur. Sed brevi impetu transactum. Nam vere novo, positis iterum castris, rupta moles, qua Dux coërcitum annum urbi superfundere speraverat, ut obsidium omitteret, mox coortæ Ansiaticorum copiarum, ut & bello desisteret, evicere. Partibus utrisque sumtuum intolerantibus, imperatoris

aucto-

auctoritas subvenit, ut sponte & legum reverentia, quam coacti arma ponere viderentur, jussi judicio contendere. Præter has causas Batavis hostibusque communes, propriæ causæ hostiles dilectus per Britanniam Italiamque morabantur. Nam in Britannia Rex maximo suo periculo admonitus quam formidolosi essent subditi, qui regia potentia majorem aliam agnoscerent, in verba concepta adigi cunctos jusserat, fateri sese verum ipsum Britanniae regem, nec aut Pontificis aut Ecclesiæ Romanæ imperio posse destitui: & si id tentaretur, sibi tamen sanctam obsequii fidem, &, quæ Regi noxia prodituros: nec aliam jurantibus mentem quam verborum communis usus exprimeret, nec se ejus juramenti gratiam sperare. Hinc orta gravis ipsorum inter se Romanensium discordia, dum pars Georgio Blacuello Angliæ Archipresbytero (id nomen ipsi Pontifex indiderat) auctore, intrepidi dicunt sacramentum, profana sacris discreta rati, & religionem Deo, cætera principibus parere Dei ipsius instituto: contra alii Jesuitis accedunt, humana divinis subjacere, ac proinde religionis arbitrum, si id usus exigat, posse transferre regna, eumque ordinem pulcherrimum cuncta ut uni obediant. Interim qui eum in modum jurare cunctabantur, vetiti externas ad militias abscedere. At per Italiam eadem Pontificis potestas alias turbas conciverat. Nam Veneti, sacerdotum potentiam opesque veriti, & sua olim & aliarum gentium scita imitantes, edixerant ne templa condere, neu sacris collegiis dare prædia, nisi ex Senatusconsulto, liceret, utque vectigales ecclesiarum agri nullo tempore ad ipsas rever-

terentur. Quosdam insuper sacerdotes, ob veneficia, parricidia, incestus, falsimonias & vim publicam accusatos, in vincula duci jusserant. Hæc Pontifex (Paulus erat Quintus nomine) ante alios incitantibus Bellarmino & Baronio, in se contumeliosa interpretatus, cum non demerentur, sacris civitatem interdixerat. Baronius, missis ad Venetos literis, monebat inter cætera viderent, ne Deus, ut quondam Hebræo populo, ita ipsis iratus erepta libertate dominum imponeret. Diu libellis disceptatum, quæ legum, quæ judiciorum potestas in sacris mancipatos: & an Pontificum iniqua jussa animos obstringerent. Major pars sacerdotum sub imperio Veneto sacris faciendis haud abstinere: Iesuitæ, idem cum facere abnuerent, finibus ejecti. Dum res ad arma ventura sperabatur, Hispanus, cui avitum Italiæ motibus increfcere, retinebat illic militem, propugnatorem se ostentans Pontificiæ majestatis. Vicissim Batavi & Pontificis odio & amore liberæ civitatis, maritima auxilia Venetis, si periclitarentur, promissere, pro quo actæ per literas gratiæ multa verborum comitate. Cæterum prudens senatus, ut jura imperii fortiter tuebatur, ita quæ paci aut majorum cœremoniis turbandis erant, anxie vitabat. Id interim principium amicitiae fuit inter duos validissimos omnium, qui non regnantur, populorum. Quæ dum apud externos aguntur, initio hujus anni Batavi classem in Hispaniam mittunt, augendæ, quæ illic esse ferebatur, inopiæ, simulque vindicandis quæ modica damna acceperant, irruptis a Ludovico Faizardo navibus, quæ sali quærendo Americæ apud insulas incustoditæ atque inermes palabantur: quarum

navitæ

nautæ merſi, ſuſpenſi, exuſti. Sed prius edixere Ordines, ne quis civium, aut gentis alterius frumentum aliave in Hiſpaniam ferrent, & olim & nuper comperto allectas in ſpem commercii naves bellicis uſibus attineri: ire ſe obſeſſum hoſtiles portus, eo quiſquis tenderet, prædam fore. Miſſæ viginti quatuor naves publicæ, Wilhelmo Hautænio imperante: tum quas privati in ſpem prædæ arnaverant, magno numero, ſed regi indociles. Iuſſa acceperant venientem ex America claſſem intercipere, & Luſitanicis navibus in Indiam ituris præcludere exitum, quam in rem ſocietas Indicana pecuniæ haud parum ærario intulerat, quo & armis hoſtium & contra licitantibus liberi, tuta ac lucriſa commercia agitent. Hautænio tardum iter ventis obluſtantibus, ſed prædarum haud egenum, cum & mercatores obvios & littora popularetur. Luſitanicæ naves retentæ, donec deſperato exitu acceptum jam onus in terram reponerent. De Americanis allati nuntii, unam argento regio onuſtam, Batavæ navi implicitam pariter ariſſe, tres tempeſtatibus abſuintas, quatuor Havanæ portu inanes, id enim addebat, opperiri navigandi tempora. At Hautænium jam victus defecerat, & miſſas e Batavis recentes navium, quæ alimenta ferrent, venti morabantur. His de cauſis cœpta æſtate domum revenit, exſpectato celerius. At quanquam tarde exercitus prodire, non ceſſatum a belli curis, inquieto præcipue Terralia, ex quo irritos ad Bergas conatus non ſibi, ſed militi imputabat. Et forte in Batavos equites elapſus, acceptoque vulnere vix fuga incolumis, ut revaluerat, flagrantior in ultionem ferebatur. Hoc in-

citante quingenti Hispanorum equites Rhenum transiere, præmissis rumore Batavum a se equitem peti, qui perducto ad Brunovicum fines Ernesto Nassavio redibat acta per agrum Patelbornensem præda gravis. Sed Mauritius cognito per exploratores adesse ipsis Terraliam, monuerat Transrhenana præsidia, ne quid securitate peccarent. At ille ex Oldensalia assumptis peditum mille ducentis, vitata in itinere Grol-la, longo ambitu Brefurtum nocte advenit. Hilaria tum forte agebantur, quæ & paganum & militem in conviviorum licentiam solverant. Excubitores decepti primum, clamantibus ultro, qui cum Terralia erant, Mauritanos sese cum hostis premeret amica sub moenia refugisse. Vix dolum suspectaverant, cum appensis machinis, portæ duæ, tum porta intima dissiliunt, tam modico inter hæc tempore, ut pauci in vallum procurrere, mox oppidum tutari frustra tentaverint, cæteris in arcem refugis, quæ propriis munimentis, & jam rescisso ponte oppido sejungebatur. Quod virorum remanserat, trucidatum, quædam & scæminæ expleta libidine interemptæ. Quatuor in arce tormenta, in oppido totidem, sed nitratum hic deerat. Nec omisit præfectus arci Lavicus proxima in oppida nuntios dimittere, rogans succurrerent parato ultima pati, quam loco cedere. Coortæ statim Transisalanorum turmæ duce Warmeloo, assumptos equis pedites palustri solo arci intulere, perrupto munimento, quo claudere aditus Hispani paraverant. Miserant & qui oppidum tenebant ad Ludovicum Velascum auxilia orantes: Rurordam is valido præsidio insidebat, isque ire iussit pedites quadringentos nitrato onustos: sed audito

cir-

circumfulum oppido Batavum haud ausi penetrare, quanquam locorum stagnantia & tenebræ necdum multus hostis ad fallendum opportuna. In reditu a Filleri equite profligati, pars cœsi, pars in potestatem venire. Atque interea profectus Haga, Henricus Nassavius contracto quantum poterat cohortium, & equite, quem Patelbornensi ex agro regredi memoravimus, perficit obsidium: quod haud diu pertulere graviter ex arce telis obruti, ita ut octavum intra diem centum suorum desiderarent, reliqui fossis sub terram scrobibus vitam tutarentur. Pactum fuit, ut exirent incolumes, reddita præda, etiam captivis, quos oppido potiti Oldensaliam ablegaverant. Properare scilicet obsidentibus visum, consurgentibus undique Hispanorum copiis: quod si perstitum foret, potuit captus Terralia gratum Regi Galliarum munus dari, exemplumque statui, quo & crudeliter usi victoria punirentur, & alias infelicium insidiarum terror impelleret, justis potius armis, quam dolo grassari. Nihil his fractus Terralia majora aggreditur, parumque absuit, quin dignum totius anni labore opus nocte una conficeret. Acceperat ex perfugis, qua Clusa orientem aspicit, nullas extra oppidum excubias, deustis neque dum repositis stationibus. Igitur Cadfantæ madentibus campis mille ducentos Walones & Hibernos secum trahens, castello hostium, quod itineri interjacet, haud observatus, quo destinaverat, pervenit. Convenerat ut Fridericus Herembergensis alias majores copias Damna duceret, capto oppido arcem oppugnaturus. Primis supra spem prosperis extrema contra evenire. Pontes duo pensiles, portaque una dirupta adhæ-



adhærentibus machinis: interior quæ supererat, hætenus crepuit, ut binos transmitteret: nec quicquam obstabat, quo minus & in vallum haud sane editum eniterentur, cunctis intus securis. Audierat Notius hosti aliquid parari, monueratque vicinos præfectos, castellis metuens, nec unquam suspicatus id ipsi audaciæ, ut abstrusum intimo recessu oppidum invaderet, tot circum custodiis cingentibus. Itaque in quietem se & ipsius exemplo alii dederant. Primum ingressos id ipsum terruit, quod tantum in oppido silentii, prævisos se, dolumque subesse falso credidere. Accessit quod pars militum, præfinitum ad tempus iussi alia oppidi regione movere arma, defuerant imperatis, quia æra forte oppidi horam significantia id noctis haud sonuerant. Dum cunctantur illi, qua patebat, irrumpere, pauci & crepitu portarum, & armorum sono exciti, semerines, seminudi, ut stratis exsilierant, portam intimam obstruxere, peccatumque ab oppugnatoribus fuerat, quod non tubos, sed hastas in fronte locaverant, quibus haud æque promptum contra tela ingredi. Primis dejectis, auctus in cæteros pavor, captaque fuga, confusis ordinibus proturbabantur, qui densi ponte steterant. Iamque Notius prolatis tormentis globatos in arcum late sternit. Quingenti ferme confossi telis, aut aquis cœnoque obruti: nec reditus sine sanguine, cædentibus terga, qui manifesto jam hoste castellis undique prorupe-  
rant. Vitato ingenti discrimine curatum, quod ante oportuit, ut munimentum portæ prætenderetur. At archiducum iussu militum rectores aliquot, quorum ante alios ignavia accusabatur, supplicio affecti, documentum in alios  
fuere,

fuere, honesta pericula mallent, quam detrectatis imperiis certum ac turpe exitium. Iam dilata spe belli Veneti ob gravem Italiae annonam, Hispanorum cohortes Belgium intraverant: venit & Spinola febribus quanquam tardatus, vulgataque morte securitas Batavis creverat, haud minus falso gaudio, quam quo per arma externa quietem sibi speraverant. Soluta Galliae exercitu, nonnulli ad Foederatos: e Brunovicensibus copiis plures ad Spinolam transiere, partemque ejus equitis ducens Iohannes comes Ridbergius, Transamasiensis comitis frater, damnum passus est incurfu hostium. Pars quoque pecuniae ad marchionem quae ferebatur intercepta: & per Machliniensium agros tributum negantes exercita a Batavis populatio. Spinola ubi crescente primum aestate progredi statuit, quippe incessurus locis ingenio suo madentibus, cum Bukoio curas copiasque partitur. Illi decem peditum millia, mille ducentos equites, tormenta duodecim ascribit, cum mandato, ut in agrum Batavum transiret, quem Rhenus in Vahalim suiue nominis alveum divisus amplectitur. Ipse undecim peditum millia sibi sumit, equites bis mille, machinas octo haud amplius, plura simul agitans Frisiaeque, sed magis Velaviae intentus: ita pars Geldriae dicitur, quam Rhenus idem & commissus Rheno Isala ambiunt, Trajectum Batavorum mox animo agitans, magnam urbem, quam validam, & vulgo mobili promptam seditionibus. Quo expeditior pergeret, remoto castris mulierum comitatu, victum curribus, tum scaphas, pontes, etiam molas attraxerat. Quod si destinata provenissent, & utroque ex latere coissent exercitus;

Foede-

Fœderatorum intima minusque firma ad vim patebant, extrema eademque munitiora auxiliis & commeatu avellebantur. Sed Tubantum finibus euntem Spinolam tenuit fœdum assiduus imbribus cœlum: unde æger miles, viisque fluentibus adeo iter, ut quo primi pervenerant, postremi vix altero die sequerentur. Ita in Frisiam aditum, quæ intercedunt palustria plus solito humentia abstulerant. Simul Isala, alias quoque haud spernendum flumen, aquis pluviis ita intumuerat, ut vado transitum non daret. Nactusque inter has moras Mauritiustempora subvehendi militem (decies mille pedites, bis mille quingenti equites erant) adsidere anni, Daventriam, Zutfaniam, Dufolburgum, præcipua oppidorum præsidio atque opere firmare, cætera permittere eventui. At marchio alia atque alia consilia versans, dum cuncta explorat, dum cœlum commodius opperitur, insensu otio, mittit interim qui Lochemum Zutfanensis ditionis oppidum, levibus munimentis, sed illis in locis moranti haud incommodum, obsidio premant. Trecenti tantum servabant, imminuto præsidio, dum majoribus urbium consulitur: præcipue simulata peti Daventria Mauritiū in se traxerat: itaque postero die, perductis jam ad fossam operibus, oppidum dedunt. visum Hispanis & collem in proximo immunire. Sub idem tempus Bukoi jussu Pompeius Justinianus quatuor mille pedites ducens, quingentos equites, machinas duas, mane primo vicum advenit, cui Spardorpo nomen est, ripa Vahalī sinistra, promptissimosque militum imponit lintribus, quas triginta advexerat, ipse mox cæteros traducturus, egregio ordine, simul sol-

solvere iussi, simul exscendere lecto ad id loco: neque enim ubique appulsus facilis. Sed Warnerus Dubosius\*, cui latus istud imperii tuendum princeps dederat, repentibus nuntiis Novioma-go excitus ripam interiorem oppleverat. Isque conspectus terruit nautas, qui simulantes impetu se fluminis abripi, quo minus destinatum ad locum pertingerent, mox retro cessere. Parabat Iustinianus iterum Vahali militem inmittere, sed agglomerantibus copiis valescentes Batavi, devectæque Gravewarta bellicæ naves vetuere. Tum sollicitus, si unquam alias, Mauritius, ne tot simul locis, tantisque copiis imminente hoste improvisum vulnus acciperet, quicquid a primo Rheni divortio Bommelianos usque confluentes Vahali prætexitur, tum quicquid latere altero, Arnhemio atque inde Haltemo tenus Rhenum intra atque Isalam jacet ingens spatium subitis munimentis obducit, intervallis haud majoribus quam ut signa commode oculis auribusque transmitterent. Naves quoque crebras omnibus iussit discurrere, spectandis hostium conatibus, ferendisque nuntiis. Infra Hattemum Isala quatuor horarum itinere haud longius Frisicum maris sinum illabitur. Iuxtaque Vidrus, quem nunc Vectim vocant, Westfalorum finibus veniens, acceptis mox aquis quæ Tarantiorum solo bituminoso colorem ducunt nomenque Attri fluminis, flexus suos Isalæ proximat, donec eodem condatur ingenti sinu. Agri quod amnes ac mare inter patescit, Masterbrukia dicitur, haud absurda ex antiquo conjectura, Mattiacorum paludes ea voce indicari: peninsula fuit, nunc Isalæ in modum redegit ducta inter amnes fossa atque opera alia, qua parte

Suolla

Suolla est, Transisalani juris oppidum. Postquam adempta cætera, hæc per loca jungi pelago, aut certe Suollam claudere, spes Spinolam invaserat. Et quo falleret, ipse legens Zutfanix propiora, atque illac missis libratoribus Isalam pertentans, cum parte exercitus Solrium mittit. Sed & hujus conatus celeritatem imbres distinuerunt, donec Suollam perlatus adventantium rumor: & qui ibi tum curabat Warmelous, adjuvantibus bellicis navigiis duobus, hosti Vidrum transire paranti restitit. Tormenta Solrius attulerat duo, sed & globis justo majoribus & tabulatis, queis sustinerentur, per errorem inspectorum haud respondentibus, nulli usui fuere. Vbi nec hoc successit, & tota illa spes amnes transeundi in vanum abiit, versæ ad obsidia curæ: & ipse Spinola Grollam, Zutfaniensi in comitatu castris circumvenit: Bukoio mandat Noviomagum aggredi, ut, si nihil aliud, hostem Isalæ tutela averteret. Bukoius primum Archiducis jussa scitari, postquam idem & ipsi placitum, alias Vahalæ transeundi vias novosque conatus obtendens diem ducere, veritus ne irritò labore famam corrumpere. Grolla, nisi qua Slinga annis præfuit, vallo duplici ambitur. Præsidium, mille trecenti milites Dortio regebantur, juveni claris majoribus nec ultra noto. Primum erumpere ausi, mox haud ultra tela certavere, quæ spreta hosti, cui gravior temporis quam militis jactura. Exteriora mœnium non expectato impetu deserta, duobus locis Itali Hispanique septimum intra diem capiunt, adjuti pontibus quos, posito doliis panno exstruxerant. Germani, queis tertia regio obvenerat, segnius irrepere. Mox primi obruta fossa

fossa Itali propugnaculum subeunt, cæteri repulsi, aut longius aberant. Tum oppidani suffossiones, & propiora prælia metuentes, præfectum adeunt, orantque præveniat ultima, nec irriter ducem suorum quoque sanguinis, nedum hostilis prodigum. Hic ille victus, quanquam acceptis literis quæ auxilium biduum intra promitterent. Nam Mauritius Vahali quoque & Transifalaniae urbibus præsidia abduxerat, tentaturus si qua obsidium perumperet. Gnarum id Spinolæ, ideoque addiderat minas in pertinaces, & cedentibus benignas pactiones. Haud taceandum reor, adeo nullam plerisque partium curam, ut Grolla aliisque ante oppidis captis, cum per pacta egredi liceret, manserint oppidani prope omnes contenti qualibuscumque sacris, qualicumque republica. Capta Grolla Marchio, cum imbres & per victus inopiam & humentibus campis fatigarent, Bercam obsidere statuit, sitam eminentiori solo, & propinquo ad castra commeatu: postquam maiora consilia haud evenerant, non aliam urbem digniorem ratus, de qua totis viribus certaretur, seu comoda loci seu famam spectaret. Nam Berca, prioris ævi in morem, lapideos quondam muros nulla arte sinuatos fossamque habuit: hoc bello, mutata sæpius possessione, aggerem leviter structum fossamque aliam partim Hispani, partim Baravi circumjecerant. At anno proxime elapso Ernestus, in id ipsum missus, novum ambitum lunatis operibus & alibi propugnaculorum in modum excurrentibus continuaverat. & his sua fossa, modico præducta aggere: tum quo largius præsidio spatium foret, cunei in morem lorice addebantur. Sparsimque per campos, qua  
opor-

oportunum, quadrato opere militum stationes. Et quæ oppido præjacet insula castello similesque per loricas ac stationes tenebatur. Pons inde impositus Rheno Germanicam ducit in ripam, inque ipsa ripa iuxta castelli moles, minor altera, iterumque lorica. Prior relicta Geldria Bukoius Agrippinensium per agros ad oppidum venit, capta in itinere Batavum nave, quæ Rhe-  
no ferebatur, & aliis exustis, quarum nautæ profugerant. Sed priusquam aditus clauderet, profectus Mauritiæ castris (ea ad Dufoburgum hæc-  
tenus fuerant) frater Henricus, multo equi-  
tum comitatu, centurias peditum quatuordecim oppido intulit: quibus increvit magnum & ante præsidium, ut essent jam equites prope du-  
centi, pedites supra ter mille. Reliquum equitis in castra reduxit Henricus, nec laceffens hostem prælio nec laceffitus. Sed claufere se oppido clari sanguine atque opibus Gallorum juvenes, quos inter Subisius Ducis Rohanii frater, osten-  
tandæ virtuti, parandisque artibus, quibus urbes impetere, aut tueri longus bellorum usus inve-  
nerat. Paucis post diebus, vergente in autum-  
num anno, per Clivios & Spinola incessit, sibi-  
que sumit Transrhenana munimenta infringere, illaque arcere Mauritium si forte sequi au-  
deret. Obsessus eques primum illac prorupit, parumque abfuit, quin ducem ipsum cum pau-  
cis progressum caperet. Proximus in Bukoii castra impetus, ubi Baro Flessius e Galliea no-  
bilitate, dum promptius se quam cautius hosti infert, in manus venit. Dum Spinola castris jam ponte junctis, quod trans flumen erat castel-  
lum, aliaque operum telis fatigat, Edmundus Scotorum tribunus, isti curæ præpositus, vulnere  
occu-

occubuit. tantumque valuit mors & fortis viri & periti rectoris, ut qui præsidio erant omiſſa ripa retro in inſulam cederent: tuta hæc adverſus hoſtem Rheno tuente. At Agrippinenſi ora, ipſa oppidi munimenta, tormentis, foſſionibus, poſtremo manu oppugnabantur. At Mauritius primum per literas tentare proceres quid faciendum cenſerent: cum hi cuncta ipſius arbitrio permiſiſſent, etiam ut ſi vellet prælio certaret, palam multa velut ſoluturus obſidium inoliri, quo ſuis animum, hoſti moram adderet, clam fixerat animo, Bercæ damno annum extrahere, ut adverſus rumores pervicax, ita fortuitorum timens, nec aberat metus, ne; ſi media abducto exercitu paterent, Spinola relicto obſidio Iſalam Vahalimque repeteret: tum vero recepto intra viſcera hoſte, damnaturos jactantiam, qui ſpecioſa tutis prætuliffent. Igitur nec contra tendere: nec alia ipſe oppida aggredi: ſed Veſaliam propter ſedere ſpeculabundus: & modo cauſari quod pontes tardius adventarent, modo propius hoſtem progredi, ſed ardentem in pugnam militem in caſtra reducere. Caſtellum hoſti inchoatum qua Rheno Luppia miſcetur, accepit in deditiōem perfecitque, pellendo otio, & ne quid obſtaret quocumque uſus tuliffet iter vertere. Multiſque audendi imitamentis movit hætenus Spinolam, ut aperta prius caſtra muniret, occupatis qui in proximo collibus. Proruptum ab obſeſſis iterum ſæpiusque, majore ubique numero, nec infeliciter, & clara ubique Gallorum audacia. At ubi propius viſ hoſtium urgebat, haud parum noxæ cuniculis dederunt. Sed elanguit animus, poſtquam auxiliorum ſpes nulla, & hoſtis cladium ſecurus,



rus, opera, tela, pugnas urgebat. Nitrati copia in longum superfuerat: sed prodige usi effecerant, ut hujus quoque penuria deditiois festinandæ causis accederet. Volebat videri Vtenhovius (is Bercæ præerat) & Galliæ dedisse, ne florem juventutis & magnarum domum pignora in exitium projiceret, patriæ haud profuturum. Ereptis in partem propugnaculis, nec sane validis interioribus, deduntur oppidum, insula & quod intus navium. Quingentos e castris, intus haud æque multos, sed hos inter Sanctangelium Gallum claris natalibus, globi aut prælia absumserant. Movit Batavos famosi oppidi jactura, quæ posthac belli fortuna reputantes, si nec exercitu contra iretur, nec munimenta nisi breve in tempus subsisterent: id parum immenso muniendi labore, ut in paucos ultra mensem dies exiret obsidium. At veterem rudemque operum Bercam, sexto ante anno, arma sua diutius contemisse. Pridie quam Berca traderetur, Henricus Nassavius accepta parte copiarum, nocte Venloun conabatur irrumperere, discussa porta vi machinæ quam appenderat, & quidam militum per propugnaculum, quod anni Mosæ imminet, ensi. Sed porta alia obstabat, & priusquam frangeretur, oppidani & qui sub præsidio erant equites peditesque impetum retudere. Parte alia maritimis Flandriæ oppidis per natatores navesque e Zelandia structas insidias eventus destituit. Nutantem multo fenore Spinolæ fidem infausti ex America nuntii graviter afflixerant, quibusdam mercatorum, quorum implicitæ cum ipso rationes, coactis conturbare. Vnde pecunia deficiebat, & solitus solari militem parte stipendii repræsentata,

rata, jam ne id quidem poterat. Ac nuper Wach-  
tendoncæ ortas discidii voces unius militis cœ-  
de, & pœna insuper duorum, præfectus oppresse-  
rat. Mox continua itinera & in castris labores  
retinuerant disciplinam. Postquam Berca cesser-  
rat, nec aliud hostile in proximo nisi Murfa,  
quam præsidio gravem aggredi Spinola Autum-  
no augesciente verebatur, accensi otio questus:  
nec tantum paupertas, sed morbi lassitudo alios  
omnes, equitem præcipue pabuli egestas irrita-  
bat. Multi ad Mauritium, pars alio fugere:  
quibus plus animi, ignava habere, quæ singulis  
fierent, ipsi per globos palari campis, mox eli-  
gere rectorem, aliaque ordinare quæ sedition-  
es indicant validas ac duraturas. Dum pau-  
citas contemnitur, Spinola primum proscribere  
nomina, ac velut legibus reos agere: ubi inva-  
luerant, per legatos blandiri: sed illis sine viri-  
bus minæ, & sine rebus promissa perinde cura-  
bantur. Sexcenti ferme, pars major equites,  
Hochstratam concessere, notam talia cœptan-  
tibus sedem. Sed nulla loco jam munimenta,  
quia archiduci Batavisque nuper convenerat,  
ut ipse hanc arcem, illi Woudam vicissim, nu-  
data belloque excepta dominis permitterent.  
Et consurgere Alberti jussu in ultionem copias  
audiebantur. Igitur Bredam propius confident,  
mittuntque ad præfectum Iustinum Nassavium,  
qui dicant aliorum se exemplo Mauriti ad  
opem confugere, quem norint æquum viris for-  
tibus: non adeo leve in ipsum pugnare, ut sine  
pretio haberi debeat. Data postulantibus ali-  
menta, arma, quinetiam, etsi periclitarentur,  
spes suppetiarum. His motus Spinola, ne lon-  
gius malum serperet, fidissima cohortium pro-

pinqua in oppida dimittit, reliquum exercitus Agrippinensium per agros spargit, ut quondam Mendosa, quibusdam & a civitatibus pecuniam accipit, quo finibus ipsarum militem abstineret, honestorum retinens dum necessitas abfuit. Turbatæ res hostium spem Fœderatis Ordinibus fecere recuperandi quæ hoc anno trans Rhenum perdita, valido satis exercitu postquam Berca egressi accesserant. Erant peditum millia minus quindecim, equitum tria. Haud nimis properatum, velut affluente tempore, nec cuiquam suspecto futurum, ut hostium copiarum stipendio obsequioque exhaustis revalescerent. Lochemum Ernestus Nassavius cum parte militum missus quartum intra diem subegit, iisdem quibus nuper Spinola conditionibus. Nec ante Grollam impetiit Princeps, præcipitante jam autumno. Henricus Herembergensis sexcentis peditibus, turmaque sua, ac multa machinarum vi, oppidum tuebatur. Ac forte fusi uberius imbres, haud acceptante humo fodientium opera, moram obsidio, simul morbos intulere. Parcebaturque militi in spem cœli mitioris, cum nuntii adsunt præsidii agrisque sparsas cohortes Spinolæ colligi. Tum vero avido Principe & obsidium impellere, & castra munire adversus vim externam, duplicatus militi labor: tardum id fuit propinquo jam hoste. Nam Spinola ipse & per duces, quorum præcipua apud milites auctoritas, promissa precibus cumulans permoverat, ne abnuerent brevem operam magno usui famæque. Septem millia peditum contraxit, equites mille ducentos, Mauritio multo impar. attamen prælio incessit, virtuti suorum fîsus, an expertus hosti aciem vitari, quæ conjectura haud

haud fefellit. Ipsi mille ducenti in fronte, lectus  
 roto exercitu miles : tum pariter duo Hispano-  
 rum Italarumque agmina : postremo novus ex  
 Germania miles : decem omnibus machinæ :  
 eques latera circumfundebatur , munitus vehi-  
 culis ne obrueretur Mauritiæ turmis : namque  
 eam partem hostilium copiarum maxime for-  
 midabant. Cognito per exploratores quæ pars  
 castrorum leviter nec nisi palis firmata , illac ,  
 longiore quamvis, & per palustria impedito iti-  
 nere, ostentat aciem. Mauritius, quanquam Or-  
 dines potestatem pugnandi fecerant , militesque  
 in pugnam ardentes , Galli præcipue clamabant  
 quærendas perpetuo latebras cedendumque ho-  
 stibus , si nunc in paucos , madoribus , frigore,  
 eundo fatigatos certamen defugerent , in tuta  
 castrorum retraxit copias, multos suorum mor-  
 bidos causatus, & facilem inde in cæteros pavo-  
 rem. Spinola solvisse obsidium , suis auxisse  
 animum , hosti imminuisse gloriam pro magna  
 victoria habuit. Mox itum utrinque in hiberna.  
 Ordines Foxii Germanicam cohortem con-  
 scriptam hoc anno dimisere , majora quam cæ-  
 teri stipendia merentem , eoque exemplo gra-  
 vem. Et terra quidem bellum hac stetit. Mari  
 Hispanico , postquam publica arma abscesse-  
 rant , privati haud parum damni dedere : ma-  
 gnæque naves Hispanorum Batavas insecutæ  
 singulas & minores ultro oppressæ. Æstatis  
 exitu missus iterum Hautænius America India-  
 que adventantes classes excipere , viginti qua-  
 tuor cum navigiis. Sed horum sex dispulsæ tem-  
 pestatibus. Mox improvidis imparatisque Fi-  
 asciardus supervenit , cujus octo magnæ naves ,  
 Galeones vocant , vento secundo , ferebantur :

aderant & longæ naves, sed hæ vim venti haud ferentes littori succedere. Ut moles Galeonum, ita terror ad id usque temporis ingens erat: & quasdam olim procellis diruptas aut impactas scopulis, ut meminerant Batavi, ita victarum prælio nondum exemplum exstabat. Vnam harum, Zelandicæ navi a prætoria secundæ, cui Reinerus Nicolai præerat, implicitam, ita exhorruere cæteri, ut primum aspectarent, inde, suborta nocte, retro cederent. Ille a fociis relictus, vir magni animi, non tamen destitit duos totos per dies, plerisque suorum amissis, malo disiecto lacera nave morari victoriam. At postquam nulla usquam auxilia, & fluctus ingruiebant, ne quis vivus in potestatem hostium veniret, una omnes consensere in facinus acre & patriæ profuturum. Flexis genibus Deum precati, veniam ut daret, quod brevi exitio ludibria hostium effugerent, nitrato pulveri flammam injiciunt: ea vis sexaginta homines abripuit: duo semiusti paulum provixere, ab Hispanis excepti, cum miraculo spectantibus horridos vultus vocesque, & in ipsa morte contumaciam. Sparsis huc illuc Batavis, ex India naves Vlyssiponem, ex America Fanum Luciferi subeunt. Sed India adventantes, ut ab hostibus tutos, ita tempestates afflixerant. Naves duæ haud procul Bonæ Spei montibus jactu facto inanes Mosambicæ littoribus mare vitaverant. Duas itidem sub ipsa Tagi ostia fluctus hauserat, servatis vectoribus, sed merces humore corruperant. Americanæ naves numero quinquaginta fausto navigatu argentum merciumque prætiōsa, duorum annorum proventus regi ac mercatoribus tulere: eo sublevata  
jam

jam manifesta Hispaniæ paupertas, fidesque subito reſecta. Batavis impenſa periit. At eorundem per Indiam res fato meliore adminiſtrabantur. Rediit quippe Stephani Verhagii claſſis, quam tertio ante anno egreſſam memoraviſimus, claras toto orbe victorias & ſœdera regum ferens. Primum namque obviam Moſambicæ haud procul Luſitanorum Caraccam ceperant, incenderantque, ne oneri foret. Aliaque navis eaſdem ſub oras, atque alia Calicuto veniens oppreſſa. Ibi Samorinus Malabarum late rex Luſitano nomini, per data acceptaque damna inſenſus, ſocietatem belli cum Batavis ultro oravit, firmavitque ſacramento, terreſtribus copiis ipſe validus, navium egens. Literæ, quas ad Mauritium miſit, indicabant, placere ipſi, ut Batavis caſtellum ſuo in ſolo ſtrueretur, tum pertracto idem in ſœdus Hidalcano vicinorum regum potentiffimo (Mahumetiſtæ ſunt ambo) Cochino Goæque præcipuis Luſitanorum coloniis imminerent. At legati, quos rex Achiemnſium ad Ordines principemque miſerat, in patriam reportati, inclitarum regionum & gentis domi quoque bellatricis fama Sumatram vicinosque populos implevere. Mox obviam navis, Moluccarum præfectum Hispanicum ferens, in manus venit. Moluccis haud procul nobilis eſt Ambonæ inſula, quam, ut multa ejus orbis, colonia arceque Luſitani inſederant. At indigena populus odio impotenter dominantium amicitiam Batavorum, ut primum eo venerant, aſſidue acceperat, & ob id gravia paſſus, in hos fidem, iram in illos obduraverat. Arcis præfectus, cum ſub ipſa munimenta ſubire claſſem proſpiceret, miſit ferociter qui interroga-

rent, qui essent, quid illis rei apud præsidium sibi creditum. Respondere illi, Ordinum Fœderatorum ac principis Mauritii imperio venire, se regis gentisque Hispanorum atque ipsius publicos hostes, cæterum qui forent brevi sensurum. Simul oppugnandæ arcis expediebantur. At ille, ut atrox in imbelles, ita adversum armatos pavidus, haud exspectato impetu, deditit arcem triginta instructam machinis. Sexcenti cum ipso datis navibus proxima in littora devecti. At quadraginta sex Lusitanis cum sua cuique familia manere suetis locis, inque Ordinum & Mauritii verba adigi volentibus fuit. Cum indigenarum primoribus (namque hi insulam regunt) fœdus factum quale cum Bandanis ante memoravimus. Additum, ut fidem Batavis juramento singuli firmarent. Relicto hic præsidio, divisa classis, & Bandam alii, quinque naves, Cornelio Sebastiano ducente, in Moluccas ferebantur. Sed, ut intelligatur quanta tum de re certatum fuerit, inter duos populos mari potentes, res altius repetenda est. Insulas inter quas tot millia Oceanus Indicus complectitur, ut numerari hæcenus nequiverint, eminent quinque, vel hoc uno quod aroma clavi specie quod caryophyllon dicimus suavissimi odoris, nec minoris usus condiendos ad cibos prope solæ ferant. Nomina illis nunc nota sunt Ternata, Tideris, Motiel, Makiam, Baciã: olim alia fuere, Cupe, Duco, Moutil, Mara, Seke. Magnitudo singulis fere, quæ Walachriæ apud nos: cœlum ut percoquendis aptum frugibus, ita corporibus humanis grave, ob vapores quos sol adeo imminens haurit, quippe positus sub Æquatore terris, quarum & visceribus incensis

flam-

flamment juga. Sinenses circa annum, qui Christianis numeratur a millesimo tertius & decimus, late per Indiam effusi has quoque insulas tenuere, non sine sumtu & sanguine, quorum tandem pertesi introrsum se recepere, derelictis quæ sexaginta per annos possederant. Post hos profecti Malaccensi regione insedere, & his pulsis Persis mixti Arabes, qui & Mahumetismum intulere, mixtum diu inolitis superstitionibus & paulatim quoque ab his secretum. Nec aliunde ipsum nomen, nam regna Moluccas Arabes vocant. Ab iisdem regum nomen Sultanos, & alia vocabula usurpant. Græcis veteribus ac Romanis ignoratæ hæ insulæ, nisi quod videri possunt latuisse sub communi Sinarum nomine, aut inter insulas Iambulo visas, quas Diodorus Siculus memorat. Ipsum tamen caryophyllon habuere per Orientis populos: & quia Ægypto transibat auctum hinc Ptolomeis regibus, & qui in eorum potentiam succedere Romanis vectigal. Labascente re Romana, Genuenses & secuti hos Veneti per Theodosiam petiere, quæ Cassa post appellata est. Ex quo Constantino-  
polis in Latinos cesserat, & Græca invidia alias imperii sedes, inter has Trapezuntem legerat, tractum huc per Caspium mare mercimonium; itinere olim quoque Romanis non tam usitato, quam cognito, ut ex Varrone Plinius docet, & postquam ibidem Turcæ invaluerant per camelos ac dromadas Aleppum ivit: sed Cairum qui tenere Sultani rubro iterum mari & Alexandria reddiderunt. Lusitani postquam multi Africae Asiæque cognoverant, coloniisque insederant, anno primum exacti modo sæculi duodecimo in has insulas venere, armatique regum ibi



diffidiis & sua classe facile caryophylli se dominos fecere, corruptis etiam navibus, si quæ ab Arabum aut Persarum oris venirent, & omni in Ægyptum itinere præcluso: ita Sultanis non minus octuagesies mille ducatis annum periiit. Reges erant ea tempestate Ternatæ Bolcifus Borgei filius, vaticinari etiam inter suos ausus, Tideris Almanfor, infesti inter se veteri certamine & dominationis augendæ avidi, quod servitutis utrisque initium fuit. Lusitani Ternatensis, ut qui latius regnaret, societatem prætulere, & , ut nihil illicitum crederent in homines Mahumetis religionis, Almanforem iussa sua detractantem veneno necant, quam ob causam filius ac hæres ejus Raxamira fidei se permisit Castellanos, qui octavo post anno in eas partes palam, ac velut possessuri, venere, quas tamen suis & Magallano priusquam Lusitanis visitatas ajebant, & divisi orbis pacta locorumque positum multo adhuc dimensionum incerto sic interpretabantur, ut suis finibus hæc includerent. Hinc cum barbarorum atque Hispaniæ duo populi implicarentur, pugnatum acriter, nec diu tamen, quia in Castella regnans Carolus quintus Imperator pecuniæ egens, necdum satis intellecto quanta res ageretur, acceptis a Iohanne tertio Lusitaniæ rege ter centum & quinquaginta ducatorum millibus, jus illi suum in Moluccas pignori tradidit. Ex eo Lusitani pro libitu illic agere. Caryophyllon omne Goam mittere, unde Persæ, Turcæ, Sineses, Afri petebant vix tertia parte, quæ Europæis gentibus venderetur. Itaque haud mirum ex Moluccis insulis & Ambona, quæ haud longe eandem fert frugem, & Banda ubi nux odorata optime nasci-

nascitur, cujus est flos quem macin vocant, venisse quotannis Lusitaniæ regibus ducenta milia ducatorum. Nihil ad hæc piper & zinziber passim nascendo vilia, nihil aroma casia maris ægre tolerans. Cum opibus & in barbaros reges injuriæ crescebant. Versa palam in dominationem societas, &, quæ olim fidei vincula, fallendi nunc artes erant. Boluso mortuo, qui in regnum successerat filius Bajanus pro captivo habetur, & post eum frater idemque & rex Daialus. His quocunque modo mortuis, regnum accepit Airias, qui & ipse victus primum & post trucidatus, nullam sane ob culpam, integer obsequii: sed invidia potentiæ. Nam multæ insulæ circum quæ primoribus antehac regebantur, admiratione virtutum ejus in regnum ipsius concesserant, ita ut supra septuaginta imperio teneret, & Celebum, Mindanai, Gildi haud exiguas partes. Filii majores duto tam tristi exemplo territi, regium nomen ac periculum defugere. Tertius, Babus nomine, ausus accipere diadema, & promittere ultionem, mirum quanta pro se subditorum & vicinorum studia repererit: hoc imperante primi ab Europa Angli Draconis ductu possessionem Lusitanis turbare anno sæculi septuagesimo nono. Ab his Babus auxilia exspectare jussus diu spei irritus, barbarorum quoque, ut solent, paulatim languescens animis, audito coisse in Philippum Castellæ ac Lusitaniæ opes, misit ad eum qui paternæ cædis ultionem excusarent, & fidem in posterum pollicerentur. Sed ambiguus responsis elusus, & mox mortuus ad fratrem Zaidam cum regno pro spe veniæ, odium in Hispanos transmissit, data occasione erupturum. Nec de-

erat Molæus, qui post Raxamirain Gunæ patri, quem Zaida interfecerat, & Gnapabagunæ fratri, incertum cuius per venenum sublato, in Tideris regiam succēsserat, Lusitanos officiis sibi illigare, in æmulum accendere. Tales eos Batavi invenere cum primum, ut suo loco memoravimus, in eum orbem delati sunt. Anno sæculi ultimo prima, quæ Lusitanorum potentiæ æquare possent, arma Batavorum Zaida lætus vidit, descenditque in partes tanto animo, ut non Hispanos tantum hostes, sed & Anglos commercia orantes contemneret, Batavos vere socios ac suos marisque liberatores vocans. Contra Tideris rex etiam arcem in suo struere Lusitanis permiserat. Antequam Cornelius Sebastianus pervectus huc esset, Angli rursus navibus aliquot advenerant, late jactantes Britanniaë Hispaniaëque pacem apud Lusitanos, quibus externa cuncta illic hostilia, sed tunc amicitia in Anglos simulabatur, prægravante Batavorum metu. Nec tantum quæstus his imminutus, mercantium copia, sed bellum in Tideriū parantibus, hætenus Angli obstitere, ut nitratum, cuius maxime penuria laborabatur, Lusitanis venderent. Perstitum tamen in consilio. Interque Saidam & Batavos ita comparatum est, ut ipse, traducto in insulam Tiderim suorum exercitu, bellum ostentaret tantum: Batavi arcis oppugnationem soli peragerent, quia barbari ira quam consilio feruntur, & retusi propere languescunt. Nautæ igitur Caraccas primum duas, stationem propter habentes, scandunt expugnantque: tum vicī aliquot incensi, terraque simul & navibus directæ in arcem tormenta. Ac postquam centurio Mollius, re propius inspecta,

rui-

ruinis patere aditum retulit, faciunt impetum, telisque & inmissis ignibus dejecti repetunt. Ibi Torrim Hispanum infesta in se hasta ruentem Mollius, vitato leviter ictu, amplexu premit, atque una humo decedit. proximumque e sociis monet, dum ipse luctantem tenet, ille Hispano caput tubi ictu diverberet, quod factum. Sed enisi in arcem numero haud plures septem recedere cogeantur. In recessu fracto crure procumbentem Mollium comites humeris deportant, renitentem diu, clamantemque iterum hostibus ac validius consilirent, vilem sui curam, & ubi arcem cepissent, socium recepturos. Forte turris, & in ea vis nitrati, globo percussa ignem concipit, quo sexaginta Lusitani conflagraverunt. Eo in pavore oppugnatores arcem invadunt, capiuntque. Fœminæ & imbellis ætas in rupes confugerunt, armis impervias, sed victu aquisque præcis ad deditiorem coactæ, simulque virorum, quod arci captæ superfuerat, in Philippinas travectum: pulsumque Moluccis Lusitanorum imperium, nisi quod modicum castellum Timosa insula restabat. Regi Tideris non vitam modo, sed & potentiam Batavi servavere, dum famæ quam securitati consulitur. Ille, spe nulla alia, amicitiam cum Ternatensi, cum Batavis fœdus simulans, premebat dolos in tempore erupturos: exoravitque, velut quo certior insulæ libertas foret, ut arx dirueretur, quam custodiri augerique rectius fuerat. Aliæ quoque naves India redire, missæ a mercatoribus antequam unam in societatem coiretur: nec hæ sine præda: nam Caraccam Machaunte venientem interceperant, Pataniam apud insulam, cui tum fœmina imperabat. Ea

cum suo in regno parva spolia ad se pertinere contenderet, movit Batavos ut prædam partirentur, partitamque ab ipsa redimerent. Pars Indicanarum mercium præcipua sericum e Sinis petitur, valido florentique imperio. Sed advenis aditum præcludere pars prudentiæ habetur: & extrema ora morantes Lusitani gentem suspicacem multis artibus territabant, ne Batavos pugnaces, ac mari potentes finibus admitterent. Sed dum vicinorum regum per gratiam ambitur iter innoxium, interim per Sineses mercatores, qui Iavam aliaque loca frequentant, eadem commercia celebrabantur. Vicissim e Batavis ad Indos mittitur Paulus Cardenus octo navibus: nona priusquam exiret fortuito igne periit. Ac ne vicini tanto labore quæsitæ defensionæ ultimæ Asiæ commercia suos in usus verterent, Foederati edicto cavere, ne quis indigena aut incola domo aut aliis e terris eas in oras proficisceretur, extra imperium societatis quæ in Batavis coierat: quod contra obtrectantes necessitate & paribus exemplis excusatum, auctumque securis temporibus per novas cautiones & severiora supplicia, prout fraudes admonuerant. Clara & funera hic annus habuit. Virorum principum Philippus Hohenloius in Batavis, in Germania Iohannes Nassavius obire. Hohenloius militia acer atque intrepidus, dux haud æque providus, Mauritiū olim per juventam ductare copias solitus, mox ubi nullum sui usum videt, tædio ac mœrore tandem & per crebra convivium solutis artibus, exitum habuit lentum viroque forti gravem. Nassavium senecta extinxerat, Wilhelmi Arantionensis fratrem, cumque ipso avitas possessiones

ita

ita sortitum, ut Gallicas & Belgicas ille, ipse Germanicas retineret. Res fratris inopes pecunia, turbidas consilio iuverat, suscepto & Geldriæ regimine, Traiectini foederis, illis temporibus per quam necessarii, præcipuus auctor. Post in sua regressus filiorum armis partes adjuvit: quorum Wilhelmus Frisios regens, & Ernestus, ducta sub id tempus ducis Brunovicensis filia, supererant: Philippum & Ludovicum bella absumferant: nec minus domi ampla sexus utriusque soboles. Inter clara literis ingenia celeberrimum nomen Iustus Lipsius occidit, postquam famam & sapientiæ præceptis & Romana vetustate, tum novo atque conciso scribendi genere partam diuque servatam editis de Hallensi & Aspricolli narrationibus apud multos immi-  
nuerat. Vulgatis contra libellis respondere distulerit an contemserit, mors brevi secuta dubium reliquit. Nec tamen omiserant Batavi ac Belgæ certatim insignem viri memoriam versibus atque orationibus celebrare. Conjugium quoque illustre Nassaviæ domui contigit: Borbonia virgine Condæi filia nupta Philippo Principi, qua affinitate rex ipsi illigatus possessionem Arausionensis oppidi terræque liberam restituit, quamvis Delphinus Senatus conventus sui partem regnoque subjectam diceret. Priusquam opus prioribus dispar, res Batavas ex bello tam gravi ac diuturno hunc circa annum ad pacis consilia versas aggredior, quid tota Europa quietum, aut armis, qui apud ipsos vicinosque animorum motus privatim aut publice, breviter aperire, haud incongruum putem, quando magnis ubique mutationibus velut fatale id temporis, externaque nostris nec minus nostra

externis momentum tulere. Totus Septentrio, regnis antiquitus libertate permixtis, in arma exarserat, prope iisdem queis olim Batavi caussis. Sigismundus, dum Iesuitarum iussis obtemperat, amissa Suedia, ægre Poloniam retinebat. Nam in Suedia Carolus posito ducis nomine, decreto Ordinum suorum regem se nuncupans, post acceptam Rigæ obsidio cladem vires reparans, imminabat Livonum finibus. In Polonia Samoscius, regni Cancellarius dum vixit, sapientibus consiliis & reverentia sui regem proceresque flexerat ut leges & pax servarentur. Ejus morte odia primum, mox vis aperta: & erant qui supremis propinquo monitos primores dicerent, multis artibus attentari libertatem, & se quidem, quam accepisset rempublicam, relinquere superstitibus, viderent nunc ipsi, nequid inscitia aut ignavia peccaretur. Sane haud multo post procerum primi, Palatinos vocant, in arma prorupere, accusantes regem, quod amisso priore matrimonio, inconsultis Poloniæ Ordinibus, ducta mortuæ sorore, simul regnum incestu polluisset, & arcano fœdere Austriacæ se domui obstrinxisset: quodque in honoribus exuta æqualitate, Protestantes Romanensibus post haberentur. Postulabant & Iesuitas pelli Cracoviæ præfectura: litesque etiam sacerdotibus ortas, non Romæ longinqua per itinera & suntus, sed domesticis judiciis disceptari. Indictoque gentis concilio regem vocabant diluenda ad crimina, ni veniret, additis minis, sceptrum se ac coronam, imperii insignia, quæ more patrio ipsi custodiunt, in alium translaturus. At rex, collecto exercitu, & multis per dona conciliatis, quanquam primis

suc-

successibus prosperum ipsi bellum, pacem præ-  
 tulit, factumque fœdus Sendomirianum, quo ve-  
 tera jura novis muniebantur. Sed armis magis  
 quam offensis cessantibus, dum ille, ut victos  
 spernit, illis impunitas suadet iterum audere,  
 quies infida nec duratura. Super, quæ diximus,  
 crimina, & hoc Sigisimundo objectum, quod,  
 injussu publico, auxiliis Demetrio missis Polo-  
 niam bello implicuisset. Is Demetrius, Basilidæ  
 crudelitate notissimi filium, & qui post illum  
 Moscoviæ potitus est, Theodori se fratrem,  
 postquam Boris imperium invaserat, quæsitum  
 ad mortem, & supposito qui occideretur alio,  
 in Poloniam auctum, claritatem generis diu  
 dissimulasse memorabat: & plerisque persuase-  
 rat, similes corpore notas præferens. Sed ad-  
 versus Borim regnandi bellandique veterem, in-  
 felicia ipsi arma. Vbi is mortuus filium reliquit  
 Theodorum, quem diximus tenera ætate, ma-  
 tri obnoxium, pars magna Russorum, queis  
 æque insolita puerorum ac mulierum imperia,  
 ad Demetrium descivere. Statinque præcipuam  
 urbium Moscoam plebs ipsi aperuit, trucidatis  
 in gratiam novi domini, vidua Boris filio-  
 que. Sed brevis regni fortuna. Nam sacerdotes  
 offenderat Iesuitarum auctoritas, quibus ille  
 suasoribus misisse ad Pontificem Romanum,  
 Græcasque ceremonias Latinis mutaturus fere-  
 batur. Nec minus proceres indignabantur, quod  
 externos corporis custodes, inque aula & inte-  
 rioribus consiliis Polonos haberet. At plebs  
 amorem atque odium, non sponte, sed qua du-  
 ceretur, rapiens, excitatur vulgata fama, non  
 Demetrium, qui putaretur, sed monachum esse  
 fugitivum, magicis instructum artibus, innume-  
 rumque



sumque a Polonis mancipium, quo res Russicas perverterent. Ipsis in nuptiis, quas Polona cum virgine, Palatini Sendomerii filia celebrabat, orto tumultu Demetrius, seu quisquis ille fuit, (nam post mortem quoque ambigitur) cum saltu e sublimi vitare perniciem frustra certasset, casu debilitatus, statimque confectus est. Addita ingens Polonorum strages: & concitor aliorum Scutskius imperium occupavit, initio instabile, dum externati feritate animi, tardeque in novum principem consentitur: mox, ut barbaris solitum, metu supplicisque firmatum est. Transilvaniâ quoque & proxima Hungariæ magnis motibus involverat seditio imperatorii militis, præfectorum rapinæ, & Protestantibus jus religionis ereptum: incumbente & hic in Iesuitas belli invidia, ut talium auctores. Erumpebant simul oppressæ diu querelæ, contemni se plane, nec, ut majoribus servatum, adesse conventibus principem, audire populi preces: sed clauso intra aulam Rudolfo, armorum consiliorumque summam penes externos, quæ servituti quoque suetis gravia, sibi hoc magis intoleranda; queis regum juramento sacratæ lege, pactumque, ne fraudi neu dedecori foret violantibus obsistere. Igitur in prælia & oppugnationes urbium itum, gaudente Turca, a quo missum sibi Hungariæ sceptrum ac coronam Stephanus Botscaius, dux lectus dissidentibus & supra publicas privatis accensus injuriis, perstitit recusare, Transilvania & principis contentus vocabulo. Sed breve bellum, cui tertius hic annus erat, pax excipit: Turca Persarum victoriis & nova per Asiam rebellione infracto, nec ultra nitente Botscαιο, quam ne  
liber-

libertas amitteretur. Imperator Rudolfus duobus hostibus impar, Botscαιο Transilvaniam, Hungaris indigenas rectores, præsidem fratrem Mathiam Belgicis olim rebus immixtum, & jura queis Iesuitarum opes coercerentur, Turcæ possessa retinere concessit. Ita positis armis haud multo post domestico veneno Botscaius intercipitur, publico providus etiam cum de vita desperasset. Quippe morti imminens Transilvanis Hungarisque arctam concordiam, crebra concilia, &, dum leges manerent, pacem cum Cæsare commendabat. Sed illo sine prole extincto, cum ex pactis principatus ad imperatorem rediret, turbata iterum Transilvania, e longinquo regi impatiens. Germania adhuc religionum studiis discors: & apud Brunovicum, Patelbornam, Emdam, ut non jam bellum, ita proxime bellum discordiæ erant, principes inter ac civitates dominandi nimios, aut parere indociles. Veneti adhuc intra libellos se tuebantur, quorum auctores, dicta die, Romam haud sane ivere, causantes itineris fortuita, & infestos iudices, interim duces utrinque, exercitus, classes expediebantur. Nec dissimulabat Hispanus Pontifici se auxilio futurum, quo Gallus comperto significavit Romam, ita meritos majores suos, ut ecclesiæ pericula non alias magis quam Francicas manus respicere deberent: sin Pontifex Hispanum prolatandæ dominationis avidum sibi assumeret, haud immerito suspectum id sibi, & vel coactum contrariis in partibus fore. His minis exterrita Italia, nunquam impune externis armis adita, quippe scisso minutas in potestates corpore facilis præda victori. Sed Gallus, ut bellum haud nimium formidare, ita pacem

pacem malle: quare nunc Venetos, nunc Pontificem hortabatur, ponerent iras publicum in exitium erupturas. Ipse domesticam quietem legibus, pecunia, foederibus muniebat. Britannia post detectas nefandæ conspirationis insidias horrida suspicionibus: quas auxit Pontifex, suis edicendo, ne præscriptum a rege sacramentum dicerent, adversum id religioni prædicans: quia eo fides & obsequium in regem, etiam si Pontifex vetaret, mansura jurabantur, quod ipsis Romanensibus tarde creditum, variis mox animis excipitur, ut apud quemque patriæ charitas, aut præcepta de sacris opinio prævaluerant. Multæ & Anglorum querelæ, quod jus mercatoribus per Hispaniam haud æqualiter redderetur. At in Hispania sævitum in Belgas illic morantes, quorum commercia cum Batavis ac præcipue Indicano collegio innexa: ærarium quoque diligentius curatum, captis quorum in pecuniis tractandis fides arguebatur. Sed minora malis remedia, quotidianis ad regem precibus Lusitanorum, ecquem miseriæ finem poneret? dum bellaretur in Batavos longe remotos, atteri atque exhauriri propiora: uri capique tot naves, solas regni quondam florentis divitias: obsessos nuper portus Hispaniæ, nunc & Moluccas eripi: quin & Castellanorum prægrave jam bellum, quod proxima per tempora haud minus trecentis Scutorum millibus menstruis Hispaniæ constitisset, spe nulla exitus, ac præcipue quia navium America venientium pericula ingravescebant. Sumtus quoque in annos aucti adeo supra redditus, ut vitari seditio militaris, etiam tam exacta Spino-læ cura, nequisset, & quæ bello parta neutiquam  
tanti,

tanti, & contra experimento cognitum quam firma hosti annium atque operum munimenta, quam clausum sibi mare, & per alienos fines incerti militum transitus, tum si manente Batavico Veneticum ingrueret bellum, non paupertas ultra, sed egestas aderat. Rex ipse juvenis, armorum inexpertus, & qui regiam fortunam voluptatum, quam finium modo metiretur, ni consiliis cederet, sponte in bella non ferebatur. Accessere metus, veri falsis adaucti, non sine arte primorum quibus res Batava in manu, quo cunctantem Hispaniam in vera pacis consilia impellerent. Sparsus quippe rumor, laborare Gallum, ut Batavos definitis sub legibus, regno suo adscisceret, perruptaque Flandria proferret limitem. At tolerabilius Hispanis, liberos relinquere Batavos, quam sui imperii damno alienum ac maxime æmulum augere, & in vacantes quidem spes manebat, per offensarum obliviam, per discordiam inter ipsos, aut cum regibus quorum ope florebant: occupati in perpetuum amittebantur. Præterea allubescente Indiæ fortuna, nova apud Hollandos Zelandosque societas parabatur, quæ valida classe vim simul mercesque in Americam ferret, & hostem terra marique pelleret, spe magna prædæ quanta belli sumptibus sufficeret. Mox alia fama, ut quondam Genuensium ministerio Turca Hellesponti fauces trajecisset, ita nunc Batavorum navibus Mauros Granatam & majoribus possessa repetituros. Alberto quoque & Isabellæ, huic ut fœminæ, illi ut religiosa ad studia educato, jam & annis gravi alienum a bello ingenium: inopia quoque & toties renata militum seditione, populi gemitus, fletusque movebant, ut certum ac placidum prin-

principatum, quam spem cum metu mallent. Sed ante alios Spinola consilii ejus auctor, quin paucis annis multum gloriæ partum, ne retro fortuna ferret verebatur: simul fracta nuper & sua & regia fide, si manerent onera & Americanos reditus fors aliqua interverteret, nulla spe recuperandi quæ erogasset, meritis ære alieno, e clara fortuna dedecus atque inopiam prospectabat. At Foederatas apud gentes pauci sperare etiam audebant, metuebant quin idipsum plerique, ita a parentibus eruditi, repudianda infido cum hoste colloquia, & qualicumque pactione tutius bellum, & magnæ hominum multitudini, hand militum modo sed & reliquæ plebis, arma, machinæ, exercitus, classes questui erant. Nec paucis formidatum, ne ut olim immota, ita nunc reddita pace, Antverpiæ commodissimam sedem mercatura deligeret: etiam, amoto ab hoste metu, civitatum dissidia ac turbamenta reipublicæ timebantur. Nec tamen deerant, illis præcipue in populis, quibus hostis & pericula propiora, qui jampridem, dum rapi velut inpetu urbes, nec usquam contra iri, & per prudentiæ speciem fines imminui vident, eosdem mox sibi casus & fera remedia fingentes, ad pacem animos nimium quoque deflexerant. Æquiores, ut vitandas insidias, ita tentandum putabant, possentne arma poni æquis legibus, incolumi republica, salvis sacris: nec omittendum hoc tempus, dum res hostium inclinatæ, coalita longo obsequio Ordinum auctoritas, & velut ad latus validi duo principes, alter Hispano, alter Pontifici justis de causis infensi, eoque Batavis fidiore. Hoc intus atque extra rerum statu Hermannus Wittenhorstius, jussu Archiducum, Hagam advenit, anni

anni exitu. Idem & antequam prodirent exercitus, vere ipso, Geldriam Hollandiamque obiebat, sed privata tantum colloquia serere iussus, quorum multa ipsi occasio per majores aut conubia devincto Batavis nobilitatibus. At nunc, comite Iohanne Gevardo scriba Turnholtano (uterque id solum habitans, quod tributa partibus penderet faciliores habebat aditus) potissimis procerum mandata Alberti & Isabellæ ostendit in hanc ferme sententiam: nihil ipsis optatius, quam quietem populis, finem cruentis laboribus dare: nec ignota Ordinibus archiducum jura, haud aliena poscentium: ipsi contra promerent, quæ firmandæ securitati arbitrentur, pacem seu inducias, & colloquia palam an secreta mallent, ipsis permitti. iniqua omnia & insidiosa longe fore. Sed quia literas ad Ordines nullas archiducum ferebant, res dilata. Quos gradus, quæ augmenta ceperit, quibus sit studiis agitata, cum cura memorabimus; quia & civium id magis scire interest, quam aut fodientium artes, aut equitum excursus: & externæ gentes fama non ante majore Batavos acceperant.

HUGONIS GROTII  
HISTORIARVM  
DE REBVS  
BELGICIS  
LIBER SEXTVS DECIMVS.



**H**IES remisso frigore, ventis inhorrescens ut ab hostium incursu securos Batavos præstitit, nihil impedito amnium fluxu, tanquam ad pacis consilia cœlum quoque accederet, ita damnum alia parte intulit fractis navibus quæ Texeliam propter infidam hibernis stationibus insulam, diversas terrarum in oras exitus tempora morabantur. At Fœderati Ordines, quo domesticæ quieti, famæque rectius consularent, postquam ortos olim Groſingæ motus, imperia fortia, animos quoque in partem dies ipsa sanaverat, arcem urbi impositam dirui jussere, ut quondam necessariam, ita, si maneret, haud decoram æquali omnium libertati. Præcipua securitatis tantæ causa, dari illis magistratus, quorum cognita in partes & publicam religionem fides, ingens sine sumtu, sine odio præsidium. Nec militibus iners tempus abiit. Bommeliensis insulæ munimentum haud sane magnum irrupit Hispanus, incenditque, silentio excubitoris quem pretio occupaverat. Qui loco  
c1p Ioc vii, præ-

præerat centurio trucidatus: cujus hæc arguebatur culpa, quod vigilias haud mutando spem fecerat proditori. Comes quoque Brukius fratrum natu minor, Batavis militans, cum patrios ad lares equitaret modico comitatu, in hostiles insidias incidit. Prægressus forte scriba, tormentis coactus, sequentis fieri indicium fecerat. Ipse manus conferere ausus, spe nulla, sed quia capi pudebat. Illata & mortuo vulnera, sequente filium patris odio fortunaque. Nam hunc quoque sævitia simili, scelere majore, Mendosæ miles trucidarat. At Henricus Nassavius, multo cum equite cædendas ad Spinolæ cohortes profectus, quæ Limburgico agro neglectius hibernabant, cum illæ se audito periculo in urbes recepissent, Erkelenum, itineri adsitum impetu rapit, postquam porta machina pensili discusserat. Modicum id Geldriæ oppidum infirmitatis quondam conscientia, tributum utrisque partibus pependerat. Sed tum forte in Batavos hostilia induerat, recepto Henrico Herembergensi, qui prædis agendis eam legerat sedem. Quinquaginta intus equites concisi: reliquum præsidii aberat: captus Herembergensis: quæ avehi poterant rapta: cætera permissa flammis: acriori militum ira, quam ut ducis imperio retineretur, quod quosdam illic suorum durius habitos meminissent. Sed fratris iniquiorem fortunam ut egregio facinore compensaret, Fridericus Hereimbergensis in Flandria Ardenburgum, munitum a Batavis oppidum, parabat invadere, quibusdam intus militum consociis. Verum pars horum ob flagitia vincti in quæstione fatentur incognitum scelus, cujus jam exitus imminebat: quippe cum in proximo

Fri-



Fridericus valida cum manu signum a proditoribus exspectaret. Longinqua navium itinera certatim Batavis & Anglis festinabantur. Namque Indiam versus hoc vere duas Batavi, tres Angli naves misere. Anglorum major in præsens quæstus: sed fama laborabat. Nuper enim reversus ex eo orbe Eduardus Michelbornus, cœde barbarorum ac rapinis maculasse commercia ferebatur. Ipse culpam Indis delegabat, contra causam dicente nemine. Nec deerant qui similem audaciam accenderent, ita majorum legibus cautum ferentes, commissa in externos, quibuscum publica fœdera non essent, in Britannia non vindicari. Simul agitarum ne Hispano soli America permetteretur. Partem ejus Virginiam nomine tricesimo quarto cis Æquinoctialem gradu, jamdudum Angli sibi vindicant, quod primi eam oram interius penetrarint, indito in honorem reginæ Elisabethæ, quod nunc quoque apud illos servat, vocabulo. Coacti, quibus iners domi pecunia lucrum peregre sperabat, collegia duo fecerant, a quæis singulæ colonix eas in terras deducerentur. Addiderat rex Jacobus leges & præmia, augendæ Britannorum gloriæ: auri quoque & argente venas humo condi, audacter affirmatum, facile, ut a cupidis, creditum. Initium magno molimini fecit navis una, structo leviter castello reperti amnis in ripa, cujus piscibus atque agri proximi fruge vitam tolerarent, qui præsidio relinquebantur, coactis indigenis introrsum recedere. At alia navis Hispanorum venit in manus, nec illi vectoribus pepercere: quippe qui pace ac jure domi relictis immensam novi orbis possessionem solo

ter-

terrore custodiunt. Nuper & Guianam Britanni repetiverant: sed in itinere orta seditione pars omiſſa navi in inſula manſerat, arque ibi laceſſitis per injuriam barbaris, petiti bello, victus inopes, cavata arbore Oceano ſe commiſere: ita decem continuos dies jaſtati tempeſtatibus, expulſique in ſcopulo, vix terram tenuerunt. Nec minus illic periculi. Nam capti ab Hiſpano, qui tamen veniam velut non ſponte illas in oras delatis, dedit. Altiora longe in Batavis conſilia, &, qui nos magnis conatibus, tarde ſtruebantur. Iampridem ingens mercatorum, ingens nautarum copia, tum pecuniæ, quantæ credi non poſſent, penes privatos vacuæ, adempto Hiſpaniæ commercio, nec ſufficiente India, ſola America ſatiari poſſe videbantur, quæ præter ſal & ſaccarum, ac pretioſa ligna & medicamenta metallis inſuper ſcateret. Sed ſpem mercandi præcidebat inſidens præcipua littorum Hiſpanus. Quare ad privatas opes accedere debebat ex publico viſ & auctoritas. Iamque ditiffimi mercatorum ſimul alii, quibus e libris ac nautarum relatu cuncta ejus orbis juvandæ patriæ ſtudio indagata, novæ ſocietatis regimen ac jura deſcripſerat, triginta ſex in annos duraturæ. Hanc extra nemini civium liceret adire oras, quæ a Terranova, Gallorum piſcatibus cognita, ingenti tractu freto tenus Magellanico ad utrumque Oceanum porriguntur, & quicquid contra Africæ littorum ſæſtivum inter circulum ac Bonæ Spei montes jaceret. Quinque menſes inferendis pecuniis præſtituti. Adderent Fœderati Ordines bis centena florenorum millia annua, ſex annis primis, mox tanto amplius.

quantum publicæ rei status permetteret. Belli ac mercaturæ seorsim rationes haberentur : bellum administrarent naves privatorum sedecim bellicæ celoces quatuor , totidemque bellicæ ac celoces publicæ , sed quas societas suo milite instrueret , uno cunctæ sub imperio. Curatores societatis Amstelodami quidem triginta dimidium fortis totius tractarent , octodecim in Zelandia quadrantem obtinerent , per Westfrisiam & ad Mosæ ostia quindecim residuo imponerentur : nec perpetua potestate , sed ut sexto quoque anno parti curatorum tertiæ succederetur : non aliis ei officio deligendis , quam qui plurimum pecuniæ intulissent. Penes hos mercium, armorumque arbitrium : & præmium laboris evektorum invektorumque centesima , Lucrum divideretur quoties fortis decimam æquasset. De præda maritimi Iudices cognoscerent. Ea omnis sexennio primo inaneret indivisa , ut belli ex fructibus belli onera sustentarentur. Deinceps Fœderatorum Ordinum fiscus decimam , Princeps Mauritius tricesimam , reliquum mercatores haberent. Quatuor e curatorum collegiis lecti , septendecim pariter de re summa consulerent. Præfecti ducesque ab his missi , jurati in Ordinum verba , jus redderent ; castella struerent , fœdera facerent , prout usus ferret. Domum reversi Ordinibus Fœderatis exhiberent rerum a se gestarum commentarios. Merces immunes vectigalium forent , veterum perpetuo, aliorum, quæ bella repererant, in annos viginti. Egregii sane operis auctores impulsoresque , ut sua cuique blandiuntur commenta , & semel laxatæ spes in immensum procurrunt , verbis libellisque differebant , quod hæc-

hactenus hostilis potentiae validissimum, idem infirmissimum fore, si armis peteretur. Ita verti in mare bellum, quo genere certaminis, ne multo quidem majoribus hostium copiis victos unquam Batavos, quantoque longius id iter foret, tanto illis difficilius, queis molles artus calore diffuerent, per quos suus Septentrio, & infusa Oceano patria in omnis incommodi patientiam durassent. Americæ extima, qua in utrumque mundi cardinem procurrit, adeo non usurpata vix dum nosci. Trinitatis ab insula Æquinoctialem usque nudum & sine domino littus. Cæteris terris sparsa Hispanorum præsidia, sed tantis intervallis, ut nec inutuo sibi auxilio esse possunt, nec interjecta defendere. Iam si arma darentur, magistri & usus accederent, quot essent illius plagæ populi, totidem in Hispanum exercitus fore, fideliores, quam si stipendiis emerentur, per pristinae crudelitatis memoriam tadiumque durissimæ servitutis. Iam illam magnitudinem, quæ terribilem Hispanum faceret, sibi spondere audebant, gloriam certe illius militiæ perpetuam fore, quod, ab se remoto periculo, hostem in sui imperii discrimen, raro exemplo, ausi essent adducere: nec illud in humanum genus leve meritum, Christianam religionem apud gentes ignaras, aut uno ex errore in alium traductas, purius atque sincerius propagasse. Contra alii, multos casus bellum, multos mare recipere, nec quicquam Marte maritimo incertius. Si Atheniensium pigeret meminisse, quorum florentissima civitas hac una temeritate concidisset, missæ haud ita dudum sub Petro Doula classis improspere cogitarent. Superatos sane aliquot

præliis navalibus Hispanos : sed nec Batavos circa belli initia terrestris militiæ fuisse egregios : qui si tempore & cura disciplinam accepissent , cur minus idem ab hostibus metui ? Sæpe victos eo proficere cladibus , ut tandem & vincere incipiant. Et ut maxime maritimi Hispaniæ populi classium usibus haud sufficerent , tamen & Anglos & Brittonas Armoricos & Saxonas conduci faciles. Nec justam in Batavorum corporibus fiduciam , quæ ut tolerantia frigorum , ita perpetua Æquinoctialium calorum intemperie liquefcere experimentis indubitatum. Quadragintane navium id opus , obsidere immensum illud Oceani spatium , ubi insulæ , portus , stationes , tibi clausa , aperta hostibus omnia , nulla ex propinquo com meatum , ne quidem aquæ copia ? Sane non omnem Americam continuis septem arcibus : sed ubi divitiæ laterent , ubi commodi appulsus , nusquam omittas munitiones. Ut facilis sit exscensus tot inter adversa , ubi jam pedestrem exercitum , qui Hispanicas cohortes illa totum prope per sæculum coalita possessione depelleret ? Quod si & hunc mitti placeret , simulque ( nam id profecto necessarium ) alia classe Hispaniam claudi , ne qua in Americam auxilia penetrarent , munus id mercatorum viribus , ne reipublicæ quidem tolerabile , quæ cum eo quod nunc est domi copiarum fines suos defensare non possit , aut alieno se æri penitus sit inversura , aut ipsa nudata præfidiis , prius exiguam hanc amissura soli patrii sedem , quam justam aliquam alterius orbis partem armis quæsisse. Nam omnem sperare insanum : quem captum quoque contineri vix posse , tam grave cœlum plerisque

in locis, tantam morborum vim, acrius in Batavos quam Hispanos sæviturum, quod si cibum potumque magis cum modo habere didicissent. Barbarorum societati adeo nihil tuto credi, ut adversum hos quoque non minus quam in Hispanos paranda sint munimenta. Ignotam illis fidem, & quæ alia virtutum nomina: externa omnia invisa; nunc Hispanum odisse, mox quicumque Hispano in potentiam succederet ejusdem odii hæredem fore: indigna libertate ingenia, & quæ tamen servitium asperum indignarentur, molle contemnerent. Nunquid enim ignotum fuisse illis in populis atque esse etiamnum qui humanis vescantur carnibus, eum optimum arbitantes cibum, ignotosque passim trucidant, non aliis odii causis, nisi quod homines sint? Indis certe & Asiæ populis multo cultius ingenium, & tamen ibi quoque multis perfidiæ exemplis coactos Batavos amicitiam in speciem dominationis convertere. Nedum illo in orbe pax aut foedera sperarentur, quem a meliore sui parte non situ magis quam moribus avulsum, & Oceano suo seclusum undique ultimæ feritati natura damnaasset. Hi tum de America sermones erant. Certe bellum finire cupientium intererat ne spes istæ nimium in animos penetrarent. Nec difficile cœpto moram injicere urbium æmulatu, certatum navium instructionem ad se trahentium, quibusdam & intercedentibus ne satis ex America petendi libertas ulla lege includeretur. Semota igitur hac deliberatione, non minus tamen pacem volentibus difficultates aliæ obversabantur. Nam ut certa esset maxime hostium voluntas, rectores tamen civita-

tum foederatarum haud pauci, accepta ab Arau-  
 sionensis temporibus sententia, ipsum pacis no-  
 men exhorrescebant. Multum huic persuasio-  
 ni decessurum apparebat, si palam profiteretur  
 hostis, contentum se ea pace, qua non recu-  
 peraret amissum bello imperium. Nam quod  
 olim spem conciliationis abrumpere pars ha-  
 bita esset prudentiae, causam fuisse non aliam,  
 quam quod pax sola speraretur, quae secum  
 dominum traheret. Contra & ad securitatem,  
 & ad gloriam reipublicae pertinere, si liber-  
 tatis suae confessionem hosti exprimeret. Sed  
 bello strepente, & novis quotidie irarum cau-  
 sis, seu victoria feroces, seu clades aliqua ul-  
 tionis cupidos redderet, rationes quae pro pa-  
 ce facerent expendere non posse occupatos af-  
 fectibus animos. Sin aliqua armis remissio da-  
 reretur, non defuturos paci fautores, quae alias  
 etiam per se grata Batavorum praecipue inge-  
 niis ad mercaturam factis conveniret: tum qui  
 proxime hostem essent populi haud facile passu-  
 ros, gustatis semel otii bonis, retro se in arma  
 ferri. Initium tantae rei invenire arduum, ea  
 in republica, in qua magni nihil nisi consultis  
 nationibus, atque etiam ad urbes singulas facta  
 relatione geri consuesset: quem circuitum res  
 ista magnis haud dubie dissensionibus impli-  
 canda non ferebat. Qui in confesso erant Or-  
 dinum Foederatorum suscepturi in se non erant  
 tam subitae mutationis invidiam, ni Mauritius  
 & belli dux, & genere & meritis inclitus, tem-  
 porariae pactioni magnus auctor accederet. Ille  
 vero, quantum vix ante quisquam nomen ad-  
 eptus bello, nec spernens amplissimam gloriae  
 materiam, secum quoque sentiens, omnem cum  
 Hispa-

Hispano pacem fraudibus misceri, ab Oldenbarneveldio tamen, cujus præcipue providentia, & triginta annorum fide suffulta auctoritas pacis consilia sustinebat, persuadetur, ne cum hoste colloquia incipi nolle. Quippe sedere Britannum tanti belli otiosum spectatorem: Gallum vero affectare societate majora: nec obscura ejus rei indicia. Si Ordines Foederati ad pacem viam sibi quoque patere ostenderent, illos qui referre sua existimarent, ut bello Batavico vires Hispaniæ eliderentur, adduci posse ut auxilia certa, nec in nomen euntia promitterent. Wittenhorstius igitur & Gevardus acceptis jam ab Alberto & Isabella litteris, quæ verbis fidem facerent, in conventum Foederatorum Ordinum admissi, quæ privatim ante dixerant, publice commemorant, laudantes pacis commoda præ belli incertis. Sed quia legati juris Archiducum mentionem fecerant, visum est Ordinibus respondere, in aperto esse omnibus quæ notæ res Belgarum, ne specie quidem juris ulla archiduces adversum Foederatos populos juvari, nisi si quod jus ex victoria speraretur. Enimvero, cum jam olim plurimæ nationes, post firmatam decreto inviolabili libertatem, unum in corpus coissent, optimo jure sese abducta ab eo corpore membra armis repetere, cujus causæ æquitatem reges, & principes maximos ictis secum foederibus comprobasse. Quare perstare se omnes in ea, quam imperatori nuper indicassent sententia, tutam, piam, honestamque pacem cum illis esse non posse, qui sanctissimum decreti auctoritatem vano abjudicati juris obtentu infringere. Belli mala utramcunque in partem cade-



rent, imputanda his, qui aliena improbe impererent, non qui sua fortiter tutarentur. Digressus hoc cum responso Wittenhorstius, scripsit deinde Ordinibus, compertum sibi archiducibus hoc esse animo ut paciscendo quicquam proficere non cuperent, mansura cuncta quo tum essent loco. Sed aptior promovendo negotio visus inter Franciscani instituti monachos suæ gentis princeps Franciscus Naia natus Antverpiæ, sed ortu Zelandus, patre genitus qui Arau-  
tionensem Principem sectatus quondam fuerat, ipse lingua promptus, & quanquam haud ignarus aulæ, nam & Hispaniam viderat, & Bruxellæ magnis negotiis immixtus vixerat, apertum quale Belgis ingenium præferens, ut dolum haud facile suspicaveris, vitæ etiam professione adversus pudorem munitus, nec repulsæ nec contumeliæ admodum metuens. Hic Bruxella missus, Riswici primum (proximus Hagæ vicus est) delituit, per consocios explorans, quæ maximæ difficultates cœpto obstar-  
rent: inde perductus ad principem convenientia Wittenhorstii literis exponit: edoctusque spem esse nullam inchoandi colloqui, nisi prius simpliciter archiduces Fœderatorum libertatem agnoscerent, Bruxellam reversus mox literas affert Alberto Isabellæque signatas tertio Eidus Martias in hanc sententiam: Pertælos se  
cruenti Martis paratosque cum Ordinibus Fœderatis, ut cum populis liberis, quos ipsi tales haberent, & in quos nihil juris arrogarent sibi, pacem facere sempiternam, aut, si ita mallent, in annos duodecim, quindecim, viginti inducias pacisci, aut arma suspendere æquis legibus, quibus & fidens securitas & populorum  
com-

commercia munirentur, hac quoque inter cæteras, uti tum possidebatur, ita deinceps possideretur, nisi permutare oppida aut regiones aliquas communis utilitas iuassisset. Missuros se esse ad colloquium legatos, gente Belgas: totidem alii ab Ordinibus mitterentur: tempus se locumque conventus ipsorum arbitrio permittere. Hæc quo rectius procederent, placere sibi, si ipsis idem videretur, octo in menses terra marique tam apud Belgas quam apud Hispanos cunctis hostilibus abstineri. De colloquio sententiam suam Ordines ante Calendas Septembres explicarent. Non poterat Batavis displicere ductus iste literarum quem paulo minus ipsi præscripserant, mutatis, quæ prior formula ab eodem Naia oblata ingratiore continebat: qualia erant, ut inducius quidem retineret quisque possessa, pace autem ea demum quæ retineri convenisset. Item ut Indiæ navigatu abstineret Batavus. Sed quando mari omnino, terra autem equestribus copiis valentiores se judicabant, non ultra ipsis placuit armorum usum octo in menses inhibere, quam ne obsidere aut capere urbes, aut regiones invadere, neu novas struere munitiones interim liceret. Additum, ut rex Hispaniæ tertium intra mensem rata faceret archiducum pacta, repetita eadem libertatis Bataviæ agnitione. Promisit Naia, ante diem octavum Calendas Maji, effecturum se ut ista conventa Alberto atque Isabellæ signarentur, dum idem Ordines facerent. Rem sane improvisam, quo favorabilius ipsum etiam vulgus acciperet, e re visum Ordinum conventui ad nationes singulas scribere: quod bene verteret, de principis senatusque sententia,

tia, acceptam sibi conditionem, quam Albertus atque Isabella, de cessatione armorum tulissent, ut vacuum haberent cum Galliaë Britanniaëque regibus ac principibus aliis, deinde apud sese dispiciendi quid de cætero opus factu foret. Superesse ut Deo immortalī cuncti gratias agerent, quod & bellum secundasset hactenus, & nunc hostium animos flexisset ad veri confessionem. Sed dicta suppliciorum die, cum jam vulgato rumore crescere studia inciperent, divinarum rerum interpretes, ut cuique animus, in laudem pacis, aut in odium adversarum partium orationem vertebant. Circiter octavum Calendas Maii Ordines, eorum quæ nuper convenerant, signatas a se tabulas Antverpiam misere, ferente Diderico Verdufio. Naia primo scriptum uti Hagæ exaratum fuerat protulit, addita duntaxat archiducum ratum hoc esse iubentium manu. Sed Verdufio instrumentum poscenti augustius & par suo paruit Naia, statimque tale Bruxella attulit, & Verdufio aureum torquem, simul orans, quia in pactione illa dubia interpretationis nonnulla continerentur, se cum ipso una redire ad consulendos Ordines pateretur. Albertus sane adeo a se hostile nihil incipi volebat, ut plane extra conventa præfectis ediceret, præsidium militem continerent, nautasque & piscatores cunctos Dunkerkæ captivos libertate donaret. Verdufius cum de Naiaë postulatione ad proceres scripsisset, nec certi quicquam responderetur, non vetitum pro permissio accipiens, illo comite Haggam redit. Iam illos, qui primis de pace sermonibus non intercesserant, metuentes ne res fingi credita in verum abiret, poenitere silentii sui

fui cœperat : itaque alii rogare , quo decreto monachus hostili solo pedem inferret : alii Ver-  
dusium accusare , quod privato consilio rem  
tantam suscepisset : plane ut appareret non fa-  
cile impetraturum fuisse Naïam , quod auden-  
do sibi concesserat. Quæ dum his in partibus  
aguntur , clara interim Batavis parta mari vi-  
ctoria , cupidiores pacis hostem , ipsos in bel-  
lum flagrantiores reddidit. Cum anno prox-  
ime præterito sequius ad Hispaniam bellatum  
foret , non sine aliqua labe veteris gloriæ nava-  
lis , classem aliam eodem mitti placuerat , tum  
recuperandæ famæ , tum Indicanæ societatis  
acri rogatu , metuentis ne suas in naves vis tota  
Hispaniæ irrueret. Eligitur dux maris peritus  
Iacobus Hemskerkius Wilhelmo quondam Ba-  
rentio ejus itineris comes , quo in Septentrio-  
nis secreta penitus inquiri asperrima fortuna  
vetuit , bis præterea ad Indos profectus , unde  
opulentissimam nuper navem nuper bello ca-  
ptam adduxerat. Viginti & sex naves ei attri-  
butæ , bello paratæ , quatuor aliæ ferendis com-  
meatibus , cum mandato faceret , quod usu facto  
videretur. Nec dubitabat ipse promittere , fu-  
turum , ut mortuo seu superstiti gratias sibi pa-  
tria ageret : quantaque fiducia plenus iverit ,  
hinc quoque intelligi potest , quod stipendium  
aliud noluit , quam partem octavam ejus de-  
mum prædæ , quæ quingenta florenorum mil-  
lia excederet. Erat omnino non tam pecuniæ ,  
quæ ipsi supererat , quam gloriæ avidus , hoc  
quoque studium nulla sui jactantia prodens ,  
quippe civilem in vultum habitumque compo-  
situs alte absconderat animum militarem. Vere  
inchoato , paulo antequam prima inter archi-  
duces

duces atque Ordines pactio fieret, in mare profectus, ubi ad Hispaniæ oras pervenit, Tagi ostia invehi constituit, ut nobilissimam urbium Vlissiponem testem haberet suarum virtutum. Sed per exploratores quos mercatorum specie miserat, perque obvias Gallorum ac Britan-  
 norum naves edoctus, quæ illic fuerant naves plerasque ad Indos abiisse, & quæ secuturæ essent imparatas adhuc, cæterum egregiam Hispanorum classem Calpetano sinu se tenere, quæ naves Batavorum interno ex mari in Oceanum transeuntes ipso in freto exciperet, illuc vela dirigit, ut venti jusserant, modo Mauritaniam, inodo Hispaniam propius adnavigans. Nam primas Atlantici Oceani in terras se insinuantis angustias montes duo præalti cohibent, Mauritanix Abila, Hispaniæ Calpe. Fabulosa antiquitas unum olim fuisse montem (& est sane si fretum excipias velut perpetua jugi facies) sed diremtum Herculis labore tradidit, ut quod mole sua submovebat pelagus admitteret: unde Herculis columnas dici abruptorum collium ultima. Calpe vetus vocabulum mansit, donec victor Arabs sua rebus nomina imposuit. Quo enim tempore Saraceni novitati Mahumeticæ superstitionis arma adjunxere, primus regulorum Africam tenentium Moses, Nuziris filius e gente Maravadinarum, in Hispaniam trajecit comite Tarica Abdallæ filio, qui crematis navibus, ne se miles desereret, cum se Calpen intra commisisset, Gibaltaricam locum appellavit, quo Mons Taricæ Arabum lingua significatur: quod nunc corruptius Hispani Gibraltaram pronuntiant. Ita montem, ita urbem vocant Carteiam olim montis

tis radicibus adsitam, qua ille, se theatri in speciem cavans, sinum navibus facit, cujus cornu alterum, quod Atlanticum in mare prominet, arce insidetur. Hoc inter editissimæ rupis brachia tuto maris recessu, propinquo urbis arcisque præsidio, classis Hispana anchoras defixerat. Galeones erant novem, quarum quæ maxima præfectum Iohannem Alvarem Avilam ferebat: bellicæ aliæ naves quatuor: tum Lubecensis una ingens, & quatuor Gallicæ privatorum, sed in usus publicos ad tempus assumptæ: Batavicæ præterea mercatorum tres captæ bello. Machinarum nautarumque vis magna, multum & classarii militis, auctumque voluntaria nobilium manu, qui, simul Gadibus ac Luciferi fano conspectas hostium naves nuntiabatur, fidei in regem virtutisque ostentandæ crebri confluerant. Septingenti in prætoria erant milites. ab hac altera paulo minus quingentos habebat. Ingressus jam fretum nec procul Calpetano sinu Hemskerkius, vocatis in consilium navium ducibus, qua de causa huc ventum sit, scitis, inquit, commilitones. Clara patribus nostris parta mari decora, sed domi. Populati sunt insulas, clausere portus, fortuito concurrerunt alii. Primi omnium regiam classem & in ipso Hispaniæ limine oppugnatum ultro venimus, ostensuri gentibus quam falso hostis in illa superbissima titulorum serie Oceanum sibi ascribat. Non potuit ad gloriam optari locus illustrior. Spectanda Deus Batavorum robora statuit in ipso Europæ Africæque confinio. Hinc hostes ipsos habebimus certissimos virtutis nostræ suis claudibus testes: altero in littore Turcæ Maurique

sunt, quibus vix auditi hactenus innotescere, nisi permagno facinore non debemus. Sumite modo eos animos quos Berga olim, quos Middelburgum, quos Frisici maris sinus videre. Eadem vostoto orbe fortuna sequitur. Difficile est nobis mari non vincere. Nec quenquam hostilium navium magnitudo terreat. Quin illa ipsa moles, verti agique inhabilis & ad vulnera patens exitio erit. Illud vero vel præcipuum, quod apud nos nautæ pugnant, apud illos milites, quos ego mihi videre videor, ut sunt delicati, sentinæ odore ac iactatione fluctuum prope exanimis in vertiginem dari. Nihil a quoquam posco, nisi cuius ipse daturus sum exemplum. Tu mecum, Lamberte, in prætoriam invehere. Quæ ab hac secunda est vestras Brassi atque Alterasi manus sentiant. Cæteras cæteri aggredimini. Bini singulas. Leviores navium circumvectabuntur, quo fugam hostium impedian. Sed ubi cœperit prælium, mementote vos navibus depugnare, captos omnes cæsosque ni vincitis. Expediamus procerum super re summa ancipites curas. Aut hic dies ingens auspiciu dabit in bella redeuntibus, aut faciet ut pacem Hispanus serio velit. Tum ponere an retinere arma rectius deliberet victor Batavus. Felices nos interim famæ, seu maritimi triumphu hinc numerari incipient, sive inter pacis causas nos quoque censëbimur, & quadraginta prope annorum bellum nobili ad posteros sine claudemus. Hæc ille dicens non verbis magis quam oculis vultuque toto centuriones commoverat, qui large operam pollicentes, ipsi insuper sese priscis ac recentibus Hispanicæ crudelitatis exem-

exemplis in ultionem stimulabant. Ita circumlato poculo ac renovata sacramenti fide disceditur. Præfectus Avilas ut recto in se cursu ferri vidit tanto suis minora navigia, captivum quem secum habebat Batavum solvi jubet, & quid illis animi esse crederet interrogat. Ille vero, aut nostros non novi, inquit, aut isti jam tibi in prælium aderunt. Ridebat Hispanus, indignum putans, si vel tota hostium classis una cum prætoria sua compararetur. At cum jam illa propius accederet, coactus, quod verum erat, credere, prætoriam suam, quæ forte jacebat exterior, præcis anchoris, propius urbem reduxit, ut prælii fortuna in aliis navibus prætentaretur. Nec eo tamen minus propositi tenax Hemskerkius prætervectus cæteras unam illam petit, ac primum voce edicit prædam omnem capientium fore, præmiumque insuper ei qui hostium aplustre detraheret. Tela nisi e contiguo initti vetuerat, quo major est subitis terror. Itaque prævertit Hispanus, sed levi noxa. Modico intercedente spatio, incipit e prora jaculari Hemskerkius, statimque impactus hosti juxta anchoram figit. Stabat media nave conspicuus, cum machinarum jactum repente Hispano globus forte interempto alio, crus ipsi lævum abrumpit sternitque armis gravem. Sentiebat adeste mortem, itaque Deum precatus exeuntem ut animum propitius exciperet, hortatur adstantes, ne segnius rem gerant, quærendum in hostis clade amissi ducis solatium. Celata a centurione Nerhoevio mors præfecti, non nisi commisso prælio in classem manavit. Idem operam dedit, ut dextri lateris machinæ disploderentur. Hispanus jam consunto



tormentorū usu tuborum missilibus ingruēbat, sed Batavorum contra nitentium certiores ictus, quanto densior hostis constiterat. Lambertus, ut jussū erat, insequens, principio puppi Avilæ ferit, inde lateri se & ipse applicat. Acris oritur pugna, fumique nebulæ cuncta involventes. Die plus medio imaginem exhibebant nocturni certaminis. Reliqua prælii casu, non ex præscripto regebantur. Nam cum Zelandus Alterasius secundam a Prætoria sibi destinatam aggredi cunctaretur, tres eam alii invasere, mox & quartus accessit. Quæ ubi affliduo globorum jactu flammam conceperat, jamque ad oppugnantes periculum penetrabat, retrahunt se Batavi ac vela eodem ardore correpta restinguunt. At Hispani pavore attoniti, projecta navis cura, postquam cuncta carina tenus adederat incendium, in mare præcipientes hostium quoque telis impetiti, mortem morte mutabant. Aliam Galeonem centurio Batavus Henricus Longus calidius oppugnans globo interimitur, sed & illa gliscentibus telis funditus exarsit. Rursum alia ejusdem magnitudinis rupta compage aquas hauriens onere pressa subedit. Ceteræ Hispanorum, nonnullæ & Batavorum naves, non ausæ inter se manu periculum facere, eminus cernebant, promiscuo ferme in hostes ac socios malo. Carteiani quoque ex oppido arceque jaculabantur. Sed repentina vis Hispanos perculit egregia navi suomet pulvere disjecta, hostes sive ipsi ignem indiderant. Postquam horrendus fragor sinu omni intonuerat, laceræ navis reliquæ ardentes proximas navium, illæ vicissim alias in idem exitum traxere. Quæ supererant, priusquam

ad

ad ipsas quoque pestis penetraret, abscissis funibus, littori incurrunt. Sola pugnae exitum praetoria morabatur, duas in naves fortiter dimicans, donec tertia supervenit. Tum vero abrupto aplustri una animi conciderunt, penitusque ingressis victoribus caedes magis orta quam praelium. Catervae totae Hispanorum ut pariter in fluctus desilierant, spe enatandi glandibus hastisque fodiebantur: nec ullam in sinus partem defigi visus poterat, ubi non tristis mortuorum aut morientium facies occurreret. Non multum Hemskerkio supervixerat Avilas, maritimi imperii vetus, quippe Iohanni quondam Austriaco in Naupactum praelium comes. Inter chartas ejus Philippi mandata reperiebantur atrocia non in Batavos modo, sed in omnes qui Batavis commodi re aliqua fuissent. Galli, quorum arreptas naves Hispanus fuga deseruerat, receptum ad victores tutum habuere. Servati & captivi, qui rara felicitate, missum a centurione Hispano militem qui ipsos trucidaret, globo interceptum, mox alterum eadem mandata exsecuturum simili letho periiisse, postremo vincula sua incidente telo disrupta memorabant. Quieta post praelium nocte, mane sequenti apparuit Praetoriam Hispanorum, quam Batavi coepisse satis habentes custodire neglexerant, integram fluitare, paucis vectoribus, qui grassante victoris ira in latebras abditi, inde prorepserant, sed his in oppidum elapsis, Calpetani ultro navem, ne praeda hostium fieret, incendunt. Biduum ipsum Batava classis praelii in loco mansit ostentui quam usui habens victoriam. Cernebantur armati per littus discurrere: contra collectis sarcinis

cinis fugam struere oppidani. Pavorem cuncta præferebant : similes nuntii Gadibus afferbantur : magna Hemskerkio , si vixisset , audendi materia. Nunc sua cum ipso consilia considerant. Tituanum, urbs Mauritaniæ haud vetus ad montis Atlantis radices mari fretum extra incumbens, Turcæ paret. Huc se Batavi recipiunt navium reparandarum, ægrorumque causa, quos habebant sexaginta, centum fere alius in prælio desideratis. Præfectus urbis Hispano infensæ excepit multa cum gratulatione victores, donisque percoluit. Etiam pedestre auxilium offerebat, si Septum, ejusdem oræ oppidum, sed interius paulo situm possessumque Hispano, adoriri placeret. Verum illi prædæ quam belli cupidiores, ita comparant inter se, ut pars maxima Lusitaniæ littus legaret, Azores alii, rursus alii Fortunatas peterent insulas, quidam & Antabrum circa promontorium vagarentur. Naves duæ, ex his quæ comineatas tulerant, missæ in Hollandiam, quæ saucios ipsumque Hemskerkii corpus unguentis medicatum perferrent. Prælii ad Calpen quod v i i Calendas Maii commissum est nondum fama ad Batavos venerat, dubium an citis nuntiis ex Hispania in Brabantiam perlata, cum Naia Hagæ tum agens v. Eidus Maii conventum petit, Ordinibusque exponit, nuper se ipsis postulantibus, cum ejus rei mandata haberet nulla, pollicitum curaturos archiduces ut sua pacta rex Hispaniæ rata haberet. Archiduces cum defugere auctoritatem possent, pacis studio, idem pollicendo, fidem ipsius liberasse. Æquum nunc ut sicut illi principes optima fide nihil omitterent, quod ad sarcendam con-

cordiam faceret, ita vicissim Ordines cuncta huic instituto adversantia amoverent, revocarentque classem, quam infestandæ Hispaniæ miserant. Orabat præterea explicari clarioribus verbis, quæ de non ponendis castris, invadendisque regionibus obscurius nuper convenissent. Ac quando intra calendas Septembres evenire multa possent, quæ archiducum nomine nuntianda Ordinibus forent, fidei publicæ codicillos poscebat, queis tutus ultro citroque cominearet. Iam negotii quod in manibus erat magnitudo cunctorum animos adverterat. Ac missi, qui concilio adessent, cujusque nationis præcipui adventabant: eoque difficilius ac tardius consultabatur. Inprimis de revocanda classe dubitatum, nonnullis jam rei ad Calpen bene gestæ rumoribus. Erant qui insistendum dicerent fortunæ faventi, nec, nisi inter pugnandum, audiendos de pace sermones. Alii non verbis modo, sed reipsa ostendendum, non alienos sibi animos a vera pace, quæ, si non coalesceret, patitura tunc quoque maria, concordessetque omnes resumpturos arma, non veterum modo injuriarum, sed & illius pacis ulticia. Fermeque evenit, ut & qui otium cuperent Hispanum præstando securiorem, & qui id ipsum nollent, dum metum hosti, & querendæ pacis causas intendunt, sua ipsi consilia frustrarentur. Inter hæc e Gallia legati adveniunt: princeps erat Petrus Ianinus, pars quondam magna Lotharingici foederis, sed cum duce Meduano in obsequium Regis transgressus, ex eo claris fidei nec minoribus prudentiæ experimentis rerum maximarum minister, & consilii auctoritate inter primos habebatur,

batur, super rerum tractandarum peritiam legumque cognitionem incoctum cunctis bonis artibus ingenium. Vultus autem sermonisque adeo potens, ut cum maxime abderet sensus apertissimus videretur. Huic aderant Buzenvallius, apud Ordines regius antehac orator, & qui iussus erat hanc in dignitatem Buzenvallio succedere, Elias Placius Ruffiacus. Indignius rex ferebat, ita paucis consciis se inconsulto jacta ejus rei fundamenta, quam, nisi se arbitro, incipi non debuisse pro sua magnitudine, suisque in Batavos beneficiis judicabat. Legati igitur dato ipsis consilio multa de Regis in hanc rempublicam meritis præfati, statim ad querelas transeunt, primum graviter in illos inveci, qui Regem cupiti in ipsos imperii suspitione perstrinxerant. Deinde quæd cum hoste colloquiis hucusque se immerisissent, clam Regem, factum id quoque minus grate. Illum tamen quam non inorose amicitias exerceat nunc quoque ostendere, missa in hoc legatione ut aut arma retinentibus auxilio se futurum demonstraret, aut si pax placeat, auctoritate sua, æquam in præsens, in posterum stabilem reddat. Lecti e Foederatorum conventu qui legatis coram ærarii vires pacisque rationes expenderent. Ac ne Galli auctoritas alios Baravis necessarios offenderet, placuit & reges Britannix ac Daniæ, cum Palatinum ac Brandenburgicum principes interpellari, ut res ambiguas suis quoque consiliis adjuvarent. Super Naix postulatis diu altercato, vicit sententia ut revocaretur ab Hispania Classis, simul Philippus archiducum pacta firmasset: interim nec novæ illuc naves, nec commeatus mitterentur. Vicino autem pelago

go quod Freto Morinorum clauditur jam tunc arma quiescerent, hac tamen lege ut Flandriæ portubus exire nonnisi piscatores permetterentur. Acceptis autem Philippi tabulis, vacaret insuper bello quicquid Oceani Galliam Hispaniamque præfuit Gadium tenns, & a Gadibus omne internum mare. Sed & terrestri otio propius consultum. Et Fœderati securitatem suam claris terminis Amasio, Vidro, Isala, Rheno, Vahali & infra Graviam Mosa magnisque ostiis sepsere. Archiducum ex parte annes obscuriores Demmera & Geta Brabantix, Leia ac Manda Flandriæ limites facti. Ultra jacentia permissa bello, exceptis duntaxat urbibus castellisque: sic tamen ut milites ipsos inter se tam mari quam terra nulli fines tuerentur. Priusquam discederet Naia, quam non frustra in Batavis moras neçteret apparuit. Hagæ illi manere nondum concessum, occupatis haud inani suspicione Ordinum animis. Assignato Delphis hospitio, ingressus exitusque observabantur. Cujus ille consilii rationem facto suo comprobavit. Quippe Cornelium Arsenium Ordinum scribam arcanum ad colloquium invitat. Ille, quod res erat futurum præfagiens, principem Mauritium adit, jubeturque, si quid magni muneris offeratur, accipere, detegendis hostium insidiis. Vbi convenere, monachus facunde gratias agere, quod ipso adjutore pax initia habuisset. Nam cum primum in Batavos Naia venerat, sequestre Crausio qui Arsenium sanguine attingebat, primos apud illum invenerat aditus. Addit inde, haud sibi ignarum, quantum hoc facto Arsenius periculum adiisset, si res non ex voto  
utriusque

utriusque evenisset, invido semper ac suspicace plurimum imperio. Cupidum hunc Belgicæ concordie animum diligere ac grate æstimare archiduces, durosque olim majora, nunc domum ipsi reddere, quam Bruxellæ habuisset. Marchionem Spinolam eorundem votorum participem, si aut pax, aut novem annis induciæ convenissent, quinquaginta ipsi scutatorum millia polliceri. Horum millia quindecim ubi vellet repræsentaturum, aderatque manu ipsius Spinolæ signata cautio. Suo deinde Naia nomine uxori Arsenii donabat lapidem adamantem non vulgaris pretii. Arsenius de dono gratias agens, quam etiam sibi ex urbis Bruxellæ, quo tempore dedita erat, pactione deberi existimaret, cætera aliquamdiu recusans, ut fidei suæ gravia, tandem & gemmam & syngrapham accipit, remque principi & principe auctore procerum paucis renuntiat. Princeps ad tempus rem clam habendam ratus, munus custodiam abnuebat. Mox de recipiendis quindecim millibus sollicitatus, novis Naiæ literis Arsenius, verensque ne anceps arcanum in peius erumperet, omnem rei ordinem concilio pandit. Visum Patribus chartam simul atque adamantem apud communis ærarii præfectum Georgium Debiæum notæ fidei virum servari. Nec tamen plebis odium vitavit Arsenius, quæ sinisterius acceptum rumorem interpretando accendebat, ita ut necessarium crediderit sævienti famæ libello occurrere. Sub hoc tempus pervenit Amstellodamum Hemskerkii corpus, multa gratulatione nec minore luctu exceptum: quia idem victoriæ auctor, ita magnum amissus patriæ damnum credebatur.

tur. Funus ac monumentum primo omnium publicitus data, cum inscriptione quæ res ipsi patratas magno verborum honore testaretur. Ad Regem Britanniarum, cupientem rei Batavæ statum propius noscere, missi Iohannes Berkius magistratum Dordrechtanorum adfessor, & Iacobus Maleræus Zelandiæ in conventu principem obtinens locum, præsentibus ipsi reipublicæ vires oneraque exponunt, & quantum ærario deesse princeps ac Senatus iudicassent ut bellum bona cum spe gereretur. Excepti comiter, promisitque Iacobus rem sociorum sibi curæ fore. Satis hic intelligebat Batavorum armis suam quietem ac maxime Hiberniam defendi. Sed haud minus videbat quam non idoneus esset belli suasor, qui pecuniam cuius id bellum maxime egebat, nec contulerat antehac, nec habebat unde conferret. Missi ab eo haud multo post Hagam venire Ricardus Spenserus, memorata Anglicis Annalibus domo, & Rudolfus Winwodus tum Britannia rediens, alioquin perpetuus apud Ordines regis sui legatus. Spinola interim datis ad Ordines literis, firmata regi Hispano archiducum pacta memorat: comneatum Ludovico Verreikio poscit, Alberti scribæ, qui instrumentum ferret, aliaque ad rem facientia exponeret. Sed is ubi venit, apparuere Hispanicæ artes. Non enim iusti foederis in morem intexta pactorum verba auctoritate regia muniebantur, sed chartæ vulgares Gallico sermone, quo & Belgarum principes usi soliti, octavo Maii ipsisque Iunii Calendis conventa præferebant, quæ subscriptione sua Rex & quidem ejusmodi, quæ ad subditos uti solebat, hæc-

aus



nus firmabat, ut ratam fore armorum intermissionem promitteret, Albertum atque Isabel-  
lam principes dominosque Belgicæ appellans,  
nullo interim verbo, quo uti postulatum, liber-  
tatem Ordinum & ipse agnosceret. *Quin* in  
ipsa priore Alberti pactione, omissæ erant vo-  
ces quibus libertas affirmabatur. Scriptoris in-  
curiam vocabat Verreikius, ridiculo colore.  
Objectum id sibi cum Bruxellam significasset,  
nihil archiduces, tantum Iohannes Ricardotus  
interioris consilii princeps respondit, non  
recte captari verba, cum nullam pactorum par-  
tem rejiciens Philippus cuncta probasse cense-  
deret. Ac quamquam testari possent Archidu-  
ces cuncta sibi quæ promississent, implera, quo  
magis tamen ipsorum benignitas spectaretur, in  
Hispaniam missuros, emendandis quæ argue-  
bantur: dum ne differrent Ordines classem  
ab Hispania tollere, ne qui pacem cordi esse  
profiterentur, dicta factis refellerent. Hic vero  
nova Fœderatorum certamina, multis indi-  
gnantibus, palam se illudi ab Hispano, qui li-  
bertatem velandis insidiis ostentasset tantum, at  
nunc fraudium manifestus arma ipsis excutere  
id unum moliretur. Et audiebatur hostis tum  
in Hispania tum in Flandria classem parare,  
incertum quo erupturam. Aderant his Gallicæ  
legati, paci etiam tunc infestiores, qui comper-  
tum sibi prædicabant Hispani ingenium, officio-  
si nunquam, nisi dum malo cogeretur. Sed vix  
integrum sibi fecerant hac super re consultare,  
qui jam ante receperant nec comineatus se nec  
subsidia missuros classi, cui hoc ipso, quovis im-  
perio fortior redeundi necessitas imponebatur.  
Igitur huc ventum est, ut Ordinum nomine  
Olden-

Oldenbarneveldius responderet, non congruere promissis allatas ex Hispania paginas. Itaque Ordines aliter verba concepisse Latino Gallicoque sermone, quæ imitanda regi essent intra sesquimestre tempus, si ultra colloquium speraret, simul exemplum tradebat. Et quoniam mora inde accidisset, prorogandum Ordinibus deliberandi spatium post novæ confirmationis tabulas, quantum ab præsentis tempore ad Calendas Septembres interesset. Datum tamen honori archiducum, quibus invitis peccatum ista in parte viderent, ut classis revocaretur, & ne post sesquimenssem ex eo die capta in prædam cederent. Regis tamen literas servaturos sese, dum meliores afferrentur, in hoc duntaxat, ut de armorum vacatione constaret. Neque interim, inquit, mirari satis possumus, si ex fide res agitur, quo largitiones istæ pertineant. En adamas, en torques, en Spinolæ manus, (& singula proferebantur.) hæc adeo in donantibus non suspecta esse non possunt, ut etiam qui jussu publico accipere, immerita apud populum invidia laborarent. Ne quid erretis, non hic ut in regnis duotresve cuncta pro nutu versant, cætera servientium turba est. Vicibus regimus regimurque. Et hoc tantum concilium, hic senatus si non satis munita adversum donationes vestras videntur, numerum augebimus. Refer ad dominum dona, quæ nec pro pace dare opus est, & summum sit nefas accipere contra libertatem. Deprehensus inopinato Verreikius quod diceret non habuit, nisi si quid tale factum, archiducum injussu contigisse. nec mirum adeo, si monachi, avarum imprimis hominum genus, alios ex se æstimarent. Iam præfinitum sesquimensis tem-

pus exierat, & advocata erat ab Hispania claf-  
 fis, cum impetrato comiteu pariter adfunt  
 Naia ac Verreikius, atque aliud ex Hispania  
 fcriptum proferunt. Verba ferne ut concepta  
 Ordinibus fuerant. Hoc intererat, quod quo lo-  
 co paratum fe profitebatur ut cum liberis popu-  
 lis agere, in quos nihil fibi vindicaret, addebat  
 Philippus, id fe afferere tum implendæ Archi-  
 ducum fidei, tum muniendo pacis aut longarum  
 induciarum foederi, de quo ubi conveniffet, cæ-  
 tera, quæ ad ejus fânctionem defiderari poffent,  
 abunde præftiturum. Agendum autem eo in fœ-  
 dere, tum de aliis partium postulatis, tum de re-  
 ligionis negotio. Quod ni cõiffet, tum nihilo  
 per fcriptum iftud deterius jus fuum fore, fed  
 cuncta partibus integra manfura. Curiofiores  
 notabant rem tantam non faltem ad diuturni-  
 tatem membrana dignatam, fed papyro com-  
 miffam fatis indiligenter. Néc fubfcriptum ut  
 ad æquales, Philippi nomen, fed Regis, qui mos  
 ipfi ad fubditos. Prior Naia odium, quod præ-  
 fentiebatur, verbis mollire aggreditur, narrans  
 femet, ut cui optime cognita & archiducum  
 & Ordinum in pacem voluntas, iviffe in Hispa-  
 niam, & quo res partium in loco, quam neceffa-  
 ria Belgis quies, docuiffe regem. Ibi rem in con-  
 filium miffam, quo firmiora & diuturniora  
 effent quæ agerentur: nec rex tantum, qui mor-  
 talis, fed regnum ipfum, quod immortale, pa-  
 ctis illigaretur. Teftari fe optima fide, cupidum  
 pacis regem, ire ad eam recta ac fimplici via:  
 ideo mentem fuam clare fcripto explicaffe, ab-  
 diturum fensus fi fallere voluiffet. Post hunc Ver-  
 reikius, multum laudata Archiducum fide, quod  
 non Latine aut Gallice, fed Hispanice concepta  
 effent

essent a Philippo verba excusabat. hoc illum sermone Principes Christianos, hoc populos liberos affari, nec æquum sibi hanc eripi libertatem, qui Ordinibus, qua vellent lingua loquentibus, credidisset. Incipiebant magis magisque inter Fœderatos exardescere diversa sentientium studia, suspectante colloquia principe, Zelandis quoque & nonnullis Hollandiæ urbibus uberiorem bello questum, quam pace sperantibus. Igitur etiam sedatis animis & idem volentibus displicitura tanto infestius excipiebatur. Quippe libertatis confessionem, quo solo pretio occupati audire cœpissent periculosos de pace sermones, deduci in irritum, parumque id visum, ni Romanensium quoque factio, spe hostilis beneficii a republica avelleretur. Naia tamen & Verreikius monstrato quid in Hispanico scripto Ordines desiderarent, aperte professi sunt frustra futuros, si aliud exspectarent: in ipso pacis aut induciarum fœdere, si quid obscuri subesset, clarius explicandum. Tantum illis fiduciæ accesserat, perspecto magnam Fœderatorum partem belli pertasam: nec dubium Hispano quin pacisci cum singulis quam cum universis mallet. Ordines, capto principis, Galliæque & Britanniæ legatorum consilio, tandem in hanc sententiam conveniunt, ut archiducum legatis edicerent, non respondere pollicitis allatas ex Hispania literas. Postrema quin adeo verba eam videri interpretationem accipere, ut prius concessa per obliquum elideret. Liberos quippe se populos, & in quos nullum imperium Philippus, nullum archiduces vindicarent, internæ quieti sponte sua consulturos, nec in rebus suis aliena passuros arbitria. Ne ultra in colloquia pene-

trarent præbitam forte occasione. Se tamen id daturus speratae concordiae, ut nationis cujusque concilio de literis ac re tota iudicium deferrent, testati prius, nihil se libertati suae inimicum admittere. Quid visum ipsis esset, post sesquimestre tempus scituros archiduces, ut, si pacis rationes audiri placeret, decimum tum intra diem legati ipsorum, quales ipsi se missuros promiserant, Hagam adventarent, ubi & suos legatos adfore, hac sane fiducia, neque regem, neque archiduces ullam laturus conditionem, quæ ad ordinandas intus Fœderatorum res pertineret. Hagam autem Ordines conventui destinabant, ne regum legatis migrare indecorum foret, simul quia in multos sparsa potestate rectius cuncta domi consultabantur. Cum dubitarent Naia & Verreikius an hoc accepto responso regis literas penes Ordines relinquerent, an secum reportarent, Ordinibus præseferentibus haud multum se curare utrum fieret, profectus Bruxellam Naia, renuntiavit mansurum scriptum penes ipsos dum faterentur data syngrapha id sibi acceptum, eoque dato archiducum fidem liberatam: reddituros denique si fœdus coiisset. Quæ cum Fœderatis repudiarentur, consultis iterum archiducibus, Naia sine ullo stipulatu mox literas tradidit. Ad singulos populorum conventus deliberatione perlata, dubitarunt haud pauci insidiosum hostem intra ipsum imperii sinum excipere, quid aliud quam explorandis viribus animisque, & si quid usquam pretio aut armis pervium? Metuebant quoque ne qui inter ipsos pacem cuperent, velut in præceps delati, ad iniquiora conditionum sensim prolaberentur. Igitur ubi in concilium commu-

ne legati rediere, primum omnium mutuo se  
 fœdere cuncti obstringunt, velle sese si ad pacta  
 veniretur, primo capite stabiliri libertatem ver-  
 bis id ipsum aperte testantibus, quæque adhi-  
 bitis in consilium regum legatis sufficere cre-  
 derentur. Neque ullas se conditiones de sacris  
 profanisque rebus admissuros, quæ libertati  
 fraudem facerent. Contra si hostis pertende-  
 ret, monstraturos se humano generi, penes il-  
 lum stare quominus pax coalesceret, collatisque  
 viribus, & invocata faventium principum ope,  
 resuunturos arma, quibus eventum prosperum  
 causæ iustitia sponderet. Mauritius ac Zelandi  
 ultra volebant ipsa verba libertatem sancien-  
 tia jam tum concipi, mittique ad Albertum,  
 ut ni placerent, colloquio absisteret. Durior  
 aliis visa hæc sententia, quibus, audiri hostem  
 placuit. Iam novus instabat annus, eoque in-  
 eunte, exstiturum erat tempus quo armis su-  
 perfederi convenerat. nec prorogari diem Ar-  
 chiduces polcebant, expectantes ut ipsi roga-  
 rentur. Quare scribunt Ordines se fretos ar-  
 chiducum pollicitis, hoc animo quem nuper  
 Naix ac Verreikio promississent, colloquium  
 expectare. Septem se aut octo suorum huic rei  
 præposituros, si totidem ipsis aut pauciores mi-  
 ttere placeret, & tales quidem quales se missu-  
 ros jampridem receperant, cum mandato tum  
 suo Archiducum, tum Philippi regis nomine  
 conficiendi celeriter negotii. Dispicerent etiam  
 num e re iudicarent armorum vacationi men-  
 sem unum, aut sesqui superaddere. Sibi quidem  
 id placere, dum ipsis idem videretur. Quod le-  
 gatos Ordines tales esse volebant, quales futu-  
 ros archiduces receperant, id hunc habebat

sensum, ut Belgæ mitterentur. Namque id primæ archiducum literæ, quibus invitati ad pacem Ordines, clare continebant. Nec parum Batavorum intererat pacis rationes secum expendi a consanguineæ gentis priuoribus, quibus & minus fallaciæ, & communia secum vota, si non pro libertate, at contra externam dominationem. Tanto acrius archiduces alio tendebant. atque ipso ab initio rem omnem clam habuerant Belgarum proceres, donec in ipsos pariter vulgumque erumperet. Ac Naia nuper & Verreikius Hagæ cum essent, jacto sermone percunctati fuerant num passuri essent Ordines alienigenas legatos, quando non minus Hispani quam Archiducum res ageretur. Verum tunc nihii impetraverant. Hoc vero tempore Batavorum rectores, qui paci studebant, cum aut conjectarent aut secreto rescivissent futurum ut ipse belli dux Spinola & senator Hispanus mitterentur, quorum Spinolam privatis quoque de causis in pacem propendere cognoverant, neque usui judicassent factis ad concilium verbis turbare suspicaces animos, dant operam ut ad Naiam & Verreikiu scriberentur Ordinum literæ, quibus ipsos roga-  
 rent, ut se de numero ac nominibus legatorum certos facerent, quo comineatui idonea curarentur. His literis injecta schedula, non sane quasi alicujus momenti res ageretur, significans quod ipsi postulassent unumve, aut & alterum extra indigenas adhibere legationi liceret, ea in re placuisse archiducibus morem geri: nec intercedere Ordines quominus Hispanus aliquis, non tamen e præcipuis militiæ præfectis, ad colloquium veniret. In ambiguum  
 verba

verba implicabantur, ut Batavis videretur unus duntaxat peregrinus admitti, archiducēs ita interpretari possent ne duos quidem prohiberi, ac ne ipsum quidem belli ducem, qui Hispanus non esset. Indigenarum quoque appellatio produci ad Burgundos poterat, Belgis adfuit & principatu indivulsos, ne Ricardo excluderetur, quem consiliis & longo usu aulæ illius primum hoc tanto negotio haud abfore satis apparebat. Rediēte e Dania Iacobus Boulesius Amstelodamensis, Nicolaus Iacobus Simonides Hornanus, Iacobus Magnus Middelburgensis, missi illuc qui Regem salutarerent, consiliaque ejus exposcerent. Nec multo post adsunt Daniæ legati Iacobus Vlsfeldius, clari generis ac prudentiæ senator, & Jonas Charilius. Venit & a Brandenburgico principe Hieronymus Discua, & mox a Palatino Hippolytus a Collibus, clarum libris editis, obituque legationibus nomen. At Rudolfus Imperator literas misit inscriptas ad Hollandiæ Zeelandiæque & sociarum nationum Ordines, queis labores sibi patrique susceptos audiendis ipsorum querelis & quieti procurandæ commemorabat. Iam vero differri rumoribus paci ipsos cum Philippo rege atque Alberto imminere, sed velle imprimis reipublicam suam liberam pronuntiari: mirari nihil se tanta de re monitum, cum Belgica omnis imperii Germani feudum esset & portio. Viderent ergo ne quid suo injussu inchoarent quod feudi legibus prohiberetur. Visum est Ordinibus respondere nunquam id sibi cogitatum, aut Albertum fratri, aut cognato Philippum sua consilia celasse. Se alioqui non commissuros fuisse



ut ignarum incepti Cæsarem paterentur. Haud inmemores se questuum, quos iniquissimo dominatu oppressi ad imperatorem & conventus Germaniæ pertulissent, priusquam Mathias causam, regimenque susciperet, & postquam idem ille Belgica excefferat. Sed nullas inde venisse suppetias, ne id quidem oblitos. Sane mox Colonia in urbe coram imperii legatis de pace disceptatum. Sed cum hanc ipsam occasionem belli acrius gerendi hostis arriperet, coactos se morbo aliter insanabili supremum querere remedium, ut decreto publico plurimarum nationum principatum Philippo, quem juratis sub legibus acceperat, easdem ob leges multis modis violatas abdicarent. Ex eo de libertate sua jure parta, armis defensa, ne regibus quidem dubitatum. Sanguis & belli mala quam sibi displicerent sapiens se & imperatori, & his quæ avulsæ a fœdere nationes Alberto regerentur, testatos, addito tamen semper, nullum se exitum sperare, nisi præsentem statum retinente republica. Atque huc tandem Albertum, huc & Philippum devenisse, ut intactam relinquerent libertatem. quod utriusque literis doceri, quarum exempla trans mittebantur. Nunc confidere sese, futurum, ut Cæsar Germaniæque omnis pro vetere in ipsos benevolentia faveant tam piis exuendi belli conatibus. De feudo filebatur, quia & refellere odiosum, & fateri inglorium. Nec minus Philippus & Albertus, ad quos paria de suo jure imperator scripserat, responso nihil se moliri quo jus cujusquam deterius fieret, juris disputationem silentio transmiserant. Certe Geldriam utcumque Egmundani invitis imperatoribus diu tenere, veteres principes in fide ac clientela imperii

imperii habuere, qui tutores primum, dein comites, mox duces appellabantur. Trajectinos quoque pontifices, qui & Transisalanam rexerant, quibusque in profanæ ditionis jura Carolus Quintus successit, sacramentum Cæsaribus dixisse in comperto erat. At Frisii cum Transilavicanis levibus tantum tributis & armorum ope Francos primum, inde Germanos imperatores venerati, de cætero libertatem tenuere, quam & concessam sibi a Carolo Magno prædicant, firmatam ab aliis sæpius ac postremum a Sigismundo constat, septingentosque per annos mansisse mixtum ex primoribus & populo regimen, lecto interdum uno qui potestatis vocabulo vim principis perpetuam, aut præscriptum ad tempus exerceret. Conatum inde Maximilianum Cæsarem præfectos imponere Saxonum e gente, sed hos ipsos, lacerata quanquam factionibus republica, integram possessionem adipisci nequuisse, donec fessi certamine jus suum in Carolum Quintum Belgico-germaniæ principem transcriberent. Hollandiæ, cui Zelandia adhæsit, Carolus Calvus Francorum rex dedisse principem creditur, siue illi stirps Aquitana, siue indigenæ nobilitatis præcipuus fuit. Sed hujus famæ auctores tabulæ Diderico imperium ac jus concedunt hæreditarium, nulla feudalis nexus mentione: idque in ea tantum, quæ Ecclesiæ Egmondensis fuerant, pravo ejus sæculi more de rebus sacris principes ditandi. Scisso mox in Galliam Germaniamque imperio, circa Rhenum Germani prævalere. Sed diploma exstat Othonis tertii, quod comiti Hollandiæ, quæ beneficiario usu tenuerat, jure mancipii habere concedit. Bella mox imperatores inter & co-

mites, postulantes negantesque obsequium. Fuisse tamen principes qui affectandis Germaniæ studiis vasallos se imperii dixere, sed liberos, & præter reverentiam nihil debentes. Quos inter Wilhelmus fuit factus ipse Cæsar. Nec mutare Boioari, nati quippe imperatoribus, sed Burgundi, & post hos Austriaci sacramentum abnuere, repetentes ex antiquo libertatem, seu Fridericus Imperator Philippo Burgundo jus omne imperii remiserat. Maximilianus Austriacus Friderici filius, non princeps, sed pater tutorque principis, & adversum cives vi externa nitens, Hollandiam aliosque Burgundicæ ditionis populos in corpus imperii ascripsit: sed Ordines acriter resistere, ortorumque tunc moruum hoc etiam inter causas fuit. Carolo autem quinto imperium affectanti, cum Gallum veller ut externum repellere, objectum Germanis ab ipsis nihil magis Belgas ad Teutiscum imperium quam Gallos pertinere. non conferri tributa, non pareri legibus, non judicia agnosci. Sed ille ut acriter cupitum honorem conlqueretur, promisit facturum se ut certo fœdere Belgæ Germanis coalescerent, præstititque mox hætenus, ut auditis, quæ pro jure Germaniæ aut libertate Belgarum afferri poterant, Geldriam duntaxat & Trajectum feuda esse fateretur: velletque nihilominus in posterum cætera quoque Batavorum Belgarumque unam pariter efficere imperii Germanici partem, non ut judicia legesque acciperet, sed ut conferret ad publicas necessitates quantum duo principes Electores, ac vicissim in tutela esset Germaniæ, jusque haberet suffragii in conventibus, integra de cætero libertate. Hoc ex fœdere Batavi Philippi principatu

adver-

adversum Hispanorum injurias opem Germaniæ invocarunt; & Bredano colloquio ab Arau-  
 sionensi dictum Hollandiam & Zelandiam ad  
 imperium Germanicum pertinere captandæ  
 ejus gentis gratiæ, pernegantibus id Philippi le-  
 gatis. Sed coacti, nullis inde auxiliis, sibi met  
 præsidio esse, eo ex tempore aliena & ipsi onera  
 detractant. Neque novum fœdera hunc in mo-  
 dum dirimi, cum Europa fere omnis Byzantinis  
 se imperatoribus adversum barbaros indefensa,  
 subduxerit: & civitatum Italiæ libertas contra  
 imperatores eodem jure nitatur. Sed nostrum  
 non est longius ista prosequi, quos institutæ scri-  
 ptionis ordo dudum revocat. Igitur postquam  
 parta armis modum posuerant, non omisere to-  
 to anno milites, qua licebat, ultimum bellandi  
 tempus invadere. Paucos Albertus equites Lin-  
 gam ire jusserat, onustos stipendio. Forte hos in  
 itinere, agro Bentheimensi deprehendit validior  
 Batavus: & cum se Steinfurtum intra oppidum  
 recepissent, quidam insequentium una penetra-  
 verant, alios oppidani clausis portis arcebant.  
 Conferebantur intra portas manus inter captan-  
 dæ & retinendæ pecuniæ avidos. Ii qui extra  
 erant, ni portæ tam ipsis quam hostibus paterent,  
 impetum minabantur. Tum ad proximas socio-  
 rum urbes mittunt quisque auxilia rogatum. Le-  
 vique initio ingens prælium instabat. Sed op-  
 pidi cives veriti ne ipsi fierent accessio victoriæ,  
 persuasere utrisque, potius quam incerto eventu  
 in solam auri spem concurreretur, acciperent  
 tria Albertinorum millia Batavi, prædamque  
 dimitterent. Captus ab Hispano Sidnisquius  
 Graviæ præfectus dum justo securius Mosam de-  
 vehitur: occisusque Warnerus Duboisius, juri-  
 dicus

dicus militaris, Tilano in agro, dum curru fertur, & circumfuso hosti dedere se pertinacius negat. Bellantium utrique pactorum fiducia partem externi militis diuifere: prudenter Ordines: archiduces etiam necessario. Nam seditiones imminebant undique erupturæ, ni novos sumtus temporaria quiete redemissent. Ne sic quidem vitaverant malum, multis militum per agros gravi colonorum damno grassantibus: & quibus Diestæ sedes data, si stipendia differrentur, admissis aliis suum se numerum aucturos minabantur. Mox ex Hispania nonnihil pecuniæ venit: aliquid & Belgarum populi contulere. Hinc Diestanis stipendium, simulque venia data est, diditque centuriatim varias in urbes. Sic fracta consentientium vi archiduces, quod ab hoste vacabat tempus impendunt muniendæ per exemplum severius disciplinæ auctore talium Didaco Iuarra ex Hispania misso, qui ærario militiæque prospiceret. Narrant igitur edicto Diestanæ seditionis flagitia, in publicum noxas, quorum datam quidem veniam, sed non ideo inviris retinendum militem. Omnes igitur ejus culpæ participes intra diem noctemque unam jubent excedere, nec unquam in posterum pedem inferre aut archiducum, aut Hispani in terras. Manentibus redeuntibusve proposita capitis poena, & ingens præmium exsequenti. Prudentiores judicabant non ejusdem esse temporis fidem suam prædicare suspicaci Batavo, & tam callida interpretatione promissa militi, utcumque merito, eludere. Fraudari posteritatem non decet, raro Hollandicæ opulentix & adversum naturam oblectantis ingenii exemplo. Nam privati aliquot Bamestram lacum

Pur-

Purmerendæ aditum septem horarum ambitu deuerso in sex pedes fundo, exhaustire machinis quas venti versarent, & contra externam aquarum vim munire aggeribus annexi sunt & præstitere. Sane & olim Batavorum insulæ pleaque humili situ nisi improbo labore atque industria emergere non potuerunt. Nec cessavit se vindicare Oceanus oppidis agrisque per illuviem quondam obrutis, & verso fluminum cursu non alibi tantæ aquarum & terræ vices. Ex India Sibrandus Warvix rediit navibus duabus, quas Cygnea in insula (Mauritianam Batavi vocant) refecerat, nudo desertoque in solo positis cudenda ad ferramenta incudibus. Tredecim aliæ illuc remissæ duce Petro Verhoevio, qui comes nuper Hemskerkio & pars magna ad Calpen victoriæ. Trans Amasium princeps Enno post captam Spinolæ Lingam minus vereri Foederatorum vim credebatur. Nec ita dudum ferocius legatis responderat. Rapuere tempus Emdani, multa pariter accusantes, quod urbano præsidio stipendium aliaque sustentandis oneribus ad æarii curatores deferri obliquis artibus prohiberet, quod nullo concilii decreto tributa solus indiceret. quod Hispanum militem impune grassari per agros populabundum pateretur. Sed atrocissimum crimen, quod profectis in Hispaniam nautis non uniusmodi literas dedisset, sed ut quemque suarum partium, aut pro patria stare cognoverat. unde qui capti essent ac crudeliter habiti (erantque non pauci) eos tacito Principis foedere proditos arguebant. Foederati procures, cum & Christophorum & Iohannem Ennonis fratres in Transamasio solo morari cognovissent, tuendis

Emdæ suburbjjs militem misere : & ad Ennonem non legatos ultra , sed tubicinem cum literis , quibus octavum intra diem , quæ contra pacta fecerat demere jubebatur , dareque operam liberandis in Hispania captivis : ni faceret, invitos se ad arma & ipsi dolitura cogi testabantur. Ille in Britanniam misit, ambitum Regis gratiam , cui sperabat probari facile posse qualemcumque principis adversus subditos causam. Sed & Ordinibus per legatos se purgabat : præsertim de nautarum malis , quæ nulla sua perfidia accidisse , sed postquam Batavicum præsidium Emda acceperat , cunctos inde venientes in Hispania pro hostibus haberi. Ordines utrosque ad pacem monitos ita in præsens dimisere. Audita & Caroli Sueonum jam regis legatio , concessumque illi ut militem Batavorum per urbes conscriberet. Nam acrius bello instabat Livonas infestans , dum Sigismundus nova domi rebellionem atteritur. Hos præter & resurgentes Pannoniæ motus , quæta aut sine armis Europæ cætera. Venetos Pontifici Gallus conciliaverat , his legibus , ut nova in sacerdotes jura quiescerent : qui ob crimen capti fuerant , Pontifici traderentur. Ita Pontifex sacrorum interdictionem sustulit , quique hæc ob dissidia exierant, in urbem redire. Solos Iesuitas recipere Veneti pernegabant. Fidelem patriæ operam navaverat consilio scriptisque Paulus Servita , in hunc rebus jam compositis immisssi percussores , inflictis vulneribus parum ab cade abfuerant , ipsisque & qui eos emercati fuerant , Pontificius ager peragium fuit. Senatus in tutela esse publica Paulum pronuntiavit , & si quos facinoris reos tradidisset ,

ne.

necasseret, vim pecuniæ promisit, ac quo magis alliceret, jus quos velent duos alia ob crimina extorres domum revocandi. Fontano Mediolanensium præfidi cum Rhætis de finibus erat controversia, quam ille non coram arbitris, ne bello quidem indicto persequi statuerat, sed vi inopina, conscriptas Venetico motu copias in id retinens. Advertit Rhætos detecta conscriptorumque supplicio expiata proditio. Sed aperta in arma spectantes Gallus & Veneti composuere. In Germania urbem Danubiwerdā, Istro adsitā, ob tumultum in sacerdotes & sacra Romanensia proscriptam ab imperatore dux Boioarus, proavorum simul jura repetens, armis suam sub ditionem traxerat. Prostantes Germani quod antevertere neglexerant, sero post exitum accusabant, multi inter se conventibus & querelis ad imperatorem, audendo tardiores. Rex Hispaniæ, dum nulla mari hostium arma tuto receptis America atque India classibus, indicto præterea Hispaniæ tributo, in hoc erat totus, ut ingenti se ære alieno paulatim exsolveret, privatiæ fidei ut olim vim publicam miscens, creditoribus minuebat usuras, sibi prorogabat diem. Galliam nata mascula proles jam altera in spem longæ pacis evexerat. Apud Britannos adversus nobilium avaritiam agrestium orta coitio in tempore repressa est: veniaque in præsens, in futurum legibus quies munita. Ex Hibernia comites duo Tironus & Tironellus, ille rebellionē quondam notissimus, in Galliam primum, mox in Brabantiam profugi, Romanæ religionis studium exsilio suo præscribebant, quod in se injurium Rex Iacobus existimans libello vulgavit;   
nimis



miū recepto sæculi more sceleribus causam religionis obtendi. Nam quæ sacrorum cura vere barbaris, quibus conjugia ignota, cædes laudatæ, decus summum rapto vivere? Sed illos, qui dignitatem non sanguine aut meritis, sed ipsius aut Elisaberæ beneficio obtinerent, suam ingratam mentem, suæ perfidiæ conscientiam perhorrescere, quod semel condonata iterum ausi, sollicitata ad diffidium provincia, in Anglorum omnium occidionem conjurassent. nec defuisse solitæ operæ sacerdotes ac Iesuitas, præcipuos nunc talium concitores. Sed externæ potentiæ imploratis frustra auxiliis, impios conatus, nihil ipsis integrum præter fugam reliquisse.

HUGONIS GROTII  
HISTORIARUM  
DE REBUS  
BELGICIS

LIBER SEPTIMVS DECIMVS.



ADVENTVM differentibus hostium legatis, frigus hujus anni asperinum & rara inter exempla memorandum in causa, seu pars Hispanici fastus erat expectari, interim Ordines cum amicis egere, ut quid ab ipsis pace bellove sperandum esset explorarent.

CLIO IO C VIII.

Gal-

Gallorum insigne in hanc rempublicam studium tunc sane emicuit, haud facile invento, qui factum ipsorum imitaretur. Nam foedus fecere, daturum regem operam ut juxta pax coiret: ubi coiisset, adversum ejus violatores, qui aut publicas Batavis intulissent injurias, aut privatas interpellati dissimulando fecissent suas, auxilio missurum decem peditum millia. Si rex regnumve Galliae hostilia paterentur, Ordines aut quinque peditum millia, aut æqualis impendii naves suppeditarent. Si quid ultra alter alteri præstaret, id creditum fieret, finitoque bello rependeretur: neuter nisi volente socio cum hoste pacisceretur. In commerciis Batavi apud Gallos, Galli apud Batavos civibus æquarentur. At Britanni quominus simile foedus & ipsi facerent, primum veterem movebant controversiam de pannaria negotiatione, quam una apud Anglos societas obtineret, deinde ut ante omnia de veteri Ordinum ære alieno propius secum transigeretur postulabant. Germani, cunctabunda natio, quibus & ab Hesso legatus accessit, præ se ferebant nihil malle principes suos quam super mutuis auxiliis foedus firmare: sed nullam se accepisse ejus rei certam potestatem. Interim quæ ipsi Ordinibus commendabant, si pax fieret, hæc ferme erant: domus Nassaviæ indemnitati ut consuleretur: resarciret Hispanus quæ Mendosa Germaniæ nocuisset: ne cui Ordinum sub ditione libertas fieret Romanos sacrorum ritus usurpandi: dimittendo militi ea adhiberetur cautio ne quid inde ad vicinos mali diffunderet: comineatus onera in posterum cessarent. Ineunte demum Februario mense legati hostium Spinola, Mancicido Hispanus rei mili-

militaris regius scriba, dein Ricardotus, Verreikius, Naia concretas per aquas traha vecti intrant nudam tum sane, nec quæ solet amnium munimenta præferentem Hollandiam. Quæ transirent ab urbiuin rectoribus comiter excepti. Paulum Haga aberant, cum obviam illis Mauritius procedit: simul immanis hominum corona, quas spectaculi illius magnitudo exciverat, visuros rem anno ante nemini creditam, ut belli maximi imperatores duo, qui nuper infestas ductassent acies, inermes amplecterentur se inu-  
 tuo, proque vi armorum & belli artibus unum haberent humanitatis certamen. Transgresso Mauriti in curru Spinola, collatisque sermo-  
 nibus, magnum uterque virtutis suæ fructum percepere, verum experti hostis de hoste judi-  
 cium. At postquam distributa ex dignitate hos-  
 pitia, & pretiosam supellectilem cunctaque parata ostentui explicare dux Italus cœpit, mi-  
 rum dictu, quantus quotidie hominum ultima ex Hollandia concursus, qui ministeria, qui mensam, qui ipsum spectarent. Multos sane ex-  
 civerat sola pascendi visus libido, sed fuere & qui Romanæ religionis affectum proderent, jactarentque. Nec ille difficilis se dare adeunti-  
 bus, quin & plerosque per interpretem prior affari, pulchrum id ratus, sive & ausus adversum proceres plebis studia sperare. Legatis hostium postulantibus conventus datur solito celebrior, ubi principe senatuque coram, salute peracta, quorsum sint missi aperiunt. Dilecti qui scor-  
 sim cum ipsis agerent, totius Fœderatorum concilii nomine Wilhelmus Nassavius, & Walravus Brederodius: nationes singulæ singulos. Geldria Cornelium Gentium, Hollandia Iohannem Ol-  
 den-

denbarneveldium, Zelandia Iacobum Male-  
 ræum, Trajectina Nicolaum Berkium, Frisia  
 Gellium Hillaman, Transisalana Iohannem  
 Sloethium, Groningana Abelem Cundertem  
 addidere. Primi dies transire dum mandata  
 alii aliorum inspiciunt ac refellunt. Rex Philip-  
 pus codicillis suis archiduces summos Belgicæ  
 principes appellabat: & de libertate agens Fœ-  
 deratorum repetebat legem, quam & nuper  
 dixerat, ut ita demum valeret, si pax convenis-  
 set, qua & de religione & de rebus controversis  
 aliis statueretur. Archiduces suis in literis narra-  
 bant verba, queis Philippus rata ipsorum pacta  
 nuper habuerant, postulatis Ordinum congruere,  
 contra sæpe testatis questisque Ordinibus. Præ-  
 terea, cum Philippus archiducibus potestatem  
 faceret pacem faciendi per se, aut per eos, quos  
 isti negotio delegasset, archiducum mandata  
 jus illud a Philippo acceptum in legatos a se  
 transferri haud exserte satis loquebantur. Qui-  
 bus objectis Hispanici, cætera comiter excusan-  
 tes, ne quid in delegationis jure desideraretur  
 propediem se curaturos spondebant. Sed argue-  
 bant vicissim, quod novo plane exemplo Ordini-  
 num mandata actores a se paci impositos arca-  
 nis imperiis alligarent. Responsum est nihil id  
 negotio obstiturum quando adessent Ordines  
 ipsi, qui ut quodque pacis caput convenisset,  
 auctoritatem suam confestim adjicerent. Vtrique  
 enim convenerant, ne semel in universum om-  
 nia, sed per partes ea quæ definienda essent pro-  
 ponerentur. Batavi quidem, ut a difficillimis  
 facto initio tentaretur hostium animus, collo-  
 quium duntaxat, an pacem cupiissent: Hispani-  
 ci vero nectendæ moræ, & ut concessa quoties  
 liberet

liberet everterent. Pacem vel inducias obtulerat Hispanus, presso diu arcano quod fero erupit, pacem se æquis conditionibus ferre non posse, inducias posse. Contra Ordines ab initio professi finem se bello, non intermissione quærere: manifesto scilicet exhaustas Hispaniæ vires tempore revalituras, & posse interim vicina regna in pejus mutari, quæque alia contra inducias disputata mox memorabimus. De pace igitur cœptum agi: fuitque de libertatis Bataviæ confessione primum caput. qua super re inchoatis sermonibus, per nos, inquit Ricardus, vel regnum esse si libet non intercedimus. rogabat tamen illis ut vocibus pactio fieret quæ regiam dignitatem quam minimum læderent. Fœderati volebant regem & Archiduces suo posterumque nomine, septem nationum & Lingæ ac Tarantiorum imperio, quæque ipsis possidebantur, in perpetuum absistere ita ut nec titulos nec insignia usurparent. Sed hanc, ut ipsi vocabant, contumeliam graviter incusavere Hispanici apud Gallos Britannosque. Indignum id sane, acerbiores sibi istis a populis imponi leges quam reges regibus præscriberent. Teneri Hispano Navarræ regnum: nec tamen veteribus possessoribus extortum nominis honorem. Britannum Galliæ se regem scribere: neque aut hoc Gallum, aut illud Hispanum injuriam interpretari, cum & Hispanus ipse Hierosolymorum regni præter vocabulum nihil habeat. Ad quæ cum Batavici responderent, regna sua maiestate defendi: at populis liberis nunquam satis sollicitè caveri: nec gravem tantis Austriacæ domus titulis paucarum vocum jacturam, accepere tandem Hispanici conditionem, si modo & cætera

tera convenirent: suspecta prudentibus ista Hispani facilitas: nec immerito jamtum conjectabatur assensisse in speciem populari gratoque omnibus postulato, quia restarent alia quæ concessæ intra verba libertatis vim opesque destruerent, aut non æque Fœderatis communia diffidiis eos implicarent. Procedente colloquio, solemnia illa fœderibus, de ponenda hostilium memoria, de pignerationibus prohibendis, nullum aut leve certamen habuere. Sed simul ad commercia ventum est, edixere Hispanici abstinendum Batavis Indiæ, aliisque longinquis navigationibus ut ante bellum insolitis, eamque præcipuam Philippo cupitæ pacis causam: nec indignam libertatem pro qua id pretium daretur: nullo insuper damno, cum illius in locum Hispanica negotiatio tutior propiorque succederet, qua manente olim nunquam ipsi Indiam cogitassent. Addebant nec Gallis Verbiniano, nec Anglis Londinensi fœdere concessum adire eas oras, quos Castellani Lusitanique sibi primis repertas longissimo tempore soli usurpassent. Sed refellebant hoc Galliæ Britanniaque legati, dictantes quod jure naturæ liceret, prohibitumque fœdere non esset, permissum merito censeretur, eoque se jure uti. Hæc vero adhærescente colloquio, quibus privatus ex India quæstus, aut patria cordi, libellis differunt, quam iniqua Hispanorum imperia, quanta Batavis contra certandi necessitas, ut queis sterile solum aut paludibus obsitum, in mari opes & gloria, & in validissimum hostem unice vires. Nec alendæ turbæ sufficere proxima Oceani. Viginti egregiis navibus Guineam adiri, salarias insulas octoginta, cæteram America oram ferme viginti, Indiam solam quadraginta:

ginta : nec minus octo nautarum millia istis itineribus occupari : quibus victum eripi, aut indici fugam tali foedere : rem in quovis cive indignam, adversus illos vero foede ingratam, quorum maxima essent in rempublicam merita. Privata seu publica utilitas spectaretur, notum quo brevi excrevissent Indici commercii quæstus, & quid in posterum sperari debeat ex quindécim annorum profectu colligi. Restare Cambaiam & Malabares, & Ceylonem & Narasingam, & Coromandelem & Quedam ignota hactenus aut leviter tentata. Iam quid si & Sinæ & obversum alteri Oceano Americae latus ad-eantur, & Austrino sub vertice latens adhuc orbis inventorem expectet Batavum ? Contenderentur sane inter se Indici & Hispaniensis negotiatio, quanquam hæc ne amissa quidem hactenus cum per Gallos Britannosque retineretur. nimirum id recuperari quod eripi semper posset, eripi quod recuperari non posset, dissolutam enim semel societatem nunquam revicturam. Indici naves bello habiles, quarum semper aliquæ domi in subitos usus sine sumtu publico publicam esse classem : Hispanicas quid, nisi cum libuisset hostium prædam ? Lucrum hic cum hoste dividi : illic & quæstum uberio rem, simulque atteri Hispaniæ divitias, orbis paci nimias. Ut sciatur quid negari Philippo debeat, videndum quid ille acerrime petat, quam petitiæ pacis causam fateatur. Pauperis quondam regni dominos Indiæ Americæque debere illud fortunæ fastigium, ex quo nunc reges despiciant. Namque & vicinorum principum causam agi quibus inutiles efficeret Batavos mare amissum. Si æquum spectaretur huc niti hostem, ut inju-

riam

riam facere cum velit possit. Batavos id unum, ne pati cogantur. Si vis aut fas quæreretur, pro se divinas humanasque leges, quæ navigandi mercandique jus ita ut cœlum solumque omnibus ex æquo adjicerent. Si ante bellum navigatum non esset ad Indos, at jus fuisse navigandi, nec ullam valere quamvis longissimam possessionem adversus juris gentium auctoritatem. Qui mare clauderent, qui solis sibi mercatum vindicarent, quid aliud facere quam piratas, quam annonæ flagellatores? Antiquitati visum justa in eos arma esse qui suis portubus quenquam excluderent, quanto magis qui alienis arcerent? Pacem sine commercio, non pacem esse, sed perpetuam sublato se tuendi jure hostilitatem. Iam vero Batavorum intemeratam hactenus fidem non posse insigniori exemplo foedari, quam si prodant & Hispanorum inclementiæ objiciant, Indorum populos regesque foederatos. Si pactis stare velit Hispanus, jam tum rem esse transactam, cum liberos Batavos pronuntiavit, & cum convenit, ut possessa quisque retineret. Nam nec liberis præscribi quicquam debere, & inter possessa esse commercium. At magni æstimare Philippum quod imperio cederet, non eo sane quod haberet, nec id donum, sed veri esse confessionem, sine qua spes nulla concordiæ. Pacem illum dare, pacem accipere, nec tam secundis suis rebus ut vendere eam debeat. ni crederet denuo experiretur. Perisse quadraginta annorum sanguinem, frustra; sumpta arma pro libertate & contra Albani illam commerciorum fugatricem decimam, si nunc tanta servitus sponte subeat, & majoris Mundi partis exilium imponi sibi ab hoste patiantur, quod



quod a principe nunquam tolerassent. Hæc illi : pauci contra privatum esse negotium quod publicæ paci obistere non deberet. Saltem non nisi maritimarum nationum causam agi , cum belli mala ad omnes pertineant. Postremo ubi Hispanica negotiatio, brevis ac tuta, nautas pellexisset, casura sua sponte itinerum longinqua & morbis obnoxia. Re expensa Ordinibus Foederatis, justæ causæ esse videbantur , cur India haud decederent, attamen, ne quid exuendo bello intentatum relinquerent , altercato diu, optionem Hispanicis deferunt , ut aut solidam ineant pacem cum navigandi libertate , aut ad Galliæ Britanniæque exemplum , quicquid æstivum ultra circulum jacet armorum permittatur arbitrio , aut pax hic, illic induciæ fiant. Illic nec eam negotiationem permittere volebant, & pacem bello misceri prodigio ajebant simile : de induciis per Indiam ita demum spem esse, si elapso tempore navigatu abstineretur. Verum Ordines , qui ab ea lege abhorrebant , si forte metu hostem ad æquiora verterent , Americanæ societatis sopita nuper consilia resuscitant : minas esse tantum intellexit hostis , nec ultra res processit , dum qui inter Batavos paci student ferociam addere verentur dissentientibus. Non dubie noxius erat Foederatis populis iste rerum status , armis duntaxat inhibitis pace juxta belloque incertis : unde plebs multa, cui ex bello victus, nec promptum se ad alia vertere , otio atque inopia afflictabatur : quo magis festinandum sibi Ordines existimabant, colloqui exitum. Monent igitur Hispanicos, ut præcipua de quibus acturi essent capita, pariter proponerent : idem se facturos. Illi canari rem esse insolitam , ut prioribus nondum

trans-

transactis nova congererentur. Parent tandem, sed ut summa duntaxat rerum genera obscuris vocibus, non ut distincte atque explicate res ipsas exponerent. Agendum enim agebant de finibus, de bonorum restitutione, de externis commerciis, de monetæ, earumque immunitatum, quæ Anglis aliisve per Belgicam concessæ, paritate, de religione, de vicinis principibus. Interrogati quod de religione mentionem facerent, quando in Philippi literis id ipsum contineretur, hunc ne haberet sensum, ne qui ultro citroque commearent sacrorum obtentu infestarentur, an ut ipsi Batavis jura præscriberent, quæ res divinæ apud ipsos ordinarentur? Rem dignam dixere, de qua principes suos consulerent, compositisque cæteris eo ubi ventum esset clarius protuturos sententiam. Contra Ordines non pauca & in ambiguum implicata, sed capita octo & viginti tradiderant, verbis apertis complexi quæ firmandæ paci aut demendis belli injuriis adhiberi solent: nec privata commoda omiserant, aut Nassaviæ domus, ut Emmanuelis, cui pater Antonius breve tenuerat Lusitanix regnum. Instituta de controversiis capitibus collatione, statim Indicano certamini alterum accessit de Europæis commerciis, non minimas hoc quoque difficultates ferens, nam adaperto Antverpiam itinere labem negotiationibus suis Hollandi magisque etiam Zelandi metuebant, accessitque dilectos Ordinum Ricardorus, cum lachrymis obtestans, ne pertinacius tuendo quæ ipsis placita, tam paratam pacem e manibus amitterent. Nec obscure præ se ferebat nihil de commerciis statui posse, nisi explorata propius regis Hispani

voluntate : meminissent igitur Ordines eam in-  
ire paciscendi rationem quæ probari posset, nec  
victo nec captivo , sed pacis cupido principi.  
Affecto jam Martio mense haud longe erat finis  
præstitutus armorum cessationi , convenit igi-  
tur, ut Aprilis Majusque adderentur. De India  
Ordines hanc conditionem tulere , ut liberum  
esset suis civibus novem per annos a pace facta  
cuncta illius loca adire , nisi quæ Hispanus do-  
minatu teneret. Hæc vero ne accederent , ne  
finerent rectores, aut necessitas cogeret. Hostilia  
inter ipsos ipsorumque socios tantisper abforent.  
Si quis contra faceret , ne alibi jus esset ulcisci,  
quam ubi patrata injuria , injuriæve auctores  
degerent : tum vero ut ante novem annorum  
exitum certior pactio tentaretur. Repudiabant  
hæc Hispanici , planeque volebant circumscribi  
in præsens Indicanam negotiationem, omitti in  
posterum. Interni vero commeatus libertatem,  
suspectam Batavis , munire parabant his legi-  
bus , primum ut onera demerentur bello reper-  
ta , modicis olim vectigalibus : deinde ne suum  
ad forum merces trahendi privilegium, quod ur-  
bes quædam usurpant , ut in vino Germanico  
Dordrechtum , in Gallico Middelburgum , ad-  
versus alterius nationis aut imperii homines aut  
imperii cives valeret. Contra Batavi, intellecto  
hæc quo tenderent , placere sibi ostendunt , ne  
commerciorum duriora externis onera quam  
civibus imponantur : jura autem urbium eo sint  
loco, quo ante motus Belgicos fuerint. Sed &  
æquum arbitrabantur, caveri sibi tutas fore, quæ  
a se Hispaniam peterent naves. His super con-  
troversis acturus cum rege in Hispaniam mit-  
titur Naia , quadraginta intra dies promisso re-  
ditu :

ditu : sed pollicitationem aut falsam, aut temerariam eventus revocavit. Non tamen vacuum omnino tempus transiit : nam primum Ordines de pecuniis creditis cum Anglo transigunt : sed usque mox faciunt , valiturum si pax fieret, iisdem pene legibus quæ cum Gallo convenerat : nisi quod auxilia dimidio minora promittebantur, cum regressis suas ad nationes, qui supra numerum , convenerant , præfecti pacis negotio hostium legatos interpellant , sua ut postulata cæteris de capitibus expediant. De finibus orto sermone veriti non sunt contendere Hispanici , ut Brabantia, Flandriaq; & omni Geldria trans Vahalim Ordines decederent , acciperentque vicissim Lingam , Oldensaliam , Grollam , iniquissima comparatione. Cum eo descendissent, ut oppidorum custodiam brevè ad tempus Fœderatis permitterent , sic tamen ut summa potestas jurisque dictio penes archiduces esset , nimium se liberaliter partiri Belgicam dicebant , relicta apud vicinos ea parte quam firniorem belli fortuna judicasset. Emanante hujus rei rumore, Brabanti Ordinum ditionis, non contenti obtinere ne hosti dederentur , occasionem datam judicabant , qua jus dicendæ in consilio publico sententiæ recuperarent. Nam postquam principes urbes , ultimaque earum Antverpia Parmensi cesserant , reliqua , ut minora, quam quæ per se regerentur , septem nationum imperio leges, tributa, magistratus, acceperant, quamquam Bergæ ad Zomam fidæ semper partibus , Breda vero aliaque bello capta ac recepta postliminio libertatem ex Trajectino fœdere repetebant. Sed non ea erant tempora, quibus augeri deberet censentium turba & conciliandi labos.

Parum adhuc actum cum hostibus erat, jamque & Maio mensi finis imminebat, cum pacis inter Batavos studiosi ægre a cæteris impetrant, ut anni labentis residuum armorum otio adderetur: hac tamen lege ne Quintilem ultra colloquia prorogarent. Bonorum tum restitutio tractabatur, prioribus nondum confectis nova dissidendi materia: quam ob rem profectus Bruxellam Verreikius, brevi rediens, quæ sit mens archiducum refert: æquum ut onera bello nata pace moriantur. De oppidis Brabantiaë Flandriaëque gratiam facere, dum agro integro potirentur. Ut privatis sua cuique, ita & principibus reddenda bona, quæ majores tenuissent, diversam quippe possessionum utilitatem ab imperii majestate: nec quia hanc abdicassent archiduces, iccirco convenisse ut & illa mulcerentur. Contradixere Ordines, nec imperium fisco, nec urbes agro exui posse, sine imperii urbiumque exitio: & ni ad æquiora se verterent, rectius colloquium abrupturos. Instabant illi, si de fisco abnuerent, certe cur ea, quæ privati principum patrimonii fuissent reddere negarent, colorem nullum reperturos. Repudiatum hoc quoque tam callidum discrimen, quando his in locis nunquam æris fiscalis, principumque patrimonii separata rationes fuerant. Et quamquam cunctabantur illi aperire quid rei privatae nomine comprehenderent, apparebat oppida regionesque totas emtas principibus, aut peculiari titulo quasitas isto sub involucro tegi. Cum vero Batavi securitatis magnam partem futuram dicerent, si Hispanica præsidia Belgicis finibus deducerentur, indignum dixere Hispanici hoc ab iis posci qui res suas Gallo ac Britanno mili-

te tutarentur. Haud magis obtemperavere, rogati ut quæ juris Teutisci loca ipsis insiderentur, Germaniæ redderent. Iterum Bruxellam Verreikius, atque ubi redierat, collati sermones de privilegiorum usu, de bellicarum navium ad littora accessu, de muniendi jure, de legendis earum urbium magistratibus, qui privatos dominos pace fortirentur, de cautionibus pacis, nec nisi denunciato resumendis ob injurias armis. Nec de his satis conveniebat, & ut convenisset, exigua erant præ prioribus adhuc controversis. Præcipue vero offenderat Hispanicos quod Batavi petierant ut foedus non archiducum modo, sed procerum quoque ac civitatum ipsis parentium sponfionibus firmaretur. Tentati de religione iterum opperiendum dicebant Naiam, quem sperato longius per Hispaniam detineri haud festinæ circa magna gentis ingenio. Hoc obtentu exoravere ut præfinitum colloquio tempus citra Calendas Sextiles, ad Eidus usque Septembres produceretur. Interea in Galliam Ianinus ierat, ut regi quis apud Batavos reipublicæ status, qui motus animorum, quæ ad bellum vires, quæ spes pacis exponeret: ipse jam tum inducias animo struens, quia publicis arcanisque colloquiis Fœderatorum plurimos a bello averfos, & Hispanum pacis æquæ impatientem cognoverat. Non parum momenti huc addiderat, quod Ordines, si bellum maneret, ingens auxilium reges socios poposcerant, testati nullum sibi restare tributi genus, & tamen longe impar ærarium istis copiis, quas bello gerendo necessarias Mauritius quondam judicasset. Erant hæ pacem volentium artes, quas sero princeps belli jam rationes in minus contrahens vitare

speraverat. Agebat tum in Gallia Petrus Toletanus, quem Philippus miserat orando Henrico, ita Batavicam pactionem moderaretur, ut regis dignitati quam minimum decederet. Etiam filio ipsius despondenda in conjugium Philippi filia offerebatur: haud avido ejus affinitatis Henrico, qui pridem sibi ipse in Medicea potius, quam plena foeminarum Austriaca domo matrimonium quæsisset. Suspecta tamen & Batavorum quibusdam, & Anglis præcipue ista legatio fuit, & dos dicta nuptiis, jus in Batavos ferebatur. Sed Britannum mitigavit Hispanus pari honore legationis ad eum directæ, quam obiit Ferdinandus Grionus Hispanos inter belli ductores dignatione eminens. At Daniæ legati, qui Hagæ agebant, domum abiere, pertæli moræ, sed nec dissimulantes nolle se ejus fabulæ spectatores sedere, cujus scena omnis in Gallia strueretur. Onerabat Ordinum curas, quod ex Anglia, Gallia, Germaniæque nuntii congruebant, prædicare Hispani ministros, nunquam id animi Philippo ut imperii sui jura projiceret. Sed obtinendo colloquio datam Batavis usuram brevem temporariæ libertatis. Nunc ita ipsi cognita istarum nationum intima, ut pace seu bello prosperos exitus speraret. Nec pacem daturum, nisi India abstineretur, & Romanensibus sacra suo more peragendi potestas fieret. Ianinus Hagam regressus, fidum in socios regis animum, & repudiata Toletani turbamenta, nec ultra aperit. Deinde legati hostium, absente adhuc Naia, sed acceptis ex Hispania literis, regem ajunt bona fide libertatem ipsis permittere, æquumque ei vicissim de India aliisque nuper postulatis mos geratur. Cupere præterea regem sua pro pietate

te ut impune sit Romanensibus ex animi sui sententia deum colere : darent hoc consanguineis : darent suis quisque majoribus, ne probatam ipsis religionem sævius odiissent, quam nova & nata dissolvendis imperiis Anabaptistarum placita, darent denique patriæ ne fugarent inde cives, erepto quod mortalibus dulcissimum est. Sentiebant Ordines intendi machinam quæ reipublicæ stabilitamenta subrueret. Idem Germanis Anglisque videbatur. Ianinus non consilium improbabat, sed consilii auctores, nec enim debere rem tantum hostile beneficium fieri. Tandem Ordines, & damnosæ rebus suis moræ & iniquarum conditionum haud ultra tolerantes, finite colloquium statuunt. Perscriptoque decreto, quam magnis experimentis formidatum sibi cum Hispano de pace agere, ut ipsi priores aditi mentem statim suam promississent, hostes contra quibus grassati essent insidiis, quomodo singula eorum postulata concessæ toties libertatis jura vimque destruerent, totam denique rei gestæ seriem ordine commemorant. Decreto hoc sibi tradito Hispanici deliberandi spatium petiere. Interea regum Galliæ & Britanniae legati, præsentibus magis quam probantibus Germanis, in conventum Fœderatorum prodeunt, pressaque hætenus efferunt regum mandata, ut pacem quatenus fieri posset, curarent : ea desperata, saltem inducias suaderent utrisque partibus. Sed tutas honestasque & per quas maneret Batavis indubitata libertas, jus integrum navigandi, nihil unminuta possessio. Tales inducias sapienter rempublicam administrantibus in pacem verti. Scire se quam justas haberent irascendi adversariis causas : sed omnes animi pertur-



bationes infidas esse consiliis. Cogitarent, quam per se ipsi bello impares, nec regibus arma sumi, nisi ex occasione, aut necessitate. Hic ex bello nihil posse majus quam mutua damna sperari: & abesse necessitatem, quamdiu haberi possent induciæ. Si convenissent, eadem tuendo foederi, quæ pace facta auxilia promitti: sin Hispani, quod omnino verendum, ut pacem ita inducias defugerent, futuram tunc quoque amicorum salutem regibus cordi. Hæc ubi fama percrebuit, tum vero effrænis libido sine auctore scripta in vulgus spargendi totum per annum vagata ardentius erupit. Alii tali ex foedere solitudinem, seditiones, postremo servitium vaticinari: alii odiose exagitare quæ unquam per Americam Hispani, aut adversum Granatenses & Arragones, ipsa denique in Belgica crudeliter aut perfide patrassent. Producere libros qui docerent pacta Romanæ religioni nocentia, aut subditos inter principesque inita servari non oportere. Nec omiserant incusare, quod non urbium rectores, non indigena nobilitas huc missa, sed Itali, Hispani, Monachi, fallacissima hominum genera, qui si quid usquam infirmum aut malefimum rimarentur, quin & legatos regum & procerum potissimos, ut donis a recto aversos oblique notabant. Non minimum ego istius rei publicæ malum arbitror, tantam in plebe libellis concitanda proterviam, vetitam sæpe, & tunc novo edicto, nec repressam tamen, dum acris indago & graves poenæ repudiantur ut libertati contraria. Ordinibus quanquam in conventu plerisque res inopina obvenerat, & præsumpta spe pacis ægre se ad inducias detrudi patiebantur, ne tamen monita regum spernerent, præcipue hæc

hæ causæ erant : quod belli impendia, ita ut postremo gestum fuerat, trecenta florenorum millia in menses singulos tributorum redditus superarent : quod hæc ipsa nondum sufficere judicarentur, ni tuendis annibus sexies mille pedites ad veteres copias accederent, quod commune Fœderatorum æris alieni haberet novies millena millia : nationes ipsæ privatim bis tantum : ac proinde bellum nolentibus regibus geri nulla bona cum spe posset. Nam partes imperii abscindere atque intima tueri, etsi erant qui suaderent, crudele, ac, si emanaret, periculosum. Quod vero nonnulli dicerent, ita constitutam rempublicam, ut armis quiescentibus ipsa quiescere non posset, ea vero aliis impia atque infamis confessio videbatur. Iustus merui, ne plebs, cognito justas leges repudiari, infensa rectoribus, belli onera detrectaret. Respondent igitur paratos audire se de induciis ; dummodo libertas non sub conditione, aut in diem, sed simpliciter atque in perpetuum firmetur. At Hispanici, ubi eos legati regum accesserant, nullam talis conventionis spem fecere : sed aliam conditionem ferunt, ut quæ in præsens armis suspensis rerum sit facies, maneant per annos septem, sic tamen ut Hispanus eligat duos intra menses Indiæ commercium permittere velit, an de eo armis contendere. Non esse autem cur repetatur semel antehac facta de libertate professio, tardumque id impetratu, quando durior hic Hispanus, nec archiducum facilitatem imitetur. Hæc si Ordinibus non placerent, saltem expectandis propioribus Philippi mandatis tempus sibi indulgeri Calendarum Octobrium tenus postulabant. Hoc ubi per regum principumque legatos

concilio renuntiaturum est, perstiterere in priore decreto proceres: Cæterum de tempore dixerunt legatis se idem rogantibus obtemperaturos. Interim & ipsis ad suas cuique nationes abeundi spatium fuit, ut in rem novam nova jussa acciperent. Magnis contentionibus res agitata est. nec tantum nudiores ad hostilem injuriam populi a Zelandis mari suo tutis discrepabant, sed in ipsa Hollandia aliud aliæ urbes, nec intra urbes idem omnes volebant, ut quemque spes propriæ, aut valida utrinque argumenta impulerant. In hac animorum fluctuatione consilium Mauritio datum est, ut palam nec dissimulanter auctorem ageret fortioris sententiæ: fecitque non verbis modo asperioribus, sed & missis Hollandiæ ad civitates literis. Tandem, inquit, artes majoribus formidatæ eruperunt. Speciosæ illæ voces, quibus entum colloquium nihil nisi voces fuere, nec pax hosti cupita, sed ut suo magis quam nostro tempore bellum gerat, aut bello gravius per discordias ac dona affligeret rempublicam. Brevi reviviscunt illi opes, nuper exhaustæ adeo ut ære solo in auri argentique pretium pecuniam signaverit. Nobis manebunt onera, perfidiæ metu, diffluet mercatura & quicquid bello alitur: ipsumque militiæ robur, præsertim equestre alibi gloriam & prædam quæret. Non corporibus modo, sed & animis ventura desidia est, tot olim injuriarum exolescente memoria: cujus jam nunc quam exiguum restat, seniorum in locum succedentibus aliis, qui vetera audiunt tantum, audita segniter credunt. Fac, quod sperari non debet, ut in republica nemo aliud quam rempublicam spectet, tamen regum subiti sunt impetus: populi, sæpe dum deliberant pereunt.

Quare

Quare vos memores parentum virtutis, qui toties imperatoris ac regum de pace legationes, non ut amicorum consilia, sed ut hostis insidias vitavere, memores decretorum, quæ olim facta & nuper sæpius repetita, de statuenda extra controversiam libertate, nullam admittite pactiōnem, nisi quæ hosti & jus omne imperii & titulum & insignia abjudicet. Si fraus nulla subest, quid cunctatur claris verbis exprimere, quod serio agitur? At vestra profecto interest, ne aut principes externi vestro de statu dubitent, aut cives ipsi dominum sibi cogitatione destinent. Erunt qui ambigua vobis verba & ad Hispani gustum temperata laudabunt, necessitatemque obtendent. Sed honesta ac salubria necessitatis patrociniū non egent, præceptū est ista mollities & ad deditiōnem trahit. Fœdera meis consiliis haberi, si ego non merui, meruerit pater. Neque hic mea, meorumve res agitur, ac si publica privatis posthabere sivisset animus, patuit dudum patetque lucrosus e bello exitus. Vos principes fœderis, exemplum date minoribus & vestra ex auctoritate pendentibus populis. Quæ senatus nuper reipublicæ necessaria proposuit decernite. Quos ad conventum mittetis, mandatis adstringite, nequid in libertatis pactiōne commutent. Imperate iisdem ut nobiscum de reipublica consilia socient, sicut veteres erga præfides & meum postremo parentem factitatum est. Hanc ego vestram pro publica salute curam omni beneficio gratius accipiam. Non eadem fuit ubique literarum interpretatio: & quidam primores urbium ad conventus ire soliti, ita accepere quasi traducta esset apud collegas sua in mandatis obeundis fides. Prodiere sub hoc tem-

pus & Iusti Lipsii literæ, alibi nobis memoratæ, queis vir civilium rerum non imperitus, manente adhuc Galliæ ac Britannia bello, auctor Hispano fuerat, ut cum Batavo inducias pacisceretur. Principes mora valescere, & ubi odium defuisset, redire obsequium; non alia quondam arte Sextum Pompejum cecidisse, validæ classis atque insulæ dominum. Abibat September præfinitus nuper Hispanicis manendi terminus, itaque legatos adeunt regum, narrantes accepta sibi archiducum mandata, quibus septem in annos per Europam inducias faciendi potestas fieret, hac formula, pacisci se cum Ordinibus ut liberis & in quos nihil sibi arrogarent. Philippo ut idem placeret daturus operam. Negarunt legati se de re, quam ingratham fore præsentirent, ad Ordines verba facturos. Apparebat Hispanicos severitate postremi decreti quo exire finibus jubebantur offensos, ut moram precarentur contra suam magnitudinem judicare: mansuros tamen libentius, si Ordines id sponte sua aut legatis suisoribus concessissent. Sed legatis consultius visum hostium abitu satiare Ordinum iras, quam invisa adeo postulatione odium in se quoque accendere. Veniunt igitur in concilium Hispanici vale Ordinibus dicturi. Ibi Ricardorus multum laudatis principibus suis, qui res maximas paci condonassent, Ordinum præfractionem duritiem accusabat, a quibus nunc quoque haud satis decore se finibus pelli. Fatidicus, inquit, non sum: sed aut vehementer ego animi fallor, aut jam diem illum prævideo, cum tam contumaciter repudiata reddi vobis frustra optabitis. Vos sprete pacis reos peraget qui fundetur in posterum sanguis. Huic Ordinum nomine ita respondit

dit Oldenbarneveldius, ut simpliciter egisse Ordines ostenderet, qui colloquium non admisissent, nisi accepta fide relictum sibi iri libertatem. Quo minus fœdus coëat per ipsos stare, qui promissa exsequi aut non possint, aut non velint. Ab illis reposcendum sanguinem, quorum jura armis omnibus cruentiora armorum fecissent necessitatem: quorumque recentia etiam in imbelles nautas ac piscatores sævitiae exempla existerent. Adstabat Spinola eo sane vultu, in quo desperatae pacis dolor deprehenderetur. Abiens Haga Ricardotus, forte an consilio, arcana archiducum mandata de ratione instituendi colloquii, inter chartas quasdam in hospitio reliquit, quæ reperta brevi in vulgus emanarunt. His cuncta, quæ de pace acta narravimus, ita jubebantur, atque inter cætera illud de libertate asserenda nequid contenderent. Sed Fiscii jura, si non redderentur, eorum in vicem annuam pecuniam poscerent. Atq; ubi cætera provenissent, tum callide insinuarent Batavis, validum esse, si cohæreat, Belgicæ corpus: divulgum facile externo alicui in prædā cessurum. Recte igitur facturos si archiduces sibi defensores adsciscerent, aut saltem eam inirent societatem qua hostis utrique parti fieret, qui alteram læderet. Si ne id quidem posset obtineri, hoc tamen conveniret, ne pars altera alterius hosti ope aut consilio adesset, aut quenquam suorum ei militare pateretur. Sed hæc Hispanici celare Gallos Britannosque jubebantur: eorundem tamen opera uti ad res alias, & Ianini præsertim ad impetrandos Romanensibus suos ritus, & bonorum quondam sacerdotalium partem. Commendabatur & ipsis Transamasiæ comitis negotium,

& privata quædam alia. Qui scriptum hoc a Ricardoto per incuriam relictum credere non poterant, has illi cur relinqueret causas fuisse suspicabantur, ut de libertate nihil nisi serio actum persuaderet, & de auxiliari fœdere cogitationem injiceret Batavis, quod verbis promeretur immaturum fuerat. Qui vulgavere, aut suspecta facere volunt, legatorum ac Galliæ præsertim consilia, aut acriori regum odio objicere archiduces. Ricardotus per literas & suam negligentiam accusavit, & quod sparsum esset in vulgus scriptum, violata in eo hospitii jura conquestus est. Nihilominus Galliæ ac Britanniaë legati, Germanis, quæ ea actio minus placebat, abutuntur parantibus, cognito per sermones nuper & nunc ex literis Ricardoti, obtineri posse ab Alberto Philippoque in decem annos inducias, sed de libertate non alia verba, quam quæ usurpata essent armis primum inhibitis, fœdus eum in modum concipiunt. De India permittitur Philippo, inducias & illic aut bellum eligere, de finibus atque alia controversa pacatiori in posterum colloquio servantur. Labor in eo erat, ut hæc paciscendi ratio probaretur Ordinibus de munienda in perpetuum libertate sollicitis, quibusdam & hanc arrepturis occasionem, quo fœdus everterent. Veniunt igitur in concilium legati, quorum Ianinus, senatoriam in gravitatem compositus, ita fari orsus est. Meretur & dignitas & virtus eorum, quibus nostra de induciis consilia displicent, ut ipsorum argumenta cum nostris comparentur, quo vobis sit, Proceres, promptius dispicere, utra sit salubrior sententia. Verba, ut audio, incusant, qui si hoc agunt, ut sit tuta libertas, & non armorum cupiditati ob-

ten-

tentus quaeritur, est ut liberentur laudando forte sed inani metu. Nam libertas illis rebus annuneratur, quæ nec diem nec conditionem recipiunt, & semel datæ semper valent. Quanquam si recte rem inspicimus, non dari vobis libertatem, sed agnosci cupitis. Nam & dare ille non potest, in-  
 concesso principibus imperia transcribere, & datam accipere pudor sit vobis, qui eam jam olim decreto publico obtinetis. Agnoscere autem manifestius non potest, qui & liberos vos appellat, & nihil se in vos sibi arrogare profitetur. In ipsa pacis actione satis id nobis visum: sed quia erant qui plus impetrari posse considerent, non intercessimus. Insignia vero nomenque abdicari, probrosum nobis jam tum videbatur, ideoque suspectum in rege non victo. At si ita sentit hostis, quin clarius loquitur, inquirunt. Ille vero æquum negat ad alia se verba cogi, quam quæ vobis ante colloquium placuere. Jam vero cui persuasam vultis vestram libertatem? amicis nimirum regibus. At illi ista verba idonea pronuntiant. Neque vos id credo timetis ut vobis Hispanus in jure manum injiciat, vindiciasque dici adversum vos sibi postulet. Sed exactis induciis, si ita ipsi visum erit, bello utetur judice. Victos nulla defendet cautio: victoriæ ut nihil cautum sit, ratio facile constabit. Neq; illud magnopere metuendum, ut magnam pecuniæ vim hostis accumulet. Mos iste liberis populis, nec aliena petentibus in futurum prospicere, uti præsentibus regium putatur, alia luxus, alia latius imperitandi cupido absumit. Et juvenis Philippus, & gentem regit quiescere indocilem. Vobis promptius, expedito ære alieno fidem refovere, quando præsidium tantum manentibus castrorum  
 im-



impendia , pars altera onerum cessabunt. Potestis jamnunc , & suaserim , tributa in annos induciarum prorogare. Munera hostium & diffidia his, qui timere se dicunt cavenda facile concesserim. Nec puto leges vobis aut judicia deesse : ut taceam frustra paucos corrumpi, ubi penes multos nec semper eisdem sit regimen. Socordiam quoque hostis ipse excutiet, ejus quippe ingenii, ut diu non suspectus esse nequeat. Alioqui ista si ratio admittitur, æternum bellum suscipiatis necesse est. Nam pace multo etiam magis metuenda securitatis vitia : imo nec bello interna pericula abeunt, si qua magna calamitas obsequium rumpet. Nec id tamen formidatur, quando publici reditus adeo inferendo impares vix arcendo bello, hoc est exitii ad moram, sufficiunt. Hoc interest quod induciarum incommoda cavere vestra in manu est , belli tristes exitus sæpe nec sapientissimus effugit. Imponitur nobis necessitas etiam Lipsii literis respondendi , qui hosti inducias suasit , sed breves : sed sine libertatis mentione : neque tum iis Galliæ viribus , quæ metum hosti, vobis fiduciam adderent. Exemplis si certatur, stant a nobis plura, & non alieni sæculi. Gandavico foedere Hollandia ac Zelandia revixerunt. Helvetii sumpta paribus de causis arma per inducias posuere : libertatem tanto jam tempore retinent, peditatu sane & montium jugis defensi : sed non minora sunt vobis munimenta, navales copię & circumfusus Oceanus. Sunt & qui metuunt ne quondam infirmiores in arma redeatis , quia incerta sit principum faventium vita. Sed non cum regibus & causæ societatis intercidunt , quin , ut regna immortales sunt. Hoc ipsum quod vivunt florentque socii ,  
quod

quod Belgicæ princeps arma exosus imperat, excitare vos debet, ne effluere sinatis tam oportuna quieti tempora. Venit a providis, venit ab amicis regibus hoc consilium, & quorum id unum ut salvi sitis interest. Plura quæ huc faciunt, sed prudenter tacentur, sibi quisque subjiciat: ne contrariæ sententiæ auctores sola dicendi quidvis libertate nos vincant. Hac oratione commotos nonnihil animos postridie iterum aggreditur: præcipua fœderis capita singulatim percurrens, ut iniquum nihil aut infidum latere convinceret. Addebat primos esse omnium populorum quibus is honos concessus, ut libertatem suam abdicati principis confessione munirent. Non Helvetiis id obtigisse, ne captivo quidem Christierno id imperatum a victoribus Danis. Tum graviter eos increpat, mendacique & ingratiæ mentis accusat, qui mussitarent Petri Tolletani in Galliam adventu aversum a Batavorum commodis regem. Firmiorem ipsius benevolentiam, nec posse hostium precibus, sed sola talia spargentium contumelia mutari. Putavit officii sui Winwodus senatui quoque, cujus ipse pars esset, inducias commendare, regem Britannicæ affirmans haud aliud suadere, quam cujus ipse dedisset exemplum. Iusta arma, quæ necessaria: his & deum favere & pios reges, at necessaria non esse e quibus honestus pateret exitus. Si sua ope consisterent, tamen non repudiandum fedus incolumi religione, libertate, commerciis. At nunc quod post inducias futurum sit eminus conjectari, belli tanto propiora pericula non videri. Mirum quantis animis per omnes confessus res acta sit: & quotidie novi libelli aderant, fomena discordiæ. Iam nec regibus parcebatur,

tan-

tanquam qui spes reconditas in Fœderatorum malis haberent. Sed præcipua in Oldenbarneveldium invidia, ut talium repertorem: & immensa auctoritate etiam superioris fortunæ hominibus gravem, nedum æquales illum sui tanto eminentem faciles aspicerent, & apparuerunt literæ, quibus jamtum non obscure ad cædem destinabatur. Ille igitur in Hollandiæ conventu testatur non novas sibi potentium offensas, nec ulla se pericula defugisse, quo patriæ inserviret, adversum rumores & fortuita fretus conscientie solatio. Sed quando cerneret rem per se non gratam suo insuper odio gravari, orare se, ut expediendis quæ e republica viderentur, minus invisa aliorum ministeria deligerent. Simul carum excedebat. Missi e primoribus qui rogarent, ne adjutam hucusque fidelibus consiliis rempublicam tam difficili tempore defereret. Ergo solita repeteris, dum nunc regum beneficia auctoritatemque extollit, nunc belli onera explicat, nutantes erigit, quatinvis acriter obloquentes absque iracundia refellit, Amstellodamo longissime renitente, tandem omnem Hollandiam unius fecit sententiæ, quam & quinque aliæ nationes amplectebantur. Sola Zelandia propriis de causis & instigante Mauritio, inducias abuicens obstabat aliorum consensui, nec perrogari decretum patiebatur, Trajectini federis verba urgens, quod arma poni nisi communi omnium voluntate non sineret: & quæ inter nationes controversa præfectorum deferret arbitrio. Indignari alii ac dicere non jam de induciis quæri, sed an una Zelandia cunctis legem poneret. Calentibus animis interveniunt regum legati, violentissimis argumentorum tracturi, quos ducere ne-

nequissent. Priorque Ianinus, prolatis Henrici ad Ordines literis, quæ dicta ipsi factaque rata habebantur, orsus laudare bonæ concordie, aut diversas citrà contumaciam sententias, ad Trajectinum fœdus ubi venit, non nostrum est, inquit, externa scita interpretari. Sed tamen communis ratio docet, super deditione eo tempore, non æquo de federe agitarum. Et si mens est alia, aut abroganda aut seponenda lex est, salute publica ita postulante, quæ legum omnium sanctimoniam in se continet. Nam quis alius erit exitus, si quidem non hi sociorum regum justius quam illi præfectorum arbitria recusant, quod utrique in hac consultatione partes jam fecerint. Restat igitur ut pauciores pluribus cedant: hoc uno stant populorum imperia, aliter casura. Sic apud Helvetios majori parti placita etiam qui contra dixerant exsequuntur. At Achæos olim Ætolosque, validos quanquam dissidia obtrivere, dum sibi quisque non in medium consulunt. Nam nimia libertas ad servitutem via est. Præterea ne quis spe varia sibi imponat, jam nunc vobis jussus edico, non adeo vestri egere regem ut opem sit laturus consilia sua aspernantibus. Similia Britannum nomine Spencerus loquitur, adjicitque rempublicam, in qua jus plurium sententiarum non valeat, virgini esse similem, quam prisci auctores memorent discerptam contentium inter se rivalium manibus, narratque facunde, quantum intercedendi tribunitia potestas populo Romano nocuerit. Suasere etiam legati, ut certa in posterum tributorum iniretur ratio: tum si quid in republica morbidum ac bello dissimulatum emendaretur: quo magis & ipsi inter se concordēs & hostibus formidolosi forent.

forent. Eadem haud spernendi civium monebant, quæis optimum videbatur regimen: summa nationibus earumque legatis, præfectis vero ac senatui, qui non partes singulas, sed universum corpus respicerent, quotidiana ac subita permitti. Sed convellere haud promptum morem probatum viginti annorum rebus haud improspers. Quorumque intererat manere præsentia, facile evicere, ne, dum pendet induciarum deliberatio, negotia negotiis implicarentur. Inter jurgia labens hic annus paulo minus exierat, crebescebatque rumor ne Hispano quidem placituras, quas legati molirentur, inducias. Scripseratque sane ad Ianinum Ricardotus, difficiliorem nunc Philippum, sed culpam regi Britanno assignabat, velut per illum spe injecta silentii de libertate. Et in Fœderatis quosdam jam otii dulcedo intantum pellexerat, ut pati id quoque posse viderentur. Cordatiores resistere: legatique regum ad archiduces mittunt, percunctatum ecquid fidere deberent his, quæ nuper ipsorum cum ministris agi cæpissent. Relato & jussisse archiduces & habere a rege paciscendi potestatem, Ordinibus hoc ipsum indicant, monentque ut finitura nunc armorum cessatio mense uno proferatur, in spem faciendi federis: ne tamen alias leges quam nuper a se præscriptas expectent, tantum datuos operam ut septem annis longius induciæ maneant: ac per Indiam pacata sint potius quam armata commercia. archiduces interea, satis gnaro non defuturos in Hispania, qui armorum avidi aut pro regni gloria certantes, verba illa de Batavorum libertate arguerent, præsertim cum nec Indiæ commercio decederent Batavi, nec in Romanensium gra-

gratiam quicquam statui paterentur. Misere eo Inicum Bryxollensem sacerdotem Hispana & nobili e domo, Alberto & sacris confessionibus, & quod ferme connectitur consiliis intimum. Iussus hic ostendere, quæ commoda per inducias Flandriæ portubus, quibus per arma aditus clausi: religioni quoque Romanensi augmenta sperari quanto odia defervescerent, inter avidos novorum & de sacris discordes. Neque metuenta nimium verba illa in ambiguum implicata, quæ non modo regum legati assererent nihil Hispano demere, sed & Batavorum plerique subtiliter cavillando inania monstrassent. Ut hæc contra nitentibus prævalerent, maximum pondus addidit flagrantissima tunc apud Philippum gratia non aulam modo, sed & vim consiliorum in se trahens Lermæ dux, pacis artibus florens, eoque metuens ne alii per parta bello decora altius attollerentur. Hoc primum anno in Batavos venit Philippus Wilhelmus, princeps Arausionensis Mauritiï frater natu major, belli tempore alibi actus, nunc communi omnium jure usus. Causas obtendebat, ut per induciarum fedus suis quoque commodis prospici curaret, sed & quod, Gallica affinitate inclitus, melius speraret transigi posse præsentibus Galliæ legatis quæ ipsi cum fratribus paterna de hæreditate disceptabantur: sequius interpretantibus aliis, velut contra fraterna consilia pacis adesset laudator. Hoc conciliante Emanuel Lusitanus, cui sororis ob matrimonium infensum Mauritiū alibi memoravimus, cum domo Nassavia in gratiam rediit. Militia actum nihil hac tempestate: nisi quod juxta Ardenburgum cæsi, qui oppidanorum pecori insidiabantur. Vicissim Ger-

addiditque intactum Augustino, veram ac salutarem fidem rem esse perpetuam & amitti nesciam: cujus proinde qui sibi essent consci eos æternæ felicitatis jam nunc certos esse, quos interim in crimina quantumvis gravia prolabi posse non distitebantur. Auxit sententiæ rigorem Genevæ Beza, per Germaniam Zanchius, Ursinus, Piscator, sæpe eo usque proVecti, ut quod alii anxie vitaverant apertius nonnunquam traderent, etiam peccandi necessitatem a prima causa pendere: quæ ampla Lutheranis criminandi materia, & supra illud de Eucharistia nova certaminis seges. Apud Batavos initio motæ religionis super his contendere haud vacuum fuit, facile quamvis inter diversa sentientes æquo jure agebatur. At ubi multa juventus a Genevensibus, Palatinis, Nassaviis doctoribus veniens instituendis præfecta ecclesiis numerare se capit, tempus rati, quæ ipsi didicerant in legem vertere, dissidendi manifestos certabant aut non admittere ad sacra munera, aut admissos excludere, unde crebri ad Ordines questus. Anastasium Velausum in Geldria, in Frisia Gellium Snecanum, Trajecti Huberrum, apud Batavos Hiltamun, Clementem Martium, Hermannum Herberti & alios eadem palam & tuto docuisse testantium. Donec duo quos dixi Gomarus inde, hinc Arminius in ipsa Lugdunensi schola sua quisque firmare, aliena labefactare aggressi sunt. Stillabant in juventutem magistrorum dissidia, jamque & in partes alii per Hollandiam sacrorum Ministri vocabantur. Occurrere Ordinibus visum, & supremo judicium confessui mandare ut professores duos audiret. Longum post certamen haud aliud consultius visum quam colloqui

quii acta silentio premi. Sed non eo minus percrebuit utraque, & ferme placuit, illa sacrorum ministris, ut receptior, hæc magistratibus, ut popularior sententia. Atque hinc aliud jurgium; cum hi de religione judicium partem esse summi imperii, illi sacra sacris in cœtibus disceptanda contenderent. Libelli quoque duo, alter Palatinatus exemplo instituendis ad pietatem pueris per Belgicam usurpatus, alter, quo dominanti quondam Hispaniæ regi edita erat Reformatorum cœtuum professio, controversiis materiam addidere. Namque haud ita pridem Fœderati Ordines, postulato a se ut septem e nationibus sacrorum ministri inter se conventum agerent, assenserant hac lege, ut libelli isti duo isto cœtu examinarentur, ad sacri codicis normam. Hoc qui cum Gomaro erant dissentientium artibus tribuebant, quasi novandi cupidis signum daretur: ipsi laudantes probatum sæculis omnibus morem, ne consensus vincula temere solverentur. Namque aliter discerpi plebis animos, ubi quisque sibi placita doceret: quare & sacris adinoveri quenquam, nisi libellos istos signassent iniquum & anceps judicabant. At ab Arminio stantes, hominum de scriptis aiebant dubitare haud nefas: nunquam tanta de re legitime deliberatum tumultuariis, ut sit, rerum initiis & exinde occupatis bello reipublicæ moderatoribus. Atque etiam melius actum iri cum Christianitate, si nullis aut brevioribus formulis uteretur. Quin & Goudæ prodiit exiguus liber paucis credenda complectens, nec aliis vocibus, quam quas divina pagina præscriberet. Exortistatim ex altero agmine, qui publice id detestarentur, nec ullum dicerent tam horrendæ opi-



nionis portentum, quod non talibus verbis velaretur. Convenisse primis temporibus simplicitatem cum ignota adhuc mala remediis non indigerent; mox, ut quæque ætas errorem genuerat, ita reperta loquendi genera, quæ devios latebris suis excuterent. Ita quod illi servitium, hi pacem; quod illi libertatem, hi rerum perturbationem vocabant. Et splendidis utrinque nominibus crescebant dissidia, magnis quondam odiis alimentum & nomen datura. Ex Oriente Matelius rediit, rebus feliciter gestis, & quas non dubium est inter causas fuisse, cur Indiam Hispanus bello permittere noluerit. Exierat patria annis ante tribus, mensibus totidem, pro-  
 vecto jam tum longius vere, quam ut annui Austrorum flatus Æquinoctiali sub cœlo in Africæ littora impellentes vitarentur. Mandata habebat belli multa magnaque. Sed reluctabatur imperiis nauta, non militari se operæ addictum obmurmurans. Dux ipse parandæ laudis avidus, potissimos societate gloriæ, vulgus spe prædæ illexit, modo pro concione universos, modo, ut se occasio dederat, singulos alloquens, & pro ingenio cuique adhibens hortamenta. Ut ad Indos ventum, captæ naves aliquot Lusitanicæ, aut quæ Lusitanos mercatu juverant. Sed barbarorum quæ fuerant ipsis remissæ, quo latius studia affectarentur. Gangetici sinus cornu sinistro Malacca jacet, qua Indiæ continentem Sumatra obumbrat, ingens insula freto diremta, quod Cincapuram vocant. Iora haud longe ab-  
 sita, cujus reges olim & Malacæ solum tenuere. Sed postquam Lusitani eum in orbem venerunt, illecti situ loci struxerant arcem, muro quadrato collem & domibus, quod satis videba-  
 tur,

tur, spatium amplexi. Paulatim & extra habitari cœptum, ac maxime trans flumen, quod ad dextram jacet; hæc quoque ædificia, qua littori imminet, muro tegebantur. Hinc Ioræ regibus perpetua in Hispanos odia, ideoque Batavis ea priua societas fuit. Hoc tempore Ioræ regnabant fratres quatuor, quorum imperio maximus Iandepatuan, sed ingenio atque industria Sabrana prævalebat, tuendæ augendæque rei intentus, contra quam plerisque Indiæ regibus solitum, queis Venus potusque cordi, & alia in præsens grata quam in posterum profutura. Matelilio ad Malaccæ obsidium plus animi erat, quam virium: namque arcem oppidumque Andreas Furtado tuebatur, bello inclitus, virorumque cum ipso tria ferme millia; sed Indi pars major; quia Lusitani aliquamulti missis Sinam navibus præsidio ierant. In Batava classe, navium undecim, homines erant mille & quadringenti. Quare augendis copiis auxilia petuntur a regibus Ioræ, factò fœdere, ut ager ipsis, oppidum Batavis cederet, prædam inter se partirentur. Primum ex navibus, inde ex insulis, quæ modicæ præjacent, jacta tela. Tum dextro littore castra posita: ac propere admodum deserto quod defendi poterat trans amnem suburbio, rescissoque ponte, intra arcem arcique adfita defensio stetit. Ita tutum Batavis alium anni pontem injicere, tergumque oppidi, & instructum tumulo Monasterium invadere, ac brevi altero quoque latere ad mare penetratum est. Ergo Matelibus & castella locis oportunis disponit, & propugnaculum, quod Furtado paulo ante arcis addiderat, machinarum incussu disjicit, & cum stagnans humus fodientium opera

non admitteret, oppletas terra turriculas ligneas, cæsarumque arborum materiam (ac forte multa in propinquo pomeria erant) propius arcem admovet, translatis rudem in orbem belli Batavici artibus. Mirum dictu, quam nullus eo in obsidio Iorensium, & quos alii vicinorum regum miserant usus fuerit. Primum quem promiserant numerum non præstitere: tum militi obsequium & constantia non minus quam peritia aberant, nec ad eruptiones tantum, sed ad quemvis telorum jactum stationes deserebantur, claroque tum experimento patuit, Lusitanorum istis de gentibus prædam magis fuisse, quam victoriam. At Batavi, pressi toto belli onere, per casus fortuitos, nec minus ipsa lassitudine & nocturnis imbribus carpebantur. Spes non erat, vi posse obsessos numero validiores a minoribus capi: supererat ut fames expectaretur. Sed quarto jam obsidii mense pertendere ultra vetuit a Goa classis veniens, cui imperabat Alphonsus Castrensis regius Indiæ Prætor. Galeones erant quatuordecim, Longæ quatuor, minores navium sedecim: vehebantque Lusitanos aut alios ex Europa ter mille septingentos: barbarici ministerii prope tantundem. Mandatum illis, ut postea ex captivis literisque cognitum, loca, quæ Batavi mercatu adire soliti, bello invadere, Achemum, Ioram, Pahamum, Pataniam, Bintanum & Ambonam. Prope Achemum ut venerant, regi ejus urbis impensas classis ut solveret, Batavos traderet, arcem strui pateretur imperabant, quasi jure victoriæ. Sprevit hæc ille armis fretus & munimentis, quibus oram maritimam firmaverat, monstrante Batavo. Vnum tamen horum irrupere Hispani: sed cum

clade

clade repulsi, nec ausi ultra. Simul cognito Malaccaë obsidio, illuc properant, vacuas si possent naves, terraque sparsum hostem oppressuri. Prævertit Matelifius per exploratores monitus: & quanquam ipse militiæ novus, implevit egregii ducis officium. Impedimenta primum & machinæ navibus impositæ: inde Iorensis miles: mox Batavorum ut quisque longissime aberat, ita ante alios ingredi castellum jubebatur, quod in littore situm. Pars jam naves intraverant, pars terra morabantur, cum e Malacca vi magna prorumpitur; sed represso hoste facilis de cætero incensus fuit. Quamprimum se invicem classes conspexere, telis eminus certatum, Lusitanis, quod ventus Sumatram versus & ab hoste ferret, pugnam vitantibus. Ut postera dies illuxit, ventusque a Sumatra flare cœperat, Matelifius, incubiturum sibi hostem præsentiens, tolli anchoras iussit. Sed una navium, cui nomen Nassaviæ, cum anchoram emoliri non posset, & funem præcidere cunctaretur, ab Hispanicis duabus oppressa incensaque est. Manabat in auctores periculum, ni Longarum præsidium adfuisset: quod auxilii genus Batavis deerat: actæ igitur remulco flammam jam adhærescentem vitavere. Tentarant & suis conflagrantibus succurrere Bataviæ naves, quæ Middelburgum & Arausio vocabantur; sed ventus repente languescens cursum destituit, utroque ipsas aggrediuntur tribus navibus Alvares Carvalius, Henricus Norona & Duartes Guerra, Lusitanorum duces. Quis inter se implicitis Mauritius, alia Batavorum navis, injecit flammam, quæ Duartem quidem & Carvalium suis cum navibus, sed una & Mid-

delburgum absumsit. At Noronam cum Arau-  
sione decertantem Matelivius ipse Prætoria sua  
invehitur, telisque fatigat, donec lacera navis  
in deditionis signum apulstre submitteret. Nec  
tamen ausus ille transire jam parantes Lusita-  
nos recipere, in metuens ne nauta, difficili adhuc  
prælio, in prædam animos manusque verteret.  
Igitur navem jam suam existimans, parci-  
que telis imperans, fune devinctam trahebat. Sed  
rupto sponte vinculo Norona ad socios elapsus,  
fessellit anxiam nimis atque infelicem pruden-  
tiam. Nec tum ultra pugnatum, fesso Hispa-  
no, & caventibus Batavis ne æstu rapido infra  
hostem segreges truderentur. Æquarant victo-  
riam perditæ naves binæ utrinque, Lusitanorum  
quidem majores; sed in Batavos, ut minores  
classe, acrius damnum. Hominum impar clades:  
Batavorum octo desiderati: Lusitanorum com-  
plures telis, flammis, mari perierant; nec paucos  
scapha ignem effugere quærentes ira nautarum,  
contra ducis quoque imperium, trucidarat. Proxi-  
mi dies per quietem aut globorum jactus trans-  
iere, cœpitque Batavos nitratum deficere, ma-  
jusque malum, nautarum contumacia prope se-  
ditionem venit. Nam quia conventionis lege  
non tota classis, sed sua cuique navis supposita  
pignori fuerat, hi quorum exustæ naves, velut  
mercede simul amissa, mœsti iratique alios jactu-  
ræ similis metu prælia abnuere impulerant. Igi-  
tur sedandis animis, simul ut ægra corpora ac  
naves reficerentur, Ioram cum classe Matelivius  
secedit, atque inibi cum regibus de firmando  
contra Lusitanorum impetus oppido consilia  
sociat. Hic incusum moranti alterum lætus ve-  
nit nuntius, divisam hostium classem: partem-  
que

que præsidio ivisse imbellibus navigiis : nec ad Malaccam amplius residere quam Galeones septem , longas tres. Nautas igitur modo minis , modo promissis aggrediens, vix tandem permovet, ne tam benignam juvandæ patriæ occasionem de manibus emitterent. Vt ad Malaccam ventum est , conspectumque hostium classem sub arcis tutela anchoris teneri , quo eam apertum in mare deduceret Matelifius, hoc usus est consilio. Extimam quæ jacebat navium ( Nicolaus dicebatur ) cum Prætoria sua duabusque aliis ipse circumvenit , præcisoque anchorali fune secum in altum trahit. Parcusque nitrati ob ejus penuriam paucos sed certos globorum jactus destinat , non ima petens , quippe cum tranquillum mare mersare navem abnueret , sed foros & qua vis hominum densissima constiterat. Statimque irrumpi navem jubet, ac si quid obvium obtruncari ; nec segnis in obsequium nauta , ut prælio incaluerat , domestici certaminis oblitus : fit magna strages. Vacuam jam navem , nisi si qui forte delituerant , cum incendere Matelifius vellet , elapsi nuper Noronæ memor, centurio quidam custodiam ejus depoposcit , nec præstitit. Nam rupto quo attinebatur recte navis ad suos rediit. Interea tota Lusitanorum classis , quo periclitanti Nicolao subveniret , solutis anchoris in mare descenderrat. Expectabant Batavi singulis interdum & binis navibus singulas. Hispanicarum una cremata est , alia Sebastianum Suarem vehens se dedidit. Cæteræ & lacerae & cruentæ fluitabant, cum victoriæ nox intercessit. Eximia eo die Batavorum & virtus & fortuna fuit , multis hostium interentis, ex ipsis vix quoquam, nisi quos

prædæ aviditas contactu navis ardentis uni in perniciem tulerat. Mane postero navis una, quæ maxime vulnerata, paucis vectorum reliquis apparuit, hæc quoque dedita est. Reliquæ ad stationem redierant. Cupiens has quoque corrumpere Matelifius, ut præclari operis summam absolveret, metu tardabatur, ne tam propinquo littore fundo semet ipse illideret. Hac in deliberatione cum dies hæssisset aliquos, videt ecce ultro Lusitanorum manibus quod reliquum ipsis erat navium incendi, fruiturque latus insani pavoris spectaculo. Captivos quos habebat, Alphonso Castrensi remisit, primoribus indicto pretio quod nauta divideret, cæteros hac conditione, ut pauci vicissim Batavi Malaccæ aut alibi detenti redderentur: Hostesque tam viles, aut suos tam caros habuit, ut decem prope ducentis permutaret. Naves hostium captas exussit, ne oneri forent: servatis machinis, quæ bello partæ, viginti quatuor. Atque ut hic egregiæ res, ita e Moluccis contraria nuntiabantur. Nam postquam Tidorem veteri possessori Verhagius permiserat, Lusitani quidam dilapsi in Philippinas, (Castellani imperii ea portio est, quam indigenæ Lusoniam vocant) præfectum Petrum Acunam auxilia orant, exorantque. Sed lex addita ut Castellanis quoque paterent in posterum Moluccæ, quondam inter ipsos certatæ, ut alibi narravimus: unde haud temere creditum, maluisse Castellanos recuperari insulas quam in tempore custodiri. Triginta & septem magnis minoribusque navigiis ad Tidorem ventum, & quo facilius occuparetur jovit rex ipse, res Batavas voce non animo secutus. Inde in Ternatam transiere. Capiuntur inuni-

munimenta & rex fidissimus Batavis, qui, præ-  
 viso dudum periculo, monuerat sæpe ne sine mu-  
 nimento Tidoris relinqueretur, pœnas nunc  
 alienæ culpæ luens, fugæ se primum, mox Hispa-  
 no credidit, vitam pactus & cætera sperare ius-  
 sus. Sed regna ipsius Hispani arbitrio in reges  
 olim æmulos distributa: iste custoditus & in  
 Philippinas avectus fuit. Matelifius, captam ubi  
 Ternatam audiit, simile malum Ainbonæ me-  
 tuens, navem forte nactus hostium haud ma-  
 gnâ, armis instruit, mittitq; una quos in classe  
 habebat gnaros muniendi artium. Ipse Butonem  
 petit, insulam modicam, quærendo quod classis  
 Lusitanicæ reliquum, ac Malacca, ut narravimus,  
 digressum ibi tum morabatur. Sed conspecto  
 hoste Lusitani pugnam perhorrescentes, naves  
 ipsas inter se, littorique devinxerant, machinis  
 omnibus unum in latus obversis; lecto insuper  
 maris sinu, ubi æstum ventumque hosti oppone-  
 rent. Ad hoc lignorum struem arenamque telis  
 obtenderant. Matelifius, nulla accedendi copia,  
 per naviculas incendiarias flammam conatus est  
 inspargere. Sed immissa ipsi scaphis amolieban-  
 tur: partim & venti reflabant. At Batavos, man-  
 datis vetitos bello quam mercatui vacare, lon-  
 gius opperiri anni tempestas non sinebat, statis  
 qui in Moluccas ferrent, jam ingruentibus ven-  
 tis. Pars Quedam abeunt, cujus loci rex, paran-  
 dæ victoris gratiæ, Lusitanos apud se degentes  
 vinxerat. Vicissim ipsi dono dati qui gentis In-  
 dorum mixti hostibus in potestatem venerant.  
 Obitisque & regnis aliis compertum ex eventu  
 prælii nutasse barbarorum fidem: adeo ut agita-  
 verint quidam, traditis institoribus Batavis pa-  
 cem Hispanicam emere. Mox alia Lusitanorum



navigia, sed ad mercaturam structa, in prædam  
 veniunt. Ambonam hinc properatum, ubi aman-  
 tissimus Batavi nominis populus arcem magna  
 diligentia ædificabat. Matelivius duo esse præci-  
 pua vincula existimans, quæ alienæ gentes in-  
 ter se coalescerent, matrimonia ac religionem,  
 sacra ad tradenda magistros secum habebat nul-  
 los, haud satis imitante quæ est in Batavis so-  
 cietate Hispani prudentiam, qui præcipuum re-  
 gni instrumentum habet Iesuitas. Cæterum jus  
 connubii Batavis illic præsidium obtinentibus  
 cum indigenis mulieribus esse voluit, quo faci-  
 lius propagatis familiis coloniæ initium fieret.  
 In Tidorim exscendi brevia prohibebant, neque  
 vero ex usu erat, aut dignitate invadi quæ mox  
 per hominum penuriam nuda hosti exponeren-  
 tur. Rectius visum Ternatæ, cujus Austrina re-  
 gione oppidum justis muniementis firmaverat &  
 quadringentis militibus infederat Hispanus, ob-  
 versum in Septentrionem angulum, qua vicus  
 est Malaia nomine & juxta pars frugum maxi-  
 ma, castello ac propugnaculis occupare: ut qui  
 inde per Hispani victoriam in montes aut Gilo-  
 lum aliasque insulas profugerant, duce Modefa-  
 ri captivi regis filio, patrias repeterent sedes.  
 Processit res feliciter, atque ubi in spem defen-  
 sandi moles operis excreverat, digrediens Mate-  
 livius, custodiæ loci quadraginta quinque homi-  
 nes delegat, additis quatuor navibus, quæ propin-  
 quo mari vectarentur. Fœdus factum cum Ter-  
 natæ rectoribus quale cum Bandanis olim. Ad-  
 ditum ob imminens periculum præsentis ut auxi-  
 lio juvarentur, & ne Batavi pacem aut inducias  
 cum Hispanis facerent, nisi quæ illi compre-  
 henderentur. Maquianis insule populis octo, qui  
 sub

sub Ternata olim, nunc Tidoris imperio premebantur, ad rebellionem festinantibus edicit, premerent laudanda sed imminuta consilia in novæ classis adventum. Ipse cum tribus navibus ac celoce una Sinas petit, expedito diu commercio inhians. Sed a Mandorinis (id præsidum nomen est) diu frustra habitus, Lusitanos Machaunte conspicit sex magnis navibus & minoribus aliis in se invehit. Temerarium videbatur in conspectu gentis ignotæ famam viresque in discrimen adducere, imparibus copiis. Accedebat quod naves, ut solitum longis ac perpetuis itineribus, squallidæ & per inquinamenta prægraves erant. Igitur, spe magna excussus, viam relegens, intelligit dejectum in Ternata fortiter Hispanum, cum in nova munimenta impetum fecisset. At Ioræ regem, e Malacca progressis hostium copiis, incenso sponte oppido, in avia & saltus profugisse. Ternatensibus missa auxilia: nam forte navis recens e Batavis advenerat. Ioræ rex per literas culpæ suæ admonitus, quod cum sæpe interPELLARETUR munire urbem haud institisset, adjectum solamen, venturos qui ipsius injurias vindicarent. Ad Iavam Paulus Cardenus occurrit, septem cum navibus, unam vado illisam in Mosambicæ obsidio amiserat, coactus abistere morbis suorum. Sed captam sibi Caraccam unam, corruptas illic hostium duas & Bengalæ sub oram alias memorabat. Cum Matelilio a Siamensi rege legati venire & dona ad Principem: ab aliis regibus literæ. Reduxit ipse naves duas, tres aliæ sequebantur; plenæ aromatum omnes. Hoc ipso tempore cum Indicana societas non domesticis modo, sed externis quoque & hostilibus pecuniis juvaretur, accusato apud Archi-

duces ejus criminis mercatore haud ignobili & in vincula abducto, multis aliis necessitas indicta est fugæ. Florebat cum maxime Gallia rege quondam armorum potente, nunc pacis terrarum arbitro, tertioque jam reginæ partu sexus imperii capacis. Eo ex regno Montius, ut alibi memoratum, Americæ, quæ in Septentrionem vergunt, Canadæ amni proxima, per colonias infederat: sed nullo inde fructu præter fibrinas pelles, (& harum quoque in partem Batavi venerant) societas sumtus gravata diffiliit. Tamen assumtis aliis, missæ iterum naves, quæ deserta jam loca repeterent, Porturegali, ac Quebeco sedes fixere, cognito Crucis insulam cœlo insalubrem. In Britanniam e Virginia renuntiatum, nihil obstitisse exscensui, & humano victui sufficere fruges: sed quæ telluris venas scrutati effoderant, haud operæ pretium reperta. Hiberniam Tironi factio turbaverat, irruptis quæ mari proxima Castellis, dum Tironus ipse Romæ apud Pontificem agit, sed nullis subvenientibus auxiliis pulsæ facile rebelles, & in sylvarum avia protrusi. Hispania, postquam reclusum ipsi mare, jam pacis commoda præsentiens, non tamen omisit missis ad Indos navibus tredecim, præter merces, militem imponere, gnara, quod quisque præcepisset id, si fœdus fieret, in lucro fore. Rex ipse positas nuper creditoribus leges emolliens fidem reparabat. Raro præterea exemplo filio infanti & trimo adhuc, media ipse ætate, sacramentum dici jussit, ut regnum hæredi. Mauritania, semper iniquies, dum mobilis superstitione animos fatidici, ut libitum, nunc huc nunc illuc trahunt, tunc inter

Abda-

Abdalam, patruumque ejus Zidanum, Hametis quondam regis natu minimum, sed ex justa, ut ferebat, uxore filium, raptabatur: quorum ille Chesi patris nomine Fesam tenens, Marocum, nobilissimam quamvis urbem, brevi spatio perdidit, vocato a civibus in regnum Hametis abnepote Mahumete, recepitque. Incerto Africæ jure, & facili inter bellantes receptum, prædonum haud spernenda vis citra fretum mare infederat. Venerat ejus rei rumor in Batavos quo tempore Hagæ Spinola morabatur. Itaque Ordines, audito Batavam navem unam piratis accessisse, ne dissimulando malum publicum alere viderentur, paratos se ostenderant armata classe poenas exposcere, si tutum ab Hispanis iter fore Spinola spondisset, sed ille se ejus rei negavit habere potestatem. Plerique prædantium Britanni: nec indignum memoratu accidit, ut Zelandicam navem Angli aliquot, mercatorum ingressi specie, mox nautas incluserint. Vna forte Turca vehebatur, eorum ex numero, qui Clusa capta, libertate donati, sed post id tempus vitam in Zelandia egerat; is, rem ausus minime servilis ingenii, nocte excubantes Anglos duos, sed vino socordiores, ferro transigit, nautasque exsolvit, qui directis in patriam velis, raptos superstites supplicio tradiderunt. In Germania acto Ratisbonæ conventu nihil nisi deliberatum. At Cæsar, cui nuper ad Batavas usque res curam ostendere vacaverat, suis ipse regnis exuebatur. Nam Mathias habere malens quam expectare potentiam, contempta Rudolphi desidia, haud paucos in Hungaria Austriaque invenit, qui præsentia gravarentur. Ac procurato gen-

tis utriusque foedere, & vocatis in odium Germanis, qui sub Caesaris persona reguarent, collectum exercitum Pragam ducit, ubi fratris erat regia: sed Boiohemis a Rudolfo stantibus colloquium & mox pax inita, sic ut Hungariæ regnum qua Christiana est, Austriæque & Moraviæ principatus Mathiæ in præsens cederent: Boiohemum impostertum, si Rudolfus sine virilis sexus prole moreretur. At ubi vix adepta possessione Mathias mores mutavit, ex comi severus, & Austriacis Protestantibus usum religionis negans, animi ab ipso, arma in ipsum versa: nec minus Boiohemi simulibus de causis imperatorem fatigabant.



HUGONIS GROTII  
 HISTORIARUM  
 DE REBUS  
 BELGICIS  
 LIBER OCTAVVS DECIMVS.



**A**NNO novo, Zelandis per minas agre adductis ut consensui cederent, quo incensi altercationibus animi melius coalescerent, ac de re protrahenda metus omnis demeretur, promittunt inter se nationes, non pacturas cum hoste, ni libertas verbis, quæ legatis placuerant, concessa re quoque præstaretur; nec quicquam ei adversum admissuras sacra seu profana res foret. Et si hostis contra pertenderet, expectatis diebus octo haud amplius, abruptum iri colloquium, reditumque in arma quantis maxime posset viribus. Literis hactenus hinc regum legati, inde qui ab Hispano Albertoque missi nuper domum redierant, minuere controversa laboraverant. Verum id cum tardius procederet, nec facile inter absentes negotia explicarentur, judicata res colloqui egere; cui lectus locus Antverpia, quia & Batavorum multis invisa hostium apud se mansio, & illi qui priores pacem petitem venerant, nunc velut rogari vicissim pro magnifico ducebant. Festinando colloquio

loquio hæc inventa est via , ut simul venisset Antverpiam Spinola, & qui cum ipso Hagæ fuerant , irent eo regum legati , formulam secum ferentes præcipua federis capita continentem, in quam Ordines rogatu legatorum , paucis duntaxat mutatis, assenserant. His ubi subscripserant Hispanici , tum demum mitterentur Antverpiam Ordinum legati, transigendis cæteris , ipsi Ordines Bergis ad Zornam consisterent , ut si quid arduum incidisset e propinquo consulerentur. Monstrata sibi formula Hispanici , ut signarent rogati, quippe non hostium postulata, sed amicorum habentem arbitria, cum imperiosum id nimis dicerent , ac breve saltem deliberandi spatium poscerent , effecere ut regum legatis id in se suscipientibus armorum vacatio ad Februarii usque exitum produceretur ; polliciti sunt responsum se interea daturus. Ut legi capita & excuti capere in verbis libertatem asserentibus nihil novatum , sed potentium sublimiumque vocabulo a legatis appellatos Ordines non ferentes Hispanici , illustres scribi pervicere. Voluerant Ordines ea tributa, quæ redimendis militum populationibus situs in medio ager hæctenus bello reperta pependerit, per inducias manere. Id rejectum ut hostile & iniquum, nam Batavorum pleraque septa nec hosti vectigalia : ipsi in Brabantiam Flandriamque latius penetraverant. Nitebantur Hispanici & navium onera Scaldi aliisque annibus belli occasione imposita rescindere : has quoque armorum reliquias dictando, nec sibi modo, sed Gallis quoque & Britannis graves. Sed non obtinere ut quippiam mutaretur : cognito legatis haud aliud magis perhorruisse Zelandiam. Spes tamen facta,

facta, post foedus, amicis inter se mercatorum colloquiis rem melius transigendam, quippe jactantibus Hispanicis sua esse in manu, ut illa ipsa onera exigentibus damno cederent. De India longissime & acriter disputatum, quam diserte nominari debere Ordines contenderant. Ricardotus ne id fieret regis Philippi interesse dicebat, multis de causis, quæ ad Ordines non pertinerent: alioqui hoc exemplo alias quoque gentes postulaturas navigandi libertatem, quam ne Galli quidem aut Britanni, ut concessam, sed suo periculo usurparent: itaque ut induciæ sine exceptione fierent, patiebatur: sed commercia coërceri volebat intra ea, quæ Philippo per Italiam Hispaniamque possessa; extra indulgeri posse negans. Sicubi tamen non ipse imperaret, haud obstiturum quo minus illic Batavi negotiarentur; neque id tamen evulgandum publico foedere: satis fore si arcanis pactationibus sanctiatur. Responderunt legati, multa hic esse quæ Ordinibus persuaderi non possent: nam sui quoque imperii ex solo relegare quenquam, hosticum id plane: & si carendum sit pacis fructibus, malle Batavos armis de illius Orbis possessione certari. Præterea haud satis tuta quæ conventa privatim non omnium ad notitiam pervenirent. De Hispania autem Italiaque quod diceretur, procul dubio angustum nimis, cum fretum intra Gaditanum jacentes insulas, Fortunatas denique ipsas, & omnem Mauritaniam oram nemini hæctenus clausurit Hispanus. Illi vicissim, ad longinqua & Philippo possessa ne bello quidem navigatum, quin & pacis colloquio id remisisse Batavos. Non debere plus per inducias peti, quam aut arma dedissent, aut pace  
spe-



speraretur. Bello Indicana permitti non placere Philippo : & dissimilem Galliae ac Britanniae causam ; inde paucas naves & furtim ire , Batavos justis classibus proficisci. De cetero videbantur id daturi , ut pro Hispania atque Italia Europa omnis nominaretur , & si privata pacta displicerent, ita cupiebant institui publicum foedus, ne Indiae vocabulum compareret. Postquam hujus capituli formula saepius innovata , nec his reperta illis probabantur , consultique per Verreikiun prius, inde per Ricardotum archiduces, tandem in haec verba conventum est. Subditi regis Philippi , archiducum atque Ordinum , manentibus induciis amicitiam colunt, malorum, quae per bellum data acceptaque , immemores. Commeare ac mercari inter se jus esto , terra , mari , omnibus : quod tamen Hispaniae Rex coercendum judicat Europam intra, & quae alia loca permissu suo pacatis sibi amicisque gentibus antehac patuere : at extra eos fines possessis sibi regionibus, oppidis , portibusque negotiari non licere, nisi accepta privati venia. Verum quominus illic quoque aliis cum regibus populisve volentibus mercatum exerceant, Philippus ministrique ac subditi ejus ne obstanto, nec molesti eo nomine aut Batavis, aut qui Batavos ad commercia admiserint, sunt. His verbis adjici & ista regum legatis placuit: quando tempore opus est, ut qui praedictos extra fines cum navibus ac copiis versantur , foedus factum intelligant, induciae illic ex anno demum incipiunt: si nuntius ante pervenerit , armis utrique abstinento. Post annum, si quid hostiliter factum erit, damnum refarcitor. Huic additamento Hispanici valde reluctabantur, cum quod Indiam, non minus

nus quam si nominaretur, claris indiciis exprimeret, tum quod res quidem illo in orbe raptas, si exstarent, reddi cuperent, at cædes & incendia non vindicari: ipsi ad atrocita proniores, cum Batavis præda sit, quam sanguis potior. Tandem cessere, sed vultu verbisque velut injuriam accepissent. Legati, his rebus confectis, postquam celeribus nuntiis regum quoque suorum voluntatem cognoverant, rogatis Ordinibus ut Bergis adessent, quæ sibi laborata exponunt: orantes ut rebus contenti supra spem omnem egregiis, verba non anxie nimis expenderent; idem regibus placere; &, ne quid ad securitatem defuit, ultro polliceri, si Indicana commercia per vim turbaret Hispanus, sunturos se ut de violatis induciis ultionem. Ordines aliquantum disceptato legatos Antverpiam mittunt, eosdem qui pacis negotio præfuerant, nisi quod Trajectini Nicolai Berkii in locum Cornelium Renesium sufficere. His mandatum ut restantia conficerent, & qua possent, obscuriora clarius evolverent. Ut annos duodecim induciis darent, Hispanici rogari voluere. Fines, ne singula persequentibus longum certamen oriretur, hætenus discernere satis visum, ut possessas quisque regiones ac oppida retineret, ager oppida sequeretur. De commerciis super ea, quæ ante memoravimus, convenit ne alii apud alios graviora onera paterentur, quam aut cives aut amicorum, qui minima sentirent. Ac ne religionis crimen peregrinantes premeret, concessa Batavis eadem, quæ Velascus Britannis arcana pactio-  
ne promiserat. Naves alienas in publicos usus retinere, aut pignorandi jus, nisi ex legum præscripto, decernere vetitum. Privatis de rebus  
multa

multa & paci quam induciis propiora. Captivi gratis solverentur. Duorum & quadraginta retro annorum tempus res diversas secutis ad prescriptionem ne noceret : neu dictæ adversum indefensos sententiæ. Rerum mobilium perceptorum fructuum , acceptoque latorum nominum, restitutio ne esset. Res soli ad veteres dominos, atque etiam eos ad cœtus, qui sub Archiducum imperio sacris destinati , statim redirent, deinde tamen alienandi potestate. Sed quæ a Fisco vendita , horum in locum reditus per annos induciarum solverentur , & pro his, quæ publicis operibus insunta, pretium. Distracta ob æs alienum prædia intra annum redimere liceret : sic tamen ut impensarum utilium æqua haberetur ratio. In domibus, quæ intra oppida, jus idem ne esset; sed penes eintorem manerent. Pro alluvionibus quoque ac lacubus, quos privati suo sumtu siccaissent, nihil præstaretur, nisi si quod vectigal inductum agris. Impositos quondam prædiis pecuniæ reditus , in annos quæis prædia tenuisset, fiscus, non vetus possessor, agnosceret. Ex reipublicæ dignitate fuit, Nassaviis, ut optime de libertate meritæ domui, nominatim prospici, non modo ut sua reciperent, sed ne obnoxii essent æri alieno, quod ab Albanicis usque temporibus pater contraxerat. Testamenti factio esse iussa inter utriusque imperii cives, neu valerent tabulæ, quæ partium odio propinquos exhæredes facerent. Urbibus, quarum ex fœdere jurisdictio privatis redderetur , nihilo sequius hinc Ordines , inde archiduces magistratus daret : & illud non minus prudenter , ut his quoque prodesse induciæ , qui egressi Belgarum finibus armorum metu externas quæsierant sedes. Pleraque hæc

Olden-

Oldenbarneveldius perſcripſerat, ut quidque aut inde inſidioſum metuerat, aut patriæ profuturum eminus ſpectabat, ita mira ſollicitudine verba temperans. Securitati hæc præſidia circumdata: ne bellicæ naues oras portusque alienos accederent, ni id permiſſum, aut tempeſtas cogeret. Nova caſtella ſtruere interdictum. Promiſſa communis opera, quo terra marique prædones fugarentur. Privata commiſſa adverſus auctores ipſos, aut ubi degerent, vindicaretur. Sed eo obtentu inducias frangere ne liceret. Fœdus hoc Ordines ratum facerent, item Philippus & Archiduces & ſuo & poſteriorum nomine; Ordines atque Archiduces ante diem quintum, Philippus tertium intra menſem: Promitterent ſinguli nihil ſe contra facturos, aut paſſuros fieri, recta ſeu per obliquum tentaretur: ſi quis ſuorum auderet, juſ & pœnam præſto. Et hæc quidem palam. In arcano illud Hiſpanici acriter cupitum Gallis annitentibus obtinuerẽ, ut quod agri Brabantici ceſſurum Ordinibus, ritusque Latinos hæctenus habuiſſet, illic ne quid in religione mutaretur. At Ordinum legati a regum legatis ſcriptum acceperẽ teſtimonium, profeſſos ſæpe in colloquio adverſarios commerciorum capite Indiã comprehendi; at quo minus nominaretur, Ordines legatorum precibus dediffe, tantundem fore ſpondentium: præterea eam fuiſſe Ordinum mentem, ut cuncta per Indiã Hiſpanis in ſe uſurpara ipſi in Hiſpanos ſtatuerent, & ſi qui illic ſunt Batavorum Fœderati oppugnarentur, eos defendere ne contra inducias foret: ut finibus Ordinum continerentur Bredana Bergeniſque ditio, & quicquid Graviæ cohæret. Viciffim poſtulantibus Galliæ legatis, Ordinum

dinum legati testati sunt , inter eos qui bona recuperarent , numerandos principis Spinoii, res quondam Fœderatorum secuti, hæredes : futurumque, si Ligniaci reddere cunctarentur, ut Ordines Wassenarias per Hollandiam Ligniacorum possessiones Spinoiis addicerent, datum hoc Roniaci gratiæ, præpotentis id tempus in Gallia, ut qui ærarium regeret : namque ejus filia Spinoiæ domui innupserat. Nono Aprilis die factum est fœdus , quo illa per Europam notissima & pervecta jam alterum in orbem arma in spem pacis per inducias ponebantur. Statimque Archiducum & Ordinum literis probatum, ac publice recitatum est Antverpiæ illisque in partibus magno plebis gaudio: apud Batavos haud æque, dum sponte pacis amans populus , sed quadraginta annorum malis prosperisque confusus tarde ad ingenium redit. At externi, ubi ad eos fama manavit , extorqueri potuisse regi potentissimo libertatis confessionem & Indiæ partem , utrumque sine exemplo , nec creditâ hæctenus , tanto impensius mirabantur. Hinc vires , hinc consilia æstimabant. Certe eo ex tempore multi reges , principes , nationes Batavam ad societatem respicere cœperunt.

F I N I S

HISTORIARVM.



I N-

# I N D E X

## I N A N N A L I V M L I B R O S.

### L I B E R I.

Anno 1564.

**B** Belgicæ veteris situs & limites. 2  
 Belgarum origo, lingua: 2  
 Comites, Duces. 3  
 Hereditaria illis concessa ditio. 3  
 Successores privilegia iurejurando confirmabant. 4  
 Reipublicæ antiquitus administrandæ ratio. 4  
 In Burgundionum ditionem tandem concedunt. 4  
 Ius tamen populi tuebatur Ordines. 4  
 Belgicæ dominium in Austriacam familiam translatum. 5  
 E moribus Hispanorum mutatio reipublicæ prævidetur. 5  
 Belgarum Hispanorumque in moribus convenientia & diversitas. 5  
 Hispani Belgas sub leges trahere volunt. 7  
 Quid Carolus V idem serio meditantem de eo deteruerit. 7  
 Triplex consilium clausis. 8  
 Philippi ingenium & mores. 8  
 Leges Belgicæ subruere studet. 9  
 Iter illi in Hispaniam persuadent Hispani. 9  
 Arausionensis prosapia, munia, possessiones, indoles, mores, præfecturæ. 9  
 Egmondæ comes Flandriæ & Atrebatum rector. 10  
 Maris præfectus Hornæ comes. 10  
 Hos amoliti student Hispani. 10  
 Belgarum procerum inter se simulantes. 11  
 Inquisitionis origo, administratio, infelix apud Belgas eventus. 11  
 David Delphicus & Iohannes Bucoldus. 13  
 Philippus inquisitionem instantius urget. 17

Arausionensi & Egmondo summa negatur præfectura. 17  
 Albæ ducis, & Granvellæ genus, mores, munia: ex horum sententia Margarita Parmensis Belgicæ præficitur. 18  
 Philippus contra leges Hispanorum militum præsidium apud Belgas relinquere statuit: odii ejus in Belgas implacabilis causæ: amissa classe in Hispaniam venit. 19  
 Miles aliquanto post abductus. 19  
 Vis regiminis penes Granvellam: 19. Hornano cum illo veteres inimiciæ. 20  
 Arausionensis Egmondum, pluresque aurei velleris sodales, in Granvellam exstimulat. 20  
 Adversus illos sibi adjungit Granvella Barlæmontium, Viglium, aliosque. 20  
 Ad publica factionis erumpitur insignia. 21  
 Philippi jussu, novi antistites per Belgicam renunciatur: quod omnibus pæne invisum est. Abbates se opponunt: Brabant se socios dant, & veterum antistitem nonnulli. 22  
 Belgarum contra Granvellam querelæ. 22  
 Arausionensis, Egmondus atque Hornanus repetitis literis Regi suadent, ut Granvellam odiosa potentia dimoveat. 23  
 Granvella discedendi mandata accipit. 24  
 Quo amoto, proceres summam diligentiam rebus advertunt; rationes publicas & ad leges pertinentia in se trahunt: religionem facilius doceri, quam cogi posse, profitentur; 24. a Romanis caeremoniis interim non decedunt. 25  
 Egmondus in Hispaniam missus simulata mente excipitur. 25  
 Philippus spei illi facit, posse edicta circa religionem temperari: 25.

ri: 25. eodem tempore per uxorem Bajonam missam cum Carolo Gallie rege extirpandis sacrorum novatoribus mutuam opem firmat. 25  
 Eginondus ad suos redux spem vanam adfert. 26  
 Brabantii inquirendi morum patriis adversari legibus contendunt. 26  
 Vulgus ab eo præcipue abhorret. 26  
 Ad Regem summa religionis, quæ hæreseos accusabatur, transmissa. 26  
 Georgius Cassander & Franciscus Balduinus, qui moderata suaderent, ab Arausionense acciti: Irrito eventu. 27  
 Proceres pacem religionum procurare institunt: 27. a senatu digressi alios aggregant, contra inquisitionem fœdus pangunt. 28  
 Inter duces societatis præcipuus Ludovicus Nassavius. 28  
 Fœderatorum ad Margaritam preces. 28  
 Gueusiorum nominis origo. 29  
 Montiniacus & Marchio Bergarum ad Zomam ad Regem mittuntur. 29  
 Transmissa a senatu Belgico moderandarum legum forma Regi displicet: 29. ordinum haberi conventum vetat. 30  
 Pontificis Romani imperia abnuentium tria per Belgicam genera: Anabaptistæ, 30. Lutherani, Calvinistæ. Isti atque alij jus novum nimis acerbum judicant. 31  
 Sedandis motibus intenta præfecta vulgus sacra novo ritu peragit. 31  
 Monasteriorum desertores aggregantur. 32  
 His muniebantur fœderati nobiles. 32  
 Per totam Belgicam eodem tempore templa violantur. 32  
 Atrebatenses, Hænovii, Lucemburgeneses fidem in Romanam ecclesiam Regemque conservant. 32  
 Margarita tempori, & proce-

rum consiliis obsequitur: 32.  
 Nobilibus promittit gesta fraudi non fore; plebi conciones permittit. 33  
 Arausionensis offensam ejus incurrit. 33  
 Interceptis ex Hispania literis omnes exitio destinantur: Tenebrimundæ in medium consulunt. 33  
 Arausionensis regem honorum depositionem rogat. 34

Anno 1567.

Scripto Regi suadet permittere religiones, quas vicina imperia admisissent. 34  
 Hornauius suos se in penates abdit. 34  
 Illis semotis, omnia quæ pepigerat præfecta rescindit. 34  
 Fœderati nobiles rem communem produunt. 34  
 Iurare præfecta duces cogit, hostes futuros, quoscunque rex designasset. 35  
 Eginondus alique hoc sacramentum dicunt. 35  
 Soli Arausionensis & Hooghstratanus detrahant. 35  
 Præsentia Regis turbam optimam habetur remedium. 35  
 Rex moras nescit. 36  
 Cæsaris super re Belgica consulti responsum Philippo displicet. 36  
 Literæ Regem cum exercitu venturum significant. 36  
 Aptissimum perdomandæ Belgicæ ium Philippo tempus. 37  
 Albanus summa cum potestate a Rege mittitur. 37  
 Arausionensis ad fratrem abit. 37  
 Brederodius armis pellitur. 37  
 Plurimi in vicina regna fugiunt. 37  
 Quibus egressis pax erat. 38

L I B E R II.

Anno 1568.

Albanus Belgicam intrat. 38  
 Galli eodem tempore in bellum erumpunt. 38  
 Albano nemo obstitit: Margaritæ

ritæ abitis illi ad summam præ-  
fecturam gradum facit : Egmon-  
dum atque Hornanum victos  
extra Brabantiam custodiendos  
ablegat : Belgicæ urbibus præsi-  
dia Hispanorum imponit. Arem-  
bergium cum equitatu in Gal-  
liam mittit : exarmatis urbibus  
arces imponit. 39

Puniendis barbarum autoribus  
duodecim constituit iudices. 39

Plurimi necantur. 40

Egmondus & Hornanus capi-  
te plectuntur : quod atrox Bel-  
gis spectaculum. 40

Arausionensis bona in fiscum  
vertuntur : 40. Filiusque in Hi-  
spaniam captivus abducitur. 41

Magna ubique fit vastitas. 41

Mitiora a Rege sperari non  
sunt nuntii ex Hispania. 41

Arausionensem ad arma im-  
pellunt exules. 41

Ludovicus Nassavius cæso  
prius Arembergio ab Albano  
fugatur. 42

Arausionensis justiciam causæ  
sue libris evulgat. 42

Brabantorum cum principe pa-  
cta : 42. idem jus aliis Belga-  
rum nationibus quoque usurpa-  
tum. 43

Maximiliano Cæsari per Ca-  
rolum fratrem apud Philippum  
pro Belgis intercedenti acerbæ a  
Philippo responderetur. 43

Pauci Arausionensem milite &  
pecunia juvant. 43

Ad expeditionem Arausionen-  
sis suam propinquorumque fi-  
dem pignoribus obstringit. 44

Sex equitum millia , pedum  
quatuordecim scripta : quæ Alba-  
nus non pugnando debellat. 44

Arausionensis in Galliam dis-  
cedit. 44

#### Anno 1569.

Albanus sacro ense a Ponti-  
fice donatur : sibi statum ponit :  
multa utilia constituit. 45

Pleraque relinquuntur Regis  
arbitrio : tum ultima Hispanorum  
commenta parare. 45

Inaudita tributa Belgas pen-  
dere Albanus jubet : in oblo-

quentes severe animadvertit. 45

Belgarum contumaciores pri-  
vilegiis exuuntur. 45

Oceanus magnam stragem ad-  
fert. 46

#### Anno 1570.

Oppressi Belgæ vindictam &  
defensionem cogitant : Bruxella  
in urbe decimam solvere deire-  
dant. 47

#### Anno 1571.

Bellum iterum experturus A-  
rausionensis auxilium principes  
protestantes rogat : Danus & Sueo  
uegant : nec ausa Angliæ regi-  
na ; 47. quæ Nassavianos Angliæ  
fines excedere jubet. 48

Rex Galliæ Arausionensi sup-  
petias ferre velle simulat. 48

Missæ ad Arausionensem pe-  
cuniæ , & communicata consi-  
lia. 48

In Belgas Oceano & per ma-  
ritimam oram prædabundos spe-  
ciem imperii retinet Arausionen-  
sis. 49

#### Anno 1572.

Viginti quatuor navigia Bri-  
lam capiunt. 49

Bossovius Roterodamum ma-  
gna cum oppidanorum cæde di-  
ripit. 50

Quo Hollandi impulsæ ad exu-  
les juvandos. 50

Hos sequuntur Flissingani &  
alii : 50. quo non multum læ-  
tatur Arausionensis. 51

Prima Reipublicæ forma Dor-  
drechti concepta. 51

Hispani interim terra , mari  
Belgæ superiores. 51

Medinica lius capta classe , vix  
ipse elabitur. 51

Albanus Montem Hænoviæ  
obsidens Hollandis ac Zelandis  
coalescendi dedit spatium. 51

Nassavio ex Gallia auxilium  
mittitur. Pariter ex Germania  
Arausionensis procedit exerci-  
tus. 52

Gallos incautiores intercipi-  
unt Hispani. 52

Arausionensis dimisso exerci-  
tu.



in Hollandiam abit. 51  
 Mons deditur. 52  
 In Machliniam aliasque urbes  
 jure victoriæ utitur Albanus. 52  
 A Nassavianis Friis & circa  
 Ifalam occupata loca deserun-  
 tur. 52  
 In captas Nardam & Zurpha-  
 miam Fridericus filius Albani  
 rursus pergit. 53  
 Foederatarum provinciarum  
 descriptio. 53  
 Communibus Hollandiæ, Ze-  
 landiæque coeptis Amsteloda-  
 mum & Middelburgum valde  
 obstant. 56  
 Bommeliensis insula Hollan-  
 diæ munimentum. 56  
 Arausionensis adventu turba-  
 ta omnia composita : cum Ordini-  
 bus omnia gubernat ; sex ma-  
 joribus urbibus de rebus antea  
 consentientibus duodecim mino-  
 res adjicit. 56  
 Rebus omnibus contra Regis  
 mandata Regis præstenditur no-  
 men. 57  
 Romanæ cæremoniæ templis  
 exiguntur ; iis addicti non facile  
 ad magna munera promoven-  
 tur. 57  
 Genevensis disciplina publice  
 recipitur : ita tamen ut omnes  
 de religione leges inquisitionis  
 nomine infamarent. 58  
 Agri, & vectigalia principis,  
 aliaque in publicos vertuntur  
 usus. 58

Anno 1573.

Tunc inventa tot tributorum  
 nomina. 58  
 Summa tamen nummaria diffi-  
 cultas. 59  
 Expugnandarum urbium Foe-  
 deratis cum Hispanis communis  
 imperitia. 59  
 Albani error. 59  
 Harlemum se Hispanorum sæ-  
 vitæ permittit. 59  
 Successuum continuationi Hi-  
 spanorum discordia obstat. 59  
 Quorum imperum prima fre-  
 git Alcmaria. 59  
 Nassavianum Gertrubisbergam  
 capiunt, & ipsum cum classe

Bosnivium. 60  
 Albanus cum filio revocatur. 60

Anno 1574.

Ejus crudelis jactantia. 60  
 Succedit Requesenius. 60  
 Albani statim tollit statuum. 60  
 Middelburgum Zelandis acce-  
 dit. 61  
 Ludovicus Nassavius cum  
 Henrico fratre & Christophoro  
 Palatino caditur. 61  
 Tumultuantes contra duces  
 suos Hispani Antverpiensibus  
 400000 florenorum extorquent. 61  
 Connivente Requesenio. 61

Anno 1575.

Hac injuria nationum studia  
 Arausionensi vehementer cen-  
 ciliantur. 61  
 Aldegondius magnæ apud A-  
 rausionensem auctoritatis. 62  
 Legati de concordia acturi  
 utrimque Bredam conveniunt :  
 re infecta discedunt. 62  
 Requesenius belli interim se-  
 curos vi opprimere conatur. 62  
 Copiæ regiæ ab agrestibus in  
 Westriis caduntur. 63  
 Lugduni obsidio. 63  
 Summi in Hispanos odii mi-  
 rum exemplum. 63  
 Mari teris immisso Lugdunen-  
 sis solvitur obsidio. 63  
 Baldeus Trajecti oppugna-  
 tione depellitur. 63  
 Hispanus sinisterioribus quo-  
 que Hollandiæ tentatis locis  
 tandem reprimatur. 63  
 Petri Melendis infelix in Foe-  
 deratos maritima expeditio. 63  
 Terrorem maritimum in lo-  
 gū differre coguntur Hispani. 64  
 Requeseniani expugnato Bom-  
 mende portu Zyrixam ex-  
 pugnant. 64

Anno 1576.

Batavis laborantibus frustra  
 principum ambiuntur amicitia. 64  
 Henricus Galliæ Rex clam  
 res Batavorum fovet. 64  
 Requesenio extincto, ad sena-  
 tum

rum regiarum partium admini-  
stratio translata rem desperatam  
restituit. 65

Hopperi Frisii magna apud  
Hispanos auctoritas. 65

Brabantorum animos clam si-  
bi conciliat Arausionensis. 65

In Requeseniam insurgere in-  
cipiunt. 65

Flandri Requesenio tributa  
negant. 65

Arausionensem sibi senatum  
conciliantem Hispani militis ad-  
juvit seditio. 65

Bruxella rapinæ destinatur. 66

Miles hostis patriæ & princi-  
pis a senatu palam judicatur. 66

Alostum irrumpit ac late cir-  
cumita populatur. 66

Quo aliquot primores Braban-  
ti impelluntur ad senatum in se-  
dibus suis comprehendendum. 67

Fœdus in Hispanos cum aliis  
pangunt. 67

Hispanis Hollandia exeunti-  
bus se ducem dat Roda : Tra-  
jectum ad Mosam diripit : mox  
& Aarverpiam. 67

Belgæ ad sui defensionem ope-  
ra Arausionensis uti statuunt. 67

Pacis Gandavi resumuntur  
colloquia : ejus leges. 68

Lucemburgi fœderi non ac-  
cedunt ; accedunt Frisii præ festo  
suo in vincula conjecto. 68

Dejectis arcibus exiit serv-  
vius. 68

Fœdus contra Hispanos om-  
nium Ordinum confirmatur ju-  
ramento. 69

Anno 1577.

Philippus tempori cedens pa-  
cta confirmat : Iohannem Austria-  
cum Belgicæ rectorem mittit. 69

Hunc servandæ pacis manda-  
ta palam præferentem ad con-  
traria omnia venisse interceptæ  
docent literæ. 69

Illum ut bello opprimant, fru-  
stra Belgis suadet Arausionen-  
sis. 70

Invitis Hollandis, illorumque  
fociis Austriaco summa conce-  
ditur præfectura. 70

Hispani militis Belgica exor-  
dentis jactantia. 70

Iohannes Namurcum occu-  
pat : Germanicas cohortes ad ur-  
bium deditionem sollicitat. 70

Ab Ordinibus prævenitur. 71

Ordines Iohannem violari  
pacis apud Regem accusant : ille  
Arausionensem, qui apud omnes  
libertatis audiebat author ; ad  
præfæcti dignitatem a Brabantis  
evocatur. 71

Id Arschotius aliquo ægre fe-  
rentes Marbriam Austriacum ad  
regimen invitant. 71

Arschotius in custodiam da-  
tur. 72

Arausionensis quoque suavis Ma-  
thiæ summum Belgicæ permitti-  
tur regimen, ipsi vicarium. 72

L I B E R III.

Iohanni bellum indicitur. 73

Regina Angliæ Belgis favere  
incipit : pecunias & auxilia pro-  
mittit : nihil patitur sine sua vo-  
luntate apud eos decerni : ne re-  
mere Romanæ religionis posses-  
sio moveatur, monet : Regi per  
literas pacem suadet. 73

Ordines Philippum sibi miti-  
gare student : valescunt interea  
inter illos similitates. 74

Anno 1578.

Belgarum exercitum cædit Io-  
hannes. 74

Victoriæ præmia. 74

Victi spe pacis tentantur. 74

Oblatæ conditiones recusantur. 74

Franciscus Valesius & Casimi-  
rus Belgis operam offerunt. 74

Margarita Valesia fratrem  
commendat. 75

Respublica undique confusa. 75

Nassavianis deditur Amstelo-  
damum. 75

Pulsis Romanæ sectæ magi-  
stratibus publico potiuntur :  
idem alibi accidit ; quo socior-  
um animi offenduntur. 76

Iohannes Nassavius Geldriæ  
rector ; Frisicæ Kennebergius. 76

Huic regendæ & perdoman-  
dæ Transisalanæ electio duci-  
M m 2 Campi

Campi & Daventria deduntur. 77  
 Valeſius Ordinum decreto Belgicæ libertatis vindex. 77  
 Reformatorum poſtulata, 77.  
 ab Ordinibus admittuntur. 78  
 Inter Romanenſes & Reformatos interna diſſidia. 79  
 Gandavenſes concitore Imbiſio palam imperium detreſtant : Romanas cæremonias cum ſacerdotibus urbe exigunt : urbem operibus muniunt. 79  
 Ordinum & Mathiæ mandata deſpicatui habita; neque ulla apud illos Arauſionenſis gratia. 80  
 Atrebatæ & Hænovii novam legem recusantes, contendunt Gandavenſes bello coercendos : obſidunt Arauſionenſes & alii. 80  
 Exercitus Belgarum dux Boſſuvius. 80  
 Gandavi vicecomes magiſter equitum. 80  
 Præſectus caſtrorum Lanoſius. 81  
 Caſtra irritò conatu adortus Iohannes. 81  
 De pace interim inſtituta colloquia : ejus conditiones. 81  
 Iohannes novis auctus copiis colloquium de pace abruptit. 81  
 Caſimiri cum exercitu in Belgicam adventus. 82  
 Belgarum inter ſe diſſidia propinquam libertatem advertunt. 82  
 Montiniacus Atrebatum factionem ſequitur. 82  
 Gandavenſes militem adverſus eos conſcribunt. 82  
 Armorum prætextus. 82  
 Flandri a Caſimiro militem accipiunt. 83  
 Franciſcus Binckium oppidum expugnat : ad Belgarum exercitum ſe venturum negat : militem ſuum ad Montiniacum diſſabi paritur. Belgæ ingratiſtudinis accuſans in Galliam digreditur. 83  
 Morbi vi ſubira rapitur Auſtriacus : nimis ambitionis Philippo ſuſpectus ; veneno extinctus quibuſdam creditur. 84  
 Parmenſia Iohanni ſuccedit : ejus indoles & artes. 84

Illius ſuſcitationibus diſſidia magis exardeſcunt. 85

Anno 1579.

Arauſionenſis omnia remedia experitur : At ſuſtra. 85  
 Parmenſis Caſimiri equitatu decedendi poteſtatem facit : Trajeſtum ad Moſam obſidet. 85  
 Interim legati ad faciendam pacem conveniunt : 85. cui occulte obſiſtit Arauſionenſis. 86  
 Parmenſis Belgas ad occupandam Regis gratiam hortatur. 86  
 Et primus reconciliatur Lamota. 86  
 Quem ſequuntur cum copiis ſuis Montiniacus, alique. 86  
 Pacis conditiones. 86  
 Reconciliati Walones maximum regiarum partium robur. 86  
 Plures diſſidentium Belgarum nationes ſub imperium Philippi redigit. 87  
 Cæteras Trajeſti Batavorum ætiori foedere illigat Arauſionenſis. 87  
 Foederis Trajeſtini ſumma. 88  
 Omnium cum oppidanorum, tum agreſtium ætatis armis idoneæ iuitur quæſus. 88  
 Per alias Belgicæ nationes maximè turbr. 88  
 Secta Romanenſis Silvamducis tenet. 88  
 Reformati Antverpiam : quod Arauſioneuſi imputatum. 89  
 Multi hinc ad Hiſpanos deſciſcendi occaſionem rapiunt : inter quos Carolus Egmondii filius : qui Bruxellæ obſeſſus oppidanorum miſericordia incolomis dimittitur. 89  
 Brugis aliſque in locis magni tumultus. 89  
 Ipra & Gandavum foederi accedunt. 90  
 Arauſionenſis Gandavi captivos dimittit : Flandriæ præſectura illi conſertur. 90  
 Dum Coloniz Agrippinz de pace agitur, Parmenſis Trajeſtum ad Moſam expugnat : 90. externum militè dimittens Machinam

liniam aliasque urbes sibi conciliat; a quibus præfectura illi confirmatur. 91  
 Foederatis oblatæ a Rege pacis leges displicent. 91  
 Cum Arausionensi seorsum agitur, sed frustra. 92  
 Arscotius aliique Regi reconciliati Hispanis ludibrio habentur. 92  
 Ingens foederatæ reipublicæ vitium. 93  
 Pecuniæ publicæ cum apud Foederatos, tum apud hostes, penuria. 93  
 Philippus per Albanum Lusitaniam subigit, 93. quod magna incommoda Batavis adfert. 94  
 Anno 1580.  
 Parmensis interim aliquot oppida recipit. 94  
 Anno 1581.  
 Nienova Lanovius hostem exigit. 95  
 Egmondus & Sillesius captivi: ipse quoque Lanovius capitur. 95  
 Machlinia ab Anglis diripitur. 95  
 Margarita Parmensis ad regendos iterum Belgas adveniens remittitur. 95  
 Reunebergii inconstantia Belgium in Prisia exardet. 95  
 Frisii arces solo æquant. 96  
 Transisalani nutantes restituntur. 96  
 Groninga ad Regem desciscit. 96  
 Entesius eam obsidere jubetur. 96  
 Sceackii opera solvitur obfidio. 96  
 Rennebergius a Stenovici obfisione depulsus moritur; ejus successor Verdugo. 97  
 Romanensibus in Brabantia & Transisalana privata quoque sacra interdiciuntur. 97  
 Arausionensis Ordinibus novis senatus antor: 97. ut Philippum repudiant, suadet, ac Francisco Valesio principatum deferant. 98

Philippo imperium abrogatur, hostis vocatur. 99  
 Mathias honorifice dimittitur. 99  
 Hispanus in proscriptum Arausionensem percussorem invitat. 99  
 Hic libello se defendit. 99  
 Veriusque scripti summa. 100  
 Arausionensis innocentiam publice testantur Ordines. 100  
 Franciscus ad imperium vocatur: frater ejus Galliarum rex a stipulatur, 100. ac se subsidio futurum promittit. 101  
 Cameracum obsidio liberat Franciscus: liberatæ urbis princeps salutatur. 101  
 Tornacum Parmensi deditur. 101

L I B E R I V.

Franciscus in Anglia frustra de matrimonio agit. 102

Anno 1582.

In Belgicam reversus Imperium suscipit. 102  
 Leges illi præscriptæ. 102  
 Belgarum nobilium indignatio; ejus causæ. 103  
 Summa plebis in Arausionensem studia. 104  
 Ejus vita atrocissimi Hispanici insecta. 104  
 Parmensis interim Aldenardam capit, Alostum Valesius, Liram Parmensis miles. 104  
 Verdugo, frustra tentato Lochemo, Stenovicum occupat. 105  
 Exterum militem Philippus Parmensi remittit, ejus summa. 105  
 Ordinum validæ quoque copiæ. 105  
 Valesius fraterna expectat subsidia: causæ quod non mitantur; unde atrox Valesio consilium. 106

Anno 1583.

Ejus anthores. 107  
 Varias occupat urbes: ejus miles Brugis ejicitur: omnium infelicissime tentat Antverpiam. 107  
 M m 3 Fran-

Franciscus cū suis aufugit. 103  
 Plurimi Belgarum ejus inco-  
 pio offenduntur. 103  
 Omnibus a Parmensi Regis  
 offertur clementia. 103  
 Arausionensis a Valefio ta-  
 men neutiquam desciscendum  
 censet. 108  
 Quod ne far Galliarum quo-  
 que regi cordi. 109  
 Dunkercæ cum Valefio agi-  
 tur. 109  
 Biron ad reprimendum Parm-  
 enses mittitur. 110  
 Multa causatus Valefius, Dun-  
 kerca in Galliam concedit: Bel-  
 garum ad regem ejus fratrem  
 preces. 110  
 Valefii mors. 111  
 Dunkerca præsidio nudata in  
 Parmensibus venit potentatē: 111  
 ejus jactura nondum dissensio-  
 nes sanantur. 112  
 Arausionensis in Zelandiam  
 abicit. 112  
 Parmensis interim multas ur-  
 bes in deditionem accipit. 112  
 Hogius audaci mendacio Hol-  
 landiam turbans supplicio affi-  
 citur. 112  
 Truxii conjugium belli in A-  
 grippinensi diuina causa: ab  
 hostibus pulsus ad Arausionen-  
 sem profugit. 113  
 A Taxi Zutania capitur. 113  
 Belgarum vires discordiis per-  
 eunt. 113  
 Herenbergensis Geldriæ re-  
 stor ad Hispanos cum filiis trans-  
 fugit. 113  
 Illi succedit Nienarius. 114  
 A Gandavenfibus Imbifius re-  
 vocatur. 114  
 Cimacensis Brugarum præfe-  
 ctus. 114  
 Hi duo Flandriam hosti tra-  
 dere suscipiunt. 114  
 Parmensis occasione utitur. 115  
 Terra Wasia atque oppida  
 illi deduntur. 116  
 Brabantii disjectis aggeribus  
 Scaldim diffundunt. 116

Anno 1534.

Parmensiani intra Gandavum  
 & Brugas castra locant. 116

Brugas Regis obsequio reddit  
 Cimacensis; quas alie urbes se-  
 quantur. 117  
 In Imbifium prodicionis reum  
 capitali supplicio animadver-  
 tum Gandavenfem. 117  
 Parmensis Scaldim obsidet. 118  
 Antverpienses ad tantam  
 navigationem duo excitant ca-  
 stella. 118  
 Arausionensis Delphis occidi-  
 tum morientis pia vox. 119  
 Rem privatam relinquit per-  
 turbatissimam: quadruplex ejus  
 matrimonium. 119  
 Funus maximo luctu celebra-  
 tum. 120  
 Mauritius filius illi succedit. 120

Ejus a patre relicta hæredita-  
 tas. 120  
 Hobenlojus apud Hollandos  
 & Zelaudos vicariam accipit  
 potentatē. 120  
 Wilhelmo Nassavio Frisia re-  
 genda conceditur. 120  
 Frisiorum discordiæ, 120. a  
 Nassavio componuntur. 121  
 Constant Batavorum fortitu-  
 do. 121  
 Scaldis coeptum obsidium ur-  
 get Parmensis; Tenerimundam  
 capit, & Vilyordam. 122  
 Gandavenfes se ei dedunt. 122  
 Ricardori solertia. 122  
 Arx Gandavi reponitur. 123  
 Aurverpienses sociorum opem  
 implorant: incertum apud illos  
 imperium: vicini auxiliandi tem-  
 pora præmittuntur. 123  
 Calamitosus Fœderatorum sta-  
 tus. 124  
 Ex Gallia & Anglia missi qui  
 illos consolarentur. 124  
 Dubitatum uti regno vellet  
 accrescere. 124  
 Gallia præfertur; a qua ta-  
 men propter intestinos tumultus  
 non recipiuntur. 125

# LIBER V.

Fœderati a Gallia non recepti  
 ad Elisabetham recurrit. 126  
 Val dæ interim civitates de-  
 sciscunt. 126

Ant-

Antverpiensium intempestiva  
frugalitas. 127  
Parmensis ad expugnandam  
fame Antverpiam diligentia; ejus  
opera. 127  
Belgarum in istis evertendis  
negligentia. 127  
Placevina arx Parmensi red-  
ditur. 127

Anno 1585.

Omnibus incassum ad liberan-  
dam Antverpiam tentatis post  
Bruxellam & Machliniam in  
Parmensibus venit potestatem. 128  
Parmensis a Rege aureo do-  
mum velleret arcem restituit. 128  
Batavi Antverpiensibus pro-  
ditæ socialis fidei suspecti. 129  
Hohenlojus Silvamdudis feli-  
citer ingressus, eam continuo  
deferere cogitur. 129  
Noviomagum & Doshburgum  
Hispanis deduntur. 129  
Exules Brabantii & Flandri  
Hollandiam sibi sedem eligunt.  
129  
Delaum interea Belgarum im-  
perium Elisabetha recusat. 129  
Auxilia promittit; quinque mil-  
lia peditum & mille equites. 130  
Foederis leges. 130  
Brila, Flissinga cum Zeburgo  
Anglorum præditiis in pignus  
dantur. 130  
Licestrius auxiliū Anglicani  
imperator; illius mores & for-  
tuna; 130. obviis populi stu-  
diis & procerum assentatione in  
Batavia excipitur. 131

Anno 1586.

Maxima ejus in Senatu antho-  
ritas; immodici illi concessi ho-  
nores Regine non probantur; 131  
imperium in Belgas affectat. 132  
Ingenia Anglorum plurimum  
a Belgis distat. 132  
Licestrii interdicta crimina-  
tiones; assentatores enim ad spem  
dictaturæ hortantur: 132. Con-  
citandæ plebi ararii patroci-  
nium usurpat: negotiationis li-  
bertatem circumscribendo plu-  
rimos offendit, ac ingenia reipub-  
licæ detrimentum affert. 133

Inventum ab Ordinibus reme-  
dium. 134  
Licestrius imprudenter quoque;  
hostiles agros excidio damnat;  
eum permiscere militum ordines  
non patitur Hohenlojus. 134  
Parmensis Graviā obfidet; 134.  
missis Hohenlojus munimenta  
obfidionis perumpit; tamen  
ab Hemerta præfecto deditur,  
qui capite propterea plectitur.  
Venio sequitur. 135  
Axelam Maurisius capit. 135  
Scenkius Truxio militans Gra-  
vevrsiam munit. 135  
Nienarius Novesium capit,  
quod iterum cum aliis oppidis  
mox in potestatem Parmensis re-  
cipit. 136  
Berca detractus infelici even-  
tu cum Licestrio pugnat Parm-  
ensis. 136  
Sidoeius nobilis Anglus illo  
in prælio occisus. 136  
Velavie ac Daventrie, Ordini-  
bus nequicquam remtentibus,  
perditi præficiuntur a Licestrio  
Angli. 136  
Magnis querelis premitur. 137  
Ordines artibus conventibus  
pleraque ad suam curam tra-  
hunt; quod eos despiciatui ha-  
bens ægre fert Licestrius; 137.  
a republica plebem removere  
studet. 138  
Interpretes sacrorum sibi ad-  
jungit; 138. per quos populi  
quoque studia sibi conciliat; cum  
Romana Ecclesia sentientes ho-  
noribus demoveret apud Frisios &  
Vlrajecti summo in honore esse  
cepit: in Anglicano milite &  
Sonoio Westfriliæ præfecto mul-  
tum quoque ponit præditiis. 139  
Maurisius interitum suam dissi-  
mulat indolem. 140  
Elisabethæ gratia fretus libe-  
ræ in Foederatis potestatis sibi  
spem facit Licestrius: ob quam  
causam domum abit. 140  
Professionis discordantes præ-  
texit. 140  
Novi Trajecti magistratus, &  
privati Frisii Elisabethæ ite-  
rum imperium frustra offerunt.  
140

M m 4 Belgæ

Belgæ de mutilo sibi relicto  
regimine in Angliam conque-  
stum missi diu detinentur. 141

Anno 1587.

Scotiæ regina morti traditur. 141

Daventria atque oppositum  
Zutfanæ munimentum a persi-  
dis Anglis Hispano traduntur :  
proditorum infelix exitus. 141

Mauritio summum armorum  
mandatur imperium. 142

Milites Ordinum nomini sa-  
cramentum dicunt. 142

Edictum de evectionibus tem-  
peratur. 142

Brabant & Flandri extrema  
conficiantur penuria incremen-  
ta contra sumunt Batavi. 142

Cæso apud Silvanducis Alti-  
penna Hohenlojus Crepicor-  
dium occupat. 143

Licestrio nequicquam suppe-  
tias ferente , Parmensis Clusam  
expugnat : quod Ordinibus im-  
puratur. 143

Elisabetha in pacem propen-  
sa. 143

Ærarii administratio Ordini-  
bus cordi : Ordines Licestrii cri-  
minationibus respondent ; hic  
urbes vi opprimere parat : Lug-  
duni detecti ejus conjurati ca-  
pire plectuntur : ipse in Angliam  
abit, 144. ubi imperium in Bel-  
gas ejurare coactus intra annum  
moritur, 145

Scenckius interim Bounam

capit. 145

Ad subjugandam Angliam clas-  
sis in Hispania struitur : quod  
ostentata pace Hispanus dissi-  
mulat. 145

Propter interceptum a Bata-  
vis Dani legatum 700 illorum  
naves detinentur. 146

Cum Anglis quoque de pace  
agit Philippus : cujus oblatio  
callide ab Elisabetha accipitur ;  
Batavos pacis rationes invenire  
simulare jubet ; 146. eam isti  
detrectant. 147

Pacis desiderium præ sese fe-  
rens in Flandriam mittit Elisabe-  
tha. 147

Anno 1588.

Hispanica adventans classis  
fraudes dirimit. 148

Propter insoluta stipendia mi-  
licum apud Foederatos turbæ.  
148

Brevis inspectio quo pacto tot  
cladibus perculsi Batavi se rur-  
sus contra magnitudinem Hispa-  
nicam erexere. 149

Belgicæ Hispaniensis & Foe-  
deratæ limites. 149  
Foederatarum provinciarum re-  
gimen. 150

Idem fere Belgicæ Hispanien-  
sis status. 154

Foederatorum reditus. 154

Belgicæ Hispaniensis opes  
longe ante eunt. 155

Miles Batavus 18000 pedites  
cum modico equite. 155

## IN HISTORIARVM LIBROS.

### L I B E R I.

Anno 1588.

Classis ab Hispanis in Anglos  
festinatur ; 161. fallaci spe cla-  
ti nimia sibi promittunt. 162

Sixtus V. Angliam exponit  
occupanti. 162. Anglos ad ne-  
candam Elisabetham hortatur. 163

Classis Hispanicæ descriptio. 163

Saunderucii & Parmensis salu-  
bre Hispanis consilium non au-  
ditur. 164

Classis præfexus dux Medi-  
nidonius. 164

Vlyssippone ad Ito vere clas-  
sis convenit. 164

Parmensis expeditionis dux  
30000 hominum Flandriæ incu-  
bat. 164

Anglorum & Batavorum ni-  
mia securitas. 165

Flan-

Flandriæ portus Batavi clâsse  
obsident. 165  
Elisabetha Tamefis ripas mili-  
te complet : Seimorus minorum  
navium præfectus, majorum Ho-  
vvardus & Draco. 165. Regina  
rumoribus decipitur. 166  
Hispanorum peccatum : ejus  
excusatio. 166  
Parmensis Duukercæ inclusus  
teneretur. 166  
Infelicitis Hispanicæ expedi-  
tionis eventus causæ. 166  
Anglorum classis Hispanos e-  
minus lacerat. 167  
Hispani pugnam deincepsant.  
167  
Baldefiorum navis a Dracone  
capitur. 167  
Cantabricarum navium prima  
flagrat. 167  
Anglica classis Hispanicam  
continuis ictibus lacerat: pulve-  
ris tormentarii inopia Angli la-  
borant : illorum classes cœunt.  
168  
Hispani prope Caletum Parmen-  
sem expectant : ex classe  
mittuntur qui cum illo consi-  
lium capiant. 168  
Navibus ignem fundentibus  
Hispanorum proturbatur classis.  
169  
Moncadii navis ab Anglis ex-  
pugnatur. 169  
Magna Regiæ pecuniæ diri-  
gitur summa. 169  
Classis contra Gravelingam  
relocatur : naves aliquot Hispa-  
norû fluctibus absorbentur. 169  
Lusitanicæ duæ a Batavis ca-  
piuntur: raptum insigne Lugdu-  
nensi templo suspenditur. 170  
Multis acceptis cladibus di-  
scensus consilium Hispani ca-  
piunt : ingens illorum formido.  
170  
Anglorum encomium: vix cen-  
tum illorum desiderati : Hispa-  
norum fere quinque millia. 171  
Fugientis Hispanicæ classis  
miserabilis exitus. 171  
Summi in Hispania luctus. 172  
Apud Anglos & Batavos gra-  
tiarum actiones Deo decretæ.  
172

Bergas ad Zomam Parmensis  
obsidet. 173  
Bergarum situs. 173  
Ad occupandam Tolam præ-  
missi a comite Solmensi fugan-  
tur. 173  
Hac spe dejectus Parmensis  
portum intercludere aggredi-  
tur. 174  
Eximia obsessorum virtus. Or-  
tas in præsidio turbas Mauriti-  
coram componit. 174  
Parmensis in spem proditi-  
onis adductus decipitur. 174  
Obsidio solvitur. 176  
Bergæ Mauritio ab Ordinibus  
donantur. 176  
Cimacensis Bonnam obsidet :  
in quem a Germaniæ principi-  
bus auxilia petenti Scenkio in-  
expectatum redditur respon-  
sum. 176  
Bonna deditur. 177  
Wachtendonca capitur. 178  
Scoti Batavorum naves pi-  
guorantur : quod injuste fieri il-  
lorum docet ad principes lega-  
tio. 178

Anno 1589.

Gertrudisbergenfis præsidii se-  
ditio : 178. ad proditionem sol-  
licitatum ab ea non abhorret.  
179  
Ordinibus impunitatem offe-  
rentibus non creditur : 179. de  
vi in rebelles paranda delibera-  
tur. 180  
Mauritius copias admovet. 180  
Rebelles se defendunt. 180  
Villerfius occiditur. 180  
Winckfeldius proditionem sua-  
det. 180  
Mauritii discedentis ad rebel-  
les literæ cum ludibrio exceptæ.  
181  
Parmensis propter traditam  
urbem ingens gaudium. 181  
Gertrudisbergæ Heusdam,  
Septembargas, aliaque oppida  
Parmensis annexere parat. 182  
In Heusdam Mansfeldius mit-  
titur : 182. a quo & Bommelia  
frustra tentatur : Mauritius per-  
ruptis hostium castris Heusdæ  
subvenit. 183



Sidenburgus Helium Mansfeldio præpropere dedit. 183  
 Mansfeldius insulam Voren-  
 nam adortus Hohenloii adven-  
 tum ab incepto defecit. 183  
 Hispanicæ cohortis seditio. 184

Hispanorum in Parmensem o-  
 dium, invidia atque criminatio-  
 nes. 184

Hic morbum sibi consciscit. 184

Ab Hispanis venenum illi da-  
 tum asserunt Itali. 185

Obtrektatorem sui nominis  
 punit. 185

In Hispaniam misso Ricardo-  
 to se apud Regem purgat. 185

Mansfeldius ad obsidendam  
 Bercam mittitur. 185

Varembonius ad Bercam quo-  
 que missus Blidobecam capit. 185

Scenkus copias Bercæ infert:  
 hostes stipendium in Friham se-  
 rendum cæde dimittere cogit;  
 ad capiendum Noviomagum a-  
 nimum appellit. 186

Cum suis ab oppidanis de-  
 pulsus amos mergitur. 187

Ejus ingenium, ac elogium. 187

Nienarius casu interit. 188

Truxius bellum dimittit. 188

Ad Bercam liberandam mix-  
 titur Falcostenius, consequitur  
 Varembonius: a Verio cædi-  
 tur. 188

Victores Bercæ auxilia infe-  
 runt. 189

Berca Parmensi deditur. 189

Qui Cliviæ quoque urbibus  
 insidiatur. 189

Inter præsidia interim utrim-  
 que alibi pugnatum. 189

At mari crudeliores occur-  
 sus. 189

Angli Hispanis bellum repo-  
 situri Antonium in Lusitani-  
 am reducant, irrito eventu. 190

Gallia interfecto Henrico ter-  
 tio in partes venit. 191

Ejus successor Benearni prin-  
 ceptis: ne regno potiatum Me-  
 dianum Philippus auxiliis fir-  
 mat. 191

Lamota a Parmensi cum mi-  
 lite in Galliam mittitur. 191

Angli Batavique Borbonia  
 auxilia mittunt: qui cuncta tan-  
 dem sub imperium accipit. 192  
 Gallicorum motuum cum Bel-  
 gicis comparatio. 192

# LIBER II.

Anno 1590.

Urbis Bredæ descriptio. 194

Navis cespites vehentis fraude  
 Manijus Bredam capit. 195

Rei gestæ historia. 195

Parmensis Mansfeldium ad  
 Bredam recuperandam mittit:  
 Mercam ponte & castello clau-  
 dit: Septemburgas diripit: 199.  
 Nordamum frustra oppugnat. 200

A Mauritio, Noviomago im-  
 minere viso, Breda abducitur. 200

Vorenam Mauritius munit:  
 castellum ex adversum Novio-  
 mago molitur. 201

Parmensis belli Gallici man-  
 data a Rege accipit. 201

Exercitum in Galliam ducit. 202

Mansfeldio interim summa rei  
 per Belgicam commissa. 202

Mauritius absente Parmensi  
 varia oppida expugnat. 202

Rumor Germanos in bellum  
 parari propter temeratos fines:  
 Concilium indicunt. 203

Apud Parmensem anxie dis-  
 ferentibus ferociter responde-  
 tur: 203. quo audacioribus  
 postularis Foederatos aggre-  
 diuntur. 204

Ordinum responsio. 204

Agrippinensum, & Leodio-  
 rum ad Ordines legatio. 206

Patrum responsio. 206

Foederatorum expostulatio. 207

Parmensem ex Gallia redu-  
 cem multa angunt. 207

Militis Parmensis seditio. 207

Parmensis Ascolitanum cum  
 cohortibus aliquot in Galliam  
 mittit. 208

Anno 1591.

Foederati occasione intenti  
 animos attollunt. 208

Verius

Verius aſſu Zutſanæ obiacens  
capit caſtellum. 209  
Mauritius cum exercitu acce-  
dit. 209  
Zutſaniam obſidet. 209  
Falconſteinus occiditur. 209  
Zutſania Mauritio deditur. 210  
Ejus ſitus. 210  
Mauritius ad expugnandum  
Daventriam cum exercitu de-  
ſcendit. 211  
Ejus præfeſtus Hermanuus  
Hereubergenſis. 211  
Vrbis expugatio. 211  
Friſorum rogatu Princeps in  
Friſiam ducit exercitum. 213  
Itineris magna incommoda.  
214  
Militis licentia. 214  
Caſtra ad Groningam ponun-  
tur. 214  
Princeps reliſta Groninga  
circumjeſtas munitiones inva-  
dit. 214  
Foederati receptum Delphizy-  
lium ædificiis & munitiouibus  
ornant. 215  
Verdugo Groningæ aditum e  
Weſſſalia facit. 215  
Parmenſem ei ſubvenire itine-  
rum non patitur vaſtitas. Cuod-  
ſenburgum obſidet. 215  
Oſtavius Manſfeldius occi-  
ditur. 216  
Iunius caſtellum ſtrenue de-  
ſendit. 216  
Mauritius obſeſſis ſuppeditas  
fert. 216  
Decem hoſtiles turmas cæ-  
dit: 216  
Qua clade accepta Parmenſis  
oppugnationem omittit: No-  
viomagenſium in illum indigna-  
tio; recrudefcente morbo aquas  
Spadanæ petit: ſeditioſos Die-  
ſtæ Hiſpanos malo exemplo pa-  
cat. 217  
Noviomagenſium multi liber-  
tatem reſpiciunt. 218  
Mauritius interim Hulſtum ca-  
pit: Terræ Waſſæ tributa ex-  
torquet: 218. Mondragonius  
vicinas Hulſto munitiones recu-  
perat. 219  
Noviomagi obſidium. 219  
Vrbis deſcriptio. 219

Mauritius captæ urbi Magi-  
ſtratus legi: 221. ſemnis po-  
puli gaudiis in Hollandiam re-  
dux excipitur. 222  
Nullo ſucceſſu utrinque ur-  
bes captatæ. 222  
Muſſa ab imperatore legatio  
Ordinibus ſuſpecta ob veterem  
& Tarraconenſium exemplum.  
223  
Hujus narratio. 223  
Parmenſis Meduanio ſubven-  
turus iterum in Galliam ducit.  
224  
Foederati contra Borbonio  
ſuppeditas ferunt. 225  
Borbonius & Parmenſis vul-  
nerati. 225  
Hiſpani militis ſeditioſa li-  
centia. 225  
Groningenſium apud Parmen-  
ſem querelæ. 226  
Mauritius Trajeſti in Zelandia  
factiones componit. 227  
Stenovicum obſidet. 227  
Oppidi ſitus & munimenta.  
227  
Obſeſſorum numerus & obſti-  
natio. 228  
Ludovicus Hereubergenſis oc-  
cumbit. 229  
Verdugo ſubſidium obſeſſis  
mittit. 230  
Pulveris pyrii deſcriptio. 230  
Mauritius glande vulneratur.  
231  
Stenovicum illi deditur. 231  
Victoris in victos modera-  
tio. 232  
Elifabetha militem ſuum re-  
vocat. 232  
Covordium obſidere Foede-  
ratis placet. 232  
Ejus munitiones atque ſitus.  
232  
Othmarſo Hiſpani a Principe  
depelluntur. 232  
Famarſius occumbit. 233  
Obſidii Hiſtoria. 233  
Verdugo a Parmenſi obſeſſis  
auxilia impetrat. 234  
Exteriora obſidentium caſtra  
impeit: 235. depellitur. 236  
Covordii deditio. 237  
Parmenſis novum in Galliam  
iter ingreſſus moritur: de mor-  
te

te illius suspiciones. 237  
 Parmensis mores & elogium. 238

# HISTOR. LIB. III.

Anno 1593.

Gallorum aliquot castella & Noviodunum Hispani capiunt. 240

Belgarum procures Philippus honoribus evehit. 240

Nomen præfecturæ Mansfeldio defertur : vis consilii penes Fontanum & Ibarram : 240. qui in Hispania suspecti. 241

Fontani Senatum ingressi atrox sententia. 241

Aliis frustra obnitentibus obtinet. 243

Fœderati pari edicto eam vanam reddunt. 243

Philippus Nassavius, Belgarum extremis tributis subactis, gravis præda redit. 244

Mauritius Gertrudisbergam obsidet. 245

Ejus situs. 245

Obsidii historia. 245

Gertrudisberga, frustra obnitente Mansfeldio, Mauritio deditur. 250

Proditores supplicio afficit. 250

Mansfeldii anxietas. 251

Crepicordium obsessurus a Mauritio fugatur. 251

Wilhelmus Nassavius hostem ex Frisia interim pellere annuitur. 251

Bortaniam munit. 252

Herenbergensis Othmalfum aliaque irrumpit. 253

Bortania frustra tentata Covordium Verdugo obsidet. 253

Multæ in castris Hispanorum calamitates. 253

Princeps infelici eventu Brugas insidiis adortus morbum contrahit. 254

Regii militis seditio. 254

Seduisorum regimen. 254

Ab Herenbergensi pacantur. 255

Classis Batava apud Flævum vehementia tempestatis destruitur. 255

Anno 1594.

Ernestus Austriacus Belgicæ præficitur, magno cum Belgarum gaudio. 256

Philippus illi filiam in matrimonium destinat. 257

Borbonius Romana accepta institutione omnia feliciter in regno suo componit. 257

Fœdus cum Fœderatis servat. 259

Ab Ordinibus cavetur ne subditi sui pravis imbuantur opinionibus. 259

Ordinum novi delectus; Ernesti impediuntur. 259

Ernestus Belgis contemni. 260

Sylvaducis & Trajectum ad Mosam irritis insidiis tentatur. 260

Delphozylum frustra irrumpere conantur Hispani. 260

Adventu Principis Covordii obsidium solvit Verdugo. 261

Princeps Groningam obsidet. 262

Occurrentium populorum & situs regionis descriptio. 262

Groningensis obsidii relatio. 266

Groningæ deditio. 269

Ernestus per legatos apud Ordines de pace agit. 270

Quam illi repudiant. 271

Renichonius & Furius a Rege aliisque magnatibus in Principem & aliquot Belgarum procures empti percussores. 272

Lopes, ad Elisabetham veneno tollendam a Philippo in Angliam missus, capitis supplicio afficitur. 273

Castellus Iesuitarum impulsu regem Gallicæ occidere conatur. 273

Ipsa supplicio affecto, Iesuitæ in exilium mittuntur. 273

Sectæ Iesuiticæ descriptio. 273

Fœderatos armis ad pacem se cogere velle præfert Cæsar. 275

Ordines a rege Scotiæ ad principis baptismum invitantur. 275

Illorum in regium infantem liberalitas. 276

Elisa-

Elisabethæ invisa : 276. quæ  
debiti ab Ordinibus portionem  
exigit. 277  
Cimacensis Cameracum obli-  
det. 277  
Galliarum rex Hænovios &  
Atrebaies hortatur proturbare  
Hispanum militem. 278  
Illum undiq; armis contra per-  
sequendum edicit Philippus. 278  
Bellum in Luxemburgum Gal-  
lo conferre placet. 279  
Philippus Nassavius Gallo in  
auxilium mittitur. 279  
Nova iterum regii militis sed-  
itio. 280  
Ingens & longum per Bata-  
viam gelu. 281  
Cum seditiosis Fœderati indu-  
cias faciunt. 281. Princeps il-  
los machinis & equite instruit.  
Ernesto omnia pollicenti fidem  
non habent. 283  
Angli Fernambucum diri-  
piunt. 283  
Magna ex eluvione Batavis  
damna. 284

L I B E R IV.

Anno 1595.

Ernestus concilium Bruxellam  
advocat. 286  
Arschotii generosa in concilio  
oratio : 286. multo procerum  
assenſu audita. 288  
Arschotius Regi semper fidus,  
Hispanis tamen infestus. 288  
Aucti Belgarum in Hispanos  
odii causæ. 288  
Taxi calliditas. 289  
Ernestus Regem consulendum  
censet. 289  
Bullionius interim omnia va-  
stat. 289. Heraugerius astu Ho-  
jam capit. 290. Bojoarus, ea ab  
Ordinibus frustra repetita, in  
obsidium tendit, oppidum capit,  
arcem oppugnat ; 291. quæ de-  
ditur. 292  
Henricus Bullionium cum ex-  
ercitu Burgundiam ingredi ju-  
bet. 293  
Velasus Burgundiæ succur-  
rit. 293  
Ernestus inter hæc moritur. 294

Penes Senatum regimen, cuius  
præſes Fontanus : hunc Belgæ  
invite ferunt. 294  
Mansfeldius in Pannonias  
contra Turcam missus morbo  
abſumitur. 295  
Arschotius Venetias exulatum  
abit. 295  
Belgæ amore pacis flagrant.  
295  
Haureii super ea ad Male-  
ræum literæ : 295. Maleræ re-  
sponſio. 296  
Procerum Belgarum nomine  
ad Principem legati veniunt :  
illorum ad Principem verba. 296  
Ejus responſum. 297  
Legati re infecta dimittuntur :  
principis responſum varie exci-  
pitur. 298  
Hostium mitiores pacem desi-  
derant : 298. quidam inducias  
volunt : quas & Lipsius suadet.  
300  
Hohenloji, & Solmenſis nu-  
ptiæ. 301  
Turbæ propter Cliviæ & In-  
liaci principatum : Brandebur-  
gicus & Neoburgicus competi-  
tores : 301. qui liberato duce  
uxorem custodię mancipant. 302  
Svartenburgicus contra il-  
los militem conscribit. 302  
Brandenburgicus Fœderato-  
rum amicitiam ambit. 302  
Petita auxilia Ordines diffe-  
runt. 303  
Emdæ quoque turbatur ; ejus  
ſitus. 303  
Frisiorum orientalium mores  
& regimen. 303  
Grethana domus jurisdicti-  
onem usu suam facit : 303. Vld-  
ricus Frisiæ ab Imperatore crea-  
tur comes ; Groningæ principa-  
tum tenet ; ab Austriacis traus  
Amasium rejicitur. 304  
Emda magna sumit incremen-  
ta. 304  
Turbarum Emdanarum rela-  
tio. 305  
Comitis & diffidentium Emda-  
norum ad Ordines legatio. 306  
Virisque pax commendatur.  
306  
Ordines Emdanis auxilia mit-  
tunt :



Albertus Hulstium oppugnare  
statuit. 346

Ejus situs & munimenta, 346.  
Alberto obsidium dissuadent:  
persuadet Barlota. 347

Exiguæ tum Fœderatorum co-  
piae. 348

Barlota in Hulstium ducit: Ba-  
tavorum indigentia transitum  
habet: Noctu cum illis vario  
Marte pignat: 348. loca edita  
aggeresque subito occupat. 349

Albertus & Mauritius accu-  
runt. 349

Hic frustra laborat recupera-  
re inessat. 349

Zelandorum apud socios ob-  
testatio. 349

Novi Fœderatorum per An-  
gliam delectus. 350

Obsidii Hulstensis Historia.  
350

Ronæus occiditur. 352

Hulstium Alberto deditur. 358

Cujus jacturam Fœderati gra-  
viter ferunt. 358

Atrox in Solmensem rumor:  
358. a Zelandis præfectura de-  
moveretur: novam ab Ordinibus  
cohortem accipit. 359

Albertus magno plausu exci-  
pitur. 359

Mendosæ ad imperatorem mis-  
si postulata. 359

Hispani in Clivios & Iulia-  
cum spes faciunt. 359

Imperatoris legatos de pace  
acturos Ordines non admittunt.  
360

Elisabetha interim classem in  
Hispanum mittit, Essexii & Ho-  
vvardi ductu. 361

Batavi imperante Warmondo  
vigintiquatuor naves Anglis ad-  
jungunt. 362

Ad Gades classis convenire  
jubetur. 363

Urbis situs. 363

Classis Hispanica ingens apud  
Gades. 363

Hanc sine mora impellendam  
consenti. Essexio resistit Hovvar-  
dus: quo favens occasio amissa.  
364

Classis Hispanicæ expugna-  
tio. 364

Qua terris Philippus undi-  
que subsidia petit. 365

Angli & Batavi Gades irrum-  
punt. 365

Navium oppidique pactam  
redemptionem improbat Med-  
nifidens. 366

Oppidum diripitur. 366

Americanaq; classis ab ipsis Hi-  
spanis excuritur. 366

Essexio reinuendam victoriam  
momenti iterum resistit Hovvar-  
dus: 366. cui neque Warmon-  
dus aditur. 367

Inensis Gadibus victores vela  
faciunt. 367

Warmondo Regina gratias a-  
git. 367

Opes Hispanicæ magnopere  
afflictæ. 367

Vestigalia fœderatoribus op-  
pignerata contra fidem Philip-  
pi vinculo eripit: 368. fidem  
reficere necesse habens reddit.  
369

Novum apud Batavos institu-  
tum vestigal a civibus non  
admittitur. 369

Frisii propter tributa inter se  
discordes. 369

Elisabetha cum Gallo de fœ-  
dere agit. 370

Promissa Fœderatis ab Henri-  
co auxilia non mittuntur. 370

Multum quoque illis negotij  
cum Elisabetha æs suum in tem-  
petivus repetente. 370

Fœderis inter Henricum & E-  
lisabetham leges: 373. in quas  
utrinque juratur: quod & Ordi-  
nes faciunt. 374

Propria inter Henricum & Or-  
dines pacta. 374

Fœderati cohortium loco Hen-  
rico pecuniam mittunt. 376

Gallorum in Anglos suspi-  
cio. 376

Gallos offendit Anglorum po-  
stulatio. 377

Academix Lugduno-Batavæ  
descriptio: Donellius: 377. Lip-  
sius: Scaliger: Raphelengius:  
Vulcanius: Franciscus Junius:  
Adrianus Junius: Aldegondius:  
Clusius: Janus Doufa Academix  
Curator. 378

Fœde-

Foederatorum ad Danum legatio. 379

Auxilia contra Hispanum non impetrantur. 379

Taxis legatus Hispanicus minus comiter à Dano excipitur. 380

Bironius in Atrebatibus missus cæsis quatuordecim turmis Varembonium aliosque capit: Atrebatibus & Flandriis magnam infert vastitatem: Cimacensem quoque in fugam agit. 380

Germanorum militum sub Archiduce seditio. 381

Womis Veram proditurus capite plectitur. 381

Foederati frumentum in Hispaniam ferri vetant. 381

Ingens a Philippo classis mari contra Angliam infelici iterum eventu immittitur. 382

Batavi apud Neoportum duas naves exurunt: negotiationis ergo ad loca diffita navigant. 382

Navigationis tertium a Batavis versus Septentrionem institutæ mirabilis Historia. 383

## L I B E R V I.

Anno 1597.

Mauritius quatuor millia Hispanorum peditum, & quinque turmas ad Turnholtum cædit. 388

Magna Alberti propterea anxietas. 394

Portocarrera astu militari Ambianum capit. 395

Albertus misso rei bene gestæ ad Philippum nuntio, urbem retinendam monet. 396

Ambianum Henricus obsidet: Atrebatum urbem aliaque frustra tentat. 396

Hispanis quoque spes irrita in Gravevartam & Stenovicum. 396

Haud feliciore eventu Venloam Mauritius adoritur. 397

Hellius occumbit. 397

Mauritianus eques funditur. 398

Discordiæ inter Groningam

civitatem & agrorum habitatores. 398

Datis ab Ordinibus iudicibus sopiuntur. 399

Hollandorum cum Zelandis de vestigali contentio; 399

Componitur. 400

Regis Poloniæ ad Ordines legati ferox & ingratus sermo. 400

Ordinum modesta pariter ac generosa responsio. 401

Mittenda ab imperatore aliisque Germaniæ principibus ad Ordines legatio excusatur. 401

Missi a Dano legati quoque de pace apud Ordines agunt. 402

Dano repudiatur pacis rationes accurate reddunt. 402

Anna Hovia dissensionis circa Romanam religionem suspecta viva Bruxellæ sub terram defoditur. 404

Foederati incursum in Germanorum agros excusant. 405

Regum Poloniæ & Daniæ Legatis commercia cum Hispanis negat Elisabetha. 406

Concedunt Batavi. 406

Expeditionis Essexii maritimæ infelix exitus. 406

Gravior infelicitis iterum Padiliæ casus. 408

Præfectura demovetur. 409

Primæ Hollandorum naves ab India redeunt: Harum de India ejusque populis relationes. 409

Batavi piper aliaque a Venetis & Lusitanis antea haberi solita ex India petunt. 409

Portocarrera Ambianum defendens occiditur. 410

Frustra Ambianos obsidio liberatum proficiscitur Archidux. 410. Henrico se dedunt. 411

Albertus Ostendæ exitus obsepit. 411

Transisalanis præfidiis Hispanos excutere aggrediuntur Foederati. 411

Henricus Fridericus Mauritium comitatur. 412

Capta Alpa Bercam obsident. 412

Ludovicus Nassavius globo vulæ.

vulneratus.	413	heidam vadis adhærens capi-	434
Berca deditur.	414	Wouda frustra tentatur.	435
Agrippinensis pontifex oppi-		Discordiaz inter Germanos &	
dum reposcit : Ordinum respon-	414	Anglos origo.	436
sio.		Angli Germania, Germani An-	
Mutilianam Foederati solo æ-	415	glia exire jubentur.	438
quant.		Germani Middelburgi confi-	
Ad Neoburgicum & Brau-	415	dent.	438
denburgicum scribunt.		Batavi alienis malis fruuntur :	
Mursam Mauritius capit.	416	navigatus latus spargunt.	439
Herembergensis partem Frisiz		Mucronis infelix audacia.	440
popularur.	417	Batavorum suo in Oceano	
Batavorum exercitus Rhenum		damna.	442
transit ; 417. Grollam obsidet.	418	Trajecti propter nova tributa	
Grollæ deditio.	419	ortæ turbæ sopiuntur.	442
Bresfurti obsidium & expugna-		Philippus classem Caletum	
tio.	419	ablegat.	443
Othmarso, Oldensalia, aliis-		Naves Hispanicæ duæ in Beta-	
que oppidis potitur Mauritius.	423	vorum potestatem veniunt.	444
Lingam obsidet.	423	Archidux militum seditionem	
Linga deditur.	425	Graviz discutit.	444
Magnis Patrum plebisque stu-		Ordines legatos in Galliam &	
diis redux Mauritius excipitur ;	426	Angliam mittunt.	444
Clandestinas sororis Æmiliz		Batavorum ad Elisabetham pro-	
nuptias ægre fert.	426	belli continuatione oratio.	445
Magna Hispani militis fedi-		Effexius cum Batavis bellum	
tio.	427	probat : improbat Burgleius.	450
Philippus in pacem procli-		Elisabetha cum temperamento	
vis : 427, a Gallo incipit.	428	respondet.	451
Inter Henricum & Philippum		Primores Angli in Batavos ini-	
de pace agitur.	429	quutores.	451
Henricus Elisabethæ demon-		Cæcilius & Wilkesius in Gal-	
strat pacem sibi esse necessa-	429	liam mittuntur.	451
riam.		Gabrielis Eitrazæ Henrici pel-	
Idem misso Buzanvalio apud	430	lex pacis illi autor creditur.	452
Ordines facit.		Legati Batavorum ad Henri-	
Qui & ipsi a Philippo teutan-	431	cum veniunt.	452
zur.		Oldeubarneveldius illi pacem	
Alberto filiam Philippus de-	431	dissuadet ; at frustra.	453
spondet. Dos illi Burgundia cum		Henrici erga Foederatos libe-	
Belgica.	431	ralitas.	454
Foederatis omnia suspecta.	431	Batavorum apud Elisabetham	
Belgarum Hispanienfium ad		simulatio.	454
Philippi literas responsum.	431	Verbini inter Gallum & Hi-	

## L I B E R V.

Anno 1598.

Ordines commercia cum Hi-  
spanis vetant. 433. Mauritium  
& Wilhelmum præmiis hone-  
stant. 434

Balæna 70 pedum apud Berk-

tham ad pacem hortatur. 456  
Scotiz rex Anglicanam hæ-  
reditatem sibi palam addici po-  
stulat. 457  
Burgleius moribundus Elisabe-  
tham ad pacem hortatur. 457  
Noyum



Novum inter Anglos & Batavos foedus. 458

Causæ legesque paſtorum quibus Philippus Iſabellæ imperium Belgicæ tranſcripſit. 459

Varii diſcordesque ſuper Belgicæ tranſcriptione ſermones. 461

Albertum Iſabella ſuo nomine poſſeſſionem capere jubet. 463

Albertus per literas Foederatos ad pacem hortatur. 464

Idem facit Philippus Arauſionenſis, aliique. 464

Foederati magis indureſcunt. 465

Petri Dantiſſi miſſi in Mautitium percuſſoris ſupplicium. 465

Militis Hiſpani ſeditio. 466

Albertus ad Moſam convenire exercitum imperante Mendofa jubet: Eccleſiaſticis dignitatibus ſe abdicat. 463

Fanum Hallenſe. 469

Albertus in Hiſpaniam proſciſceus Andream Auſtriacum in Belgica Præſectum relinquit. 469

Albertus de morte Philippi ſit certior: ejus relatio. 470

Philippi ingenium, & de eo hominum judicia. 471

Margareta Philippo tertio per Italiam comitante Alberto nxor ducitur. 473

Nuptiali foedere Clemens Peratæ Philippum Margaritæ, Albertum Iſabellæ ſolemniter connectit. 474

Comitis Edſardi novæ in Friſia Orientali turbæ, ſuccellu carent. 475

Præſtorum præſectus Friſiis Orientalibus contra Comitum ſubſidium mittit. 476

Comitis querelæ. 476

Diſſidia Aquarumgrani longius proceſſa in damnum Reſormatorum exeunt. 477

Mendofa in Clivios & Iuliaſenſes exercitum ducit. 479

Maximæ tunc Regiſ copię. 480

Fridericus Herenbergienſis, ſecundus a Mendofa exercitus dux. 480

Barlota Batavorum naves Bercam fugat. 480

Nationum, Rhenum proxime Batavos obſidentium, deſcriptio. 481

Mendofa Orſæum & Mulhemum muniri jubet: Magnum terrorem Foederati intert. 485

Princeps obviam it. 487

In gratiam amitæ, Herenbergam aliaque loca demptis munimentis paci tradit. 487

Cum exercitu Geldricam inſulam occupat. 487

Copiæ Principis multo hoſtilibus minores. 488

Novo copiarum adventu Hiſpani accreſcunt; 488. agros diripiunt; in ſe invicem & in duces arma vertunt: ipſi quoque duces diſſident. 489

Sibyllæ Cliviæ hortatu undique in Hiſpanum auxilia conciuntur. 490

Germaniæ in decem pagos diſviſo. 491

Maſſitio gratiæ aguntur, quod minimo ſuitimorum damno bellum gereret. 492

Foederati Germanos in Hiſpanos incitant. 492

Magna Hiſpani militis fames, & crebra diſſugia. 493

Bercam Mendofa obſidet. 493

Bercæ peſtilentia exoritur. 494

Tres centurias tuendæ inſulæ Princeps mittit: unde ab hoſtibus depulſæ Bercam ingrediuntur. 495

Mendofa aliquot Cliviæ opida præſidiis occupat. 496

Hiſpani impetum in propugnaculum facientes a deſenſoribus fortiter repelluntur. 496

Bercæ deditio. 497

Comes Falcoſteinus contra fidem datam trucidatur. 498

Vefalienſes præbito Mendofæ frumento ſtipendioque Romanos ritus admittere coguntur. 500

Mendofa trans Rhenum ducit: Reſæ & Emmerico præſidia imponit: 500. Iſalburgum civium cæde irrumptit. 501

Maſſitiani, Rheini aggerem inci-

incidere aggressi ab Hispanis fugantur. 502  
 Sevenariam aliaque loco Mauri-  
 tium occupat. 502  
 Maurium hosti aditum in  
 Westfaliam obstruunt apud  
 Dossburgum castra metantur. 503  
 Mendosa Doticorum expu-  
 gnant. 504  
 Hispani fame ac morbis ma-  
 gnopere imminuti in Germania  
 hyemandi consilium capiunt. 504  
 Sculenburgum abeuntes ca-  
 piunt. 505  
 Mauritius Arnhemum belli  
 paratus in annum sequentem  
 contrahit. 505  
 Emmericum hostili praesidio  
 liberatum cum Sevenaria sibi  
 permittitur. 505  
 Clara per Belgicam funera :  
 Comitis Culemburgici, Philip-  
 pi Aldegondii, Elberti Leoni-  
 ni. 506  
 Hispani magnis flagitiis Ger-  
 maniam exercent. 506

L I B E R VIII.

Anno 1599.

Mendosa Calcarem & Gogam  
 irrumpit. 510  
 Velalenses frustra dehortan-  
 tibus Foederatis iussu Mendosae  
 Romana sacra restitunt. 511  
 Digresso Hispanorum exercitu  
 mores & libertatem recipiunt. 511  
 Mendosa coenantes in se Rhe-  
 ni accolae distrahere studet. 512  
 Hispanorum apud illos defen-  
 so. 512  
 Foederati sparsis defensionibus  
 se Germanis purgant. 514  
 Belli in Hispanos consilia tat-  
 de apud Germanos procedunt. 515  
 Palatinus, Hessus, Brunovix  
 manurandae expeditionis autho-  
 res : 515. Hessus & Brunovix  
 de summo belli imperio contem-  
 dunt. 516  
 Westfalici pagi praeses dux  
 belli renuntiatur. 516  
 Mauritianus miles necatos so-

cios caede & rapinis pensat. 516  
 Emmericum iterum Hispanis  
 deditur. 516  
 Ludovicus Nassavius Bo-  
 quoium capit : aliaque hand ma-  
 gni momenti Foederatis prospere  
 cedunt. 517  
 Exercitus regius utraque Rhe-  
 ni ripa descendit. 517  
 Gravevartae expugnationi  
 insulae Bommeliae Andreae prae-  
 ferrur irruptio. 518  
 Mauritiu inquietudo ejus cau-  
 sa. 518  
 Coepis hostilibus obviam itur-  
 us iterum cum exercitu Geldri-  
 ca insula sedet : Gravevartam  
 munit. 518  
 Machinarum ictibus hostium  
 plurimi discerpuntur. 519  
 Mauritius monitus ut Bomme-  
 lae caveret, tutius judicat mae-  
 re ubi erat. 519  
 Mosyahaliae situs. 519  
 Urbis insulaeque Bommeliae  
 descriptio. 520  
 Vahalae Mosaeque varii ex-  
 cursus. 520  
 Barlota & Stanleius in Bom-  
 meliensium insulam penetrant. 521  
 Princeps Bommelaan ingressus  
 civibus animos restituit. 521  
 Egregia eo tempore tuendi  
 urbes contra obsessores inventa  
 ratio. 521  
 Cr. picordium Hispani in po-  
 testatem accipiunt. 522  
 Batavi contra validos hostium  
 conatus opes viresque inten-  
 dunt. 522  
 Ducentissimam ex censu colli-  
 gendi difficultas. 522  
 Lauovius frustra intercedente  
 Philippo Foederatis in Gallia  
 militem contribuit. 523  
 Mauritiu prudentia. 523  
 Ernestus in Tilannum agrum  
 Mendosae transitu prohibet. 524  
 Mauritius Vorenam incassum  
 obtinente Sapena castello mu-  
 nit. 524  
 Castellum Andreanum moli-  
 litur Hispanus. 525  
 Worchemum Barlota frustra  
 tentat. 525

Comite

Comite Lippio duce Germani in Hispanum exercitum ducunt : Castellum ad Bercam irrumpunt : 526. Resam tendunt irrito eventu. 527

Wilhelmus Nassavius Doticomum in potestatem redigit. 528

Resæ obsidium turpiter Germani deserunt. 528

Mauritius Andreano castello munimenta opponit. 529

Commercia Hispaniæ Flandriæque Fœderatis interdiciuntur. 530

Fœderati contra vetant ne quis ullas merces ad hostes ferat : 531

Paratam animose classem duce Petro Doufa mari immittunt. 531

Classis Hispanica ad Corunnam prælium detrectat. 532

Fœderatorum classis insulas fortunatas aggreditur : 532. illarum descriptio. 533

Cauariæ arcem Batava classis subiit. 533

Excesum Batavorum frustra impedire conantur insulani. 534

Doufa vulneratur. 534

Arx deditur. 534

Pars Batavorum insidiis Barbarorum opprimitur : incenso oppido arcibusque discedunt. 534

Parte navium remissa Doufa cum cæteris Brasiliam petit. 535

Insulæ Thomæ, reficiendis Doufæ copiis delectæ, descriptio. 535

Pavoasa oppidum ejusque arx Doufæ deduntur. 536

Insulani oppidum incendunt. 536

Pestilenti morbo Batavi corripuntur. 536

Doufa moritur. 537

Abeuntes Batavos loci virus persequitur. hi reditum properant : 537. plurimis extinctis domum veniunt. 533

Philippi classis vi ventorum cum damno Tercera depellitur. 539

Fridericus Spinola sex naves

longas Philippo in Belgicam adducit : 539

Quæ Clusam se recipiunt ; 539. longe terrorem spargunt ; Fœderatorum naves bellicas adortæ perfodiuntur. 540

Albertus sacroto ense a Pontifice auctus cum Isabella in Belgicam redit : omnia confusa invenit. 540

Belgæ Archiducum moribus & habitu offenduntur. 541

In nomen ducum & comitum solemniter accipiuntur. 541

Fœderatorum res arctæ. 541

Elisæus, re in Hibernia infelicitate administrata, injussus in Angliam rediens custodiæ traditur. 542

Anglis pace opus esse Elisabethæ Fœderatis significat. 542

Pacis ab imperatore missos suaditores non admittunt. 543

Hollandos capitationem ex censu duplicantes socii tarde sequuntur. 543

Germani principes auxilia offerunt. 543

Sueciæ regi, societatem Ordinum ambienti, offertur amicitia. 544

## L I B E R I X.

Anno 1600.

Viriusque Belgicæ flams. 545 Ludovicus Nassavius Wachtendoncam irrumpit. 545

Pugna inter Breautæum & Grobbendotkianos ; 546. Breautæus a suis derelictus fœde trucidatur. 547

Mauritius Crepicordium expugnat, equites hostium quingentos cædit. 547

Andreanum obsidet. 547

Obsessi acceptis cxxv florenorum millibus arcem dedunt, & in Fœderatorum partes transgrediuntur. 549

Groningæ civitatis rebellis pertinacia jussu Fœderatorum a Wilhelmo in ordinem redigitur. 550

Turbas super tributo inter Frisios ortas idem componit. 551

Bono-

Bononiæ inter Anglam & Archiducem de pace acturi utriusque legati re infecta discedunt. 551

Legati a Cæsare loca & damna Germanici soli ab Ordinibus reddi petunt : horum responsio. 552

Fœderatorum ad Ordines Alberto parentes literæ. 552

Expeditionis Flandricæ relatio. 553

Albertus intellectu Principis in Flandriam adventu copias undique contrahit. 556

Isabella seditiosos milites ne se deserant precibus ac promissis obtestatur. 556

Adventus Archiducis Mauritians terrore percellit. 557

Snaskerkæ præsidium ab Hispanis trucidatur. 557

Magnum exercitus Batavorum discrimen. 557

Ernestus, ad hosti iter præcludendum missus, ostingentis amissis fugere cogitur. 558

Mauritiani exercitus ordiuatio : solvere naves Princeps jubet. 559

Hostilis exercitus instructio. 560

Duces Hispani militem ad pugnam hortantur. 561. idem faciunt Fœderati. 562

Principis ad Henricum fratrem & cæteros hortamenta. 562

Proelii initium. 563

Albertus acie excedit. 569

Mauritius victoria potitur. 569

Cæsorum numerus. 570

Mendosa captivus : Sapena ex vulnere occidit. 570

Legatorum Ordinum durante prælio sollicitudo. 570

Aulici inter Proceres, Principem, ac plebem odia serunt. 571

Princeps ad Neoporti obsidium reversus abducit exercitum : 571. frustra quoque Isabella castellum tentat. 572

Barlota occiditur. 572

Mauritius Ostenda vela facit. 572

Albertus parentium sibi Bel-

garum conventum agit : ejus ad ad impetrandas pecunias verba. 572. Ordinum responsio. 573

Legati Archiducis Berg's ad Zomam cum Fœderatis de pace agunt. 573

Fœderati pacem, nisi Hispani omni abrogata authoritate, ejusque externis militibus, fieri posse negant. 574

Ordines Belgici, desperata cum Fœderatis pace, nova vexitigia reperiunt : 574. Regis literis offenduntur. 575

Dunkerkanii in Fœderatorum piscatores sæviunt : capti pœnas dant. 575

Navis longa Dordrechtii struitur. 575

Batavi sub ipsis Antverpiæ moenibus hostium naves rapiunt. 576

Bellum inter Gallum & Sabaudum : 576. cito in pacem desinit. 577

Henricus, repudiata Margarita Valefia, Mariam Medicæam ducit conjugem. 577

## L I B E R X.

Anno 1601.

Cloetius arcem Cracoviam expugnat. 579

Hispani pariter ac Batavi vicinis pecuniam extorquent. 579

In Dunkerkanos Fœderati animadvertuntur. 579

Flissingæ frustra insidiæ struntur. 580

Milius Alberti seditio. 580

Fœderati Flandricam expeditionem iterum agitant. 580

Mauritius Bercam obsidet. 581

Berca deditur : 582. & Morfa. 583

Ostendæ descriptio. 583

Albertus Ostendam obsidet. 585

Verins oppido præficitur. 585

Obsidii historia. 585

Fœderati interim Silvamducis frustra obsident. 588

Essexij miserabilis in Anglia exitus. 592

Hispanus Aquila incassum Hibernis rebellantibus auxilium fert. 593

Oliverii Nortii navigatio. 593

L I B E R X I.

Anno 1602.

Obsidii Ostendani continuatio. 595

Verio Dorpius succedit. 598

Mendosæ libertate redimuntur omnes e Foederatis captivi. 599

Magnus Foederatis scribitur exercitus. 600

Mauritius in hostem ducit. 600

Mendosa & Spinola ei obviam eunt. 601

Oblitum prælium Hispani detrectant. 601

Mauritius Graviam obsidet. 602

Mendosa intra Graviam & Mauritium castra metatur. 603

Gravia deditur. 604

Hispani militis seditio. 604

Alberti in seditiones edictum spernitur. 604

Mendosa in Hispaniam abit. 606

Batavi octo turmas hostiles circumveniunt. 606

Spinolæ naves ab Anglis Batavisque comburuntur. 607

Commercia Batavorum per Indiam crescunt. 608

Ad illa impedienda cum classe mittitur Hurado. 608

Quam Batavi captis duabus navibus fugant. 609

Lustani Achemi regem in Batavorum necem impellunt. 609

Rex Achemi legatos ad Batavos mittit : legatorum princeps in Zelandia moritur. 610

Rex Ternatæ alique Indi in Foederatorum partes transeunt. 611

Batavi Lusitanorum Caracæ capiunt. 611

Societatis Indiæ Orientalis apud Foederatos initium. 612

Bironii perduellionis rei supplicium. 613

Novi in Frisâ Orientali morantur. 614

L I B E R X I I.

Anno 1603.

Elisabetha moritur. 615

Diversi de Elisabetha hominum sermones. 615

Iacobus Scotiæ rex Angliæ possessionem init. 618

Foederatorum legati illi gratulantur. 619

Iacobus in pacē proclivis. 620

Tirono veniam dat : Puritanorum ac Romanensium preces rejicit. 621

Romanenses irritō conatu regii sanguinis virginem in regnum evehere student. 622

Foederati Transasianorum lites componunt. 623

Legati imperatoris apud Ordines querela. 624

Horum modesta responsio. 624

Hispanus Wachendoncam capit amittitque. 625

Quinq; cohortes Manritianorum Grobbendoncus fugat. 625

Fridericus Spinola navali proelio a Foederatis cæditur. 626

Fridericus Herenbergensis Hochstratam in seditiones mittitur : Mauritius ipsi succurrit. 627

Herebergenensis prælium detrectans Herentaliam recedit. 628

Mauritius Sylvanducis iterum tentat. 629

Herebergenensis urbi succurrit. 629

Mauritius bis mille hostes cædit. 630

Archiducis in captivos sævitiam pari modo viudat. 630

A Mauritio structum munimentum frustra aggreditur Albertus. 631

Seditiosis Gravia hospitium tribuitur. 632

Obsidium circa Ostendam interim fervet. 633

Dorpio præfesto Notius succedit. 633

Ambrosio Spinolæ summum jus in castra ad Ostendam traditur : 633. ejus in promovendo obsidio diligentia. 634

Ob-

Obsessorum virtus. 634  
 Apertum in Hispania Foederatis iterum commercium vestigia corrumpunt. 635  
 Simulata clementia Archiduci haud feliciter cedit. 635  
 Foederati in Orientem & Occidentem classes mittunt. 636

L I B E R XIII.

Anno 1604.

Bassiniacus, iussu Alberti cum Ordinibus de pace acturus, non admittitur. 637  
 Imperatoris de pace ad Ordines literæ: 637. Ordinum responsio. 638  
 Seditiosorum in Germanos insolentia. 638  
 Princeps in Flandriam exercitum transvehit: ejus error. 639  
 Mauritius aliquot castella occupat: Ardenburgum munit. 640  
 Foederati Clusam obsident. 640  
 Velascus in Mauritium egressus funditur. 641  
 Albertus seditiosos sibi reconciliat. 643  
 Spinola Clusæ frustra subvenit. 643  
 Mauritius Clusæ positur. 644  
 Marketa interim Ostendam defendit. 644  
 Ostenda Spinolæ deditur. 646  
 Philippus & Albertus legatos in Angliam mittunt. 647  
 Pax inter Philippum & Angliæ regem: ejus leges. 647  
 Jacobo Britannos Scalde Antverpiam subvehi non permittunt Foederati. 648  
 Iesui in Galliam reducuntur. 649  
 Interagui filix res novas in Gallia molisæ ab Henrico ignoscitur. 649  
 Mansfeldius moritur. 650  
 Ludovicus Nassavius occumbit. 650

L I B E R XIV.

Anno 1605.

Vari de pace inter Archiduces & Foederatos sermones. 651  
 Imperatoris legato pacem urgenti generose respondent Foederati. 653  
 Bellum interim utrinque prosperatur. 654  
 Spinola aureo vellere donatur. 655  
 Foederati irrito eventu Antverpiæ obsidium aggrediuntur. 655  
 Mauritius Woudam capit. 656  
 Mauritium in Flandria locantem castra asequitur Spinola. 657  
 Foederatorum castra desolantur. 657  
 Militum ex Hispania mari adventantium partem alteram Foederati capiunt merguntque. 658  
 Duvernenses in Batavos iniquotes. 659  
 Spinolæ ad finem celerius bello imponendum consilium. 660  
 Buquoins ad Cæsaris vartam castella ponit. 660  
 Henricus Arausionensis in Buquoium cum Ernesto milibus Bericam munit. 661  
 Spinola Buquoii copias petit, 661. in Lingam ducit. 662  
 Oldensalum in potestatem accipit: Lingam obndet; 664. quæ deditur. 665  
 Mauritius sero in solvendum obsidium accingitur. 665  
 Cobbinus præfectus festinæ deditionis reus in carcerem compingitur. 665  
 Spinola novis operibus Lingam munit. 666  
 Mauritius laborantia loca præfidiis munit. 666  
 Archidux Turricurtio & Terralia rectoribus, irrito eventubis Bergas ad Zomam tentat. 667  
 Frustra quoque Grobbendoncus Graviam aggreditur. 669  
 Spinola utraque Rheni ripa castellum locat. 669  
 Auct.

Auxiliis auctus Buquoium in  
Wachtendoncæ obsidium mit-  
tit. 669

Spinolæ castra adorti Mauri-  
tiaui pavore proprio impediun-  
tur, quominus ingenti possantur  
victoria. 670

Omarvilla occiditur : cadit &  
Trivultius. 672

Buquoio Wachtendonca de-  
ditur. 673

Geldram invito eventu Prin-  
ceps tentat. 673

Cracoviam Buquoius capit.  
673

Herenbergenfis Clusæ immi-  
nens struit castellum. 673

Grobendonci turma cædi-  
tur. 673

Navium Dunkercanarum præ-  
cipua a Foederaris expugnantur.  
674

Wartius dolo regis Candia in  
India trucidatur. 674

Philippus verat nequis exter-  
nus ad Indos naviget. 675

Maelisius cum duodecim na-  
vibus Indiam petit. 675

Reformatorum in urbe Aqua-  
rumarani persecutio. 675

Hispanus per legatum Henri-  
co in Gallia dolos struit: Henrici  
in legatum indignatio. 676

Anglicanæ conjurationis re-  
latio. 677

## L I B E R . X V .

Anno 1606.

Spinola a Philippo ægre mili-  
tibus suis stipendia obliet. 680

Foederati contenti fines tue-  
ri. 680

Orum inter Henricum & Bu-  
lionium bellum sopitur. 680

Turbæ inter Brunovicenses &  
illorum ducem componuntur.  
682

Iacobus novum a suis sacra-  
mentum exigit. 683

Magnæ inter Pontificem &  
Venetos turbæ. 683

Veneti Iesuitas ejiciunt. 684

Batavi classem in Hispanum  
mittunt, 684. imperante Hau-  
tatio : 684

Qui domum prædaram hand  
egenus redit. 685

Captum a Terralia Bræfurtum  
Henricus princeps iterum ad de-  
ditionem cogit. 685

Successum hand feliciore Clusa  
Terraliæ tentatur. 687

Buquoius cum exercitu in a-  
grum Batavum transire jube-  
tur. 689

Ipse Spinola Frisæ Velaviæ-  
que intentus. 689

Mauritius præcipua urbem  
contra Spinolam munit. 690

Huic se dedit Lochemum. 690

Iu. inianus militem Vahali  
traducere a Duboisio prohibe-  
tur. 690

Mauritius contra imminentem  
hostem ingentia spacia munimen-  
tis obducit. 691

Spinola tentato frustra Svol-  
læ obsidio sibi Grollan, Bu-  
quoio Noviomagum expugnan-  
dum iungit: 692. capta Grol-  
la Bercam obsider. 693

Princeps Henricus auxilia op-  
pido inferi. 694

Subisus alique Gallorum no-  
biles juvenes se sua sponte op-  
pido claudunt. 694

Mauritius Bercæ damno an-  
num extrahere statuit. 695

Berca deditur. 696

Venloa frustra Henrico Prin-  
cipi tentata. 696

Spinolani militis seditio: dan-  
tur illi a Instino Nassavio ali-  
menta; fitque suppetiarum spes.  
697

Lochemum Ernestus Nassa-  
vius subigit. 698

Adventu Spinolæ Princeps  
Grollæ obsidium omittit. 698

Havtani infelix maritima ex-  
peditio. 699

Reineri Nicolai acre facin-  
rus. 700

Paupertas Hispanica Ameri-  
canis navibus sublevatur. 701

Res Foederatorum per Indiam  
Orientalem feliciores. 701

Rerum in India a Batavis ge-  
starum altius repetita descri-  
ptio. 702

Hohenlojus & Iohannes Nas-  
savius

avius obvenit. 708  
 Liphius moritur. 709  
 Borbonia nubit Philippo Ar-  
 ranhionensi. 709  
 Rerum interim per Europam  
 gestarum relatio. 709  
 Lutherianorum ad Philippum  
 pro pace cum Batavis facienda  
 preces. 714. eam quoque Spi-  
 uola suadet. 716  
 Multi Fœderatorum pacem  
 suspectam habent. 716  
 Wittenhorstius jussu Archi-  
 ducum de pace aucturus Hagam  
 advenit: 716. illi comes acce-  
 dit Gevardus. 717  
 Fœderati nullis ab Archidu-  
 cibus acceptis literis rem differ-  
 runt. 717.

## LIBER XVI.

Anno 1607.

Arcem Groningæ impositam  
 Ordines dirunt. 718  
 Hispanus Bommeliensis insulæ  
 moimentum irrumptit: 718.  
 comitem Brukiū infidiis cir-  
 cumventum occidit. 719  
 Henricus Nassavius Erkeleno  
 impetu rapto Henricum Heren-  
 bergensem capit. 719  
 Friderici Herenbergensis in  
 Ardenburgum irrita spes. 719  
 Angli Batavique naves in In-  
 diam mittunt. 720  
 Angli de occupanda Virginia  
 consilia agitant. 720  
 Societatis Indiæ Occidentalis  
 apud Fœderatos initium, & le-  
 ges. 721  
 Libellis pro instituta societa-  
 te apud Fœderatos disseritur. 722  
 Alii illam oppugnant. 723  
 Societati mora injicitur. 725  
 Initium colloquiorum de pa-  
 ce apud Fœderatos invenire ar-  
 duum. 726  
 Princeps persuasum Oldenbar-  
 neveldii illa admittit. 727  
 Legatis Archiducum in con-  
 ventu Fœderatorum pacem ur-  
 gentibus respondetur. 727  
 Franciscus Naia Wittenhor-  
 stio ad promovendam pacem

sufficitur: Edoctus a Principe  
 paci obstantes difficultates I ter-  
 ras ab Archiducibus Ordinibus  
 offert. 728  
 Earum sententia. 728  
 Fœderatorum responsa & po-  
 stulata: illis plene satisfactum  
 iri promittit Naia. 729  
 Ordinum super hac re ad sin-  
 gulas nationes litteræ: 729.  
 suppliciorum indicunt diem. 730  
 Verdufius figoatas ab illis ta-  
 bulas Autverpiam ferens aureo  
 donatur torque. 730  
 Albertus omnia in Fœderatos  
 hostilia vetat: captos libertate  
 donat. 730  
 Verdufius cum Naia Hagam  
 redit. 730  
 Fœderatorum nonnulli a pa-  
 ce sunt alieni. 731  
 Gloriosæ Hemskerki in Hi-  
 spanos marinæ expeditionis  
 relatio. 731  
 Naia interim Hagæ pacem ur-  
 gens classem ex Hispania revo-  
 cari petit: 738. de quo inter  
 Fœderatos dubitatum. 739  
 Henrici ad illos Legati: quo-  
 rum princeps Iapinus. 739  
 Prolatis Regis sui nomine que-  
 relis, ejus tamen operam Fœde-  
 ratis offerunt. 740  
 Qui alios quoque reges ac  
 principes in consilium adhibent. 740  
 Naia Arsenium donis sibi con-  
 cilitare conatur. 741  
 Hic rem Ordinibus pandit. 742  
 Berkins & Maleræns Ordini-  
 um ad Iacobum Legati. 743  
 Ejus nomine Spenserus &  
 Wenvvodus ad Ordines ve-  
 niunt. 743  
 Adveniente Verreikio artes  
 Hispanicæ apparent. 743  
 Multi Fœderatorum se ab Hi-  
 spano illud indignantur. 744  
 Allata ex Hispania chartæ  
 Ordinibus displicent. 745  
 Oldenbarneveldii in Verrei-  
 kium exprobratio. 745  
 Naia & Verreikius aliud scrip-  
 tum proferunt. 746  
 Quod ut Ordines accipiant,  
 Naia omni



omni ope n̄tutur. 746  
 Diversa inter Fœderatos studia exardescunt. 747  
 Allatum scriptum illorum expectationi nondum respondet. 747

Se rem totam ad nationum concilium delaturos Legatis significant. 748

Fœderatorum nonnullis periculofum videtur hostis legatos Hagæ ad colloquium admittere. 748

Nihil cum hoste fieri volunt, nisi claris verbis stabilita libertate. 749

Mauritius Zelandique omni colloquio abstinendum suadent, nisi libertatem sancientia verba prius obtinerentur. 749

Fœderati longiorem armorum vacationem Archiducibus offerunt. 649

Solosque Belgas legatos volunt. 750

A quo Archiduces plane sunt averfi. 750

Aliquem extra indigenas legationi adhiberi Batavi permittunt. 750

Dani aliorumque principum ad Fœderatos legati. 751

Imperatoris ad illos literæ. 751

Ordinum responsio. 751

Solum Geldriam ac Trajectum imperii esse feudum probatur. 752

Alberti equites stipendio onustos deprehendunt Batavi. 755

Albertus Fœderatique partem externi militis dimitunt. 756

Ivaræ consilio Dieftiani seditioni contra fidem fines Archiducum excedere jubentur. 756

Bamestram lacum privati aliquot Batavi siccant. 757

Warvix duabus navibus ex India redux. 757

Verhoeven tredecim alias reducit. 757

Ortas inter Emdam ejusque principem turbas Ordines componunt. 757

Sueonum regis ad illos legatio. 758

Brevis rerum alibi per Europam interim gestarum relatio. 759

L I B E R XVII.

Anno 1608.

Legatorum ab hostibus adventum asperum frigus retardat. 760

Fœderati cum favente sibi Gallo novum fœdus faciunt. 761

Quominus simile cum Anglis fiat, pannaria obstat negotiatio. 761

Germanorum ab Ordinibus postulata. 761

Legatorum hostium adventus. 761

Mauritius illis obviam procedit. 762

In senatu quorsum sint missi aperiunt. 762

Delecti qui seorsim cum illis agant. 762

Batavis a difficillimis incipere volentibus Hispanici moras neant. 763

Inducias hi, illi pacem volunt. 764

In Fœderatarum Provinciarum libertatem consentiunt Hispanici. 764

Hispanicorum facilitas suspecta. 765

Postulant ut Indiæ aliisque navigantibus abstineant Batavi. 765

Libellis contra differitur. 765

Fœderati Ind'a decedere nolunt. 768

Delata Hispanicis optio rejicitur. 768

Ordines colloquii exitum festinant. 668

Hispanici obscure summa rerum capita proponunt, Ordines sua aperte. 769

De Europæ commerciiis discussas. 769

Ricardoti obtestatio. 769

Ordinum de India oblata conditiones repudiant Hispanici. 770

Super interno comineatu diffidia. 770

De hisce cum Rege acturus in Hispaniam proficiscitur Naia.	770	nomine responsio.	781
Ordines interim cum Anglis foedus faciunt.	771	Relicta a Ricardoto arcana mandata in vulgus emittuntur.	781
Foederati ab hostium legatis sua expediri petunt.	771	Regnum legati induciarum foedus concipiunt.	782
Iniqua Hispanicorum postulata.	771	Ianini pro induciis in Foederatorum concilio oratio.	782
Ius dicendæ in consilio sententiæ Brabantj foederati frustra repetunt.	771	Inducias & Winvvodus suadet.	785
Super bonorum restitutione nova dissidia.	772.	Magnis animis res inter Foederatos agitur.	785
de aliis quoque minoribus capitibus non conveniunt.	773	Oldenbarneveldius, invidiæ præcipue obnoxius, muneri suo renunciat.	786
Batavorum petitio Hispanicos offendit.	773	Primorum rogatu ad illud reversus omnem Hollandiam aliasque quinque nationes unius facit sententiæ.	786
Ianinus in inducias proclivis.	773	Soli, instigante Mauritio, Zelandi inducias abstant.	786
Artes pacem volentium frustra vitare studet Princeps.	773	In Zelandos Trajectinum Foedus canstantes invenitur Ianinus.	787
Philippi ad Gallum & Britannum legati.	774	Idem Spenserius facit.	787
Legatio Batavis suspecta.	774	Rumor Hispano displicere inducias.	788
Sparsi tumores Ordinum curas onerant.	774	Super quo rogati Archiduces Inicum in Hispaniam ablegant.	789
Hispanici India abstinere, ac Romanensibus a Foederatis publica sacra restitui postulant.	774	Cui inducias omni ope urgenti pondus addit Lermæ dux.	789
Foederati colloquium finendum esse decernunt.	775	Philippus Arausionensis princeps in Bataviam venit.	789
Galliæ & Britannicæ legati illos ad inducias hortantur.	775	Emanueli Lusitano domum Nassaviæ reconciliat.	789
Libelli sine autore contra inducias in vulgus sparguntur.	776	Adolphus Nassavius cæditur.	790
Causæ quibus Foederati ad inducias propendebant.	777	Super aliquot religionis capitibus inter Gomarum & Arminium dissidia.	790
Illibatam libertatem petentibus Hispanici aliam conditionem ferunt.	777	Arminii sententia antiquis Christianorum consentanea.	790
Ordines in decreto persistunt.	778	Primus Augustinus aliter docere cœpit.	791
Magnæ inter illos contentiones.	778	Per Occidentem mulios traxit in consensum.	791
Mauritij de non faciendis induciis ad urbes Hollandiæ literæ.	778	Inter monachorum familias super hac re controversiæ.	791
Dissentiens literarum interpretatio.	779	Lutheri, Melanchthonis, Erasmi opiniones.	791
Lipsii de induciis prodeunt literæ.	780	Calvinus Lutheri sententiam novis præfidiis fulcit.	791
Hispanicorum Ordinibus valedicentium in Ordines exprobratio.	780	Beza aliique sententiæ Calvinii rigorem augent.	792
Oldenbarneveldii Ordinum		Quorum discipuli Ecclesiis inter Foederatos præfecti dissiden-	

ses non tolerant. 792

Vnde diffidia & crebri ad  
Ordines questus. 792

Colloquii Ordinum iussu in-  
ter Gomarum & Armioium in-  
stituta acta silentio premi juben-  
tur. 791, 6

Nova controversiarum mate-  
ria. 791, 6

Marellius re bene gesta in pa-  
triam ex Oriente redux. 792, 6

Indicana societas hostilibus  
quoque pecuniis juvatur. 801

Rerum alibi gestarum brevis  
historia. 801

## LIBER XVIII.

Anno 1609.

Zelandi cæterarum provin-  
ciarum consensui cedunt. 809

Antverpia novo colloquio le-  
gitur locus. 809

Acriter utrimque disceptatur.  
806

Restantia quoque conficiun-  
tur. 809

Archiducum & Ordinum ius-  
su foedus publice recitatur. 812



# C O R R I G E N D A.

Pag.	lin.	
8,	10.	<b>P</b> Artitorque
9,	33.	exhauserant
14,	18.	mittere
17,	24.	fiduciae
18,	26.	Horum ubi
25,	22.	sequius
27,	13.	irrita
28,	2.	fen
29,	8.	Gueufiorum
30,	1.	puniebat
32,	15.	solo
33,	9.	abstineret
—	20.	admissos
34,	19.	utique exhaustis
35,	19.	Flandria
—	21.	Valentinianis
—	29.	exitio
37,	17.	tum
—	29.	Araufionensi
40,	5.	pene
—	16.	ranunculorum
43,	9.	ipsas
44,	8.	ductante
—	14.	Mosæ transitu
—	19.	eunium
47,	22.	virium
48,	1.	profecto
—	22.	circumscripturus
—	12.	potentiae
—	5.	Araufionensem
52,	4.	Montem
—	12.	Ienifius
55,	15.	infessores
57,	3.	onera
—	7.	ibidemque
—	15.	accedeat
61,	10.	præterea
63,	29.	pervaserat
65,	31.	cooptantes
66,	13.	Tusca
—	21.	obsequium exuentes
67,	6.	suspiciosos
68,	35.	aperti
70,	1.	ferentem
—	26.	para:o
71,	12.	paciscendo
72,	9.	potentia
—	14.	mobilissima
—	24.	ira
74,	12.	At Iohannes
—	17.	Gemblinacum
—	17.	cecidit
79,	4.	lati

Pag.	lin.	
80,	3.	Gemblinacum.
83,	2.	ipse
—	25.	l'arma <i>deleatur.</i>
85,	34.	aversari
86,	29.	intra sesquimensem
91,	1.	Valentinianis
—	17.	injuriam
94,	23.	usu
96,	8.	missus
97,	19.	angebatur
99,	1.	hinc
104,	16.	infesta
117,	28.	Rihovius
118,	6.	retardesceret
119,	1.	suam arctissime
121,	20.	Franequera
123,	18.	altriciis
124,	24.	corruptos
126,	25.	in Gallia
128,	31.	firmando
130,	2.	suspectos
131,	9.	eminentes
—	25.	expeditus
132,	13.	suæ auctoribus
135,	11.	nimum
136,	21.	quantacunque
—	31.	quas
139,	32.	lunites
—	34.	Sonoio
143,	33.	Cavendisho
144,	35.	ille
146,	11.	nee
148,	35.	Sonoium
149,	13.	anueui
151,	11.	vicosque
—	23.	nominaut
153,	18.	curæ
157,	31.	gravis
162,	4.	bellare
166,	5.	diditi
168,	3.	asperent
169,	10.	Moncadus
—	32.	pertusa
170,	29.	Brittanniæ
172,	9.	bellicis
—	10, & 21.	pendit
174,	17.	victus
175,	4.	hos
180,	33.	Lanzavechia
182,	14.	vetus
184,	21.	illum
185,	33.	rogatu Episcopi (ad
		Parmentem is ipse venerat.)
	N n 3	Pag.

Pag.	lin.	
188,	6.	Truxius
—	15.	subierat
—	21.	nullo in prælium
190,	12.	inultus
—	18.	abitū
191,	4.	pacati
—	31.	novissent
192,	32.	hic
197,	16.	distantis
199,	31.	vacuis
202,	7.	nuntii
203,	19.	circumfuderant
204,	31.	longo
205,	7.	gregum
—	21.	alæ
206,	25.	indiscretos
207,	17.	in
—	20.	infesta
—	22.	angebant
208,	3.	infectoque
—	31.	Velavus
210,	3.	artem
—	14.	ordiri. Ter
212,	15.	suum
—	19.	purgandæ
—	22.	offudit
213,	16.	ereptus
214,	15.	Quinta
—	28.	metu, ne
216,	2.	incidit
219,	16.	ulterioribus
220,	17.	nova commenta
—	19.	eo jure annexa
221,	8 & 9.	deferemur
—	24.	contemptus
224,	18.	denum
227,	1.	Et dum
—	12.	sui tutela
229,	12.	imitamento
232,	31.	unus inter humida
233,	22.	militibus
234,	17.	repetebat
—	29.	alii
235,	22.	manifesto
240,	17.	larram
241,	5.	excussi sinus
243,	20.	Minui
245,	35.	fastæ
—	ib.	vice
255,	3.	delictis
257,	14.	extincta
—	32.	verba
258,	16.	consilium
259,	33.	Aquægrani
260,	35.	ni

Pag.	lin.	
261,	1.	adactis
—	2.	depulsiſſet
264,	33.	circumjecto
266,	7.	urbis
267,	7.	ictibus
270,	16.	Christianis
272,	1.	teguntur
273,	31.	e
277,	30.	trahebatur
—	31.	uti
278,	33.	externo
—	35.	Bullionium
280,	15.	juſtus
—	ib.	veterani
281,	28.	Cukium
282,	11.	ultra
—	22.	affectu
283,	35.	præda
285,	14.	annua
286,	11.	fidi
287,	6.	incendia
—	7.	domos
—	11.	terga
—	17.	delectantur
—	26.	famem
289,	2.	focius
—	11.	quæ
290,	15.	enifi
292,	1.	obſeſſoris
—	23.	periclitaturum
297,	11.	ultra
298,	35.	mixiores
301,	20.	&
304,	24.	Edſardi alterius
308,	3.	&
309,	14.	tandem
310,	21.	Regis
312,	31.	ſe
318,	24.	& cum
325,	6.	cujus
329,	9.	turbaverunt
331,	4.	extimo
—	7.	Obis
332,	34.	dicemus
340,	6.	eunti
—	8.	paucas
344,	20.	millium
348,	1.	conceſſa
353,	21.	ſpatii
354,	20.	ſcandentis
361,	14.	Reginæ
362,	13.	ex
—	23.	placarent
—	27.	præconio
366,	10.	fortunis

Pag. lin.

- 369, 11. at  
 371, 15. confuesset  
 372, 14. capix  
 376, 10. Merovæum  
 381, 11. Archiducis  
 — 17. Womis  
 383, 10. ætuum  
 — 11. defenderent  
 — 15. herbida  
 — 20. Gronlandiam  
 — 21. existimabant  
 384, 25. puppis  
 392, 3. ante impetum cedit  
 395, 23. subsederant  
 396, 11. pace  
 — 12. retineretur. At tace-  
 batur ea oppida a Francis  
 pignori quondam opposi-  
 ta & redempta, & h quid  
 ultra armis aut necessitate  
 expressum fuerat, armis  
 amissum extinctumque le-  
 gibus. Magnum &c.  
 398, 9. Tam  
 — 11. de  
 401, 28. Germanicæ  
 404, 1. jura  
 409, 6. vere ante tertio  
 — 13. illic  
 410, 19. ter  
 412, 23. Alpa  
 414, 23. plerique  
 416, 35. is  
 417, 16. satietate  
 — 23. judico  
 420, 29. ponderi  
 423, 25. Ordinum  
 — 27. reditum  
 — 28. restabat  
 425, 16. ex  
 426, 2. celebrabant  
 430, 11. Batavis  
 431, 8. Guisio  
 443, 19. Leiva  
 446, 3. nos  
 — 15. incerta  
 452, 4. se  
 453, 1. ducente  
 — 24. de  
 454, 17. quando  
 456, 2. Felta  
 — 22. receptum  
 — 44. firit  
 457, 7. Heffelius  
 458, 13. argueret

Pag. lin.

- 465, 21. sceleribus  
 479, 14. capra  
 481, 22. est ortum nomen  
 482, 8. Vada  
 — 15. Antunnacum  
 — 28. Colonia  
 485, 3. Montis  
 489, 26. vocare  
 490, 4. infima  
 496, 34. ictu  
 505, 16. afflictabant  
 — 32. Mendosa, qui  
 511, 13. Coriolano  
 512, 34. voluisset  
 513, 1. finitimorum  
 — 16. & Philippi  
 519, 30. veteris  
 521, 12. meruit  
 524, 9. atque in parva  
 525, 15. Litam  
 — 25. Colonna  
 535, 6. parrem  
 537, 3. Europa  
 — 29. aliquanta  
 541, 23. dicta  
 543, 16. &  
 548, 8. amnes  
 549, 25. nomine  
 552, 19. hosti  
 556, 19. modestiam  
 558, 1. exquisita  
 563, 25. alter  
 566, 20. turmam  
 576, 12. ac  
 586, 17. locum mirabundi in-  
 spexere  
 587, 33. didisa  
 592, 7. aulamne  
 593, 24. Cavendisso  
 615, 7. Dnboisium  
 621, 32. fide  
 626, 34. æstatem  
 632, 10. fugam  
 634, 1. quæsturæ  
 638, 17. Geldra  
 639, 13. investus  
 640, 32. &  
 641, 21. nitrato referta pulve-  
 re  
 648, 2. pace  
 649, 19. multus  
 652, 28. Austriaca  
 — 31. exemplo  
 655, 29. peri rumor percre-  
 buit

Pag.

Pag.	lin.	
657,	1.	Scaldi
—	16.	alia
660,	11.	fructu
662,	26.	novem pedium
663,	5.	quies
666,	31.	datum laborantia
—	45.	incedit
668,	9.	hostium
671,	15.	ignis
—	25.	alius
672,	24.	it
—	32.	morari
683,	23.	accedunt
685,	33.	illapsus
687,	20.	alios
690,	6.	fluentibus lentum adco
691,	17.	Hactemo
705,	8.	Bolcifo
—	19.	Giloli
709,	31.	aut in armis
716,	9.	otium
717,	35.	acceperunt
719,	7.	heri
721,	7.	scopulos
723,	7.	præ
724,	15.	sibi

Pag.	lin.	
724,	29.	immerfura
725,	2.	favituram, quod hi
725,	30.	salis
731,	10.	nuper <i>deleatur.</i>
735,	29.	animam
—	32.	Verhoevio
738,	13.	Septam
741,	32.	Craulio
742,	14.	domo
—	34.	idem ut victoriæ
749,	19.	exiturum
—	24.	promptiffent
755,	15.	pacta
758,	35.	quis
761,	4.	justa
763,	14.	habuerat
765,	16.	Hic
766,	10.	Malabaras
768,	16.	Illi
770,	25.	aut imperii homines <i>deleatur.</i>
771,	4 & 5.	foedusque
774,	14.	Gironus
775,	12.	tactam
789,	2.	Bruxellenfem
790,	3.	immiffi

F I N I S.

